




8


1-d

61



8-1-d-61.








# TEMPE HELVETICA,

*Dissertationes atque Observationes*  
THEOLOGICAS, PHILOLOGICAS,  
CRITICAS, HISTORICAS,  
EXHIBENS.

Tomi Quarti

*Sectio Prima.*

BIBLIOTÉCA NA-  
TIONAL  
ROMA  
VITTORIO EMANUELE



---

TIGURI,  
EX OFFICINA HEIDEGGERIANA.  
M DCC XXXIX.



# SYNOPSIS

## Sectionis Decimæ Tertiæ

- I. *Job. Georg. ALTMANNI*, Dissertatio de Buccinato-  
re vel Cornicine stationario Hierosolymis a  
Petro in ædibus Pontificis audito. p. 7.
  - II. *Hadr. RELANDI*, Oratio de Galli cantu Hiero-  
solymis audito. p. 35.
  - III. *Sam. KOENIGII*, Disquisitio Philologica: An &  
ubinam de Cruce Christi in V. T. fiat mentio?  
p. 57.
  - IV. *Jac. WOLFII*, Dissertatio de Essentia Animæ  
ejusque Libertate. p. 70.
  - V. *Christ. Matth. PFAFFII*, Dissertatio Historico-Po-  
lemica, de Titulo Patriarchæ Oecumenici, po-  
mo eridos inter Græcam & Latinam Ecclesias.  
p. 99.
  - VI. *Job. Eutichi de GLAROMONTE*, Oratio Caroli-  
na de Persecutione Locarnensium. A. 1550-  
1555. p. 131.
  - VII. *EJUSDEM* Appendix Epistolarum, &c. rem Lo-  
carnensem concernentium. p. 180.
- 

NB. *Nova Literaria Helvetica* quæ spatium hac vice non  
admisit, sequens b. c. D. exhibebit Sectio.

*Summe Venerando, Amplissimo  
atque Celeberrimo,*

**JACOBO  
ZIMMERMANN,**

S. S. Theologiæ in Academia Tigurina  
Professori Clarissimo,

**VIRO,**

*Sincera in Deum Pietate,*

Integro in Proximum Amore & Affectu,  
multarum Disciplinarum, quæ Magnos Viros  
ornant, solida Cognitione,

*Ingenii elegantissimi, nec non Judicii acerrimi Laude,*

**vere Inclito,**

Humanitatis, Simplicитatis atque Can-  
doris, Cultori & Sectatori illustrissimo,

ΤΗΣ ΑΛΗΘΕΙΑΣ ΤΗΣ ΚΑΤ' ΕΥΣΕΒΕΙΑΝ

*Promotori & Vindici indefesso;*



# Decimam Tertiam

Hanc

Collectionis Philologicæ Sectionem

L. M. D. O. C. Q.

& sinceri, nec non observantissimi  
animi Testimonium publicum ponit,

*Simulque Valetudinem Stabilem,*

Lares nunquam non lætos,

Prosperissimos moliminum variorum in Emo-  
lumentum Ecclesiæ & Reipublicæ Literariæ  
Successus,

*Optat & ardentissimis votis apprecatur*

Amicus ad Cineres integerrimus

JOH. GEORGIUS ALTMANNUS.

Acad. Bern. h. t. Rector.

\* \* \* \* \*

# PRÆFATIO.

Candido Lectori

S. P. D.

JO. GEORGIUS ALTMANNUS.



**I***Ta pauca sunt, quæ præfationis loco in fronte hujus Tomi quarti monenda videntur, ut hoc Volumen prævia allocutione vix opus habere videatur. Ad finem, bono cum Deo, perduximus tres priores tomos; ad quartum nunc Orbi Literato exponendum deproperamus. Cum enim hæc qualiscunque collectio plures indies inveniatur & Fautores & Lectores, longe abest, ut nos instituti poeniteat; Strenue ideo eandem illam calcabimus viam, quam ab initio fuimus ingressi. Operam vero omnem in id collocabimus, ut tanto, quanto fieri potest, delectu tales exhibeamus vel Observationes vel Dissertationes, quæ majorem saltem lectorum partem delectent. Non omnes disquisitiones, quas hactenus dedimus, ejusdem esse ingenii & ponderis, facile largimur. Cum autem tanta sit Lectorum diversitas, quanta est ingenii & eruditionis Doctissimorum Virorum differentia, qui ad hanc collectionem adornandam suas contulerunt symbolas, tam diversum etiam futurum esse de his Miscellaneis judicium, per se quisvis facile colliget. Exhibuimus ab initio hujus Sectionis prolixiorẽ explanationem sententiæ nostræ, jam ante quosdam annos in Bibliotheca Bremensi paucissimis verbis propositæ, de Galliciniq; à Petro in ædibus Pontificis audito, additis*

vindictis contra objectiones, a tribus Viris eruditissimis, Christiano Biel, Johanne Doitsma, atque Dan. Godofr. Wernero. in hanc rem factis. Non quidem ea mente hoc factum à nobis, ut gallum gallinaceum mordicus ex historia Evangelica velimus eliminare, aut honorem animalis pugnacissimi ita ledere & sufflaminare, ut dehinc ejus cantus inhibeatur; Sed ideo tantum, ut constet, dari viam, per quam objectionibus Judæorum, aliorumque, qui S. Scripturæ auctoritatem quocunque prætextu deprimunt & conculcant, obviam ire possimus. Nolo contendere cum iis, qui Gallinacei sunt defensores; Credat per me qui velit, fuisse Gallinaceum, aut Indicum, aut Anglum, qui reliquos cantu antecire dicitur, aut Africamum, qui robore & fortitudine reliquos antecellere fertur, non moror, hoc quilibet contra me si velit statuet, & quidem salva amicitia, dummodo mihi concedatur, non illaudabile nostrum fuisse conamen, viam detegere, per quam adversariis os possit obturari. Hoc autem in hac dissertatione aliquatenus factum esse, mihi saltem persuadeo. Non addimus jam plura. Lectorem oramus, ut hos nostros conatus, aliosque labores, propensa voluntate velit accipere & dijudicare. Vale Benevole Lector, & vive diu sospes & beatus. Scriptum Bernæ Helvetiorum, Prid. Nonar. Januarii, Anno à Virginis partu MDCCXXXIX.



I.

JO. GEO. ALTMANNI.

Ling. Græc. & Ethic. in Academia Bernensi  
Prof. P. O.

DISSERTATIO

De

BUCCINATORE

VEL CORNICINE STATIONARIO

*Hierosolymis à Petro in adibus  
Pontificis audito.*

Ad explicanda loca

Matth. XXVI: 74. Marc XVI: 68. 72. Luc.  
XXII: 60. Joh. XVIII: 27.

*Conspectus Dissertationis.*

§. I. Occasio & historia hujus controversiæ enat-  
ratur. §. II. Scopus & instituti ratio brevi-  
Tom. IV. A bus

bus exponitur. §. III. Gallicinium in ædibus Pontificis Caiaphæ fuisse auditum, demonstratur. §. IV. Lex Judæorum de non alendis in urbe sancta Gallinaceis produciatur. §. V. Responsiones Cl. *Relandi* ad constitutiones Judæorum breviter exhibentur. §. VI. Alia Virorum Doctorem hunc nodum solvendi via profertur, quæ autem rejicitur. §. VII. Nova sententia profertur, atque per auditum Petro Gallicinium fuisse sonum è buccina vel cornu emissum, asseritur. §. VIII. Varia testimonia ex Græcis auctoribus producuntur, ex quibus constat, quod ἀλεκτωρ Græcis non tantum Gallum Gallinaceum, sed etiam Buccinatorem & Cornicinem significet. Ad propositas à Cl. *Doitsma* difficultates & objectiones respondetur. Locus Athenæi explanatur. De Idæis Gallis prolixius differitur. §. IX. Locus Aristophanis examinatur, atque contra objectiones factas, ex antiquitate Græca demonstratur, quod apud Comicum præco publicus, non autem gallinaceus possit intelligi. §. X. Novis præfidiis nostra sententia munitur, atque ex variis Luciani testimoniis probatur, quod ἀλεκτωρ Græcis sæpius sit Vir, non autem Gallinaceus. Quare Scriptores Evangelici hac voce potius, quam alia usi fuerint, docetur. §. XI. Mos loquendi Græcorum non est, Gallinaceo φωνή tribuere, quemadmodum à Scriptoribus Evangelicis factum; φωνή tubæ & voci humanæ tantum tribuitur, quod latius ostenditur. §. XII.

Quam-



Quamnam vel vocem humanam vel sonum tubæ jam Petrus exaudire potuerit, investigatur. Duplex via aperitur. Per hanc *Quæritur* intelligere possemus vocem Præconis Romani horas more Romano annuntiantis. Hic ritus Romanorum exponitur. §. XIII. Magis autem est verisimile, Petrum audivisse Cornicinem Romanum. Mos Romanorum, vigiliæ per buccinatorem & cornicinem committendi & distinguendi, ex antiquitate exhibetur & firmatur. Buccinatorem & Cornicinem in aula Caiaphæ præsentem fuisse, certis argumentis docetur. Officium Buccinatorum & Cornicinum describitur. §. XIV. De tempore, quo Petrus Cornicinem Romanum audivit, disputatur. Trium abnegationum tempus determinatur, primaque refertur ad tempus mediam noctem proxime antecedens. Primum abnegationis signum Petro datum à Cornicine, milites a secunda vigilia reducente. Secundæ & tertiæ abnegationis tempus refertur inter secundam & tertiam vigiliam. Secundum Gallicinium à Petro auditum, sive repetitum signum monitorium abnegationis, refertur ad cantum Cornicinis, milites à tertia vigilia revocantis. Ad objectiones *Weneri* respondetur. Anonymi accusationes & objectiones convelluntur, atque contra eundem probatur, quod Buccinatorum & Cornicinum usus idem fuerit in castris & urbibus. Milites stationarios in urbe sancta plurimos fuisse, contra eundem demonstratur. §. XV. Nova accedit

ratio, quare magis sit probabile, Petrum audivisse Cornicinem, quam autem Gallinaceum, exinde petita, quia cantus Galli a gentilibus pro malo & sinistro admodum augurio fuit habitus, cujus quædam exempla afferuntur. §. XVI. Contra Cl. *Evvaldum* probatur, quod Gallinaceus non possit esse emblemata doctorum & ministrorum Ecclesiæ. Dissertationi finis imponitur.

## §. I.



**E**X longo equidem tempore apud me constitueram, sententiam meam de cantu Galli Hierosolymis in ædibus Pontificis à Petro exaudito, à propositis objectionibus liberare, mentemque meam circa hanc controversiam ita explanare, ut lectori constet, hanc meam opinionem sufficienti ratione ita esse munitam, ut dehinc paucis difficultatibus locus relinquatur. Ut autem candido lectori constet, quæ mea in his mens fuerit, quis scopus & instituti ratio, notandum ante omnia, quæ me ad novam hanc sententiam proferendam pellexerint. Controversiæ de cantu galli gallinacei in ædibus Pontificis non admittendo, primam ansam fecit Judæus Amstelodamensis, vir doctus, rituum ac traditionum Judaicarum rigidissimus observator, Religionis autem nostræ intensissimus hostis. Hic pro suo in sanctissimam doctrinam nostram livore, productam jam olim legem Judaicam de Gallinaceis Hierosolymis non alendis non tantum recoxit, sed etiam variis fabulam anilem redolentibus figmentis ita exornavit, ut inde plurimis historiam Novi Fœderis suspectam redderet.

Hoc

Hoc vero potissimum pugnabat argumento, quod Christiani equidem ad explanandam Sacram Scripturam V. & N. Testamenti scriptis Talmudicis & Rabbinicis uterentur, quoties ad rem nostram aut explanandam aut firmandam conducere, in aliis autem rebus Christianos eandem illam auctoritatem Judaicam deprimerent & abjicerent; nostrum ergo esse, agnitam nobis illam veterum Judæorum auctoritatem aut ubique spernere, aut vero debitam in rebus Ritus Judaicos concernentibus fidem adhibere. Ut ergo Christianorum hac in re candorem suspectum redderet, citabat jam memoratam legem, quam ejusdem ponderis cum reliquis clamabat, quarum præsidio sapius contra Judæos ipsos uteremur. Hæc etiam moverunt Virum eruditissimum *Hadrianum Relandum*, ut in publica Oratione, de cantu Galli Hierosolymis audito, Judæorum sententiam excuteret, & ad motas difficultates responderet, quæ etiam prodiit Trajecti ad Rhenum 1718. Quam, tum propter ejus rarentiam, tum etiam propter thematis nostri affinitatem, in hac Sectione recudendam esse existimavimus. Carebat autem Viri longe Celeberrimi oratio apud Judæos illo successu, quem de sua in hanc rem meditatione & resolutione conceperat. Nullatenus enim ad difficultates ita responsum fuisse Judæi existimabant, ut Scriptoribus Evangelicis sua inde redderetur auctoritas. Movit me hic impius hostium Religionis nostræ adversus Sanctissimæ Historiæ Passionis Salvatoris nostri livor & conatus, ut ad novam neminique, quantum mihi constat, tritam viam, ad hæc adversariorum tela retundenda, inveniendam animum adverterim; ideoque transmissi ad Cl. Hasæum brevem observationem, in qua mentem meam de hoc scrupulo solvendo candide declarabam, quam etiam Vir doctissimus, pro sua in me benevolentia & humanitate *Bibliotheca Bremensi, Class. V. p. 451.* inseruit.

ruit. Vix autem lucem viderat hæc mea observatio, quæ typus tantum erat majoris dissertationis, ut ipse monui sub ejus finem p. 436. cum integrum fere agmen Criticorum hanc meam novam assertionem impugnaret. Primus erat *Joannes Christianus Biel*, cujus indignationem in me suscitaveram, cum ejus assertionem de *Lydia Thyatirensi* modesto examini in *Bibl. Brem. Class. V. p. 670.* subjecissem. Nec certe indigne ferebam, virum doctum suas difficultates proposuisse, quas etiam *Cl. Hasæus* publici juris fecit, *Bibl. Brem. Class. VI. p. 1041.* Secundus erat anonymus, mihi non incognitus, quique tum temporis in Belgio versabatur. Fateor, quod ab hoc homine tam acerbam crisin, cum eum usque ad illud tempus mihi amicissimum crederem, non expectaverim; Latuerat me per aliquod tempus, quinam esset auctor Scripti contra me editi, quod, ut beate defunctus *Hasæus* ad me scripsit, acerbissimis verbis scatebat. Cum autem nescio quo fato cognovissem, amicum esse, qui acerbam hanc crisin in me exercuisset, nolbam illico aures dare, hinc ipsum per literas rogabam, an verà essent, quæ fama ad me transtulisset; Fatebatur illico & sine ambage, quod omnino hanc contra me dissertationem exarasset, nec temere à se hanc compositam fuisse disquisitionem, cum à Viris doctis fuisset rogatus, ut examini subjiceret meam observationem, quam ex aliis male descriptam, tot tantisque erroribus conspurcasset, ut exinde meam in politionibus literis ruditatem & ignorantiam merito omnibus ridendam exposuerit. Hanc etiam ad *Hasæum* missam, Vir optimus, dictis & conviciis prius purgatam, *Bibliotheca* suæ inseruit, *Class. VI. p. 1070.* Dolebam tum temporis conterraneum, cum quo quantum memini, per vitam ne umbram quidem rixæ aut altercationis exercueram, cum quo familiarissime vixeram, quem in numero hominum amicissimorum reposueram, tam atroci stilo me voluisse con-

confodere. Minime autem me movit hominis atrabile tumentis insultus, præsertim vero, cum viderem, omnem ejus contra me disceptationem talem esse, ut præter nocendi & cavillandi desiderium in illa nihil inveniatur, de quo autem alios judicare velim. Minime vero ex aliquo tempore mirabar, hunc hominem omnes lacertos contra me movisse, cum viderem illum tanto rixandi furore corripì, ut etiam Viros doctos, ætate, fama, pietate & eruditione graves & illustres, rabido dente lacerare non erubuerit. Aliam vero contra me scribendi rationem habuit tertius, qui priscam illam contra me sententiam defendit *Daniel Godofr. Wernerus, Eisenbergensis*, in dissertatione gemina Jenæ edita 1728. Cui nomen fuit, *Gallus Gallinaceus, vigil, Petri monitor, ex veterum auctoritate pristina forma restitutus*. Agmen tandem claudit Vir Cl. *Johannes Doitsma*, in observationibus contra meam assertionem allatis, & *Museo Bremensi* insertis, *Tom. I. p. 377*. Fateor, me cum delectatione legisse hujus viri docti, mihi alias plane incogniti, observationes, ab omni contentione certe alienas. Non enim id agit Vir humanissimus, ut veritatem deprimat, aut ut ubique contradicat, sed ut tales objectiones exhibeat, ex quarum solutione certior fieri posset. Atque certe vir eruditissimus eosdem illos scrupulos movit, quos & ego sæpissime apud me volvebam, postquam primam illam, nec sufficientibus testimoniis Græcorum suffultam meam dissertatiunculam inspicerem. Gratias etiam, quas debeo publicas, Viro & Eruditione & Candore Clarissimo hic publice persolvo, quod tam ingenue, ut Virum Literatum decet, ea carpere voluerit, quæ ipsi nondum firmo talo stare videbantur.

## S. II.

Necesse videbatur, historiam aliquam controversiæ nostræ præmitti, ex qua pateat candido lectori,

scopum nostrum in asserenda nova explicatione nullum alium fuisse, quam demonstrare, viam nobis relictam esse, per quam os dicacis appellæ possit oburrari, nec ego certe aliàs unquam ad novam hanc delapsus fuisset explicandi rationem. Pace ergo mea dicat, quicumque velit, Petrum audivisse Gal- lum Gallinaceum, aut Indicum, non moror, dum- modo mihi è contra concedatur, non illaudabile esse institutum, veritatem quocunque modo vindicare; indeque ego certe nunquam concipiebam, quænam esset valida ratio, quare Rambachius & alii tantopere vel contra Relandi orationem vel etiam contra nostram in hanc rem inventam explicationem tanta concitatione declamaverint. Condonandum autem illud præsertim Rambachio, Viro certe pio, probo & docto, sed in politioribus literis ad ejus- modi controversias criticas notandas non satis instituto. Ne autem hæc dissertatio lectori molesta accadat vel fastidiosa, rem totam ea qua fieri poterit brevitate ita exponere constitui, ut simul ad objectiones pro- positas in ipso hujus exercitationis decursu respon- deam. Cum autem anonymi supra memorati tales sint, ut, unica excepta, nec nervum nec pondus in se habeant, illum cum suis difficultatibus valere ju- bemus. Inepte fecerat amicus noster se immiscendo rebus ad politiores literas & studia critica spectanti- bus, de quibus per vitam pauca exaudiverat.

### §. III.

Ut jam ad rem ipsam accedamus, dicendum est, Petri abnegationem factam esse in aula Pontificis Caiaphæ; Repugnat equidem *Baronius in Annalib. ad ann. XXXIV. num. 71.* Illum autem sine ulla valida ratione novam hanc suscitasse opinionem, nos docet unanimis Evangelistarum consensus. Cum autem hæc liquida sint & aperta, supervacaneum haud du- bi è foret, si in asserenda hac veritate prolixiores esse- mus,

mus, præsertim autem cum hunc Baronii errorem dudum sat superque confutaverit *Casaubonus, Exercit. Anti-Baron, XVI. §. 67.* Fateretur ipse Baronius, quod tres priores Evangelistæ passionem Christi, antequam ad Pilatum deductus esset, non in ædibus Hannæ, sed in aula Caiaphæ transactam narrent; hinc solo militat testimonio Evangelistæ Johannis. Quod autem licet misere à Baronio contortum, nullam tamen argumenti speciem inducere potuit. Est ideo res certa & extra omnem dubitationem posita, Petrum, cum ingressus esset atrium Pontificis Caiaphæ, audivisse Gallum cantantem Matth. 26: 57. collat. cum versu 69. &c.

§. IV.

Cum jam certum sit, Petrum eo tempore, quo audiverat vocem Galli, in aula Caiaphæ fuisse constitutum, prima quæstio occurrit: Annon pugnet contra constitutiones Judæorum, asserere, Petrum vocem Galli Gallinacei audire in illo loco potuisse? Hoc equidem verum est, quod si attendere velimus ad constitutiones & leges Judæorum, quas ipse recenset Vir in rebus, leges Judaicas & ritus Hebræorum concernentibus, eruditissimus, *Joh. Lightfootus in Hor. Hebr. ad Loc. Matth, 26: 34. op. r. Tom. 2. p. 382.* Mireris, inquit, Gallinaceum inveniri Hierosolymis, cum canone prohibitum sit, Gallos illic alere, *Bava Kama. cap. 7. balac. ult. אין מנרלין תרנגולין בירושלם מפני קדושים Non alunt Gallos Hierosolymis, propter Sacra, nec sacerdotes eos alunt per totam terram Israeliticam; Rationem reddit glossa. Etiam Israelitis prohibitum est, Gallos alere Hierosolymis propter Sacra, nam Israelita illic comederunt carnem sacrificiorum pacificorum atque eucharisticorum. Jam vero mos est Gallis Gallinaceis, vertere stercoraria, atque inde forsitan reducere possent carnem reptilium, unde pollui possent Sacra ista comedenda. Similia plane affert eruditiss. *Joh. Henr. Otho in Lexico Rabbin. Philolog, p. 224.* Quæ ideo*

nolumus repetere. Instar omnium autem esse potest *Hadr. Relandus*, qui in sua ad hanc rem oratione decem prærogativas urbis Hierosolymorum ex placitis Hebræorum recenset, quibus præ reliquis gaudebat urbibus, ex quibus nonam ita describit: *Nonum autem urbis Sanctæ præ aliis testimonium in ea re consistebat, quæ nunc in manibus est, nullos Hierosolymis Gallos debere nutrirî.* Quæritur jam, quanti ponderis & auctoritatis hæc lex fuerit. Quidam ad illam plane nolunt attendere, alii hanc legem equidem scriptam fuisse fatentur, sed rigidam ejus observationem tempore Christi obtinuisse negant. Relandus autem in oratione sua docet, fidem atque auctoritatem huic legi derogandam non esse, cum justum atque æquum sit, ut Judæis, cum de rebus suis narrant, eandem saltem fidem habeamus, quam Græcis & Romanis Scriptoribus de rebus domesticis tribuimus. Juste, quantum video, & sapienter Vir Clarissimus judicavit; cum enim Scripta Judæorum ad usum & commodum nostrum adhibeamus, quotiescunque lucem aliquam exinde vel emolumentum capere datur, injustum foret illorum auctoritatem abjicere, quoties nobis scrupulum aliquem obijciunt; cumque unicuique in sua arte credendum, Judæis haud dubie fides habenda in rebus ritualia eorum concernentibus, ex quorum numero haud dubie & illud est, quod de Gallinaeis afferunt.

### §. V.

Lege autem hac Judæorum admissa, Vir Clarissimus existimavit, alias posse inveniri vias, per quas ostendi possit, quomodo Petrus salva lege Judæorum Gallum in ædibus Pontificis cantantem exaudiverit, ideoque diversos modos exposuit, quibus vel positis vel concessis Petrus Gallum exaudire potuisset. Fuisset autem illud facile, si ponatur, domum Caiaphæ non procul a muris urbis fuisse remotam, ita  
ut



ut Apostolus gallum extra mœnia cantantem in urbe audiverit, inque hanc rem profert exempla probantia, quod galli Italici in Sicilia fuerint auditi. Statuit porro Relandus, quod gallus ille forsan à Romanis, Hierosolymis habitantibus, fuerit enutritus. Adfert porro, quod equidem prohibitum fuerit Judæis, gallos alere per spatium longioris temporis, non vero per noctem vel paucos dies. Res tandem confecta non videtur Viro docto, an hæc lex Judæorum tantæ sit antiquitatis, ut jam tempore Salvatoris in terra viventis obtinuerit. Has jam doctissimi Viri solutiones si accuratius inspiciamus, dicendum erit, nullam earum esse, quæ non totum scrupulum solvere posset, si sufficienter probetur. Cum autem sint conjecturæ & verisimilitudines, ad quarum veritatem probandam omni testimoniorum autoritate caremus, fatendum erit, ad propositas Judæorum difficultates non solidam hæctenus allatam fuisse responsionem.

#### §. VI.

Fuere & alii viri docti, qui ut intactam servarent legem Judæorum, per cantum Galli intelligunt קרא הגבר *clamorem præfecti templi*, qui singulis diebus aurora jam illucescente januam Beth Moked pulsabat, ut sacerdotes ad ministerium templi suscitaret. Hoc equidem verum est, quod præfectus ad portas atrii aperiendas constitutus, בן גבר *filius Galli*, a Judæis fuerit vocatus, inde phrasis sueta Judæorum קרא הגבר per *clamorem viri* explicatur. Verum hanc sententiam tria confundunt, I. situs domus Caiaphæ, qui ignoratur, ita ut determinari non posset, Petrum hunc præconem audivisse, licet concederemus, ædes pontificis proxime clivo templi fuisse adjectas. II. Tempus quo Petrus Gallicinium audivit, quod nondum ad auroram accesserat. III. Repetitus cantus galli, nusquam enim probatur, quod ille בן גבר bis clamaverit.

#### §. VII.

## §. VII.

Cum jam in his descriptis sententiis variæ obviant difficultates, videbimus, an non demonstrari possit, per cantum Galli melius & commodius intelligi cornicinem, quem Petrus exaudierit, cum Buccinator aut Cornicen stationarius cornu vel tubæ clangore vigilias militibus ad hoc constitutis committeret. Nostra ergo sententia eo redit, ut probemus, Petrum hunc Buccinatorem stationarium audivisse, cum ex luculentis testimoniis possit probari, Græcorum ἀλεκτωρ & ἀλεκτρυων æque cornicinem, ac autem Gallinaceum significare. Talem autem in ædibus Caiaphæ buccinatorem vigilias committentem fuisse, ex eo concludimus, quia Christus captus fuerat cum cohorte Romana, præsentem Centurione, atque deductus primum per hos, ne tumultus suscitaretur, ad Hannam, & ab hoc ad Caiapham, Joh. 18: 12. 13. Cum ergo in aula Caiaphæ esset cohors Romana, una cum centurione, facile est colligere, etiam vigilias ibi more Romano fuisse cornu & buccina commissas. Hæc autem mox uberius probanda erunt. Notandum insuper & hoc, quod admissa nostra hac sententia duæ adhuc difficultates evanescant. Quis enim dixerit, quod apud alium Scriptorem Græcum, Gallo Gallinaceo singulariter sumto Φωνη tribuatur. Altera autem hæc est, quod Petrus hunc Galli cantum ante mediam noctem finitam, qua galli ordinarie nondum cantare solent, audiverit.

## §. VIII.

In hac jam probatione maximus rei cardo in eo vertitur, ut demonstrem, quod per vocem ἀλεκτωρ & ἀλεκτρυων, quod Græcis unum idemque est, æque Buccinatorem & cornicinem, quam autem Gallum Gallinaceum possimus intelligere. Hinc etiam doctissimus *Doitsma*, solam hanc contra nos difficultatem

tatem movit, existimans, quod à me primitus adducta loca probare nondum liquido possint, Græcos per ἀλεκτορα etiam buccinatores significasse. Dabimus ergo illa jam antea producta, sed illis adjungemus alia, quæ haud dubie nullam difficultatem vel ambiguitatem post se relinquent. Primum locum produxeram ex *Athen. Deipnosoph. Lib. IV. p. m. 184.*

Ἰων δ' ἐν Φοινίκῃ ἢ καὶ νῆι ἀλεκτορα τὸν αὐλὸν καλεῖ ἐν  
τῆτοις

Ἐπὶ δ' αὐλὸς ἀλεκτωρ, λυδίον ὕμνον Ἀχαιοῶν.

Εν δὲ φρεσὶ τοῦ ἀλεκτερυὸς Ἰδαίου εἰρηκὸς συργγὰ διὰ  
τῆτων,

Προθεὶ δὲ τοὶ συργῆξ Ἰδαῖος ἀλεκτωρ.

Quæ Dalechampi<sup>us</sup> ita vertit:

*Jon in Phœnice, sive Cœneo, tibiam Gallum sic vocat;  
Canebat vero Gallus, nimirum tibia Lydia Achivorum laudes*

*Idem in custodibus sive præsidiariis:*

*Præcurrit, vero fistula Idæus gallus.*

Quis jam lecto hoc Athenæi testimonio diceret, illud non esse satis lucidum & apertum? sed aliter sentiunt Viri docti, qui contra me scripserunt. Athenæus disertè dicit, quod Jon, qui erat Poëta bibax, tibiam gallum vocet, ergo Græcis ἀλεκτωρ idem est quod tibia. Rationem reddit Dalechampi<sup>us</sup> in notis, his verbis: Tibia Gallus vocatur, quia dormientes cantu instar gallorum expergesciat. Clariss. Doitsma existimavit, magnum argumentorum meorum pondus mihi esse ereptum, si probasset, quod ἀλεκτωρ tibiam, non autem buccinam significet. Mihi autem perinde est, si buccinam siue tibiam, siue buccinatorem siue tibicinem denotet. Dabo ergo Viro doctissimo, & quidem integrâ manu, quod in hoc loco ἀλεκτωρ tibiam aut cornu denotet. Jam habet quod vult; & quam apte ad rem meam, mox videbimus. Fatetur consimiliter Clariss.

Wer.

*Wernerus*, in suo *Gallo* *pristine formæ restituito*, quod dixeris verbis *Jon* tibi *am* vocet *ἀλεκτορα* pag. 60. §. 14. *Inficias ire non possumus*, inquit, *hic tibi am ἀλεκτορα gal- lum* vocari. Vident haud dubie viri docti, quam liberalis sim. Sed ulterius progrediendum. Quæritur jam, an non in altero testimonio ex *Athenæo*, quem ipse ex *Φερεοis* sive custodibus *Jonis* citat, *Ἰδαίος ἀλεκτωρ* sit Vir vel sacerdos *Idæus* gallus? Fatetur ipse *Cl. Doitsma*, quod hæc verba

*Προθεῖ δὲ τοι συριγῆ Ἰδαίος ἀλεκτωρ*

ita sint vertenda. *Præibat autem fistula Idæa Gallus*. Jam autem videndum, quid *Idæus Gallus*, qui fistula præibat? Hoc ut planum fiat, dicendum, quod *Idæa* fuerit illud numen gentilium, quod alias etiam sub nomine *Magnæ Matris Deum*, item *Cybeles*, *Telluris* & *Lunæ*, cognitum erat apud præcos, ut hæc prolixè docet *Reinesius in Syntagm. Inscript. p. 73.* ut & *Vossius in Theol. Gentil. Lib. 2. cap. 52. &c.* Sacerdotes hujus numinis dicebantur *Curetes*, quantum video, a *κῦρα* h. e. tonsura ita dicti, quia caput radebant; dicebantur etiam *Corybantes*, ex opinione vulgari criticorum, quia *κορυπτοντες βαινόμεν*, h. e. saltantes incederent. Cabiri etiam dicebantur, a *Cabiro*, *Berecynthiæ* monte. *Idæi* vocabantur ab *Ida* monte, ad cujus radicem habitabant. *Dactyli*, quia quinque essent, ac totidem haberent sorores. Galli vocabantur à flumine *Gallo*, teste *Herodiano Lib. I. cap. 20.* aiebant enim, quod si de hoc flumine bibissent tantum, illico eos incedere furorem, ut se ipsos evirarent. Nolo hæc extendere vel prolixius probare. Non enim id agitur, ut pagina turgescat: sed ut lucidissimis verbis atque brevissimis ea exhibeantur, de quibus sermo est. Habemus ergo in hoc loco *Jonis* ab *Athenæo* allato *Ἰδαίον ἀλεκτορα*, h. e. *Idæum Gallum*, sive *Cybeles* sacerdotem. Ergo verum est, quod *ἀλεκτωρ* sacerdotem, hominem fistula vel alio quocunque instru-

strumento, quod in sacris Cybeles receptum & commune erat, canentem significet. Atque idem Gallus hic est, qui apud *Lucianum in Libell. de Dea Syria*, oper. Tom. 2. edit. *Amstel. anni 1687. p. 680.* dicitur ἀλεκτρον ἱερος. Nec jam ulteriori, quantum confido, probatione opus est, nisi aliquis sine ratione solem negare velit. Jam demum demonstrandum, quare huic Idæo Gallo fistula tribuatur. Notandum ergo, quod sacra Cybeles isti sacerdotes variis instrumentis musicis, tibia, cornu, buccina, cymbalo, &c. exegerint, ut hæc etiam docet *Lampius de Cymbalis, Lib. 2. cap. 16.* alique, quos jam in medium proferre prolixum foret. *Ovid. Fastor. Lib. IV. vers. 182.*

*Protinus inflexo Berecynthia tibia cornu*

*Flabit, & Idææ festa parentis erunt.*

*Ibunt semimares, & inania tympana tudent,*

*Æraque tinnitus ære repulsa dabunt.*

Hoc autem tibiæ genus propius adhuc explicat *Carol. Neapolis*, in notis ad hunc locum allatis in edit. *P. Burmanni. p. 243. ex loco Athen. Lib. 15. το κερως αὐτῶ προσάπτεσιν ἀναλογον τῶ των θαλπιγγων κωδωνι*, Cornu tibiæ adjiciunt proportionatum ut est nola tubæ. Ut autem melius adhuc videamus, quonam tibiæ genere (erant autem varia) usi fuerint isti ἀλεκτροες Cybeles, in rem nostram vocandus iterum *Ovidius, Metam. Lib. III. vers. 528.* talem tibiæ in festo Bacchi usitatam describens.

*--- Festis fremunt ululatibus agri.*

*Turba ruunt. Mistæque viris matresque nurusque,  
Vulgusque procuresque ignota ad Sacra feruntur.*

*Quis furor, anguigenæ, proles Mavortia, vestras  
Attonuit mentes? Et adunco tibia cornu.*

& idem *Lib. IV. Metam. vers. 390.*

*Tym-*

*Tympana cum subito non apparentia raucis  
Obstrepuere sonis, & aduncò tibia cornu  
Tinnulaque æra sonant.*

Ex his productis veterum testimoniis haud dubie quilibet videbit, qualis fuerit tibia, qua utebantur isti *ἀλεκτορες* sive sacerdotes magnæ matris Deum. Nec ergo simplex erat tibia, qualem sibi fingit Doctiss. *Doitsma*, sed tibiæ genus aduncum & curvatum, quo in bello cornicines utebantur. Nec peccabimus contra fidem antiquitatis, si dicemus, buccinam nihil aliud fuisse, quam tibiæ genus, nam eadem plane forma facta erat buccina Veterum, qua talis tibia in formam cornu incurvata; differebat buccina in magnitudine tantum, non autem in forma. Tuba è contra à *tubo* dicta, teste *Vartone Lib. 4.* Tuba ergo formam habebat tubi longiusculi, qui in summa parte amplius erat & concavus, in infima arctus; partem illam latiore Græci *κωδων* vocabant; tale etiam *κωδων*, sive tintinnabuli formam exhibentem nolam tibiis incurvatis addebant, ut jam ex Athenæo vidimus. Cum ergo à Jone descriptus Gallus tali usus fuerit tibia, quæ majorem sonum edebat, haud dubie perinde est, sive hunc *ἀλεκτορα tibicinem*, sive *cornicinem*, sive tandem *buccinatorem* dicamus. Nec pugnat contra hanc nostram assertionem ipsa etymologia vocis *ἀλεκτωρ*, quæ sua naturali significatione rem quamcunque homines ex lecto suscitantem denotat. Hinc *Etymologus pag. 60.* *Ρηματικὸν ὄνομα ἀλεκτωρ ἀπο τῶν λεκτρῶν, τὰτ' ἐστὶ τῶν κοιτῶν ἡμῶς διαγυρίζων. Vox ἀλεκτωρ rem ipsam denotat, quia ex lecto suscitatur dormientes.* Consistentem habemus in hac re ipsum Clariss. *Doitsma* in *animadvers. Museo Brem. insertis, Tom. I. p. 383. ut taceam in Cadmo Græco-Phænice ἀλεκτορα etiam tibiam dici. ἀλεκτωρ, Gallus, qui homines excitat, ut lectum relinquant, ab α & λεκτρον. Est etiam tibia, ob cantus similitudinem.*

In eandem etiam abit sententiam *Casaub. animadvers. ad Athen. p. 317.* *Jon Chius*, inquit, *tibiam* vocavit ἀλεκ-  
τροα, in promptu causa est, nam & galli gallinacei &  
*tibiae* cantu dormientes excitantur. Totus ideo error do-  
ctissimorum Virorum, *Job. Doitsma*, & *Dan. Godofr. Werner*, contra me pugnantium inde natus, quia per  
*tibiam* communissima significatione instrumentum  
longius musicum tenuem aliquem sonum edens in-  
tellexere.

§. IX.

Tanta, quanta fieri potuit, brevitate gallum no-  
strum *Idæum* ex veterum monumentis descripsimus.  
Plura qui petit, adeat diligentissimum harum rerum  
explanatorem *Casp. Bartholinum de Tibiis Veter. Lib. 2. cap. 8. p. 200.* Ulterius jam pergendum. Citaveram  
porro in prima mea de hoc themate dissertatiuncula  
locum ex *Theognide*, vers. 862. quem ad sententiam  
meam stabiliendam advocaveram. Multis vero verbis  
contra me pugnat doctiss. *Doitsma*, ut ostendat, fa-  
ctam ibi nullatenus nec *tibicinum* nec *buccinatorum*  
mentionem. Fateor, locum illum dubium esse; sed  
fatebitur etiam Vir eruditiss. quod ad utramque sen-  
tentiam æque commode trahi posset, illum ideo in  
medio relinquo. Rapiat illum Vir doctus in partes  
suas, non moror, cum alii in promptu sint, contra  
quos nulla datur nec exceptio nec disputatio. Illos  
autem in medium producemus, cum viderimus,  
quo jure Vir Cl. citatum à nobis *Aristophanis* testi-  
monium rejecerit. Est autem hoc in Σφηκ. vers. 100.

Τον ἀλεκτρυονα δ' ὅς κ' ἐφ' ἐσπερας, ἔφη

Ὡς ὅψ' ἐγείρεν αὐτον, ἀναπεπαισμενον

Παρεα των ὑπευθυνῶν ἔχοντα χρηματα.

Hunc locum ita vertit *L. Sept. Florens Christianus* :

Tom. IV.

B

Aitque

*Aitque gallum, qui canebat vespere,  
Argento ab ipsis corruptum esse reis,  
Ut excitet se serius quam usus velit.*

Eandem etiam versionem adposueram in mea dissertatiuncula, quam autem ut non in omnibus textui Græco conformem merito inculcat *Cl. Doitsma. l. c. p. 388.* quantum autem video, ita esset reddendus, & quidem de verbo ad verbum:

*Gallum autem, qui canebat vespere, dixit  
Quia sero suscitavit eum, illum ad id faciendum per-  
suasum fuisse  
Ab illis, qui rationem reddere debuissent, & id qui-  
dem factum argento.*

Videamus jam, quo jure Viri doctissimi *Joh. Doitsma atque Wernerus*, hoc Aristophanis testimonium male ad rem nostram probandam pertractum existiment. Hoc ut videamus, dicendum est, Comici scopum esse, Senatorem Atheniensem, forum impense amantem, ad scenam producere; talemque judicem Atticum nobis proponit, qui prima occupabat subsellia, hominem ad clepsydram tempus mensurantem nocte, ne sero veniat. Et ex his jam facile videmus, quod Comicus velānam quidem hominis aut avari, ut ex dato judicio argentum colligentis, (solvebatur enim unicuique judici pro lata sententia drachma,) risui omnium voluerit exponere. Quis jam crederet, hunc Senatorem Athenensem, quem nobis Comicus unum ex primariis describit, ad tantam procelsisse stultitiam & effrenem amentiam, ut gallum gallinaceum acceptæ à partibus in jus vocatis pecuniæ incularet. Quis quæso suspicari posset, hanc fuisse mentem Aristophanis? ipse certe vir acutissimus vesaniæ increpandus foret, cum nullus ad tantam prolabi posset de-



dementiam, ut animal omnis rationis expers talis culpæ reum faciat; imo certe hæc assertio ab ingenio & sale nostri comici ita est aliena, ut ne umbrâ quidem verisimilitudinis sapienti remaneat, per hunc *αλεκτρονα* gallinaceum intelligendum esse. Ut autem sanus sensus verbis supra citatis tribui possit, dicendum est, morem Atheniensium fuisse, per præconem publicum populo noctem iudicii Arcopagitarum notam facere. Probat id ex auctoritate veterum *Mentius de Arcopago. Cap. VI. p. m. 37.* quem hic exscribere nolumus. Solebant, ut hoc notum est omnibus, nocte convenire senatores isti, nec hoc probatione indiget. Vocabantur autem, ut moris est ubique, Senatores ostiatim, populus ut jam dictum per præconem. Cum autem præco vel accensus iste Atheniensis solito aliquantisper tardius hunc hominem ad senatum vocasset, suspicio oriebatur, illum a patribus in jus vocatis argento fuisse corruptum. Notandum insuper & hoc, quod Comicus cantum huius Galli ad vesperam referat, qui mos gallorum non est, cum illorum sit, homines summo mane, tempore Gallicinii, advenientis auroræ certos reddere. Aut quæso quis sensus verbis huius Comici inesser, si ad literam illa vellemus intelligere? Quanta in Comico foret stultitia? dicere, hunc senatorem Atheniensem ira commotum fuisse, quod gallinaceus tarde nimis cantasset, qui tamen jam sub vesperam cantarit, cum tempore demum matutino accedente cantate debuisset. De his autem æquum lectorem appellamus iudicem, quænam jam explicatio loci Aristophanis ingenio Scriptoris acutissimi magis sit accommodata, an illa doctorum virorum, an hæc nostra, quam ex ritibus Græcorum exhibemus.

§. X.

Disputavimus hætenus de sensu vocis *αλεκτρο* in testimoniis, ut videbatur, dubiis veterum auctorum,

nunc ad clariora accedendum, nec ex poëtis sed ex auctoribus solutæ orationis desumpta; & ex his, quantum confido, in prima nostra dissertatione nondum allatis, omnis aberit scrupulus & difficultas. Primum dabit *Lucianus* in libello de *Dea Syria*, oper. Tom. 2. p. m. 680. edit. *Amstel.* 1687. Ἀγγεῖον ἑκάστος ὕδατι σισαγμένον φέρει, κηρὼ δὲ ταῦτε σισσημάνται, καὶ μὴν ἐν αὐτοῖς λυσσάμενοι χεῖνται, ἀλλ' ἐστὶ ἀλεκτρυων ἱερός, οἷκεν δὲ ἐπὶ τῇ λιμνῇ. *Vas autem unusquisque aqua repletum portat, idque cera obsignatur; Nemo autem sumum ipse resolvens, effundit, sed quidam sacer Gallus, qui ad lacum habitat.* Miror, quid ad hoc testimonium Clarissimi antagonista; illud enim si apertum non est, nil certe deinceps videbo, quod manifestum vocari possit. Fatetur id *Palmerius* in notis ad hunc locum his verbis: *Mirum est, ἀλεκτρυων de homine dici.* Sed ne quis putet, lectionem hanc esse vitiatam aut corruptam, alia eaque pura dabimus loca ex eodem hoc auctore; mox enim subjungit loc. cit. p. 681. Πολλὰί μιν ἐκ τῆς τῆ ἑργῆς τῷ ἀλεκτρυωνὶ ἀγείρονται. *Multæ minæ ex hoc opere Gallo accumulantur.* Si autem parum attendisset *Palmerius*, alia etiam ipsi obvenissent testimonia, quæ ipsum docere potuissent, *Lucianum* hac voce sæpius de hominibus uti. Idem in *somnio*. Oper. Tom. 2. p. 161. Ἠκούσα τι καὶ παλαι τοιοῦτον ἀμείλει περὶ ὑμῶν, οἷς ἀλεκτρυων τις νεανίσκος φίλος γενοῖτο τῷ Ἀρεῖ. *Audiveram & olim certe & aliquid de vobis, quod fuerit adolescentulus Gallus Marti deamatus, &c.* Atque vocem hanc eandem in hoc plane sensu in eadem illa pagina tertium repetit idem Scriptor, quem evolve, si libet, nobis brevitatis studiosis non licet. Ex his vero brevissime allatis, cuilibet, qui hæc sine partium studio considerabit, constare potest, vocem ἀλεκτωρ & hominem & tibicinem & cornicinem, imò & tandem buccinatorem, posse significare. Si autem quis roget, quare Scriptores Sacri tali voce ambigua usi fuissent,

fuiſſent, curque non diſerte αὐλητην, vel κεραταυλην vel etiam σαλπικλιν nominaverit, ſi equidem vera foret hæc noſtra aſſertio? Ratio in promptu eſt, quia Scriptores Evangeliorum hac voce utentes ſe accommodabant genio & linguæ hominum & Judæorum & Græcorum; cum enim Hebr. צִנֹּר & hominem alta voce aliquid proclamantem & gallinaceum denotet, ut hæc prolixius docet Relandus, atque ipſa vox ſua origine idem denotet apud Græcos, ſapientia haud dubie conſilio hac voce utebantur.

§. XI.

Sed alia inſuper accedit ratio, quæ noſtram de Cornicine Romano à Petro exaudito ſententiam confirmat. Dicunt enim Evangeliftæ unanimi conſenſu, ἀλεκτωρ ἰφώνησε. Argumentum jam antea verbulo tegeram, hincque magno conatu omnes mei oppoſites in id allaborant, ut demonſtrent, quod Gallinaceo φωνῇ poſſit tribui; ſed eheu quam irritò conatu & vano molimine! Prolixe id egit Cl. *Doitsma*, nec minus *Wernerus* & *Biel*, ut doceant, quid ſit φωνῇ, atque hac in re ſuam probavit eruditionem *Wernerus* pag. 67. ex Plutarcho, Epicteto & aliis, definitiones afferens. Clariff. *Doitsma* exinde ſe rem totam confeſſurum exiſtimabat, ſi probaret ex Athenæo, gallum vocatum fuiſſe ἡμεροφώνον diei nuntium. Sed hæc vox nihil contra nos, cum exinde tantum probari poſſit, quod gallinaceus iſtantis vel advenientis auroræ ſignum det; neutiquam vero, quod gallo φωνῇ tribui poſſit. Opraſſem verò vel unicum legere teſtimonium, in quo gallo peculiari, ut apud Evangeliftas, φωνῇ tribuitur. Cum autem à Viris tribus doctiſſimis, anonymus enim cum reliquis non confundendus, nullum allatum fuerit teſtimonium ex Scriptoribus priſcæ fidei, exinde facile colligo, quod ἀλεκτωρ, cui φωνῇ tribuitur, non poſſit eſſe Gallinaceus. Nulla etiam avis eſt, cui φωνῇ, hoc eſt ſonus diſtinctus &



cum modulatione conjunctus, minus tribui possit, quam vero gallo gallinaceo; hinc *Vossius in Theol. Gentil. Lib. 3. cap. 89.* De cantu diximus, nunc transeo ad loquelam, quatenus natura nullæ aves habent, multæ etiam nec disciplina assequi possunt, talesque sunt Galli Gallinacei. Φωνὴ verò à Scriptoribus Græcis ubique tubæ tribuitur & tibiæ. Apostolus ipse hac in re luculentissimum testimonium suppeditat 1. Cor. XIV. 8. Καὶ γὰρ ἴαν ἀδελφὸν Φωνὴν σαλπιγὴ δώ, τίς παρὰσκευάσεται εἰς πόλεμον, & *Pollux in Onomast. Lib. IV. cap. 11. pag. 397.* εἰποῖς δ' ἂν τὸ φθεγμα τῆς σαλπιγγὸς Φωνὴν. Vocabis autem tubæ sonum Φωνὴν. Tibiæ consimiliter Φωνὴν adscribit *Pollux Lib. IV. cap. 10. p. m. 391. edit. Lederlin.* In his ergo difficultas nulla. De Gallinaceis longe aliter Græci. *Homerus Βατρειχ. vers. 191.*

.... Εγὼ δ' ἄπνοος κατεκειμην

Τὴν κεφαλὴν ἀλγῆσα, ἕως ἰβόησεν ἀλεκτὰρ.

*Ego vera insomnis jacebam*

*Caput dolens, donec clamavit gallus.*

Quid autem Gallinaceorum proprium sit, & qua voce Scriptores soleant eorum cantum verbis significare, nos iterum docet *Pollux Onomast. Lib. V. cap. 13. p. 525.* Εἰποῖς δ' ἂν ἀλεκτρυονας ἀδεῖν; Ὑπερίδης δὲ καὶ Δημοσθένης, ἐπ' ἀλεκτρυονῶν τὸ κακκυζεῖν εἶπον. Dices autem Gallos cucurire; *Hyperides autem & Demosthenes Gallos cuculare dixerunt.* Ut autem, quantum quidem fieri potest, omnes præoccupemus objectiones, verbulo respondendum illis, qui contendunt, quod Φωνὴ omnino etiam Gallinaceis tribui possit, argumentum inde petentes, quia ipsum Gallicinium ἀλεκτοροφωνία, Gallus autem ipse ἡμεροφῶνος dicatur. Qualis videatur aliis hæc objectio, ego equidem ignoro, nec ullum, ut jam supra monuimus, in his præsidium, cum istæ vocabulorum conjunctiones non probent, quod Φωνὴ Gallinaceis tribuatur; ἀλεκτοροφωνία enim dicitur quasi

quasi των ἀλεκτορων φωνία, gallinaceorum simul sum-  
torum clamor, ideo quia galli illo potissimum no-  
ctis tempore cantant, & advenientis lucis cantu suo  
indiciū præbent; nec certe Græci aliam aut com-  
modiorem vocem ad commune hoc gallorum ad-  
venientis auroræ testimonium exprimendum inveni-  
re potuissent. Quæ Clariss. *Doitsma* affert ex Athe-  
næo, plane nihil probant, ita ut mirer, Virum doctum  
hoc uti voluisse argumento. Quæ enim dixerit, quod  
Gallinaceus buccin verit, nihilominus tamen bucci-  
nus vocatur *Petronio Satyric. cap. 74.* plura ad hanc vo-  
cem notata vide in notis in editione *Barmanniana p. 365.*  
ut ergo argumentum concludat, locus ex auctori-  
bus afferendus est, in quo vox ἀλεκτωρ cum verbo  
φωνεω conjungatur. De varia autem significatione της  
φωνης plura attulit Rev. & eruditiss. *Joh. Alberti, in ob-*  
*servat. in N. T. p. 245.* aliique.

## S. XII.

Nemo jam, quantum quidem confido, negabit,  
quod φωνη de voce humana, ut & sono tubæ & tibiz,  
apud priscos auctores usurpetur. Inquirendum nunc,  
ad quam vocem humanam, vel ad quem sonum buc-  
cinæ vel cornu, hoc auditum Petro abnegationis mo-  
nitum referre velimus. Duplex patet via, quarum  
nulla magnis obstruitur difficultatibus. Cum ergo an-  
tea ex Luciano probatum fuerit, quod ἀλεκτωρ omni-  
no hominem significet, dicere possumus, hanc φωνην  
Petro auditam referri posse ad accensum illum cen-  
turionis Romani, qui cum militum cohorte, teste  
Evang. Johanne, in palatio Caiaphæ excubias age-  
bat Joh. XVIII. 12. 13. Habebant autem Centurio-  
nes Romani suos accensos, sæpius etiam servos, qui  
illis horas nuntiabant, ut in hanc rem plurima attu-  
lit testimonia *Pitiscus in Lex. Antiq. Rom. Titulo de accen-*  
*sis*, quem autem describere nolumus. De consuetu-  
dine autem Romanorum pervulgari, qua volebant

sibi horas per præconem aut servum nuntiari, nos erudiunt prisca Scriptores passim, inde *Martialis Lib. VIII. 67.*

*Horas quinque puer nondum tibi nuntiat, & tu  
Jam conviva mihi Cæciliane venis.*

Similem locum legimus apud Juvenalem. *Sat. X. 216.*

*— Clamore opus est, ut sentiat auris,  
Quem dicat venisse puer, quot nuntiet horas.*

Solebant etiam lautiores Romani, per buccinatorem horarum discrimina indicare; inde *Petronius Satyric. cap. 26. Trimalchio lautissimus homo, horologium & buccinatorem habebat subornatum.* Ex his verbis (ad quæ omnino videndus *P. Burmannus*, magnum in literis humanioribus nomen,) facile cognoscimus, quod etiam soliti fuerint Romani, horas suas cantu buccinæ distinguere. Alia vero loca, hanc consuetudinem Romanorum probantia, jam consulto omittimus. Possemus ergo suspicari, vel accensum vel præconem aliquem aut buccinatorem fuisse, qui horarum intervalla notaverit, & quem Petrus facile etiam potuit audire. Sed transeamus ad alia.

### §. XIII.

Hanc jam, quam protulimus sententiam, cuilibet dijudicandam relinquimus, cum nobis saltem magis videatur verisimile, Petrum aut buccinatorem aut cornicinem Romanum audivisse, cum supra jam satis probatum fuerit, quod ἀλεκτωρ cornicinem significet. Hoc autem ut demonstramus, dicendum est, morem fuisse Romanorum, in locis potestati & imperio illorum subjectis, præsidia militaria constituere. Hoc præsertim omnino erat necessarium apud Judæos, homines ad turbas & seditiones admodum pronos; ne ergo tumultus oriretur, sapienti consilio, tempo-

re præsertim festi, cohortes Romanæ in promptu erant, ut omnia sine turba vel molimine seditioso fieri possent. Aderant hinc in aula Caiaphæ Romani milites, ut jam supra probatum; habebant cohortem prætoriam Præsides in provinciis, & ex hac cohorte, Judæis flagitantibus, idoneus militum numerus datus ad Christum capiendum, captumque ad Caiapham, indeque ad Pilatum deducendum. Stabat tempore festo, teste *Josepho, Antiq. Lib. VI. cap. 6.* in arce Antonia cohors Romana cum armis parata ad omnes casus, indeque cohors tam subito accurrit ad seditionem coercendam Aët. XXI. 3. Acceperat Judas proditor, ad scelestum consilium promovendum; ministros, servosque à Pontificibus atque Phariseis; his accedebant *χιλιαρχοι* militesque Romani, quos Pilatus petentibus Pontificibus aliisque juratis Salvatoris nostri hostibus concesserat, à quibus ad Caiapham rapiebatur agnus innocentissimus. Prolixius hæc ita gesta fuisse probat *Emundus Merillus* in not. ad Passion. Christi, quas lege *Fascic. III. opuscul. quæ ad Hist. & Philolog. Sac. spectant, à Crenio collector. p. 183.* Mos porro Romanorum erat, noctem in quatuor dividere vigilias, quæ buccina committebantur; inde etiam prima buccina, pro prima vigilia, secunda buccina pro secunda vigilia &c. Probat hoc locus *Propertii Lib. IV. 4. 61.*

*Et jam quarta canit venturam buccina lucem,*

*Ipsaque in oceanum sidera lassa cadunt.*

*Exterior somnum.*

*Seneca Tragicus in Thyest. vers. 798.*

*Nondum in noctem vergente die*

*Tertia misit buccina signum.*

Ex quo loco Senecæ colligimus, non vigiliarum tantum nocturnarum, sed & diurnarum stationum signum buccina datum fuisse, quæ etiam est sententia Cl. *Drakenborgii*, licet adhuc dubitare videatur Cele-

berrimus *Petrus Burmannus* in *commentario ad Petron. p. 93.* Cum jam probatum sit, Centurionem Romanum cum cohorte in aula Caiaphæ adfuisse, sine ulla difficultate exinde etiam cognoscimus, quod illi milites more consueto ad vigiliis deducti & post finitum trihorium iterum exinde reducti fuerint, aliis in vicem priorum succedentibus. Quemadmodum autem milites sono buccinæ ad vigiliis vocabantur, ita etiam illi, qui per trihorium officio suo functi fuerant, à Cornicine revocabantur; testis est ipse *Vegetius de Remilitar. Lib. III. cap. 8. p. m. 75. A tubicine, inquit, omnes vigilia committuntur, & finitis horis à cornicine revocantur.* Nec video, quod alio munere functus fuerit buccinator, alio cornicen, & qui primo buccina cantabat, postea cornu signum edebat, inde etiam Tubicen in veteri onomastico *σαλπισις* vocatur, quod annotavit *Godesch. Stevechius* in *Commentar. ad Veget. p. m. 272.* Imo communi nomine hoc hominum genus *Aneatorum* nomine veniebat, cujus rei testes sunt lapides antiqui, apud *Gruterum* in *Corp. Inscript. p. 264.* & *Gasp. Bartholinum, Lib. 3. De Tibiis Veter. p. 399.* In eandem etiam abit sententiam *Lipsius de Militia Romana, Lib. IV. p. m. 198.* asserens, quod quondam nihil discriminis fuerit inter buccinam & cornu. Cum autem posteriori tempore instrumentum utrumque ex ære factum esset, aliqua differentia erat, sed non magna, quæque non in forma, sed magnitudine instrumenti hujus bellici consistebat. Cum autem superius evictum sit, sacerdotem *Cybeles*, qui *αλεκτωρ* vocatur, cornicinem fuisse, nemo jam, quantum equidem speramus, negabit, quod Cornicen in æde Caiaphæ, vel etiam buccinator vigiliis committens, militesque reducens, à Petro fuerit exauditus; atque ex hoc nostrum deducimus signum, Apostolo Petro admissi criminis memoriale.



## §. XIV.

Inquirendum nunc, cujusnam vigiliæ Cornicinem audiverit Petrus. Illud autem difficile non erit; Primam vigiliam, quæ hora nostra sexta incipiebat, merito excludimus, illo enim tempore Christus comedebat Pascha cum suis discipulis, instituit Sacram Coenam, arque exivit ad montem oliveti, ibique orans gravissime conflictatur, Apostolis ægre cum eo vigilantibus. Qua hora autem à cohorte, cui ducem se præbuit Judas, fuerit captus, tam certo definiri non potest. Hoc autem mihi certum est & indubitatum, Salvatorem nostrum ab impia Judæorum & militum turba ante mediam noctem captum & in aulam Pontificis Caiaphæ fuisse abductum. Quam primum autem illuc fuisset deductus, milites, qui excubias agerent, suis locis in palatio Caiaphæ & ad portas constituti, ne tumultus aliquis, tempore præsertim nocturno, quo mali homines cædes & motus tutius exercent, oriretur. Cum ergo Christus ante mediam noctem in ædibus Pilati esset constitutus, milites ad vigilias constituti, licet trihorium suum in excubia nondum explevissent, à cornicine revocantur; Habemus jam media nocte in signo cornicinis primum signum Petro à Christo prædictum; facile enim videmus ex Matth. XXVI. 69. quod Apostolus Petrus, statim postquam ingressus fuerat aulam Pontificis, dominum suum abnegaverit. Conveniunt hæc cum historia Evangelica, dixerat enim Jesus Petro, Luc. XXII. 34. *Ὁὐ μὴ Φωνήσει σημερον ἀλεκτωρ πρὶν ἢ τρεῖς ἀπαρνησῇ, μὴ ἰδὲναι με.* *Hodie non cantabit gallus, priusquam ter neget, quod tu me non noscas.* Et similiter Joh. XIII. 38. *Ὁὐ μὴ ἀλεκτωρ Φωνήσει, ἕως ἢ τρεῖς ἀπαρνησῇ με.* *Non cantabit gallus, priusquam ter me neget.* Debuisset equidem Cornicen jam cornu canere hora nona, cum autem tum temporis Christus nondum fuerit captus, nullæque hæctenus à centurione Romano

con-

constitutæ vigiliæ, non potuit canere cornicen ante mediam noctem; illud ergo prima fuit à Christo prædicta ἀλεκτοροφωνία. Prædictionem vero suam Christus non ad signum tantum monitorium, sed etiam ad tempus restringere voluit secundum Marcum, prædicebat enim futuram ternam abnegationem Petri, antequam *bis cantaret*, Marc. XIV. 30. Dominum suum abnegavit Petrus, quam primum advenisset in aulam Caiaphæ, hoc est ante mediam noctem; prima hac abnegatione facta, cantabat Cornicen, sed verborum Christi nondum memor Petrus, bis adhuc illum abnegat usque ad tertiam vigiliam; auditum vero fuisse cornicinem post primam abnegationem, nobis testis est Marcus cap. XIV. vers. 66 & sequentibus usque ad 69. Reliquæ autem duæ abnegationes factæ post auditum prima vice Cornicinem, vel si mavis, post auditum primum Gallicinium. Dandum ergo aliquod intervallum inter tres illas abnegationes, præsertim vero inter secundam & tertiam, teste Luca Cap. XXII. 59. qui horæ intervallum ponit inter abnegationem secundam & tertiam. Quis jam est, qui credat, gallum gallinaceum incepto semel gallicinio per integram horam conticuisse, cum satis constet, quod gallinacei advenientem auroram nuntiantes, non soleant per tantum temporis spatium cantum suum retardare aut suspendere. Dicendum ergo foret, quod hic Gallinaceus contra indolem suam, vi quadam naturam ejus constringente & cohibente impeditus fuerit, quominus more consueti repetitis vicibus cantet. Notandum vero hoc loco, quod secundum hanc nostram explicationem tempus primæ, secundæ & tertiæ abnegationis à Christo exactissime fuerit determinatum; Prima ergo eventura esset ante mediam noctem, sequentes inde à media nocte usque ad tertiam vigiliam. Ad hæc, quæ ex historia Evangelica satis nota sunt, si attendis-

set

set Doctiss. *Wernerus*, non ad illam difficultatem nullius ponderis relapsus fuisset, cum objicit, nostram ideo sententiam stare non posse, quia Christus tempore vigiliæ secundæ adhuc fuerit in horto, nulla hætenus abnegatione commissâ; cum non opus sit dicere, primum cantum cornicinis, qui auditus fuit sub finem primæ vigiliæ, esse primam illam ἀλεκτοροφωνίαν, incipiente vigilia secunda auditam; prima autem illa est, quæ prima fuit in aula Caiaphæ, nec audiri potuit ante mediam noctem. Iterum ergo dicendum, quod cornicen Romanus in aula Caiaphæ non ante cantarit, quam milites stationarii ibi essent constituti. Ibi autem illos, adducto demum Christo, media nocte jam jam appropinquante, excubias agere incepisse, manifestum est. Et exinde nemo non concludet, quod Cornicen signum dimittendorum militum tempore mediæ noctis edens, referendus sit ad primum illud signum monitorium Petro prædictum, vel si mavis ad primum gallicinium à Petro auditum. Quis vero dixerit Clariss. *Wernero*, quod inter duo ultima Gallicinia non nisi unius & dimidiæ horæ spatium intercesserit? Hæc equidem Vir doctus dicit, sed non probat. Definit Marcus intervallum inter secundam & tertiam abnegationem, illudque quasi horæ spatium recenset; sed quantum intercesserit inter primum & secundum, altum apud Evangelistas silentium; solus Lucas dicit, quod illud contigerit μετα βραχὺ, post pusillum, cap. XXII. 58. Verum etiam observandum, quod spatium temporis, quod Marcus XV. 70. vocat μετα μικρον, Lucas ad horam integram extendat. Computus ergo Viri Cl. adeo est incertus & dubius, ut exinde ne umbram quidem argumenti contra nos possit elicere. Possemus hoc loco ad forum politioris Literaturæ principum provocare anonymum, qui ritum Romanum notissimum & communissimum in dubium vocat.

Verba

verba ejus dabimus ex *Biblioth. Brem. Class. VI. p. 1074.* Hinc ulterius provehimur, qualem quærat *Altmannus* in urbe sancta buccinatorem, examinaturi; Romanos vigilias suas buccina commisisse, certum est; at vero idem apud præsidarios per urbes dispositos *Provinciarum* obtinuisse, secundum stationes non tantum ordinarias, sed & extraordinariam in adibus Pontificis, si auctori fides est, *Vigilias* ebuccinantes, probatum esse hætenus ex *Vegetio* & *Livio*; non perspicio, nam de præsidariis ne γῆν quidem illi. Tales autem sunt plerumque objectiones, quas animus livore turgidus potius, quam amor veritatem indagandi suscitatur. Quam turpiter se in his exposuerit amicus noster, mox videbimus. Petit à me, ut probem ex *Vegetio* & *Livio*, milites Romanos excubias egisse in ædibus *Caiaphæ*. Fateor, me id præstare non posse, & concedo ultro, *Vegetio* & *Livio* nunquam in mentem venisse, ut de excubiis in palatio Pontificis *Hierosymitani*, in scriptis suis mentionem facerent. Ut autem candido lectori constet, illum anonymum talem probationem à nobis petere, quam nemo desiderat, nisi humaniorum literarum rudis, dabimus testimonium apertum ex *Livio*, ad quem provocat, *Lib. III. cap. 20.* *Vigilie in urbe, stationes ante portas; præsidia in muris disposita.* Satis jam ex his videmus, quis mos Romanorum fuerit, non in castris tantum, sed & in urbibus, in quibus militum erant præsidia. Idem *Lib. X. cap. 4.* ait. *Custodia in portis, vigilie vicatim exactæ.* Nec temere, ut opinor, *Vegetius* de vigiliis loquens ait: *Lib. III. cap. 8.* *Quia impossibile videbatur, in speculis per totam noctem vigilantes singulos permanere, ideo in quatuor partes ad clepsydram sunt divisæ vigilie, ut non amplius quam tribus horis nocturnis necesse sit vigilare, hinc à tubicine omnes vigilie committuntur.* In his, quantum confidimus, satis contra indoctam anonymi objectionem probavimus, *Vigilias* & in urbibus & in castris æqualiter fuisse commissas. Quod sine controversia

nos docet addita particula *omnes*, à Vegetio non sine ratione adjecta, ut hoc modo doceret, eandem legem & consuetudinem Romanis observatam in castris & in urbibus, Romanis cohortibus militibus. Sed ut ultra debitum nostrum rem totam probemus, restem damus *Josephum*, *Antiq. Lib. VI. cap. 6.* disertis verbis probantem, quod non tantum in arce Antonia, sed & per porticus fuerint dispositi milites excubias agentes: Cum enim Judæi Christum tanquam hominem seditiosum accusaverint, omnino necesse erat, illum per milites præsidarios asservari & tuto custodiri, ne forsitan conjurationis seditiosæ amici & affectu illum ex vinculis eriperent. Hinc *Augustinus in tractatu 112. in Johannem*. Cohors, inquit, non Judæorum, sed militum fuit à Præsidente; itaque intelligitur accepta tanquam ad tenendum reum, servato ordine legitimæ potestatis, ut nullus tenentibus auderet obistere. Sed hæc ad rem nostram probandam antiquitatis Romanæ peritis sufficient. Si vero amico scriptum remaneat, abeat ad antiquitatis compendia, ad tyrones elegantioris Literaturæ, qui cum meliora edoceant, ne deinceps ea neget, de quibus apud antiquarios nulum dubium.

### S. XV.

Verum alia, præter allegatas hætenus rationes & argumenta, adhuc obveniunt, quæ hanc nostram commendant sententiam, & quæ suadent, dignius & convenientius omnino esse, hoc datum Petro signum, non ad cantum gallinacei, sed ad sonum cornu militiæ Romanæ referendum. Nemo enim vel parum in priscis ritibus versatus ignorat, veteres ex gallinaceorum cantu tristissima hausisse auguria. Exemplum refert *Sueton. in Vitell. cap. 9.* Verba historici hæc sunt. *Mox Vienna pro tribunali jura reddenti Gallinaceus supra bumerum; ac deinde in caput adstitit; quibus ostensis par respondit exitus, nam confirmatum per legatos*

legatos suos imperium per se retinere non potuit. Similia fere refert Petron. in *Satyr.* cap. 74. Hæc dicente eo, Gallus Gallinaceus cantavit, qua voce confusus Trimalchio, vinum sub mensa jussit effundi, lucernamque & mero spargi, imò annulum trajecit in dextram manum, & non sine causa inquit, hic buccinus signum dedit, nam aut incendium oportet fiat, aut aliquis in vicinia animam abjiciet; Longeque à nobis itaque, quicumque hunc indicem attulerit. Ad hæc certe non attenderunt Viri docti, qui ad Gallinaceum hunc inveniendum ad pullaria Romanorum confugiunt, & cantum gallinacei ex pullario Romanorum superstitioso, ad infaustum hoc augurium Petro exhibitum transferunt. Quis autem tam levis, ut facile credat, Sanctissimum Salvatorem nostrum more gentili per gallinaceum Petro lapsum denuntiare voluisse. Notum est etiam ex sacris paginis, quod Deus jam tempore V. Testamenti prohibuerit Judæos, ne ad ullum avium cantum attenderent. Quare ergo ipse Christus contra expressum hoc Dei mandatum Petro cantum avis fatidicæ lapsus & admissi criminis signum fecisset. Rationes autem, quare Gallus præ reliquis avibus inter oscines fuerit numeratus, nos docet *Cuperus in Harpocrate p. 16.* atque *Celeberr. P. Burmannus in notis ad Petron. pag. 364.* ad quos lectorem remittimus. Quis vero est, qui non videat, multo augustius esse, asserere, Cornicinem Romanum publice signum certum temporis edentem, Petro tristissimæ abnegationis monitorium dedisse, quam vero si in his ad cantum Galli Gallinacei confugiamus. Novi autem, neminem ex cordatis & æquis lectoribus futurum, qui non hoc nobiscum confessurus sit.

#### §. XVI.

Hæc jam fere sunt, mi Lector, quæ ad Cornicinem nostrum vindicandum dicenda videbantur. Tanta vero, quanta fieri potuit, brevitate à me id factum esse

esse, haud dubie nemo non fatebitur. Non enim agebam, ut pagina turgescat, vel ut prolixioribus excursionibus ad argumenta adversariorum responderem; verum unice, ut assertionem nostram ad majorem lucem & certitudinem eveherem, quod in prima nostra dissertatiuncula, Bibliothecæ Bremensi inserta, fieri non poterat. Hoc autem, an jam factum sit, judicare nolo; Viris autem doctis, & hæc sine ullo studio partium dijudicantibus relinquo. Dissertationi jam finem imponerem, sed unico adhuc verbo ad hanc nostram controversiam vocandus Rev. atque Eruditissimus *Wilb. Ern. Ewaldus Emblem. Sacr. Lib. IV. exercit. 4. pag. 378.* In illo loco Vir Clariss. (cui prologio, quo me indignum judico, dignas persolvo grates) supponit, rem certam & extra omnem dubitationis aleam positam, Petrum gallinaceum audivisse, indeque gallum gallinaceum typum & symbolum facit præconum Evangelii. Ipsa autem verba Viri doctissimi dabimus, l. c. *Gallus hic voce sua ad respiscenciam vocans, typus & symbolum elegans esse poterat præconum Evangelii, qui Judæos & gentes voce Evangelii conversuri essent.* Fateor equidem, quod Vir Cl. magno eruditionis apparatu ad hanc tuam sententiam probandam & illustrandam accesserit. Sed, pace Viri doctissimi, omnes ejus positiones & argumenta mihi hætenus tanti ponderis non fuerunt, ut in gallo gallinaceo Symbolum doctorum Ecclesiæ invenire potuerim. Hoc equidem constat, quod Salvator symbolum deducat ex gallina, Matth. 23:37. ut id prolixius explanat *Joh. Canr. Dietricus in Illustram. N. T. p. 78.* Cum autem nullum extet in sacris paginis vestigium, ex quo veritatem hujus emblematis possemus exsculpere, ego certe non video, quod gallinaceus potius possit esse typus ministrorum Evangelii, quam autem asinus Bileami, in quo plura adhuc forsân inveniri possent, quæ emblemata illustrarent & con-

firmarent, quam in gallinaceo Caiaphæ, si equidem supponere velimus, Petrum revera gallum audivisse. Ad probationem vero emblematis sui affert Rev. *Ewaldus*. I. Cristam gallinacei, quam galeæ seu coronæ instar in capite gerit. II. Colorem varium penarum, quibus est ornatus. Caudam falcatam. III. Gressum elatum, cervicem in sublime erectam. IV. Singularem gallorum erga gallinas amorem. V. Vocem acutam, elatam, distinctam. VI. Scientiam, horas & tempestates distinguentem. VII. Singularem cum sole sympathiam. VIII. Indolem bellicosam & ad pugnas promptam, IX. Naturam vulpibus & avibus rapacibus contrariam; & quæ alia adhuc sunt gallinaceorum attributa. Liceat autem dicere, talia obvenire in gallinaceo, quæ magis suadent, quod si equidem Symbolum inde velimus deducere, hoc animal esse emblemata fallorum doctorum Ecclesiæ Romanæ. Est enim I. Animal salacissimum, ad polygamiam pronum, non unica sed plurimis gallinis vix contentum, ex una conjuge ad alteram transiliens. II. Non purioribus cibis gaudens, sed reptilia quærens, sterquilina ruspans. III. Gallinaceorum reliquorum impeticiens, cumque omnibus aliis perpetuam inimicitiam exercens. IV. Ova inania projiciens, hocque modo sexum foemineum affectans vel mentiens. V. Indolem habens ad livorem & iram pronam. VI. Nocte potius quam die vocem edens; & quæ sunt alia, quæ egregium hoc Viri Doctissimi Symbolum evertunt. Ne jam dicam, quod à Viro doctissimo in præsidium allatæ rationes tales sint, ut illas æque commode in contrariam hanc partem, adductis plurimis Veterum testimoniis, trahere possemus. Sed satis de his. Gallinaceum autem felicem prædico, qui nullis suis meritis tot ebuccinatores invenit, qui per integras noctes ejus formam, cantum, virtutes, contra ejus hostes voluerunt defendere.

Hæc



Hæc sunt, quæ in hanc rem dicenda videbantur. Credat jam qui velit, fuisse Gallinaceum in aula Caiaphæ, aut Cornicinem Romanum, controversia mihi nec bilem nec ærumnam movebit. Tantum de Gallo.

II.

# HADRIANI RELANDI ORATIO

DE

## GALLI CANTU HIEROSOLYMIS AUDITO.

Habita publice in Academia Trajectina  
A. d. 26. Martii M DCC IX.

*Quum magistratu Academico abiret.*

### *Argumentum.*

- I. Quo plura quis cognoscit, hoc plura superesse investiganda comperit; & quæ plana videntur intuenti obiter, non sine salebris subinde occurrunt oculo acutiori. II. Huc refertur *Galli cantus Hierosolymis a Petro auditus*, atque de scrupulo heic residente evellendo consilium proponitur. III. Sanctitatis Urbis Hierosolymorum decem capita Judæi recensent;

sent; Inter quæ nonum est, *nullos in ea gallos nutrir*. IV. V. Putant nonnulli, traditionem hanc ex corpore ipso Talmudico infirmari ac dilui posse. VI. VII. Voces קרא הנבר apud Talmudicos, utrum explicandæ sint per *cantum galli*, an vero per *clamorem viri*. VIII. Posterior sententia rejicitur. IX. Per *cantum Galli* vero intelligendum est tempus Gallicinii. X. Alii censent, ob narrationem Historiæ Evangelicæ fidem derogandam esse Talmudicis; Sed potius conciliatio quærenda est. XI. Petrus Hierosolymis potuit gallum audire extra urbem canentem. Quam procul Gallorum voces audiri possint. XII. Dici etiam potest, legem de non alendis in urbe gallis, latam fuisse solis Judæis, quam Romani Hierosolymis degentes non observarint. XIII. Ad captanda auguria Romani gallorum pullos in provincias secum ferre solebant. XIV. Neque Judæi ipsi leges suas semper aut accurate observarunt; adeoque verisimile est, non defuisse ex illis, qui contra præcepta Magistrorum gallos in urbe nutriverint. XV. Notatur, verba legis ipsius prohibere duntaxat, gallos *alere*, non vendere vel comedere. Hinc nova conciliationis ratio affertur. XVI. Denique lex ista Christi forsan tempore nondum fuerat lata. XVII. Concluditur, diversis modis Historiam Evangelicam cum Talmudicorum traditione posse conciliari. XVIII. Momentum ejusmodi conciliationis expenditur & adstruitur. XIX. Re-

storis

ctoris Academici Munus ab Authore deponitur. XX. Et Successori traditur.

§. I.

**Q**uietem non capit animus sciendi cupidus; sed quo plura investigat & consequitur, plura superesse comperit. Frustra speratur tranquillitas post rerum cognitionem voluptas, quæ finem studio sapientiæ faciat, & incredibilem hunc ardorem restinguat. Decurrat in hoc stadio qui velit, enitatur & contendat; meta fatali quasi manu retroacta, & conspecta semper eminens, spem omnem accedendi præcidet. Ne una quidem res est, cujus naturam penitus habemus perspectam; (usque eo craf-  
sis omnia circumfunduntur tenebris) & si vel hoc ipsum generi humano datum fuisset, singuli dies nihilominus nova argumenta suppeditarent, in quibus cum fructu occuparemur. Non hic in immensam adeo rerum cognoscendarum copiam, quam unusquisque, qui modo rationis est particeps, animadvertere potest, vos mentem volo intendere; sed in illa duntaxat, quæ ab hominibus indoctis & a studio literarum alienis, licet ante oculos posita, negligi & pro nihilo putari solent, sapientiæ tamen studiosis amplam materiam meditandi suggerunt. Quot stirpes & herbæ, aut tritæ pedibus aut a prætereuntibus contemptæ, hominum generi salutare comper-  
tæ sunt, postquam earum vires innotuerunt? Quamvis in cœlo novum sidus appareat, si nullo insolito fulgore oculos percellit, non animadvertetur ab homine, qui stellarum situm atque ordinem ignorat; sed illos, qui cursus astrorum dimetari solent, & in ortus eorum obitusque inquirere, occupatos tenebit atque impeditos. Eadem nives in virum peritum rerum naturalium ac imperitum decidunt, ita tamen.

utile de admirabili partium conformatione & figura parum sit sollicitus, de qua non immerito acutissimi philosophi laborant. Qui ad veterum scriptorum monumenta animum adpellit, quo acriori iudicio valet, & majori imbutus est rerum scientia, plura inveniet, in quibus hæret, quæque diligentius ponderat, interea dum alii nihil in iis involutum esse aut occultum, sed aperta omnia & manifesta, existimant. Quod si ad divina oracula nos conferamus, in illis quoque abdita multa & recondita deprehendemus, quæ a plerisque neglecta, quod verba in recessu nihil habere viderentur & sine ullis salebris fluere, aliorum tamen industriam exercere poterunt. Plane, quemadmodum homines oculorum usu destituti per loca periculosa sine metu feruntur, quæ si conspiciere possent, & discrimen, in quod adducuntur, animadvertere, suspensos eos merito tenerent & retardarent.

## §. II.

Luculenter ea, quæ a me dicta sunt, confirmari intelligetis, Auditores, si mecum oculos conjiciatis in illam historię sacræ partem, quæ, quum Petrus, se nosse Sospiratorem generis humani Jesum, perjure negasset, *gallum cecinisse* tradit, quo audito egressus foras, uberibus lacrymis commissam culpam deflevit. Multi sacrum codicem & legerunt & commentariis illustrarunt, quibus id nec mirandum adeo nec animadversione dignum videbatur, **GALLI CANTUM HIEROSOLYMIS AUDITUM fuisse.** Et, nisi vehementer fallor, etiam inter vos, qui me verba facientem auditis, reperiuntur, quorum mentibus eadem opinio insidet, nihil hic magnopere attendendum aut notandum esse. Conabor tamen efficere, ut intelligatis, scrupulum haud exiguum in iis residere; de quo enucleatius dicere, & palam facere, ubi hæreat, deinde evellere, constitui. Qua  
opera

opera & lux aliqua inferetur sacris tabulis, & veritas rerum iis contentarum adversus Christiani nominis hostes firmabitur. Nec a disciplina, quam auctoritate publica doceo, hoc argumentum alienum est, nec ab hoc ipso Inaugurationis ritu, quo fasces Academicos ei Viro traditurus sum, qui artes Apollinis & Æsculapii, quibus GALLUS sacer esse dicitur, in hac Academia profitetur.

### S. III.

Urbem HIEROSOLYMAM, præ universo terrarum orbe, a summo Numine destinata olim cultui Levitico ac solemnibus populi Judaici ceremoniis fuisse, & singulari sanctitate præditam, res est notissima: unde nomen URBIS SANCTÆ, & *Cadytis*, ut nonnullis visum est, ei adhæsit. Hujus sanctitatis quum multa eaque clarissima indicia extent in sacris monumentis, minutatim singula persecuti sunt Hebræorum doctores, quibus urbs Hierosolymitana ante alias eminebat. Solent hæc ad decem capita referre, & e quibus *primum* est, domos in hac urbe non vendi ea lege, ut si intra anni spatium redemptæ non sint, emtori stabilis & certa permaneat earum possessio. Qua de re lex a Deo scita legitur in capite Levitici quinto & vigesimo. *Alterum*, non teneri eam legem de afferenda vitula ad expiandam cædem, incerto auctore patratam. *Tertium*, exemptam illam esse e numero civitatum, quæ impulsu aliorum ad cultum falsi numinis aut imaginum deduci possunt, & deductæ excindi debent mandato Dei, in capite tertio & decimo Deuteronomii. *Quartum*, domos ejus non infici lepra illa contagiosa, quæ ipsos lapides & parietes ædium invadere in Palæstina solebat. *Quintum*, illic non porrigi ex ædibus trabes vel Meniana, quæ alii vocabulo projectorum nuncupant, ne, qui sub iis in platea ambulant, ex cadaveribus sub terra latentibus, aut particula eorum, immunditiem contra-

trahant, si superne trabs speciem rectæ porticus aut tabernaculi faciat, quum unumquemque pollui lex divina doceat, qui in eodem tabernaculo cum cadavere verſatur. *Sextum*, non inveniri in illa ſtercoris & ſordium acervos, e quibus beſtiæ ſerpentes & immundæ gignuntur, quarum contactu cibos & homines inquinari, lege Dei ſancitum eſt. *Septimum*, nullas illic exſtrui fornaces calci parandæ deſtinatas. *Octavum*, hortos ibi nullos eſſe, qui cum ſtercorari debeant, animalia immunda progignunt. *Nonum*, ad quod attendere vos volo, quum ad quæſtionem, quæ nunc in manibus eſt, maxime faciat, *nullos in ea GALLOS nutriri*. Cui *decimum* addunt, mortuum eo die, quo ex hac vita migravit, urbe eſſe effe-  
rendum.

#### §. IV.

Videtiſ, opinor, Auditoreſ; nodum hic eſſe difficilem, qui expediri meretur. Etenim, ſi *Hierosolymis galli non fuere*, ne terram pedibus diſſipantes immunda animalia eruant & reſ ſanctas contaminent, quomodo *Petrus gallum cantantem ibi audiviſſe dicitur*? Sunt, qui putant, nullo negotio hanc difficultatem tolli, ſi dixerint, falſum eſſe, quod Judæi tradunt, legem olim latam fuiſſe de gallis in urbē Hierosolymitana non alendis; & hoc ipſum ex corpore Talmudico infirmari ac dilui poſſe, in quo nonnulla hiſ contraria inveniri perhibent. Quippe in eo legitur, gallum, qui roſt um puero in caput infixerat. lapidibus obrutum fuiſſe Hierosolymis: quod legem a Deo latam de interficiendo bove, qui plagam mortiferam alicui inſiſſit, non de bubus tantum, ſed de quibusvis beſt ſ nocentibus, intelligi debere, Doctorum Judaicorum ſententia ſit. Quum vero in eodem loco, quo vulnus acceptum erat aut cædes commiſſa, reus plecti debuerit, ſequitur, Hierosolymis peractam fuiſſe cædem, ubi ſumtum de eo ſup-  
plicium

plicium fuit. Hierosolymis ergo, dicunt, fuere galli, qui & vulnerare illic hominem & morte multari potuere. Equidem demonstrari hic non video, culpam a gallo Hierosolymis commissam fuisse, licet illic poenam subierit: quia sententia de bove, atque ita etiam de gallo puniendo, non quovis loco ferri potuit; sed illo solum, in quo considerent & de causis cognoscerent iudices tres & viginti, uti in codice de *Synedriis* traditur. Quod si itaque fingamus, in loco aliquo non longe ab Hierosolymis, ubi non nisi trium virorum confessus erat, qui de re pecuniaria solum & minoris momenti iudices erant, vulnus puero a gallo inflatum fuisse, debuit ad alium locum & majus tribunal deferri, ubi trium & viginti iudicum confessus erat, qualis sine dubio Hierosolymis fuit; ubi non modo Synedrium magnum consedit septuaginta virorum, sed duplex concilium virorum trium & viginti, unum in monte templi quem vocant, alterum ad ostium atrii. Non ergo inde sequitur, cum gallum Hierosolymis fuisse nutritum. Quod etsi illud in ipsa urbe a gallo commissum fateremur, necdum tamen inde efficeretur, eum ibi pastum, sed tantummodo eo delatum fuisse; quod varias ob causas potuisse fieri, mox docerimus.

### §. V.

Sed acrius telum est, quod in nos intendunt, depromptum ex iis verbis pandectarum Judaicorum, quæ in enarratione rituum sacrorum in templo Hierosolymitano servatorum *cantum galli* memorant, quo audito se unusquisque quotidie ad opus accingebat. Plane, dicunt, atque aperte in codice, TAMID appellato, doctores Hebræorum loquuntur, olim eum sacerdotem, qui ab altari exteriori cineres removeret, se lavisse ante adventum præfecti: hunc vero summo mane januam pulsasse illius conclavis, in quo

sacerdotes eo die sacris operaturi sōmnum capiebant, eumque non semper eadem hora venire solitum, sed nonnunquam ad *cantum galli*, aliquando ante vel post. In eandem sententiam in codice JOMA traditur: singulis diebus cineres ex altari amovebant ad *cantum galli*, vel ocyus paulo aut tardius. Verum die expiationis anniversariæ a media nocte, tribus autem festis maxime solemnibus, paschate scilicet, pentecoste & festo tabernaculorum, a prima noctis vigilia. Nec instabat galli cantus, quin atrium refertum esset turba Israelitarum. Denique in codice SUCCA legitur, quum festi dies, aut noctes verius, tabernaculorum agerentur, sacerdotes duos stetisse in porta superiore, qua ex atrio Israelitarum ad atrium mulierum descenditur, & ad *cantum galli* tubas inflasse.

#### §. VI.

Ex his patere arbitrantur, falli doctores Hebræos & sibi adversari, qui *nullos* omnino *gallos* Hierosolymis nutritos fuisse affirmant, quum ex ipsis eorum scriptis doceri possit, quotidie *galli cantum* fuisse auditum ante exordium cultus sacri in templo peragendi. Commenti etiam fuere, quum Talmudicos dissentire de vi vocum קרא הנבר animadverterent, & alii eas per *cantum galli*, alii per *clamorem viri* explicarent, nescio quem gallum sacrum, in templo nutritum, cujus hunc usum fuisse volunt, ut cantu suo indicium instantis auroræ faceret, & sacerdotes officii sui admoneret. Ego vero nunquam mihi persuadere potui, pulcherrimum illum sacrorum ordinem, qui tanta cum diligentia observabatur, a re tam lubrica & incerta, ac galli cantus est, fuisse suspensum. Quid enim, si contingeret, gallum non cecinisse, ideone nec Sacerdotes nec Levitas tempore legitimo sacris operatos credemus? Prohibent præcepta patrum Hebræorum, qui curiosius, quam in tabulis  
Mo-



Mosaicis jussum erat, singulas partes functionum sacrarum ordinarunt, ne vel minima perturbatio locum habere posset, & decore, uti ipsis quidem videbatur, omnia peragerentur. Ex illorum decreto, primo quidem post lustratum a sacerdotibus atrium, unus ex iis, sortitione facta designatus, cineres tollebat ab altari exteriori, in quo postquam suo loco dispositæ essent lignorum strues ad alendos ignes, sortes iterum per capita ductæ tredecim viros indicabant, qui in mactatione & oblatione agni occuparentur. Mox, ubi speculator plagam cœli orientalem luce perfundi clamaret, agno ex conclavi deducto, eidem ad apertionem portæ magnæ, quæ in sanctum ita dictum patefaciebat aditum, jugulum incidebatur. Deinde sacerdotes duo in sanctum ingressi cineres ab altari interiori removebant, & purgabant quinque lampades. Tum membra agni ad clivum delata & sale conspersa deponebant, ut tertium & quartum ductis sortibus intelligerent, quis thus atque odores incenderet, & quis membra victimæ a clivo ad summum altare deferret. Quibus peractis incendebantur odores, lampades duæ reliquæ lychnuchi purgabantur, & agni membra in altari conflagrabant. Denique fertum holocausto illi congruum, & crustula pontificis maximi offerebantur, adjuncto vini libamento. Quæ cum ita se habeant, quis credat, Judæorum Doctores, in horum omnium tempore atque ordine definiendo tam curiosos, voluisse, initium horum sacrorum ab audita voce galli alicujus, qua nihil est incertius, ducendum fuisse?

## §. VII.

Quam ergo, dicetis, illa verba, quæ paulo ante recitata sunt, habent sententiam, in quibus aperte mentio *cantus galli* fit? Duplici modo ad illa responderi potest. Primo, voci Hebrææ נָבִי, quæ Latine red-

reddita *gallum* significat, etiam hanc vim subesse, ut *virum* notare possit. Et profecto inter ipsos Hebræorum doctores inveniuntur, qui omnibus illis locis, quæ commemoravimus, ea verba non per *cantum galli*, sed *clamorem viri* exprimenda esse, contendunt. In ipsa GEMARA, ut pateat, hanc opinionem novam non esse aut recentem, hæc verba קרא הגבר explanari videmus per illa כרו כרחא *clamavit præco*. Sic ut putent, virum aliquem fuisse, qui id habuerit muneris, ut voce sua admoneret sacerdotes appropinquantis auroræ, quique fortassis etiam a similitudine quadam, quæ illi hac parte cum gallo erat, *galli* nomen invenerit. Firmat hanc sententiam, præfectum portis atrii aperiendis nomine בן גבר, *filii galli*, esse nuncupatum, uti liquet ex codice, in quo agitur de siclis.

### §. VIII.

Mihi tamen, ut verum fatear, non placet hæc responsio. Quamvis enim inficiari non possim, vocem גבר *Virum* quandoque significare, non tamen arbitror, in iis, quæ a me statim ex Talmude prolata sunt, hanc notionem illi esse subjectam. Si enim *clamor viri* intelligendus est, qui certo tempore mane audiebatur, quidni dicunt, initium sacrorum factum esse, aut præfectum ad conclave, in quo sacerdotes erant, advenisse, simul ac vocem illius Viri audiverant, uti de agno iidem scriptores prodiderunt, statim ac vox speculatoris ברקאי *Lucet* audita fuerat, agnum ex conclavi agnorum fuisse delatum, eundemque statim ac templi fores crepuerant, jugulatum fuisse? Cur dicere malunt, vel paulo ante clamorem Viri vel paulo post, nonnunquam ocyus, aliquando tardius, id contigisse? Quod tam dubio temporis intervallo circumscribi non debuisset, si ad vocem hominis isti negotio præfecti fuisset

set dirigendum. Præterea memoratur quidem vox Gabinii præconis גבניי, quæ longissime fuit exaudita; & negari non potest, aliquem in templo præconem fuisse & præfectum temporibus, sed illum indicari his verbis קרא הגבר, nondum liquet. Imo si illum indicare voluisset scriptor codicis TAMID, quidni eum capite primo nominatim Gabinium præconem appellasset, uti capite tertio. Non enim uni tantum, sed omnibus nomen *Gabinii* tribuunt. Sic nihil fuisset in dictis lubricum, nihil ambiguum. Cur iis verbis utitur, quæ æque de cantu galli quam de clamore viri intelligi possunt? Quid? quod in codice TAMID, in quo accurate ratio sacerorum quotidianorum traditur, nulla formulæ, qua præconem usum volunt, mentio fiat. Nec enim is speculator, qui mane, simul atque lucebat, voce בראקא ejus rei indicium dabat, hoc verbo sacerdotes & Levitas ad opus suum excitasse dici potest, quum sacerdotes diu ante illum clamorem in officio suo jam verterentur. Denique (fateor) in ipsa GEMARA codicis JOMA quidam sapientes hæc ipsa verba קרא הגבר ad clamorem viri referunt, qui mane ante ortum auroræ hac formula usus fuerit: *Sacerdotes ad opus vestrum, Levitæ ad suggestum, Israelitæ ad stationem!* Sed quum ibidem aliorum sententiæ in diversa abeant, qui ea de cantu galli intelligenda arbitrentur, licebit mihi illorum amplecti sententiam, quam simillimam veri censeo. Nec, si vel maxime concedam, præfectum temporibus ea formula mane uti solitum, sequitur ilico, verba Hebræa, de quibus disputamus, ad vocem illius præfecti spectare. Imo, quum plerumque de cantu galli a Judæis usurpari soleant, nulla necessitas nos cogit, neglecta vi verborum usitata ac trita, aliam minus cognitam & idoneam iis attribuere.

§. IX.

Quandoquidem ergo illa verba, quæ in duas par-

partes accipi possunt, per *clamorem viri* Latine non bene reddi contendimus. restat, ut dicamus per *cantum galli* ea verti oportere: Non quidem in eam sententiam, ac si necesse fuisset, singularis cujusdam galli vocem exaudiri, antequam sacerdotes ad munus suum se conferrent, sed quatenus tempus illud designant, quod & nos gallicinium appellamus, & Græci ἀλεκτρυόνων ἀδόντων. Ita solent Hebræi iis ipsis verbis uti, cum in consuetudine scribendi, tum sermocinandi. Quod verba superius allata ex MISNA JOMA firmant, ubi cantus galli, media nox, & prima noctis vigilia, tanquam partes noctis recensentur, quemadmodum & in Gemara Hieros. codicis PESACHIM 37. 4. קרית הגבר gallicinium. In Gemara Hieros. Codicis KILAIM 32. 2. narratur, quum celeberrimi doctoris R. JUDÆ, quo neque sapientior quisquam neque sanctior illa ætate vixisse creditur, funus elatum fuit, perturbato naturæ ordine diem usque eo productum fuisse virtute divina, ut sole occidente gallus canere inciperet, ubi eadem verba Hebræa leguntur. In Babylonico codice JOMA 21. 1. dissuadetur iter susceptum ante cantum galli קדם קריאת הגבר, quo loco & secundus (cujus MARCUS quoque meminit) cap. 14. comm. 30. & tertius cantus distincte commemorantur, quos diversis temporum intervallis galli edunt; quo modo & THEOCRITUS Idyllio 24. de cantu gallorum tertio scripsit:

Ὅρνιθις τρίτον ἄρτι τὸν ἔσχατον ὄρθον αἶδον.

Adeoque existimamus, quum Hebræi tradunt, præfectum ad sacerdotes accessisse circa cantum galli, aut instante galli cantu atrium ab Israelitis completum fuisse, tempus inter mediam noctem & auroram indicari, nec inde colligi posse, gallorum cantum ibi auditum fuisse. Quid enim? An mihi dicere non licebit, etiamsi ne unus quidem in hac urbe gallus aleretur, rem aliquam accidisse *sub* vel *ad* can-

tum galli: quibus verbis HORATIUS usus est initio sermonis primi & JUVENALIS satyra IX. In eandem sententiam scriptum est libro tertio *Hasmonæorum*, Cap. 5. 15. Ἄρτι δὲ ἀλεκτρῶν ἐκέρωνεν ὄρεθρος. Quod non de cantu galli cujusdam singularis, sed de gallicinii tempore, intelligendum esse, res ipsa declarat. Eleganter gallum ὄρεθρον appellat. Scilicet veteres ὄρεθρον præcedere auroram dicebant, uti testatur PHRYNICHUS in *ecloga dictionum Atticarum*. Quamvis enim multos scribat, sua ætate nomine ὄρεθρον nuncupare tempus, quod ortum solis proxime antecedit, & prisce *ew* sive auroram appellabant, vult tamen vocabulum ὄρεθρος illi temporis aptissime tribui, quod ante lucem ipsamque adeo auroram labitur, quo lucernæ lumen adhibere necesse est. Unde & THEOCRITO gallus ὄρεθρος dicitur multo elegantius quam ἠώς; non enim ante solis modo; verum etiam auroræ & lucis ortum galli canunt, silentio noctis, ut ait ENNIUS; quapropter olim Nocti sacra fiebant gallo, & uti ἠώς sive aurora nuntia solis esse fertur, sic ὄρεθρος nuntia auroræ. Idem observatum cernimus in hoc disticho THEOGNIDIS:

Ἐσπερὶν δ' ἔξειμι, καὶ ὄρεθρῳ αὐτὶς ἔσειμι  
Ἥμος ἀλεκτρῶνων φθόγγος ἐγχειρομένων.

Distinxit etiam accurate gallicinii tempus sacer scriptor MARCUS: *Nescitis*, inquit, *quando dominus domus veniat, sero an media nocte, an galli cantu, ἢ ἀλεκτοροφωνίας, vel mane, πρωί*; ubi gallicinium inter noctis medium & auroram interponitur. Quæ quidem ex CENSORINI libro de die natali illustrantur, ubi hæc leguntur: *Tempus, quod nocti mediæ proximum est, vocatur de media nocte; sequitur gallicinium, cum galli canere incipiunt; Dein conticinium, cum conticuerunt; Tunc ante lucem, & sic diluculum, cum sole nondum orto jam lucet.*

## §. X.

Apparet itaque ex verbis doctorum Talmudicorum, probari liquido non posse, gallos Hierosolymis educatos fuisse, nec aliquid inde inferri, quod veritatem illius sententiæ labefactet, gallos ibi pascere non licuisse. Sunt tamen alii, qui existimant, se falsi arguere posse doctores Hebræorum ex his ipsis verbis historiæ Evangelicæ, in quibus illustrandis versamur. Manifestum est, inquiunt, nullam fidem habendam esse patribus Talmudicis, quum gallos Hierosolymis fuisse negant. Contrarium enim docet historia mortis Christi & aperte indicat, Petrum hic gallum cantantem audivisse. Et vel hoc unum sufficere arbitrantur, non solum ad imminuendam, verum etiam ad evertendam funditus auctoritatem omnium illarum rerum, quæ veluti ab antiquissimistemporibus ductæ tum in Misna tum Gemara a Judæis traduntur. Ego autem in longe alia opinione versor, & quamvis nec possim nec velim patrocinium suscipere illius disciplinæ, quam sermonibus velut per manus traditam ferunt, & omnium legum, quas doctores Hebræi specioso antiquitatis velo obtendunt, iniquum tamen esse puto, illis res suas narrantibus eam fidem recusare, quam scriptoribus Græcis & Romanis habemus, si quæ ab iis traduntur nec rationi nec certissimis aliorum, eorumque plurium scriptorum, testimoniis adversa sint. Quamobrem si, quod illi narrant de gallis, hos videlicet alere in urbe Hierosolymitanâ interdictum fuisse, conciliari possit cum scriptis novi foederis, quid causæ est, quo minus credi debeat, eos vere id prodidisse? Tentemus ergo & disquiramus, an hæc secum ita pugnent, uti prima specie apparet.

## §. XI.

Legitur in Evangelio MATTHÆI, Petrum, qui  
Hic-

Hierosolymis erat, audivisse gallum canentem. Ipse gallus Hierosolymis fuisse non legitur. Potuit vox galli extra Hierosolymas edita ad ipsam urbem & aures Petri deferri. Situs urbis Hierosolymitanæ, quæ diversis montibus insidebat, non parum huc facit: quum loca excelsa voces missas recipiant, quæ plana præterlabuntur; & ipsum noctis tempus, quo sonos multo longius propagari quam interdium novimus. Ne jam de ventis loquar, qui cantum galli clarius & fortius ad aures Petri deferentes, multum augere vim soni & provehere potuerunt. Certe memoriæ proditum est, in Sicilia audiri posse voces gallorum, qui in Italia canunt, licet fretum Siculum interjectum sit. Ita scribit SILIUS ITALICUS lib. 14.

*Ex illo servans rapidus divortia Nereus  
Sævo dividuos conjungi pernegat æstu.  
Sed spatium, quod dissociat consortia terræ,  
Latratus fama est (sic arcta intervenit unda)  
Et matutinos volucrum transmittere cantus.*

*Volucrum* nomine gallos intellexisse SILIUM, tuto creditur, quum Græci eos ὀρνίθας, Latini aves, vulgo nuncupare soleant. Quod si quis minores aves hic indicari contendat, utique cantus gallorum, qui magis canori sunt, æque percipi poterat. PLINIUS quoque lib. 8. c. 1. eo loco, quo de Bosphoro agit Asiam ab Eurôpa dividente, tradit, alitum cantus canumque latratus invicem audiri: Vocis etiam humane commercia, inter duos orbes manente colloquio, nisi cum id ipsum auferunt venti. Idem hodie de Constantinopoli narrant, illic gallos in Asia canentes audiri. Quod si cives Constantinopolitani in urbe sua gallos in opposito Asiæ litore, a quo intermedio mari disiungitur, cantantes audire possint, uti fertur, minime mirum nobis videri debet, Petrum Hierosolymis

gallum extra urbem canentem audivisse. Quacunque enim in regione urbis ædes pontificis maximi Cajaphæ fuisse credantur, propiores certe fuerunt mœnibus urbis, quam Asia Constantinopoli. Quod si in monte Zion eo loco fuerint sitæ, quo eas collocat diligentissimus investigator Antiquitatis Judaicæ VILLALPANDUS, qui triginta annos describendo templo & urbi Hierosolymitanæ impendit, vix tribus stadiis a turri Hippico, ipsisque muris civitatis abfuerunt,

## S. XII.

Dici etiam potest, legem de non nutriendis in urbe gallis, latam esse solis Judæis. Id res ipsa & finis legis declarat. Data fuit, ne in urbe, ubi *sancta* quæ vocant *levia*, portio scilicet ex sacrificiis salutaribus privatis, agnus paschalis, decima animantium, decimæ secundæ & fructus plantæ quadriennis, comedi ab Israelitis debuerunt, contactu reptilium, quorum partes galli gallinacei ex terra unguibus eruere possent, contaminarentur. Itaque quod in urbe Hierosolymitana Israelitis erat interdictum, id ipsum per universam terram sanctam prohibitum erat sacerdotibus: quod non in metropoli solum, sed per omnem terram Israeliticam liceret sacerdotibus primitias frugum, quas Hebræi תרומות vocant, comedere. Quamobrem, etiamsi Judæis non liceret gallos Hierosolymis alere, quid hoc ad Romanos, quibus eo tempore Judæi parebant? Metus non erat, si vel Pilatus vel alius quispiam Romanorum gallos in cavea inclusos aleret, inde cibos sacros Judæorum immunditiem contracturos. Quum enim ipsi tam sollicitè caverint, ne ingressi in prætorium Pilati polluerentur, inepti videlicet futuri ad comedenda sacra, multo magis censendi sunt, cibos sacros conservare a pollutione immunes potuisse. Nec profecto credibile est, (licet de Antiocho rege Asiæ constet, eum ve-

tuisse



tuisse Hierosolymis alere animantia Judæis interdicta) procuratorem Pilatum, cujus mores longissime recedebant ab illius Antiochi, quique Judæis, signa militaria & effigiem Cæsaris in urbe ferre nolentibus, mortem minari ausus fuit, nec ærario sacro manus abstinuit, aliosque Romanos, qui cum ipso Hierosolymis degebant, voluisse gallorum usu abstinere in Judæorum gratiam, & his gulæ deliciis mensam suam privare. Quod ut exemplo quodam, a re non multum dissimili petito, illustremus; porcos quidem alere, Israelitis omnibus erat interdictum, terram sanctam inhabitantibus. Leguntur tamen Gadareni, qui partem hujus regionis incolebant, sues pavisse, in Evangelio Matthæi *cap. 8*. At qui illi? non Judæi, sed gentes, uti ex scriptis JOSEPHI liquet. Quemadmodum itaque contra decretum senatus Judaici in terra sancta porci nutriti sunt, ita quoque galli Hierosolymis.

### §. XIII.

Quod si a moribus domesticis Romanorum ad disciplinam augurum nos transferamus, inde quoque aliquid peti potest, quod huic materiæ lucem foeneratur. Romani bellicam rem administrari nisi auspicato noluerunt. Quapropter illi, qui ad provincias mittebantur, solebant, ut ubique auspiciis utilis possent, pullos secum ferre cavæ inclusos. E quibus quum captanda erant auguria, oblata pultis offa, & illi, qui in auspicium adhibetur, ita imperante eo qui auspicatur: *Dicito, si silentium esse videbitur*, nec suspicit, nec circumspicit; statim responderet, *silentium esse videri*. Tum ille; *dicito, si pascuntur*. *Pascuntur*. Quod si offa cecidisset ex ore pulli, tum auspicanti tripudium solistimum nunciabant, uti legere est apud CICERONEM libro secundo de Divinatione. Si itaque Pilatus hunc morem secutus pullos Hierosolymis auspiciorum causa nutrit, quidni aliquem ex iis audire Petrus canentem potuit?

## §. XIV.

Verum nihil opus est de Romanis id suspicari , & illis gallorum educationem in urbe sancta contra præcepta Judæorum attribueretur. Ea erat conditio perditorum illorum temporum , ut hi ipsi inter Judæos, quorum erat, leges patrias & consuetudines tueri , reges nimirum , pontifices maximi & senatores , qui plerumque hæc magna nomina nundinabantur , eas turpiter neglexerint. Scilicet illi , qui contra Dei ipsius voluntatem in homines rerum omnium rudes, sceleratos, nec ex legitima stirpe profectos, pontificatum conferebant; qui circos & amphitheatra ad cursus & venationes in illa urbe, quam summum Numen præ omnibus totius universi civitatibus suo cultui sacraverat, erigebant; qui incestis conjugiiis & libidinibus se inquinabant; quibus denique nihil unquam nefas erat, dummodo potentiam aut opes consequerentur; illi (quis credat?) legem de non alendis in urbe gallinaceis sanctius observarunt?

## §. XV.

Præterea verba legis ipsius prohibent duntaxat gallos *alere*, non vendere nec comedere. Quid si ergo dicamus, hunc quoque gallum ex illorum numero fuisse, qui venditi, ut mensæ iis exstruantur, Hierosolymas delati erant, & ea nocte, quæ illi suprema fuit, vocem edidisse, uti consueverat. Liquet etiam ex iis, quæ modo diximus, non venire in dubium, an galli aliquando Hierosolymis fuerint; id enim ipsi Judæi fatentur, quum lapidibus obrutum illum narrant, qui puerum necaverat. Fateor, hanc rem fuisse singularem, nec quæ quotidie contingit. Scio tamen, quod tunc contigit, alio quoque tempore ob diversas causas, quas enumerare necesse non est, contingere potuisse. Nec omnes rerum eventus & casus a scriptoribus illorum temporum

rum memoriæ sunt proditi: quod si præstitum fuisset, fortasse in hoc ipso argumento, in quo versamur, non laboraremus.

§. XVI.

Denique silentio prætereundum non est, suspicari aliquem posse, hanc legem de non nutriendis in urbe gallis, post id tempus latam fuisse, quo Christus captus est, & Petrus gallum canentem audivit. Spectabat illa unice ad conservandam puritatem ciborum. Docemur autem in sacris literis, Judæos temporibus illis, quibus Sospitator noster in his terris vixit, maxime studiosos fuisse munditiei, & præcipuam partem cultus divini in ea posuisse. Quæcunque etiam de hac re in Talmude decreta extant, doctoribus illis accepta feruntur, qui non multo ante templi secundi excidium vixerunt: quamvis non ignorem, ea Judæos ab ultima usque antiquitate repetere, & illos, quorum nomina legum tituli præferunt, non ut auctores, sed testes laudare. Videntur ergo tunc studio singulari in id incubuisse, ut pura ab impuris sollicitè secernerent, & ea sciscerent, quæ ad servandam puritatem locorum, hominum, vestium atque ciborum, conferre existimabant. Præcipue autem huic rei operam dabant Pharisei, quorum secta non ita diu ante Christi ætatem orta, paulatim majora incrementa cepit, duce imprimis Hillele, amplissimi concilii Hierosolymitani præside, qui Christo vivente hoc munus obibat, donec universum fere populum superstitione sua infecit. Adeoque posset illa lex de gallis non alendis serius esse lata, quam Christus mortem oppetiit; & si hoc modo tempora distinguamus, scriptores sacri & magistri Hebræorum pugnantia non fuissent locuti.

§. XVII.

Ex quibus omnibus illud perspicuum est, Auditores,

tores, plus una via veritatem historię Evangelicę in tuto collocari, nec ullam necessitatem nos cogere, ut legem Judaicam de gallis in metropoli Palęstinę non educandis suspectę fidei habeamus. Nihil amplius, ut opinor, desideratis, postquam docuimus in Talmude galli quidem mentionem fieri, Hierosolymis puniti, quem tamen illic alitum fuisse probari nequit: Gallum sacrum, qui cantu suo sacerdotes ad operas excitaverit, figmentum esse; nec viro cuidam, eodem cum gallo nomine dicto, id tribuendum videri; sed tempus gallicinii per cantum galli in Talmude memoratum inui: nihilominus gallum extra Hierosolymas canentem in urbe audiri potuisse; & eam fuisse conditionem illorum temporum. ut varii modi concipi queant, quibus etiam intra urbem galli existere vel ali a Romanis, aut ab ipsis Judęis, leges patrias negligentibus, potuerint.

### §. XVIII.

Erunt fortasse, quibus hæc minuta videbuntur, nec tanti momenti, ut multum operę & curę in iis indagandis collocetur. Erunt, qui sua interesse non putabunt, utrum galli cecinerint Hierosolymis, nec ne. Illi tamen velim attendant, nihil habendum esse pro re minuta aut indigna, ad quam animum nostrum adhibeamus, quę ad illustrationem sacri codicis facit. Minima, quę in eo continentur, summa cum sapientia & certo consilio consignata sunt, & quum ne minimus quidem apex ex eo periturus sit, in ipso illo vestigia divinitatis rimari, & pium & decorum est. Quod nimis minutum Deo visum non fuit, qui nobis id revelavit, nobis minutum nimis videri non debet, quam ut illud scrutemur. Quemadmodum in hoc mundo, quem incolimus, minima quęque tum animalcula tum alia, licet vulgo neglecta, si penitus introspectantur, latissimum meditandi campum & novum quasi mundum nostrę menti aper-  
riunt,

riunt, & summi Opificis immensam sapientiam arguunt, nihilo minus vel magis etiam, quam illa majori mole prædita, quæ sensu ab omnibus percipiuntur; ita in sacris tabulis, in quibus nihil frustra scriptum invenitur, minima quæque nos ducunt ad eximios illos fines, Dei gloriam & nostram in communione Dei salutem. Atque eo quidem diligentius nos in iis rimandis versari oportet, quo frequentius homines impii sacrarum tabularum auctoritatem & divinam originem labefactare conantur admotis istiusmodi machinis. Scilicet in eo perversi sui ingenii vires exercent, quæ pessima hujus sæculi labes est; ut in sacro codice aliquid scriptum videatur, quod veritati adversum est. Adeoque si consensu scriptorum quorundam profanorum rem firmari deprehendant, quæ in libris sacris aliter traditur, hos esse corruptos clamant. Quod si in uno loco contigit, ad plura, ut hoc pacto omnia reddantur incerta, extendi posse affirmant, atque ita sat magnum impietati suæ præsidium se nactos existimant. Est ergo non utile solum, sed maxime necessarium, sacra oracula contra nefarios sceleratorum hominum impetus tueri, & ostendere, nusquam ea repugnare testimoniis scriptorum probatæ fidei, ut omnis vel minimus aditus iis obstruatur, per quem hanc arcem invadant & palladio rei Christianæ potiantur. Vidimus nostra ætate, in urbem, quæ undique contra hostem externum satis munita videbatur, per angustos meatus cloacæ publicæ, a nullo fere animadversæ, certe neglectæ, militem irrupisse. Quamobrem cavere nos decet, quantum efficere & consequi possumus, ac diligenter circumspicere, ne socordia nostra & ignavia simile quidpiam nobis eveniat.

#### §. XIX.

Ego quidem omnem animi contentionem adhibebo, nec dimittam istam curam: sed quemadmodum

dum mihi hætenus in illustrando codice sacro & antiquitatibus eo facientibus plurimum studii fuit & temporis, ita porro horas meas eidem occupationi, Deo volente, consecrabo. Nec leviter Vos me currentem incitatis, & animos mihi additis, Nobilissimi atque Amplissimi Consules & Senatores, Academiae hujus Curatores, qui me singulari benevolentia prosequimini; cujus hic ipse dies certissimum testimonium exhibet. Placuit Vobis, mihi hoc anno Academiam vestram regendam committere, & muneris nostri molestiam hoc quasi condimento mitigare. Quod uti honorificum mihi esse & publicum favoris vestri indicium sentio, ita gratias, quas debeo, me Vobis habere profiteor. Scio in id Vos omni cogitatione & cura incumbere, ut hæc Academia floreat, & juvenes in omnibus artibus & disciplinis hic ita erudiantur, ut nulli Academiarum hac parte palmam cedere cogamur. Ad me quod attinet, certos Vos esse volo, me isti desiderio Vestro cum incredibili animi voluptate obtemperaturum.

## XX.

Tu autem, qui mihi in hoc munere successor datus es, Celeberrime Vir, JACOB VALLAN, Collega Conjunctissime, suscipe munus tibi delatum, quo vix ullum in re publica literaria est illustrius. Rarissime in hac Academia contigit hos honores *quarta vice* in aliquem conferri. Gratulor illud hoc die tibi accidisse, & cum ante te *tres* Viri Clarissimi, GILBERTUS VOETIUS, CYPRIANUS REGNERUS *ab* OOSTERGA, & JOANNES GEORGIUS GRÆVIUS, iisdem honoribus *quater* amplificati sint, ut *quartus* es, qui *quartum* hujus Academiae Rector salutaris. Accipe sceptræ hæc Academica, insignia dignitatis tuæ, mihi quidem prælata hætenus, nunc Tibi præferenda. Accipe sigilla, fasces, album, & quæcunque porro RECTORIS MAGNIFICI curæ tradi

tradi atque committi solent. Fruatur Te sospite & incolumi Academia hoc anno vertente, & pluribus consecuturis, ut non hoc tantummodo bonæ mentis sacrarium, sed universus orbis literatus; non hi soli, qui nunc sunt, homines, sed ii etiam, qui futuri sunt; fructum ex Te percipiant.

III.

SAMUELIS KOENIGII,

Prof. Bern. Extr.

*Disquisitio Philologica,*

An & ubinam

De

CRUCE CHRISTI

IN V. T. FIAT MENTIO?

*Argumentum.*

Locus Arabis in Psal. 38: 21. de Christo crucifixo suspectus. §. I, II. Locus Psal. 119: 120. ex LXX. examinatus. Verbum סַמַּר horruit, & clavis confixus est. §. III-V. Verus loci sensus §. VI. Serpens æneus figura Christi crucifixi, ex Num. c. 21. & Joh. 3. Verbum שָׁן Gen. 3: 15. notat contrivit, & perforavit. §. VII. Locus Deut. 21: 23. *Maledictio*

*Etio Dei est suspensus, Christo applicatur. Verbum הוּקַי in cruce distendit. §. VIII. In loco Jes. 53: 5. חַלַּל Christus perforatus instar tibiæ, vasisve terrebrati, factus est מקור נפתח fons apertus, Zach. 13: 1. §. IX. In loco Zach. 12: 10. רָקַר perfodit, confodit, ἑξέκέντησεν. Joh. 19: 37. Apoc. 1: 7. §. X. Manifestissimus de Cruce Christi locus est Ps. 22: 17-19. §. XI. pro כארי cum Masora legendum כארו §. XII. Agni paschales duobus confixi verubus, unctioque in formam X h. e. Chi, Græci, τεκμήρια crucis Christi. §. XIII.*

## §. I.

**D**E Messia παθήμασι in quamplurimis locis propheticiis agi, ne quidem Judæi diffitentur, fatentur vero Christiani omnes, præcuntibus Apostolis. Sed inquiramus nunc, bono cum Deo: an de supplicio crucis speciatim fiat mentio in scriptis Sacrorum Prophetarum.

## §. II.

§. II. ARABS equidem Psalmi tricesimi octavi versum vicesimum primum cum auctario vel assumento exhibet: *Elongarunt me, & repulerunt me tanquam mortuum, וסמרוא גסדי & clavis confixerunt corpus meum.* Quod si nobis certa fides facta esset, verba hæc esse genuina, inque Textu Hebræo extitisse, esset quod nobis gratularemur. Sed cum Textus Hebræus ea ignoret, desiderenturque in Chaldæo, LXX. Vulg. Syr. & Æth. tuto iis inniti non audemus, ceu suspectis. Videtur, vel ipsum interpretem Arabem, vel alium quemvis, hisce verbis suam de sensu hujus Psalmi, ceu ad παθήματα Christi applicandi, mentem aperire voluisse.

## §. III.



§. III.

In Textu Græco verò τῶν ὁ mentio fit de Cruce Christi, vel potius crucifixione mystica Veteris hominis. Nimirum Psal. 119: 120. Καθήλωθον ἐν τῷ φόβῳ σου τὰς σάρκας μου. *Clavis confige timore tui carnes meas.* **AQUILA** verò, adnotante DRUSIO: ἡλώθη ἀπὸ πτοήσεως σου ἡ σὰρξ μου. *Clavis confixa fuit præconsternatione tui caro mea.* **THEODOTIO**: Καθήλωσεν ἐν τῷ φόβῳ σου ἡ σὰρξ μου, *Clavis confixa fuit metu tui caro mea.* Sed LXX juxta exemplar Vaticanum, καθήλωσον *clavis confige, crucifige.* **HEBRÆUS** vero habet: סַמַּר מִפְחַד בְּשֵׁרִי *horruit præ timore tui caro mea.* **CHALD.** חֲלַחַמִּי *inflammatur, sc. præ timore tui caro mea.* **SYRUS**: חֲלַחַמִּי מִן דְּחִלְתִּי *horruit, sc. corpus meum præ formidine tui.* Versio vero VULGATA Latina sequitur Græcam τῶν ὁ: *confige timore tuo carnes meas.*

§. IV.

Cum igitur Interpretum Veterum nonnulli Hebræo סַמַּר dent notionem *horroris*, alii *confixionis*, quæ *clavis* fit, utrum hic eligendum vel præferendum? Ut dicam quod sentio, verbum סַמַּר omnino significat *horruit*, in conjugatione vero activa pihel, *horrificavit, horridum effecit.* Quo referendus locus Job. 4: 15. בְּשֵׁרִי תִסְמַר שְׁנֵת תִּסְמַר *horrificaret pilos carnis meæ.* Neque tamen absona est notio *crucifixionis*, vel *confixionis* quæ *clavis* fit. Quod vel ex derivatis discas. Nam סַמַּרִּים, & מַסְמֵרוֹת (litera מ initiali cum Chirek vel Patach punctato) *clavos* significat, quibus quid configitur & affigitur. Videsis loca 1. Chron. 22: 3. & 2. Chr. 3: 9. Jes. 41: 7. Jer. 10: 4. Eccl. 12: 11. Verbum ergò סַמַּר notionem *configendi, crucifigendi*, ferre potest. Quo sensu & apud Arabes venire, discas vel ex loco Psal. 38. superius citato. Addas verò illustrem locum Col. 2: 14. Ubi Gr. προσηλώσας αὐτὸ τῷ

τῷ σταυρῷ. Arabs: וסמרה פי אלצליב *clavisque id affixit cruci.*

## §. V.

Duplex vero hæc notio, licet quoad speciem multum diversa, in re tamen ipsa mirè convenit. Quid enim facit timor Dei & verbi Dei? Nonne libidinosam carnem Deo Christoque affigit, & qs. impactis clavis configit, ut peccare desinat, sanctimonix operam dans. Certe S. PAULUS: *Repurgemus nos, inquit, ab omni inquinamento carnis & Spiritus, perficientes sanctificationem ἐν φόβῳ Θεοῦ, in timore Dei.* 2. Cor. 7: 1. Et quid est *σταύρωσις* illa mystica, quam Paulus Apostolus tantopere urget atque commendat, nisi veteris hominis confixio, & ad Christum affixio, ut peccatis mortui, iustitiæ vivamus? *Scientes, veterem nostrum hominem cum Christo crucifixum esse, ut aboleatur corpus peccati, neque amplius peccato serviamus.* Rom. 6: 6. Et quotquot Christi sunt, Christi membra, carnem crucifixerunt cum passionibus & concupiscentiis. Gal. 5: 24. Quod & S. PETRUS confirmat: *Christo igitur pro nobis in carne passo, eadem & vos armemini mente, scil. quod qui in carne (cum Christo) passus est, cesset à peccato.* 1. Pet. 4: 1. Nonne timor Jehovæ, cor nostrum penetrans, & quasi perterebrans, id ipsum præstat? Nonne timore Dei probe imbutis *verba sapientum*, h. e. prophetarum & Apostolorum, sunt *ceu aculei & veluti clavi infixi*, Eccl. 12: 11.

## §. VI.

Tantum ergò abest, ut textui Hebræo vis in h. l. sit inferenda, ut potius genuinus ejus sensus inde dilucescat. scil. סמך מפחדך בשרי *timore tui confixa, Deo & Christo affixa, est caro mea, & à judiciis tuis timeo.* Reclissimè ergò AQUILA: ἡλώθη ἀπὸ πτοήσεώς σου ἡ σὰρξ μου. *Glavis confixa fuit præ consternatione tui caro mea.* h. e. dolorem acutum de peccatis meis sensi, deque iis vi-

virandis commonitus sum intime, quæ est vera crucis Jesu Christi efficacia. LXX. in loco Psal. 32 : 4. *ἔσχατον εἰς ταλαιπωρίαν, ἐν τῷ ἐμπαγῆναι μοι αἰκάνθαν*, al. *αἰκάνθας*, *conversus sum in miseriam, quasi ex infixis spinis.* In loco vero quem præ manibus habemus, LXX. illud *ἡδὲ* per imperativum reddunt, quasi David oraret : *Καθ' ἡλώσον, confige timore tui cem clavis carnem meam.*

### §. VII.

Sed pergamus, dispecturi, an non clariora crucis Christi vestigia, quin dilerta dicta in prophetarum Scriptis deprehendantur; Cum enim sit res maximæ momenti, & supra modum miranda, dominum gloriæ dirissimo deterrimoque supplicio ob salutem mundi affectum esse, veri simillimum, si non certissimum, est, sacros Dei Vates de eo vaticinatos esse. Et quid ni? Audiamus Christum ipsum ex MOSE differentem : *Quemadmodum Moses serpentem ex tulit in deserto, sic & exaltari oportet Filium hominis.* Joh. 3 : 14. Alluditur ad historiam serpentis ænei, Num. 11 : 8. 9. *Fac tibi presterem, (h. e. serpentis alati imaginem) imponeque illum vexillo, (perticæ prælongæ) quisquis igitur morsus fuerit, eumque aspexerit, vivus manebit. (servabitur.) Fecitque Moses serpentem æneum, imposuitque perticæ. Quod si igitur serpens quem momordisset, intuens serpentem æneum, servabatur.* Certè serpens hic æneus in altum tollendus, non leviter perticæ appendi debebat, facile enim excussus fuisset, sed clavis affigi & firmari. En ergo egregiam crucis Christi figuram, de qua FRANCISCUS TURRETINUS eruditam scripsit dissertationem, ad quam Lectorem remitto. Serpentes verò hi igniti, Israelitas lethali morsu fauciantes, morsu, inquam, nullo medicamine, sed aspectu serpentis de ligno pendentis sanando, tam emblemata, quam genimina erant, serpentis illius antiqui, qui protoplastos seduxit, inque iis imaginem Dei con-

confixit & destruxit, sed lapsui huic tristissimo opponitur divinum oraculum: *Semen mulieris יִשְׂרָאֵל conteret tibi, o serpens, caput, tu autem תִּשּׁוּפֶנּוּ conteres ei calcaneum.* Gen. 3: 15. In quo protevangeliō omnis latet consolatio. Verbum vero Hebraicum שֹׁף notionem conterendi habet apud Hebr. Chald. & Syr. Apud Arabes verò سَأَفَ Ense percussit. Conj. IV. אִשָּׁא perforavit. Christus ergo in cruce perforatus, Diaboli caput perforavit.

### §. VIII.

Porro cum lex omne maledictionis legalis pondus *suspensio* imponat, dicendo: קָלַלְתָּ אֱלֹהִים תָּלִי *Maledictio Dei est suspensus*, (pendens è ligno.) Deut. 21: 23. Messias autem maledictio fieri debebat pro nobis, ut nos in ipso redderemur benedicti, ergo de ligno pendere debebat. Equidem vulgò lapidati, h.e. jam exanimis, de ligno suspendebantur; In casibus tamen extra ordinem occurrentibus, æstuante scil. iræ Dei furore, etiam vivi ad crucem deposcebantur. Idque significat emphasis verbi הוֹקֵעַ Num. 25: 4. 2. Sam. 21: 6, 9. Quod non notat simpliciter *suspendere*, ex. gr. laqueo, sed *in cruce distendere*, uti cruciarii fieri solebat, de quo multa legas egregia apud JUSTUM LIPSIUM *de cruce*. Hinc & Chaldæus illud מוֹקְעֵנָם 2. Sam. 21: 6. reddit תַּלְבִּנוֹן & *crucifigemus eos*. יָקַע enim est *distendi*, & distendendo luxari, & separari. Vide Gen. 32: 25. Jer. 6: 8. Ez. 23: 17. 18. Porro supplicium crucis pene apud omnes gentes, quin apud ipsos Israelis Reges in usu fuisse, nemo vel mediocriter eruditus ambigit. Vide LIPSIUM *de Cruce l. 1. c. 11.* quare etiam de hoc exaudiendum merito illud Legis tonitru: *Maledictio Dei est suspensus.* PAULUS Apostolus totum sic evolvit negotium: *Christus nos redemit ab execratione legis, factus exercitatio pro nobis, scriptum est enim: Maledictus est*  
em-

omnis pendens de ligno, ut benedictio Abrabæ in gentes redundaret per Jesum Christum, nosque promissionem spiritus acciperemus per fidem. Gal. 3:14. 15.

§. IX.

Apud JESAIAM prophetam c. 53: 5. lego: *מפשיט מחלל* at ipse vulneratus ob prævaricationes nostras. Emphasis vocis *מחלל*, Mecholal, hic probe attendenda. Non enim notat vulnerationem quamvis, sed vulnus ex perfossione membrorum, qualia sunt vulnera ejus, qui gladio confossus est. Hinc *חלל חליל* gladio confossus. Num. 19: 16. *חליל* tibia perforata. Jer. 5: 12. Jer. 48: 36. Messias igitur juxta Vaticinium Jesaiæ non leviter vulnerari debebat, sed tibiæ perforatæ, vel vasi terebrato, similis fieri debebat. Quod & revera factum esse ex Historia Evangelica scimus, ut doceremur, Messiam plenitudinem gratiæ in membra sua mystica large & benigne diffundere, ad instar fontis orificia aperta habentis, aquasque suas eructantis & copiose effundentis. Respicit huc propheta Zacharias c. 13: 1. *Et die erit scaturigo aperta domui Davidis & civibus Hierosolymæ, pro peccato & impuritate.* Certe *מקור נפתח* est fons apertus, h. e. perfossus, & perfossione coelatus. Ea enim est emphasis verbi *נפתח*. Vide c. 3. 9. Hinc & *פתיחות*, enses stricti, corpora transverberantes. Ps. 55: 22. Quis non videt, hæc omnia in Christo crucifixo verificata esse?

§. X.

Sed disertus & plane eximius est locus propheticus de Messia confodiendo, h. e. clavis cruci affigendo, apud Zach. 12: 10. *Effundam super domum David, & super habitatores Hierosolymæ spiritum gratiæ & precum, & intentis oculis respicient ad me, quem confixerunt.* Dolendum est, vix ullam antiquarum versionum, si vulgatam excipias, ultima hæc textus verba recte intellexisse. LXX. quos ARABS pro more

more sequitur, habent, καὶ ἐπιβλέφονται πρὸς με, ἀνδρῶν κατωρχήσαντο, & respicient ad me, pro eo quod insultarunt. Aliquid dicunt, non rem ipsam. Sed Sanctus Evangelista JOHANNES, discedens hic à Versione LXX. sensum textus Hebræi omnium optime expressit: ὁφον-  
ται εἰς ὃν ἐξεκέντησαν, respicient ad eum quem confixerunt, compupugerunt. Joh. 19: 37. Nec non Apoc. 1: 7. Ecce venit cum nubibus, videbitque eum omnis oculus, καὶ ὁτινες αὐτὸν ἐξεκέντησαν, & quotquot eum confixerunt, confoderunt. Ad quem locum versiones orientales, Syriaca, Arabica, Æthiopica, melius se habent, red-  
dentes pupugerunt, confoderunt, uti omnino reddendum est, ut satisfiat emphasi verbi Hebraici דקר, quod non notat solum pupugit, sed. pungendo transfixit, transverberavit. Vide Jes. 13: 15. Jer. 37: 10. adde Num. 25: 8. Jud. 9: 54. 1. Sam. 31: 4. Zach. 13: 3. Confer. מרירות חרב transfoffiones gladii. Prov. 12: 18. adeoque optime ad crucem Christi transfertur, ubi manus & pedes, quin & ipsum latus Christi, perfossa fuere, manus quidem & pedes clavis trabalibus, latus vero lanca. Fideles Hierosolymitani, per prædicationem Petri conversi, id factum agnoverunt, acerbeque deplorarunt. Deplorabunt item Judæi, ultimis Seculis ad Christum conversi. Deploremus & nos nostra peccata, veraque fide Jesum Christum crucifixum intueamur, ceu salutis nostræ fontem autoremque unicum. Sic verum attingeremus oraculi scopum.

### §. XI.

Atque sic devolvimur ad locum omnium evidentissimum, qui est Psal. 22: 17. 18. 19. Quoniam circumdederunt me canes, catus malignantium undique cinxit me. ירי ורגלי כאר, perfoderunt manus meas & pedes meos. Numerarem omnia ossa mea, ipsi intuentur & aspiciunt me. Dividunt vestimenta mea sibi ipsis, & super vestem meam projiciunt sortem. Quis hic non videt describi crucifixionem

xionem hominis, quiscunque demum is sit? at nulus alius est præter MESSIAM, Jesum Christum, cui hæc prædicata singula convenient. Is, inquam, hic graphice describitur, cœu innumerabili malignorum hostium caterva cinctus, ab iis in crucem actus, perfossis manibus ejus pedibusque in cruce distentus, ut emaciati corpusculi ossa facile numerari potuissent; Hostibus hoc spectaculum non sine lætitia spectantibus, interim vestimenta ipsius inter se partientibus, sed super tunica ejus sortem projicientibus. Hoc est, quod Textus oculis lectoris vel inviti ingerit. Sed nonne id ipsum historia Evangelica de Christo nostro crucifixo κατὰ πόδα recenset? Ut terribilis cœcitatatis sit, hoc non agnoscere, & damnandæ malitiæ, hoc agnoscere nolle.

§. XII.

Quod vero spectat illud כָּאֵרִי, id in hoc loco minime significare potest *sicut leo*; sed legendum omnino est כָּאֵרִי *foderunt*. Atque sic scriptum & scribendum esse, annotavit MASORA, ad Num. 24: 9. Ad hunc verò Psalmi locum MASORA notat, duo esse cum Kametz, כָּאֵרִי, לִישׁוֹנִי in duplici significato. In loco autem Jes. 38: 13. quem Masora hic citat, כָּאֵרִי necessario significat, *sicut Leo*. Ergo in nostro Psalmi 22. loco, aliam habebit significationem, sed quam nisi hanc, *perfoderunt*? Vide plura de hac re, in *Lex. Hebr. BUXTORFII*, & in commentario *Clar. COCCEJI*. Atque in hunc sensum reddiderunt, quotquot sunt interpretes bonæ notæ. *CHALD.* נִכְרָח *mordentes*. *LXX.* ἀγῶξαν *perfoderunt*. *AQUILA*, ἀσχεύσαν *deturparunt*. *SYR.* כּוּעַ & *AR.* חִקְבּוּא (cum ח blæso) ambo vero notant, *perfoderunt*. Ergo in hoc Psalmi loco MESSIAS crucifixus, perforatis manibus pedibusque, nudus de cruce pendens, malignis vestimenta ejus partiendibus, quasi visui ingeritur. Historia vero Evangelica id ipsum in singulis partibus Jesu Christi

sto accidisse, quam evidentissime commonstrat. Hinc igitur conclusio hæc invieta sequitur, Mellix prædictam atque paratam fuisse crucem, in qua vitam finiens, foret salus mundi.

### S. XIII.

Utinam vero hoc Judæi agnoscerent, quorum scotoma detestabile vel ex eo patet, quod agni paschales duobus veribus confixi, in medio furni suspensi assarentur, quod ex *Majemonide & Justino Martyre* probantem videsis *REIZIUM*, *Notis ad Godwini l. 3. c. 4.* & confirmantem idem *Clar. OTHONEM* *Nostratem*, ex *cap. 7. Cod. Peshachim*. Cur ergo à cruce Christi adeo sunt alieni? Nonne *Joh. Baptista*, cujus cum honore apud ipsos sit mentio, aperte de Christo testatus est? *Ecce Agnus Dei, qui tollit peccata mundi*. Christus ergo sic in cruce assatus, agnorum paschalium antitypus est, quicquid ogganniant cœcissimi verpuli. Quin mirabundus legi in *Glossis Jarchianis*, unctionem pontificis, sacerdotum, nec non *Minchæ* sive ferti, factam sic fuisse, ut repræsentaret *כִּי יוֹנִי Cbi Græcum, X*, adeoque decussatim in formam crucis factam fuisse. Hæc cum infensissimi crucis Christi hostes tellentur, mirandum est, eam ab iis non agnosci. Sed sermo crucis, uti *Græcis* est stultitiæ sic *Judæis* cheu! scandalo, nobis vero credentibus, sapientia esto & potentia divina. Dicamusque ingenue: *Nolim quicquam scire inter vos, nisi Jesum Christum crucifixum; neque gloriari, nisi in cruce Domini nostri Jesu Christi; Cui gloria & imperium nunc & in omnia secula, Amen!* \*

---

\* Idem hoc thema, quod à *Viro Clarissimo* in hac dissertatione fuit explanatum, etiam ab aliis *Viris doctis* jam expositum memini, quos inter præcipue ponendus *JOH. CHRISTOPHORUS vom Berg*, in *dissertatione de Cruce Christi*



*Christi in V. T. præsignificata*; quam publice defendit sub præsidio *Gust. Georgii ZELTNERI*, anno 1714. Profert in illa Dissertatione plurima loca & testimonia, quæ à Viro Cl. in hac exercitatione fuere allata, licet certus sim, Rev. Königium illam nunquam vidisse. Ita autem in exponendo suo argumento versatur doctiss. *von Berg*, ut duas constituat classes ad instituti sui rationem exponendam, quarum prior versatur in *typis*, crucem Christi præfigurantibus, altera in *vaticiniis*. *Typum primum* desumit ex oblatione Isaci in ligno. *Secundum*, à Jacobo Gen. 48: 14. cruciformiter in capita nepotum manus extendente; hæc autem Viri doctissimi sententia, mihi quidem ingeniosa videtur, an autem ad thematis probationem conducatur, pace viri docti, ego equidem vehementer dubito. *Tertium* deducit ex agno Paschali, quem Cl. Königius non omisit. *Quartum* desumit ex ara holocausti, ipsa ejus verba dabimus: *Ara holocausti*, inquit, *penitius considerata, etiam aliqualem crucis speciem præ se ferebat, quod & Apostolus Petrus affirmare non dubitavit, crucem in oblatione Christi vicem ara holocausti sustinuisse, quando ait, 1. Epist. 2: 24. Qui peccata nostra ipse sursum tulit in corpore suo super lignum.* Habet equidem ara, in quam victima erat imposita, aliquam analogiam cum cruce, sed magna tamen etiam differentia; cum enim altare victimam sanctificaret impositam, crux autem per se esset damnata & execrata, dicere neutiquam possumus, quod hæc inter se optime concordent. *Typum quintum* derivat vir Cl. e forma sacrificiorum cottidianorum, quæ in columnis ligneis uncis ferreis instructis, ita extendebantur, ut anteriora crura ad lignum transversum affigerentur. *Sextum* petit ex agitatione Sacrificiorum, quæ dicuntur *das Weber-Opfer*; Agitationem autem hanc ita factam fuisse contendit, ut in forma crucis huc atque illuc agitatae fuerint istæ oblationes. Quam autem conjecturam & probationem ad formam crucis probandam, etiam suo loco relinquendam esse

esse censemus. *Septimum* refert ad unctionem sacerdotalem, quæ ex testimonio Judæorum facta in forma *TX* Græcorum, præcipue autem in fronte sacerdotis. Speciem vero argumenti egregiam haberet hæc Viri Rev. hypothesis, si certis rationibus illa posset adstrui. Cum autem Viri doctissimi, VITRINGA, RELANDUS, alii-que, vehementer dubitent, an hæc unctio ita fuerit facta; venia Viri eruditissimi, hætenus hunc typum in res dubias suspendemus. *Octavum* provocat *typum* ex benedictione summi Pontificis, quam etiam cruciformem facit. Hæc autem, quantum video, conjectura ad eandem classem cum septima reponenda videtur. Pergit ad *nonum*, eumque certe clarissimum typum, à Cl. Königio accurate descriptum, quique latebat in suspensione serpentis ænei. *Decimum* quærit in lege de suspendendo facinoroso Israelita data. Deut. 21:22. 23. atque fundamentum assertionis auctor ponit in verbis Pauli, Gal. 3:13. *Typum undecimum* deducit ex deportatione uvæ Cananæ; quæ ex mente Viri doctissimi ita facta fuerat, ut crucis formam referret. Faterur quidem ipse Cl. A BERGEN, quod non constanter audeat asserere, quod hæc deportatio ita contigerit, ut formam crucis exhibuerit; qua in re, quantum video, recte & sapienter fecit, cum nemo sit ex sanioribus, qui non videat, hanc conjecturam talem esse, ut merito ex numero typorum debeat proscribi. *Duodecimum* tandem typum format ex loco Ezech. cap. 9:4. 5. ubi ingemiscientes super omnem iniquitatem urbis Hierosolymæ, à Viro, albicante vestitu induto, in frontibus suis signati leguntur, ne à percussore punirentur. Illud vero signum refert ad literam *thau*, quam credit ante tempora captivitatis Babylonicæ in formam crucis descriptam.

Ab his typis Vir eruditissimus & ingeniosissimus procedit ad *Vaticinia*, quorum primum videt Psalm. 22. quod etiam à Cl. Königio expositum. Pergit exinde ad Psalm. 69. existimans, quod in illo mors, calamitates, & crux Christi

Christi exhibeantur. Huc etiam trahit *vexillum erectum* Esaj. 11 : 10. His locis addit tria alia, Caput scil. Esaj. 53. De quo haud dubie certum est, quod in illo *παθη-ματα* Messiae describantur. Hæc vero difficultatem non habent. Ad eundem censum refert Caput Dan. 9. Dissertationi tandem finem facit illustre oraculum Zach. 12 : 10. *& intuebuntur in me, qui transfixerunt.* De hoc loco dubium nullum, testis est ipse Apostolus, verba Prophetæ huc trahens. Joh. 19 : 37. Hæcque sunt argumenta & loca, quibus inductus Vir doctiss. crucem Salvatoris nostri tempore veteris œconomiae præfiguratam & prædictam defendebat. His insuper addere adhuc possemus sententiam Patrum quorundam, inter quos præcipue GREGOR. NYSSENUS, qui lignum in aquas amaras projectum Exod. 15 : 22. ad signum crucis refert. Melius autem TERTULLIANUS, qui ad Christum ipsum. De eadem hac re ritus quosdam sacrificandi applicat Rev. DEYLINGIUS observat. *fac. Tom. 3. p. m. 329.* ad quem lectorem remittimus. *J. Georgius Altmannus.*



-I V.

JACOBI WOLFFII,

V. D. M. Helvetio-Bernatis,

DISSERTATIO

DE

ESSENTIA  
ANIMÆ,

Ejusque

LIBERTATE, \*

*Argumentum.*

§. I. Magnus fuit omni tempore dissensus de animæ humanæ natura atque essentia. §. II. Veterum

---

\* Dissertationem hanc, speciminis loco pro Cathedra Philosophica habitam, lector cognoscet ex thematibus, Doctissimis Candidatis præscriptis, *TEMP. HELVET. Tom. III. p. 491.* Cum autem Eruditissimus atque Amicissimus nobis Autor, arduam atque difficilem satis materiam magna perspicuitate multaque doctrina exposuerit, hunc jure merito locum in hac collectione his meditationibus Philosophicis dandum esse, existimavimus. *Joh. Geo. Altmann.*

terum Chaldaeorum & Ægyptiorum hac de re opiniones. §. III. Quid Philosophi Græci senserint, breviter recensetur, ac simul sententia Senecæ exponitur. §. IV. Fuere ex Veteribus & Recentioribus, qui mentis nostræ existentiam negarunt. §. V. Animam humanam existere probatur. §. VI. Mens cogitat atque reflectit. §. VII. Corpus cogitare nequit. §. VIII. Nec materiæ facultas cogitandi communicari potest. §. IX. Anima igitur non est corpus, nec materialis; sed immaterialis & substantia simplex. §. X. Vi prædita est, §. XI. Qua sibi hoc universum repræsentat. §. XII. Principium ponitur, quod omnes animæ nostræ mutationes a sensatione quadam prævia originem ducant. §. XIII. Ex quo tandem inferitur, *essentiam* animæ consistere in vi repræsentativa universi. §. XIV. Indicatur, quænam sint *requisita libertatis* nostræ mentis, ac probatur, animam actiones liberas cognoscere. §. XV. Volitionum ac nolitionum, actionum liberarum, ac motuum corporis voluntariorum, contingentia evincitur. §. XVI. Mentem spontaneitate, §. XVII. Ac lubentia præditam esse, ostenditur. §. XVIII. Genuina *libertatis* notio formatur. §. XIX. Spuria ac falsa libertatis idea refellitur. §. XX. Nostra, quæ LEIBNIZII est, contra Ccl. de CROUSAZ imputationes, vindicatur.

## §. I.

**V**ix ullum fuit tempus jam multis retro sæculis , quo non Viri summi ingenii atque acuminis, philosophi omnium temporum, operam suam impenderint , ad veram ANIMÆ humanæ atque intimam NATURAM essentiamque perspicendam , ejusque genuinam notionem sibi formandam. At tantus est , Veterum præsertim , hac in re dissensus , tanta opinionum sententiarumque diversitas , tanta dictorum obscuritas , ut alii alia de anima statuerint , & Viri , quibus judicium atque acumen jure denegari nequit , hic tanquam in spissis tenebris palpitarent. Nullus est ex tanta Veterum philosophorum multitudine , qui veritatem affecutus fuerit , atque recte de mente humana senserit. Pauca sufficiet afferre , ex quibus asserti veritas abunde constabit ; Instituti enim ratio non permittit , varias atque innumeras de anima Veterum sententias exhibere.

## §. II.

In Veterum *Chaldaeorum* philosophia deprehendimus tres ANIMARUM species , *mentes supracælestes* , quas à materia distinctas ac separatas dixerunt. *Mentes irracionales* à materia pendentes , quæ cum materia conjunctæ , cum illa simul perirent. Hisce intermediis ponunt *animas humanas ac ratione præditas* , quarum essentiam *αὐτογενὸν καὶ αὐτόζωον* , per se genitam & animatam docuerunt. Diversæ quidem sunt ea in re à mentibus supercælestibus , quod perpetuo materiæ adsint ; ab irrationalibus vero , quod materiæ non sint conjunctæ , sed contra materiam sibi adjunctam habeant. Lubenter confiteor , me hanc differentiam non satis perspicere. Originem illarum a Deo , quem *fontem animarum* appellabant , per effluvium quoddam deducunt , quasi animæ humanæ ex essentia divina tanquam

quam *particula divinitatis* effluerent. Qui communis error, etsi crassissimus sit, & veris, quas de Deo & mente nostra habemus, notionibus repugnet, à plurimis Veterum committebatur. Nec saniores erant *Ægyptiorum* sapientes, quorum sententiam exponit *JAMBLICHUS de Myst. Ægypt. libr. 8. cap. 8.* ἀπὸ τῆς πρώτης καθόδου ἐπὶ ταύτῃ κατέπεμψεν ὁ θεὸς τὰς ψυχὰς, ἵνα πάλιν εἰς αὐτὸν ἐπανέλθωσιν, à primo descensu propterea demisit Deus animas, ut rursus in ipsum revertantur.

### §. III.

Græcos si consulimus Philosophos, eorumque inquirimus de anima sententias, patet, *alios*, uti Democritus, Pythagoræi & Anaxagoras, essentiam atque naturam animæ in motu constituisse; *alios* in cognitione rerum, Empedoclem & Platonem; *alios* tam in motu quam in cognitione simul; *alii* dixerunt, animam esse particulam quandam ætheream & subtilem; *alii* animæ naturam in eo posuere, quod corpus sit subtilissimum. Thales esse dixit rem, quæ se moveat. Diogenes aerem. Heraclitus exhalationem immortalemque substantiam. Hippo aquam, sanguinem Crito, referente *ARISTOTELE de anima libr. I.* & *PLUTARCHO de placitis Phil. libr. 4. cap. 2. & 3.* *PLATONEM*, Philosophorum Veterum facile principem, tres hypostasas vel substantias, Deum summum, mentem ex Deo natam & mundi animam, quæ animarum omnium fons sit, statuisse, author est *MACROBIUS in somnio Scip. libr. I. c. 6.* atque hinc colligere possumus, Platonem mentem humanam tanquam particulam essentiæ divinæ sibi repræsentasse. Triplicem vero finxit animam, λογικὴν, θυμικὴν & ἐπιθυμητικὴν, cujus principatum, id est, rationem in capite sicut in arce posuit, & duas partes separare voluit, iram in pectore, cupiditatem subter præcordia locavit, *CICERO Tuscul. Quæst. libr. I.* *ARISTOTELES*, cum quatuor illa genera principiorum esset complexus, e quibus omnia orirentur (verba sunt ejusdem *CICERO-*

NIS l. c.) quintam quandam naturam censuit esse, e qua sit mens. Cogitare enim, & providere, & discere, & docere, & invenire aliquid, & multa alia meminisse, amare, odisse, cupere, timere, angi, letari, hæc & similia eorum; in horum quatuor generum nullo inesse putat, quintum genus adhibet vacans nomine, & sic ipsam animam ἐντελέχειαν appellat novo nomine, quasi quandam continuatam motionem & perennem. Ipsius ARISTOTELIS verba, quibus naturam animæ explicavit, hæc sunt: διὸ ψυχὴ ἐστὶν ἐντελέχεια ἡ πρώτη σώματος φυσικῷ ζῶντι ἔχοντος δυνάμει. τοῦτον δὲ ὁ ἂν ἢ ὁργανικόν, anima est prima entelechia corporis naturalis organici, vitam potentia habens; de anima libr. 2. cap. 2. Videtur quidem ARISTOTELES admisisse substantias omnis materiæ expertes & immortales, attamen quid proprie per suam ἐντελέχειαν intellexerit, vix explicari potest, ideoque plures eam inter terminos inanes & voces nihili, quibus nulla vel deceptrix respondet notio, referunt. Si vero CICERONI fides est habenda, naturam atque essentiam animæ humanæ in continuata atque perenni motione constituit. ZENONI STOICO animus ignis videtur. PONTICUS HERACLIDES lucem spiritum aut animum esse putabat, teste TERTULL. de Anima, p. m. 311. ARISTOXENUS, Musicus idemque philosophus, intentionem ipsius corporis quandam animam dixit, veluti in cantu & fidibus, quæ harmonia dicitur, sic ex corporis totius natura & figura varios motus cieri tanquam in cantu sonos, teste CICERONE l. c. SENECA animam partem divinæ naturæ atque essentiæ esse docuit, quæ communis STOICORUM fuit sententia. Ipsius mentem ex unico loco sufficienter colligere possumus: Hic (nim. animus) Deos aequat, illo tendit originis suæ memor; Neque improbe eo conatur ascendere, unde descenderat. Quid est autem, cur non existimes in eo divini aliquid, qui Dei pars est? totum hoc, quo continemur, & unum est, & Deus,



*Deus, & Socii ejus sumus & membra. Epist. XCII. Animum PYTHAGORAS definivit, quod sit numerus seipsum movens; numerus vero mentem significat, teste PLUT. placit. Phil. quia numeris maximam virtutem atque vim in rerum natura tribuit, ut mentem hanc participatione divina ex universo per totam rerum naturam diffuso animo decerptam homini inseri affirmabat. Quamnam autem sibi de Deo formaverit ideam, discimus ex MINUTIO FELICE, in Octavio, cap. 19. ex LACTANTIO, Inst. Div. lib. 1 cap. 5. & ex CICERONE de Nat. Deorum, libr. 1. Cujus verba hæc sunt: Pythagoras, qui censuit Deum esse animum, per naturam rerum omnem intentum & commeantem, ex quo nostri animi carperentur, non vidit distractione humanorum animorum discerpi & dilacerari Deum, & cum miseri animi essent, quod plerisque contingeret, tum Dei partem esse miseram.*

#### §. IV.

Alii fuere, qui existentiam animarum negarunt, ac præter materiam nullam substantiam admiserunt. Ex Veteribus CICERO memorat quendam DICÆARCHUM, cujus sententiam ita enarrat: *Nihil esse omnino animum, & hoc esse nomen totum inane, frustra-que animalia & animantes appellari, neque in homine inesse animum vel animam, nec in bestia, vimque omnem eam, qua vel agamus quid vel sentiamus, in omnibus corporibus vivis aquabiliter esse fusam, nec separabilem à corpore esse, quippe quæ nulla sit, nec sit quidquam nisi corpus unum & simplex ita figuratum, ut temperatione naturæ vigeat & sentiat. Tuscul. Quæst. lib. 1. Quis perpensa Dicæarchi sententia non animadvertit, vere hunc parentem illorum, qui hodie Materialistæ appellantur, dici posse; inter quos merito tanquam eximii promachi primum tenent locum SPINOZA, HOBBSIUS, COWARDUS, Medicus Anglus, ac TOLANDUS. Plures jam Philosophorum Veterum de anima sententias,*  
ple-

plerumque maxima obscuritate involutas, ac a veritate prorsus alienas, enarravimus. Sed instituti ratio non permittit hisce diutius insistere, atque illorum opiniones nostro subicere examini; Id potius nobis agendum erit, ut quæ distincte de *ANIMÆ nostræ ESSENTIA* ejusque *LIBERTATE* cognoscuntur, & ex principiis veræ ac genuinæ philosophiæ demonstrari possunt, differamus, atque in uno quasi intuitu peripicienda exhibeamus.

### §. V.

ESSENTIAM mentis humanæ investigamus, ut tandem conceptum ac notionem illius essentialem eruamus. Necesse igitur est, ut ejus *existentia*, *immaterialitas*, *simplicitasque* prius evincatur. Nemo in dubium vocare potest, nos rerum, quas simul percipimus, conscios esse, cum illas a se invicem distinguamus, e contra nos eorum conscios non esse, quæ simul percepta non distinguuntur, sed in unum confunduntur. Nec minus certum est experientia quovis momento præsentis, nos tam nostrum & ipsorum, quam plurium rerum extra nos constitutarum nobis conscios esse, dum nos ipsos ab aliis rebus, & res extra nos à se invicem distinguimus. Quis nescit, se sibi conscius esse ejus, quod oculis, auribus, reliquisque sensibus percipit? Quis dubitaret, se sibi conscius esse, cum me audiat de essentia animæ differentem? & si dubitares, ipsa hac dubitatione confirmaretur id, quod tibi incertum esse videtur. Affirmas, te dubitare. Unde vero est, quod certus sis te dubitare, nisi ex eo, quod hanc mentis tuæ operationem ab omnibus aliis distinguens, ideoque dubitationis tuæ tibi conscius sis? Per ipsum igitur dubitationis actum probatur, nos nostri, actionum nostrarum, aliarumque rerum extra nos conscientiam habere. Quicumque autem sui aliarumque rerum sibi conscius est, is actu existit. Hæc propositio inter

ter eas merito refertur, quæ axiomatum nomine veniunt, & suam evidentiam in se habent, ideoque sine probatione admittenda. Interim si quis negat, affirmet necesse est, aliquem sibi sui aliarumque rerum conscius esse, etsi actu non existat, ac ponendum est, enti quædam actu inesse, antequam existat, quod absurdum esset. Ex eo igitur, quod nobis nostri rerumque aliarum extra nos conscii sumus, rectè concluditur, nos existere. Cum vero nobis nostri & aliarum rerum extra nos conscii sumus, datur aliquid in nobis, cujus ope nosmet ipsos & alias res à se invicem discernimus, ideoque aliquid nobis inest, per quod possibile est, ut rerum conscientiam habeamus: Atque ens istud, quod in nobis sibi sui aliarumque rerum extra nos conscius est, *ANIMAM* sive *mentem humanam* appellamus. Sed quoniam nos existimus, quatenus nobis nostri aliarumque rerum extra nos conscii sumus, atque anima ens est, cujus ope rerum conscientiam habemus, anima humana existit. Et hoc modo probatam dedimus existentiam animæ nostræ; At nondum constat, quid sit, utrum ens istud, quod sibi conscius est, dum res a se invicem discernit, sit ipsum hoc corpus, an vero ens, à corpore organico atque ab omni materia plane diversum.

### §. VI.

Ut recta via incedamus, ex iis, quæ menti inesse deprehendimus, jam ulterius legitimo ratiocinio colligemus, quid ei conveniat, quid non. Quando nobis conscii sumus eorum, quæ in nobis contingunt, & quæ nobis tanquam extra nos repræsentantur, cogitamus. Animam sibi sui aliarumque rerum extra nos conscientiam esse diximus; Anima igitur cogitat, atque cogitatio est actus mentis nostræ, quo sibi sui aliarumque rerum extra se conscia est. Hæc definitio nihil in se continet, quod recepto loquendi usui repugnat;

pugnat; Dicimus enim, nos cogitare, quando nobis rerum quarundam extra nos aut operationum mentis nostræ conscii sumus, & cum nullius rei conscientiam habemus, veluti in somno, & sæpius vigilantes, nihil nos cogitare affirmamus. Eandem cogitationis notionem dedit *CARTESIUS*, *Princip. Phil. Part. 1. art. 9.* *Cogitationis nomine intelligo illa omnia, quæ nobis consciis in nobis fiunt, quatenus eorum conscientia in nobis est; atque ita non modo intelligere, velle, imaginari, sed etiam sentire, idem est hic, quod cogitare.* Hoc autem posito determinato significato, non licet, omnes quascunque animæ modificationes, quarum sibi non est conscia, ad cogitationes referre. Porro ex hac definitione sequitur, omnem cogitationem duplicem involvere actum, *perceptionem*, qua mens objectum quodcunque sibi repræsentat, & *apperceptionem*, quatenus perceptionis suæ sibi conscia est, quam *CARTESIUS* *conscientiam* dixit. Quando anima rerum perceptarum sibi conscia est, eas à se invicem distinguit, propterea earum diversitatem agnoscit. Diversa vero non agnoscuntur, nisi quatenus notio diversitatis (an sit confusa sive distincta, nihil refert) ad ea applicatur, & animus advertitur ad ea, quæ hanc notionem ingrediuntur. Deinde dum mens sibi sui conscia est, semetipsam a rebus perceptis distinguit, quatenus se tanquam subjectum, res vero perceptas tanquam objectum perceptionis considerat. Ideoque anima res perceptas, vel ea, quæ ipsis insunt, tam inter se quam cum semetipsa confert, atque hoc modo comparisonem inter res perceptas, qua earum diversitas agnoscitur, & semetipsam instituit. Primum mens attentionem suam separatim ad ea \* quæ in per-

---

\* Ea, quæ in quavis perceptione distinguere licet, perceptiones *partiales* vocantur, respectu *totalis*, quæ om-

perceptione continentur, mox in duo vel plura vel omnia, quæ a se invicem discernit, simul dirigit. *Reflexio* dicitur successiva ad ea, quæ perceptioni vel rei perceptæ insunt, attentionis directio. At vero evictum est, animam, dum sibi sui ac rerum perceptarum conscia est, comparisonem suarum perceptionum cum inter illas, tum cum semetipsa instituere, ac attentionem suam successive ad perceptiones partiales in totali comprehensas, eandemque mox ad omnes simul dirigere, nec minus objectum perceptum a se tanquam subiecto percipiente discernere, & utriusque diversitate observata attentionem una ad objectum & subiectum perceptionis afferre. Hinc inferimus, animam, quando sibi sui aliarumque rerum conscia est, super perceptione totali reflectere, sive actum reflexionis exercere.

#### §. VII.

Hiscæ jam præmissis facili negotio colligi potest, *quid sit MENS*; an corpus, sive ens materiale, an ens ab eo plane diversum? Fuere equidem & sunt hodiernum plures, qui nonnisi entia materialia sive corpora existerè contendunt, ac propterea mentem a corpore non differre affirmant, hanc ob causam **MATERIALISTÆ** dicti. Quoniam animæ immaterialitatem negant, & cogitationes atque operationes mentis quascunque per motum materiæ subtilis in corpore organico explicare conantur. Videamus igitur, num hoc assumptum sit possibile, an saltem aliquam probabilitatis habeat speciem? Si ex principiis hætenus stabilitis demonstraverimus *animæ immaterialitatem*, Materialismus simul evertetur. Anima cogitat. Cogitatio involvit duplicem actum, *perceptionem* & *apperceptionem*. Anima res perceptas sibi præsen-

---

nes eas, quas dato aliquo temporis momento simul habemus, complectitur.

præsentat, ac perceptionis suæ rerumque perceptarum sibi conscia est. Quæ simul percipit, ea a se invicem, ac semetipsam a rebus perceptis distinguit. Res perceptas inter se & cum semetipsa confert. Denique, dum attentionem suam successive dirigit ad ea, quæ rei perceptæ insunt, super perceptione totali reflectit. Sed ex principiis Ontologicis atque Cosmologicis constat, in corpore, quatenus extensum est, nullam posse contingere mutationem, nisi quoad figuram, magnitudinem ac partium situm, & quidem nullo alio modo, nisi per motum. Corpora enim sunt entia composita, quorum essentia consistit in modo compositionis partium, quibus constant, ac proinde nulla iis mutatio accidere potest, nisi cujus ratio in modo compositionis continetur, per quem intelligi possit, cur hæc potius mutatio sit, quam alia. Cum vero in compositis non sint, nisi partes & modus, quo inter se junguntur, ut ens unum constituent, non alias mutationes in iis concipere licet, nisi quod vel partes quædam adjiciantur, vel interponantur, vel auferantur, vel transponantur. Ergo in corpore nulla contingere potest mutatio, nisi quoad figuram, magnitudinem ac partium situm. Quoniam vero hæc mutationes inducuntur partium adjectione, interpositione, ablatione, transpositione, quæ sine motu concipi nequeunt, nulla in corpore mutatio nisi per motum accidere potest. Ex hisce manifestum est, si quædam in corpore repræsentantur, repræsentationem alio modo fieri non posse, nisi partes materiales certo quodam atque determinato motu moveantur; & si repræsentatio per aliquod temporis spatium in corpore subsistere debet, necessario requiritur, ut vel eadem numero materia in eodem situ, quem motu priori obtinuerat, ex quo repræsentatio orta fuit, maneat, vel ut similes partes materiales simili motu in eundem situm continuo succedant.

dant. At in tali repræsentatione, quæ motu materiæ ejusdam subtilissimæ in corpore producitur, plane nihil deprehendimus, ex quo intelligi possit, quomodo corpus res repræsentatas inter se conferat, a se invicem distinguat, reflectat, earumque sibi tanquam extra se conscium sit, nisi fictionibus delectemur, & materiæ tribuamus facultates prorsus inexplicabiles. Corpus igitur, cum eorum, quæ in ipso repræsentantur, sibi conscium non sit, cogitare nequit. Cogitatio consistit in duplici actu, perceptione & apperceptione. Illam, cum non sit nisi simplex rei repræsentatio, in materia contingere posse intelligimus, quatenus compositum in composito repræsentari potest; Apperceptio vero, qua anima sibi rerum perceptarum suique conscia est, easque extra se sibi repræsentat, in materia concipi nequit. Maxima insuper, quod adhuc notandum est, intercedit differentia inter repræsentationes materiales, quæ in corpore, & illas, quæ in anima contingunt. In corpore vel materia res repræsentantur intra materiam, anima vero res sibi repræsentat extra se, cujus ratio ex antecedentibus abunde constat.

### §. VIII.

Hic occurrit quæstio: *Annon Deus facultatem cogitandi corpori vel materiæ communicare potuerit, etsi ex natura atque essentia corporis explicari nequeat, quod cogitare possit?* Celebris hujus sententiæ author, Philosophus Anglus, JOHANNES LOKIUS ad voluntatem atque omnipotentiam divinam recurrit, ut id saltem aliqua specie stabiliat, quod omni prorsus ratione destituitur, & hoc modo pro ingenii lubricitate subtiliorem quendam materialismum finxit, quo incauti, qui res obiter tantum inspiciunt, neque animum distincta rerum cognitione imbutum habent, facile in errorem abripiuntur. Sane LOKIUS, meo quidem judicio, unica hac absurda positione exile in rebus

Tom. IV. F meta-

metaphysicis prodidit acumen. Qui enim admitte-  
re velit, quæ nulla nituntur ratione, & quæ ex eo,  
per quod ens possibile concipitur, vel, quod idem  
est, ex illius essentia, minime consequuntur, seu legi-  
timo ratiocinandi modo colligi nequeunt, is quzli-  
bet pro arbitrio fingere poterit, nec quicquam adeo  
certum est, quin in dubium vocetur. Unicum suffi-  
cit, ut errorem Lokianum intime perspiciamus. Si  
enim enti uni attributa alterius communicari ne-  
queant, simul patet, impossibile esse, ut corpori vel  
materiæ facultas cogitandi communicetur. Quod si  
forsan quis negaret attributorum incommunicabilita-  
tem, ponendum erit, Enti cuidam communicari  
aliquod attributum, quod antea non habuit. Cum  
attributa per essentialia determinantur, ratio hujus  
attributi, quod communicatur, in essentialibus entis,  
cui tribuitur, non continetur, ideoque attributum  
non erit, atque simul impingeretur in primum phi-  
losophiæ principium, nihil esse admittendum, quod  
sufficienti ratione destituitur. Porro facultas cogitan-  
di est agendi possibilitas, per quam cogitationes in  
anima possibles sunt, consequenter ad illius attributa  
referri debet. Et hinc concludimus, facultatem co-  
gitandi corpori communicari non posse.

### §. IX.

Anima cogitat, dum sibi sui aliarumque rerum  
extra se conscia est. Corpus nec cogitare, nec co-  
gitandi facultas ei communicari potest. Ideo impos-  
sibile est, ut anima sit corpus, & cum omne corpus  
materia constet, nec materialis esse potest. Dum  
autem negamus, animam esse corpus, seu materiam,  
simul ponimus, mentem nostram esse immateria-  
lem, ac proinde proprietates atque attributa corporis  
ac rerum materialium ei repugnare, nec tribui posse.  
Ergo anima partes non habet, extensa non est, caret  
figura, spatium non occupat, magnitudine motuque  
in-



intestino destituitur. Anima est subiectum cogitationum; sed non est corpus, nec materiale quid: Ergo cogitationes neutiquam modificationes alicujus materiæ, ex. gr. materiæ vel fluidi cujusdam subtilis in cerebro, vi structuræ ejusdem modificabilis, esse possunt. Porro, omnia corpora sunt entia composita; Anima vero non est corpus; Ideo, quia omne ens est vel compositum vel simplex, anima necessario inter entia simplicia est referenda. Cogitationes continuo mutari, & alias aliis succedere, quilibet ad semetipsum attentus expertum habet; diversæ igitur sunt animæ modificationes, & anima, quatenus successive alias aliasque perceptiones diversosque appetitus habet, est subiectum modificabile; & cum ea per aliquod tempus cum corpore coexistat ac perduret, subiectum perdurabile, ideoque substantia, & quidem substantia simplex est. Hisce jam positis, Materialistarum error abunde perspicitur, atque falsa eorum hypothesis, qua animam materialem esse, nec a corpore seu materia differre sumitur, funditus evertitur. Differentiam inter animam & corpus Scholastici, qui plerumque in notionibus rerum confusis subsistentes, ad distinctam cognitionem non pervenerunt, distincte non explicarunt. Majorem diligentiam adhibuit CARTESIUS, ut differentiam mentis & corporis distinctius exponeret. Probe perspexit, diversæ esse entia, quorum notiones sunt diversæ, atque ideam animæ ab idea corporis differre, & ex his principiis demonstravit, mentem a corpore esse distinctam. Ita ratiocinatur *Princip. Phil. Part. 1. art. 8.* *Examinantes, quinam simus nos, qui omnia, quæ a nobis diversa sunt, supponimus falsa esse, perspicue videmus, nullam extensionem, nec figuram, nec motum localem, nec quid simile, quod corpori tribuendum sit, ad naturam nostram (nim. animæ) pertinere, sed solam cogitationem. At mittimus CARTESIUM, & in viam redimus, ut tandem essentiam animæ eruamus.*

## §. X.

*Vim* appellamus illud, quod in se continet rationem sufficientem actualitatis actionis. *Actio* vero est mutatio status, cujus ratio continetur in subiecto, quod eundem mutat. Nulla status mutatio in substantia concipi potest, nisi vi prædita sint. Ponamus enim substantiam existere nonnisi unam, ejusque statum mutari, oportet ut detur ratio sufficiens mutationis in ista substantia, ideoque actio. Jam ulterius in agente aliquid admittendum erit, quod rationem sufficientem in se continet, cur actio ad actum perducatur, idque *vis* vocatur; Consequenter substantia ista vi prædita est. Ponamus, plures substantias coexistere, quarum status mutatur. Ratio sufficiens mutationis deprehenditur vel in ipsa substantia, cujus status mutatur, vel in alia coexistente. Si prius, quælibet substantia vi prædita est. Posterius si admittitur, substantiæ coexistentes à se invicem patiuntur. Sed nulla passio concipi potest sine actione, & si A patitur a B, B agit, & si B vel C vel D patitur ab A, A agit. Quapropter, cum substantia agens vi prædita sit, per demonstr. & B agit in A, & vicissim A in B, C, vel aliud quoddam subiectum, A & B vi prædita esse, merito concludimus. At vero anima est substantia, cujus status continuo mutatur, cogitationibus aliis aliis succedentibus, ideo non minus vi prædita esse debet. Sed nollem, hanc mentis nostræ vim confundi cum illius facultatibus, quæ non sunt, nisi nudæ agendi possibilitates; Vis autem consistit in continuo agendi conatu, ex quo constanter sequitur actio, nisi impediatur. Atque hæc vis propter simplicitatem animæ unica est, qua ad actum perducuntur, quæ per facultates animæ in ea possible intelliguntur, ac omnes illius actiones atque mutationes producantur. Quoniam animæ insunt plures facultates, sentiendi, imaginandi, memoriæ, remi-

reminiscentiæ, ad perceptiones suas attendendi, reflectendi, notiones formandi, judicandi, ratiocinandi, appetendi, averfandi, libere volendi ac nolendi, atque eadem vi omnia ad actum perducuntur, anima vi sua unica nunc sentit, nunc imaginatur, nunc meminit, reminiscitur, attendit, reflectit, notiones format, judicat, ratiocinatur, appetit, averfatur, libere vult, & non vult.

§. XI.

*Sensationes sunt perceptiones objectorum externorum organa sensoria afficientium, quæ constanter immutabili hac lege contingunt, nim. Si in organo aliquo sensorio ab objecto quodam sensibili mutatio producitur, in mente eidem coexistit sensatio, quæ per illam mutationem distincte explicari potest.* Anima, dum sentit, objecta, quæ mutationem organisi sensorii inducunt, sibi repræsentat; corpus vero organicum continuo ab aliis corporibus in hoc mundo existentibus, ex quibus mundus hic aspectabilis componitur, pro situ ejusdem in hoc universo afficitur. Patet itaque, animam sibi hoc universum successive repræsentare pro situ corporis organici in universo, convenienter mutationibus, quas objecta externa in organisi sensorii producant. Verum equidem est, nos in somno nihil clare & distincte percipere, eo quod dormientes nobis nec nostri nec aliarum rerum extra nos conscii simus. Interim tamen anima, quia vi, qua status illius continuo mutatur, prædita est, perceptiones totales (uti vocantur) habet confusas, partiales vero obscuras, ideoque nihil obstat, quin etiam in somno, etsi obscure tantum, sibi repræsentet hoc universum. Cum vero in mente nostra eadem vi unica omnia, quæ per ipsius facultates possibile sunt, ad actum perducantur, anima vi sua hoc universum sibi repræsentat. Sed hæc mentis vis repræsentandi universum limitata est duplici modo, tum quoad ob-

cta, quæ mens percipit, tum quoad modum repræsentationis, vel (uti loquuntur) *materialiter* & *formaliter*. Illud, quatenus mens non percipit nisi ea objecta, quæ organa sensoria afficiunt; hoc, quatenus repræsentationes ejus tales sunt, quales sunt mutationes in organis sensoriis, ita ut ex illis intelligi possit, perceptionem potius talem esse, quam aliam, nempe claram, vel obscuram, hanc distinctam, illam confusam. Habet igitur anima humana vim, sibi repræsentandi hoc universum, pro situ corporis organici in hoc mundo, atque convenienter mutationibus, quæ in organis sensoriis contingunt.

## XII.

Si ad ea attendimus, quæ de mente nostra per experientiam cognoscuntur, constat, omnes ejus mutationes a sensatione quadam incipere. Nimis prolixum jam foret, de omnibus animæ facultatibus, tam superioribus quam inferioribus, & operationibus, quæ ex iis consequuntur, hanc probationem instituere. Sufficiet pauca annotasse, ut de reliquis judicium ferri possit. *Imaginatio* est facultas producendi perceptiones rerum sensibilium absentium, ita ut, si quædam simul percepimus, & unius perceptio ope sensuum sive imaginationis iterum producitur, imaginatio producat etiam perceptionem alterius. Quando igitur aliquid imaginamur, vi sensationis præsentis producitur rei antea perceptæ idea, vel si alius actus imaginationis præexistat, quo perceptio rei absentis reproducta fuisset, tandem tamen ad sensationem præsentem deveniendum erit, ex quo prior imaginationis actus originem duxit. *Intellectus* est facultas res distincte sibi repræsentandi. Si igitur distincte nobis repræsentamus res sensui vel imaginationi obvias, utique & hujus actionis origo ad sensationem præsentem referri debet. Nec minus notio, judicium & ratiocinatio, quæ semper a judicio quodam intuitivo  
ortum

ortum trahit, perceptiones præsentēs supponunt. Idem iudicium sit de cæteris animæ facultatibus. Omnes igitur mutationes, quæ in anima nostra contingunt, a sensatione quadam prævia oriuntur. Primus hanc veritatem, sine qua essentia animæ nostræ atque natura, nec cognosci nec distincte explicari potest, luci exposuit, ac ex principiis, quæ ab experientia desumpta, in *Psychologia Empirica* stabilivit, demonstravit *Illustris Vir atque eximius Philosophus, CHRIST. WOLFIUS.* (*Psychol. Rat. §. 64.*) Quilibet vero ad semetipsum attentus experientia propria observare potest, perceptiones a sensu ortas continuari imaginatione, iudiciis, ratiociniis, & tandem ex iis nasci appetitiones & aversiones, nisi nova quædam sensatio cursum impediat.

### §. XIII.

Ex hoc principio sequitur, nihil prius in anima concipi, quam sensationes, quæ primum ab ea producuntur. Deinde id simul patet, reliquas animæ operationes a sensationibus dependere, cum ex iis intelligi possit, cur cæteræ mutationes, quæ easdem consequuntur, hæc potius sint quam aliæ, ideoque rationes sequentium in istis contineantur. Jam vero ex supra demonstratis constat, animam, quatenus pollet facultate sentiendi, habere vim sibi repræsentandi hoc universum, pro situ corporis organici in mundo, convenienter mutationibus in organis sensoriiis factis. Hæc igitur vis, quæ menti inest, est primum, quod de anima concipitur, & ex quo cæterorum, quæ ipsi insunt, ratio reddi potest. Sed ex Ontologia notum est, essentiam cuiusvis entis consistere in eo, quod primum de illo concipitur, & in quo ratio cæterorum continetur. Ergo essentia animæ consistit in vi illa repræsentativa huius universi, pro situ corporis organici, atque conformiter mutationibus, quæ in organis sensoriiis contingunt. At-

que hoc modo conceptum mentis nostræ essentialē, seu (si mavis) formalem, ex principiis philosophiæ *Wolfsianæ*, tanta perspicuitate, quanta per tempus licuit, eruiamus. Multa adhuc remanent hanc arduam materiam spectantia, nim. Qualis sit differentia inter essentialē atque naturam animæ? Quid de CARTE-SII sententia tenendum, qui essentialē animæ in cogitatione posuit? Quid tandem illis respondendum sit, qui animæ essentialē cognosci posse negant? Quæ adderem, nisi præscriptum esset, *libertatis animæ* simul evolvere notionem. Rē vero, quantum fieri potest, breviter agam.

#### §. XIV.

Ad veram LIBERTATEM, cujus notio jam investiganda est, requiritur. 1. *Cognitio rei, quam appetimus vel averſamur.* 2. *Volitionum ac nolitionum, & actionum, quas volumus aut nolumus, contingentia.* 3. *Spontaneitas.* 4. *Lubentia.* Cum nihil sit, quod ratione sufficiente destituitur, necesse est, ut detur ratio, ex qua intelligi possit, cur anima aliud appetat, aliud averſetur, cur velit, cur nolit, cur hoc potius quam aliud. Ea, quæ rationem sufficientem appetitus, cum sensitivi, tum rationalis, in se continent, Philosophis dicuntur *Motiva*. At experientia ac ratione constat, mentem nostram nihil appetere, nisi quod tanquam bonum sibi repræsentet, nihil averſari nisi sub ratione mali, ut itaque repræsentatio boni ac mali rationem sufficientem appetitus & averſionis in se contineat. *Motiva* igitur repræsentationes boni ac mali, & quidem confusæ tantum, ubi anima appetitu vel averſatione sensitivæ fertur in objectum; sed distinctæ in actibus volitionis ac nolitionis. Quoniam vero, quicquid volumus vel appetimus, nobis repræsentamus tanquam bonum, quod nolumus vel averſamur, tanquam malum, judicandum est prius, an bonum sit vel malum; hinc objectum, quod nobis obverſatur, aliquo saltem modo cognoscere debemus.

At

At quia sapius judicando a veritate aberramus, fieri potest, ut interdum malum sub ratione boni appetamus, bonumque tanquam malum aversemur. Etsi vero anima non agat, nec agere possit sine motivis, inde non sequitur necessitari, ac quasi per vim quandam externam impelli, cui resistere non possit. Hoc enim posito anima necessario vellet, necessario nollet, appeteret, averfaretur, prout a motivis impelleretur ad agendum, vel non agendum, quod experientiae repugnat. Nimirum, positis licet motivis ad agendum sufficientibus, & argumentis decisionem suadentibus, possumus voluntatem mutare, eamque ad oppositas partes deflectere, si aliae adsint rationes praevalentes, ob quas actionem potius omittere quam committere visum fuerit. Nulla igitur est necessitas, nulla coactio nec interna nec externa menti per motiva infertur; sed suadent, inclinant sponte sequentem, quo maxime pellicitur anima, & efficiunt, ne quid in ea contingat, quod ratione sufficiente destituatur, atque hinc est, quod actiones hominum liberae certam & determinatam habeant veritatem, atque praescibiles sint; quod enim per motiva fit, determinate fit, convenienter rationi praevalenti ac suadenti, per motivum igitur cognosci potest, ideoque praesciri, si praesciatur motivum. Rei exemplum afferam. Certum & determinatum est, me hodie disputaturum, quia adsunt motiva plura ac fortiora, quae mihi suadent disputationem, quam quae, ut non disputem. Veruntamen necessitatem non inducunt, ut impossibile sit, me non disputare. Si motiva forent necessitantia, effectus necessario sequeretur, quicquid rationem atque motivorum in contrarium afferri posset. Interim si quis ex augustissimo auditorio mihi promittat majus lucrum, quam mihi ex disputatione pomeridiana evenire potest, expertum habebit, me non disputaturum. Sed cum haecenus

motiva, quæ mihi disputationem suadent, majorem vim habeant, si cum oppositis conferam, certum est, me disputationem suscepturum, & cum non disputare, libere & sponte disputabo, non casu, sed ratione, & hæc est ratio præscibilitatis hujus actionis meæ liberæ. Quomodo vero præsciri possit, quod plane fortuitum est, & casu fit, nec assequor, nec intelligo. Eximium hæc præstant usum in Theologia naturali & revelata, & maximi sunt momenti, ne quid Deo affingamus, quod per eminentiam ipsius essentiae ei inesse nequit.

### §. XV.

Secundum *libertatis* requisitum est, volitionum ac nolitionum, actionum, quas volumus aut nolumus, & motuum corporis voluntariorum, contingentia. *Contingens*, quod opponitur necessario, est, quod aliter esse aut concipi potest, cujus oppositum æque possibile est, vel nullam involvit contradictionem. Quæ volumus, ea nobis repræsentamus, ut bona, quæ nolumus, tanquam mala. Repræsentationes boni ac mali sunt motiva volitionum ac nolitionum, quæ tamen nullam animæ imponunt necessitatem, sed potius, ubi fortior ratio adest, volitiones in nolitiones, & vice versa mutari possunt, illarum igitur oppositum æque possibile est, nec contradictionem involvit, consequenter contingentes sunt. Idem dicendum est de motibus corporis, quæ ab animæ voluntate pendent. Per structuram enim corporis motus oppositi æque possibiles sunt; si sedeo, possem stare, aut ambulare. Si brachium extendo, æque possibile est, ut in sinu immotum retineam. Actiones, quæ liberæ vocantur, non minus contingentes sunt, quia earum oppositæ non sunt impossibiles; nulla adest contradictio, ut legerem, dum scribo, e contra ut scriberem, dum lego, ut librum quendam emam, vel non emam.

### §. XVI.



§. XVI.

*Spontaneitas* vocatur principium intrinsecum, se ad agendum determinandi. Quatenus itaque anima semetipsam ad actiones suas determinat, nec principio externo opus habet, spontaneitas ei tribuitur. Anima nulla vi externa ad appetendum vel averfandum impellitur, nec cogi potest; Motiva eam non necessitant, sed inclinant, suadent. At vero, cum anima ab extra non determinetur, semetipsam determinet, necesse est. Cum tamen sine motivis nec volitio nec nolitio possibilis sit, anima se determinat convenienter motivis suis. Pollet igitur spontaneitate, ejusque volitiones ac nolitiones spontaneæ sunt.

§. XVII.

Per *Lubentiam* intelligo facultatem animæ eligendi ex pluribus æque possibilibus, quod ei maxime placet, vel quod maxime approbat, & rejiciendi cætera, quia non vel minus placent. Facile intelligitur, menti nostræ hanc facultatem inesse. Quicquid enim vult, id sibi ut bonum repræsentat. Quicquid non vult, tanquam malum. Ex bono vero voluptatem percipit, & quidem tanto majorem, quanto majus bonum videtur; e contra ex malo tædium percipit, eo majus, quo majus est malum. Propterea, quia illud nobis placet, ex quo voluptatem percipimus, illud vero displicet, quod tædium parit, anima vult, quod maxime placet, & rejicit, quæ displicent vel minus placent. Ideoque quicquid vult, lubenter vult. Ad hæc observari juvat, animam per suam essentiam non esse determinatam ad has potius volitiones, quam ad alias, quippe hoc in casu motivis, quæ sunt rationes ab objecto desumptæ, non vero ab anima volente, non esset locus. Cujus vero ratio sufficiens in essentia rei non  
con-

continetur, illud per eandem non determinatur; contra, quod per essentiam rei determinatur, rationem sufficientem in eadem habet, veluti motus horologii per essentiam ejusdem determinatur, ac propterea ratio illius sufficiens in horologii structura continetur. Idem adhuc alia ratione patet. Volitiones ac nolitiones animæ contingentes sunt. Quod vero contingens est, mutabile est. Quod mutabile est, salva entis essentia abesse potest. Quod salva essentia abesse potest, inter modos referri debet. Quod in modorum numero est, per essentiam rei non determinatur. Ergo volitiones ac nolitiones per essentiam animæ determinatæ non sunt.

### §. XVIII.

Hæc jam sufficiunt, ut genuinam libertatis animæ notionem formemus. Diximus, animam nil averfari, nil appetere, quod antea non cognoscat. Probavimus, volitiones ac nolitiones animæ, actiones humanas, ac motus corporis voluntarios contingentes esse. Demonstravimus, mentem nostram spontaneitate ac lubentia præditam esse. Ostendimus denique, volitiones ac nolitiones per essentiam animæ non esse determinatas. Quid igitur est animæ libertas? Quænam illius est distincta atque completa notio? Libertas mentis nostræ est facultas, qua agens nulla naturæ suæ necessitate ad unam solum oppositorum partem adstringitur, sed pro cognita actionum conditione in se ipsa principium habet se determinandi, atque eligendi inter plura possibilia, quod maxime arridet. Vel brevius, animæ libertas est facultas, ex pluribus possibilibus sponte eligendi, quod ipsi placet, cum ad nullum eorum essentia sua determinata sit. Hæc libertatis est notio, quam experientia comprobatur, eamque animæ nostræ competere manifestum est, quotiescunque actiones nostræ li-  
beræ

beræ attenta mente observantur. Nec minus rationi conformis est, cum in principio rationis sufficientis fundata sit, foecunda simul, atque pragmatica, ex qua tanquam fonte tota praxis moralis derivatur.

§. XIX.

Rejicimus igitur, utpote spuriam, falsam, ac non modo inutilem, sed noxiam atque veritati inimicam, notionem, quæ *libertatem* mentis humanæ ponit in facultate, sese sine motivis, immo quid? contra motiva, determinandi. Quid ineptius, quid absurdius fingi possit, nescio. Quid, quod rationi contrarium sit, quid, quod experientiæ repugnet, si non hoc? Si enim anima se determinat sine motivis ad volendum ac nolendum, dantur in anima volitiones ac nolitiones absque motivis. Si hoc, aliquid fieri potest sine ratione sufficiente. Hoc posito, omnia fient casu puro: Mundus erit congeries atomorum Democriti & Epicuri. Veritas somnium, & somnium veritas, nihilum causa rerum. Quis unquam in medium attulit exemplum, quo ostendatur, animam se determinare sine motivis? Annon si deest ratio intrinseca, saltem adest extrinseca? Si non ratio gravior, atque majoris momenti, saltem levior & exigua? Si non cuivis obvia, saltem perspicaci? Sed ponamus alterum casum, quod anima se determinare possit contra motiva, etsi nulla adsit ratio contraria, quæ istis prævaleat. Quid inde? Motiva nobis exhibent objectum vel ut bonum vel ut malum quoad nos. Ergo si contra motiva agimus, id nolumus, quod nobis tanquam bonum representamus, e contra id volumus, quod tanquam malum nobis obversatur, ideoque volumus malum, quatenus malum est, ac nolumus bonum, quatenus bonum est. Quis vero unquam adeo insanus fuit, ut talia affirmare ausus fuerit? Cibus igitur sumes venenatum, etsi scias, mortem, quam nolles, tibi allaturum. Aquæ te im-

immerges, ut vitam finias, etsi gratam atque jucundam tibi esse judices. Quid porro? Si libertas animæ consistit in facultate se determinandi sine motivis, non datur ullus nec Philosophiæ moralis, nec Civilis, nec Juris Naturæ usus; Actum erit simul de Theologia Morali. In Jure Naturæ docetur, quænam actiones sint per se bonæ, quænam malæ. Sed quomodo obligatio naturalis locum habere potest ad illas committendas, has fugiendas, si tollantur motiva, & homo sine illis ad agendum, ad volendum ac nolendum, se determinat? Qua ratione voluntas hominis emendari poterit, nisi adsint motiva, quæ suadent ac pelliciunt, ut actiones suas convenienter Legi Naturali dirigat atque componat? Nihil remanet, si tollantur motiva, quo homo ad amorem virtutis ac odium vitiorum perducı possit. Etsi cognoscat actionem, eamque sibi repræsentet ut bonam, illam respuet. Etsi aliam sibi repræsentet ut malam, eam appetet. Quomodo obligatio civilis in societate humana induci queat, non video, si homo agere potest sine motivis & contra motiva. Homines ad obedientiam imperantibus præstandam, actionesque suas ad leges civiles componendas, incitantur metu pœnarum & spe præmiorum. Quid vero efficient leges, quid sanctiones, quid pœnæ, quid præmia, si nulla motivorum in determinandis actionibus hominum liberis efficacia? Qualis erit Theologia moralis, si motiva, quæ amor Dei summus, justitia, sanctitas, misericordia, gratia, quam in filio suo Redemptore generis humani demonstravit, nobis exhibent, efficacissima, quæ hominem Christianum ad virtutem atque veram pietatem excitent, nullam habeant vim, flectendi hominis voluntatem?

### §. XX.

Haud sine causa itaque mirum videtur, tot Viros eruditos, in cæteris merita laude non privandos, hanc

hanc Imaginariam libertatis notionem , quæ non minus rationi quam experientiæ contraria est, admisisse, defendisse, ac pro ea tanquam pro ara & focus pugnasse. Miror adhucdum plurimos esse, qui eorum vestigia premunt. Miror sane, homines, qui Philosophi audiunt, adeo præconceptis opinionibus inhærere, atque figmentis delectari, ut potius prima philosophiæ principia negent, quam falsam ineptamque sententiam atque errorem abjiciant. Miror esse, qui genuinam *libertatis* notionem, omnibus sane probatam, qui naturam animæ ac libertatis perspectam habent, quam primus illustris LEIBNIZIUS, ac post eum Magnus sæculi nostri *Philosophus Marburgensis*, distincte explicavit, acri calamo perstringere, ac molestis imputationibus, sed falsis, onerare non erubescant, Novissimum rei testimonium præbet *Celeb. DE CROUSAZ*, in libello, cui nomen finxit: *Reflex. sur l'Essai de Mr. Pope, pag. 49.* On ne veut pas tomber d'accord d'être en pouvoir de se déterminer soi-même, & pourquoi refuse-t-on de tomber d'accord d'un pouvoir, qui se fait si fréquemment & si clairement sentir ? C'est pour se conserver en état de se conduire plus tranquillement à son gré, & de livrer à ses fantaisies, sans jamais se les reprocher. La fantaisie, que l'on a de refuser à la nature humaine le pouvoir de se déterminer, & d'être maitresse de ses choix, cette fantaisie ne détruit point ce pouvoir, au contraire elle est cause, qu'on en use avec moins de contrainte, & avec un plein abandon. Contendit Vir doctus, veram animæ libertatem consistere non posse cum *Systemate Leibniziano* de nexu rerum universali, in quo omnia sunt certa atque determinata, nec cum *harmonia præstabilita*, quam ubique, etsi aliud agere videatur, impugnat, more eorum, qui viribus suis dissidentes fraude hosti nocere, quam acie pugnare malunt. Plane persuasus sum, Virum *Celeb.* non læto ac tranquillo animo diem supremum obiturum, nisi antea hoc per-

perniciosum LEIBNIZII inventum Metaphysicum , quod fatalem necessitatem infert, moralitatem actionum humanarum tollit , Religionem evertit, &c. e sede , quam hætenus inter hypothèses philosophicas occupat, dejecerit. Sed de hoc jam non agitur. Id solum quæro, an determinata rerum certitudo contingentiam tollat, ac necessitatem inducat? Sufficit ad libertatem, ut actiones animæ & corporis, atque series rerum sint contingentes, uti supra ostendimus. Falsum vero est, quod (pace Cl. Viri dixerim) LEIBNIZIO ejusque partes sequentibus imputat, eos negare, animam semetipsam determinare, quasi anima non sit nisi automatum, quod motore externo opus habet. Incertus sum, an ex incuria, quod non satis mentem LEIBNIZII perceperit, an animo nocendi, hæc scripserit. Neutrum affirmo. Judicium penes lectorem esto. Distincte *Illustrissimus THEODICEÆ* Author sententiam suam hac de re pluribus in locis exposuit, ut concipi nequeat, quomodo plane contrarium ei assignatur. Unicum locum afferam, *Theod. §. 59. pag. m. 111. Il est bon de faire voir, comment cette dépendance des actions volontaires n'empêche pas, qu'il n'y ait dans le fond des choses une SPONTANEÏTE merveilleuse en nous, laquelle dans un certain sens rend l'ame dans ses résolutions indépendante de l'influence physique de toutes les autres créatures. Cette spontanéité peu connue jusqu'ici, qui élève notre empire sur nos actions autant qu'il est possible, est une suite du système de l'Harmonie préétablie. &c.* Quid vero hæc spontaneitas, nisi principium internum, quo anima semetipsam determinat ad volendum vel nolendum, nulla cogente causa externa? Qui systemata commercium mentis & corporis explicandi cognita atque perspecta habent, intelligunt, maximam animæ in LEIBNIZIANO vindicari spontaneitatem, cum in hac hypothese vi propria omnes mutationes, perceptiones, appetitiones, volitiones, producat. Anima igitur

tur ex mente Leibnizii seipsam ad volendum determinat, actiones decernit; sponte agit, sed non sine ratione; vult, sed convenienter motivis suadentibus ac prævalentibus. Sed aliam Vir doctus ac talem, quam spuriam & inutilem esse atque rationi simul & experientiæ repugnare probavimus, mente concepit libertatis ideam. Putat enim, dari subinde in vita humana casus, ubi anima se determinet ad agendum sine ulla ratione sufficiente *tū velle nostri*, inquit in sua *Logica Latina*, parte 1. cap. 13. pag. 158. Edit. Gen. 1724. *Non alia videtur quandoque causa, præter ipsam voluntatem. Ut si utramque manum claudens tibi pollicerer nummum in altera contentum, modo feliciter caderet conjectura tua in eam, quæ nummum contineret; tunc sinistram cum nominares, quæ alia causa sinistra nominata potius quam dextra foret, nisi ipsa tua prorsus arbitraria electio? Sinistram, inquam, tum dixisses, quia voluisses, ipsa sese voluntas non aliunde, sed utique ipsa sese ex se determinasset.* Hactenus Ille. Hoc vero idem est, ac si dicerem, anima vult, quia vult. Aliquid esse potest sine ratione sufficiente. Sed non magno acumine opus est, ut rationem determinationis in casu proposito inveniamus. Haud dubie ideo sinistram nominaret, & non dextram, quia credit nummum in eadem contineri, alias dextram potius indicaret. Cæterum notandum est, in casibus huic similibus sæpius vel minimas ac levissimas rationes, ubi potiores non adsunt, ad determinandam voluntatem, ut unum alteri præferatur, sufficere, & si principium rationis sufficientis admittitur, paret impossibile esse, ut anima se determinet, nisi adsit motivum, quod hoc potius suadet, quam aliud. Cum vero in statu perfecti æquilibrii nulla adsit ratio, cur ad hoc potius oppositorum quam ad alterum se determinet, in hoc casu ad neutram se determinare, nec consequenter agere potest. Sed agit tamen, ergo determinata fuit aliqua ratione prævalente. Ideo merito rejicitur tanquam figmentum & res impossibilis,

bilis, status indifferentiæ. Optime de hisce LEIBNIZIUS, Theod. pag. m. 102. §. 46. Il y a donc une liberté de contingence, ou en quelque façon d'indifference, pourvu qu'on entende par l'indifference, que rien ne nous nécessite pour l'un ou pour l'autre parti. Mais il n'y a jamais D'INDIFFERENCE D'EQUILIBRE, c'est à dire, où tout soit parfaitement égal de part & d'autre, sans qu'il y ait plus d'inclination vers un côté. NB. Une infinité de grands & petits mouvemens internes & externes contournent avec nous ; dont le plus souvent l'on ne s'apperçoit pas, & j'ai déjà dit, que lorsqu'on sort d'une chambre, il y a telles raisons, qui nous déterminent à mettre un tel pied devant, sans qu'on y réfléchisse. & alibi pag. 95. §. 35. Il ne faut pas s'imaginer, que notre liberté consiste dans une indetermination, ou dans une INDIFFERENCE D'EQUILIBRE ; comme s'il falloit être incliné également du côté du oui & du non, & du côté de differens partis, lorsqu'il y en a plusieurs à prendre. Cet EQUILIBRE en tout sens est impossible. Car si nous étions également portés pour les partis A, B & C, nous ne pourrions pas être également portés pour A, & pour non A. Cet equilibre est aussi absolument contraire à l'expérience, & quand on s'examinera, l'on trouvera qu'il y a toujours eu quelque cause ou raison, qui nous a incliné vers le parti qu'on a pris. NB. quoique bien souvent on ne s'apperçoive pas de ce qui nous meut ; tout comme on ne s'apperçoit guères, pourquoi en sortant d'une porte on a mis le pied droit avant le gauche, ou le gauche avant le droit. Atque jam id, quod ad explicandam & illustrandam materiam præscriptam necessarium videbatur,

D I X I.





V.

# CHRIST. MATTHÆI PFAFFII

S. Th. D. Prof. Prim. & Cancellarii in Uni-  
vers. Tubingensi, . .

DISSERTATIO HISTORICO-POLEMICA

De

Titulo

## PATRIARCHÆ OECUMENICI,

POMO ERIDOS INTER GRÆ-  
CAM ET LATINAM ECCLESIAS.

*Argumentum.*

- §. I. Usus & significatio vocis οἰκουμενός. §. II. Pri-  
mordia hujus tituli in Ecclesia Græca. §. III.  
Exempla Pontificum Rom. hunc titulum de-  
tractantium. Notatur Gregorius M. §. IV. Pho-  
cæ Imperatoris circa hunc titulum decretum.  
§. V. Communis ejus inter Græcos & Latinos  
usus sec. VII. §. VI. Plura de hac re sec. VIII.  
& IX. testimonia. §. VII. Ejusdem ex sec. X.  
confirmatio. Johannis XIX. cum Ecclesia Con-  
stan-

stantinopolitana circa titulum *Patriarchæ Oecumenici* acta. §. VIII. Romanorum in Græcos invidia ex epistola Leonis IX. ad Michaellem Cerularium Græcum. Constans ejus tituli usus in Ecclesia Græca, non obstante Romanorum pertinacia sec. XI. §. IX. Argumenta adstruentia ex frequenti usu & conciliis sec. XII. XIII. XIV. XV. tam Ecclesiæ Græcæ quam Romanæ hunc titulum competiisse. §. X. Recentioris temporis documenta, Græcos imprimis titulo Oecumenici constanter gavisos fuisse. §. XI. Observationes quædam ex hujus tituli historia. Litis vanitas. Ex ea argumentum contra jurisdictionem universalem. Gregorii M. in eo negotio errores. Falsitas historiæ, quæ fert, Phocam primo Episcopum Romanum Oecumenicum declarasse. Ecclesiæ Romanæ injusta primatus affectatio. Excusatio Ecclesiæ Constantinopolitanæ primam se omnium venditantis. Futilitas litis de primatu. Silentium Græcorum de lite circa titulum Oecumenicum. §. XII. Hujus considerationis utilitas. Notantur Interpretes Apocalyptici.

### §. I.

**O** *Ἰκχυμένως* ab *ἰκχυμένη* descendit, quæ orbem terrarum vel terram potius habitatam & speciatim Imperium Romanum (a) indigitat. Hinc Concilia *oecumenica* dicta videas, quæ non saltem ex hujus vel illius nationis vel provinciæ Episcopis

---

(a) Vide Luc. II. 1. Sunt verò & , qui putant , Judæam hic *παῖσος τῆς ἰκχυμένης* nomine venire.

pis conflata sunt, sed ad quæ Episcopi totius, vel magnæ saltem partis, orbis Christiani orthodoxi ex Oriente & Occidente confluxere. Ita & sacra *æcumenica* & ludi *æcumenici* olim dicti (a). Ita Jo. Chrysostomus à Theodosio Juniore Augusto dictus *διδάσκαλος οἰκουμενικός*, quod ipsius doctrina in ædificationem universalem populi Christiani evalesceret (b). Sed & *διδάσκαλος οἰκουμενικός* dictus olim fuit Rector Professorum XII. qui Constantinopoli in Basilica Imp. ædibusque, in quibus Bibliotheca Imp. asservabatur, habitabat, & cum sociis ab Imperatoribus tum ad rerum gerendarum consilia tum ad doctrinam iis instillandam, qui hanc ob causam ex toto orbe Constantinopolin confluebant, adhibebatur (c). Patriarcha denique *æcumenicus* adpellatus fuit, non, qui præsulatum totius orbis Christiani gereret, sed qui supremum in urbe imperiali, quæ τῇ οἰκυμένη imperaret & caput atque regina orbis esset, sacerdotium administraret (d).

G 3

§. II.

- (a) Confer Spanhemii Hist. Christ. Sec. VII, art. 5. §. 2.  
 (b) Vide Stephani de Altimura panopliam contra Schisma Græcorum. p. 98.  
 (c) Confer Jo. Zonaræ annales L. 15. C. 3. f. 104. ed. Paris. f. 82. ed. Ven. qui cum aliis narrat, Leonis Isauri, Imp. Iconomachi jussu Doctorem *æcumenicum*, qui tum temporis vivebat, cum Professoribus istis XII. propter rejectam iconomachiam, incensis Bibliothecæ ædibus, fuisse combustum. Sed monet Cel. D. Siberus. *esse, qui putent, Leonem per invidiam tantum hac infamia notatum esse*, in Oratione de antiquitate Doctoratus Theologici p. 13. 14. Ita profecto & recte quidem Spanhemius in historia imaginum restituta, fest. 2. §. 11. Opp. T. II. f. 736. sqq.  
 (d) Ita Blondellus de la primauté en l'Eglise f. 1074. *L'Evêque universel ne signifioit proprement qu'Evêque de la ville royale, & n'attribuoit aucune juridiction universelle à celui, qui portoit ce titre.* Ita Salmasius de primatu Pape C. 14. p. 207. *Dua tum regnantes urbes, Roma &*

## §. II.

Historiam tituli hujus secundum ordinem seculorum condituri non moramur Binium, qui caussatur, Sixtum I. & Zephyrinum, Episcopos Romanos *universales* se appellasse (a). Sed nec in Concilio Carthagenensi A. 397. constitutum fuit : *Universalis autem nec*

*Constantinopolis. Utraque οἰκουμενὴς dicta metropolis & caput imperii ab auctoribus utriusque linguae. Hinc & οἰκουμενικὴ Patriarchæ titulum Constantinopolitanus Antistes sibi adrogavit haud minus, quam Romanus. Ita cel. Deylingius in Diff. 3. de novitate regiminis Monarchici in Ecclesiam universam, art. X. §. 2. p. 98. Quo titulo nihil aliud eo tempore indicabatur, quam totius diæceseos caput, cui ἡ καθόλου ἐπισκοπή, universalis cūra omnium Ecclesiarum, non totius orbis, sed sui Patriarchatus incumberet.*

(a) Vide Conc T.IV.f. 1946. editionis Venetæ nuperæ. Jam enim & Sixti I. epistola à Binio allegata notoriè supposititia est, nec Sixtus I. hic se *universalem*, de quo solo titulo hic nobis quæstio est, dicit. sed *universalis* sive catholicæ *Ecclesiæ Episcopum*. Tertullianus vero, sub initium libri de pudicitia, Zephyrinum non dicit se ipsum nuncupasse *Pontificem maximum & Episcopum Episcoporum*, sed hos titulos illi per ironiam saltem tribuit ipse. Taceo, ita nuncupari potuisse Zephyrinum tanquam *Pontificem maximum & Episcopum Episcoporum*, suæ nempe Diæceseos, nec haberi hic vocem *oecumenici*, quæ sola heic in disceptationem venit. Nec, quod addit Binius. Leo I. in ep. 54. ad Marcianum Imp. quæ est 68. Quesnelli, *universalis Ecclesiæ Episcopum*, multo minus *universalem* se scripsit. Falsam e im istam inscriptionem esse, in nota ad eandem luculenter probavit Quesnellus. Denique & tunc hariolatur Binius, quando ait, in relatione Concilii Chalcedonensis ad Leonem I. nomen *oecumenici* librarii dolo subdum fuisse. Nullo enim ex Codice MS. hoc demonstrat. Vide l.c.f. 1774. 1950.

*nec etiam Romanus Pontifex appelletur* (a). Neque confectum quoque est, quod Dioscorus, Patriarcha Alexandrinus in Synodo Ephesina *λησερικῇ* A. 449. habita titulo *æcumenici* Patriarchæ ornatus fuerit, licet Olympius, Episcopus Evazensis, illum *universalem Episcopum magnæ Alexandrinæ civitatis* dixerit (b). Nec Anatolius, Patriarcha CP. unquam hoc titulo gavissus esse legitur (c). Itaque ergo A. 451. Leo I. Patriarcha Romanus primum in Concilio Chalcedonenſi *æcumenicus* dictus fuit à Theodoro & Ischyrione, Diaconis Alex. Athanasio Presb. Al. & Sophronio (d). Ajunt

G 4

&

- (a) Ita quidem Gratianus dist. 99. c. 3. sed malè. Non exstant enim hæc verba in codice canonum Ecclesiæ Africanæ C. 39. nec in Concilio Carthaginensi III. c. 26. Error Gratiani est manifestus.
- (b) Vide Conc. T. IV. f. 1118. Nota, Græcam Olympii vocem ibi non exstare. *Universalis* verò græcè & καθολικὸς dicitur, de quo titulo jam non disputamus, uti nec de aliis æquipollentibus vel plus significantibus. Gratis ergò indignatur Olympio Lupus, quod titulo isto, licet ad solam civitatem Alexandrinam restricto, sic abusus fuerit, in app. ad Concilium Ephesinum latrocinale. Opp. T. 2. f. 238. a. Sed verò ex sequentibus patebit, titulum *æcumenici* nulli unquam Patriarchæ datum fuisse nisi Romano & Constantinopolitano, licet contrarium asserat, omnibusque Patriarchis commune fuisse *æcumenici* nomen ajat cel. Deylingius l. c. p. 99.
- (c) Uti falso Hincmarus Rhem. adv. Hincmarum Laudun. ep. 33. c. 17. apud Lupum in diss. de septima Synodo generali C. 3. Opp. T. 3. f. 246.
- (d) Vide Conc. T. IV. f. 1267. 1274. 1282. 1290. Jam vero in Concilio Chalcedonenſi contradicentibus sedis Romanæ legatis, Patriarchæ Constantinopolitano collatum fuisse *æcumenici* sive *orbicularis* aut *universalis* titulum, contra fidem actorum asserunt Monachi Dominicani in tr. contra errores Græcorum, apud Canisium in lect. ant. T. IV. f. 56.

& Hormisdam Patr. Rom. A. 517. fuisse salutatum *œcumenicum*. Ast verò is ab Archimandritis & Monachis secus dæ Syriæ non quidem *œcumenicus* sed dictus est ex summo adulationis studio *universa orbis terræ Patriarcha* (a). Ex Græcis primus Johannes Cappadox, Patr. CP. in Concilio CP. adversus Severum A. 518. habito appellatus legitur *œcumenicus* (b). Mox ipse Justinianus I Imp. CP. Epiphanium & Anthimum, Patriarchas CPos *œcumenicos* nuncupavit (c), qui & peculiari constitutione *Ecclesiam Constantinopolitanam omnium aliarum caput* pronunciavit (d). Agapetum I. Patr. Rom. in Concilio CP. sub Menna A. 536. congregato hoc titulo compellavere Monachi Constantinopolitani, Hierosolymitani & Orientales (e).  
Men.

Idem, quod mirum, affirmat & cel. Deylingius l. c. p. 98.

(a) Conc. T. V. f. 598. Nec heic Græca vox exstat. Cæterum & *universa orbis terræ Patriarcha* dici poterat quem *Patriarcham*, sui nempe Patriarchatus, agnosceret universus orbis Christianus. Neque etiam ex titulis, quos adulationis studium finxit, argui quicquam potest.

(b) Conc. T. V. f. 1127. 1132. 1148. 1149. 1157. 1183. Hinc sunt, qui ajant, Johannem Cappadocem, Patr. CP. primum fuisse, qui titulum hunc sumserit. Ita Anshelmus Bandurius in Imperio Orientali f. 895. edit. Paris. & f. 624. ed. Ven. & ex illo Fabricius Bibl. Gr. Vol. X. p. 157. Sed falsa est illatio. Aliud est, titulum sumere, aliud, ab aliis eodem ornari.

(c) Vide Theodori Balsamonis collect. constit. Eccl. f. 1238. edit. Justell. & Cod. L. I. tit. I. C. 7. tit. IV. c. 34. Nov. 3. 5. 7. 16.

(d) Verba sunt: ἡ ἐν Κωνσταντινὸς ἐκκλησία πασῶν τῶν ἁλ-  
λων ἐστὶ κεφαλὴ, apud Balsamonem l. c. f. 1247. & Cod. L. I. tit. 2. de sacrosanctis ecclesiis C. 24. Jam verò & l. c. C. 16 Zeno Imp. CP. Ecclesiam CPam *matrem Christianorum orthodoxæ religionis omnium* appellat.

(e) Conc. T V f. 982.

Mennam vero, Patr. CP. ita passim nominat ipsa hæc Synodus (a), alias quoque idem Imp. Justinianus I. (b). Etsi enim in constitutione sacra contra Anthimum, Severum, Petrum & Zooram, prout habetur ad calcem hujus Synodi posita (c), Mennas *æcumenicus* ab Imperatore haud legatur dictus, dicitur tamen *æcumenicus* in eadem, prout alibi (d) elata exstat. At verò Imperator hic Johannem II. Patr. Rom. in literis ad illum datis *æcumenicum* non dixit, licet in iisdem scribat, se omnes sacerdotes universi Orientalis tractus sedi Romanae subficere (e).

§. III.

Cum A. 587. in Synodo Constantinopolitana (f) Petrum, Patriarcham Antiochenum, abolveret Johannes ΝΗΣΕΥΤΗΣ sive Jejinator, Patriarcha CP. recepto jam *æcumenici* titulo usus est (g), licet ex actis synodalibus,

G 5

- (a) L. c. f. 1013. 1023. 1035. 1047. 1054. 1063. 1227. Intrusum in tot loca esse *æcumenici* vocem absque ulla veritatis specie causatur Baronius ad A. 518.
- (b) Nov. 42. 67. 79. in præf.
- (c) Conc T. V. f. 1239.
- (d) Nov. 42.
- (e) Cod. L. I. tit. 1. c. 8.
- (f) Historiam hujus Synodi scripsit Evagrius hist. eccl. L. 6. C. 7.
- (g) Ita Pelagius II. & Gregorius M. qui ad Sabimianum Diaconum L. V. ep. 19. scribit, Johannem Jej. *Johannis Presbyteri gesta Romam transmisisse, in quibus se pene per omnem versum οἰκουμενικὸν Patriarcham nominaverit.* Ex quo conjicere est, illum jam antea quoque hunc sibi titulum summissee. Hinc primum illum fuisse, qui eodem fuerit usus, ajunt plerique. Ita Allatius adv. Hottingerum, p. 228. Morinus de sacramento poenitentiae, f. 615, edit. Venetæ, Renaudot dans la defense de la perpetuité de la foi, p. 13. alii, quos refellit Fabricius l. c. Dissentit

libus, quæ non exstant, nihil heic erui possit. Tam male hoc habuit Pelagium II. Pont. Rom. ut. Gregorio M. narrante (a), neque, quæ exstat, illius epistola (b) genuina est (c), gravia ad Johannem scripta transmitteret, in quibus Synodi Gregorii Antiocheni causa congregata propter nefandum elationis vocabulum acta dissolverit, & Archidiaconum, Legatum suum, missarum solennia cum Græcis celebrare prohibuerit. Vestigia Pelagii pressit Gregorius M. qui magno cum animi fervore Johannem Patr. CP. reprehendit, quod hoc sibi novum nomen arroget, cum solus Christus sit universalis Ecclesiæ caput, cum Petrus Apostolus se nunquam universalem vocaverit, cum, qui hoc blasphemix utatur nomine, sibi soli Episcopatum adjudicet, omnibus Episcopis demat, atque ita universæ Ecclesiæ fidem corrumpat & destruat, atque Antichristum elatione sua præcurrat, quæ & causa fuerit, ob quam Leo I hunc titulum à Concilio Chalcedonensi accipere noluerit, utpote quem invenerit Apostata (d). Adit quoque literis Mauritorium Augustum & Constantinam Augustam, monuitque, ut Johanni, Patriarchæ CPo, hunc gerere titulum non amplius permitterent (e). Ejusdem ferè tenoris

Blondellus, qui putat, Gregorium I. imputasse Johanni Jej. quod alii ipso præsentē & approbante fecerint, l. c. f. 1002.

(a) Epist. L. V. n. 18. 21. 43. L. IX. n. 68. edit. Paris. Benedict.

(b) Exstat Conc. T. VI. f. 633. sqq.

(c) Demonstrarunt hoc Blondellus in Pseudo-Isidoro & Turriano vapulantibus p. 636. sqq. Launojus Epist. L. VI. Ep. 5. Opp. T. V. f. 274. 275. Spanhemius in hist. Christ. sec. 7. art. 5. §. 8. & Sam. Basnagius in annal. Polit. Eccles. ad A. 588. §. 1. f. 897. 898.

(d) Epist. L. V. n. 18. 19. 20. 21. 43.

(e) l. c. n. 20. 21.



noris est epistola Gregorii ad Cyriacum, Patr. CP. Johannis successorem, cum eundem sibi titulum & hic arrogasset, data (a), aliaque ad Mauritium Aug. qua queritur, Imperatorem existimare, quod *ob fri-voli nominis appellationem scandalum generari non debeat* (b), & ad Anastasium, Patr. Antiochenum, qui putave-rat, *causam hanc nullam esse* (c), itemque ad Eulogium, Patr. Alex. & Anastasium, Patr. Antioch. ubi narrat, se Diaconum suum jussisse, ne cum Cyriaco missarum so-lennia celebret (d). Denique & Eulogium eundem reprehendit, quod *universalis* titulo ab eodem esset compellatus ipse, quem tamen in aliis respuat (e), at-que in literis ad Eusebium Thessalonicensem alios-que Episcopos monet, ne quisquam hoc nomen ad-mittat vel tribuat alteri (f). Mirum est, scripsisse ista Gregorium, qui, licet nomen *œcumenici* fuerit ab-ominatus, jurisdictionem tamen universalem in to-tum orbem Christianum; & in specie Patriarchatum CPum affectavit, atque alias fatetur, Patriarcham CPum suam jurisdictionem agnoscere (g), imò & sanctitatem Johannis Jej. & Cyriaci, Patriarcharum CPorum miris modis deprædicat (h). Mirum & est, qui

(a) l. c. L. VII. n. 4. 31.

(b) l. c. n. 33.

(c) l. c. n. 27.

(d) l. c. n. 34.

(e) l. c. L. VIII. n. 30.

(f) l. c. L. IX. n. 68.

(g) l. c. n. 12. 59.

(h) De Joh. Jej. confer. L. I. ep. 4. cum notis, de Cyriaco L. VII. ep. 4. sqq. Certè Johannes ob stupendam absti-nentiam Νηστευτής live Jejunator dictus, atque à Græcis san-ctorum catalogo adscriptus fuit. Vide Theophylastum Simocattam Hist. L. 7. C. 6. Et Sophronius Patr. Hie-ros. apud Photium Cod. 231. illum ἀρετῆς δεικνύμενον di-xit. Pœnitentiale vero ejusdem, quod in app. ad l. c. f.

qui tanta cum sermonis pompa Phocæ tyranno CPO imperium gratulari sustinuerit, quod nonnisi per necem Imperatoris Mauritii impiè invasit (a). Sed & mirum est, Cyriacum, Patr. CPum, tyrannum hunc coronasse (b), cui tamen, ubi tantisper obstetit, cum Constantinam Augustam cum filiabus è templo, in quod aufugerant, extrahere vellet (c), sine dubio animum Phocæ alienum sibi que minus faventem reddidit.

#### §. IV.

In libro Ponticali (d), quem Anastasius Bibliothecarius recensuit & auxit (e), cujus & sublesta subinde

616. sqq. edidit Morinus, non caret erroribus, foveatque in specie illum de confessione auriculari.

(a) Vide l. c. L. XIII. n. 31. Horrenda lectu epistola hæc Gregorii est, quæ Phocam tyrannum nefanda adulatione demulcet. Indignatur huic impietati Bælius in Di&lt. hist. & crit. tit. *Gregoire le Grand*. T. 2. f. 1305. 1306. & Sam. Basnage l. c. ad A. 602. §. 8. f. 946. 947. ubi ait inter alia, *Gregorium I. cruentas domini sui sanguine manus Phocæ veluti osculatum esse.*

(b) Vide Chronicon Paschale ad Olymp. 345.

(c) Ita Theophanes & Cedrenus.

(d) In hoc libro vitæ Pontificum Romanorum enarrantur. Insertum videas collectionibus Conciliorum & adjectum historiæ Byzantinæ Scriptoribus. Splendidas Romæ editiones dedere Blanchinus & Vignolius, nec minus Mediolani Muratorius, qui eundem Scriptoribus rerum Italicarum tomo tertio inseruit.

(e) Confer, quæ heic scripsere Ciampinus in examine libri Pontificalis seu vitarum Romanorum Pontificum, quæ sub nomine Anastasii Bibliothecarii circumferuntur, Schellstratius in antiquitate Ecclesiæ illustrata, T. 1. f. 363. sqq. Pearsonius in diss. I. de successione primorum Romæ Episcoporum C. XL XII. p. 115 sqq. & Oudinus in commentario de Scriptoribus Ecclesiæ antiquis, T. II. f. 357. sqq.

inde fides est (a), ita habetur in vita Bonifacii III. Hic obtinuit apud Phocam Principem, ut sedes Apostolica B. Petri Apostoli caput esset omnium Ecclesiarum, id est, Ecclesia Romana, quia Ecclesia Constantinopolitana primam se omnium Ecclesiarum scribebat (b). Ita & Paulus Diaconus: Phocas, rogante Papa Bonifacio, statuit, sedem Romanæ & Apostolicæ Ecclesiæ caput esse omnium Ecclesiarum, quia Ecclesia Constantinopolitana primam se omnium Ecclesiarum scribebat (c). Repetunt eadem verba Historici & Chronographi Latini passim ex unico fonte libri Pontificalis (d), quos proinde in vanum hic allegaverimus. Historici vero & Chronographi Græci vel Byzantini, qui Phocæ res gestas referunt, hoc prorsus silent (e). Addit Baronius (f), Phocam edicto imperiali sanxisse, solum Episcopum Romanum *æcumenicum* esse, non Constantino-

(a) Prolixè hoc probare facillimum foret. Rectè Pearsonius, fidem huic libro Pontificali minimè adhibendam esse, cum pluribus & sædis erroribus scateat, fictisque narrationibus plenus sit, l. c. p. 129. Eandem in sententiam pronunciat Spanhemius in dissert. de Papa femina, C. VIII. §. 8. Opp. T. II. f. 659. 660. allegatque ὁμοψήφως Baronium atque editores Anastasii Moguntinos, qui ita: *Multa in hac historia asseruntur à veritate aliena, quæ nullius gravis & prisca Authoris testimonio confirmari possint, multi in eadem chronographici lapsus, nonnulla pugnantia & ἀνύστατα.*

(b) Vide Muratorii Scriptores rerum Italicarum T. III. f. 135.

(c) de gestis Longobardorum L. IV. C. 37. apud eundem Muratorium T. I. f. 465.

(d) Solidè hoc observat Blondellus l. c. f. 1067.

(e) Nescio, cur Theophanem hanc in rem alleget Forbesius in Instruct. hist. Theol. L. III. C. 3. f. 101. a. Perronium Card. ob falsam hanc allegationem jam reprehenderat Blondellus l. c.

(f) ad A. 606.

tinopolitanum. Sed hoc edictum nullibi exstat, nullibi antiquis memoratur (a).

§. V.

Exstant constitutiones variæ Heraclii, Imp. CPi, in quibus Sergium, Patr. CPum *œcumenicum* salutavit (b). Sed & A. 639. habitum fuit Constantinopoli Concilium, in quo ejusdem Heraclii Imp. *ἐκθεσις* fuit approbata, atque Sergius & Pyrrhus Patriarchæ CPi *œcumenici* nuncupati (c). Circa A. 645. Sergius, Episcopus Cypri, Theodorum I. Patr. Rom. *œcumenicum* dixit in literis ad eum datis (d). A. 649. Maurus, Episcopus Ravennæ Martinum I. Patr. Rom. *œcumenicum* vocavit in concilio Lateranensi (e). A. 678. Constantinus Pogonatus, Imp. CP. in divali sacra ad Domnum I. Patr. Rom. eundem *Πάπαν ὀικουμενικόν* nuncupavit (f), sed & eodem titulo ornavit in alia divali sacra Georgium, Patr. CPum (g). In Concilio VI. œcumenico eodemque CPo A. 681. congregato legati Agathonis, Papæ Romani, eundem dixere *œcumenicum* (h), quo titulo in eodem Concilio Macarius, Patriarcha Antiochenus Petrum, Patr. CPum, (i) & Cyrus Sergium, Patr. CPum (k) quoque profecuti sunt.

(a) Itaque ergo idem de hoc edicto dixerimus, quod in donationem Constantini M. quæ Sylvestro Pontifici Romano facta esse fertur, quadrat, ubi itidem sedi Romanæ in totum Christianum orbem legitur collata universalis jurisdictio.

(b) Vide Justelli Bibliothecam Juris Can. veteris, f. 1361. 1366. 1371. 1373.

(c) Evolve acta hujus Concilii inserta actis Concilii Lateranensis sub Martino I. Conc. T. VII. f. 209.

(d) l. c. f. 126.

(e) l. c. f. 97.

(f) l. c. f. 613.

(g) l. c. f. 619.

(h) l. c. f. 1063. 1094.

(i) l. c. f. 777.

(k) l. c. f. 283.

sunt. A. 683. Constantinus Pogonatus & Justinianus II. Imp. CPi Leonem II. & Joh. V. Pontifices Romanos itidem scripsere *œcumenicos* (a). A. 687. verò idem Justinianus II. Conohem, Patr. Róm. *œcumenicum* in divali sacra ad ipsum directa nuncupavit (b).

§. VI.

Primum post A. 714. *œcumenicum* se scripsisse Germanum I. Patriarcham CPum, contendunt Blondellus & Spanhemius (c). A. 754. Constantinus Copronymus, Imp. CP. Iconomachus Constantinum, Sylæi Episcopum, Patr. CPum in templo S. Deiparæ Blachernensî constituit his verbis : Κωνσταντίνος οἰκουμενικῆς Πατριαρχίας ποδὶ τὰ ἔτη. *Constantinus, œcumenicus Patriarcha multos vivat annos* (d). A. 787. in Concilio Nicæno II. Act. II. Patriarchas Romanum, Alexandrinum, Antiochenum & Hierosolymitanum, *œcumenicos* dictos esse scribit Thummus nostras (e). Sed in actis hujus Concilii hanc in rem nil exstat, nisi quod Episcopi Tarasium, Patriarcham CPum *œcumenicum* appellaverint,

(a) l. c. f. 1136. 1159. 1321. 1454. Adde Allatium de Ecclesiæ Occidentalis & Orientalis perpetua consensione, L. I. C. 20. §. 15. p. 312. & Baronium ad A. 683. n. 6. & 8.

(b) Vide Blondellum l. c. f. 1073.

(c) ex Jure Canon. Orient. L. III. Vid. Blondellus l. c. f. 1065. & Spanhemius in hist. Eccl. Christ. sec. VII. art. 5. §. 2. Vocatur & Germanus, Patr. CP. *œcumenicus* in fragmento quodam, quod exstat in lect. ant. Canisii T. I. f. 26. edit. Bafnagianæ. At Germanum istum non esse primum sed secundum hujus nominis, rectè scribit Bafnagius l. c. f. 25.

(d) Ita Jo. Zonaras Annal. L. 15. f. 108. edit. Paris f. 85. ed. Ven. nuperæ. Adde Crusii Turco-Græciam, f. 195.

(e) im Bericht vom Papstum. p. 256. Idem hic libellus est, qui tantas Thummio calamitates peperit.

rint, Adrianum I. Pont. Rom. non item (a), quem in literis ad Constantinum & Irenen damnaſſe hunc titulum, refert Anaſtaſius Bibliothecarius, licet in iisdem, prout inſertæ leguntur actis Concilii, hoc non exiſtet (b). Jam verò ſec. IX. paſſim Pontifices Romanos, Paſcha'em I. Eugen. II. Leonem IV. Bened. III. Nicol. I. Adrianum II. Joh. VIII. Stephanum VI. ab Imperatoribus, Conciliis, Epiſcopis, ita compellatos eſſe docet Blondellus (c). Hinc Nicolaus I. Pont. Rom. A. 867. in epiſtola ad Hincmarum & Epiſcopos in Regno Caroli conſtitutos (d) reprehendit Michaellem & Baſilium, Imp. CPoſ, quod Patriarcham CPum *æcumenicum* appellent, & glorientur, tunc, quando de Romana urbe Imperatores Conſtantinopolim fuerint translati, & primatum Romane ſedis ad Conſtantinopolitanam Eccleſiam transmigraſſe, & cum dignitatibus regiis etiam Eccleſie Romane privilegia translata eſſe, ita, ut ejusdem invaſor Eccleſie Photius etiam ipſe ſe in ſcriptis ſuis Archiepiſcopum atque univerſalem Patriarcham appellet. In Concilio Conſtantinopotitano A. 870. habito Adrianum II. Pont. Rom. Papam *æcumenicum* dixit ipſa Synodus & Archidiaconus illius Johannes, poſtea Succellor (e). Sed & heic Theodoſius, Patr. Hieroſ. Ignatium Patr. CPum *univerſalem* ſcripſit (f). Ita & Anaſtaſius Bibliothecarius Adrianum II. & Johannem VIII. Pont. Romanos *univerſales* compellavit (g), quem

(a) Vide Conc. T. VIII. f. 779. 783. 794. 802. 809. 818. At vero l. c. f. 1348. refertur & epiſtola Adriani I. ad Tarasium, Patr. CP. in qua is *generalis* compella ur. Sed bene obſervavit Blondellus l. c. f. 371. hanc vocem in Græco non exiſtare.

(b) Conc. l. c. f. 762. 763. Adde Allat. l. c. p. 289.

(c) l. c. f. 1073. 1074. (d) Conc. T. IX. f. 1489. ſqq.

(e) Conc. T. X. f. 888. 923. (f) l. c. f. 495.

(g) l. c. T. VIII. f. 673. Ita vero ibidem Anaſtaſius: *In eo ſane, quo frequenter univerſalem in hac Synodo (VIII.)*

quem posteriorem & *œcumenicum* in Synodo Photiana A. 880. dixere Petrus, Presbyter & Cardinalis, Legati Romani, itemque Procopius, Archiep. Cæsar. & Photius, Patr. CP. (a), qui in eadem Synodo & ipse *œcumenici* titulo ornatus fuit, (b) quem ab Imperatore Leone sapiente accepit, & Stephanus illius successor (c), quemadmodum & Stephanum VI. Pont. Rom. *œcumenicum* dixere Stylianus, Episc. Neocæsareæ alique Episcopi (d).

# S. VII.

A. 963, 964. Joh. XII. & Leonem VII. Patr. Rom. ab Ottone I. Imp. & Conc. Rom. titulo hoc fuisse donatos memorat Blondellus (e). Eundem & sub finem sec. X. sibi vindicavit Sisinnius, atque circa A.

Tom. IV.

H

1019.

*Græci Patriarcham suum inconuenienter appellant, apostolatus vester adulationi veniam det, sæpe Prælati suis non sine reprehensione placere studentium. Verum, cum apud Constantinopolim positus frequenter Græcos super hoc vocabulo reprehenderem & fastus vel arrogantiae redarguerem, asserebant, quod non ideò œcumenicum, quem multî universalem interpretati sunt, dicerent Patriarcham, quod universi orbis teneat præsulatum, sed quod cuidam parti præsit orbis, quæ à Christianis inhabitatur. Nam, quod Græci œcumenem vocant, à Latinis non solum orbis, à cuius universitate universalis appellatur, verum etiam habitatio vel locus habitabilis nuncupatur. Ita Anastasius ad Joh. VIII. Add. Conc. T. X. f. 471.*

(a) Conc. T. XI. f. 353. 388 420. 436. 472. 475. 479. 482. Adde Beveregii Synodicon Eccl. Græcæ T. 2. f. 274. 282. 299.

(b) l. c. f. 338. 343. 448. Adde Beveregium l. c. f. 283. 298.

(c) Vide Leonis nov. Constit. 2 fqq. ad quas provocat & Binghamus Orig. Eccl. L. II. C. 17. §. 21. Vol. I. p. 259.

(d) Conc. T. X. f. 902. 914. T. XI. f. 542.

(e) l. c. f. 1074.

1019. Alexius, Patriarchæ CPi (a). Circa A. 1024, vero Basilius II. Imp. CP. & Eustathius, Patr. CP. missis Oratoribus & Legatis Johannem XIX. Pont. Romanum muneribus demulcere tentarunt, ut permetteret, *Ecclesiam Constantinopolitanam in suo orbe, sicut Romanam in universo, universalem dici & haberi*. Silent hoc Scriptores Græci, sed refert Glaber Radulphus, Monachus Antissiodorensis (b), qui & addit, Romanos ac Pontificem ipsum munificentia Græcorum penè victos fuisse, ad sanio rem verò mentem confestim revocatos literis Guilielmi, Abbatis S. Benigni Divionensis ad Joh. XIX. Byzantinorum petitioni abnuisse. Jam & Hugo Flaviniacensis in Chronico Virdunensi narrat, ad illam Græcorum petitionem omnem vehementissimè commotam Italiam, sed & Galliarum Episcopos & Abbates his obviare conatos esse, quosdam in persona sua, quosdam verò missis literis sedem Apostolicam visitantes, & tantum opprobrium & dedecus, auctoritatibus in medium prolatis, quibus contradicere fas non esset, ab Ecclesia Romana propulsantes. Non defuit in his, inquit, Patris Richardi, Abbatis Flaviniacensis (c) authentica præsentia, imo omnino sategit, ut Constantinopolitana præsuntio confutata conquiesceret. Inter alios quoque Willelmus, Divionensis cœnobii Abbas eximius, epistolam Papæ misit. &c. Ita Hugo Flaviniacensis (d). Ait Altimura (e), Eustathium, Patr. CPum, cum titulum œcumenici à Joh. XIX. non obtinuisset, nomen ejus è diptychis Ecclesiæ CPæ expunxisse. Sed, unde hoc habeat, non addit. Ait & Lupus (f), Gregorium VII. capropter constituisse, quod  
solus

(a) l. c. f. 1065. (b) L. IV. hist. Franc. C. 1.

(c) alii: Petri Richardi, Abbatis Virdunensis.

(d) ad A. 1204. Willelmi, Abbatis S. Benigni Divionensis epistola ad Joh. XIX. habetur Concil. T. XI. f. 1147. 1148. eruta è Glabro & Hugone.

(e) in libro supra citato p. 211.

(f) Opp. T. V. f. 167. sqq.



*solus Pontifex Romanus jure dicatur universalis (a). Id certum, Patr. CPos, licet Romanus Pontifex titulum hunc ipsis denegaverit, eo nihilominus uti continuasse. Exempli loco sit Constantinus, qui circa A. 1065. ita se scripsit (b).*

§. VIII.

Addenda porro, quæ A. 1053. jam ante Gregorium VII. Leo IX. Papa Romanus ad Michaellem Cerularium, Patr. CPum scripsit. Ita vero ille: *Johannes Jejunator, Patr. CP. nimia vanitatis novum nomen primus sibi usurpavit, ubi se à cunctis œcumenicum Patriarcham, id est, universalem, & dici & scribi debere decrevit. Pro qua utique presumptione à beatis Pontificibus, Pelagio & Gregorio, digna percussus est excommunicatione. Cujus contagii macula adhuc vobis cum ipsa maledictione sic adhasit, ut nunc quoque vos ipsos œcumenicos Patriarchas & appellare & scribere non timeatis. Et certe nomen istud à sanctis Patribus in Chalcedonensi Synodo ob reverentiam S. Romane & Apostolicæ sedis sanctissimo decessori nostro Leonis Papa & præclarissimo Doctore successoribusque fuit oblatum, sed nec ab illo nec ab ullo Successorum ipsius constat hætenus receptum. Et cui post Christum Jesum hoc nomen magis poterat aptari, quam successoribus Petri? Sed imitanda humilitas reverendorum Pontificum, attendens, quod ipse Princeps Apostolorum non inveniatur dictus universalis Apostolus, superbum refutavit vocabulum penitus, quo videbatur par dignitas subtrahi cunctis per orbem Præsulibus, damni ex toto arrogaretur. &c. Hæc Leo IX. (c) Michaellem veto Cerularium, Patr. CPum, œcumenicum se*

H 2

scri-

- (a) Vide can. 2. dictat. Constat, canones hos ex epistolis Gregorii VII. fuisse ab anonymo compilatos. Vide tamen S. R. D. Zelleri, Abbatis Anhusani, libellum elegantissimum von der Legende Gregorii VII. p. 26. sqq.
- (b) Vide Blondellum l c. f. 1065.
- (c) Vide Conc. T. XI. f. 1324. 1348.

scripsisse patet ex literis ad Petrum, Patriarcham Antiochenum (a) & ad Joannem, Episcopum Tranensem (b) ab ipso datis. Idem vero & in Synodo CPa A. 1054. habita dictus fuit *œcumenicus* (c). Falsum itaque, quod Theodorus Balsamon sec. XII. scripsit (d), Patriarchas CPos nunquam se *œcumenicos* scripsisse, etsi cum Nilo Doxopatrio (e) titulum *œcumenici* Patriarchæ & Romano & CPo tribuat (f). Imperator certe CPus, quando Patriarcham Constantinopoli olim constituit, his verbis illum affatus est: ἡ ἀγία Τριάς διὰ τῆς παρ' αὐτῆς δωρεῆσεως ἡμῖν βασιλείας προβαίνει σε Αρχιεπίσκοπον Κωνσταντινουπόλεως, νέας Ρώμης, καὶ οἰκουμενικὸν Πατριάρχην. *Sancta Trinitas per imperium ab ipsa nobis concessum renunciat te Archiepiscopum Constantinopoleos, novæ Romæ, & œcumenicum Patriarcham* (g).

## §. IX.

Jam & Leo Stryppiota, Patr. CP. in Concilio contra Constantinum Chrysomalum, Bogomilum  
Con-

(a) Exstant hæc in Cotelerii Monumentis Ecclesiæ Græcæ T. 2. p. 135. sqq. 162. sqq.

(b) apud Canisium lect. ant. T. III. f. 281.

(c) Vide Conc. T. XI. f. 1453. & Allatium in diss. 2. de libris Eccles. Græc. p. 161.

(d) Confer Allatium de Eccles. Occ. & Or. perpetua consensione L. I. C. 19. p. 290.

(e) in notitia Patriarchatuum, quæ exstat in Variis sacris Stephani le Moine T. I. p. 246. & in Schellstratii antiquitate Ecclesiæ illustrata T. II. f. 731.

(f) in opusculo de Patriarcharum juribus apud Lupum in diss. de Leonis IX. actis, Opp. T. IV. f. 437.

(g) Vide Gregorii Codini, Curopalatae C. 20. de officiis & officialibus Curiae & Ecclesiæ CPæ, quod agit de electione & inauguratione Patriarchæ f. 120. editionis Venetæ nuperæ. Exscripsit hoc caput Morinus de sacris Ecclesiæ ordinationibus P. 2. ubi vide f. 159.

Constantinopoli A. 1140. celebrato salutatus fuit *œcumenicus*, (a) & Michael Oxita, Patr. CP. in Conciliis ibidem A. 1143. contra Bogomilos factis eodem titulo donatus (b). Sec. XII. ad finem vergente Isaacius Angelus Imp. Patriarcham CPum ita vocavit (c). Circa A. 1264. Arsenius, Patr. CP. scripsit Testamentum, in cujus inscriptione dicitur *œcumenicus* (d). A. 1274. celebratum fuit Concilium Lugdunense de unione cum Græcis pangenda, ubi de titulo *œcumenici* plane non fuit actum, quod mireris: Michael Palæologus, Imp. CP. Gregorium X. Pont. Rom. in literis ad eum datis *œcumenicum* appellavit (e), atque ita quoque proclamari iussit Constantinopoli (f). Alias quoque Michaelis & filii Andronici ad Pontificem Romanum literas, in quibus hunc itidem *œcumenicum* dici videas, Allatius recitat (g). Ita & A. 1277. Jo. Beccus, Patr. CP. Johannem XX. Pont. Rom. dixit *œcumenicum* (h). At vero & Jo. Becci in sede CPa successor Georgius Cyprius *œcumenicus* in libello contra Beccum scripto appellatur (i). A. 1350. Callistus, Patr. CP. in Concilio CPO Palamitico dictus fuit *œcumenicus* (k), & quod oppido notabile, A. 1433. 1435. 1439. in Conciliorum Basiliensis & Florentini actis Josephus,

H 3

(a) Vide Conc. T. XII. f. 518. & Allatium l. c. L. 2. C. 11. p. 644. 649.

(b) Vide Conc. T. XII. f. 1543. 1553. & Allatium l. c. C. 12. p. 671. fqq.

(c) Vide Imperatoris constitutiones Gr. sub hoc titulo C. 3.

(d) apud Cotelierum in monum. Eccl. Græcæ T. II. p. 168.

(e) Conc. T. XIV. f. 507.

(f) Vide Georg. Pachym. hist. L. 5. C. 22. f. 223. edit. Ven. (g) l. c. p. 738. fqq.

(h) Conc. T. XIV. f. 589. Adde Allatium l. c. p. 746.

(i) apud Bandurium in Imp. Orient. f. 652.

(k) Conc. T. XV. f. 623. 678.

phus, Patr. CP. *acumenicus* (a), & nil quicquam contra hunc titulum dispositum legitur. Imo & omnes Patriarchas, Alexandrinum, Antiochenum & Hierosolymitanum, in Concilio Florentino dictos fuisse *acumenicos*, sed abs re scribit M. A. de Dominis (b). A. 1450. fertur Concilium contra Latinos Constantino-  
poli habitum fuisse, ubi Athanasius, Patr. CP. se *acumenicum* dixerit (c). Sed fictitium illud esse causatur Allatius (d). Jam enim Josepho successit non Athanasius sed Metrophanes, huic Gregorius Melissenus (e).

## §. X.

(a) Conc. T. XVII. f. 310. 793. T. XVIII. f. 505. Imago Josephi ære exscripta cum hoc titulo habetur in Bandurii Imp. Or. f. 689. ubi & f. 692. 693. in literis Patriarcharum Syriæ ad Jo. Palæol. Imp. CPum idem vocatur *acumenicus*, quas exhibet & Allatius l. c. L. 3. C. 4. p. 943. 945.

(b) L. 4. de Republ. Eccles. C. 7. §. 29. f. 633.

(c) Conc. T. X | X. f. 105.

(d) in addendis ad libros de Eccl. Occ. & Or. perpetua conf. p. 1389. sqq.

(e) Confer Fabricii Bibl. Gr. Vol. VI. p. 745. ubi exstat conspectus chronologicus Imperatorum & Patriarcharum CPorum. Sed consulendus ante omnes est Anshelmus Bandurius in Imperio Orientali f. 991. sqq. edit. Paris. f. 688. sqq. ed. Venetæ. qui vero & f. 182. & f. 190. exhibet catalogos Patriarcharum CPorum, in quibus Josepho successisse leguntur Georgius & Athanasius. Sunt illi Matthæi Cigalæ & Philippi Cyprii. Aliter vero Gregorius Phranza in Chronico L. 2. C. 17. 19. Anonymus autem Crusianus Josephi successorem dicit Gregorium Mammam Pnevmaticum, in Turco-Græcia f. 5. quam hanc in rem citat Arcudius L. 2. de concordia Ecclesiæ Occ. & Or. in septem sacr. administratione C. 15. p. 114. For-  
sit in locum Gregorii Mammæ sive Melisseni surrogatus fuerit iste Athanasius.

§. X.

Scribit Allatius, Patriarchas CPos *æcumenicorum* titulum adeo obstinate sibi retinuisse, ut nullis neque minis neque adulationibus ad illum obliterandum adduci potuerint, & nunc etiam in calamitosissima Græciæ desolatione sub tyrannide barbarorum pessima eo se cohonestent (a). Addit idem, Bessarionem Cardinalem quoque, qui ab Imp. CP. Johanne Palæologo & Concilio Florentino à Phranza (b) dicitur creatus fuisse Patriarcha CPus, certè post captam a Turcis Constantinopolin post obitum Gregorii hoc titulo à Pio II. Pont. Rom. ornatus fuit (c), *æcumenicum* se scripsisse (d). Ast conferendus hic antea alios est Crusius nostras (e), ex cujus Turco-Græcia constat, Pachomium, Joasaphum, Metrophanem, Je-

H 4

re-

(a) l. c. L I. C. 19. p. 289.

(b) in chronico L. II, C. 17. Ast Sylvester Syropulus in hist. Conc. Florentini negat, novum Patr. CPum post mortem Josephi Florentiæ, licet id urgeret Eugenius IV. Pont. Rom. creatum, sed constitutum demum ab Imp. Joanne Palæol. Constantinopoli affirmat Patriarcham Metrophanem, quem verò Græci agnoscere no'uerint. Vide f. 304. 305. 312 330. sqq.

(c) Vide Arcudii opuscula aurea Theologica p. 331.

(d) in epistola ad Græcos Constantinopolitanæ sedis subiectos A. 1463. data apud Arcudium l. c. p. 333. 357. 358. & Allatium l. c. p. 289. 290. Nota tamen, Bessarionem in latina versione, quam ipse fecit, *æcumenicum* se non scribere apud Arcudium l. c. p. 359. Unde & hic caussatur p. 373. nomen *æcumenici* in textu originali Bessarionis non existisse. Certe in alia epistola ad Pædagogum filiorum Thomæ Palæologi *æcumenicum* se non scripsit. Vide notas ad Gregorium Phranzam f. 182. edit. Venetæ nuperæ.

(e) in Turco-Græcia f. 197. 507. ubi tituli Patriarchæ CPi recensentur. Sed vide eandem alibi passim.

remiam, Patr. CPos, & ipsos se *œcumenicos* nuncupasse, & hunc titulum ab aliis accepisse. Certè Theologi Tubingenses Jeremiam, Patr. CPum, *œcumenicum* appellarunt, qui & ipse *œcumenicum* se scripsit in responsis ad illos datis (a). Eodem titulo usi sunt A. 1638. in Concilio CPo contra Cyrillum Lucarium Cyrillus Berrhoënsis (b), A. 1642. in alio Concilio CPo Parthenius (c), A. 1642. Dionysius (d) & A. 1691. Callinicus (e), Pa-

(a) Vide acta & scripta Theologorum Wirtembergicorum & Patriarchæ CPi Hieremiæ, passim. Documento hoc est, Theologos Tubingenses titulum hunc antichristianum haud existimasse, etsi Pontifici Romano illum daturi haud fuissent, cum tamen utriusque Ecclesiæ eadem fere sit corruptio, imo Græca à nostra longius distare videatur ac Romana. Græci quippe, certè Russi, quod immersionem necessariam esse putant, nostros rebaptizant, quod Romanenses non faciunt, Vide Conc. Later. A. 1215. c. 4. X. de bapt. C. 6. & Caucum in hist. de Græc. recent. erroribus ad Greg. XIII. err. I. Sed contradicunt tamen Allat. I. c. p. 1262. sqq. & Arcudius de conc. Eccl. Occ. & Or. L. 1. C. 8. p. 19. 20.

(b) Vide Conc. T. XXI. f. 1718. & Allatium I. c. L. 3. C. 11. p. 1065, 1069.

(c) Confer Conc. T. XXI. f. 1630. 1635. & eundem I. c. p. 1082. sqq. Ita sane & Parthenius A. 1643. *œcumenicum* se scripsit in approbatione orthodoxæ Confessionis Ecclesiæ Orientalis p. 10. 11. editionis Normannianæ.

(d) in professione fidei, quæ exstat Conc. T. XXI. f. 1777. 1788. & dans la perpetuité de la foi de l'Eglise Catholique touchant l'Eucharistie défendue contre Mr. Claude, T. III. p. 450. 454. 496.

(e) Vide Nicolai Comneni Papadopoli responsionem adversus Hokstonum ad Chrysanthum p. 49. Hic enim exhibetur decretum Synodi CPæ A. 1691. habitæ contra Joannem Caryophyllum, quod subscriptione sua firmavit

Patriarchæ CPi. Nullumque est dubium, eos hodie-  
num eundem usurpare (a). Quod restat, Clemen-  
tem VIII. Pont. Rom. A. 1595. ab Orientalibus fuisse  
salutatum *œcumenicum*, refert Blondellus (b).

§. XI.

Historia hujus tituli secundum ordinem seculo-  
rum prælibata, observamus I. Eundem monstri nil ale-  
re, si *οἰκουμενικός* dicatur Patriarcha saltem ab urbe *οἰ-  
κουμενική* seu βασιλίδι τῆς οἰκουμένης, & restringatur ad cer-  
tum Patriarchatum, in quo Patriarcha utique *οἰκουμε-  
νικός* & *universalis* est. Alia est *οἰκουμένη* Orientis, alia  
Occidentis. Frivolum itaque fuit, disputare de hoc  
titulo, uti egregie Mauritius Imp. CP. Anastasius,  
Patr. Antioch. (c). & Anastasius Bibliothecarius (d).  
II. Non posse dici, titulum hunc ita explicatum &  
restrictum, esse stolidum, temerarium, antichristianum,  
quæ labes sic in solos Patriarchas CPos, haud sanè in Ro-  
manos, qui illo nunquā usi sunt ipsi, redundatura esset.  
III. Nec tamen Pontifices Romanos, paucissimis, quos  
supra nominavimus, exceptis, eundem antichristianum  
& impium reputasse, cum & ante & post Gregorium

H 5

M.

Callinicus, Patr. CP. & Græco-Latine edidit Eusebius  
Renaudot in collectione, quæ Gennadii, Meletii Al. Ne-  
starii Hieros. Meletii Syrigi, aliorumque complectitur opu-  
scula. Paris. 1709. 4.

- (a) Certe in Liturgia, ubi mentio fit Patriarchæ, *œcumenicus*  
is dicitur. Vide Goari Euchologium Eccl. Græcæ f. 81.  
ed. Ven. Adde notitiam formularum, quibus Patriarcha  
CP. solet ad alios Patriarchas & Episcopos scribere, apud  
Lupum in diss. de Leonis IX. actis, Opp. T. IV. f. 437.  
(b) l. c. f. 1074. (c) Vide supra p. 107.  
(d) Vide supra p. 112. 113. Recte sane Jac. Basnagius: *Je ne  
sai, pourquoi l'on a fait tant de bruit de ce titre, qui ne  
donne aucun pouvoir à celui, qui le porte.* Vide l'Histoire  
de l'Eglise L. 3. Ch. 6. §. 8. f. 162.

M. illum sine protestatione admiserint, & in Patriarchis CPis denique toleraverint, nihilque in Conciliis Lugdunensi II. & Florentino in contrarium disposuerint (a). IV. Sed hoc esse antichristianum, re ipsa dominium & jurisdictionem in totum orbem Christianum affectare & sibi adjudicare. Id quod inde à Victore I. fecere Pontifices Romani, & ipse quoque Gregorius M. cujus, ubi hunc respuit titulum, ficta saltem fuit humilitas. Unde & V. Protestantes effatis illis Gregorianis contra jurisdictionem universalem, quam Pontifex Rom. in totam Ecclesiam affectat, utiliter uti posse. VI. Gregorium I. falso tribuisse Patriarchis CPis, quod *novo* hoc titulo utantur (b), & VII. quod ejusdem usurpatione significare voluerint, & ipsum Patriarcham Rom. omnesque alios sedi Constantinopolitanae subjectos esse, nullumque plane dari Episcopum quam Patriarcham CPum, id quod sane nunquam somniarunt isti nec somniare potuerunt (c). VIII. Ex hoc ipso quoque patere, quod

(a) Patet hinc, vel Gregorii I. eorumque Pontificum, qui titulum *œcumenici* damnarunt, vel illorum, qui tolerarunt, error & fallibilitas. Vide Placettæ Observ. hist. eccles. XI. p. 212. sqq.

(b) Receptum enim tum temporis jam fuisse hunc titulum, abunde supra docuimus, affirmatque Gregorius ipse, quod in Concilio Chalcedonensi Leoni I. fuerit oblatum.

(c) Hoc egregie diduxere Blondellus l. c. f. 1074. 1075. & Maimburgius dans l'Histoire du Pontificat de S. Gregoire le Grand, L. 2. p. 110. sqq. patetque ad oculum ex supra dictis, maxime p. 107. Aliter Bellarminus de summo Pontifice L. 2. C. 31. qui putat, Patriarchas CPos ita se dixisse *œcumenicos* Episcopos, ut nullum alium Episcopum agnoscerent, primatumque contra Romanum sibi arrogaverint. Id quod vel ideo falsum est, quia Gregorius I. in ep. ad Joannem, Episc. Syracusanum testatur, & Constantinopo-



quod Gregorius I. vel ex linguæ Græcæ incitia, quam tamen callere debuerat, qui per aliquot annos Constantinopoli hæsit, vel historiæ ignorantia haud sciverit, quid sibi velit titulus Patriarchæ *œcumenici*; vel IX. ex mero invidiæ & ambitionis stimulo eundem in Joh. Jej. & Cyriaco, Patr. CPis damnarit, quos tamen ob summam vitæ sanctitatem alias miris modis evehit & laudat (a). Quo ipso tamen non inficiamur, Patriarchas hosce ad servandam pacem melius acturos fuisse, si inani titulo, licet in se innocente, abstinuissent, vel eundem saltem ita explicassent, ut ad silentium redactus fuisset Gregorius. X. Falsum esse, quod affirmat Gregorius I. Leoni I. titulum *œcumenici* ab ipso Concilio Chalcedonensi oblatum fuisse. Neque enim hoc ex actis illius constat, licet Thomas Aqu. in opusculo contra errores Græcorum referat, totam Synodum Leoni I. sic acclamasse: *Leo sanctissimus, Apostolicus & œcumenicus Patriarcha, per multos annos*

litanum Episcopum (falso ibi dicitur *Eusebium* pro *Cyriacum*, unde hanc epistolam spuriam esse putat Tilenus ad Bellarmini l. c. p. 258.) fateri, quod *sedî Romanasit subiectus*. At vero Gregorius I. nomen *universalis* & *œcumenici* simpliciter rejicit. Unde & F. A. de Simeonibus T. I. de Romani Pontificis judiciaria potestate C. IV. §. 2. p. 93. fallitur, asserens, quod tunc saltem Greg. I. illum respuerit, quando quis ipse se *œcumenicum* dicat, certe enim ille noluit quoque, ut accipiat ab aliis datus. Vide supra p. 107. & confer Forbesii Instruct. Hist. Theol. L. 16. C. 7. §. 18. f. 787. sqq. Verius itaque Lupus in diss. de Conc. VII. œcum. Opp. T. III. f. 250. scribit, Johannem Jej. cum successoribus usurpasse hunc titulum in sensu *tolerabili*.

- (a) Hinc J. Basnagius appellat *la conduite de Gregoire assez bizarre*, l. c. L. 6. Ch. 4. §. 7. f. 314. Adde Bælium in Dict. hist. & crit. tit. *Gregoire le Grand*, T. 2. f. 1306.

*annos vivat* (a). XI. Bonifacium III. Pont. Rom. titulum hunc à Phoca tyranno non obtinuisse, multo minus Phocam eo privasse Patriarcham CPum. Nec enim Græci nec Latini Scriptores veteres id dicunt (b). Jam &, si Bonifacius III. per preces suas eundem à Phoca obtinisset, & sumisset istum ipse & successores illius, quod tamen non fecere unquam. Id vero longe falsissimum est, quod tamen bene multi ajunt, Cyriacum, Patr. CPum, Phocam ob necem Mauritii, Imp. CPi, excommunicasse, sed Bonifacium III. Pont. Rom. illum absolvisse, atque sic à Phoca obtinuisse titulum *æcumenici*. Jam & nullo excommunicationis vinculo à Cyriaco ligatus erat Phocas unquam (c). Itaque ergo epocha revelati Antichristi & Papatus origo hinc petenda non est, quæ vero nec inde peti posset, si quoque, quod tamen inficiamur, *æcumenici* titulum soli Papæ Romano tribuisset Phocas, cum innocens hic titulus sit, uti abunde vidimus, & Gre-

go-

- (a) Vide glossam ad Decr. P. 1. dist. 99. C. 5. & supra p. 103. Jam vero in hac acclamatione vox *æcumenici* non exstat in actis. Vide Pet. de Marca de conc. Sacerd. & Imp. L. V. C. 10. §. 7. & Conc. T. IV. f. 1168.
- (b) Vide supra p. 109. Mirum est, communiter hoc asseri à recentioribus, qui historiam ecclesiasticam tradunt, etiam accuratissimis Viris, qui alias ex fontibus sapiunt. Vide Blondellum l. c. f. 1004. 1067. & Basnagium l. c. L. VII. Ch. 9. §. 5. f. 389. 390. Sed conjecturam hanc saltem esse fatentur iidem, Blondellus f. 1004. & Basnagius l. c. L. VI. Ch. 4 §. 7. f. 314. Certe, si Phocas *æcumenici* titulum dedisset Romano, eoque privasset CPum Patr. & Leo IX. qui Pelagii II. & Gregorii I. & Concilii Chalced. hanc in rem acta refert, & hoc quoque retulisset, quod tamen non fecit, & Historici Byzantini, qui Phocæ prava facinora, quæcunque patravit, ad ipsum denigrandum referunt, injuriam Patr. CPo ab illo illatam non tacuissent,
- (c) Vide supra p. 108.

gorius I. sine ratione sufficiente contra illum fuerit tanto opere debacchatus. Si vero eadem hinc arcessi debeat, quod Phocas *Romanam Ecclesiam caput omnium Ecclesiarum* scripsit, ad priora abeundum erit secula, quæ idem passim professi sunt & Pontifices Romani, & Concilia, & Imperatores & Patres. XII. Librum Pontificalem subleſtæ fidei eſſe, adeoque ea, quæ de Bonifacio III. & Phoca in illo referuntur, ſaltem dubia eſſe, maxime, cum ſcriptores Græci ne γερὺ quidem de hac Phocæ conſtitutione referunt, Latinique omnes ex ſolo hoc fonte, & ad verbum quidem, ſua depromſerint. XIII. Falsum eſſe, quod communiter refertur, hanc Phocæ conſtitutionem ad affligendum Cyriacum, Patr. CPum factum fuiſſe, cum Cyriacus A. 606. mortuus & Bonifacius III. demum A. 607. creatus fuerit Pontifex Rom. (a) XIV. Id, quod liber Pontificalis refert, declaraffe Phocam, quod *Ecclesia Romana ſit caput omnium Ecclesiarum*, nihil fuiſſe novi. Jam enim dudum ira nuncupata eadem fuerat (b). Num rectè, vel ex eo capite, quod Petrus ex antiqua ſed falſa traditione (c) Eccleſiam hanc fundaverit, vel, quod Romæ olim fuerit caput imperii, nunc non diſputamus. Sufficit monuiſſe, in Conciliis primis œcumenicis, (d) adeoque ex mero jure humano, Patriarchæ Romano datum fuiſſe primatum ordinis ſaltem, non *jurisdictionis*, ex ſolo hoc capite, quod Roma fuerit caput imperii, Patriarchæ quoque CPo cum ſecundo poſt Romanum loco adjudicata fuiſſe ἴσα πρεσβεία, equalia cum eodem jura, omnes vero

(a) Ita Pagi in breviario geſtorum Pontificum Roman. T. 1. p. 380.

(b) Conf. ſaltem du Pin L. 3. de antiqua Eccleſiæ diſciplina, diſſ. 2. C. 2. §. 1.

(c) Demonſtravimus hoc contra Jeſuitam Scheffmacherum in reſponſ. ad epiſt. 1. ſect. 1. p. 5.

(d) Conc. Nic. Can. 6. Conſtant. Can. 2. 5. Chalced. Can. 28.

ro Patriarchas declaratos *αὐτοκεφάλους*. Nec nos moratur, quod sedi Romanæ, id quod & de Constanti-  
nopolitana dicendum, adulationis vitio sæpe nimium  
fuerit tributum, quod Pontifices Rom. jurisdictionem in Ecclesias haud suburbicarias quoque & ad  
alios Patriarchatus spectantes sæpissime usurpaverint,  
quod & eadem subinde, sed male ab his fuerit agni-  
ta, quod Pontificum Rom. sententiæ, sive consulendi  
ergo sive per compromissum sive per appellationem  
quæsitæ; quod Concilium Sardicense, minus sane  
œcumenicum, in causis majoribus ad eundem Epi-  
scopum Romanum ajat (a), & quæ ejusmodi sunt ar-  
gumenta alia. Cum Ecclesia Africana (b), cum aliæ  
sæpissime affectatæ huic Pontificis Rom. jurisdictioni  
universali contradixerint. XV. Phocam ergo, si Ro-  
manam Ecclesiam caput omnium Ecclesiarum declaraverit  
unquam, caput saltem honoris, non jurisdictionis, decla-  
rare illam potuisse. XVI. Si caput omnium Ecclesiarum  
ex eo capite velit esse Romana, quod Petrus marty-  
rium Romæ subierit, multo magis Hierosolymita-  
næ hanc prærogativam deberi, quam Christus, quam  
Apostoli primam fundarunt, quam Salvator Opt.  
Max. sanguine suo plantavit (c), à qua omnes aliæ  
ori-

(a) Can. 3. 4. 7.

(b) Vide, quæ hic scripsimus contra M. A. Cappellum in  
Introduct. in Hist. Theol. liter. P. 3. p. 39. sqq.

(c) Urserunt hoc subinde & Græci, Nilus Thessal. Barlaa-  
mus & Macarius Ancyranus apud Allatium l. c. L. 1. C.  
2. p. 13. 14. maxime & Leo Achridanus, Archiep. Bul-  
garorum, cujus judiciosus *πρὸς τὰς λέγοντας, ὡς ἡ Ρώμη  
πρῶτος θρόνος*, libellus exstat in Synopsi epistolarum ca-  
nonicarum Alexii Aristini apud Beveregium in Synodi-  
co T. II. Dd3b. Hierosolymitanæ Ecclesiæ primatum  
sane ex recentioribus egregie deduxere Hartmannus de  
rebus gestis Christianorum sub Apostolis C. 10. p. 207.

originem sumfere. XVII. Extra omnem dubitationis aleam plane positum non esse, quod liber Pontificalis narrat, Ecclesiam CPam primam se omnium Ecclesiarum scripsisse. Jam enim monumenta illius ævi Græca hic deficiunt, & ad solam libri Pontificalis auctoritatem, quæ valde vacillat, veritas vel falsitas facti devolvitur. XVIII. Constantinopolitanam tamen Ecclesiam sano sensu & sine ullo Ecclesiæ Romanæ præjudicio primam se scribere potuisse omnium Ecclesiarum, Patriarchatus nempe CPI, quo sensu forsan Justinianus I. caput omnium Ecclesiarum illam dixit (a). Sic Stuttgardianam Ecclesiam caput omnium Ecclesiarum Wirtembergicarum jure dixerimus. Quid hic monstri lateat, non patet. Nec tamen, cum summa & intolerabilis ambitio Græcos semper vexaverit, negaverimus, fuisse subinde ex illis, qui ad Ecclesiam CPam cum Imperio primatum migrasse contenderint. Ita sane Anna Comnena (b), ita fere & Nilus Doxopatrius (c). Sed hanc sententiam nec Ecclesia nec Patriarchæ CPI unquam publice & solenniter professi sunt, licet subinde ambitionis & adulationis æstus quosdam in transversum egerit (d). Si vera sunt, quæ liber Pontificalis narrat, neque enim argumentum negativum à silen.

sq. & Dodvvellus in Parænesi de nupero schismate Anglicano. Quam in rem & plura in Historia Eccles. Sec. I. quæ nondum edita est, scripsimus, C. III. §. 1. nota 18. Jam vero nulli plane Ecclesiæ prærogativa divino jure debetur, nisi quæ ex orthodoxiæ, sanctitatis internæ & disciplinæ apostolicæ flore fluat.

(a) Vide supra p. 104.

(b) Alexiados L. 1. f. 31. edit. Par. & f. 29. & Venetæ nuperæ. Adde Crusii Turco-Græciam f. 46.

(c) Vide locum supra p. 116. citatum.

(d) Vide Altimuram l. c. p. 207. 208.

silentio Græcorum, qui & litem inter Pelagium II. & Gregorium I. atque Joh. Jej. & Cyriacum silent, deductum semper stringit, haud absque veri specie dixerimus, Phocam constitutionem Justiniani I. qua Ecclesia CPa caput omnium Ecclesiarum declarata fuit, ad preces Bonifacii III. abrogasse, & sedi Romanæ restituisse primatum, jam olim ipsi jure humano adscriptum. Ast XIX. de jure divino & secundum literarum sacrarum tenorem nulli Ecclesiæ primatum deberi, eadem ratione, qua nulli Apostolo, nedum Petro (a). Sunt enim Ecclesiæ Christianæ societates liberæ & æquales, quarum nulla alteri legem ferre potest, prouti nec una Respublica libera alteri imperare valet. Misera ista lis est, de titulo, de prærogativa honoris vel jurisdictionis certare, quæ in Ecclesiis nulla esse potest (b). XX. Mirum esse, quod, qui ex Græcis adversus primatum Romani Pontificis scripsere (c), tam parci fuerint in evolvendo Patriarchæ œcumenici titulo. Nemo luculentior hic est Nestario, Patr. Hierosolymitano, qui priore seculo vixit, & in antirrhethico de primatu Papæ libro (sunt vero, qui Dositheum, ipsius successorem autorem ajant) prolixè de hoc argumento egit (d), &

(a) Confer, quæ hanc in rem diximus in Diss. de Ecclesia Petro inædificata p. 6. 7. 12. 13. & contra Scheffmacherum sect. 1. resp. ad ep. 3. p. 41.

(b) Vide Luc. XXI. 24 sqq.

(c) Nilus maxime & Barlaamus, quorum libellos de primatu Papæ ad calcem sui de eodem argumento libri edidit Salmasius.

(d) Titulus est: τῆ μακαριωτάτης καὶ σοφωτάτης Πατριάρχης τῆς μεγάλης καὶ ἁγίας πόλεως Ἱερουσαλὴμ Κυρίῳ Νεκταρίῳ πρὸς τὰς προσκομισθείσας θύσεις παρὰ τῶν Φρατέρων διὰ Πέτρῳ τῶ ἀντῶν μαίσορος περὶ τῆς ἀρχῆς τῆ Πάπας ἀντίρρηση.

& cui prolixè quoque respondit Altimurá (a).

§. XII.

Esto hoc specimen iudicii historici sine partium studio lati, quod traditionem communem, sed falsam, jugulare aptum sit; ex quo & pateat, quam necessarium sit, ex *fontibus ipsis* in historia ecclesiastica sapere. Plurimum enim contra historię lucem hic peccati videas, & peccari quoque ab Interpretibus Apocalypseos, qui in illa Bonifacium III. & Phocam vident, falsa ex historia ecclesiastica supponentes. Exempli loco sit Melch. Kromayer, qui putat, secundum Angelum clangentem Apoc. VIII. 8. esse Bonifacium III, qui in Concilio Romano. titulum Episcopi *œcumenici*, quem à Phoca acceperit, confirmandum curaverit, quod & ipsum longe falsissimum est (b), & bestiam è mari surgentem Apoc.

Tom. IV.

I

XIII.

σιε. Jassii in Moldavia 1682. f. Latine vertit & cum notis edidit Petr. Allix, Londini 1702.

- (a) Refutavere Nectarium Nic. Comnenus Papadopoli in *Prænotionibus mystagogicis ex Jure Canonico sive responsis sex, in quibus una proponitur commune Ecclesię utriusque, Græcæ & Latine, suffragium*. Patavii 1697. f. 351. sqq. & prolixius Stephanus de Altimura, Ponticensis, in *Panoplia contra schisma Græcorum, qua Romana & occidentalis Ecclesia defenditur adversus criminationes Nectarii, nuperi Patriarchæ Hierosolymitani, quas congeffit in libro περί ἀρχιεπισκοπῆς Πάπας*, de primatu Papæ. Paris. 1718. 4. Latere sub Altimuræ nomine Mich. le Quien, Dominicanum Monachum Parisiensem. docet Europe Savante, Mars 1719. n. 2.

- (a) Nihil profecto hanc in rem liber Pontificis, qui solus in vita Bonifacii III, acta illius Concilii refert. Sed nec Phocæ literæ ad Bonifacium III, in quibus Baronius ad A. 606. hunc ab illo *œcumenicum* salutatum fuisse refert, exstant, vel antiquis memorantur.

XIII. 1. esse Phocam, additque : *Drum rechnet man von der Zeit an die geistliche Herrschaft des Pabsts und den ersten Anfang des Antichrists (a).* Sed vero & alias in veritatem historicam peccant vaticiniorum sacrorum Interpretes, de quo hic non est dicendi locus.

- (a) Videatur illius Kirchen-Chronica des N. T. oder die Offenbahrung S. Johannis auf eine neue Lehr-Art, nach vvelcher die Ordnung der Capitel behalten vviird, erkläret. Leipz. 1708. 4. p. 117. 118. 193. Aft & numerum bestię apocalypticum 666. in Bonifacii III. nomine & anno quærunt Stephani, Lœscherus & Sturmius, qui postremus & voce *ὀκταμηνία* ad supplendum calculum utitur. Vide Polum & Wolfium ad Apoc. XIII. 18. & Bibl. Brcm. Cl. I. fasc. 1. p. 149. sqq.





VI.

JOH. EUTICHI de CLAROMONTE \*

ORATIO CAROLINA

De

PERSECUTIONE  
LOCARNENSI.

A. 1550-1555.

*Argumentum.*

§. I. Elogium *Caroli Magni*, ejusque studium Fidei propagandæ. Pessime agunt, qui armis  
I 2 magis

\* Hoc nomine nonnihil occultare se voluit Vir, dum viveret, Celeberrimus, *JOHANNES de MURALTO*, ex Nobilissima apud *Locarnenses* quondam Prosapia oriundus. Chir. & Med. Doctor, Societ. Nat. Curios. Aretæus, in Acad. Tig. Physices Professor, Illustr. Reip. Archiater, & Ven. Colleg. Carol. Canonicus, &c. natus A. 1645. denatus nonagenario proximus A. 1733. Scriptorum ejus Catalogum videtis Biblioth. Brem. Cl. II. p. 570: sqq. Is Oratione hac, in Memoriam *Caroli Magni*, (quæ Academiæ Tigur. solemnis est) a. d. 28. Januarii, 1708. recitata, causas exitus *Majorum ipsius* e patria sua exposuit; Simulque Historicam narrationem Evangelii quondam in Lepontiorum Locarno plantati, sed cruda Persecutione pressi & fugati, ex indubiis Monumentis, cum Appendice Variarum Epistolarum huc spectantium, publi-

magis quam rationibus ad homines convertendos utuntur. Propositio Orationis & connexa. §. II. Reformationis necessitas, occasio & iniuria, etiam in Italia. *Locarni* oppidi Descriptio. Prima Evangelii semina ibi sparsa, §. III. Balthasar Fontana, Benedictus Locarnus, Varnerius Castilionæus, Johannes Beccaria, alique primi Veritatis apud Locarnenses præcones & sectatores. §. IV. Dissidia excitata. Dynastæ (sive Præfecti) Untervaldii molimina contraria. Colloquium Locarnense inter Sacerdotem Luganum & Joh. Beccariam. A. 1550. §. V. Beccaria in carcerem conjicitur, sed mox in libertatem vindicatur. Acta Thaddæi Duni cum Inquisitore Mediolanensi. §. VI. Technæ hostium veritatis. Subornata pacta falsa de Religione Rom. retinenda, quæ demum A. 1554. patefacta. §. VII. Literæ supplices Evangelicorum ad Cantones Evang. horumque auxilia vexatis præstita. Calumniæ Anabaptismi impacti absterse. Acta cum Cantonibus Pontificiis. Sententiæ ab Arbitris latæ. §. VIII. Motus orti ex administratione Baptismi, & ex dictorio

---

ci juris fecit, sub Rubrica: *Lux in Tenebris, a Tenebris rejecta, non tamen extincta, ORATIONE CAROLINA sub diu revocata, in LOCARNENSIVM PERSECUTIONE, &c.* Tig. Typis Schanfelb. Hardm. 1708. 8. pl. 6. Conf. Sleidan. Lib. 26. f. 331. Simler. de Rep. Helv. L. II. sub fin. Ejusd. Vita Bulling. p. 28. Thuan. Hist. L. 16. f. 498. & præsertim Hotting. *Helv. Kirchen-Gesch.* T. III. p. 816-819. Lauffer. T. IX. p. 289. & al. J. J. H.

riꝝ quodam Nicolai Græci, de imagine D. Mariæ. Diffidia Cantonum in Comitiiis Badenſibus. Ægidii Tſchudii ſententia. §. IX. Tigurinorum præ cæteris Cant. Evangel. conſtantia. A. 1555. Jeſajas Reuchlinus, Præſectus Tigur. decreta XI. Cantonum exequi reſnuît. §. X. Comitia VII. Cantonum Pontific. Uraniæ habentur. Oratores Helvetii Locarnum proſecti, alios in Religione Romana confirmant, alios Evangelium profeſſos aut fide aut ſedibus ſine mora cedere jubent, ſupplicibus precibus rigidiffime rejeçtis. §. XI. Riverdæ, Nuntii Papalis, acta cum Oratoribus Helvetiis, & Colloquium cum mulieribus quibusdam Evangelium amplexis. Barbara de Muralto inſidias eludit. §. XII. Perſecutorum furor. Nicolaus Græcus capite plexus. §. XIII. Confeſſores veritatis emigrant, & in Rhætia atque Tiguri benigniffime recipiuntur. §. XIV. Vindiçtæ cœleſtis in perſecutores Locarnenſes ſpecimina. §. XV. Perſecutiones Antichriſtianæ recentiores, præcipue Gallica & Arauſienſis. §. XVI. Epilogus.

§. I.

**N**Ova jam lux oritur, fauſta noſtræ Eccleſiæ Collegioque noſtro, ſacra CAROLO, continua quondam victoria, inviçta virtute, CHRISTI-que amore jure meritoque *Magno*. Pipini. Francorum Regis, Filio, Martelli Nepoti. Carolomanni fratri, poſt hujus mortem ſoli rerum Germaniæ, Galliæ, Italiæque potenti, Avunculo Comitibus & he-

rois Rolandi, Abavunculi *Viviani I. Claromontani* Comit<sup>is</sup> & *Locarnensis* Nobilitatis Genearchæ; Imperii Romano Germanici Instauratori omnium calculo celebrando; Viro omnis eruditionis genere, ut incomparabili virtute splendido, Longobardorum domitori strenuissimo, Romanorum Episcopi Liberatori & Donatori liberalissimo, Saracenorum flagello acerrimo, (a) cujus tantus fuit terror orbi, ut non solum Græciam, sed etiam Africam Persiamque penetrarit; Unde tot ad eum Ægypti, Africæ, Persiæque, cum donis legationes, ut Palæstinam Parthus restituendam obtulerit. Cujus non tantus tantum eruditionis amor, ut Musis sedes hinc inde varias erexerit, & (b) Alcuini præceptoris suasu *Lutetiæ Parisiorum* suis impensis publicum literarum mercatum instituerit, (c) Academi-  
 as, Pisanam ac Bononiensem in Italia, Monasteriaque plurima fundaverit, quorum exemplo & doctrina' juvenus in posterum prodiret morum sanctitate & eruditione conspicua, Ecclesiæque ab Hæresibus ingruentibus pura puta, qualis quidem in se tum fuit, servaretur. Sed tantus ipsi etiam eruditionis ardor fuit, ut suadam ipsius labiis resedisse duxeris, ceu cui in Græco Latinoque sermone copia splendorque emicuit, ut non solum æque Latina ac Germanica patria lingua orare sit solitus; sed & (d) Irenes Augustæ Filio Constantino VII. filiam Caroli Rothilden desponsari curantis perorantibus græce Legatis, simili Dialecto responsa dederit, accentuum tantum enunciatione hæsitans. Quanta Christi nostri dilectio mentem ipsius inflammavit, non solum Canonico-  
 rum Collegia, tum Moguntia, tum Colonia, tum Tre-

(a) Hotting. Hist. Eccl. part. 1. Secul. seu C. 9. sect. 1. p. 582.

(b) Avent. Annal. Libr. 4. & Kronmayer p. 309.

(c) Videtis Hosp. de Origine Schol. p. 95.

(d) Kronmay Eccl. in Polit. sub Cent. 9. Carol. M. p. 308.  
 Gutberl. Chronol. p. 323.

Treviri, tum Salisburgi, tum Seduni, patriæque, Tiguri hujus nostri; non Episcopatus plures Germaniæ, Ostervicensis sive Halberstadiensis, Paderbornensis, Os nabrugensis, Mindensis, Bremensis, Verdenensis, & alii; sed præcipue bella pro Christi grege suscepta testantur, in quibus Symbolum suum (*Christus vincit, regnat, triumphat*) asseruit, utpote quo Duce & Promacho tot hostes vicerat, Ecclesiæque pomœria latius propagaverat, ut cum pientissimis regibus, qui potiorrem Dei quam sui fovere rationem, Josua. Davide, Josaphato, Ezechia, Constantino M. Theodosioque M. conferri meruerit. Horum tamen gravissimum cum Wittekindo, Saxonum Principe, aliisque hujus subditis 32. annis (a) perdurabat bellum, quo, Irmenfula, idolo Fani Erezbergi, destructa, Wittekindum victum & coactum dicunt, ut nomen Christo daret, quasi se armis Evangelii splendor dilatarî patiatur; quum tamen octies adversus (b) ipsum arma arripuerint Saxones; nec citius finem optatum obtinuerit Carolus, quam victum, non tam armis, ac ratione & humanitate, Wittekindum suavi sua conversatione ad veritatis agnitionem perduxisset, eique abs ulla vi externa persuasisset, ut ethnicam pravitatem, nulla alias armorum vi extortam, ultro relinqueret, suoque exemplo reliquis quoque contrerraneis idem faciundi author hortatorque foret, prout clarissimus *Serranus* lucidissime deduxit. Et revera non armis sed rationibus vincuntur animi; horum conversio non minus stupendum Dei opus, quam ipsa Creatio. Ast secus sentiunt, qui Caroli M. armorum fama abutuntur; vana eorum opinio illud Domini (c) ἀνάγκασον εἰσελθεῖν per ferrum flammamque exponit, ut iniquitatis μυστήριον adimpleant,

I 4

- (a) Pacif. à Lap. ad Mozam. Disc. 5. p. 119. Meibom. c. 7. de Irm. Sax. p. 43. Eginh. p. 101.  
 (b) De Serre inven. Hist. Fr. p. 57. a.  
 (c) Luc. 14:23.

ant. & Babylonica superstitionis pensum perficiant, divino humanoque despecto jure supra regum fastigia, supra Ecclesiae auctoritatem, supra omne Numen trisdæ dignitatis verticem attollant, Christum de honoris sede præcipitent, Deum majorum suorum exterminent, panaceæ massæ idolum in sanctuario collocent, robustos perdant, populum sanctorum debellant, atque in fideles sævitia immani grassentur. Antiquam hanc tragœdiam, à mille annis lufere Itali, lufere ferme à quingentis annis Galli, lufere non minus Hispani, lufere Germani, lufere Helveri, & ferme quotidie hodiernum in scenam denuo producitur. Citatis testes, Præsules? producerentur regna, imperia, gentes, nationes, regiones, urbes, oppida, pagi, imo familiæ illorum innumera, qui, ob fidei salvificæ Confessionem vim passi, sanguineas profundunt lacrymas. (4) Producerentur ultra noningentes mille Martyres, nempe triginta novem Principes, centum quadraginta octo Comites, ducenti triginta quinque Barones, centies quadragies septies mille quingenti & octodecim (147518) nobiles, septingentes mille & sexaginta (700060.) ex plebe, qui ab A. C. 1550 ad A. 1580. eandem ob causam in primariis tantum partibus Europæ, Hispania, Gallia, Italia, Anglia & Belgio, violenta morte obiere, & triumphum triumphantis fidei egere. Quid Germania insuper? Quid Hungaria, quid Polonia, quid aliæ gentes Europææ pertulerint? Quid Helvetia viderit & luxerit? Quid & inde ad hunc usque diem peractum fuerit? Libris, quos mundus vix capere videtur, pluribus; nec tamen iuffertim legitur, quo furor Antichristi affeclas egerit. Quæ omnia, ne actum agere videamur, recensere superfedemus, & tantum, quæ luce aperta nondum fruuntur, *Locarnensium* scilicet *persecutionem* hac vice (qua mos ita forsque mea fert) in amorem *Carolina Memoria* apri-

(a) Alech getruͤckter Balmenb. Christl. Wahrh. 1. Th. c. 44. p. 296.

apricabimur, ut abominatione digna crudelitas agnoscat, Ecclesiæque orthodoxa, præsertim alma tu Tigutina, (quam Deus ut pupillam suam hisce temporibus conservare dignatus est;) ad vigilantiam & beneficentiam pacemque proporro exciteris, inviteris. Quod, ut vestra optima cum venia, Proceres omnium Ordinum Amplissimi, Venerandi, Nobilissimi, Gravissimi, Spectatissimi, Dignissimi, Auditoresque Humanissimi, fieri possit. Dei O. M. Spiritum ducem & auxiliatorem imploro, vestrumque favorem benevolentiamque rogo!

§. II.

Nostis, Auditores! Quæ sponsæ Christi, Ecclesiæ, sub finem Seculi XV. & ab initio sæculi XVI. miserrima fuerit in Europa facies, simillima Mulieri Apocalypticæ in eremo erranti, à Dracone aperto Martæ petitiæ; sub enormibus suspirabat Pastoribus, imo impostoribus, quorum alii cum Alexandro VI. (a) Germanorum peccata alearum lusu perdere, (b) cum Julio II. se alterum Deum profiteri, cum (c) Leone X. ex fabula de Christo (ut sanctissimam fidem calumniabatur nefarius) thesauros lucrari, cum (d) Hadriano VI. mundum fallere, cum (e) Clemente VII. de Deo, de animarum immortalitate, de vita æterna dubitare, cum (f) Julio III. iræ suæ justitiam cum Dei contemptu vindicare, quam Deum vocantem sequi Ecclesiæque salutem promoverè, malebant. Malebant

I 5

tamen

- (a) Francken Bábsten Chronik. III, Part. p. 116. Machiavell, Lib. Comment. de Pr c 1 : 18. 19. Nigr. L. 6. c. 47. p. 597.  
 (b) Id. Nig. l. c. c. 49. p. 604.  
 (c) Id. Bal. l. c. c. 50. p. 611 Füeslin. Conclav. Rom. p. 745  
 (d) Nig. l. c. c. 1. L. 7. p. 619.  
 (e) Tröstb. Bábstli. Suetonius § 226. p. m. 227.  
 (f) Tröstb. Bábstli. Suetonius §. 228. p. 229. Nigr. loc. cit. c. 4. p. 664.

tamen (a) per *Johannis Tezelii*, indulgentiarum institutoris, os blasphemum, impia quotidie despumans, Saxoniae superstitionis plebeculam pecunia emungere, & per animarum nundinatore Ecclesiae thesauris palliatum (b) *Bernh. Samsonem* Mediolanensem Helvetiam depradari, adeo ut optimo cuique hæc displicuerit impietas, etsi inveteratæ Pontificis Romani potestati contradicere nemo ausus fuerit. Quousque tandem Numinis inspiramine puncti duo testes animi macti profluere, in Helvetiis *D. Zwinglius*, inter Saxones strenuus *Lutherus*, qui Germania pepulere superstitionem, atque Evangelii lucem purissimam à modii tenebris eruere ac domui Dei restituere; & tanta quidem cum claritate, ut ringentibus adversariis splendor ejus (c) in ipsius Romæ portis refulserit: Nam Venetia suos, Vicentia (Vincenza) suos, suosque Trevirum, jam A. 1542. aiebant fovebantque veritatis testes incomparabiles, qui Lutherum ad concordiam impellere & hortari non horrebant. Neque Ferrariensis Aula respuebat, sed aliquot V. D. Ministros jam A. 1528. suscipiebat suscipiebatque, qui mox suppressi, popularium suorum erga Deum ingratitudinem lachrymis deplorabant sanguinolentis. His tamen suppressis Evangelii radii non supprimebantur, sed latius adhuc effulgebant, ita ut Insuprum oras miro splendore illuminarint, unde LOCARNENSIVM I. *Conversio* miranda, II. *Constantia* stupenda, & III. *Persecutio* insolens, considerationi nostræ occurrunt. Ipsum LOCARNUM (d) Galliae Togatæ,  
Gve

(a) Cronm. Eccles in Pol. cent. 16. p. 468. Sleidan. Com. L. 1. §. 2. col. 2.

(b) Bull. Chr. Mscr. pag. m. 14. 15. Hott. Hist. Eccl. Sec. 16. p. 3. c. 2. Tom 7. p. 171. &c.

(c) Sekend. Lib. 3. p. 401. 578. Scultet. l. 2. p. 148. Bez. lco. clar. vir. p. 123.

(d) Simler. Helv. Rep. L. 2. Frà Paolo Morigia nella Historia della Nobilta del lag. maggiore, C 6. p. 45. 48. 50. 54.



sive Insubrum, & ex illis Lepontiorum oppidum non postremum, sive amœnitatem loci sive habitatorum Nobilitatem perpendas, inter Alpes altissimas, ad frontem Verbani lacus, ad ostium Majæ situm; ab Austro superstitionis superciliosisque Mediolanensibus, ab Aquilone quinque pontificiis Cantonibus, ab Euro & Rhætis & Venetiis, atque à Zephyro Valesianis confine; decem milliaribus Italicis Bellinzona distans, quingentis focis amplum, ad palmæ formam exstructum, quinque vallibus ceu totidem digitis confinibus conspicuum, aëris temperatura sanum, Etesiiis Austroque pervium, fertilitate vinearum frumentorumque proventu quæstuosum, duplici quotannis messe beatum, ferarum pecorumque ferax, piscium delicatissimorum scœnore scatens, imo omnibus tum ad vitæ sustentationem, tum ad ejus commoditatem, tum refocillationem necessariis abundans, omnibusque septimanis ob forum frequentissimum à vicinis frequentatum. Ipsum oppidum omnibus necessariis redundat, atque Nobilitate & antiquitate generis & gloria majorum inclyta gaudet, quæ tergemina à Roberto Claromontano descendente Capitaneorum, *Orelliorum* scil. *Mageriorum*, *Muraltorumque* familia prognata, propagata, & ab Ortone M. magnis decoribus ornata, splendoris antiqui vestigia non vilia in Castello dimidio lapide à Locarno distante *Muralto*, antiquitate structuræ, Templo cathedrali Canoniceorumque pingui sede celebri, habet. Ad occasum oppidi castellum aliud semidestructum, Dynastarum Helvetiorum sedes, conspicitur, ex cujus ruderibus fama vetus resonat, utpote quod, Guicciardino teste, hisce oris sibi simile nescivit, adeo munitum, ut 15000. Helvetiorum frustraneo id conatu obsederint, (a) quousque tandem pacifica transactione A. 1503. jugum Helvetium subiisset, & pontificia autoritate A. 1512, continua id

toler.

(a) Stumpf. Lib. 9. de Lep. c. 8. & 10. p. 604.

tolerantia ferre jussum fuisset. Jussum enim hoc adeo tum, quemadmodum hodiernum, venerabatur, ut & sputum Quirinale lambere non nauseaverint; imo tantum Antichristiana his oris prævalebat superstitio, ut captivas Lepontiorum mentes æternis vinculis custodiendas, nullo seculo liberandas, jactitare non crubuerint, ceu quæ fervidissimis Romanæ sedis Hyperaspistis ita circumvallarentur, (a) ut (cum Arimaze Marginiæ præfule) valle vicinorum audacia invicta freti, superbe satis gloriari Evangelioque insultare visi fuerint: An volare posset?

\* At Pater æthereus, rerum cui summa potestas,  
Ridebat impotentium irritos lusus.

Locarnum alatos mittens nuncios, quibus jam antea prævaricatores ἀπονοδον indixerant bellum, Orthodoxorum intelligo (b) libros, nœnia μύθοις περισσυσμύμενοις canentes, veritatem æternam propagantes, homines ad poenitentiam sinceram invitantes, atque ad fidem veram exhortantes, qui devote à devotis lecti, divina comite gratia & potentia, tanta vi electorum tam ex Clericis quam ex Laicis corda movebant, ut in mediis tenebris, in locis, inquam, ab Evangelio semotissimis, humanorum deliriorum puteos fastidiverint, & limpidos Israelis fontes sitiverint, haustosque non sibi solis reservaverint, sed & aliis communicaverint.

### §. III.

Vadum hoc primus tentavit, & quidem sole veritatis, præter Alpes Helveticas & Saxoniam partem, oppido paucos Europæ angulos irradiante, *Balthasar Fontana*, ex Carmelitarum secta vere religiosus. Quam hic vellem virum hunc in accurata icone ob oculos vestros po-

(a) Q. Curt. L. 7. c. 11. § 5. p. 367. Ita Alb. dux Barl. respond. Strada L. 7. &c. \* Buchan. Pl. 2.

b) Testatur Joh. Beccaria Locarnensis literis ad D. Pellic. Professore missis, quas in App. sub N. 1. invenies.

ponere, & curatius, ceu dignissimus videtur, vobis contemplandum exhibere possem, ni injuria temporis eam delevisset. Ne memoria ejus, quæ merito in benedictione est, omnino tolli posset, monimentum ipse sibi, quanquam nil minus cogitans, posuit in familiari *Epistola*, quæ propria ejus manu exarata in instructissimo Ecclesiæ nostræ Archivo, ut adamas inter innumeras gemmas nitens, conditur; ex qua imaginem quandam mentis, qua pollebat, generosissimæ, & quæ præcipua nobilitas est, pientissimæ, intueri licet. Cognoscite ex ungue leonem. Sic ille inter plura alia ad immortalis memoriæ virum, *B. Zwinglium*, sub d. 15. Decembr. A. 1526. (a) literis Como datis: *O Christi fideles, &c. salvet, & mendici illius Evangelici Lazari, nec non humilis Cananea, saturitatem cupientis de micis, quæ cadunt de mensa Domini, mementote; ego enim sero famelicus ille David & inermis, ad panes propositionis & arma templo dicata confugio. Ego equidem sitibundus eorum ad fontes aquarum viventium recurro; ego itidem sicut cæcus apud viam sedens ad luciferentem vocifero. &c. Lachrymosis ergo suspiriis degentes in tenebris obsecramus humiliter, ut vos, qui titulum, volumina & scientiarum Auctores bene nostis, (certi enim sumus, vobis datum fore, nosse *μυστήριον* regni Dei;) præcipue omnia opera divinissimi Zwinglii, famosissimi Lutheri, resolutissimi Melancthonis, accuratissimi Oecolampadii, solertissimi Pomerani, &c. ad nos, mediantibus pecuniis nostris, transmittere dignemini. &c. Ultimam originem & prima stamina Ecclesiæ Locarnensis his ejus verbis accipite: (b) *Confederati conjunctique in expeditionem veritatis trestantum numero sumus. At non in multitudine sortium Gedeonis, sed in paucis à Deo selectis, succubuit Madian. Quis scit, si ex modica savilla maximum incendium Deus voluerit excitare? Seminabimus, plantabimus, Dominus autem incrementum dabit. Istorum nomina & labores frustra indaga-*  
verimus;*

(a) Literas has insp. in Hott. Hist Eccl. T. 6, Sec. 16. part. 2. p. 618. & suppleas ex c. l. p. 271.

(b) Ex iisdem Literis c. l. p. 620.

verimus; scripta sunt autem in libro vitæ. Fortean mundus, qui iis indignus fuit, ex diptychis expunxit. Agnoscite jam & adorete mecum paternam Dei in Ecclesiis fundandis curam. Efficit illa, ut primi conatus, quantumcunque debiles & mundo ridiculi videantur, sapienter solideque suscipiantur, & tanto majore cura fundamentum ponatur, quanto atrociores procellas ædificium experturum esse novit. Non dubitamus, lucem hanc Locarnensibus orientem tenebrionibus Romanis admodum fuisse invisam. Ne tamen ignorant, velle Deum in ipso Italiæ limine, aut si malis, atrio, Ecclesiam puram exstruere, illis Aquilas & Apollos suppetias misit, qui per tria quatuorque lustra Locarnum suavi fragrantia veritatis Evangelicæ imple-  
rent. Quid? quod ipsa illa patria mea viros produxit, qui non tantum communi patriæ, sed univerſæ Italiæ, saniora dictare aggressi sunt. (a) Talis ille *Benedictus*, cognomento *Locarnus*, ex ordine Monachorum, qui Patres Minores nuncupantur; Eorum, qui Evangelium pure annunciarunt, in Italia Antesignanus. Is lucem eandem Siciliæ intulit, neque illustis Italiæ locus est, quem non doctrina sua illustrarit. Talis porro *Varnerius Castilic-  
neus*, (b) qui Locarni se operarium haud poenitendum in Dei verbo indefinenter præstitit, adeo ut nec odia inter necina neque labores & itinera pro Evangelio suscepta lassaverint, sed intrepidum potius & indefessum Christi Athletam confirmaverint; Commilitonemque *Johannis Beccaria* conservarint, qui illis plantantibus, ordine quidem (nec tamen forsân omnibus) posterior rigavit, sed tanta industria, sollicitudine, fortitudine & patientia, rem Ecclesiæ promovit, ut primæ ipsi debeantur, & Locarnensium Beccaria *Apostolus* dici meruerit,

(a) De hoc Joh. Becc. iisd. lit. N. 1. & hæc testatur aliis Id. Apr. A. 1546. Locarn. ad Pellic. N. 2. in Append. Et sic Lit. ad eund. N. 3. 1546.

(b) De hisce vide Hotting. Annal. Helv. T. 3. p. 762.

meruerit, ut (a) erudita & sancta ejus Cœtus membra  
*præceptorem suum* nuncupare ipsum non detrectabant.  
 Fuit autem *Beccaria* hic vir omnibus bonis probatus,  
 probatæque fidei & vitæ, qui pro seculi ratione sat eru-  
 ditus, sub millium, Argo similium, Ephororum in-  
 spectione, nescio qua Dei O. M. providentia, circa A.  
 1540. sacrorum pandectarum Codicem, vernaculæ suæ  
 redditum, sibi comparaverat, quo duce, & mediante  
 luce illuminantis Dei Spiritus, graves Romuleos erro-  
 res agnoscere, rejicere atque despuere discebat, ac E-  
 vangeliæ veritatem revereri, confiteri, atque omni nisu  
 promovere incipiebat adeo, ut Hero suo, Jesu, plures  
 alios lucrificerit. Præ cæteris tamen capiendos du-  
 cebat, quibus capiantur & alii; Hinc inter primos  
*Ludovicum Vengesum*, cognomine *Buncho*, *Thaddeumque à*  
*Dunis* Medicum, viros ingenio veloces, animo intrep-  
 idos, pectore sapientes, mente præcelsos, zelo incensos,  
 facundia potentes, factis constantes, dictis veraces, pie-  
 tate excellentes, contra impietatem, contra vitia, con-  
 tra torrentem humanarum rerum ejusque impe-  
 tum indefesse laborantes, Christo è Quirinali car-  
 cere eruerat, quibus tanta cum efficacia Babelis frau-  
 des detexerat, ut quietem horruerint, quousque Dn.  
*Martinum à Muralt* (*Locarnum* dictum) & Oppidi & No-  
 bilitatis tergemina. Ocellum, Virum ut nobilissima  
 prosapia conspicuum, ita Juris utriusque Doctorem,  
 experientia & praxi eruditissimum, & gravitate & pie-  
 tate & fortitudine & prudentia clarissimum, sibi jun-  
 gentes, ubique suorum locorum (b) *Francisci Pici Mi-*  
*randolani* Principis illustrissimi querelas patefecissent:  
*Ædes sacras & templa lenonibus, Catamitis & lupis esse*  
*commissa, qui pauperum simpliciumque sanguinem, imo medul-*  
*lam,*

- (a) Ita Th. Dunus M. D. Lit. N. 5. ad D. Bulling. V. Id. Sext.  
 1549. Locarno scriptis,  
 (b) In Orat. ad Conc. Lateran. vid. Hott. Hist. Eccl. Part. 5.  
 c. 16. sect. 3. p. 890, 891.

*lam, luxu plus quam sybaritico vorarent;* urgere igitur necessitatem, ut vineæ Dei altior cura gereretur. Hinc zelo Eliano huic se operi dare inceperant, ut coetus Locarnensium jam A. 1550. ad numerosam frequentiam accreverit. Ita, qui è tenebris lucem, ex nihilo mundum, producere novit antiqua sua potentia, in ipsius Babylonis pomœriis vasa excitavit infirma, quibus animum addidit tantum, ut sanguine sanctorum mardentes quaterere fasces, scortique apocalyptici & assecclarum ejus pudenda nudare, ausi fuerint. Testes, opus suum sine hominum ope Deum perficere, regnum suum absque mortalium adminiculo erigere posse, & arcam suam ab Uzæ manibus sustineri noile, neque in Nominis sui manifestanda gloria vel parem vel superiorem ferre. Ipso renitente, reñiti animos, ipso vero volente & populo benedicente, velocissimum fore Evangelii cursum, quo non pauci Christo nomen dent, sed catervatim, sancto quasi certamine variorum variis morbis correptorum ad Arcam Fœderis, tanquam ad salutarem Bethesdam properent; id quod profecto tanto singulari & pene inusitato miraculo est propius, quanto vel hominis unius seria conversio alias contingit.

#### §. IV.

Quemadmodum vero omne Dei opus suos Pharaones, structura templi suos Sanaballatos Samaritanosque, experiri cogebatur, qui, flectere si nequibant superos, Acheronta movebant, & coelum terræ terramque cœlo miscebant, ut cœpta Dei impedirent. Ira & Locarnensium conversio Angelum Satanæ colaphis cædentem, & quidem statim ab initio, experiebatur: ad hoc enim, ceu ad commune incendium, rasum pecus Papalium concurrebat, ad arma invitabat, incitabat, artemque Marti, Martemque arti junxerat, neque ulli stratagematum pepercerat, quo gliscentem sub cinere Evangelii favillam extingueret. Quem  
in

in finem se & Avi Antichristi & Proavi Satanæ consuetudini antiquæ applicuerat, quorum Symbolum in Paradiso jam obtinuit: *Divide & impera*. Ideo discordiarum faces civium Locarnensium animis admovebant, quibus vicinos, consanguineos, amicosque, lites ferendo inter se committebant, Euripoque mutabiliores superstitionum mentes, conviciis nefandis Apostasiæque opprobrio, variisque hujus furfuris accusatoribus clandestinis contra Christi fideles armabant. Neque igniaria Dynasta, tum temporis harum terrarum Gubernacula dirigens, Intervaldius, submovebat; potius, ut & odium Evangelii suum conterraneis apricaretur & turbatis aquis piscaretur, frigidam suffundebat, omnemque lapidem pervolvebat, quo pie cœptis resisteret, & Dei nostri castra frangeret. Hinc mox simplicibus, ut fraudes cantu parans Siren, blandiebatur, mox ut virulenta Megæra furebat; nec quicquam intentatum relinquebat, ut paxillus paxillum trussisse dixeris, quousque tandem ex provinciis suæ cæræ non commissis Missificos alios evocasset, quorum manus adversus Domini Gregem sibi jungeret. Quos inter Eruditionis fama *Luganus* rum temporis sacerdos quidam eminebat, qui stupida jactantia elatus *Locarni* publica concione gloriabatur, se ad refutandas omnes Novatorum doctrinas solum sufficere, utpote quas mendaciis, calumniisque adeo denigrabat, ut Plutonem vix nigriorem depinxisset; Orthodoxusque *Locarnensis* sibi non temperaverit, sed heroico actu voceque altissima regesserit: *Sacrificale, à veritate deflebens spurcissima mendacia profers!* nec reperiebatur tamen, qui reprehensorem in jus vocare ausus fuisset; citius adversarii rabulæ missifici jactantia nixi ita occæcabantur, ut Colloquium de Fide inter *Reformatores Locarnensium & Sacerdotem illum Luganensem* propoluerint, ex quo indubitata sibi victoriam promiserant, quanquam ex ali-

Tom. IV. K quibus

quibus jam habitis Colloquiis de sequiore successu experientiam habuissent convictricem & testem publicam: Nec sapientiam nec potentiam quicquam contra virtutem valere. Ast justum Dei iudicium istos confundi voluit, quare fidei Theſes componebant ipsi, non ut Christus, Rex æternus, exaltaretur, imo ut Throno præceps suo daretur; ideo de *Pontificis potestate*, de *Justificatione Hominis*, de *Operum meritis*, de *Confessione auriculari & purgatorio*, schedas invitatorias ad valvas curiæ, templorum & arcis affigebant, sicque die constituto publica authoritate, phalerati gravi pompa palatium Helveticum processione ingrediebantur. Præcedebat autem atque præsidebat Magistratus supremi Vicarius Dynasta, sequebatur Annites ille Luganus cum duobus peltastis, Medicis è familia Comutiorum, fratribus, comitibus Archisacerdote Locarnensium cum Parochialibus Pontificiis suis; claudente agmen Monacho quodam, mire Laicorum oculis sancto, hypocrita maximo; quos omnes tandem nobilium atque egregiorum Virorum multitudo cum Notariis circumstabat. His primas partes anticipantibus, Evangelium vindicatura cohors postveniebat; ex cujus facie sanctam Evangelicamque simplicitatem cordatamque fortitudinem justitiamque causæ legere potuisses, ut fraudes ex apparatu & fastu adversariorum cognovisses subornatas; utpote qui prærogativam iniquæ sedis ubique ambiebant, ambientibus nostris gloriam Dei. (a). Hinc præludiis omnibus omissis, in medium palæstræ soli ostentæ fortissimus Athleta Dei *Job. Beccaria*, cum Parastatis duobus, discipulis suis, *Ludovico Runcho & Thaddæo à Dunis*, M. D. profuit, & in medio palatio ex Antagonistæ opposito consedit; nec diu velitationes expectare debuit, sed Præsul Luganus, vix conspecto Beccaria, stolidæ ei ostentatione insultavit ex Matth. XVI: 18. Joh. XXI: 16. asserturus,

(a) Vid. N. 5. Appendicis.



rus, (a) quæ doctissimi alii ex solo contextu sacro, de Authoritate Petri, atque Episcopi Romani Romanæque sedis continua serie, ostendi posse negabant; utpote qui infallibilitatem imaginariorum Petri successorum inde evinci adeoque suffulciri prætendebat, ut hæreticis (quemadmodum Orthodoxos calumniabatur) vix vires obmurmurandi restent. At virtus evangelicæ veritatis cybistematata in his hujus Cybisteris ita reprimebat, ut obmutuerit penitus, & quid regerat, nesciverit. Adeo facile, proh! nimium efflatus elatusque Icarus, alarum fictitiarum suarum cera à sole soluta, mergitur! puta, confunduntur, qui veritatem impugnare satagunt: *Tantam enim semper potentiam Veritas* (teste Cicerone) (b) *habuit, ut contra hominum ingenia, calliditatem, solertiam, contraque fides omnium insidias subverti non possit, sed facile per se ipsam defendat; est enim Dei filia.*

§. V.

Hac igitur victrice, mox apparuit, Romanenses non disputasse, ut concluderent, ut imperitos docerent, aut Ecclesiam ædificarent, sed ut Deum hominesque luderent, & Veritatis assertores supprimerent. Dynasta enim, Herculis sui & stuporem & silentium stupidissimum stupens, & ex interpretibus de causa ejus edoctus, statim è re sua Pontificisque Romani esse statuit, si receptui caneret, Colloquiumque ceu negotium Concilio dignum tolleret, vulpinamque indueret pellem, omnes Orthodoxos ad Tribunal suum convocans atque adigens, ut categorice & candidè de quæsitis pronunciarent, nempe: *An Ecclesia Romanæ Dogmata vel probarent vel rejicerent?* At anguem in herba latentem, apocalypticæque feræ unguem ad

K 2

præ-

(a) Valerianus Capucin. in Colloq. Rheinf. vide D. Hott. Eccl. Hist. Sec. 16. P. 2. c. 1. p. 12.

(b) Cicer. Orat. 34. pro M. Cælio sect. 63. T. 2. col. 708.

prædam extensos, subsentientes Harpocratem agebant, neque verbi sonitum, etiam à Dynasta pressi, edebant, ut timore captos duxerit, & occasione temporeque uti concluderet, sicque *Beccariam* è medio Conventu ad carceres abripi curaverit, spe illaquearus, fore ut metu jam oppressos facile superaret. Nova, mehercle, sed Antichristo consueta, solvendi nodosa, convincendi pervicaces, ratio! Argumentatio bella, qua cum alia dolo ponuntur, vi alia assumuntur, raptu alia deducuntur, conclusiones tandem in carcere formantur! Egregia disputandi methodus! Sed Deo sapientissimo ita dirigente factum, ut patet fieret, cujus spiritus filii essent, legitimumque recolligendi animum metu præpostero inde raptis sese offerret remedium, quod fides data tam audacter frangeretur, dolentibus bonis. Stabant enim ad Arcis portas juvenes Locarnensium aliquot fortes, & Colloquii successum expectabant, quos inter *Johannis Beccariae frater*, juvenis magnanimæ vivacitatis, quem nulla unquam vis, nullæ minæ, nullaque hactenus invidia labefecerat, cui instinctu quodam divino mens eundem dissertationis hujus exitum, quem sortita fuit, prælagiebat; quem & simul cum aliis ejusdem pectoris juvenibus fraternus amor in omnem eventum armabat, ut non diu cunctantes, sed parati promtque, erumpente Beccariæ detentionis fama, in arcem intrepidi irruperint, Dynastamque cum attonita turba, nihil tale sperante, obligaverint, ut invito animo, non sine dedecore, *Johannem* captivum libertati reddiderit, ne majus periculum majorque seditio ingrueret. Imo qui tanto ante fastu fremebant, ut linguas ad astra sustulerint, ut leges omnibus præscripserint, & sacra quæque violaverint, tanto jam timore percellabantur, ut se tutos nullibi æstimaverint, etsi fida fratrum Locarnensium manus omnem pacem oppignoraverit. Unde Præsulem Luganum Dynasta

in

in hospitium comitabatur, ut sub tutela publica tutior evaderet, imo & eodem comite forti militum copia domum clam navi ablegabant. Ita Θεόμαχοι timent, ubi nihil timendum; quod conscientia propria convincuntur, se Tutorem invictum suum, Deum Exercituum læsisse, de quo jure quærendum: Si Deus contra nos, quis pro nobis stabit? Timor filialis Dei securitatis mater, quem per reconciliationem Christi cum Deo comparari noverant. Nec tamen ad mentem redibant, & Deum propitium reddere sustinebant, sed maleficus maleficiusque timor ipsos magis adversus Evangelium assecrasque ejus exacerbat, odiumque capitale illorum animis instillabat, ut furibundi vindictam meditari, mari æstuanti similes, non quieverint, sed indefesso fervore omnem fidelibus Locarnensibus nocendi anam non arripuerint tantum, sed venati etiam fuerint. Primitias vindicantis ipsorum furoris pius experiebatur *Thaddeus* noster, cui, quod sub fascibus Helveticis ipsi intentare non valebant, tendiculis extra Helvetiam positis resarcire studebant. Et rei huic commoda occasio dabatur, quum statim post Locarnense Colloquium ad Insu-brium aliquot pagos evocatus, ab A. 1550. usque ad 1554. ibidem gentium cum familia remoraretur, ut pro inclyta sua arte & experientia opem ægrotis ferret. His enim locis confestim expiscatus à Comitiis illis fratribus, Sacerdotis illius Luganensis in Dissertatione Locarnensi peltastis, *Inquisitioni Mediolanensi*, tanquam primipilus labefaciendæ authoritatis pontificiæ deferebatur, quæ emissis lictoribus cum capiendum statuebat. At frustraneo conamine, quod clanculum ab imminente periculo præmonitus, in collem vicinum ab amicis seductus effugerat. Invitabatur tamen absens, ut sponte se Inquisitori sisteret, & ad Apologiam rediret, quam duabus vicibus, nec sine gravissimis expensis, Inquisitori Monacho non ad-

modum fero & austero, tanta cum fiducia proposuerat, ut impune ad suos dimissus sit. Quæ ipsi cautio fuit, cur inde cum conjugē, ibi terrarum ducta, duobusque liberis patriam reviserit, & cum omnium bonorum applausu & gratulatione receptus fuerit; Quod non tantum nobilem ortu & felicem inclytumque arte cognoverint, sed quod se & beneficium proximo & æmulum Evangelio & fidum Deo & constantem fide & in periculis consultum præstiterit. Ita virtus ab hominibus amatur, atque à Deo protegitur, frementibus impiis!

#### §. VI.

Frementibus omnino fidei Hostes insensibilissimi, imo fremitu frendebant atque spumabant irrequieti, non tamen nescii, quid technæ valerent; unde ad illas recurrere, ut universo imponerent cætui & incautos irretirent, quos quotidiana calamitatum exercitatione crescere senserant. Ea autem Locarnensis Ecclesiæ tum conditio erat, ut ex colloquio nupero plenam victoriam assecuta visa fuerit; ideo à supersticioso cultu fratres in Christo immunes, quotidie firmabantur Verbi divini Sacramentorumque usu liberimo, qui ipsis familiariter à V. D. Ministro Clavenna evocato administrabatur, tanta cum Spiritus S. cooperatione, ut & liberos suos ad sacri fœderis initiationem publice attulerint, & emortuos suos absque Monachorum nœniis, sine luce & cruce, sepeliverint. Etsi verò hoc turpis lucri cupidorum sinui zelotypiæ & livoris carbones excitaverit intolerabiles, ut instar hyænæ obvium quicquid citissimè deglutivissent, Imo Briarçi in modum centum manibus armati, furore effrænato, rabie quadam desperata, nullam amicitiae, nullam cognationis, neque ullius sanctioris & solennioris officii, rationem habuissent, quominus violassent, & similes (a) Demetrio Ephesino, jacturam quæstus ex  
Dia-

---

(a) Actor. 19: 23. 24.

Dianæ superstitione promanantis rimenti, omnia strage, calamitate omnia atque vastatione adimplevissent. Attamen non è re sua fore, tortuosa illa & multiplicia ingenia adhuc autumabant, si veluti fustibus aucupium promoverent, aucupabantur utilitatem, aucupaturi occasionem. Technis igitur venandum, prius retia extendenda quam canibus irritatis feras agitandas putabant, & circumire properabant, quos vincere nequebant; & quidem variis laqueis, quibus & terrestrem & coelestem, corporalem & spirituales, ipsis benedictionem subducere tentabant. Primaria tendicula ad subducendam patriam subornabatur subdole. Ejus versutissimus temerator Provinciæ Locarnensis tum scriba, *Walther R. Uranienfis* habetur; Vir, cujus caput & supercilia abrasa malitiam olere & clamitare videbantur, & qui ex fraude fallaciisque totus conflatus dicebatur, ad nihil aliud natus, quam ut pacem ac tranquillitatem communem turbaret, non secus ac pituita bilisque corpus. Is idem, qui ceu nova hirundo sex postea annis, literis sub fide Helvetiorum fida exaratis (a) ad Ducem Albanum, Phalarim illum Hispanum, Belgarum postea carnificem, tum in Italia residentem, profectus, vel ut ipsum naso suspenderet, vel patriam proderet, vel utrumque moliretur, adeo ut exul ex aliquo tempore patriam vindicem fugerit; sed servitia Pontifici præstita revocabant ipsum & spartæ suæ restituebant. Tendicula vero illa, quam citatus R. noster Ecclesiæ Locarnensi supponebat, falsa fuere pacta, quasi *Consules, Senatores, Cives, Pagani, & Incolæ Locarnenses omnes, solenni juramento se obstrinxerint, septemque Cantonibus Helvetiis Heterodoxis promiserint, se Authoritatem Papæ aestimatuos, & Religionem Romanam usque ad Concilium instans eundem in modum culturos, quemadmodum septem illi Cantones colerent; quam rem & instrumento publico ceu*

K 4

pignore

(a) Stettleri Vichton. Histor. Part. 2. Libr. 5. p. 191.

*pignore nexam vellent.* Hæc machina mire subdola, paucissimis etiam inter adversarios nota, quatuor annis latebat. Ast tandem in nervum erumpens, haud parum calamitatis fidelibus Christi assēctis Locarni attrahebat; patefacta enim demum die 10. Martii A. 1554. quo *mandatum septem Cantonum*, his pactis nitens, publicabatur, ut omnes cives & incolæ Locarnenses, per *jejunium quadragesimale istud*, promissis suis tam sancte juratis flarent, confessioni auriculari satisfacerent, nomenque suum *Ἀρχιεπί* (quo titulo præfulem pontificii Locarnensium coetus intendebant) darent, neque quemquam terræ consecratæ crederent, nisi *Missa prius instructus è vivis secesserit*, eundemque præfulem *Æacidinis minis*, nempe metu infamiae, suspensionis à munere suo, imo remotionis totius terrebant, si quem contumacem experiretur, & non deferret. Scitu & auditu hæc insolita, proh! quantum movebant pios! Obstupuere animis, vigilantes somniabant, nescii an vigilarent. Conversi oculos inter se atque ora tenebant, neque tamen animum despondebant, neque minis terrebantur, quibus adversus eos protervia superstitiosa tanquam votifragos perjurosque detonabat. Immobiles ad immobile Numen stabant, stultum putantes, ab eo tutelam hanc minimam non sperare, qui maxima ultro largiretur, se iisdem minis audire sibi visi: (a) *Noli timere parve Grex: nam placuit Patri vestro vobis dare regnum illud!* Quare non aliunde quam à montibus auxilium expectabant, in quos (b) cum Davide attollebant oculos suos, à Domino nempe Tutor, Salvatore & Vigile Israelis.

### §. VII.

Ne tamen periculum securi negligere viderentur, unum quod restabat in humanis remedium, & quo salva Religione & fide orthodoxa ut poterant, prudenter apprehendebant, recurrentes ad Orthodoxos fidei suæ

(a) Luc. 12: 32.

(b) Psal. 121: 1.

suæ socios *Cantones*, quorum *Dominium Imperium*, que æque ac *Romanensium* venerabantur. His literis supplicibus per publicum *Commissarium Dn. Martinum Besutium*, de fraude commissa, de pactis clam erectis conquerebantur, auxilium implorabant, efflagitabant, quo ex *Babylonica Antichristi servitute* liberarentur, in qua tot deceptiones, fraudes, dolique suborirentur, sibi omni commiseratione dignis, quibus opitularentur, ceu ducentis patribus-familias innocentibus, ceu subditis clientelari obsequio cognitis, ceu fidei sociis in Christo non rejiciendis; firmiter sperantibus, Deum auxiliatorem optimum ipsorum Dominis clementissimis viam modumque eos sine jactura publicæ pacis & concordie liberandi suggesturum. Tempus esse faciendi gratiam iis, quibus alias & Corporis & Animæ exitium immineret. d. 30. Marti; 1554. Neque Proceres suos Orthodoxos inveniebant iurdos, sed quorum curæ cordique res Dei atque fidei pendeat, ut qui se non Dominos arbitrosque rerum, sed & Tutores Administrosque habebant; quorum sit plantare concordiam, ut occurrat misericordie, juvare honestatem, ut asurgat, suffulcire modestiam, ut accrescat, promovere innocentiam, ut ferveat, atque sufflaminare malitiam ac debellare audaciam, ut exsterniat utraque. Itaque septem *Romanensium Cantones* literis, die 8. Maji 1554. ex comitiis *Aroviensibus* exaratis, humanissime monebant, ne in *Locarnensium* negotio usque ad instantes anniversarias *Provinciarum Helveticarum* supputationes in *Junio* exigendas, ultra procederent, caverentque, nimium id urgeant, ne *Orthodoxorum Cantorum* partes immunitatesque iis in oris laderentur. Sed quo cum successu? Nostis, mendaciis satum, mendaciis natum, mendaciisque educatum *Antichristum*; Quidni & mendaciis se protegeret iste? Novit enim veritatem innocentie patrocinari, quam suppressere & tutoribus privare studet. Præambulam habuit fraudum sarcinatricem (a) *Jesabelem* furiarum

(a) 1. Reg. 21: 9. &amp;c.

quartam; habuit sociam (a) meretricum coram Salomone alteram; habuit artificii præsidem (b) Potipharis adulteram; imo institutorem habuit Antichristi Atavum (c) serpentem in Paradiso, qui regnum suum mendaciis inchoavit in cœlis, fundavit in inferis, propagavit in terris; & jam Assēclas Antichristi instigavit Locarni, ut mendaciis à civibus fidelissimis suis Orthodoxorum patronorum animos abalienarent; dolo antiquo illo, ex temporum malitia, ansum arripientes. Ut enim primitivæ Ecclesiæ surculandorum, Simonis Magi, Cerinthi, Ebionis, Arii, & quorum non aliorum stolonum, prævaricationes noxasque Christi fidis imputare solebant, ut omnium in ipsos odium exasperarent, atque eos commiseratione omni privarent; Ita occasio rebellis Munzeri, impii Serveti, scelesti Valentini Gentilis, fraudulentis Davidis Georgii, perversi Lælii Socini, aliorumque Fanaticorum, præcipue Spiritus istius Catabaptistici omnia turbantis, fratribus Locarnensibus (d) sycophantias haud contemnendæ notæ causabatur, quibus tam veteratorie ipsos orthodoxorum Procerum cura & suppetiis indignos reddere satagebant, ut solatium amisissent omne, nisi per eundem Martinum Besutium confessionem suam de Deo Triuno, de Christo incarnato, ejusque opere mediatorio & intercessione, de Justificatione nostra, & de Sacramentis, iisdem Mœcenatibus suis die 6. Junii 1554. exhiberi curassent; atque ab iis gratiam implorassent, ut Doctores Orthodoxi transmitterentur, quorum institutione & administratione Evangelii fruerentur, Orthodoxiamque suam probarent. Quo facto, non crimen tantum diluebant, sed denuo IV. Cantonum be-

(a) 1. Reg. 3: 20. (b) Genes 39: 12. &c. (c) Gen. 3: 3. &c.

(d) Vindicat calumnias hæc Literis sub. N. 7. annexis ad Dn. Bulling. Augustus Mainardus, Pastor Orthodoxus, Clavenna sub d. 31. May. 1554.



benevolentiam recuperabant, ut lapidem quemque ad piorum afflictorum horum conservationem ac propugnationem movendi consilia injecerint. Hunc in finem à Cantonibus controversis die 1. Augusti ejusdem anni in Comitibus Thermopolitanis serio requirebant, ut *pacta illa Locarnensia abolerentur*, ut *pœna Evangelio addicti Locarnenses solverentur*, & *tota lis usque ad diem 2. 7bris h. a. summis Magistratibus deliberanda remitteretur*; *Jesaja Capnici (Räuchlein) Reipublicæ Tigurinae Ducentumviro*, viro in ferrea ætate illa aureo & ineluctabili, *Locarnensium tum Dynastæ*, inculcantes, ut *omnem novitatem ad plenam litis dilucidationem & adjudicationem impediret*. Quis non felicem hinc sperasset successum? At anguilla, nisi capite teneatur, cito elabitur: Ita lubricorum hominum ingeniis patent ubique diffugia, vafro dolofo gradiuntur itinere, ut merito in tribus, imo in quatuor illis annumerentur (a) occultis: Hæc enim via viri in virgine, quam non novit sapientissimus hominum. Vir Antichristus, virgo Ecclesia; via Antichristi in Ecclesia variæ technæ, quibus eam affligeret, imo stupraret, si Altissimi summa & inviolata potentia conniveret. Hæc & jam ejus pedissequi incedere pergebant! Illucescente enim ltato die omnia turbulentiora ingruiebant; nam responsionem favorabilem præstolantibus inexpectata tria proponebantur ζητήματα Orthodoxis: *An fœderibus antiquis orthodoxi*; *An decisioni litis per plura vota sint staturi*? *Utrum sint adjuturi pœnas ab Apostatis Locarnensibus* (quo nomine pios insigniebant) *sumpturos*? Hæc, de quibus nulla unquam inter fœderis socios quærendi dabatur occasio, proh! quantas movebant altercationes, ut Lindii sacra fecisse vel Sybenæ choros duxisse, dixisses ipsos, quousque Orthodoxi Helveticum tandem vadimonium constituendum citarint, & cæteris ad id venire respuentibus,

Arbitri

(a) Prov. 30: 19. 20.

Arbitri bini, *Ægidius Tschudius Glaronensium*, & *Othmarus Curtius Abbatiscellanorum, Landammani*, partibus diversis has pacis leges deliberandas per preces serias blanditiis mixtas præscripserint: 1. *Ut Orthodoxi sæderibus pluriumque votorum dijudicatione starent, neque pacem violarent.* 2. *Ut singuli pacta illa Locarnensia subdola abolerent.* 3. *Ut XIII. Cantones inclyti ad 7.8bris Uraniam Legatos suos dimitterent.* Conatus, medius fidius, boni, qui bonis successibus haud caruissent, nisi improba mox surrexisset tristi de sede Megæra, quæ Orthodoxorum IV. Cantonum de conditionibus illis sententias in divortia discerpfit. *Bernates* enim Articulos hos rejiciebant, optantes, ut ad *Vadimonia* constituta, sed neglecta, redire liceret; Secus se toti negotio intercedere atque valedicere; crudum nefas esse, quæ de votorum victoria statuissent. *Basilienses Scaphusianique* vero, suboffensi quidem sed tempori inservientes, sententiæ Arbitrorum subscribebant. Quæ dissensio, ut multum gaudii adversariis, ita haud parum doloris pro Ecclesiæ salute sollicitis *Tigurinis* affundebat. Quare prolongationem termini deliberationis à VII. Cantonibus urgebant, atque in diem 18. 9bris obtinebant, ut Orthodoxis de novis conditionibus conjunctim consultandi spatium daretur; reapse vero concessis his feriis dissentientium animos reconciliare pararent, ut vis unita fortior staret.

#### §. VIII.

Dum interim Locarnensium *Alcedonia* varie fluctuabant, binæ vero fluctuationes multum sudoris & laboris egregio illi *Jesaja Reuchlino, Dynastæ Locarnensium*, tum cum Conjuge & filio graviter decumbenti, causabantur, quarum altera ex *Baptismi administratione*, altera ex impudente insolentique *Diſterio incauti Ecclesiæ membri* promanabant. Quùm enim Orthodoxi Locarnenses filios à missifico sacerdote sacro fonte tingi

tingi horruissent, cætusque sui frequentiam V. D. Ministro dignam censuissent, arque è Valle Tellina sibi vicina fidum adduxissent, cujus ministerio in *Æde D. Mariæ* sacra binos puellios baptizari curassent, ringente Fiscario loci, & Dynasta ipso Capnjone citato, prius vetante, sed postea, facti ratione ab Orthodoxis Locarnensibus reddita, concedente, ne Deo adversari videretur; unde viro ægrotanti optimo tum co tutiores dicam impingebant. Præcipue cum eadem ferme hora altera supersticiosos, proh quantum! agitaſſet fluctuatio. Haud multum à Locarno Fanum D. Mariæ sacrum supra collem situm distat, quod *Madonna del Sasso* nominant, cujus inspectio & cura Monacho concredita, decimis circumjacentium vinearum, vel aliis adhuc vini annui redditibus & donis remuneratur, ad quæ congerenda certum quendam quotannis conducunt, cujus vices eo autumno *Nicolaus Græcus*, sutor orthodoxus, adimplebat. Is inter ambulandum & colloquendum cum juvene socio, à fœmina quadam obvia *Vinum pro D. Virgine* petens, quærebat: *Num quid ipsi afferret, quod Flamen D. Matris venderet & magnam inde pecunia vim conflaret?* Illa vero respondens: *Quid ad te? Vinum D. Mariæ libo; quocunque id Monachus impendat, sive potet D. Virginem, sive se, sive alios, haud curo.* Sicque ad aliam nequitix sociam appropinquans consultabat, quo miserum Nicolaum infortunio mactaret utraque, ac postea conjunctim accusabant: *Nicolaum fœdissime D. læsisſe Virginem, Diva scorti imegisse culpam, quod se inebriaret quotidie, nec quicquam redderet, quocunque clystere alvum evocarent ejus.* Sit verecundia verbis! Dura verba! quem non & mitissimum superstitionis cultorem irritassent? cœca enim illa Dea adeo dementat, ut animi intemperiem virtutem æstimet, neque pro Dei honore tantum, quantum pro sua opinione æmuletur: Quidni & suos cultores occœcaret, ut pariter de-

dementiantur, atque furorem fortitudinem, atque mendacium veritatem, calumnias legitimas accusationes convincentiaque testimonia obtendant. Hinc Nicolaus binarum fœminarum accus. tione vel potius criminatione reus, Dynastæ inquisitioni subjicitur, atque illius, ambulationis socii, testimonio convincitur dixisse, quæ negabat, addidisse tamen, absentibus jam fœminis accusatricibus, *se non D. Mariam Deiparam, sed exanimam inaneque ejus idolum intellexisse.* Effugium quidem, sed de vi Heterodoxorum non satagens. Est enim ea Junones Geniosque sibi adoptantium indoles, ut Cœlitum Majestatem in imagine falsa lædi posse opinentur, & priores sint ad condonandum hominis animam intercludenti, quam ligneam imaginarii sancti statuam lædenti. Unde non reo tantum nova onera, sed piissimo Dynastæ Reuchlino novæ & anxie curæ oriebantur, quibus reum septimanis sedecim, à 30. 7bris. A. 1554. ad 21. Januarii anni insequentis, irretitum vinculis includere tenebatur. Neque tamen periculosam potentium inimicorum offensam effugere poterat, sed crebriores severioresque minas publicis & immitibus rescriptis audire cogeatur. Præcipue die 18. 9bris ingruentibus Comitibus Thermopolitanis, quibus inter *Helvetios Legatos* misere omnia miscebantur, Procerumque in litigia animi dilatabantur. Nam qui Ecclesiæ litabant Romanæ, aures suas *Octaviani Riverdæ*, Episcopi Terracinenfis, Nuncii Apostolici (apostatici potius,) *Badæ* tum simul ob negotii tractandi gravitatem degentis, carminibus præbentes, Locarnenses Orthodoxos, suppl. cibus eorum rejectis libellis, ad crucem rapere, Evangelici contra eorum Patroni impunes eos tueri, conabantur. Et hercle, vix dies sedasset discordias, nisi, Arbitris interpositis, ad quatuor tandem res devoluta fuisset capita, quorum præcipua duo: (a) *Locarnenses*  
*pama*

(a) Hæc Ægidio Tschudio adscribitur sententia, quam in

pœna solutos, vel ad sacra Romana revertunto, vel patria; liberis opibusque comitibus exeunto, neque Locarnum unquam amplius redeunto, aut in VII. Cantonum ditionibus secus ac peregrini transeuntes divertant; Anabaptismus & convitia in D. Mariam emissi, aliaque Dogmata utramque Confessionem impugnantia, puniuntur. Et hæc Ægidii Tschudii sententia si Mediatorum consultationibus rata acceptaque fuerit, Locarnensium Dynastæ significantur, atque à XII. vel (quatuor renuentibus & absentibus Cantonibus) à reliquorum VII. Legatis effectui dantur, infracto tamen repugnantium jure.

### §. IX.

His capitibus & ab Heterodoxis, & à Bernatibus, Basileensibus, Scaphusianisque assentientibus, rata factis, Tigurum nobile & imobile calculum subtraheretur, quicquid die 2. Decembr. h. a. nobilissimum Consul Habius, binis Glaronensibus & Abbatiscellanis junctus, & paucis post diebus Bernatum, Basileensem, Scaphusianorum, & trium foederum Rhætiæ altæ Oratores, cum antea citatis, denuo moverint, ut rupes tamen manebat, neque hæc suo nomine Locarnensibus significari, minus executioni dari volebat; (b) (præcipue quum manus sancta quædam injuriam sententiæ hujus publice proposuisset dio;) Sin vero Heterodoxi Articulorum executionem statuerint secum, plane pleneque se protestari, & jura sua excipere, neque tamen motum causam daturum, sed Fœdera Helvetica se fide servaturum, dixit. Dixit, & civibus suis per Tribus dixit, & Clero suo dixit, & subditis per vicos omnibus, mediantibus Legatis specialibus ad id die 3. & 5. Januarii A. 1555. dimissis; (ut rumori inique sparso occurreret) Quid rei moveretur, qua mente & perstaret; Sciscitans:

Appendice sub N. 8. legere vernaculam licet.

(b) Causas motivas, cur minus sententiæ illi subscribendum sit; videtis in Appendice sub N. 9.

tans: *Quid spei in periculo in ipsis collocandum? At ap-  
plausu mentem suam Proceribus confirmabant cives,  
cum laude confirmabat clerus, & cum gratiarum  
actione consonabat omnis populus. Neque omitten-  
dum Dn. Bullingeri, vigilantissimi tum Antistitis, ce-  
leusma hac occasione inditum: Pellere pios patria pec-  
catum esse, quod exitium Hierosolymis paraverit, & Chri-  
stus indicaverit; punire pios, quos incolumes servare posses,  
prævaricationem esse Pilati; Consistentis & facientis ean-  
dem fore penam. Interim Reuchlinus, Dynasta, satis  
quidem per Dei gratiam prudens, anxius tamen sud-  
bat; siquidem in re dubia, sollicita & suspecta, à san-  
ctissima Patria ceu à Conso suo semotus, læpius hæ-  
sitavit, ut propemodum corruisset, quum XI. jam  
consistentes Cantones Bada ipsi præcepissent, ut  
*νεντεριζοντας εν πεισει* (quemadmodum Orthodoxos con-  
temtim appellare consuevere;) ad obedientiam decreto  
nupero præstandam moneret; nisi à Dn. Ludovico Lavatero,  
mox Tigurino Antistite, solatio, arque à summo  
Magistratu, consilio institutus fuisset: Confiteretur, se  
quidem Officiarium XII. Cantonibus jure obstrictum, sed &  
Civem Tigurinum, qui ab hoc negotio liberæ retinere manus  
cuperet, quod Proceres sui non consentirent, verum pleno  
ore protestarentur; & propria Conscientia horreret, manibus  
fidei suæ sociorum suppressioni inservire.*

### §. X.

Itaque ad limina hujus negotii servus o. d. R.  
prosiliebat; expectante terminum fatalem suum si-  
mul cum A. 1555. irrumpentem Ecclesia Locatnensi,  
omni auxilio, omni solatio præter Dn. Augustini Me-  
nardi, Ecclesiæ Clavennensis tum florentis Ministri  
fortissimi, destituta, anxiis simul curis fluctuante,  
quem Comitibus VII. Cantonum Urania confidentium, &  
de modo Decretum exsequendi consultantium, forti-  
rentur eventum? Horum enim Consilia priora omni  
diffidentia erga Orthodoxos foederatos scatebant.

Tan-

Tandem, tenebrarum potestate prævalente, ad iter periculosum per Alpes alta tum nive confitas cum furore instigabant, ut non sine omine d. 9. & 10. Januarii susceperint, ceu quorum collium anfractus niveis lænis & ante & post se interclusi minati fuerint, quid Leones in Gregem Christi irruentes maneret. Sed demum 12. die Locarni appellebant, atque post feriatum unicum diem, Coetus totius Comitatus omnes convocabant, iisque confidenter & satis minaciter proponebant: *Quanta lites solum ex Locarnensium rebellionē & contumacia neotericaque Religione, pessima Hæresis orta, Corpus Helveticum, Locarnensium Dominos fere dirupissent, ut eos puniendi, imo extirpandi, ratio plena extaret. Hactenus se tamen ex singulari gratia pepercisse ipsis, & leges candidisse certas, quibus imposterum penderent, prælegendas jam, ut quilibet Gætus, quid agere, quid omittere vellet, responderet?* His à R. prælectis, municipes statim subscribere, cives vero in contraria divisi, Locum & Tempus inter se deliberandi petiere; quibus concessis, insequente die primo mane primi Romanensium asseclæ Legatis constantiam suam in veteri superstitione spondere & rogare, ut ingruenti fato adscribentes ipsis condonarent, si quid inconditis moribus contra Helvetica jura peccarint, se imposterum vitæ sequioris & sequacioris futuros. Quibus dimissis, post prandium Orthodoxi omnes, bini viri, mulieresque binæ, puberes, impuberesque bini, autoritate gravioribus ubique præmissis, decora serie incedentes in Oratorum Helvetiorum Concionem prodibant; sed qua fronte excepti fuerint, vix credas. Matres fidæ, lactentes brachiis gerentes, mammis foventes, manibus vero bimulos trimulosque ducentes, lapidis penetrabilia movissent; Ast patrum horum, minorum scilicet Gentium Deorum, corda lapide quovis duriora, intacta adeo manebant, ut miseros hos riserint, satyramque egerint potius, quam audierint! Audiendi tamen, ut-

pote citati, precibus supplicibus aures benignas postulabant, atque proponebant: „*Heri ab Ampliss. Proceribus suis provocatos, de nova fide accusatos, adesse, & unanimi consensu fateri: Differentia se inter veterem novamque fidem nescios, unicum colere Deum, unicam agnoscere fidem, in veteri propositam & praefiguratam, in novo vero fœdere à Christo Domino nostro atque Apostolis consummatam, declaratam, propagatamque. Hanc se, rejeclis traditionibus humanis ab illa dissonis, duodecim Articulis Apostolicis consonam, ex sacra ad salutem necessaria & sufficiente scriptura doctam, scire atque credere; ceu quam non ipsi finxerint, aut Novationum vaga lubricine susceperint: sed nova omnia commenta abominantes, ex variis concionibus cum Latinis Italicisque Bibliis collatis, mediantibus precibus & illuminatione Spiritus S. hausserint, quemadmodum IV. Orthodoxis & VII. Pontificiis Cantonibus inclutis sapius jam protestati fuerint. Quare se in manum Dei remissos, & ad omnia potius sufferenda paratos scirent, quam ut fomitem litium bellorumque inter laudabiles Cantones per & propter se feri vellent. Spe tamen multos, Dominos suos Amplissimos Clementissimos VII. Cantonum eos favore & commiseratione non privaturos: se enim in temporalibus non alios prater XII. inclutos Cantones venerari superiores Dominos, quos debita hactenus fide obedientiaque (ut fieri à Clientibus fidei deberet) respexerint, pro quibus & imposterum neque opibus neque sanguine suo sint parsurum. Humillimè supplicantes, ut propter Deum atque Jesum tanta & spectata quidem multitudinis, tot misellarum mulierum, tot impuberum, tantaque ipsorum omnium miseriae commiseratione tangerentur, si absque fœderis ipsorum arctissimi & sanctissimi violatione ac abolitione fieri posset. Sin vero minus possibile foret, se ad cuncta patienter ferenda paratos promotosque, quæ divina providentia ipsis per superiores suos imponi vellent. Saltem de intentis sibi criminibus conqueri, quibus immerentes per summam injuriam nefandumque scelus proscinderentur, quasi se Anabaptismo*

&c



„& foeda nocturnis conventibus Venere promiscua  
 „contaminarent, sacraque omnia sedarent; qua non propter  
 „se, sed fidem suam sanctissimam dolerent, & idcirco enixissi-  
 „me rogarent, ut exacta armataque ad vindictam indigne  
 „omnia lustrarent, & pro re nata vel reos punirent, vel &  
 „innocentium honorem valide tuerentur, convitatoresque pro  
 „meritis punirent. Quæ gratia Amplissimis, Clementissimis  
 „suis Proceribus ad synceram invictamque fidem obstringeren-  
 „tur in ævum. Humilia verba! Sæpe flectit humilitas,  
 quos nec virtus nec ratio superare potuit; imo humili-  
 tas indomitis loqui & sedare leonibus iras potuit. Ast  
 surdis heic caneatur auribus; auribus à mammis  
 Romanis jam inebriatis, quæ amissa omni commi-  
 seratione in furorem patientiam commutaverant om-  
 nem, ideoque responsi nil aliud regefferunt quam:  
 „Non fidem vestram auditum præsto sumus! Dominis quin-  
 „que pagorum instrumenta ad manus sunt publica, quæ ipso-  
 „rum Religionem veram indubiamque fidem contestantur, quam  
 „& ab arguta omni Censura & Disputatione liberamque  
 „volunt. (Das wollen sie (ut eadem barbarogermanica  
 „Emphasei exprimam) unarguieret und ungedisputieret  
 „haben :) Quare verbis brevissimis significabitis, utrum fide  
 vestra cedere velitis necne? Corda mundana hoc ictu  
 trepidassent; ast Orthodoxos Locarnenses nubes è  
 Vaticano hætenus jam sæpe capiti imminens mini-  
 tansque nil territabat, immoti marpesiæ instar cau-  
 ris stabant singuli. Singuli (a).Rupî in Zione super-  
 instructi, noverant, (b) virgam improbitatis super  
 justorum sortem non in æternum quieturam. Ideo-  
 que æque, ut ante pocula Circes & Syrenum voces  
 despiciebant, ita & alacri & imperturbato animo  
 neces & exilia frontibus caperatis minantium Poly-  
 phemorum insultationem moderate ferebant, atque  
 una quasi mente, una quasi lingua resonabant: „Se  
 „per hanc vivere, per hancce mori, quam ab hacce dimoveri  
 „malle fide; quam veram, quam justam, quam solidam, quam

L 2

ve.

(a) Jesajæ 28: 16. c. 26: 4. (b) Pl. 125: 3.

„*verarum actionum perpetuo fecundam, quam piam, quam*  
 „*claram, quam perfectam, quam salvificam unicam scirent.*  
 „*Quare se non ultra præfinitum tempus moraturos sponderent,*  
 „*ni precibus suis efflagitare possent, ut Domini sui Ampliff.*  
 „*Ampliff. terminum ad Paschatis festum vel in Martium us-*  
 „*que mensem saltem prolatari concedant, quo negotia ita sua*  
 „*eo magis jam influenza commodius conficere liceret, & mu-*  
 „*lierum liberorumque demigratio faciliior foret.* Quis hæc  
 non approbasset sanæ mentis petita? Hiems tellurem  
 niveis aggeribus obruens, itinera aditusque Alpium  
 intercludens, ad focum potius invitans, ea secun-  
 dasset: Tenera filiorum ætas foemineaque imbecilli-  
 tas, itinerum haud ihiqua tempestate impatiens, pa-  
 trocinium requisivisset. Verum oppilatis auribus re-  
 jiciebantur; contra certa & exacta Nominum ortho-  
 doxam fidem consentientium consignatio exigebatur,  
 quam intrepidi & hilares extemplo exhibebant fide-  
 les. Et miraberis, quanta alacritate, quanta inter se  
 exultatione, quanta corroboracione, quanta concer-  
 tatione, ad nomina danda occurrerint viri foemina-  
 que, filii filiaque, honore conspicui, nobilitate in-  
 clyti, honestate graves, integræ omnes famæ, forti-  
 tudinis incomparatæ, fideique incorruptæ, adeo di-  
 vinitus corroborati, ut mares conjuges, conjuges  
 maritos, liberi parentes, parentes liberos, cognatio-  
 nes, fortunas, patriamque, tam nauci pependerit &  
 deseruerint, modo cum Christo suo exulare digna-  
 rentur. Unde tractum divinæ Charitatis morte for-  
 tiorem, sepulchro durior, fluminum inundatione  
 inextinguibilem agnosces; hostium furorem eluden-  
 tem, non tamen effugientem adhuc, quanquam tan-  
 dem confundentem, sis visurus.

#### S. XI.

Nova enim fata eodem hoc 16. Januarii die, cum  
 irruente Riverda, Nuncio Apostolico, Episcopo Ter-  
 racino, irruebant, qui mox insequente die prius VIII.  
 Can-

Cantonum oratores, ad audiendum se convivio laudatissimo præparabat. Die 18. tum cum binis Dominicanis, Theologiæ Doctöribus, sociis nova tentamina, nova retia, ceu animarum Pontificius auceps, exponebat, publiceque Helvetiorum præsentium Collegio proponebat: „*Quantas Pontifex summus pro tutela Pontificatui præstita ageret gratias, rogaretque, ut ab Rhætis transfugam, (a) Johannem Beccariam, Præceptorem, Reformatoremque Locarnensium, ad pœnas meritas repeterent, atque emigrantibus Locarnensibus & Conjuges & liberos & fortunas retinerent; & liberis ad institutionem in Romana fide reservatis, totius negotii descriptionem, ad Quiritum sedem transmitterent.* Arridebant Oratores Helvetii, ac pro honore splendidæ Legationis gratias habentes, zelum suum in omnem casum oppignorantes, „*se ad Proceres suos Pontificis summi de re, petitione Beccariæ petita relaturos, & prolixum rei hujus instrumentum spondebant; negantes, de Locarnensium liberorum opumque retentione quicquam se in mandatis habere; Habere tamen quod rogarent, nempe, ut sacerdotibus Locarnensibus, nomine pontificis denegatam hætenus, à nova fide revertentes in sinum Ecclesiæ recipiendi potestatem largiretur.* Quod non tantum lubens Riverda concedebat, sed & omnem lapidem movebat, ut quos à fide deflectere & ad apostasiam sanctorum promoveri posset; qua in re se suosque socios Heroes sibi imaginabatur. Sed veritate invicta, in tenuem evanescere conatus ejus auram; quanquam enim vasa imbecilliora aggressi fuerint, experiebantur tamen Dei potentiam

L 3

in

(a) Joh. Beccaria à carcere erutus, conatus Hostium Veritatis edoctus, amicorum fratrumque suasu ad Rhætos se contulit, & Clavennæ ad emigrationem Locarnensium omnium Orthodoxorum morabatur, spina clavusque oculorum papizantium. Postea Misauici Rhætorum Pastor A. 1560. novis tentaminibus periclitabatur, ut ipsius literæ N. 10. testantur.

in infirmitate consummari. Audiens enim Riverda, devotas inter Orthodoxos æmulasque fidei quasdam laudari mulieres, & quidem *Catharinam Rosalinam, Barbaramque de Muralto, & Luciam de Orello*, ipsis sermones de Religione miscere gestiebat, spe non dubia, se Herculem contra trinas, easque confusurum facillime, quod simplicitate stupidas crederet. At ita Heroides illæ alia assumebant, alia ita ponebant, deducebant alia, insultasque ipsius argumentationes irrefutabilibus S. Scripturæ testimoniis ita retorquebant, ut confusus confundendum deridendumque se omnibus exposuerit, & amarulento tædio vindictam meditans ex ædibus discesserit, mediis inhiaturus, quo demigrationem Orthodoxorum vel sufflaminare plene, vel gravem amaramque reddere posset. Hunc in finem pessimus ipsius ocellus crudelitatis suæ scopum *BARBARAM de MURALTO, Johannis de Muralto, Chirurgi & Medici, Conjugem dulcissimam, matrem omnium MURALTORUM* hodie *Tiguri* habitantium piissimam, collimabat; quæ Pontificiæ meretrici pudenda ita detexerat, foedamque ejus idololatriam atque nefandam Missæ fraudem tam vivis delineaverat ipsi coloribus, ut horrere atque abominari debuissent, quibuscunque bona non expulsa fuisset conscientia. Verum, cum læsa conscientia in furorem tandem abeat, non stupemus, quod spiritu intelligentiæ privatus, novam in piæ illius perniciem cuderit fabam, & ceu blasphemam ad rogiem rapiendam accusaverit. Hinc novarum technarum novi conatus, qui exitum sanctorum è Babele haud parum contristassent, nisi Israelis vigil tutorque excubias egisset, atque non minus nobili huic Matronæ ac (a) Venerabili *Bullingero*, Decano Bremogardiensi, paucis ante annis, nocturna visione exitum præmonstrasset.

(a) Bullingeri Chr. Helvet. & quidem Reform. Tom. II. Part. IV. A. 1531.

strasset. Habitaculum enim Conjugis sui ad lacum majorem antiquitus ita in omnem casum fortuitum exstruebatur, ut ejus undæ postici limina alluerint, & ibi littora curvæ prætexerint puppes, quæ omnem longo jam usu præstolarentur fortunam; cujus aleam (a) ut aliquando trucibus Gibellinorum & Guelforum motibus experiebantur, ita & his periculis subire præsumebant; foribus cœcis propositum sub cœlesti tutela secundaturis, quorum exitus oculorum aspectui in ipsius patrisfamilias dormitorio sex virorum viribus vix mobili scrinio rapiebatur, & ad proxime summum discrimen præviam usque noctem interclusus manebat; sed à marito ejus divinitus per insomnia stupenda monito & adacto aperiebatur, adhuc nescio, quid rei gerundæ restaret; animus enim ex somnio, se potius quam Conjugem peti, præfagiebat. At vix illucescebat dies, quin timore dubio solveretur: Lictores enim primo mane cum multa turba in ædes irruebant, atque nemine impediante in hypocaustum usque penetrabant, ubi sanctissimam inter preces comas expedientem, *Barbaram*, Oratorum Helvetiorum jussu ad vincula provocabant. Illa vero omni metu moraque sublata, quasi muliebri verecundia surgens, *ad omnia se paratam sistebat, modo secessus in proximum conclave exigui temporis sibi, sicque honeste se vestiendi facultas concederetur.* Qua haud difficulter obtenta, per citatas superius fores cæcas, divino auxiliante adminiculo, in lembo ad id jam dudum parato, hostium (& ipsis quidem è curia prospicientibus) fallebat retia, non tamen furorem.

§. XII.

Quid enim elusa vindicandi libido non movet? Injuriz suæ litatum non prius credit, quam duplici supplicio & imaginarium dissolverit & compensarit damnum. Hoc igitur etiam ardore deflagrantes Helvetiorum Legati,

L 4

suapte

(a) Nempe A. 1260. pugnante pro vice-comitibus Simone Locarno.

suopte ingenio feroces, tum maxime propter fugam, ceu (ut sibi fingeant) justam vindicandæ injuriæ causam tumentes, opes hujus matronæ residuas omnes, marito liberisque ejus expilatis & despoliatis, fisco adjudicabant, quod simul cum Missa divam Matrem fœdissimis convitiis prosciderit. Nec ira hisce cadebat, sed binos fideles alios corripiebat in nervum, quod filios suos pontificiis moribus S. Fonte tingi horruerint; quare quinquaginta scutatorum aureorum multa singuli libertatem suam redimere tenebantur. Neque tamen adhuc acquiescebant persecutores, sed extremum rabiei suæ virus in miserum illum captivum Nicolaum evomere Græcum, in cuius negotium denuo (quod Dn. Reuchlini fidem hac in re suspicerent,) & omni rigore quidem inquirebant, nec quicquam aliud omnibus torminibus extorquebant suis, quam quod jam antehac confitebatur: „D. Virginem nihil unquam reddere amplius, quocunque enemy, mate alvum ejus cicerent; neque se hæc sine explicatione ac declaratione mentis suæ dixisse, sed exanimam inaneque ejus intellexisse Idolum, non Virginem calicolam. Verum enim vero nihil hæc impediabant, quo minus d. 21. Januarii in ædes Provinciæ Secretarii, & quidem in ipsum Josuæ à Beroldingen, Uranensium Legati, podagricis doloribus decumbentis cubile, ceu ad Helvetiorum inibi collectorum Comitia, Nicolaum ad capitis iudicium deduxerint; qui per advocatum, ex fidelium cohorte sibi concessum, de ampliore vitæ usu Dominis suis supplicabat, ratione, quod equuleo exploratus dictis suis steterit & juri satisfecerit; quin & ex valnere capitis aliquot ante annos saucius sapius insaniret; nec non vinculis jam sat diu detentus, sat quoque pro impudentia sua solverit. & tres impuberes ejus filii parentis sui vitæ prolixiore ad ipsorum educationem opus haberent. Nicolaus verò ipse ad genua Procerum provolutus per Dei Jesuque Christi amorem vitæ gratiam orabat. Sed ad squalidum carcerem remissus iudicio subijciebatur, præside Lucernate, ex Suis-  
tensium

sensum Oratore sententiam rogante , qui suffragium ferre primum recusabat: quanquam enim animo constet sententia suo, neque mutata amplius loco cederet; moris esse tamen, ordine Helvetiorum Cantonum ut sententia ferretur. Quare hac resolutione omnium calculo approbata, Lucernas Uraniensisque ad numellas virgasque publicas Nicolaum condemnabant, sed ea Lege, ut fissa per Carnificem lingua vite sua spatium convitia illa doleret. At Suitensium Oratoris dissidebat atque variabat sententia, in Nicolaum vitam miserabile supplicium constituens. Cui Tugiensium & Subsilvanorum Legati adstipulabantur. Tres restabant Cantones, sed unicus Glaronensium Orator mitiorem in partem inclinabat; Friburgensium & Solodurensium Legatis dira mortis supplicio dignum ipsum censentibus. Ita plurium suffragiorum pondere ad gladium Nicolaus condemnabatur, unica hac per Fiscalem servum ipsi annuntiata gratia, ut quem a Confessoribus parastatam vellet, eligeret? Sed & hanc forti animo respuebat Nicolaus, quod peccata jam sua Deo Opt. Max confessus, & de clementissima debitorum suorum omnium remissione certus sit, & speraret, eundem sibi inivitum Parastatam adfuturum. His inter Comitibus carceremque peractis Cæsus Locarnensium Pontificius commiseratione concivis sui motus pro Nicolao intercedebat; sed intercessorem abiciebant Procures, quod nimium intercessionem procrastinarint, latam ratamque jam sententiam & irrevocabilem. Imo replicans, & ad privilegia sua provocans intercessor Cæsus: Sat se cito adesse, qui reum jam condemnatum inter educendum à Carnificis sine liberare potis esset, tamen repulsam ferebat. In tam intractabiles cautes, sat volubilia alias corda squalens livoris rubigine facies Romanæ Medusæ indurare noverat, ut permulceri nequiverint. Lybiæ ab aspectu solis funduntur petrae, sed mens vindictæ cupida illiquabilis manet. O adamantina corda, quæ nonnisi sanguine molliuntur, non hœdino sed humano; hunc, hunc ex intimis Nicolai nostri arteriis pro-

filire gestiebant. Ideoque eodem se die in Thomæ Quæstoris Locarnensium ædes curiæ vicinas colligebant, atque inibi spectaculo miseri & suo sensu innocui rei oculos sanguinarios pasturi, victimam crudelitatis suæ è castri carcere productum expectabant; quo viso sententiam extemplo proclamari curabant, in cuius tenore hæc inter alia non sine fato verba : „*Quanquam nihil mali sibi conscius esse voluerit, neque quicquam fidiculis suspensus confessus fuerit, vestium tamen fide condemnatum esse, ut capite solveret.* His prælectis, denuo Nicolaus genibus submissis Procere Helvetios è fenestris prospicientes, ut vitæ gratiam ob Christi merita facerent, rogabat; neque enim se artes furtivas exercuisse, neque latrocinia funesta, neque alia capitalia ausum fuisse. Verum & heic auribus duris & obseratis inexorabiles inveniebat omnes, præter unicum Lucernatem, qui oculis vix temperabat, quin imbrem lique- rint. Sed horrebant revocare horrenda; quare lachrymæ volvebantur inanes, non tamen inani constantia Nicolai, qua irrevocatum fatum pertulit vicit- que. Non desertus tamen in agone à fidei suæ sociis civibus, qui in exilium jam ire iussi, nulla nova extimescentes pericula, omni solatio, omni auxilio ipsum suffulciebant, quousque carnifici colla submisisset; secari malens, quam fidei naufragium facere. Tum carnifex more solito, ad Præfectum Dn. Reuchlinum se vertens, testimonium petiit, num iustum decretum bene executus sit, & ad omnium votum miserum decollaverit? Hoc responsum accepit emphaticum: *Fecisti id, quod Legati tibi injunxerunt, & hisce contentus esto.* Hoc potuit amor Dei & Christi sui, qui impellebat, ut idololatriam rideret, nec vitæ sustentationem serviendo quæreret; ut mortem non fugeret, sed in morte ipsa doleret, idolis auxiliatricem commodasse manum, quam hæ sequerentur mercedes, non meminisse Orthodoxos moni-  
tos,



tos, (a) ne impari jugo copularentur cum infidelibus, nullam enim consensionem esse Templo Dei cum simulacris. Vindemiassē idolis, vindemiassē mortem; fiducia tamen certissima, spem fidemque sibi vindemiassē vitam cœlosque, quos jam intueretur apertos! Ita succumbens fatis vicit potestatem tenebrarum, gravibus ab omni promiscue Locarniæque Heterodoxo ac Orthodoxo vulgo, ob honestam & innocuam vitam, defletus querelis.

### §. XIII.

Cæterum Helvetii Oratores, quasi hac Nicolai nece ultimam negotio addidissent manum, die proxime insequente, discedentes, & Orthodoxis Locarnensibus ex actis considerata relinquentes, quam turbulentæ fœdæque coruscum raucumque hoc tonitru tempestates sint secuturæ. Quare pii haud plus securitatis sibi heic locorum quam agno in medio luporum cernentes, nobilem *Thaddæum Dunum* cum Comite ad Senatum Populumque Tigurinum Rhætorumque Comitia ablegabant; qui efflagitarent, ut fidelium Exulibus apud ipsos receptaculum pateret, auxilium consiliumve prostaret. Nec in cassum legatio. Petita largiter concedebantur, Pella monstrabatur, via præparabatur, sicque miserorum animi sub tanta afflictionum mole haud parum laxabantur, ut hilares diem *Martii mensis tertium An. 1555. seu emigrationi destinatum*, desideraverint, & iter maturare constituerint. Sed novæ à meridie surgentes dirasque minas intonantes nubeculæ turbabant conatus. Nescio enim, quo nuncio *Mediolanensium Gubernatores*, de egressu hoc certi, odio Romano lacerati, suis die 8. Febr. 1555. publico rescripto vetabant: *Ne Locarno exeuntes exciperent, sed tridui spatio, sub pœna capitali, solum Mediolanense vertere cogerent, colloquia commerciaque omnia*

---

(a) 2. Cor. 6: 14-16.

omnia cum ipsis fugerent, neque exulibus his subsidium favoremque præstarent, neque de fidei articulo ullo sub 25. Coronatorum mulctâ inquirerent aut differerent. Prætereaque inculcabatur Hospitibus, ut de his transeuntes monerent. Ita itinere Mediolano, ceu levioꝛe, interclusi, die præstituto, quasi divinitus cum Abrahamo è patria evocati Locarno solvere, prima statim vesp̃era Helvetiorum Mediolanensiumque territoria superavere, ac Ragoꝛettum usque, primum supra Bellinzonam Rhætorum pagum pervenere; ubi duorum mensium spatio, circumfusi undique molestiis, ceu in stativis hybernis, remorari cogebantur; quod Rhætorum Alpes, visu quam dictu fædiore, nivibus cœlo prop̃e immixtis transitum negarent, quousque cum initio Maji rigentes gelu montes tecta deformia deposuissent, & in ad-  
verſum scandi passi fuissent. Transitu igitur parato, illæsa cum patientia firmaque confidentia, impendentium montium altitudinem superabant, & à fidelibus Rhætis, de fausto exitu & faustiore adventu ipsis gratulantibus, adeo ultroncis amplexibus gratulandi excipiebantur, ut partem municipatim suam fecerint; reliquas vero numero 116. animas Tigurum pedibus petere juss̃erint. Ubi d. 12. Maji prosp̃ere adventantes, & prop̃e à portis ad genua provoluti, Deo O. M. pro gratuita liberatione gratias agentes, Tutores, Patres Fratresque in Christo charissimos, ob commiserationem in lachrymas effusos, Tigurinos humillimè salutabant. A quibus hilari mente beneficaque manu suscepti, Reipublicæ tutela potente beabantur, & omni charitate digni æstimabantur. Utpote qui vel nobili stemmate sati, vel patritia gente nati, in patria honoribus, ceu vel Juris utriusque, vel Medicinæ Doctores, vel Notarii publici, vel Mercatores abundabant, quos tamen cum opibus, Parentibus, Conjugibus filiisque, æquo altioreque animo deserebant; & maritum sine uxore, uxorem sine marito, parentes

parentes sine filiis, filios sine parentibus, in exilium profugere non pudebat, modo Christum lucrarentur; (a) potius cum Mose eligentes simul malis cum populo Dei vexari, quam peccati fruitionem retinere, majores arbitrati probrum Christi divitias quam Ægyptiorum thesauros; divinis fidentes promissis, fore, (b) ut amissa propter Christum, centuplicia recipiant omnia. Neque spe fraudabantur sua; nam vix appulsis inclyta jam civitas de hospitibus, de lectis atque suppellectilibus, sponte & læte prospiciebat, ipsos pecunia, frumento vinoque, superflue consolabatur, atque omni ratione & Deo hominibusque grata beneficentia afficiebat. Quid enim optimæ Urbi nostræ restitit, quod usibus sanctorum non communicaverit? An Cætus? In singularem Locarni exules erexerat. An Templum? Petrini ad cultum vernacula sua lingua faciendum facultatem dederat. An Pastor? Pastorem orthodoxum Italum, & quidem *Ochinum* illum, pro ipsorum voto ordinaverat, eique alimentum sufficiens annuatim præbendum curaverat. An tutela? Hanc redintegrando prorogaverat. Et quæ non millena amplius beneficia, ita ut benefaciendi industria & promptitudine non lassata, in *Cives* omnes illos exules (quanquam sub certæ legis conditione) adoptaverit, quam denuo tandem legem etiam abrogaverat, ut pleno jam civitatis jure perfruantur, quotquot in hæredibus superstites restant. Siquidem cibus, aura, vestibus, moribus linguaque Germanica sensim, sed non sine sensu, assueti, mercaturas facere Tiguri inceperint, serica tractare, variisque textilibus adornare, lanas carminare, pannos Mediolanenses xylinosque texere, densare, dealbare, polire, & flavo cyaneoque colore tingere, vulgus docuerint, adeo ut inde urbis agrique Tigurini emolumentum, cooperante divina benedictione, in infinitum

(a) Hebr. 11: 25. 26.

(b) Matth. 19: 29.

tum excreverit, Locarnensium vero mercaturæ decreverint, ut tandem inibi quasi penitus amissæ, imo divino judicio pulsæ dolerentur.

§. XIV.

Sed hæ dolorum tantum primitiæ, duriores ingravescabant. Et merito sane; Quid enim in foro poli justius, quam (a) vicissim afflictionem reddere affligentibus, fallere fallentes? Quæ (b) vero fraus iniquior, quam fraudasse, oppressisse, & quæstui fecisse, fratrem suum? Habet enim ultorem Deum. Deum, (c) qui suspiria suorum mulcet, & Lotho (d) prius Zoar destinat, quam Sodomas plectit: Deum, (e) cujus Nemesis querulas Josephi fratrum justitiam Numinis laudantes edidit & elicit voces. Hunc sentire Locarnenses non longo post tempore. Ovabant quidem, sed haud diuturno gaudio; unda enim vix citius pellit undam, quam pœnæ divinæ una & quasi concatenata serie id turbaverint. Prodromus (f) vindictæ cœlestis die 2. 7bris A. 1556. horribilis & inaudita tempestas irruebat: „summo enim mane turbo „vehemens de nubibus descendens ædificia quædam prostrave- „rat, post meridiem vero pluvia, tonitrua, fulgura & fulmina „tantopere quatuor horarum spatio sæviere, ut omnes indigenæ „haud aliter sese compararent, ac si ultima dies advenisset. „Unde torrens Remonia ita excreverat, ut arbores & ædes „secum abducens tandem nullum exitum haberet, propterea „totum circumjacentem agrum instar lacus occuparet; postea „vero maximo impetu eruptionem nactus magnam jumentorum, „pecorum, imo hominum copiam absumeret, regionemque cir- „cumfusam mirum in modum desædaret. Tanto pavore at- „que terrore opprimebantur, ut suppetias suis ferre nemo po- „tuerit. Hoc autem tremore adhuc pallentes novo ictu

(a) 2. Thess. 1: 6. (b) 1. Thess. 4: 6.

(c) Pl. 9: 13. (d) Genes. 19: 21. 23. (e) Cap. 42: 21.

(f) Hott. Hist. Eccl. part. 5. c. 16. pag. 13. ex Sleidan, h. a.

ictu ipsorum intima eodem anno feriebat Nemesis; tanta enim vi improvisior capitalis *pestis* in ipsorum vitam invadebat, ut binæ incolarum tertiæ partes intererent, pluresque consilio, auxilio solatioque inopes perierint; ubi, cum perfidæ furtivæque manus simul feriari noluisissent, irreparabilem pecuniarum, vasorum argenteorum, frumentorum jacturam fecere, quam longis post adhuc annis deploravere. Deploravere quidem, sed crimen sic nondum expiavere. Quin hiantibus his adhuc plagis, validiores addiderit, qui judicat cum justitia & æquitate terram, dum illorum *Unionem contra Orthodoxos initam* funesta dissolutione animorum adoriebatur, qua bina *Brisagi*, oppidi haud longe à Locarno dissi, Orellis Locarnensibus subditi, Familiæ potentes *Bachiachorum & Rinaldorum* ita inter se collidebantur, ut utraque forti exulum manu comparata in viscera propria sævierit, excursiones, latrociniaque exercuerit, intutaque omnia reddiderit, Helvetiosque Proceres ad præsidia Locarno imponenda moverit, quæ ineluctabilibus ferme impensis alere tenebantur. Ita fraterni amoris impie læsi vindictam sensere; Sensere typos dolorum Babylonem expectantium.

§. XV.

Qui jure nobis, Auditores! horrorem incutiant, ut caveamus, (a) quoties coccineæ bestię insidens porrectiore fronte poculum aureum manu sua gestatum, abominationibus & impuritate scortationis suæ scatens, nobis propinare gestit Babel, ut vino nefandi sui stupri nos inebriet. In fronte ejus phylacterium legamus: *Μυστήριον! Babylon illa magna, abominatio- num atque scortationum terra mater!* Hanc celare nequit inscriptionem neque obvelare; se prodit ipsam, pro-  
detque,

(a) Apoc. 17: 2. 5.

derque, dum martyrum sanctorumque Christi se sanguine potat, neque suam indolem mutat. Minus autem eam, quam leo furorem truculentum, (a) imo quam inferi cupiditatem insatiabilem mutabunt, mutabit; etsi haud ipsam fugiat, omnem sanguinem iustum super terram inde à sanguine (b) Abelis iusti usque ad sanguinem Zachariæ, filii Barachiz, imo usque ad finem seculi, jam effusum & adhuc effundendum, venturum super ipsam; audaciore tamen malitia proterviaque sua pergit. Pergit Christum blasphemando, pergit iustos supprimendo, pergit fratres expellendo, pergit tenebras cudendo, & (c) æque ac Satan excandescencia magna furere pergit, quod exiguum sibi temporis restare sciat. Hinc non ante lustra tantum vineam Christi è florido Galliarum regno vi, astu fastuque vellicavit, in Pedemontio tentavit, in Anglicanam Batavamque cuniculos egit, in Hungaria, Polonia ac Transylvania subjugavit, imo Europæam omnem pace illa Risvicensi ita succussit, ut libertatem hinc periclitari suam omnino animadvertat & dubitet: Anne truculenta hæc bella colliment, quorsum ictum prætendant? Sed & indies novis furit; Testatur *Arausiorum Principatus*, testatur *Gebenna*! Quem enim latet, quæ *Arausienis* fuerit felicitas? Diuturna pace, quasi halcyoniis, in medio hostium, sub maximorum atque inclytorum Principum tutela fruebantur, quorum solum nomen parmæ instar & clypei ipsis fuere. Imo fuere tunc stimulus hostibus ac calcar in calcaneo eorum, ut quiescere non potuerint, quousque Arausiorum turbassent quietem, quæ ad annum 1660. ipsis æstuum futurorum insolentium manifestissimo fuit signo; Illo enim anno à Gallis vi illegitima, bonis quidem nominibus in-

---

(a) Prov. 30: 15. 16. (b) Matth. 23: 35. (c) Ap. 12: 12.

intentata, varie jactabatur; Castris destruebantur munitiones, fores aperiebantur superstitioni, aditus personatæ dabatur levitati, Fraternitates sanciebantur, exempla antichristianæ pravitatis statuebantur, falsi testes subornabantur, summis ima, imis summa miscebantur, quousque tandem A. 1685. ruina Templorum Gallicanorum, ac universalis Orthodoxorum ejus regni dissipatio, hujus Principatus simul quietem subjactasset, adeo ut quoque (a) *Jacobi Pinnetonis de Chambrun*, Arausionum Ecclesiæ Antistitis fidelissimi *lachrymæ* uberibus rivis profiluerint. His vero vix dum vera resipiscentia sedatis, & Risvicensium pace palliatis, proh! quantum denuo Christiano orbi moestissima potentissimi atque invicti Regis Ducisque sui **WILHELMI HENRICI** morte Arausiensium recruduere vulnera. Nam & cum hocce pacem tranquillitatemque Christianam obiisse, dixisses. Projecto enim Eridos illo pomo, *Hispanica* inquam *hereditate*, & ideo è castris suis fremente Bellona erumpente, insultus in hanc denuo Ecclesiam primos Antichristi primogenitus fieri volebat; Decernens, ut Regio *Arausiorum* Galliarum Regno adscriberetur, & Curiaë Aquarum Sextiarum in Braccata Gallia supremæ subderetur. Hac jam basi jacta, solenne illud, *unicum Regem unius fidei subditos velle*, intonabant atque proclamabant: ut se trimestri spatio incolæ, ad fidem vel mutandam, vel ad solum vertendum, declararent; simulque clausis Orthodoxorum Templis V. D. Ministros exauctorabant, & pyæaciis concessis relegabant, bonaque civibus vendendi facultatem palam faciebant, sed clam papicolis vetabant, ne minimum emerent. Nec induciæ impetrabantur, sed finito nunc termino statim, solvere patria tenebantur; Hac

Tom. IV. M adhuc

(a) Intuitur libellus hoc nomine (*les Larmes de Jaques Pinneton.*) illustris, quo citatus D. de Chambr. lapsum suum ob Tyrannidem Gallicam factum deplorat.

adhuc observata immanitate, ut maritos ab uxoribus, uxores à maritis, liberos à parentibus, parentes à liberis seclusos, illos hac porta per viam Nizenam Pedemontii, hos illac per Provincias Gallicas Genevam petere, & rapaces in ipso exitu militum manus experiri coegerint. Quorum gemitus ploratusque nostras jam adhuc feriunt aures. Sed quis, proh Deum hominumque fidem! crederet, nisi antiqua experientia didicisset: à Romana Curia exulare charitatem, exulare commiserationem, Gentiliumque animis potius quam illius residere sinu, ut quæ Christi septa reformare, imo deformare gestit. Vis novum addi argumentum? Inspice *Gebennam* triste clamoribus resonantem. Quid enim his, pro patria libertate, avitæque Religione paratis Heroibus, minitentur, haud dubia fama orbi innotuit! Rejecta enim solum cum suis vertendi conditione, ipsis ergastula, triremes, patibula, crurifragia, & quæ non alia? sævæ clades præparantur.

### §. XVI.

Quo fato? In Dei, fata ducentis, reponimus manum, sperantes, cam impedituram (a) ab improbis lucem, brachiumque elatum ipsorum fracturam, prohibeturamque, (b) ne justî manus suas ad ullam iniquitatem extendant: spe firma macti, fore, ut Dominus (c) toto opere suo in monte Zionis & Hierosolymis peracto in fructum insolentis animi Regis Assyriorum & in ornatum elationemque oculorum ejus sit animadversurus. (d) Tempus enim est, ut judicium à domo Domini incipiat; (e) hoc ventilabrum in manu ipsius, ut aream perpurget suam, ut paleam igne inextincto exurat; ut aurum suum defœcet, quod sine ardore

(a) Job. 38: 15. (b) Ps. 125: 3. (c) Jes. 10: 12.

(d) 1. Petr. 4: 17. (e) Matth. 3: 12.



ardore vix fieri poterit. Quod si vero *primum à nobis incipiat, quis eorum, qui Evangelio Dei non assentiuntur, finis erit?* Nos modo ne offendamur, sed animas nostras lucrificamus. Quod fiet, si (a) *uſibus ſanctorum communicabimus, (b) memores victorum, tanquam una cum ipsis victi, & corpore afflicti eodem;* Hunc enim in finem nobis *paſſiones Sanctorum vult ſignificari TRIUNUS.* Hunc finem intendunt ſupplicationes à ſupremo Magiſtratu inſtitutæ & nudius tertius celebratæ. Ad hunc finem impellunt conciones omnes declamatæ, ut vel calamitates innocentum precibus, conſilio aut auxilio, levemus vel refocillemus. Hæc omnia volunt, ut typum Chriſti conſervemus, qui noſtras relaxaturus miſerias, (c) in forma Dei conſtitutus, non rapinam eſſe duxit Deo parem eſſe, ſed ſe exinanivit & ſervus, imo (d) pauper factus, ut noſtræ ſuccurreret inopiæ. Volunt, (e) ut ſub afflictorum perſona ipſi Chriſto beneficiamus. Sit nobis furor malignorum invidorumque duplicatus ſtimulus duplicandi beneficentiam, duplicandi ardorem pro Evangelio; gratias agentes Deo, quod noſtrum Zionem Tigurinum in Zoar & Pellam multis myriadibus ſanctorum conſervet, atque charitatem ſuam exercendi non ſubtrahat anſam. Non alium etiam in finem, quam (f) ut iuſtitia peccata noſtra, & gratia erga afflictos iniquitates noſtras abrumparamus, ut tranquillitatis noſtræ propagatio ſit. Ad hanc vota ſanctorum omnium collineant, qui cum Locarnenſibus (g) Angliſque quondam, cum (h)

M 2

Hun-

(a) Roman 12: 11. (b) Hebr. 13: 13.

(c) Philipp. 2: 6. 7. (d) 2. Cor. 8: 9.

(e) Matth. 25: 34-40. (f) Daniel. 4: 24.

(g) Sub Mariæ furore A. 1555, eodem tempore, quo Locarnenſes, preſſi. *Leti Leben der Eliſabeth I.* part. Libr. III. pag. 23. &c.

(h) A. 1676. in Febr. liberabantur à de Ruyter. *Seehelden*

Hungaris, cum Gallis, cum Pedemontanis, cum Arausienſibus, & aliis innumeris exulibus atque Proſelytis in ſinu tuo, O alma noſtra *Tigurina* Civitas! toties totiesque receptis, animo corporeque reſectis, pro tua ceu Matris benigniſſimæ charitate, pro tua pietate, pro tua commiſeratione laudes inclytas canunt, grates incredibiles immortalesque agunt, atque animitus vovent, ut æternum (ceu Zion Dei) non dimota, invitis ingratiſque æmuſorum Hoſtiumque tuorum, perſtes floreasque!

*FIAT! DIXI!*

in ejusdem vita. pag. 1001. A. 1676. Tiguri recipiebantur.

VII.

EJUSDEM  
APPENDIX

EPISTOLARUM &c.  
in Adnotationibus citatarum,

*Rem Locarnenſem*  
concernentium,

Ex iſſis Autographis optima cum fide excerptarum.

Num. I.

JOHANNES BECCARIA ſcripſit Divinarum Scripturarum Sanctiſſimo Interpreti *D. Conrado Pellicano*, Tigurino. d. 18. Cal. Sextil. 1544.

Quas

**Q**uas salutes in Christo tibi repreceer, novit Deus, qui afflavit Minoritæ animum, ut me in tuam Benevolentiam insinuaret. Pro quo gratias ago semper Deo meo, non quod talis sim, qui dignus siem tanti viti encomio; sed quod is esse studeam, qui possim eorum, qui Christi gloriam amant, dici (vel potius haberi) sectator. Quam rem, si verum apud te fateri cupio, videor me assecutum Christianissimis tuis literis, in quibus quantum spires christianæ pietatis, sermone nullo assequi possum. At utinam liceret tam uti ea libertatē, quā vos liberatos vere ostenditis, quam ut mihi jam dudum acriter currenti verba tua calcar (ut ajunt) addidere! Sed infirmorum, vel, ut rectius dicam, imperitorum offendiculum obstat, quo minus & dicamus & agamus, quæ jam pridem animus pie sensit. Quanquam interim non taceamus, ubi sese offerat docilis auditor, id quod eorum animos, qui verentur sibi decedere quippiam lucri, adeo in me irritavit, ut sectæ (quam vocant Lutheranam) passim dicar & Assertor & Author. Quæ omnia prorsus nihili facienda, in animum induxi meum, quum videam, ad ædificationem christiano dignam hæc, quæ ut convitia in me jaciunt, cedere. A quo proposito nullis terroribus aut minis potero unquam divelli. Est enim, qui in Christo gloriatur, quum non pauci ex his, quos annum abhinc sextum docui, intelligant, unde pendeat vera salus; Quod mihi annos 28. nato fuit discendum. Didici autem afflatus divino Spiritu, ut primum incidi in scripta eorum, qui nihil non fecerunt ad illustrandam Servatoris gloriam. Verum his omissis, quod à me literis tuis postulas, lubenti animo per me curatum est, in reddendis Epistolis tuis iis viris, de quibus haud dubiam concepisti spem, videlicet Dn. Varnerio Castilioneo ac Benedicto Minoritæ; qui nunc quoque Locarni apud nos, quod non tutum sit huic fortasse alibi

vivere ob Papistarum sive potius Antichristi sectam, cujus opera adeo iævitum est in quosdam, ut quisquis Christi verbum sincere tractat, crucem videat ubique paratam. Quam mulrocties expertus est Vir iste insigniter in Christi Verbo insignis, qui (ut sis sciens) eorum, qui Evangelium purè annunciant, apud Italos fuit & est antesignanus. Verum ne expectes ab eodem Epistolæ responsum nunc, quod generalis opera diligenter observetur, si quæ detur occasio debacchandi in pii viri famam. Inviset autem te propediem ipse, cujus nomine salutes tibi opto plurimas. Expectabam à Varnerio nostro responsum, cupiens per tabellarium hunc tuto ad te mittere, quod nondum allatum; ubi redditum fuerit, curabo diligenter viri hujus non minus pii quam docti ad te perferendum. Reliquum est, observande Pater! (Te enim lubens parentem appello, quod me in Christo nostro tua genuerit hortatio) ut me inutilem Christi servum in amicorum tuorum gregem recipias; accedo enim ad te imperitus, iisdem sacris initiandus, quibus jam pridem institutus alios instituere non desistis. Quare hoc unum abs te per Dei misericordiam contendo, ut me aliquando tuis digneris scriptis, quæ non solum hortationibus, sed etiam monitis undiquaque scatent; quatenus novus ego Christi miles tirunculos mihi creditos juxta formam, quam vos traditis, Christo gignam. Dices me impudentem, qui impudenter tibi hoc faceßam negotii. In quo (si te satis novi) mihi facile ignosces, si intelligas, hæc ab eo proficisci, qui nihil in saltu suo venatur, nisi Christi gloriam. Sed finiam, si hoc à te postularo, ut me cunctis, qui Tiguri agunt fratribus, firmum in Christo mancipium dedas, quos omnes una salute salvare meo nomine jubebis. Resalutant te non pauci fratres, qui hæc nobiscum vivunt. Dominus noster Jesus Christus augeat numerum suorum, efficiatque, ut nos vobiscum

biscum Christiana libertate intrepide utamur. Valeat diutissime Humanitas tua cum universis fratribus. Locarni d. 18. Calend. Sextil. Anno à Christo nato quadagesimo quarto supra sesqui millesimum.

Deditissimus in Domino Servus

Johannes Beccaria.

Num. II.

EJUSDEM alia Epistola ad eundem Dn. Pellicanum, S. Theologiæ Professoreni Tigurinum. A. 1546.

**Q**UOD alius fortasse miraretur, tibi ignotus ignoto negotium faceßere audeat, Tibi Pater in Christo charissime! neutiquam erit mirandum, si filius parentem & frater fratrem compellet; quod communionis vinculum à communi omnium Redemptore profectum efficit, ut intrepidus ad te pro re seria confugiam. Nosti, ni fallor, Minoritam, nomine Benedictum, cognomento Locarnum. Is quantum Christi verbum olim promoverit atque indies promoveat, non est, ut in præsentia referam. Illud tibi affirmo: Nullum esse apud Italos celebre oppidum, in quo non annunciarum sit per hunc Christi Evangelium, non sine maximo fructu. Habet autem è sorore nepotem, quem volens pater isthuc ablegare, rogavit me, num quemquam apud vos nossem, cui puer tuto committi posset? Ego autem non immemor, quanta humanitate biennium abhinc, hortatu Mariani Minoritæ hospitis literas ad me dare dignatus sis. Ausus sum tibi viro de omnibus bene mereri cupienti has commendatitias pro puero exarare. Quid autem per te curatum hac in re velim, illud est: nempe des operam, ut præceptor credatur, unde non literas tantum, sed veram pietatem condiscat; ad hæc monendus est, cuicumque creditus fuerit, puerum non esse satis firma valetudine, proinde adhibendam esse di-

M 4

ligen-

ligentiam, ne ingurgitet se, neve immodica crapula tenelli vires obruantur. Scis etenim, vel me tacente, quanti educatio referat, in qua alia Italii, alia Germanis, alia Gallis ratio est adhibenda, utpote ea, quam consuetudo per manus, quod ajunt, tradidit. Atque id est, quod parentum abs te charitas multis precibus contendit. Tuum igitur erit, integerrime Vir! nobis rogantibus te haud difficilem istheic præbere, si vere is es, quem humanissimæ ad Locarnum & ad me literæ tuæ delineant, atque vera sunt, quæ Varnerius noster Castilioneus apud fratres prædicat, qui, ut sis sciens, operarium haud poenitendum in Verbo Dei promovendo indefinenter se præstat; tametsi illic agat, ubi non satis tutum est, de his mutire, quæ Pontificis regnum obnubilant. Sed tamen augetur indies credentium numerus, tametsi non desinat Antichristus per suos Pseudodoctores eosdem pessundare, quos noverit de Christo pure ac fideliter sentire; sed quo magis obstreperet, eo indies magis ac magis veritas evangelica elucescit. Heic concionatorem habemus hac in re strenuum, qui non pauculos manipulos in Domini horrea refert; Locarnus noster in celeberrima Sicularum urbe Concionator, ea est Panhormus ille per Siciliæ Vice-Regem accersitus. Sed quid pergo de singulis referre? Floret ac viget passim Evangelium, pessundatur aut penitus corrui pontificia tyrannis. Atque hoc est, quicquid novarum rerum refert Epistola, quæ alioquin tanti viri conspectum reformidabat. Id autem eo libentius feci, partim quod intelligat, se gratissimum tibi nuncium allaturum, partim ne tibi obstreperet, si commendatitia tantum & perax ad te veniret. Reliquum est, Pater in Christo observandissime! boni consulas, si impudens hoc quicquid est operæ ac negotii tibi facesso. Quod lubens ideo feci ut intelligas, me esse eum, cui nihil potius aut jucundius contingere queat, quam

quam universis, quotquot Evangelium illustrarunt, noctes & dies inservire, sed ante alios tibi & universis, qui isthic agunt, fratribus, quo D. Jesus, qui pollicitus est suis os & sapientiam, dignetur fortes ac intrepidus servare adversus omnes scævientis mundi procellas, quosque meo nomine in Jesu Christo salutari! Saluta Dn. Antonium Marium, & Filium tuum mihi charissimum, quem dignetur bonorum omnium Largitor parenti superstitem & verum tam nominis quam animi dotum heredem. Vale, Locarni, prid. Id. Aprilis. A. 1546.

Serve Dei fidelis!

Johannes Beccaria,  
apud Locarnenses Ludimagister.

Num. III.

EJUSDEM alia ad *Eundem* scripta, eodem anno.

Gratia & pax Dei sit tecum, Pater in Christo junctissime!

**N**ihil unquam in vita jucundius & charius mihi duxi, quam iis viris gratus esse, quorum humanitate adductus liceat non modo dare mandata, sed etiam quod in votis est, exorare, quod alias ab honestissimis impetratum. Vicit nuper expectationem meam in te, Pater observandissime! qua in re noveris me tibi adeo obstrictum, ut tibi tuisque vitam ipsam me debere prædicem. Quid autem non debeam ei, qui non oratione, sed ex animo plura præstet, quam a sim aut sperare aut contendere. Id factum est in puero, quem apud te alendum suscepisti, tametsi nihil tale in literis meis abs te petierim, quod à me omisum fuerat: non quod vererem, ne mihi & heic & alibi præsto esset humanitas tua, sed quod videbatur, impudentis esse, si præter operam tuam in ea re quid

M 5

præ-

præterea requireretur. Unde, cum reapse viceris  
 spem nostram, auxisti nobis eandem, ut posthac &  
 sperare & auferre abs te liceat. Unum illud te oro :  
 puerulus ipse molliter potius, quam duriter à dome-  
 sticis accipiat, nec te moveat, tametsi parvo tibi  
 cum ~~perente~~ convenerit; non enim (mihi crede) pa-  
 tiar te, quæcunque dispendis hac in re, sentire; nume-  
 rabitur enim, quantum voles, si conventis non fue-  
 ris contentus. Quod scire vis, quo in loco sint Be-  
 nedicti res? Is nunc agit Jannæ, donec subsidat ætas,  
 illinc venturus Mediolanum, ubi in summo est pretio  
 apud eum, quem Mediolanensium rebus præfecit  
 Cæsar, Is est Siciliæ Vice-Rex, insignis & genere &  
 æquitate, cujus opera Benedictus noster apud Siculos  
 concionatus est cum maximo Verbi divini profectu.  
 Illud in Epistola tua me commovit, cum scribis: Cæ-  
 sarem dici hostem vestrum; nec tamen ideo com-  
 motus sum, quod mihi sic esse jam diu non persua-  
 serim, sed quod vereor, apud Italos universa fore tu-  
 multuosa, quum Antichristus, jure & æquitate impar,  
 ferro rem aggreditur; quem tamen non pili facien-  
 dum duco. Nam spes est nobis certa, à Deo Christi  
 negotium per Evangelii prædicationem iri curatum,  
 quibus armis fulti, quotquot Christi gloriam promo-  
 vent, & Satanæ insultus & Cæsaris minas superabunt.  
 Duo hæc me potissimum solantur, primum, quod  
 apud pios omnes luce clarius conspicuum sit, bellum  
 hoc adversus Germanos susceptum, ut Veritas obrua-  
 tur, & Evangelium in latebras rursus protrudatur;  
 quod nequaquam feret is, cujus munere Verbi divi-  
 ni vis apud universos longe latequedimanavit. Alte-  
 rum non modo fovet, verum etiam auget spem me-  
 am, cum mihi sit compertum, qui viri sient Germa-  
 ni, quibus non facile imponet hic Cæsar, qui Religio-  
 nis prætextu non alio tendit, nisi ut viros liberos in  
 servitutem redigat; quod, cum videat, nulla ratione  
 effici



effici posse, si bellum simul omnibus indixerit, paulatim rem astu ducit, nempe ut dissidia inter Germanos serat, quo suis se viribus conterant, ut ipsi facilius sit fractos ac contritos pessundare. Verum confido, Germanos omnes sentire fucum, nec passuros, ut qui Princeps Reipublicæ commodo constituitur, in Tyrannum evadat; quam mentem illis precor ex animo. Non enim res vestra tantum agitur, sed nostra quoque, quibus durius esset morte, si contingeret, Tyrannum fieri voti compotem. Cupio igitur per literas tuas certior fieri, quo in statu sint apud Germanos universa; quid spei, quid præsidii adversus furentem ac sævientem hostem paratum sit. Quod mihi Codex non redditus sit, illius, qui apud vallem hanc prætorem agit, incuria non valde laboro. Hoc me movet, quod tibi in comparando exhibita sit molestia, quam vir iste non debuerat, nisi constitutum haberet apud se huc advehere: nam ea conditione mandaveram filio hic agenti, ut si pater vellet ac posset commode cum suppellectili sua advehere, curaret emendum, alioquin non luderet operam. Scis enim, tantam esse locorum distantiam, ut ingratum mihi fiet, si quis gratis isthic mihi det Codices, nisi detur, qui afferat: commodius etenim Basilea, quam isthinc curo afferendos. Utcumque sit, gratissimam scito mihi fuisse operam tuam, nec patiar te quid jacturæ hic sentire, si enim per Prætorem stetit, quo minus sit redditus, alia aggrediemur via. Scripsi ad Dn. Antonium Marium, ut si qua fieri potest, imponat sarcinis suis, numeretque sibi pecuniam, pro qua obstrictus est, quam mox nomine meo Lucernæ accipiet. Pluribus ad te scripsi, quam decreveram; siquidem indignum porro videbitur talem virum battologia gravare, qua in re dabis veniam tui amantissimo, qui (quod coram non licet) cupit saltem hoc tecum colloquio frui. Vale, Pater in Christo

sto Jesu pientissime! meque tuorum numero adscribe. Salutat te Varnerii nostri Consobrinus, quem Christo ille lucrificet. Saluta nomine meo fratres, qui Ecclesiam isthic moderantur. Locarni, 18. Calend. Sextil. 1546.

Tuus in Domino .

Johannes Beccaria.

P.S. Scriptis Literis convenit me Philippus, Antonii parens, rogavitque ut scriberem ad te: Ne grave tibi sit hac in re obsequi filio, id est, patiare hunc prodire domo in mercatum. Nam cum destinet cum mercaturæ, cupit ab incunte ætate filium eidem assuescere; quod ut facias, etiam atque etiam rogo.

Num. IV.

EJUSDEM ad eundem *Pellicanum*, A. 1548.

**T**Ua in me beneficia, piissime Conrade! tot tantæque sunt, ut me tibi obligatiorem reddideris, quam unquam sim solvendo. Illud autem me solatur in pluribus nominibus, quibus humanitati tuæ debeo, quod ei debeam, unde quo majora acceperim beneficia, multa majora indices liceat expectare. Quod nuper expertus sum in diligenti pro me recommendatione apud Dn. Merbelium, qui tuis adductus scriptis salutavit me humanissime, excusans se, quod non potuerit prodesse, quantum erat in votis, vix enim impetrata est octava pars annonæ, quam pro me petebat sanctissimus Senatus Tigurinus. Cui rei, ut ipse scribit, fuisse impedimento non pauci competitores. Utcunque sit, tibi, dum vivam, immortales agam gratias, quod mihi, quantum in te fuerit, prodesse studueris, collatis suffragiis doctissimi Bullingeri, quem salutes velim nomine meo quam diligentissime, una cum omnibus illis viris, qui isthic sunt in Christi nego-

negotio. Scripseram ad te superioribus diebus, verum tabellarius literas retulit, cui commendaveram quoque, quas nunc accipies Dn. Merbelij. Verum his omissis, admonendum esse censeo: Evangelij res indies melius meliusque favente Deo cedere; quod ut recte fiat, accepi negotium annunciandi Evangelij in Æde heic nobis vicina; quod ut auditur à multis, ita comparat mihi jugiter maximam apud imperitos Sacrificos invidiam, qui nihil non faciunt, ut me ex suscepto Domini negotio amoverent, atque interim non desinunt sollicitare Prætozem nostrum, tamen si hactenus nihil contra me tentarit manifeste. Proinde, pietissime Pater! cuperem abs te & reliquis Christi præconibus commendari ei Legato, quem integerrimus Senatus Tigurinus huc propediem amandabit. Commendationis autem illud esto caput: ne quid mihi violentiæ propter V. D. præconium adferatur, indicta causa, propter incertos & occultos delatores; Quod, si quid est, in quo intentatur mihi hæreseos actio, videatur, qui sint actores, qui me velint aut quærant reum agere. Nam paratus sum tueri, quicquid publice annuncio; modo res ad æquos judices ac doctos referatur. Tum, si accidat, ut mihi ferendum sit quicquam pro Christi gloria, paratus sum tradi & in vincula & in mortem, modo inveniar fidus Dei nostri Minister. Quod superest, non desistam, quantum in me erit, Redemptoris Verbum prædicare, nec poterit Satanas cum universis membris suis ab instituto me amovere. Dn. Varnerius legit literas ac libellos à vestris sanctis viris conscriptos, inter quos delectatus est supra modum Dn. Rudolphi Apologia. Salutat te officiosissime, ac precatur Domini gratiam vestræ Ecclesiæ. Cupio mihi comparari Johannis Brenzii Homilias in Johannem, una cum Catechismis duobus Johannis Calvinii, quibus addas Zyvinglii Psalmos latinitati donatos; pro quibus

quibus numerabit tabellarius iste, quancumque constiterint. Vale in Domino, charissime Pater! ac si mihi, quod non fore confido, necesse sit hinc abire propter Evangelium, mox isthuc me conferam, ut te aliosque in Domino Fratres salutem ac colloquar. Exspecto literas tuas plenas consolationis ac præsidii, modo apud Senatum vestrum vestra, qui estis fratres, me commendent suffragia. Dominus noster Jesus Christus vos omnes regat & tueatur! Psalterium Huldarici Zvvinglii exspecto compactum, una cum Johannis Brenzii Homiliis. Locarni d. XI. Cal. Junii, A. 1548.

Johannes Beccaria.

Num. V.

Sanctæ Ecclesiæ Tigurinæ dignissimo fidissimoque Ministre, Dn. *Heynricho Bullingero*, salutem plurimam in Domino THADDÆUS DUNUS dicit.

**S**Alve Frater Charissime! Ne nomen meum, Humanitati suæ fortasse incognitum, aliquam admirationem pariat, quis ego sim, primum dicam, mox quid velim, prosequar. Juvenis quidem sum nomine Thaddæus, natione Italus, patria Locarnensis, illustrissimorum Dominorum Helveticorum servus fidelissimus. Triennium Basileæ egi, ubi liberalibus artibus & Medicinæ operam dedi; deinde Ticinum me contuli, illicque biennium jam elapsum trivi in Medicinæ studiis. Nunc vero (ut in pauca contraham) domi sum Locarni, scilicet, quoniam vacationes habentur. Tui omniumque Christianorum, eorum præcipue qui de Republica Christiana bene merentur, sum amantissimus, sacris vero studiis (absit gloria) ita deditus, ut in his maximam temporis partem insumam. Hæc hætenus; Charta enim alijs majoris momenti sermonibus dicanda est. Nisi itaque scirem,

scirem, notum vobis omnibus esse, non paucos esse Christianos apud nos, qui non levibus persecutionibus sæpius fuerunt turbati, id esset præmittendum. Sed me minime latet, Præceptorem meum colendissimum, ejus causæ, quam audies, summum defensores, Dn. Johannem Beccariam, præsentem, (hujus enim rei gratia isthuc concessit) non raro ad clarissimum virum Dn. Contr. Pellicanum scripsisse, eique persecutiones, quas sustinemus, copiosius enarrasse; proinde rem istam aggrediar. Decem abhinc dies quorundam Phariseorum suasu ad nos venit Antichristi Præcursor quidam, perquam nequissimus (testis mihi erit Dn. Joh. optimique Locarnensium, quod non mentiar;) indoctus, pertinax, malignus, qui fidei nihil habet, pietatis parum admodum, charitatis quam minimum, Evangelicæ doctrinæ ne tantillum quidem, humanitatis nullum vestigium. Is frontis perfrictæ Pseudopropheta ausus est suggestum conscendere, & omnes humanas traditiones superstitionisque omne genus (ut ex ipsius conclusionibus, quas mittimus, colligitis) prædicare & docere. Tu ipse mihi considera, quo animo tot Christiani, qui apud nos sunt, potuerint tantum nebulonem ferre! Sed hæc ante omnia patienter audi: Ut primum huc pervenit, edictum habuimus Prætoris nostri, ne quisquam cum Pseudodoctorem verbis factisve molestaret: nonnulli enim ex Phariseis nostris id negotii cum Præatore tractaverant. Unde, antequam ipsum audivissemus, falsum doctorem & inimicum Christi judicavimus. Postridie ejus concionem audivimus adeo ridiculam, adeo impiam, ut apud nosmet ipsos constituerimus, non solum non amplius ipsum audire, sed contra tantum nebulonem surgere, tamque impiam doctrinam rejicere ac refellere. Sequenti die, dum impia haberetur concio, multi adfuerunt, quod ubi animadvertit Prætor, aliud edictum fecit, ut sub poe-

na

na quinquaginta coronatorum omnes conciones audiremus. Tunc multi cœperunt palam conqueri de tanta vi & injustitia: ipse namque Pseudopropheta cum fautoribus suis Prætori nostro talia perſuadebat. Tumultus factus est in populo: alii enim Pseudopropheta ex flagitiosorum consortio adveſto, alii Christo Servatori nostro credebant. Tandem inierunt conſilium quam plurimi contra nos, ut perderent nos, Nonisque Augusti ex Prætoris edicto vocati sunt quinque coram tribunali, è quorum numero ipse quoque sum. Vocati hilariter accessimus, hæc in ore semper habentes: si me perſecuti ſunt, & vos perſequentur. Et: Discedebant Apostoli gaudentes, quod digni habiti eſſent, qui pro Christo paterentur; Multaque alia hujusmodi. In Concilio sedebat Magnificus Prætor noster, interpretes duo, prætoris vicarius, pseudopropheta ipse, sacrificuli duo, quorum alter pastor noster dicitur, revera tamen non est, Medici Luganenses duo, qui omnes in necem nostram conspiraverant; sedebat præterea Clarissimus, deinde nos quinque. Illico Pseudopropheta protulit conclusiones impias, de quibus supra locutus sum, nosque cogere voluit ex consensu Prætoris aliorumque fautorum, ut vel eas concederemus vel negaremus, neutrum tamen potuerunt è nobis impetrare: Nam spiritus Domini semper nobiscum fuit, pugnavitque egregie pro veritate. Ostendimus enim illis, nos Christianos eſſe, ipsos vero à christiano nomine, nedum homine, longe alienos. Atqui idem egerunt nobiscum & falsi Testes & falsi Judices, de quibus audies, quod egerunt Judæi cum Christo Apostolisque: Tametsi enim veritatem palpabant, tamen magis ac magis ira exagitabantur contra Christum, magisque magis nos tentabant, nervosque omnes intendebant, ut alterutrum expiscarentur. Si aperte negavissemus, Vulcano nos tradidissent, nisi Dominus nos eripuiſſet  
è ma-

è manibus eorum. Si affirmassemus, male itidem nos tractassent. Postquam satis disputatum est, Prætor noster nolentibus nobis (quod esset contra omne jus omnemque æquitatem) quatuor ex iis, qui in nos conspiraverant (proh Deorum hominumque fidem!) iudices elegit, sacrificulos duos duosque Luganenses medicos, & quintum adjecit Medicum nostrum. Tu vides, Vir Clarissime Fraterque Amantissime! quomodo nos tractarint. Iudices ii perditissimi quatuor judicarunt, eas conclusiones catholicas, (ut ipsi loquuntur) hoc est, evangelicas esse credendas, nos vero Hæreticos, nisi eas approbavissemus. Nos strenue denuo pugnavimus contra nefarios Iudices. Sed tandem dimissis quatuor, solum Præceptorem meum in carcerem conjecerunt, quem tamen eodem die Dominus è carcere eduxit. Nunc timentes, ne pejus in nos sæviant ii, præsertim Prætor, qui dicit, se hæc omnia ex præscripto Illustrissimorum D. D. nostrorum facere; tibi Dulcissime Frater! supplicamus, totique Ecclesiæ vestræ, oramusque & obsecramus, ut nos hæc in re velitis adjuvare, donec venerit dies noster, quem omnino non effugiemus. Nisi igitur molestum est, pro Christo tantillum laboris subire, cum aliis Christianis Sapientissimo Senatui vestro causam hanc narrabitis & pro viribus defendetis, ut possimus domi tuto agere & Christi doctrinam promulgare. Quod si videritis, hæc vos in cassum tentare, prævideritisve quodpiam periculum, quod imminere nobis possit, facite, obsecro, nos certiores; Effugium enim aliunde nobis parabimus, juxta illud, si vos persecuti fuerint in una civitate, fugite in alteram. Speramus tamen, nos cum Domini auxilio impetraturos, ut liceat domi agere. Hæc sufficient! Eriamque etiam causam hanc æquissimam humanitati tuæ commendo. Locarni V. Id. Sextil. 1549.

Tuæ Reverentiæ sum, quantus quantus sum,

Thaddæus Dunus.

Tom. IV.

N

Num.

## Num. VI.

Tigurinæ Ecclesiæ Episcopo Rev.mo, Domino *Heinrico Bullingero* **THADDAEUS DUNUS** S. D. P.

**I**N iis, quas superioribus diebus ad Te, Humanissime Heinrice! dedi, literis, rem, ut erat gesta Locarni, bona fide exposui, deinde etiam atque etiam oravi, ut quantum in vobis est, efficeretis, ne persecutionibus premeretur Ecclesia nostra. Hoc, quia bonis coeptum est auspiciis, & quia omnem lapidem moveris, ut apud nos tuto prædicari possit Evangelion Jesu Christi, ego equidem pro universa Ecclesia Tibi cæterisque Ecclesiæ vestræ Ministris gratias habeo, quam possum, maximas. Referre autem quum nos non possimus, certi sitis, quod Servator ille noster pro tantillo labore centuplum gaudium sit redditurus: Nihil enim æque certum est, ac eos, qui pro Christo decertant, in omne ævum beatos fore. Quum enim Deus regnum cælorum, quod æternum est, promiserit filiis suis, iis inquam, qui Christum pro Servatore amplexi fuerint, qui aliter fieri potest? Quare age, Clarissime Heinrice! Stude, vigila, labora, ut intrepide possint Christiani pastores apud nos officio suo fungi, veritatem scilicet docere, pureque Sacramenta administrare, alioquin patriæ omnino valedicendum erit. Nam, si domi non licuerit vitam Christiano homine dignam ducere, saltem peregre licebit, ubi ubi Dominus voluerit. Neque vero putet, non esse tres quatuorve. Sane sumus quam plurimi; quanquam multi paulo infirmiores sunt, & lacte potius quam solidiori cibo egent. Iccirco, si per vos poterimus, quæ Christianæ Ecclesiæ necessaria sunt, ordinare; nemini dubium est, quin brevi credituri sint omnes cives nostri, favente Domino. Cognosces præterea ex literis Ecclesiæ nostræ, quæ his alligatæ sunt, & animum & fidem nostram, & amo-



& amorem quoque, quo Vos merito prosequimur. Faxint autem Superi, ut Oratores quod oramus exoremus. Ecclesiæ tuæ Te incolumem quam diutissime servet Dominus noster Jesus Christus, cujus etiam pax & gratia multiplicetur vobis. Amen! Locarni, pridie Calendas 8bris. A. 1549,

Num. VII.

Salve in Domino Jesu Christo, Reverendissime *Bullingere!*

**A**UDIO, Locarnensem Ecclesiam (quæ tot & tanta pro Christo passa est, ut miremur, eam in sana fide perseverare potuisse;) à quibusdam nebulonibus apud Dominos Potentissimos ipsorum falso Anabaptismi insimulari. Calumniatores autem, qui sint, quum occulti sunt & non aperti, pauperculi Christi certo scire non possunt, suspicantur nihilominus, unde tempestas oriatur. Atqui Anabaptistæ quoque erunt, qui statim ut infans illorum ex muliere natus est, difficili ac longo aliquot dierum itinere, nec exiguo sumtu, ad nos properantes veniunt, obnixè ac suppliciter rogantes, ut aliquem ex nostris mittamus, qui ipsum Baptismi sacramento iniet. Scimus Anabaptistas a Pædobaptismo abhorreere, tantum abest, ut approbent. Anabaptistæ quomodo erunt, qui tam avidè ac tanto desiderio Verbum Dei ac vestram doctrinam, quæ & nostra est, quam sancta & Christiana, a nobis cupiunt audire? Anabaptistæ doctrinæ nostræ inimicissimi, quoniam Lutherani & Zwingliani, ut ipsi ajunt, simus, vix nos videre sustinent, nedum audire. Diebus proximis Guido Veronensis, sanæ doctrinæ vir & fidelis Christi Minister, qui ne latum quidem unguem à vestra fidei Confessione discedit, quum ab iis vocaretur, non sine vitæ periculo Locarnum properavit, baptizavit infantulum, aliquot dies illic egit, continuo docendo, exhortan-

do & illos consolando, januis clausis, propter merum impiorum. Tigurinam Confessionem, quæ nostra omnium est, amplectuntur; instituta vestra, tanquam Dei oracula recipiunt, & Anabaptistæ erunt? Nunc demum tota illa Ecclesia, misso ad hoc nuncio, puerorum institutore, honesto viro & docto, ad me literas dedit, rogans, ut aliquis ex nobis, qui Ministri sumus, illo proficisci dignetur & baptizet filium infantem, esurienti pauperculæ Ecclesiæ panem Domini frangat; Hæcine sunt opera Anabaptistarum? Apagite perfidi nebulones, inimicissimi Christi, mendacissimi accusatores! quod his dicam, non me movent aperti hostes, sed clandestini, qui Christum profitentur & in propatulo fingunt se Christianos, hypocritæ, intus autem omnis pietatis vacui. Quin tandem potentissimi & fidelissimi Tigurini vestri, Bernenses Domini, & alii magnanimi & robustissimi Christianitatis anguli, Christi pauperum miserebuntur. Patientur usque in finem tantam Christo irrogari ab impiis injuriam? Dominos excipio; de reliquis tamen dico. Veniet igitur ad te, Eximie Bullingere, Antonius Marius, illius Ecclesiæ honorabile membrum, & quem tu nosti; veniet, inquam, exul Christi, nam dum inter cæteros emineret, non passi sunt impii, ut Locarni diutius ageret, sed cum nobili ac fidelissima uxore exul fit. Hic nunc Clavennæ habitat, audies illum pro illa Ecclesia. Tu si potes, Vir Clarissime, (potes autem plurimum) fave illi, fer opem afflictis, move omnem lapidem, ut liberentur pauperuli à tyrannide Antichristi non minus. Te per Christum oro, huic causæ insistas, quam in componendis & vulgandis illustribus tuis scriptis suscipis. Bene vale In Domino, ac Præceptores in Christo observandos, Dn. Pellicanum, Dn. Bibliandrum, Dn. Rudolphum, Dn. Gesnerum, & Dn. Frisum, verbis

bis meis saluta! Clavennæ, ultimo Maji. 1554.

Augustus Mainardus Tuus.

Num. VIII.

**Summa des Spruchs, den Tschudin  
samt anderen Mittelern zu Baden im Christm.**

A. 1554. ausgesprochen.

Wir sprechen, daß die XII. Ehrte, oder die VII. in deren XII. Rammern, denen, so zu Lugarus den neuen Glauben angenommen, sagen sollen: daß sie von sömlicher neuer Religion abstandind, und wiederum den wahren alten ungezweifelten Christlichen Glauben annehmind; dieweil doch der Landsfriede sömlichs vermag und zugiebet. Welche aber das nicht thun wölten, mögend und söllend innert 3. Monaten mit ihr Leib und Gut, Weib und Kind von Lande ziehen; doch sich nienen in der VII. Ehrten besondern oder gemeynen Herrlichkeiten niederlassen und wohnen, wol mögend sie dardurch in Passesweise wandlen. Und beduncket uns solches zu dieser Zeit Strafes genug seyn.

Num. IX.

*Gravamina sententiam hancce non assumendi, à bonis viris Christumque amantissimis tum exhibita.*

Wessen sich hierinn Christgläubige Leuthe beschweren mögen, solchen Spruch nicht anzunehmen.

Selbst heißen abstahn von dem Glauben, den wir für den rechten erkennen, oder anderen verwilligen, daß sie heissind andere vom Glauben abstahn, ist ein erley. Consentiens & faciens eadem poena plectuntur. Heissen aber abstahn von der neuen Religion und die wahr alt ungezweifflet annehmen, ist, seinen eignen Glauben nicht nur verläugnen, sondern auch ander Leuthe heißen verläugnen, darzu seinen eignen Glauben schmähen und schänden, als ob er neu und nicht

der recht alt wahr Glauben seye, der Widerpart Glauben aber preisen und für den rechten wahren alten Glauben bekennen. Hiermit werden die Schwachgläubigen geärgert, die Rechtgläubigen verursacht uns (als unehrliche Leute an unserem Glauben) zu schelten; die Widerwärtigen werden gestärket in ihrem Irrthum, der Irrthum wird gepflanzt und aufgerichtet; das Reich Christi und sein Wort ausgerissen, umgekehrt und verwiesen von dem Orte, da es angehebt wurzlen.

Was schwerer grosser Sünde das seye, und was grosser Raache folgen werde, kan ein jeder Rechtgläubiger aus seinem Glauben verstahn. Der Herr spricht in seinem H. Evangelio: Wer den Schwachen ärgert, dem wäre besser, ihm wäre ein Stein an Hals gehängt in das Meer. Matth. XVIII: 6. Welcher ihne verläugne vor den Menschen, den wolle er auch verläugnen vor seinem himmlischen Vater, Matth. X: 33. Anderstwie tröüet er das höllisch Feuer und ewige Verdammuß allen denen, die zur Unwahrheit helfen, und das Reich und Wort Christi nicht treulich fördern, 2. Theff. I: 8. 9.

Dieweil auch das soll ein Spruch seyn, so ist schon die Erläuterung gegeben über den Landsfrieden, daß er vermögen solle: Wann jemann zum Evangelio stah, daß er von solcher neuer Religion wieder abstahn und den Glauben der Römischen Kirchen, den sie den alten nennen, annehmen solle. Wie sehrne das lange, und was es mit der Zeit bringe, verstahnd die verständigen.

Es vermag weder Göttliches, natürliches, menschliches, noch kein billiches Recht, keine Bündte noch Landsfriede, daß jemanns schuldig seye seinen eignen Glauben zu schelten, und in anderen Leuthen zuverfolgen und straffen, oder verwilligen, daß es beschehe. Ja solches ist allen Rechten zuwider.

Straffen aber sollen die Oberkeiten das Böß,  
nicht

nicht das gut, Rom. XIII: 4. Deswegen haben keine Obere Recht den wahren Glauben zu straffen. Gottslästerung, Schand und Sünde soll man straffen. Wann man nun solches nicht strafft und aber rechtgläubige Leuthe straffet, mag männiglich dienen, was folgen werde.

Bisher hat man durch frömdländige Kriege helfen machen Witwen und Wäisen, und sie ihres Vaterlandes vertrieben; So man jeko daheimen auch anhebt verweisen, ist zubeforgen, die Masse werde voll, von deren der Herr spricht: Mit was Masse du missest, ic. so man williget, frommen Leuthen das Land zuverbieten, an dem man doch auch einen Theil hat, und aber sonst allerley, auch elende und böse Leuthe wohnen und wandlen laßt, ist zu besorgen, Gott werde uns das Land nicht lang mehr in Ruhe und Wolstande lassen einwohnen.

Der Herr Jesus spricht: Sierusalem werde einöd und wüst geleget werden, darum daß sie gläubige Leuthe vertriebend und arme Leuthe trängend. So ist die Straffe freylich groß genug, die einen Biedermann, der mid strafwürdiges gethan, von Hause und Heim in das Elend weiset, da er von Gewinn und Gewerbe kommet, das Gut, das er verlasset, denen muß feilbieten, die ihm um des Glaubens willen mißgönstig sind, und die, weil sie wissen, daß er weichen muß, gebend, was sie wöllend, ic. darzu er an anderen Öhrten, so er gleichwol einkommet, die Gelegenheit zu Erwerben nicht hat, die gute Weile viel seines Guts verzehren, in Summa zu Elend und Armuth gerichtet wird, und hat doch solches alles mit keiner bösen That verdient.

Pilatus ließe den Herren, den er unschuldig wüßte, geißlen, allein, daß er ihne nicht müßte kreuzigen, und versündigt sich übel mit solchem ungebührlichem Mittel. Darum kan man den frommen gläubigen Leuthen nicht verhelpfen, soll man doch nicht in ihre unschuldige Straffe

Estraffe verwilligen und sich an Gott versündigen, noch viel minder soll man üßid handeln, das unserm wahren Glauben mag nachtheilig, uns und unseren Kinderen ewiglich aufheblich seyn.

Gott gebe seine Gnad, daß eine gemeine Endgnosschafft einhällig seinen Willen tühe, und in seinen Gnaden sonden werde.

Über das alles wird der Wag der Genaden und Offenbarung Gottes mit einer schweren nimmer genug be-  
reuenden Sünde verschlossen, wann das Waglein da dannen verbannet wird, daß es nimmer dahin kommen soll!

### Num. X.

Epistola JOHANNIS BECCARIÆ, Misauco 1560.

*Dn. Johanni Wolphio, Tigurinæ Ecclesiæ Pastori vigilantissimo, scripta.*

**T**Anti est apud me, Wolphi Colendissime, amoris nostri mutui recordatio, tanti est de mea memoria, quam ex humanissimis literis tuis agnosco, ut mihi totus displiceam ob præteritum silentium, non aliunde profectum, nisi quod verebar, ne tibi Viro doctissimo & in seriis negotiis occupatissimo meis illiteratis literis obstreperem. Nunc, quoniam jubes, faciam libentissime, præsertim, quod nihil jucundius aut opatius mihi accidere potest, quam animi gravissimas molestias apud Te, amicorum præcipuum, deponere. Quo igitur in statu sint res meæ, paucis accipe. Principio tres illi Helvetiorum Pagi jam pridem hinc me ejectum cupiunt; Istud ut assequerentur, scriptis suis hos populos subinde sollicitarunt, nunc hortando, nunc monendo, nunc multa pollicendo, nunc dira minitando, nisi me Hæresiarcham ac Veteris Catholicæque Fidei oppugnatorem proscriberent. Horum assuctus gravissimas minas æquissimo animo ferre potui,

tui, dum in vivis esset Magnificus Dn. Antonius Sonius, Misauorum Consul, Mœcenas meus, vir pietate & omni virtutum genere suspiciendus, qui me isthuc ab amplissimo Senatu vocarat atque impetrarat. Eo mortuo, Satan per suos ita grassatur, ut videatur, cœlum terræ velle miscere, nisi extrudat. Res hæc in divi Martini nundinis ad Illustrissimos Dn. Dn. Rhætos Curia referetur ab his fratribus, à quibus, si impetratum fuerit, ut heic tuto hæere possim, hærebo, paratus quidvis pati, modo Christi Ecclesiæ quoquo pacto prosum. Quod nisi impetratum fuerit, cogor ad vos redire Tigurum. Non enim possum tot tantisque resistere hostibus solus; quanquam non sim solus, sed continue sentiam Dn. N. præsentissimam opem, quæ me solatur ac tuetur adversus omnes Satanæ, Papæ, & eorum Ministrorum horribiles minas. Jam ad hæc mala externosque hostes etiã accedit domesticus idemque nocentissimus hostis, rerum omnium videlicet penuria, quæ tanta, ut nunc magis quam antehac fere intelligam, quæ & quanta sit cœlestis in suos ubique providentia. Porro in his omnibus hoc unum me semper solatur, quod sciam, eam esse Christi Pastorum vocationem, ut ubique hos crux comitetur, quæ quo sævior fuerit, eo uberiores fructus sint expectandi ab his, qui pure Christi Evangelium annunciant. Habes, mi Wolphi Charissime, quod à me petis. Tuum erit, in tuis precibus me causamque ipsius, Domino, pro quo hæc patior, commendare, ut is pro sua incredibili misericordia secundum promissiones suas mihi semper & ubique adsit! Quod Antonium attinet, libenter abs te audio honestissimum de eo præconium; faxit Deus, ut, votis nostris respondeat! Is nondum me adiit, fecit enim iter per Gottardi alpes. Si dabitur parentem alloqui, instabo, hortabor, ut filium ea indole præditum ad præclara

Tom. IV.

O

stu-

studia juvet. Reliquum est, ut clarissimum Virum  
 Dn. Bullingerum, parentem meum pientissimum,  
 Seculi nostri decus, cum tota ejus Familia, meis u-  
 xorisque meæ verbis salutes, eidemque rerum mea-  
 rum scenam significes. Salutabis quoque ornatissi-  
 mos & doctissimos Viros, Dn. Dn. Waltherum, La-  
 vaterum, Hallerum, Josiam, Vickium, Zvinglium,  
 & una cum his reliquos urbis istius vigilantissimos  
 Pastores, quibus precor a Domino ea Spiritus do-  
 na, quibus vere præstent, quod dicuntur. Ego  
 & Conjux mea resalutamus Te Tuamque pientissi-  
 mam, ac precamur sanctæ familiæ tuæ omne bo-  
 num. Tu me ama, ac vive Christo, ejusque Fratri-  
 bus. Misauici, die 7. Novembr. 1560.

Johannes Beccaria, Tuus.






# TEMPE HELVETICA,

*Dissertationes atque Observationes*  
THEOLOGICAS, PHILOLOGICAS,  
CRITICAS, HISTORICAS,  
EXHIBENS.

Tomi Quarti

*Sectio Secunda.*



---

TIGURI,  
EX OFFICINA HEIDEGGERIANA.  
M DCC XXXIX.

# T A B U L A

## *Sectionis Decimæ Quartæ.*

- I. *Henr. RINGIERII*, Dissertatio Theol. de Fontibus Errorum, eorumque πρώτοις ψεύδεσι. p. 207.
- II. *Car. Frid. NECKER*, Responsio ad Quæst. JC. Quis sit verus sensus Axiomatis: *Salus Populi suprema Lex?* Numve liceat ejus causa aliquid agere, quod legibus naturalibus aut civilibus repugnat? p. 226.
- III. *Samuelis KOENIGII*, Dissertatio Theol. Crit. de Hæresibus in genere, deque Trihæresi Judæorum in specie. p. 232
- IV. *Emanuelis MÜLLERI*, Illustratio loci Judæ, v. 9. de Lite Michaelis cum Diabolo, ex apparitione Mosis cum Elia coram Christo, Matth. XVII. 1-9. p. 251
- V. *Job. Conradi HOTTINGERI*, Dissertatio Philol. de Ritu dimittendi reum in Festo Paschatis Judæorum. p. 264
- VI. *Philaletii Almangavi*, de voluntario Ludovici IV. Bav. & Friderici Pulchri, Austr. imperii Consortio, aut imaginario aut invalido, modesta Epicrisis, Virorum Cl. *Jo. Frid. Baumannii & Raym. Duellii* argumentis opposita. p. 305
- VII. *Jac. Christoph. ISELII*, Æternitas Mundi, argumentis Historicis ex Novitate artium, &c. confutata. p. 319
- VIII. *Job. Henr. LEDERLINI*, Meletema Philolog. de Templis Argenteis Dianæ Ephesiæ, ad locum Actor. XIX. 24. p. 346
- IX. Conspectus *ACADEMIÆ BASILIENSIS*. p. 352
- X. *Gottthardi HEIDEGGERI*, Fata Ecclesiæ. p. 383
- XI. Nova Literaria Helvetica. p. 385

V I R O

*Plurimum Reverendo atque  
Clarissimo,*

MELCHIORI HURTER,

S. S. THEOLOGIAE ut & PHILOSOPHIAE

*In LYCÆO SCAFFHUSIANO,*

PROFESSORI P. O.

*Polyhistori Eximio,*

Literarum Promotori & Vindici  
*Ferventissimo,*

VERITATIS, QUÆ SECUNDUM

PIETATEM EST, DOCTORI

*vere Incluto,*

Amico suo Suavissimo atque  
Integerrimo,

# TEMPE HELVETICÆ

Sectionem Decimam quartam

D. D. O. C.

Prosperosque Successus in eruditis laboribus exegeticis, quorum initium fecit  
in elucubratione

COMMENTARII EPISTOLÆ PAULI  
AD TITUM,

Quem ab erudita ejus manu propediem  
expectamus,

*A fonte omnis Lucis atque Salutis*  
Integro Corde apprecatur

JOH. GEORGIUS ALTMANNUS.



I.

HENRICI RINGIERII,

S. Theol. in Acad. Bern.

Prof. Prim.

DISSERTATIO THEOLOGICA,  
DE  
FONTIBUS ERRORUM

Eorumque πρώτοις ψεύδεσι.

*Argumentum.*

§. I. Præstantia notitiæ fontium errorum. Ordo tractationis. §. II. Cautio, quæ in studio elenctico adhibenda, producitur. §. III. Ea tamen non obstante hujus necessitas probatur, ex importunitate adversariorum, ex officio defendendi veritatem, & ex ratione officii pastoralis. §. IV. Objectum hujus studii sunt hæresis & error. Datur definitio eorum & discrimen. Cl. *Heidani* sententia circa hæc  
Tom. IV. O par-

partim recipitur partim refellitur, additis rationibus. §. V. Quis non mereatur notari *Hæreticus*, ostenditur, ut & discrimen inter hæresin & infidelitatem. Ambrosius citatur. §. VI. Omnis erroris fons philautia statuitur, & omne erroneum iudicium tribuitur vel falsæ de rebus perceptioni & voluntatis propterantix, vel cupiditatibus veritati contrariantibus. In priori se prodit *philautia*, & inde oritur præiudicium autoritatis. Quod exemplis illustratur. §. VII. Oritur etiam inde desidia in inveniendis nominibus rebus convenientibus. Inde multi errores orti sunt. §. VIII. In posteriori iterum se prodit *philautia*. Ex ea gignuntur tres affectus pro triplici bono. 1. *Voluptas*; Ex hac ortæ sunt foedissimæ hæreses, quod probatur exemplis. §. IX. 2. *Ambitio*. Ex ea multos provenire posse errores, ostenditur ex hominis nativa labe, & ortos esse, exemplis. §. X. 3. *Avaritia*, si non gignit, saltem propugnat hæreses. 1. Tim. 6: 3. §. 10. Quod exemplo Papicolarum probatur. §. XI. Ad probandam sententiam de triplici errorum fonte citatur Ignatius Antioch. idem sentiens. §. XII. 1. Ex dictis probatur, notionem hæreseos potius ad voluntatem quam ad intellectum referendam esse. 2. Dantur remedia adversus errores, cum prophylactica, tum therapeutica.

§. I.



Iudice ARISTOTELE Lib. I. Analyt. Post. cap. 2. *Id demum sciri creditur, cujus causa tenetur.* Et juxta VIRG. Georg. 2. *ille demum sit Felix, qui potuit rerum cognoscere causas.* Haud abs re fuerit, Elencticen tractanti, ERRORUM, circa quos refellendos omnis versatur labor, detegere FONTES, & in primas inquirere causas, uniuscujusque πρώτον, quod vocant, ψεύδος. Ut autem zizaniorum larga semper seges est, & Error errorem gignit, foetæ matricis adinstar, sic non cujusvis erroris πρώτον ψεύδος, sed aliud alio propius remotiusve, alterumque alterius mater. Propositum itaque nobis est: 1. Omnium in genere Errorum atque hæresium investigare fontes atque causas. 2. Dein cujuslibet Sectæ vel hæreseos, earum imprimis, quæ hodiernum Ecclesiam Dei deturpant, in aprico ponere omnium πρώτιστον ψεύδος peculiare, ut, quo reliqua ψεύδη tendant, cuius pateat. Quod cum affecutus fuerit Controversiarum Tractator, næ facile is eludet Adversariorum strophas igneque Satanæ tela elidet.

§. II.

Ne autem inutilem posituri operam videamur, ac si mendacia pro veritate, pro luce tenebras venditemus; in antecessum studii hujus elenctici utilitatem pariter atque necessitatem paucis evincemus, carptim huc facientia indicaturi, quæ alii sparsim atque fuscè hinc inde tradunt. Hic vero cautione opus est, ne veritate neglecta erroribus inspiciendis atque pingendis majorem temporis partem & omnem fere operam colloceamus. Eorum similes, qui aversos à venusta castaque sponsa oculos in deformem scortum

tum defigunt, vel vespertilionum more atque talparum, ad lucem excutientes, tenebras pervolitant atque perreptant. Quis enim eo quo decet animo atque studio mendacium debellandum aggredietur, nisi cui veritatis, doni illius cœlestis, pretium atque venustas cognita est & perspecta? Qua in re multos præpostera methodo studia tractare sua, & vetus est querela, & temporum nostrorum experientia comprobatur; multis namque in more positum culpando, strophis prius technisque Adversariorum indagandis & convellendis, quam veritati, cui illæ struuntur, pericrutandæ ac confirmandæ, tempus atque operam impendere: Unde non usque adeo felices Veritatis Defensores existunt. Quod in Lactantio HIERONYMUS observat, Epist. ad Paulinum XIII. scribens: *Utinam LACTANTIUS tam nostra confirmare potuisset, quam aliena destruxit.* Diva veritate in aprium prolata, mendaciorum idola, haud secus atque coram Arca Jehovæ Philistæorum Dagon, sponte cadunt; ad veritatis jubar dispelluntur tenebræ etiam spississimæ, talia enim opera redarguuntur à luce, Joh. 3: 20. Hic in mentem venit, quod Cl. WAYENUM plus semel narrantem audivimus, de insignis eruditionis & eximiæ spei, nisi præmaturo fato abreptus fuisset, juvene, ipsius condiscipulo, qui summos in Theologia honores sub Cel. Viris Coccejo, Heidano, Hoornbeckio, tum temporis fulgentibus Academiæ Leidensis Luminibus, ambiens, in tentamine prævio ingenue confessus sit, nescire se Pelagianorum, Socinianorum, Arminianorum, aliorumque falsa Dogmata atque S. Scripturæ *σεβλώσεις*; non enim erroribus ediscendis, sed eruendæ veritati, se tempus & operam locasse, perque totum Studii sui Theologici cursum aliud præter S. Scripturæ Textum Originalem sese nec legisse neque meditaturn esse. Instantibus Viris Cel. futuro tamen Theologiæ Doctori necessariam prorsus esse Controversiarum atque Hæresium



resum notitiam, respondit: *Confidere se, se hydras adversus veritatem insurrecturas gladio Spiritus S. facile debellaturum esse.* Hoc dicto Viri Cel. tentamen & in tentamine partes præcipuorum Adversariorum suscipere, certatim Argumenta eorum urgere, tela indictum juvenem ejaculari; Ipse vero tanta dexteritate omnia elidere, nexus nodosque ea responsionum soliditate solvere, ut Viri Cel. Examinatores stupuerint, non erubescerent fateri, multas easque solidissimas ex datis responsionibus, ipsorum cogitationi hætenus non subiisse.

### §. III.

Hæc, quæ Cautelæ loco præmittimus, non ea mente commemoramus, ac si Studium Theologiæ Elenct. rite & moderate institutum rejiceremus. Ejus etenim necessitatem nobis imponit tum importunitas Adversariorum *Veritatem in injustitia detinentium*, Rom. 1: 18. S. Scripturæ depositum quovis auro pretiosius, quovis melle dulcius, adulterantium, 2. Cor. 4: 2. *Sacras Scripturas ad suam ipsorum perniciem σβεβλίντων, torquentium*, 2. Petr. 3: 16. *pretiosum à vili, paleas à frumento non secernentium*, Jerem. 15: 19. & 23: 28. Tum officium defendendi veritatem; Episcopus quippe debet esse *ἀντεχομενος τὰ κατὰ τὴν διδασχὴν πιστὸς λόγος*, ne potens sit etiam contradicentes redarguere, Tit. 1: 9. Tum ipsa officii Pastoralis ratio; Pastoris quippe est, non tantum pascere gregem, sed & oves aberrantes & seductorum fraude abactas atque perditas querere, inque viam reducere, Ezech. 34. Act. 20: 28. defendere adversus lupos graves & rapaces, ne hostibus gregi Dominico inhiantibus præda cedant, Act. 20: 29. & Pastor aufugiens Mercenarii atram incurrat notam, Joh. 10: 12. 13. Inter requisita Episcopi non ultima refert Apostolus, ut sit *δυνατὸς τὰς ἀντιλέγοντας ἐλέγχειν καὶ ἐπισομίζειν*, Φιμῶν, capistro quasi ori injecto ad silentium, *ἱκεχυθῆσαν*, redigere, Tit. 1: 9. 11. Securus tum demum agit grex Dominicus,

nicus, quando sub *virga atque pedo*, h. e. virtute *rectrice atque proteſtrice*, Ἀρχιποιμενος, ejusque Ministrorum, lætabundus cantare poteſt illud Pf. 23: 1-4.

#### §. IV.

Demonſtrata Neceſſitate juxta cum Utilitate ſtudii Elencſici, pergimus ad ejus Objeſtum primarium circa quod verſatur; quod ſunt *Errores atque Hæreſes*, quos refellere docet, quorum *fontes & principia* hac vice generaliora, omnibuſque communia, detegemus; poſthac, Deo volente, eorum *πρῶτα ψευδή*, & unius cujuſque Sectæ peculiare & quaſi *πρωτων ψευδων τὸ πρωτισον*, indagaturi. Quod ut rite atque ordine fiat, ante omnia quid per *Errorem*, quid per *Hæreſin* intelligamus, verbo indicabimus. ERROR nobis dicitur *pravum de rebus vel non clare perceptis, vel ſenſui carnis contrariis judicium*. Verbo, *quicquid à veri tramite deſleſcit*, erroris nomine venit. HÆRESIS ἀπὸ τῆς αἰρεῖσθαι τὶ ἴδιον καὶ τῷ ἐξακολουθεῖν, ab eligendo dicta, vox uſus medii eſt, & notante Doct. BUDÆO, non tantum *Sectam & dogma*, ſed etiam *γνωμὴν animum & propoſitum* notat; ſignificat enim *ſententia*, ſive vera ſit ſive falſa, *electionem*. Confer Act. 5: 17. 24: 14. 28: 22. SECTAM vocamus, quia *ſequimur ſententiam*, ejusque Profeſſores. Hic, ut plerumque, uſu eccleſiaſtico vox *Hæreſeos* in vitio ponitur, ſignificans *ſententia falſa, fidem ſubvertentis, electionem, ejusque pertinacem deſenſionem*. Ubi notandum, Errori, notioni quippe generaliori, *hæreſin* ſuperaddere, 1. ut ſit error gravis, ipſum fidei fundamentum directe aut indirecte evertens, qui *ἀπωλειαν, perniciem certam ſecum vehit*, 2. Petr. 2: 1. 2. & *Anathema*, Gal. 1: 8. 9. quia *περὶ τὴν πίſιν καὶ ἀλήθειαν ἀποχῆσι*, circa fidem & veritatem aberrant à ſcopo. 1. Tim. 1: 5. 6. & 6: 21. & 2. Tim. 2: 18. Uſu Eccleſiaſtico hæreſis eſt ἡ παρὰ τὴν ὁρθόδοξον πίſιν δόξα. Non quilibet Error, etiam levis, hæreſin

resin constituit, quamvis quælibet hæresis simul error sit, nec nisi errore aliquo hæresis esse possit: ut ipse AUGUSTINUS monet in Præf. in Lib. de Hæres. ad Quodvultdeum. Facile itaque damus Cel. HEIDANO, in de *Origine Erroris* Tract. pag. 147. ex materia errori & hæresi substrata ejus essentiam esse indagandam. At quod dicit: *Hæresin semper in defectu tantum peccare, tollendo articulum fidei; errore vero peccari, vel per mutationem, aliter explicando articulos fidei, vel per excessum illis adjungendo, quod de fide non est.* Hic Viro Doct. calculum addere non possumus; qui enim alienum sensum articulo affingit, eopse destruit illum. Sic Sociniani diserte non negant articulos fidei plurimos, quos tamen falsis suis interpretamentis destruunt; & fieri potest, ut superaddita ipsum fundamentum evertant ac negent. E. g. Traditionum necessitas negat sufficientiam principii cognoscendi, eo-que ipso fundamentum, cui *fides quæ*, ut dicitur, innititur. Satisfactiones humanæ, purgatorium, Mediatores intercessionis, & alia hujus generis commenta, tollunt articulum de plenaria Jesu C. satisfactione. Sacrificium Missæ quotidie repetendum, tollit sacrificii Christi expiatorii sufficientiam ejusque mortis efficaciam. Recte dein pag. seq. monet Vir Cl. quando dicit: *Hæreseos tales arguere non ausim, nisi in additis (addo ego, & in mutatis, vel male expositis,) virtute adsit detractio, & vera fidei seu partis alicujus negatio.* Id quod ut plurimum obtinere, attendenti ὁφθαλμοφανώς adparet. 2. Errori hæresis & illud superaddit, ut quis talem errorem post unam & alteram admonitionem pertinaciter defendat, ἑλεγχον non admittat, rationesque meliora monentium etiam luculentissimas non audiat; qualem Apostolus vitandum vult Tit. 3:10. Rom. 16: 17.

## §. V.

Ex dictis sequentia duo deducimus Consecratoria.  
 α. Hæretici notam ei non esse inurendam, qui ex imbecillitate, ἐκ προλήψεως, & abreptus præconceptis opinionibus, quantumvis graviter, errat, quamdiu Elencho & καταρτισμῶ locus conceditur. Gal. 6: 1. Talis paratus meliora edoceri, pro fratre potius infirmo agnoscendus, atque suscipiendus est, ejus infirmitates ferenda nobis, ipseque spiritu lenitatis erigendus ac reducendus in viam. Rom. 14: 1. & 15: 1. 7. Gal. 6: 1. 2.  
 β. Patet, discrimen intercedere inter Hæresin & Infidelitatem. Infidelitas S. Scripturam principium cognoscendi non agnoscit, & vel totam, ut Paganismus & Muhamamedismus; vel alteram ejus partem, Novum scil. Test., ut Judaismus respuit. Hæresis vero totam Scripturam, quoad literam, admittit pro norma fidei ac morum; sed vel non solam, vel in alienum sensum detortam, ut ita παρὰ τὴν διδασχὴν, ἣν ἐμαθον, præter doctrinam, quam ex ore Θεοπνεύσων didicerunt Orthodoxi, exitiales foveat errores, & sub nomine Christi ejus doctrinam neget. Sic AMBROSIIUS Comment. in Luc. Lib. VI. Cap. 9. de hæreticis loquens, dicit: *Nemo enim Christi nomen negat, sed negat Christum, qui non omnia, quæ Christi sunt, confitetur.* Idem de Fide, Lib. I. cap. 4. *Hæresis velut quædam monstruosi scylla portenti in varias formas distincta perfidia, v. l. t. superne vacuum Christianæ Sectæ nomen obtendit.*

## §. VI.

Hiscæ prælibatis, pergimus ad errorum graviorum, quos atro hæreseos nomine insignimus, fontes ac Originem detegendos. Quos unico obtutu, quin & unico verbo, conspiciendos oculis objiciemus, si dicamus: pravam *philantiam*, uti omnis mali turpis, sic & errorum atque hæresium quarumcunque, fontem esse

esse atque causam unicam. Cum vero fons hiccevenenatus in tres capitales sese effundat rivos, ex æquo lutulentos atque lethales, *Voluptatem* puta, *Ambitionem* atque *Avaritiam*, ex quibus quicquid pravae est propensionis promanat, ex altero istorum rivorum si omnes, quotquot unquam Ecclesiam Dei infestarent, errores ac hæreses derivabimus, haud à vero nos abludere putamus; quod demonstratum ibimus per inductionem, & per singulas philautiæ classes cundo. Si probe ad nos ipsos attendimus, facileprehendemus, quod omne de rebus divinis & salutem hominis spectantibus iudicium erroneum, ortum suum debeat, *vel* falsæ nec satis claræ de rebus perceptioni, adeoque Voluntatis intellectu latius patentis nimiae properantiæ & acediæ; *vel* Affectibus & cupiditatibus veritatem non ferentibus, quibus error ad blandiri videtur, quod enim quis verum esse cupit, id prorsus sic se habere, sibi aliisque persuadere conatur: Utrobique autem sese prodit philautiæ vitium. Si prius locum habet, mens ideo de non perceptis iudicat, quia amat desidiam atque voluptatem, *φιλήδονος ἐστὶ μακρόν ἢ φιλαληθείας*, 2. Tim. 3.: 4. Mollior sibi & magis compendiaria ad veritatis cognitionem videtur via, si verum credat, quod alius, politioris præcipue ingenii Vir, vel etiam Præceptor, in cuius verba alias cæco ductu jurare suevimus, verum dictavit; quam si labore multo atque sudore ingenii-que intensione ipse in veritatem inquirere cogatur. Pro sententiæ, quam sequitur, ratione sufficit ipsicum Pythagoræ Discipulis dicere posse: *αὐτὸς ἔφα.* A majoribus recepta vix ac ne vix quidem dimittit; quibus haud parva vis accedit, si magnæ eruditionis vel probitatis fama celebrem aliquem præcuntem habeat Doctorem. Paucissimi sunt, qui revera dicant: *Amicus Plato, Amicus Aristoteles, Amicus Coccejus, Amicus Voëtius, sed magis amica veritas.* Exemplo nobis esse

possunt, præter omnium qui unquam fuerunt Hære-  
 siarcharum sequaces, ipsi Judæi, πατροπαράδοτοι adeo  
 affixi, ut autoritate Moïsis, vel perperam intellecta,  
 vel fraudulenter inde à Sinai citata, & præjudicatis  
 opinionibus occupata gens in ipsissima salutis die cæ-  
 cutiat, *oculis videns non videat*, Esaj. 6: 9. Corpore  
 quod Christi est rejecto, umbras capter, & egenis  
 mundi elementis sese pascant, 2. Cor. 3: 14, 15. Col. 2:  
 17. Gal. 4: 2. Idem evenit Muhammedis admiratori-  
 bus, qui Pseudo-prophetæ sui æstimo præventi, ab-  
 surdissima quæque pro divinis admittere revelationi-  
 bus satius ducunt, quam omnia explorare & sub exa-  
 men revocare. Quid dicemus de Pontificiis? qui in-  
 fallibilitatis Papalis vel Ecclesiæ Romanæ autoritatis  
 fascino præstricti, laudi sibi, proh pudor! ducunt, si  
 cæca obedientia & fide implicita, quam per ignoran-  
 tiam definire sustinent, sedis Pontificiæ dogmata &  
 decreta sine ullo examine, nedum ad revelationis di-  
 vinæ amussim exacta, quod illis nefas, recipiunt. Pa-  
 ria his faciunt, quotquot in alieno cerebro habitare  
 malunt, quam molestis lucubrationibus & onerosa  
 meditatione propria ingenii scrinia excutere, & quæ  
 probæ sint monetæ dogmata ac scita, quæ secus, ex-  
 plorare; qui impense adeo depereunt, quæ æstuma-  
 tus ipsis Magister docuit, ut aliter sentire non tan-  
 tum, sed & loqui, religioni sibi ducant, & cum re-  
 bus ipsa etiam Magistri verba adoptent, quorum abu-  
 sus dicam an defectus, multis etiam errandi occasio-  
 nem dederunt. Qui enim laboris impatiens est, res  
 non exacte uti decet pensitat, vocabulis potius, qui-  
 bus ideam, quam de rebus nondum probe perceptis  
 format, exprimere satagit, intentus est, quam rebus,  
 post clarum demum conceptum suis designandis no-  
 minibus. Hinc sæpe usu venit, ut cum notiones &  
 voces rerum naturæ depingendæ minus aptas adhibe-  
 mus, ansam præbeant & nobis & aliis errandi. Quod  
 ut

ut. in rebus physicis fieri videmus , e. g. in describendo brutorum sensu, nobis non satis perspecto, tales usurpamus notiones, quæ aut meras machinas & automata, aut contrario errore, substantias cogitantes & more nostro ratiocinantes, ista constituunt. Ne jam dicam, de illis ignorantiaæ asyilis, occultis puta qualitatibus, sympathia & antipathia, formis substantialibus, fuga vacui, aliisque philosophiæ monstris, quæ graves etiam in ipsam Theologiam errores invexerunt.

### §. VII.

Sic non minus in rebus divinis errandi occasio fuerunt nomina rebus minus convenientia. Quando, quæ humani ingenii luxurjes est, homines finiti sui captus immemores, non contenti λόγοις διδακτοῖς πνεύματος ἀγίου, sed λόγοις ἀνθρώπινης σοφίας effinxere, quibus res divinas, mysteria etiam incomprehensibilia, delinearent. Sic nomina *Triados*, *Hypostaseos*, quibus Græci; & *Substantiæ*, *Personæ*, &c. quibus Latini usi sunt in declarando Mysterio SS. Trinitatis, non tantum mutuo fuerunt offendiculo, sed multis tres Deos realiter distinctos statuendi ansa extiterunt. Vocabula ὁμοιούσιος ac ὁμοουσιος, in certamine cum Arrianis adhibita, aliis tres Deos subordinatos, ut Aëtio, Apollinario; Aliis è contra unam ut Essentiam sic & Personam fingendi causa fuerunt, ut Photino, & quotquot Noëti, Praxeæ ac Sabellii, errorem recoxerunt. Nomen Θεοτόκος; *Deipara*, Mariæ Virgini negatum ab Anastasio Presbytero Const. & aliis, ab aliis ei vindicatum, causa fuit, *Illis* quidem cum Nestorio negandi unionem hypostaticam, duasque statuendi in Christo Personas; *His* vero cum Eutyche tollendi naturarum in Christo distinctionem, & negandi carnem Christi nostræ consubstantialiem. Quid memorem vocabula *Satisfactionis*, *Indulgentiæ*, *Absolutionis*, in foro Ecclesiastico innocuo sensu adhibita, quæ

quæ seculis ignorantiae translata ad forum divinum, pessimorum errorum ansa fuere. Sic incautæ Patrum & tropicæ locutiones, in materia de S. Coena ulurpatæ, quales illæ *Sacrificii, Oblationis, Altaris, Epuli Eucharistici, &c.* non advertentibus, & explorationis molestiam suscipere respuentibus, occasionem dedere fingendi sacrificium proprie dictum & incruentum Missæ.

### §. VIII.

Si *posterius* locum habet, ut erroneum de rebus judicium oriatur ex *pravis affectibus* veritati contrariantibus, aperte iterum se prodit philautia, ex qua, ceu totidem filiæ, tres progignuntur propensiones & affectus capitales, pro triplici bono, in quod propendet sui amans, *jucundo, decore atque utili.* Vel enim *Voluptas* progignit errorem, vel *Ambitio*, vel *Avaritia*, nimiusve seculi ejusque commodorum & favorum ambitus. & *Voluptatis* sectationem plurimis iisque foedissimis hæresibus ortum dedisse, ex parte jam demonstravimus. Idem comprobarunt, quotquot ex Simonis Magi schola sua hausere dogmata spurca, statuentes vagas libidines & promiscuos concubitus licitos, ut tota *Gnosticorum* colluvies, *Basilidiani*, uttaeam quæ veteres, cum Irenæo, Eusebio, Epiphano, de *Nicolaitarum* impura secta tradidere, *Carpocratiani, Epiphaniani, Adamitæ, Cainiani, Valentiniani*, & alij; qui obtentu veræ *libertatis Christianæ* docuerunt solutas esse leges, quibus carnalium libidinum restringitur exercitium, & obsequium Magistratui civili debitum injungitur; & sic suæ aliorumque voluptati litarunt. Quos Divus Petrus penicillo Spiritus Sancti depingens notat per τὸς ὀπίσω σαρκὸς ἐν ἐπιθυμίαις μίανουσιν πορευομένοις, - - *post carnem in impuris concupiscentiis ambulantes, & dominatum spernentes*, 2. Petr. 2: 10. *voluptatem ducentes luxum quotidianum*, ibid. v. 13. Judæ v. 4. 8. 12. Quid inimico infernali locum & copiam



copiam fecit ferendi zizania, & hæreses disseminandi in agro dominico, sive Ecclesia, *decem dierum afflictione*, omnibusque gentilium persecutionibus defuncta, Apoc. 2: 10. quam alma illa pax, profunda quies, omniumque rerum abundantia? Voluptatibus dediti atque deliciis, *σπαταλῶντες καὶ ἰντροφῶντες*, Jac. 5: 5. 2. Petr. 2: 13. *quibus venter Deus, terrena sapientes*. Phil. 3: 19. *hisce carnis blanditiis sopiti dormire occeperunt, & ager Domini noxiis confitus fuit errorum zizaniis*, Matth. 13: 25. Quid ignem Purgatorii dudum incensum, pluresque errores Papales, foveat, quam quod in Agapis & ex Agapis hisce populi Christi convivantes seductores sine metu sese pascendi copiam habent. Judæ v. 12. Quid Muhammedi, sceleratissimo impostori, tot millia sectatorum intra breve temporis spatium conciliavit? Certe dogmata carni grata & ad palatum voluptuosorum cusa, quæ ipsorum observatoribus non tantum in hac sed & futura vita delicias & voluptatum omne genus addicunt.

### §. IX.

2. *Ambitionem* si quis præcipuam omnium Errorum atque Hæresium causam posuerit, næ ille nostro judicio non erraverit. Homo quippe, qualis jam est labe nativa infectus, fastu turgidus, aliis præstare laudisque palmam præripere gestit & dicier: Hic est. Cum vero sæpè per angustos ingenii sui limites curramque doctrinæ suppellectilem ad summum Doctoris gradum & pallium attingere non valeat, expeditum ad celebritatis famam acquirendam & subsellia Doctorum conscendenda iter opinatur, si novæ hætenusque inauditæ, quantumvis ineptæ, sententiæ Author atque Inventor exsurgat; ut vel hac via, si alia non datur, inter homines inclarescat, mavult *Templum Dei sumo replere hæresium perniciosarum ex puteo Abyssi ascendentium*, Apoc. 9: 2. vel cum Herostrato ignem inferre & incendium facere, quam penitus

tus latere & nullius ore celebrari. Hinc fastidit *vetera*, quia nimis vulgata, quare vel ipsum *ὁρθοδοξίας* nomen horridum ipsi est; Confessionum quin etiam, Symbolorum, Formularum, subscriptiones refugit, ne sibi præscribi dum patitur, aliis doctrina & prudentia inferior videatur. Ex hoc fonte dimanavit Simonis Magi, dicentis seipsum μέγαν τινα, Act. 8: 9. ejusque propaginum Gnosticorum *ψευδονυμῶν γνώσει* tumidorum hæresis, Arrii item qui Alexandro, Donati qui Cæciliano Episcopatum, ille Alexandrinum, hic Carthaginensem invidebant. Rejicit ambitiosus *nova*, quorum ipse non est inventor; de quo luculentum legere est testimonium apud THEODORIT. Hist. Ecc. lib. I. c. 4. in Epist. Alexandri Ep. Alexandrini ad Alexandrum CP. tanum, hæc scribentem de Arrio toto Orbe famosissimo Hæresiarcha ejusque sequacibus: *Qui nec ullos ex antiquis sibi comparari volunt; nec eos, quibus nos ab ineunte ætate magistris usi sumus, exæquari sibi patiuntur; Sed nec ullum ex omnibus, qui hodie sunt Collegæ nostri, ad mediocrem scientiam pervenisse censent. Solos sapientes καὶ δογματῶν ἐφετάς, & dogmatum inventores, sese dicentes, sibi que solis ea revelata esse, quæ nemini unquam eorum qui sub cælo sunt in mentem venerant.* Ut merito ad hæc exclamet: *O nefariam superbiam!* &c. Superbia qui transvorsum agitur, à semel adoptata sententia nullis rationum ponderibus, nullo ariete, dimoveri se patitur; metuens, ne si palinodiam canat, atram nomini suo ignominiam inurat, ipseque omni existimatione privatus, ceu *stella ex cælo Ecclesiæ cadens*, omni splendore & gloria exuatur. Apoc. 8: 10. Id probatum eunt omnia omnium temporum de rebus Religionem attinentibus habita Colloquia, Collationes ac Disputationes, in quibus sæpe per infausam τῆς ἀνβολῆς ἀμετρίαν in contrarium non minus perniciosum prolapsi sunt errorem hæresium oppugnatores. Docent id exempla Dionysii Alexand. contra Sabel-  
lium,

lium, & Eutychis contra Nestorium, acriter decertantium, qui ambo nimio disputationis ardore abrepti in oppositum erroris scopulum impegerunt, in scyllam incidentes, dum volebant vitare charybdin. Ille enim non tantum Personarum distinctionem, quam Sabellius negarat, sed & Essentiæ differentiam gloriæque inæqualitatem in SS. Trinitate; Hic vero contra Nestorium duas in Christo Personas statuentem disputans, contrario errore, unicam in Christo naturam adstruxit. Ex recentioribus Arminius, studio contradicendi Collegæ suo Gomaro transvorsum actus, perniciosæ gratiæque divinæ inimicæ hæresi ortum & nomen dedit. Irrita idem arguunt consilia henotica, & Ecclesiarum Protestantium toties frustrata unio. Memorabo-ne, an potius deplorabo? intestinum Coccejanorum & Voëtianorum bellum, cui vixdum finiendo sola nomina fomentum subdunt. Et quid valeat famæ aucupium nominisque per ora hominum celebratio etiam apud illiteratos, Helvidius, qui Hieronymo homo Rusticanus, vixque primis literis imbutus audit, suo nos docere potest exemplo; quippe qui ex novo dogmate nomen sibi comparare satagens contendit, B. Mariam post nativitatem Domini Josepho matrimonio junctam ex ipso filios suscepisse, fratres Domini in historia Evangelica appellatos.

### §. X.

2. *Avaritiam* denique, seu immoderatam opum atque commodorum seculi cupidinem, si non in excutendis, certe in defendendis hæresibus, suam exercere vim nemo inficias ibit, nisi qui negabit quod Apostolus querens asserit: dari qui ἑτεροδιδασκαλῶντες, & non accedentes ad sanantes sermones D. N. J. C. putent pietatem esse quæstum, & avaritiam appetentes à fide aberrant. 1. Tim. 6: 3. 5. 10. quique oculos volens claudit ad ea, quæ fiunt in Papatu, ubi cultus Idololatricus, totus ad

ad nundinationem & quæstum comparatus, ideo nomine Tyri, Emporii, & Meretricis venit. Qui nisi lucrosus admodum esset, dudum mercatores magnæ Babylonis istum cum Purgatorio extinctum prorsus atque sublatum deplorarent atque plangerent, Apoc. 18: 11 - 19. Audi Poëtam Mantuanum :

*venalia Romæ*

*Templa, Sacerdotes, Altaria, Sacra, Coronæ,  
Ignis, thura, preces, cælum est venale Deusque.*

Itaque veterum dicto sua semper constat veritas: Religio peperit divitias, at filia devoravit matrem; opibus enim & omnium rerum abundantia Ecclesiam inundantibus simul venenum in Ecclesiam effusum est. Quid Judæorum Proceres, Sadducæos præprimis atque Herodianos, aulæ sectatores adeo fascinavit, ut Christum sub schemate pauperis vilisque servi inter ipsos comparentem autcultare renuerent, lapidem hunc angularem, utut fulgore miraculorum, sapientiæ, doctrinæ cœlestis ac pietatis coruscum, rejectarent? Quid, nisi amor glebæ, commoda seculi, opimæ in terra Canaan possessiones? vid. Hos. 2: 5. Matth. 19: 22. & 22: 5. Multi sub Imperatoribus Arrianis, spe lucri & favoris capti, hæresin hanc & mordicus retinere, & ad maiorem orbis partem propagare. *Φιλαίγυρος μάλλον ἢ Φιλόθεος* hanc philautiæ propensionem quacunque data occasione & illucente dulci luccello prodit, suoque exemplo probat, quam non mortalia pectora cogat auri sacra fames! quæ quæcunque quis fortunæ suæ fabricum rei quæ auctorem veneratur, ejusdem sententiæ non minus avide ac actioni usurariæ subscribere & in omnibus assurgere facit, apud quos valet illud Parasitatoris Terentiani: *Negat quis, nego: ait, ajo.* Num acutissimi POIRETI oculos præstrinxerit vel nimium placendi studium, vel hæreditatis appetentia, ut cum Virgine Bourignonia deliraret, aliis judicandum relinquimus. Hoc cor-  
tum

tum nobis est, omnem ἐθελοθρησκίαν opinionioni Deum sibi demerendi, indeque benedictiones & commoda, si non æterna, certe temporalia repetendi, ortum debere. Id quod Doct. Archiepiscopo Cameracensi FENELONIO aliisque scriptoribus mysticis errandi occasionem dedisse videtur, qui illum Dei amorem, quo Deus propter felicitatem in æterna Ejus fruitione possidendam amatur, quique *concupiscentiæ amor* dici suevit, *impurum, mercenarium, commodis suis servientem, (interessè)* eoque illicitum judicant; in quo præcuntem sibi habent Sadducæorum Patriarcham Antigonom Sochæum.

### §. XI.

Hæc quæ de scaturigine, atque triplici errorum hæresiumve fonte, hucusque disseruimus, confirmare lubet dictis IGNATII Antiocheni, citatis Cl. SUICERO in Thesauro Eccles. T. I. in voce *αιρετικός*, pag. 127. 128. ex quibus cum indole hæreticorum, ipsarum quoque hæresium origo, vivis exhibetur coloribus. In Epist. ad Ephesios ita depingit errantem hæreticum: τὸ πλάνον πνεῦμα ἐκυτὸ κηρύττει, τὰ ἴδια λαλεῖ; αὐτάρτεσκον γὰρ ἐσίν, ἐαυτὸ δοξάζει, τύφῃ γὰρ ἐστὶ μεσόν, κλ. *Fallax spiritus seipsum prædicat, sua loquitur, sibi namque placet, seipsum glorificat, plenus enim fastu est, &c.* En *Ambitionem!* In Epist. ad Magnesianos dicit: *Hæreticos, τὰ ἐπίγεια φρονεῖν, φιληδόνες ἢ φιλοθύς εἶναι, - - terrena sapere, voluptatum, non Dei amatores esse. - - En voluptatem!* pergit eos vocans: *Χρῆσιμπόρους καὶ τὸν Ἰησοῦν πωλόντας, τῶν γυναικῶν φθορεῖς, καὶ τῶν ἀποτρίαν ἐπισυμητάς, χρηματολαλάκας, Christi institores, Jesu vendulos, mulierum corruptores, alienique appetentes, pecuniarum violentissimos raptōres.* En *Avaritiam!* Ex quibus Ignatii verbis liquet, Veteres idem nobiscum sensisse de fonte & origine Errorum, indolem atque naturam Hæreticorum tam graphice depingentes.

## §. XII.

Antequam manum de tabula tollamus, confectarii loco addimus, ex hactenus dictis satis liquere: 1. Hæresis notionem ad *Voluntatem* ejusque vitia potius quam ad *Intellectum* referendam esse, tecus atque Viris cæteroquin Doctissimis placet. Præterquam enim, quod stricte loquendo in simplici perceptione seu prima mentis operatione Error locum non habet, non ilico is hæreticus dicendus est, qui ex intellectus quadam imbecillitate errat, paratus interim meliora edoceri, sed is demum, qui erroris suscepti defensionem eamque pertinacem in se recipit, novaque dogmata mundo obtrudit, impulsus vel *voluptate*, vel *ambitione* & *livore*, vel *avaritia* & *favoris captatione*. Quare Apostolus Gal. 5: 20. non dubitat *hæresin*, juxta cum aliis vitiis voluntatem corrumpentibus, *operibus carnis* accensere.

2. *Remedia* adversus errores ac hæreses exitiales, cum *prophylactica*, tum *therapeutica*, præservantia & depulsoria, esse *Voluntatis à prava philantia*, indeque pullulantibus tribus illis propensionibus capitalibus, *repurgationem*; *Timorem præcipue Domini*, qui *initium est sapientiæ*, Ps. 111: 10. & cum *omnis donatio bona & omne donum perfectum desuper descendat à Patre luminum*, Jac. 1: 17. juges ad Deum preces, velit nobis dare *Spiritum sapientiæ & revelationis in cognitione ipsius*, *illuminatos oculos mentis*, Eph. 1: 17. 18. velit à nobis *amovere viam falsitatis*, & nos docere *viam statutorum suorum*; *inclinare corda nostra ad testimonia ipsius & non ad lucrum*, Ps. 119: 29. 33. 36. *fasciat nos incedere in veritate sua*, *duce spiritu veritatis*, qui nos ducat in *omnem veritatem*, Ps. 25: 5. Joh. 16: 13. Eo nos movere debet, tum ea qua sumus ad errandum proclivitas, atque periculum perpetuum, *aberrationes enim quis intelligat?* Psal. 19: 13. Cum enim ea sit mentis natura, ut continuo cogitet, laborem autem refugiat inquirendi in rei veritatem, & ita sapissime judicer

judicet de nondum perceptis ; semel judicata retrahere renuat, retenta gloriæ, ambitionis, laudisque vanæ atque favoris hominum idem sentientium typho ; Non mirum tot cupiditatibus transvorsum actam mentem à via magis magisque deflectere. Tum irreparabile damnum & noxa vegrandis, quam exitiales afferunt hæreses ; *Cæcum qui sequitur viam ducem, cum ipso in foveam perditionis incidet*, Matth. 15 : 14. Cum una, tantum sit via vitæ, ad metam felicitatis ducens, eaque arcta, inter tot diverticulorum & aviorum scopulos, Matth. 7 : 14. ab ea si deflectimus, longius usque & usque inde recedemus, idque cum dispendio salutis, nonnisi gratia illuminante nosque ex errore in viam veritatis reducente, compensando. Quis hæc considerans & attenta mente volvens, non ingeminet illud Ps. 139 : v. ult. *Vide an via doloris sit in me ; & duc me in viam perpetuam !*



## II.

CAROLI FRIDERICI NECKER,

Juris Publ. Professoris,

## RESPONSIO

Ad

Quæstionem Juris Candidati :

*Quis sit verus sensus Axiomatis :*

SALUS POPULI SUPREMA LEX ?

*Numve liceat ejus causa aliquid agere, quod legibus  
naturalibus aut civilibus repugnat ?*Recitata solemnī die in Academia Genevensi,  
d. 19. Maji. A. 1738.

Ornatissime Juris Candidate,

**A**Ureum & à populorum rectoribus semper recordandum est effatum : *Salus populi suprema lex.* Nec difficilis ejus intellectus, si ad finem Civitatum respicias, qui alius esse non potuit quam securitas eorum & felicitas, qui relicto statu naturali ita se conjunxerunt ut Reges sibi eligerent, quibus ad eam tuendam & promovendam æqua in omnes competeret potestas. Quamvis enim nemo fere neget, prima imperia in vicinas familias à vi profecta esse, eoque spectavisse, ut injusti oppressores devictorum ope suam augerent utilitatem, tantum tamen abest, ut inde concludam, imperantium gratia erectas esse Civitates, ut potius ad earum classem



sem minime referam ea Regna, in quibus ad usum Regum omnia collineant, servorumque non Civium numero adscribam qui sub tali vivunt dominatione; quoniam in hoc sua natura distincta est potestas regum à potestate dominorum, quod his concessum sit, in mandatis suis ad propriam utilitatem omnia referre, cujus causa servos sibi comparaverunt, illis contra incumbat, imperium à populo acceptum ad salutem ejus potissimum dirigere. Veras itaque Civitates tunc degnum ortas existimo, cum mutui periculi consideratio quosdam impulisset, ut contra vicinum, opibus ferocem, & libertati suæ insidiantem, eo quo dixi consilio coirent; vel cum commoda ex conjunctione plurium promanantia, vitæ civilis desiderium apud eos accendissent.

Neque opus erat, ut summa imperantium potestas certo pacto definiretur, quoniam is ipse, cui ob singularem virtutem & justitiam imperium in cæteros erat delatum nullis legibus adstrictum, tam ex ejus scopo quam ex natura societatis contractæ facile poterat colligere, salutem populi pro suprema lege sibi habendam esse. Ex quo patet, sensum laudati axiomatis in eo consistere, quod regia potestas, quamvis liberrima, nunquam non salute populi metienda sit, ab eaque certos accipiat limites; non secus ac educatio liberorum parentibus incumbens his præscribit, qua ratione potestatem suam in eos exercere debeant. Exemplo res fiat clarior. Si jus tributa subditis imponendi cum omnimoda libertate in Principem fuerit translatum, jubeat salus populi, suprema & immutabilis illa lex regnorum, ne plus exigat quam publica postulat necessitas, neve pecuniam ad usum Reipublicæ collectam inconsulte dilapidet.

Quemadmodum autem in eligendis bonis, quæ singulorum constituunt felicitatem, sæpenumero mortales se decipiunt, ita eadem fors est imperantium,

tium, ut salutem publicam persequentes, pro Junone, ut ajunt, nubem interdum amplectantur. Multa enim sub specie boni se commendant & suscipiuntur, quæ dum ad præsentem Reipublicæ utilitatem tendere videntur, revera graviter eam lædunt, aut saltem mala longe majora post se trahunt, quam quæ animus erat evitare aut depellere. Debet autem bonum corporis morales, non secus ac physici, ita esse comparatum, ut integro corpori conveniat, nec momentaneum modo, sed perenne sit. Ex quo sequitur, id quod beatam reddit Rempublicam cum justitia semper concordare; quoniam dictæ proprietates boni publici ex ipsa natura Societatum Civilium petitæ sunt, ex qua etiam id quod justum vel injustum est exactissime deducitur.

Fateor quidem, in regnis & Civitatibus ea incidere posse tempora, in quibus Principibus licet regiam, ut sic loquar, deferere viam, & obliquo tendere tramite ad id quod salus populi præcipit, quæ in hoc quoque rerum statu supremæ legis locum occupat. Sed quis dixerit, eum justitiæ nuntium mittere, qui id quod Reipublicæ expedit, ea ratione persequitur, quam vera ejus utilitas, justî prope mater & æqui, dicat? Exemplum nobis præbet conjuratio Catilinaria, in qua ob gravissimum Reipublicæ periculum, cujus avertendi curam Senatus Romanus Consulibus delegaverat, unum quidem atque alterum aliter peractum est ac per leges civiles id licebat, sed nihil omnino, quod ad servandam Civitatem non esset necessarium, eamque ob causam justitiæ congruum. Continent enim leges humanæ multa ab arbitrio Legislatorum pendentia, à quibus illis, qui legitima gaudent potestate, non negatum est recedere, quoties salus Civitatis alia ratione obrineri nequit. Quidquid contra cum naturali pugnat justitia, nunquam admittendum est, quamvis eadem ratio id suadere videatur, quia

quia nec humana voluntate mutari, nec utilitati Civium vere adversari possunt, quæ Naturæ Auctor ipse constituit. Quis ergo affirmare ausit, licere Reipublicæ causa pejorare, aut innocentem damnare? Quis non improbat Athenienses, qui testarum suffragiis viros de Republica bene meritos exilio multabant, solo moti timore, ne auctoritatem, quam præclaris factis apud Cives erant consecuti, ad opprimendam Patriæ libertatem aliquando impenderent?

Scio quidem, in multorum esse ore illud TACITI: *Habet aliquid ex iniquo omne magnum exemplum, quod contra singulos utilitate publica rependitur.* Verum aut detestanda erit hæc sententia, aut ita accipienda, ut *iniquum* hic appelles non id quod justitiæ adversatur, sed id tantum, quod paululum abit ab eo, quod circa eam exercendam pro arbitrio fuit constitutum.

Vides tamen ex dictis, O. J. C. quam caute legendi sint Scriptores Græci & Romani, cum patriæ causa aliquid celebrant, cujus cæco abrepti amore magnis interdum laudibus illud efferunt, quod cum justitia conciliari nequit. Quibus addo Auctores recentioris ævi, qui ex monumentis historicis omnium regnorum & gentium collegerunt, quibus artibus, plorumque iniquis, non tam salus populi quam injusta dominatio stabilitur & augetur. Quantum enim NAUDÆUS, qui *Machiavello* sanior videri vult, adhuc hallucinetur & à justo aberret, ex hoc solo tibi constabit, quod defensorem agit *lanienæ*, ut vocant, *Parisienfis*; & Imperatorem CAROLUM V. rem laude dignissimam Orbique Christiano utilissimam facturum fuisse asserit, si consilium amicorum secutus, sprete fide quam *Luthero* dederat, eum interficiendum curavisset, cum Vormatiæ in ejus esset potestate.

Operæ pretium mihi videtur, ex vita hujus Principis quædam referre hoc loco non inidonea. Tradunt, cum auctoribus scelesti hujus consilii regessisse, se

nolle erubescere, eoque responso vellicasse Imperatorem Sigismundum, qui rubore suffundebatur in confesso Concilii Constantiensis, cum eo præsente Johannes Hufs ad litteras provocaret, quas de salvo itinere à Cæsare acceperat. Crederes, Carolum exemplo Sigismundi edoctum sensisse, quam indecorum sit Imperatoriæ Majestati, promissa violare, atque ex calamitatibus belli Hussitici didicisse, quantum à vera utilitate discreper, quod præsentis commodi gratia inique suscipitur. At nemo ignorat, hunc ipsum Principem, qui turpe duxerat, fidem Luthero datam fallere, brevi post *Philippum* Hassiæ Landgravium verbis suis confisum, perfido modo captivum retinuisse, postquam se suaque in fidem & deditionem ei tradiderat. Referunt nonnulli, additam esse perfidiæ fraudem cavillatione unius vocis, quam in scripto de securitate Philippi cum Imperatore confecto ita dictam fuisse dicunt, ut ambiguum videretur, utrum de quovis genere captivitatis, an de perpetuo tantum carcere illi cautum esset. Verum enim vero, si mihi licet meam de hac re aperire sententiam, vix persuadere mihi possum, Imperatorem tam magni animi turpissima calumnia fidem suam apud omnes Germaniæ Principes prostituere voluisse. Conjicio potius ex narratione SLEIDANI, Carolum metu inductum esse ad Landgravium in custodia retinendum, ejusque metus causam fuisse, non solum quod hic extrema demum necessitate coactus ad officium redierat, in eoque non diu permanens credebatur, sed etiam quod Imperator supplicem Principem, cujus animus clementia & comitate demulcendus erat, tanta exceperat superbia, ut ex vultu ac verbis ejus appareret, cum proximam arrepturum occasionem ad ulciscendam contumeliam, quam putabat sibi illatam.

Quomodocunque tandem res se habeat, hoc certum est, utroque exemplo experientiam docuisse, quam per-

perniciosa sint consilia, quæ à recto declinant. Sigismundus enim Hussitarum furores in se concitavit, magnisque cladibus violatæ fidei pœnas dedit; Carolus adeo invidiam reddidit potentiam suam, ut ad eam evertendam omnes concurrerent.

Non inutile foret, O. J. C. tibi in mentem adhuc revocare, quibus artibus Pipinus Franciæ solium ascenderit, quantumque non modo posteris suis sed omnibus Christiani Orbis Regibus nocuerit stabilita tunc, eo juvante, & populo inculcata opinio: Episcopum Romanum vel ab ipso Christo vel à Principe Apostolorum accepisse potestatem, Reges exauctorandi, & subditos à juramento liberandi, quo fidem & obedientiam suam ipsis obligare solent. Sed tempore exclusus, hoc tantum monebo, quod in Civitatibus Democraticis populus virtuti deditus cavere debeat eos, qui consilia ipsi suppeditant à justitia aliena. Quam facile enim sit, mentes quoque bene affectas sub specie boni publici in transversum agere, vel sola nos docet Atheniensium Respublica, in qua iidem Cives, qui magno animo rejecerant consilium Themistoclis, quod Aristides utile quidem sed non honestum pronuntiaverat, hunc ipsum justitiæ Antistitem non aliam ob causam in exilium miserunt, quam quod hujus virtutis laudem ipsi inviderent.

Beatam itaque Civitatem, in qua Magistratus populi salutem justitiæ nunquam opponit! Beatum populum, qui leges calculo suo probatas tam sancte custodit, ut nulla spe utilitatis impulsus eas labefactet, eaque ratione firmissima libertatis suæ munimenta subruat!

## D I X I.

III.

SAMUELIS KOENIGII,

Ling. Hebr. &amp; Matheſeos in Acad.

Bern. Prof. Extr.

DISSERTATIO THEOLOGICO-CRITICA

DE

HÆRESIBUS  
IN GENERE,

Deque

TRIHÆRESI  
JUDÆORUM IN SPECIE.*Argumentum.*

- §. I. Omnis irrogenitus eſt Hæreticus. §. II. Nec non Atheus & Sadducæus, Phariſæus & Pelagianus. §. III. Prima Hæreſeos ſemina Satanas ſeducens Protoplaſtos ſparſit. §. IV. Cainus fuit Phariſæus & Sadducæus. §. V. Eum ſecutus Lamechus. §. VI. Primum Hæreſeos antidotum Protevangelion. §. VII. Errorum propagatio poſt diluvium. §. VIII. Origo Idololatriæ antiquæ, & apud Pſeudo-Chriſtianos.

nos §. IX. Judæorum ad idolorum cultum propensio, §. X. & ad Pharisaismum. §. XI. Ante Captivitatem Bab. idololatria maxime apud eos invaluit. §. XII. Post illam Pharisæismus. §. XIII. *Pharisæorum* dogmata & errores, §. XIV. Qui fidem spectant. §. XV. Communes cum tota Judæorum gente. §. XVI. Pharisei saniores Sadducæis. De universali mortuorum resurrectione Judæi sibi non constant. §. XVII. Phariseorum mores perversi. §. XVIII. *Sadducæorum* ortus. §. XIX. Negarunt animarum immortalitatem. §. XX. Et Resurrectionem mortuorum, §. XXI. An Prophetarum scripta rejecerint? §. XXII. Alii Sadducæorum errores. §. XXIII. Mores improbi. §. XXIV. *Essenorum* secta. §. XXV. Nominis Etymon. §. XXVI. XXVII. Virtutes. §. XXVIII. An alii fuerint a primis Christianis? §. XXIX. *Gaulonitæ* & *Zelotæ*. §. XXX. Pharisei & Sadducæi fuerunt omnium sequentium Hæreticorum proavi. *Collar. I. De Essenis. II. de Herodianis.*

§. I.

**Q**uemadmodum in Imagine Dei omnis veritas, sic in peccato, h. e. imagine diaboli omnis latet *hæresis*, h. e. perversa de Dei essentia, voluntate, viisque opinio. Sic enim abstracte nunc capimus hæreseos vocem, non concrete de secta qualicunque, quo sensu venit Act. 5: 17. c. 24: 5. Hoc sensu omnis homo naturalis, & ad imaginem Dei non refectus, *hæreticus* est, semina omnis erroris & mendacii in pectore fovens. Stultus

rus enim, h. e. peccator non ex Deo genitus, in corde suo dicit : *אין אל-הים* *Non est Deus*, vel, *Deus est nibili*. Psal. 14 : 1. *meive similis*. Psal. 56 : 21. Quæ est pessima hæresis.

### §. II.

Uti omnis peccator est *Atheus*, Eph. 2 : 12. h. e. Deum non agnoscens, non timens, non amans, & *Sadduceus*, h. e. profanus, spem vitæ æternæ negligens, sic & est *Phariseus* & *Pelagianus*, h. e. peccati vim & dominium parum attendens, multoque minus deslens, gratiæ necessitatem atque efficaciam extenuans, sibi ipsi placens, viribus suis confusus, bonum justum atque divitem se esse somnians, ceu paupertatis atque miseriæ suæ plane immemor. Hos. 12 : 9. Luc. 18 : 9. 11.

### §. III.

Infelici hoc erroris & hæreseos lolio hostis ille capitalis Satanæ agrum Domini, h. e. universum genus humanum, cheu ! nimis copiose conseminavit, Matth. 13 : 25. 38. 39. initio factò à protoplastis, quos, tam præceptum Dei, quam comminationem ei adjectam in dubium vocando, verbisque plausibilibus circumveniendo, in profundum mendaciorum & errorum gurgitem præcipitavit. Gen. 3. Atque inde *mendax*, *mendacique pater*, & *homicida ab initio*, dicitur. Joh. 8 : 44. ut & *serpens antiquus*, *seducens universum terrarum orbem*, Apoc. 12 : 9.

### §. IV.

Factum inde, ut primus muliere natus, Cainus scil. parricida fuerit atque mendax, hypocrita, Phariseus, dono incruento, citra fidem & resipiscientiam oblato, Deo se placere posse temere somnians; quin & Sadduceus, veritatisque cœlestis abnegator protervus. Quare non inepte paraphrastes Chaldaeus JONATHAN Cainum sic introducit loquentem : *Non est,*



*est, inquit, judicium, neque est judex, neque seculum aliud, neque danda est merces bona justis, neque ultio capietur de improbis, &c. Gen. 4.*

§. V.

Ex cujus posteris Lamechus fuit, itidem homicida, impunitatem sibi promittens, primusque polygamiae inventor, fatalibus mox diluvii undis puniendae atque eluendae. Gen. 4. & 6.

§. VI.

Postquam vero antiquus ille serpens hæreseos virus atque lolium eructasset, placuit divinae misericordiae antidotum ei opponere, scil. verbum suum, oracula Dei vivi, sanantes sermones, Evangelium gratiae, cujus summa est protevangelion illud Gen. 3: 15. Cujus vera fide & praxi. ex profundissimo errorum barathro emergere, superasque evadere ad auras datur.

§. VII.

Post diluvium Noachi posteris, neglecto Dei verbo, & posthabita ejus agnitione, uti in omne nefas, sic & per omne erroris declive praecipites ruerunt; praecipue in *Idololatriam*, longum errorum atque scelerum syrma secum trahentem.

§. VIII.

Cujus origo atque scaturigo est 1. defectus debitae attentionis ad verbum lucemque Dei, Rom. 1: 21. 23. 25. 2. Saucia conscientia, Dei sanctitatem non amans, adeoque ipsum carnalem esse, nostrique haud dissimilem, inepte sibi persuadens. Huc accedit *tertia*, quae Sap. 14: 15 - 27. fuse exponitur, nimirum studium, principibus aliisque magni nominis Viris adulandi, splendida conficta imagine, à cujus qualicunque veneratione stulti mortales in ejus *di-*  
*Servit* & religiosam prolapsi sunt adorationem. Quod ipsum & Pseudo-Christianis evenit. Post collocatas  
enim

enim in templis Sanctorum imagines, (reluctantibus licet θεοφίλοις & θεοσεβέσι) mox ad religiosum earundem cultum, superstitionis torrente abrepti sunt. Quod factum in Synodo Nicena secunda. Cui quidem Carolus Magnus in Synodo Fræncofurtenfi obiecem atque repagulum aliquod obdidit, confutata publice atque damnata imaginum veneratione; Ast Antichristi Romani fraudibus factum est, ut ea susque deque habita, idolomania pestis, perfractis quasi repagulis, eruperit atque triumphaverit.

### §. IX.

Equidem ex Semi posteris Abrahamum à falso Deorum cultu ad veri Dei agnitionem divinitus evocatum legimus, Gen. 12. Jos. 24. nobilissimis oraculis, dulcissimisque de Messia promissionibus, factis tam ipsi, quam filio ipsius Ilaaco, ut & nepoti Jacobo. Sed ne sic quidem ex ipsorum posteris evelli potuit vesana idolomania prurigo. Quin potius in Ægypto commorantes, cum abominandis Ægyptiorum idolis turpissime fornicati sunt. Ezech. 20. & 23.

### §. X.

Uti veritas divina simplicissima est, sic e contrario erroris facies multiplex, unoque errore dato infiniti alii enascuntur. (ένός ατόπυ δοθέντος μύρια αἰῶνα ἐπεται.) Conspicuum hoc factum est ex tristi Israelitarum exemplo, qui lata lege Mosaiica ab idolis eorumque cultu aliquantulum averfi, illico in *Pharisaismum*, h. e. opinionem justitiæ ex operibus consequendæ, veluti ex Charybdi in Scyllam, inciderunt. Errore quidem novo & specioso, sed non minus pernicioso. Rom. 9: 31. 32.

### §. XI.

Equidem gemino huic errori mascule se opposuerunt sacri Dei Vates, populum ad legem Mosaicam revo-

revocantes, gloriam Veri Dei ebuccinantes, fidemque in Messiam futurum, ceu unicam salutis anchoram diligenter inculcantes; Sed quæ est cordis humani corruptio, ne sic quidem res successit. Quin retenti tantisper sacris Prophetarum sermonibus, Davidisque pietate sufflaminati, mox veluti aggere rupto, in peiorem idolorum cultum, & cum eo indivulso nexu conjunctam sese effuderunt scelerum licentiam, præcipue exemplo Salomonis, ex mortalium sapientissimo in stultissimum degenerantis, lata eis data porta. Quam gangrænam impune grassantem, Pseudo-prophetis ei nutrimentum dantibus, Babyloniorum ferro rescandam divina judicavit justitia.

§. XII.

Post captivitatem Babylonicam cessavit quidem idolomania pestifera lues, Judæis dirissimis hisce Dei judiciis ab ea ablactatis, si solum articulum temporis Antiochi excipias. At eheu! tanto majores fecit auctus atque progressus hæresis *Pharisæismi*. Atque exinde Pharisæorum secta inter Judæos increbuit, & universum pene Reipublicæ Judaicæ corpus, saltem meliorem ejus partem, usque ad extremum ejus per Romanos excidium, pervagata est. Certe aciores hisce hostes non habuit Evangelium. Ex quibus & Saulus fuit, postea Paulus dictus. Act. 22: 3. 4. 5. c. 16: 9. 10. 11. Gal. 1: 14. Phil. 3: 5. 6.

§. XIII.

Quænam vero PHARISÆORUM fuerint *dogmata*, quos foverint *errores*, ex scriptis Novi Fœderis longe dilucidius quam ex JOSEPHO patescit. Hic vir enim religione Pharisæus, neque satis bene eorum errores agnovit, neque satis candide detexit. Vide FL. JOS. Ant. l. 13. c. 9. l. 18. c. 2. & de Bell. Jud. l. 2. c. 12.

§. XIV:

## §. XIV.

Eorum quidam fidem spectant, alii mores. Errores, qui *fidem* spectant, ad sequentia Capita referri possunt. I. Credenda atque facienda omnia non esse in lege Moſis aut Prophetis scriptis conſignata, ſed dari præterea aliam legem, oralem ſcil. h. e. quæ oretenus inculcetur, \* non minus divinam, religioſeque recipiendam; Unde παραδοσις, Hebr. מסרת appellatur. In tractatu Talmudico PIRKE ABHOTH fuſe ſatis declaratur, quis & à quo eam orali institutione acceperint. Plane uti Concilium Tridentinum Traditiones Eccleſiæ *pari pietatis affectu* cum Sacra Scriptura recipiendas eſſe ſanxit. Hanc ipſam ſeniorum traditionem toties à Chriſto, carptam legimus, ceu iniquam & cum contemptu Divinarum legum conjunctam, Matth. 15: 3-9. Marc. 7: 3-13. II. In po-teſtate & libero hominis arbitrio eſſe, facere quod juſtum eſt & rectum, *juvante aliquo modo fato*, h. e. divina providentia vel gratia. JOS. I. cit. Viden' Pelagianiſmum, coque paulo meliorem Semipelagianiſmum & Scholaſticismum, carptum à Cl. COCCEJO in Fœdere, §. 225-234. Contra diſerta legis atque Prophetarum verba, invincibilem cordis humani durtiem & ad bonum impotentiam ſexcenties accuſantia. Gen. 6: 3. 5. 8: 21. Deut. 29: 9. 10. &c. III. זכות *Merita operum* ſtatuebant, quærentes juſtitiam ex operibus legis, quibus ſe plurima mereri poſſe fingebant. Error peſtifer, ſi ultus. Eo infectus fuit ſuperbus ille Phariſæus, Luc. 18. Et ipſe Paulus ante converſionem, Phil. 3: 6-9. & pene univerſi Judæi, Rom. 9: 31. 32. Audiamus MAJEMONIDEM lib. de *Penitentia*.

\* Judæi eam vocant תורה שבעל פה, oppoſite ad תורה שבכתב. item למשה מהר סיני: traditionem Moſis de monte Sinai.

tentia. *Sunt unicuique, inquit, sua merita, suaeque peccata. Cujus merita exsuperant peccata, justus est. Cujus vero peccata majora sunt meritis, impius est. Autor libri AKE-DAT ISAAC: Meritum justii, inquit, tale esse potest, ut ad se trahat auxiliatricem Dei manum ad compescendam vim mala constellationis ejusmodi, & ad avertendum ab ipsa mala ejus, &c. Viden' fermentum Pontificium? IV. Atque ut justitiam ex operibus consequerentur, eam in externa solum praeceptorum legalium observatione statuebant, non attendentes neque curantes spirituales legis sensum. Enata inde praeceptorum Dei enervatio atque emasculatio pessima, à Christo Domino severe reprehensa, qui & verum praeceptorum Dei sensum à nocivis ipsorum glossematibus vindicavit, repurgavit. Matth. c. 5. hac praemissa seria sententia: *Nisi abundaverit justitia vestra, plus quam illa Scribarum & Phariseorum, haudquaquam introibitis in regnum caelorum.* v. 20. *Revera enim lex spiritualis est.* Rom. 7: 14. *damnans non externos solum peccati actus, sed & ipsam concupiscentiam, dicendo, ne concupiscas.* ibid. v. 7. *Phariseorum ii, qui legis explanandae facultate pollebant, (neque enim id unius cujusque & gregarii erat) superbo Scribarum, Gr. γραμματέων, νομικῶν, סופרים, ספרים & פרישים titulo gloriabantur; allusione facta ad notionem verbi פריש quod non solum separandi, sed & explanandi sensu venit. Hinc toties in S. Evangeliiis legimus, Christum vix interminatum esse Phariseis & Scribis, ceu legum divinarum corruptoribus pessimis.* Matth. 23: 16-26. Luc. 11: 39-44. 46.*

#### §. XV.

Atque haec est illa ἀκριβοτάτη αἰρεσις τῆς τῶν Ἰουδαίων θρησκείας, exquisitissima religionis Judaica secta. Act. 26: 5. *sed cheu! corruptissima, licet Sadducaismo paulo speciosior. Foverunt enim & alios errores, quos cum tota Judaeorum gente communes habebant.* Ex-  
Tom. IV. Q spe-

spectabant nimirum *a*, regnum Christi carnale, splendidum atque magnificum, cui gentes omnes vi armorum subjiciendæ essent. Sic diserte & satis fuse stolidam Judæorum expectationem explicat Autor ABKAT ROKEL, ab ANTONIO HULSIO in *Theologia Judaica* explanatus & confutatus. Sufficiat illud Christi: *Regnum meum non est de hoc mundo.* Joh. 18: 36. *β*, Expectabant Eliam Thisbiten, ceu prodromum Regis Messiae. Sic itidem Autor *Abkat Rokel.* conf. Matth. 17: 10. seq. Christus vero docuit, hunc Eliam esse Johannem Baptistam, ab initio quidem à Judæis magni factum, ipsiusque JOSEPHI testimonio ornatum, Ant. Jud. l. 18. c. 7. deinceps vero, ubi nimis severe ipsorum objurgasset hypocrisin, Matth. 3: 7. seq. pro dæmoniaco habitum, & tandem capite truncatum. Matth. 11: 14. 18. c. 17: 12. 13. *γ*, Sacerdotium Aharonicum, cultumque Leviticum, cum apparatu ceremoniarum legalium, ad finem usque mundi duraturum, neque unquam abolendum esse. Sic Judæi passim. Contrarium docuere Stephanus Protomartyr, Act. 6. & S. Paulus Hebr. 7. & 8.

#### §. XVI.

In eo vero saniores erant *Sadduceis*, quod credebant, animas esse immortales, ut & futuram mortuorum resurrectionem. JOS. locis supra citatis, & Act. 23: 8. 24: 15. Licet, ut verum fatear, de *universali* mortuorum resurrectione Judæi sibi non constent, sed animis fluctuent, & sententiis admodum varient. Quod ante me observavit ANTONIUS HULSIUS, tractatu supra laudato, p. m. 139. & 173. plerisque ad solos Judæos, aliis ad solos justos, eam restringentibus. Ut adeo, quod S. Paulus Act. 24: 15. asserit, credere se cum ceteris suæ sectæ hominibus, h. e. cum Pharisæis, resurrectionem fore mortuorum, *non justorum solum sed & injustorum*, nonnisi de sanioribus inter Pharisæos, dictum Danielis c. 12: 2. rectius cæteris

teris interpretantibus, exaudiendum sit. Certe quantum ex JOSEPHI verbis, Bell. Jud. l. 2, c. 12. mihi videre datum est, eam Phariseis attribuit sententiam, nonnisi justos resurgere ex morte, nimirum, ψυχὴν πᾶσαν ἀφθάρτου μεταβαίνειν εἰς ἕτερον σῶμα, τὴν τῶν ἀγαθῶν μὴν, τὴν δὲ τῶν φαύλων αἰδῶ τιμωρία κολαζεσθαι. *Quamlibet immaculatam animam in aliud transire corpus, solas scil. bonorum animas, pravorum vero (animas) aeternis puniri cruciatibus.* Quibus paria habet Ant. l. 18, c. 2. Ἀθάνατόν τε, φησὶν, ἰχὺν ταῖς ψυχαῖς πίσις αὐτοῖς εἶναι, καὶ ὑπὸ χθονὸς δικαιοῦσαι τε καὶ τιμᾶς, οἷς ἀρετῆς καὶ κακίας ἐπιτήδευσις ἐν τῷ βίῳ γέγονε. Καὶ ταῖς μὲν ἐργῶν αἰδῶν προτίθεσθαι, ταῖς δὲ ῥασιάνην τῇ ἀναβιῇ. *Immortalem vim animabus tribuunt Pharisei, atque sub terra tam supplicia quam præmia fieri, pro ratione atque quævis virtuti vel vitio operam dedisset.* Hisce quidem, (h. e. animabus vitiosis) æternum assignari carcerem, illis vero, (h. e. animabus virtutis studiosis) facultatem fieri in vitam redeundi. Est igitur quod Christiani sibi de admirabili librorum N. T. luce gratulentur, ceu quæ de universali tam justorum quam iniquorum resurrectione fidem faciunt certissimam. Matth. 25. Apoc. 20; 15. 2. Cor. 5.

### §. XVII.

In moribus vero perversissimi omnino erant. Cum enim non nisi externæ laudem sanctimonix sectarentur, obliti puritatis cordis, quæ per gratiam Messix datur, fideque accipitur, ad id solum omnibus contendebant viribus, ut ceu egregii sanctuli à ceteris sese hominibus distinguerent atque secernerent. Unde & פריש dicti, h. e. ἀφωρισμένοι, *separati.* (Rom. 1:1. Gal. 1 15.) à Chald. & Syr. שׁרַב *separavit, secrevit, distinxit.* Misera hæc vanæ gloriæ mancipia, quicquid sanctimonix vel gloriolæ speciem præ se ferre poterat, studiose conquirebant, primos affectantes accubitus in conviviis, primosque in Synagogis confessus, amantes publice & cum reverentia

salutari Rabbi, Rabbi, Abba, Pater; in plateis publicis orantes, eleemosynasque erogantes, phylacteria vestiumque fimbrias dilatanter, corpus & vasa crebrius & superstitiose lavantes; & quæ hujus furfuris sunt alia, à Christo Domino hinc inde vehementer taxata. Matth. 6. & 23. Marc. 7. Luc. 11. & c. Denique ambitionis œstro acti, vanaque gloria tumidi, de Dei gloria promovenda, ut & de expurgandis hypocrisis, avaritiæ, rapinæ, perversorumque affectuum sordibus ne quidem somniabant. Unde rectissime eos Christus cum *sepulchris dealbatis* confert, Matth. 23: 27. 28. præmissa serâ hac monela: *Pharisee cace, repurga prius interius poculi & patina, sic & quod extus est, purum erit.* ib. v. 26.

### §. XVIII.

Altera Judæorum secta est SADDUCÆORUM, סַדּוּקִיִּים Syr. סַדּוּקִי. Crebra eorum mentio est in N. T. Vide Matth. 22: 23. AQ. 4: 4. c. 5: 17. c. 23: 6. 7. 8. Sectæ hujus principes atque Autores sunt Zadok & Baithos. Quorum illius hoc celebratur dictum: *Ne sitis, inquit, mercenariorum instar, Domino non nisi mercedis gratia servientes, potius servite Deo cœu filii, cultum ei exhibentes, quasi mercedem non recepturi, sitque super vos timor cœli.* Dicto hoc, bonum alioqui sensum ferente, ejus discipuli abusi, monstrosos excluserunt errores. Qui itidem ex scriptis N. T. melius quam ex JOSEPHO pateſcunt. Scriptor enim hic, licet cætera gravissimus, tamen hominibus gentis suæ displicere nolens, certe nimis aperte utrique sectæ adulatus est, neque satis cordate earum detexit ulcera atque carcinomata.

### §. XIX.

Pessimum atque perniciosissimum eorum dogma fuit, (præterquam quod *fato*, h. e. divinæ providentiæ vel gratiæ nihil, libero hominis arbitrio omnia de-puta-



putabant.) animas mortales esse, & cum corporibus interire. Quod ipse JOSEPHUS fatetur: Σαδδουκαίοις δὲ τὰς ψυχὰς ὁ λόγος συναφανίζει τοῖς σώμασι. h. e. Sadducæorum sententia est, animas cum corporibus interire. JOS. l. 18. c. 2. Quæ vero idem Autor de iis prodit, scil. Φυλακῆς δὲ ἑδαμῶν τινῶν μεταποιήσεις αὐτοῖς ἢ τῶν νόμων, eos nihil nisi legem observandam docere, vel curare, vix fidem merentur. Qui enim animam cum corpore interituram credit, quo quæso legis zelo tenebitur? Annon potius post tergum rejectis severioribus legis præceptis, velut Epicuri de grege porcus, genio indulgebit & libidini, mox veluti laxatis habenis in omne nefas prorupturus? Ea certe erant legis ignorantia, ut eorum multi ne quidem literas noverint. Erratis, inquit Christus, nescientes scripturas & virtutem Dei. Matth. 20: 29. Domine Sacerdos Magne, scisne legere? dicebatur Pontifici, die expiationis Sanctum Sanctorum ingressuro. Quod ex Codice Talmudico JOMA notum. Certe veritatis Evangelicæ hostes erant infensissimi.

### §. XX.

Sublata animarum immortalitate, doctrina de mortuorum resurrectione non potest non corrucere. Arque hinc in Evangelio dicitur, Sadducæos credidisse, μὴ εἶναι ἀνάστασιν, non dari resurrectionem, sc. ex mortuis. Matth. 22: 23. Luc. 20: 27. Christus vero ex loco Exod. 3: 5. Ego sum Deus Abrahami &c. tam mortuos ex sepulchris revocandos, quam animas piorum patrum corporibus solutas Deo vivere, adeo potenter asseruit, ut ad ἐχεμυθίαν eos redigeret. Vide l. cit.

### §. XXI.

Sacras Prophetarum paginas eos plane rejecisse, fidemque iis abrogasse, (quæ Gethæorum sive Samaritanorum fuit vesania) cum JOSEPHO GORIONIDE l. 4. c. 6. nec non CENT. MAGDEB. Cent. I L. 1. c. 5.

GOODWYNO, aliisque, asserere vix ausim. Bene quidem, prophetarum scripta eos non adeo magnificasse, ceu opinionibus suis nimis aperte reclamantia. Saltē inde est, quod Christus adversus eos disputans, non ex prophetis, sed ex lege argumentatus est. Cāterum recte observat JOSEPHUS, eos Phariseis, ceu numero pluribus, in multis sese accommodasse, διὰ τὸ μὴ ἄλλως ἀνεκτὸς γενέσθαι τοῖς πληθεσιν, eo quod reliqua Phariseorum turba alioqui intolerabiles fuissent.

### §. XXII.

Porro S. Lucas Act. 23: 8. eos neque Angelum neque Spiritum credidisse, asserit, contra manifesta Geneseos verba, Cap. 28: 12. & c. 32: 2, 3. Unde consequens est, eos opinatos esse, spiritum à corpore solum procul dubio tenues in auras abire; Sap. c. 2: 3. *Fumus est halitus in naribus nostris, & loquela (vel ratio) scintilla in motu cordis consistens, qua extincta corpus in cinerem redigetur, spiritus vero veluti levis aura dissipabitur* Quæ sententia optime exprimit Sadducæorum vesaniam. Et plane mihi persuadeo, Sacrum Vatem MALACHIAM Sadducæos ob oculos habuisse, quando scribit: *Dixistis, frustra esse Deo servire, quid enim lucri est ex observatione preceptorum ejus, & quod pullati in conspectu Domini exercituum incedimus? Quin potius beatos predicamus superbos, &c.* Mal. 3: 14. 15. Ea certe fuit Sadducæorum sententia, ea vivendi ratio. Sublata enim animarum ἀθανασία nec non mortuorum resurrectione, tollitur quoque metus futuri judicii, improbis infligendi, nec non spes vitæ æternæ, virtutisque compensandæ. \* Summa, totum corrui religionis ædificium, pietatisque mysterium funditus evertitur.

### §. XXIII.

\* Ψυχῆς τε τὴν διαμονὴν καὶ τὰς καθ' αὐτὴν τιμωρίας καὶ τιμὰς ἀναιρέουσιν. Bell. Jud. l. 2. c. 12.

§. XXIII.

Unde mirum non est, *Sadduceos* ceu bipedum nequissimos, invidia atque odio implacabili adversum doctrinam Evangelicam, ejusque præcones flagrasse. Act. 4: 1. 2. 5: 17. 18. In corradendis opibus plusquam vultures, dignitati pontificali aucupandæ avidissime inhiantes. Ut falsissimum sit, quod JOSEPHUS de iis scripto prodidit, eos sæpe ἀκούσιος καὶ ἀνάγκης, h. e. *invitos & necessitate coactos*, munia atque dignitates capeßivisse. Ant. 1. 18: c. 2. Magis veritati consentaneum est, quod idem Autor habet 1. 2. B. J. c. 12. *Sadduceos moribus fuisse feros & agrestes, & in societate cum sui similibus, veluti erga peregrinos, immites atque intractabiles.* \*

§. XXIV.

Tertia Judæorum secta est *ESSENORUM*, vel *Essæorum*, de quibus JOSEPHUS tribus supra citatis locis agit, nim. Ant. 1. 13. c. 9. l. 18. c. 2. & de Bello Jud. 1. 2. c. 12. in quorum primo asserit, tres hæc sectas à temporibus Jonathanis Maccabæi inter Judæos conspicuas fuisse, (non, quod tum demum coeperint.) *Essenos* fato, h. e. divinæ providentiæ vel gratiæ, omnia, *Phariseos* aliquid, *Sadduceos* nihil tribuere, sed omnes hominum actiones à mero ipsorum arbitrio suspendere. Quod & in secundo loco confirmat. In tertio vero, qui est de Bell. Jud. 1. 2. c. 12. fusissime de iis, præcipue de *Essenis*, ceu laude juxta ipsum dignissimis, agit, eorumque dogmata pariter ac mores vivis depingit coloribus.

§. XXV.

Etymon nominis *Essenorum* quod spectat, sunt qui

Q 4

\* Σαδδουκαίων δὲ καὶ πρὸς αἰδήλους τὸ ἥθος ἀγριώτερον, αἵτε ἐπιμιξίαι πρὸς τῆς ὁμοίας ἀπηνεῖς ὡς πρὸς ἀλλοτρίους.

qui ab Hebræo שֶׁטָן *silait*, derivant, ut Esseni dicantur quasi שֶׁטָן à *silentio*, h. e. à devitando clamore, strepitu, omnique verbo otioso. Eo certe nomine eos dilaudat JOSEPHUS l. cit. (τοῖς ἔξωθεν ὡς μουσῆριον τι φρεκτὸν ἢ τῶν ἐνδον σιωπῇ καταφαίνεται.) Sunt qui à שָׁוָה *fecit*, ἐτυμολογῶσι, ut Esseni sint non otiosi legis auditores, sed effectores. (Jac. 1: 22. 23) Sunt qui ab נָדָם i. q. θεραπεύειν, *sanare*, *medicari*, ut Esseni sint *artis Medicæ periti*; & in medicandis morbis felices, ἐνθεν αὐτοῖς πρὸς θεραπείαν παθῶν, εἶσαι τε ἀλεξίτηρις, λείπων τε ιδιότητες ἀνερευνῶνται. JOS. ibid. vel à שְׂדִישָׁן *pii*, pietatis studiosi. Quod ex JOSEPHO GORIONIDE colligere est, l. 4. c. 6.

### §. XXVI.

Equidem non inficias iverim, fuisse in populo Judaico bonum semen, Rom. 9: 29. Jes. 1: 9. h. e. nonnullos fidei & pietatis studiosos, quibus & *Rechabita*, uti videtur, se immiscuere, de quibus Jerem. 35. Neque negare ausim, jam à temporibus Jonathanis Maccabæi, ejusmodi homines inter Judæos fuisse, aliqua virtutis laude & peculiari vivendi ratione celebres. Nimis enim hoc manifestum est, non solum ex tribus supra allegatis locis, sed & ex Ant. l. 15. c. 13. ubi de *Manahemo Esseno*, qui Herodi prædixit, ipsum regem fore. Nec non ex l. 17. c. 15. ubi de *Simeone Esseno*, qui Archelao somnium de decem spicis uberibus à bubus deglutitis, feliciter interpretatus est, de regno ipsius decimo anno finem habituro.

### §. XXVII.

Quæ vero modo laudatus scriptor de *Essenis* tradit, eorumque doctrina, legi Mosis, (quin ausim dicere, ipsi Evangelio) conformi, deque eorum moribus purissimis, (licet nonnulla à Pythagoricis accepisse videantur) nec non de virtutibus operibus,  
que

que plane admirandis, qualia sunt, indefessa verbi Divini meditatio; hymnorum sacrorum assidua decantatio; Zelus in Deo colendo summus; pacis, ordinis, concordiaque studium maximum; Charitas & beneficentia vere fraterna; in frænanda lingua edomandisque affectibus, ira, libidine, &c. pia vigilantia; \* donum prophetiæ (saltem in nonnullis;) abstinencia à conjugio, omnique Venere; denique bonorum omnium communio; quibus paria, si non majora, PHILO Judæus de *Abstinentibus & Supplicantibus* in Ægypto prædicat; unde sua excerptit EUSEBIUS Hist. Eccl. l. 2. c. 17. ca, inquam, tanta sunt, ut vix credibile sit, exulcerato illo atque corruptissimo rerum Judaicarum statu tam illustria inter eos fulsisse virtutis & pietatis sidera, tam in Ægypto circa Alexandriam juxta *Philonem*, quam in agro Hierichuntino, juxta *Josephum*. Christus enim, vera illa lux mundi, Hierichuntinum agrum peragrans, sordide avarum quidem ibi deprehendit publicanum, Zachæum scil. Luc. 19. Essenorum vero neminem. Neque uspiam in historia Evangelica eorum vel vola vel vestigium.

### §. XXVIII.

Hæc aliaque rationum momenta perpendens EUSEBIUS, in eam pertractus est sententiam, licet à nostrorum plerisque explosam, hos *Essenos*, tantis scil. virtutibus commendabiles, non alios esse, quam ipsos primos Christianos, prædicatione Evangelica, virtuteque spiritus pentecostes, ad summum virtutis Christianæ fastigium provectos. Certe quæ PHILO & JOSEPHUS de Essenorum moribus tam magnifice deprædicant, adeo conveniunt cum iis, quæ

Q 5

\* Ὁργῆς ταμίαι δίκαιοι, θυμῶ καθεκτικοί, πίστεως προσάι-  
ται, ἐιρήνης ὑπεργοί. κ. τ. λ. Jos. l. cit.

quæ S. LUCAS Act. 2. & 4. & quæ PLINIUS SECUNDUS Epist. lib. 10. epist. 97. de sanctissima primævorum Christianorum vivendi ratione scripserunt, ut ovum ovo non sit similius. Certe haud absimile veri videtur, JOSEPHUM primos Christianos pro *Essæis* habuisse, & sub eorum nomine laudasse.

### §. XXIX.

Præter tres has Judæorum Sectas JOSEPHUS & quartæ meminit, quæ est *Judæ Galilei*, vel GAULONITÆ, ex oppido Gamala oriundi, cum Phariseo Sadoco, de quibus Ant. l. 18. c. 1. 2. Ast ea politica potius factio fuit *Zelotarum* male sanorum, in plerisque quidem cum Phariseis sentientium, sed sub prætextu tuendæ libertatis patriæ, Romanorum jugum excutere molientium, (occasione scil. reductæ in formam provinciæ Judææ, censusque auctoritate Augusti Cæsaris indicti, & à Cyrenio Syriæ Præside acti) sed jam ante Gamalielis tempora dissipatorum, de quibus & Gamaliel mentionem injicit Act. 5: 37. Noli vero existimes, uno ictu prostratam planeque extinctam esse infelicem sectam, ut sequaces non reliquerit. Potius nimis certum est, ad luctuosissimum Reipubl. Judaicæ excidium plus contulisse Zelotarum intemperiem, quam Romanorum arma. V. JOS. de B. J. l. 4. int.

### §. XXX.

Quæ superius de *Phariseis* & *Sadduceis* diximus, qui probe pensitaverit, non poterit non fateri, eos, (non exclusis tamen Cuthæis, eorumque pseudomanti, Simone Mago) omnium, quotquot sequentibus sæculis Ecclesiam Christianam turbaverunt, hæreticorum proavos esse atque Coryphæos; meritoque Christum monuisse: *Cavete vobis à fermento*, (h. e. perversa doctrina) *Phariseorum & Sadduceorum*. Matth.

16: 6. 12. Vos igitur, dilecti, cum ista prænoveritis, cavete, ne errore nefariorum abrepti propria excidatis stabilitate; Crescite vero in gratia & agnitione Domini nostri J. C. cui gloria nunc & in diem seculi, Amen. 2. Petr. 3: 17. 18.

\* \* \* \* \*

## COROLLARIA.

### I.

Judicium Cl. WITSII de ESSÆIS iniquum videtur, quando Dissert. de Rechabitis §. 1. Alii, inquit, singularitatem aliquam affectarunt, ex ambitione, errore, superstitione, - - Ad illos Essai, Pharisei, Monachi, referri possunt. Quin potius exoptandum est, Christianos nostros talibus esse moribus, qualibus Esseni fuisse traduntur, qui eos, quos communi mensæ admoveere volebant, hoc juramento obstringebant: (ap. JOSEPH. Bell. Jud. L. II. c. 12. al. c. 8.) Se pietatem erga Deum culturos, erga homines justitiam observaturos, neminem laesuros, injustos se odio habituros, & pro justis decertaturos. Fidem se omnibus exhibituros, præcipue præpositis, - - se semper veritatem testaturos, & mendacium dicentes reprehensuros, se manus à furto arcere, mentemque à turpi lucro puram servare velle, - - se a latrocinio abstinere velle, sectæque suæ libros, καὶ τὰ τῶν ἀγγέλων ὀνόματα, h. e. & nomina eorum, à quibus eos acceperint, (uti reddit Versio Gallica D. ANDILLII) nim. doctorum suorum. Conf. Mal. 2: 7. Apoc. 1: 20. conservaturos; non, se superstitiose nomina angelorum culturos. Nonne id ipsum est, quod de Christianis sui temporis scripsit PLINIUS l. 10. epist. 97. Seque Sacramento non in scelus aliquod obstringere, sed ne furta, ne latrocinia, ne adulteria committerent, ne fidem fallerent, ne depositum appel-

appellati abnegarent, &c. Et quod paulo superius refert JOSEPHUS: πρὶν γὰρ ἀναχεῖν τὸν ἥλιον, καὶ φθέγονται τῶν βεβήλων, πατρίεις δὲ τινὰς εἰς αὐτὸν εὐχὰς ὥσπερ ἱκετεύοντες ἀνατεῖλαι; in hunc sensum reddi debet: *antequam enim sol oriatur, de rebus secularibus nil loquuntur, sed patrias quasdam preces erga eum (vel facie soli obversa) fundunt, supplicantes (sc. Deo) ut oriatur; (non solem adorantes, quod à Judæis alienissimum.) Utinam Christiani nostri talia vota (serio) conciperent, cum sacram synaxin adeunt!*

## II.

HERODIANI Matth. 22: 16. Marc. 12: 13. sunt Gnathones aulæ Herodis Agrippæ majoris, Aristobuli filii, inimici nominis Christiani acerrimi, Actor. 12: 1. seq. qui dimicabant pro censu Cæsari dependendo, teste HIERONYMO. *Fermentum vero Herodis, à quo carere jubet Christus; Marc. 8: 15. est 1. Politica perversa & adulatoria, in legem Dei & privilegia Ecclesiæ iniqua. 2. Vulpina astutia, qua religio nonnisi palliandæ hypocrisis & tyrannidi servit.*

( FINIS.





IV.

EMANUELIS MULLERI,

Basileensis,

ILLUSTRATIO loci JUDÆ, v. 9.

DE

LITEMICHAELIS  
CUM DIABOLO,

Ex apparitione Moſis cum Elia coram Chriſto,  
Matth. XVII. 1-9.

*S Y N O P S I S.*

§. I. Occaſio hujus Scripti. §. II. Intentio. §. III. Argumentum. §. IV. Auctoris ſententia. §. V. Objeſtio, quæ §. VI. refutatur. §. VII. Thematis Deductio. §. VIII. Novum argumentum à pari. §. IX. à Typo. §. X. à Prophetia. §. XI. ab Exemplo. §. XII. à Neceſſitate. §. XIII. ab Utili. §. XIV. à Simili. §. XV. ab Honesto. §. XVI. à Myſterio. §. XVII. Dilucidatio. §. XVIII. Confirmatio. §. XIX. XX. item à Typo. §. XXI. à Teſtimonio. §. XXII. Epilogus.

§. I.

## §. I.

**C**Um anno superiori (1737.) more Academiae patriæ solito, Lectiones duæ, dum Sirius ardebat, mihi essent habendæ, incidi, suadente sic Amico Rev. in pericopam Matth. 17:1-9. quam sumsi illustrandam. Dehinc cum Fautori & Amico pl. Rev. legendum communicarem manuscriptum, digna publico visa sunt ipsi, quæ de *MOSE resuscitato* disserueram. Non autem illico cogitabam publici juris facere hæc meas Meditationes. Vicit tamen denique Viri pl. Reverendi instigatio hæsitationem meam, ut petitioni ipsius satisfacerem.

## §. II.

Verum, ne Lectorem superflua disquisitione onerarem, cogitavi de loco *Jude v. 9.* ex iis, quæ occasione lectionum modo memoratarum dicta fuerant, illustrando. Hinc omnino diversa facie formaque comparebunt hoc loco meditata mea. Lectorem Benevolum prius obsecro, ne conatum hunc meum vano novandi pruritui tribuat, sed argumenta ponderet absque affectu; nemini siquidem obtruduntur: ista Veritas suo se nitore commendat.

## §. III.

Non multum morabimur aliorum Virorum sagacium, & de rebus sacris præclare meritorum, *ἱεργῶς* hujus Epistolici loci. Neque enim hoc instituti nobis erat, prolixè contraire cuiquam. Puerile nimis invidere, & gloriam aucupari ex aliorum hebete sensu. Tantum hoc dicam, nullam speciem apparere communi sensui, quod nempe *Diabolus tentaverit, Israelitis cadaver MOSIS in offendiculum ponere.* Ecqui potuisset? An populum in montem seduxisset? An Moysis corpus furatus, ad populum pertulisset? Minime vero. Sane nemo sanus hoc cogitaverit.

rit. Dux Josua , quem jussu Dei Moses , dum viveret , initiatus erat , tale quid prohibuisset , posito , quod Deus (absit vero ! ) Diabolo corpus Moses concessisset , ita profanandum.

#### §. IV.

Quid autem ? Dicamus potius , *litem Michaelis cum Diabolo* exinde natam , quod *Michael* , quem Daniel nobis , ceu Judæorum Genium tutelarem , describit Dan. 12 : 1. MOSEN , divina Virtute resuscitatum , in Montem , ubi transformandus erat Christus , traducere vellet , quemadmodum Lazarus ab Angelis in sinum Abrahami sublatus fuit , Luc. 16 : 22. Hic sine dubio improbus Veterator ingeminaverit , injustum Deum , qui propria culpa ab introitu in terram promissionis exclusum modo tam singulari , sine ope Christi jam carnem induti , & ante peractum sacrificium propitiatorium , è sepulcro redimeret , & ad communionem Sanctorum in coelos , etiam corpore tenus admitteret. *Michael* honorem judicii Deo deferens , increpet , inquit , te Dominus.

#### §. V.

At leves hæ , dicent , conjecturæ quid probant ? Profecto plurima. Enimvero ut ægre fidunt Astronomi duobus oculis , quod quatuor vel sex , tubis inquam , sint assueti : ita Theologi rationum seriem desiderant , & sæpius non sine causa. Sed agedum , stipemus argumentum argumento. Quare vero MOSES necesse habebat , *Corpore sibi restituto , in monte cum Christo comparere* ? Quare , inquam , Christus ipse fuit transformandus ? Hic Rhodus , hic saltus.

#### §. VI.

Nimirum , ut omnia fiant plana , ab ipsis primis principiis erunt eruenda. MOSES , divinus Legislator , populo Israelitico divinitus in Redemptorem  
èScr-

è servitio Ægyptiorum erat concessus; utque simul illis beneficia gratiose Abrahamo pacta administraret. Ea beneficia non sola possessione terræ Canaan terminabantur, sed comprehendebatur promissio de Semine Mulieris. Ergo ut hoc commodè fieret, dedit Deus Mosi, fractis Tabulis prioribus, alteras Tabulas, instituitque eum, ut Tabernaculum conderet, quod Domus *παίδεας* Præparationis ad cognoscendum & excipiendum Servatorem foret, quem illis tot figuris adumbravit, & coronidis loco Deut. 18: 15. 18. ex ore Dei promiserat. Jam cum tempus adventus promissi Prophetæ instaret, imo impletum esset; diversa divinabant, & studia in contraria rapiebantur. Illi *Eliam*, hi *Mosen*, ut non obscure colligere licet ex Joh. 5: 45. isti alium atque alium expectabant. Quia MOSI vero Jesum distincte adumbranti non credebant Judæi, incassum eum videre sperabant. Illis vero ex Discipulis Christi, qui testes ejus coram Judæis futuri erant, monstrandus fuit, ut comperirent, Jesum illum ipsum esse, in quo omnes Dei promissiones sunt Ita & Amen, 2. Cor. 1: 20. & per mortem Christi abrogatum iri jugum illud ferreum, quod nec Apostoli nec majores eorum ferre poterant.

### §. VII.

Hinc ulterius rem prosequimur. Quemadmodum igitur JESUS non sine Consilio transformabatur, sed ut Pater auctoritatem suam interponeret, demonstraretque, Decreto Pacis tradendum esse Filium suum ad mortem, Actor. 2: 23. (sicut revera de Decreto hoc collocuti sunt Moses & Elias cum Christo, Luc. 9: 31.) ita MOSES resuscitatus est, ut testimonium perhiberet, Christum venisse, non ut antiquaret legem, sive spiritum legis *solveret* & separaret à litera legis (*λύσαι*,) *sed ut impleret*. Hinc Moses, typus legis, animo & corpore integer apparuisse

ruisse credendus est; sicut omnino vaticinium illius, (Deut. 18: 15. 18.) mirum! quantum splendorem nanciscitur. Etenim *וְכֵן* hoc modo non solum significabit *præstabit*, *existere faciet*, *stabiliet*, sed etiam *resuscitabit e pulvere sepulcri*. Unde si Discipuli capere seu potuissent, seu voluissent, toties repetitum sermonem Christi de suis passionibus, egregie quoque confirmati fuissent *exemplo Moſis*, quem corpore suo reſtitutum intuebantur. Eodem ſcilicet modo, cogitaſſent, eodemque imo majori merito & jure, reſurget Doctor noſter, quamvis diriffima patiatur.

### §. VIII.

Quid? quod ſi ELIAS olim *Aſcenſui* Chriſti in Cælum præluſit, cur non MOSES, quem mortuum fuiſſe certum eſt, ejus *Reſurrectionem* præfiguraveſſet? Cujus, omnium Theologorum conſenſu, ipſiusque ejusdem Vaticinii teſtimonio luculentiffimo, TYPUS fuit. Quadraginta dies non minus quam Chriſtus & Elias jejuniſſe tranſegit; Ergo illud corpus, quod jejuniſſe quondam macerabatur, æque ac Eliæ, volente ſcilicet & ita dirigente Deo, cum Chriſto primitias futuræ gloriæ debebat prælibare. Nam, cum lex ſit ſpiritualis, Rom. 7: 14. etſi bona corporalia promittat ſervantibus eam, etiam ille, qui permittente Deo terram promiſſionis viſibilem conſpiciebat, inviſibilem fidelium poſſeſſionem, quam fidelibus Veteris Teſtamenti, licet ænigmatice, monſtraverat, anticipare debebat, tanquam ſponſor eorum. Deut. 5: 5. Gal. 3: 19.

### §. IX.

Præterea, cum Moſes ceu Symbolum legis glorioſe apparuerit ſine velamine, manifeſtandum erat, Velamen illud, quod alias faciem Moſis operuerat, reſciſſiſſe, & corda populi Judaici obvolviffiſſe. 2. Cor. 3: 5. Hinc videmus, quomodo intelligendus ſit ſermo  
*Tom. IV.* *R.* *Chri.*

Christi ad Judæos, Joh. 5:45. *Ne existimetis, me vos apud Patrem accusaturum; (sicut Elias 1. Reg. 19:10.) Qui vos accusat, est Moses, in quo fiduciam ponitis, spem collocastis. Nimirum vis argumenti hæc est: Frustra illos sperare, Moſen reſuſcitatum iri & illis appariturum; quin potius, cum litteris non credant, nec mortuo, etſi reſurgat, fidem habituros, ſive jam Chriſtum ſive Moſen intelligas, Luc. 16:27-31. Atque hoc inſuper, non ſuum eſſe ſed potius Moſis, accuſare pertinaces. Seſe enim veniſſe, ut ſervaret homines.*

### §. X.

Deinde credendum eſt, transformationis hujus gloriæ *finem* fuiſſe, ut oſtenderetur, Novum Fœdus ſanctum iri, quemadmodum ipſe Moſes Deut. 18:15. 18. prædixerat. Quoniam vero *Teſtamentum non ratum habetur, niſi præceſſerit mors illius, qui teſtamento legat.* Hebr. 9:16. 17. ideo Moſes & Elias, teſtes jurati & quaſi Protonotarii, cum Chriſto de *Exitu ejus* loquebantur. Juſtum eſt enim, ut, ubi melius priori teſtamento ſubſtituitur, ſponſor prioris teſtetur, cedere ſeſe hujusdem ſive melioris ſponſori. Id quod fecit Moſes, & Elias, qui zelo Dei ductus, tanquam exſecutor & ex quadrante hæres ſeſe geſſit, dum viveret. Quare etiam exiſtimo, in cœlum raptum eſſe vivum, quod Teſtatoris voluntati, non ſine ſanguine ſancitæ, effuſione ſanguinis Baalitarum ſat fecerit, Hebr. 9:19. 20.

### §. XI.

Porro notamus, Moſen apparitione ſua ſat luculenter & ad oculum demonſtraſſe, ſublato iri Maledictionem per eum, quicum hac de re loquebatur. Noſti enim, Benevole Lector, Moſen ab introitu in terram Canaanis vel propter verbum, Pf. 106:33. Num. 20:10. retractum fuiſſe. Sed ecce, quaſo, jam illum in medio terræ Canaanis! Per & propter eum,

cum, quem Pater Anathema fecit propter nos. Ecqui Moses, nudo animo, sine corpore heic comparuisset?

§. XII.

Imo vero, maximum monumentum abolitæ mortis potestatis nobis esto Moses, quem, utcunque in contrarium niteretur Diabolus, Deus de morte redemit. Cogita, Lector Benevole, quam expaverit, quam fremuerit hostis infensissimus. Omnino in antecessum Pater cœlestis sic suo Filio triumphum parabat. Mortem enim jamjam oppetiturum decebat, ut insigni spectaculo, quod vim & terrores mortis irritos redderet, erigeretur quodammodo. Sicut enim Christus exemplo *Elie* consolandus erat de cœlo post pugnam occupando, ita *Mosis* exemplo, tanquam chirographo, confirmandus de victoria mortis & Diaboli. Nemo vero talia contumeliæ Christi accedere putet: Non magis enim ista lædunt, quam Angelus in agone constitutum Christum corroborans. Luc. 22: 43.

§. XIII.

Pergimus ad ulteriora. Cum Matth. 17. dicitur *Christi facies fulsisse solis instar*, sol autem illustret omnia; sequitur hinc, Mosen & Eliam, fulgorem Christi participantem, indicare debuisse, Legem & Prophetas splendorem suum mutuare à Christo luce mundi, Joh. 8: 12. Sicuti revera Christus, Matth. 11: 13. omnes, ait, *Propheta & Lex prophetarunt usque ad Johannem*, quem expresse Matth. 17: 12. vocat *Eliam*; quibus confer, quæ Paulus differit 2. Cor. 3: 7-15. Quomodo igitur consummationem legis præfigurasset Moses, nisi consummatus, corpore & anima inquam integer, cum Elia ad superos discessisset? Ergo Christus *Mosi βασιλεὺς τῆς αὐτῆς διακονίας* solvens in monte Thabor, dimisit eum.

## §. XIV.

Quemadmodum Moses in monte Sinai typum accepit, Exod. 25: 40. cujus ad imitationem omne o. s. Tabernaculi construeret: ita pariter Christus a Mose & Elia instruebatur, quo modo ἡ σκηνὴ τοῦ Θεοῦ, Apoc. 21: 3. perficienda esset. Nimirum hæc significare debebant, Christum τὸ κατοικητήριον τοῦ Θεοῦ ἐν πνεύματι, Ephes. 2: 22. perfecturum eo modo, quem Prophetæ divinitus prædefinierant, &, ut Petri verbis utar, scrutati sunt, in quem aut qualem temporis articulum prænunciis iste, qui in ipsis erat, Spiritus Christi, declararet eventuras Christo (addo, & Ecclesiæ ejus, Col. 1: 24.) Passiones, & Gloriam illas consequenturam. 1. Petr. 1: 11. Judicet æquus Lector, an præsuppositis iis, quæ antea diximus, non liceat prona consequentia concludere, Mosén huic actui solenni non ita nudum, ut vulgo credunt, interfuisse? Nam cum in Mose, usque dum venisset Christus, fuerit *Umbra rerum futurarum*, nonne justum erat, quo videretur Umbra abolita, Mosi corpus suum reddi? Confer quæso Col. 2: 16, 17.

## §. XV.

Quid? quod Glorificatio Christi necessario Mosi Resurrectionem & Glorificationem, & vice versa, inferat. Neque ulla superest difficultas, quæ Deum impedierit, quin servum suum dilectum, quem testem solennis initiationis Filii sui in sacerdotem summum & Aharone multis modis infinitisque parasangis majorem esse volebat, a mortuis suscitaret. Quænam obstabant, quo minus Moses resurgeret æque ac mortuus ille, cui contactu ossium Elisæi vita est redita, 2. Reg. 13: 21? Vel nonne in Historia Evangelica exemplum exstat ægroti, qui morti proximus à Christo vel absente ex inferis quasi reductus fuit, Joh. 4: 47-53?

## §. XVI.



§. XVI.

Profecto sola ratio de initiatione Christi in Sacerdotio sufficeret, ad convincendum aliquem de Resurrectione Moſis. Nam par ratio Sacerdotii Aharonis & Christi, personæ licet dispares. Quamquam Christus jam à momento lapsus Sacerdos a Patre suo nuncupatus fuerit, est tamen intervallum *diffimulationis peccatorum*, Deo illa tolerante, probe observandum Rom. 3: 25. Dico enim, quod ut Aharon a Moſe ordinatus fuit in Sacerdotem, ita Christus ab eodem esset ordinandus. Id vero fieri nequaquam poterat, nisi Moſes resuscitatus in monte visus fuisset. Etenim cum Christus, quamquam umbram ceremoniarum abrogaret, *legem stabiliret*, Rom. 8: 3. 4. Necessè fuit, ut, quod toties dixi, per Resurrectionem Moſis id indicaretur & manifestum fieret.

§. XVII.

Sed ut magis pateſiat, quo sensu Ordinationem Christi a Moſe in monte factam intelligam, vel intellectam velim, latius paulo diducam, quo præcedenti §. dictis lux affundatur. Cum Paulus in tota ad Ebræos epistola totus sit fere in eo, quo demonſtret Sacerdotium Christi præclarior Aharonico, capite septimo Sacerdotes V. T. lege ordinatos esse diſſerit. Palam est cuilibet, respicere Paulum hic ad Moſen legislatorem, per quem placuit Deo Aharonem instituere; Cum ut indicaret, perditum esse seu periisse genus humanum vi legis, quam usque violaverit, nisi intercederet, qui misericordia ductus homines ad meliorem frugem & obedientiam Deo debitam revocaret. Matth. 4: 17. Hebr. 7: 25. Tum ut palam esset, quod, cum *sine sacramento* sive jurejurando Aharon posterique ejusdem sacerdotes sint facti, Hebr. 7: 20. non semper id muneris essent obituri, quandoquidem Typus Archetypo, umbra

corpori cedere deberet. Hinc Christo jamjam Sacerdotium occupaturo Moses apparere debuit, & quidem resuscitatus, ut innueretur, excitatis primitiis (neque enim surrexit Propheta æqualis Mosi, Deut. 34: 10.) secuturum plenum numerum Sanctorum & fidei Veteris Testamenti in Resurrectione justorum, Luc. 14: 14. & contigisse finem legis, Rom. 10: 4. Hic, inquam, modus est, quo Moses Christum sacerdotem constituit. Nam proprie Pater illum sacerdotio investivit, sicuti Paulus pulcre scribit: *Christus ipse sibi hunc honorem non tribuit, ut fieret Pontifex, sed is, qui dixi ei: Filius meus es tu, EGO HODIE GENUI TE*, (in sacerdotem elegi. Confer quæso, quæ Pater idem locutus est in monte: *Hic est, inquit, filius meus dilectus, IN QUO ACQUIEVI; IPSUM AUDITE!* Matth. 17: 5.) *Sicut & in alio Psalmo dicit: Tu es sacerdos in æternum, secundum ordinem Melchisedeci*, Hebr. 5: 5. 6. Nihilominus loco jam citato, versu quarto, Aharon, ut a Deo vocatus, describitur; quod convenit cum iis, quæ §. XVI. diximus, nempe, parem esse rationem sacerdotii Aharonis & Christi.

### §. XVIII.

Proinde novo argumento, licet ex præcedentibus elicitum, stabilimus Thesin nostram, & quidem pressis PAULI vestigiis ad Hebr. 8: 1. seqq. Hic enim Apostolus inducit Christum Pontificem, qui confederit ad dexteram throni majestatis in Cælis. PETRUS Epistola sua secunda Cap. 1: 16. 17. testatur, vidisse se cum cæteris Jacobo & Johanne τὴν μεγαλειότητα Christi, quod idem sonat ac Pauli μεγαλοσύνη. Jam evidens est, quod si Christus in monte manifestandus erat ut PONTIFEX, & Sanctuarii Minister, ac veri illius Tabernaculi, nempe Cœli, 2. Cor. 5: 1. Hebr. 11: 10. quod fixit Dominus, & non homo; pariter Moses, famu-

lus

*lus fidus in tota domo Dei, quæ figura fuit veræ & futuræ, ad testificanda, quæ post erant dicenda, Hebr. 3: 5. sc. in complemento temporis, Rom. 16: 25. 26. gloria donandus esset, ut & novi fœderis excellentia declararetur, & simul impleretur effatum Christi: Ubi ego fuero, ibi & minister meus erit. Licet enim singulis fidelibus hoc privilegii datum sit, tamen Mosi, per præcedentia, κατ' ἐξοχήν & apprimè convenit.*

§. XIX.

Nec minus confirmat sententiam meam socius transformationis ELIAS, quem cum præcipue *Ascensionis* futuræ Christi prælusisse, dubitet nemo, exemplum quoque positus est omnibus, qui mandata Dei servaverint, Joh. 5: 24. Apoc. 22: 16. eos certo certius promissionem vitæ consecuturos esse. Elias enim, quod pro lege, zelo justo, armisque divinis pugnavisset, præmium immortalitatis accepit, vivus in cœlum raptus; ut, quemadmodum modo dictum est, qui justitiam operati fuerint, tesseram vitæ cœlestis haberent exemplum Eliæ, qui corpore & anima simul ablatus erat. Inde conficitur, quod, si ad declarandum magnifice Filium suum Deus Pater Eliam, propugnatorem & promachum legis divinæ & per omnia fere *Typum* excellentem Christi, voluit producere corpore glorioso; tanto magis *Mosen*, pariter caractere Christi insignitum, & quem Dei legem promulgasse constat, æquum erat secundum animam & corpus in gloria constitui; ad innuendum, rata esse & ita firma per Christum Dei consilia olim in ænigmate proposita, ut non dubitarit Deus, Mosén ad præsentem intuenda, imo quasi palpanda Mysteria Verbi æterni, 1. Joh. 1: 1. Joh. 1: 14. integrum restituere.

§. XX.

Imo vero quasi par erat, (à posteriori) Mosén, qui

olim efflagitarat, ut Deus suam ipsi manifestaret Gloriam, seu Filium suum, eundem hodie videre, siquidem Deus velit esse rata piorum vota. Quamvis enim illum quondam à tergo viderit Moses, non impedit, ut de facto apparet, quo minus eum jam conspiciere potuerit. Sed quod plus est & mirandum utique, Moses, qui propter delictum impeditus fuit, ne terram Canaanis cominus videret & intraret, & morte multatus, etiam illum, de quo Pater tam magnifice testatus fuerat in Sinai, tanquam *Propitiatore*, per eundem resuscitatus in medio fere terræ Canaan compareret. Exod. 34: 6. 7. Quo pertinet, quod, cum Deus ad ostendendam suam ieveritatem, quoniam nondum per mortem Filii sui erat reconciliatus, Mosi responderet: *Faciem meam videre non poteris, nemo enim vivet, qui me viderit.* Exod. 33: 20. Moses, corpore destitutus, anima Deum videre potuerit. At pereat, quæ in præcedentibus dicta sunt, liquet, Mosén, quem aperta facie Dei nomen intueri desiderasse constat, non aliter potuisse voti sui compotem fieri, nisi mysterio, quod χρόνους αἰώνιαις silentio tegebatur, revelato & illustrato, Rom. 16: 25. 26. cui, ut toties dictum, ille testimonium perhibere debuit.

### §. XXI.

Verum, relictis hactenus dictis, video maximam difficultatem multis eo creari, quod dixerim, MICHAEL Archangelum, divina virtute Mosén resuscitasse; (quæ superius addidi, de ejus translocatione per eundem Angelum facta, non multum oppono :) Novum ostentum! Nova hæc, ajunt, sententia! At quid si probarim? Nimirum, hic PAULUM ducem sequor. Is vero in Epistola ad Thessalonicenses prima, Cap. 4. v. 16. *Ipsè enim, inquit, Dominus* (Jesús Christus) *ἐν κελευσμάτι* (quando sc. tanquam Leo de tribu Juda, Apoc. 5: 5. rugiet Jes. 30: 30. Jer. 25: 30. Joel. 3: 21. Amos. 1: 2.) *ἐν φωνῇ ἀρχαγγέλου, cum voce Archangelī* (MI-

(MICHAELIS, docet hoc enim locus parallelus ,  
 Dan. 12:1.) & cum Dei tuba descendet è calo, (& quid  
 futurum est?) & mortui in Christo primi resurgent. Ne-  
 mo non videt, vocem Archangeli & tubam Dei me-  
 dium fore quo resuscitabuntur pii, de quibus Paulus  
 loquitur; ut idem Apostolus alibi, 1. Cor 15:52. si-  
 gnificat, alludens ad Apoc. 11:15. Quando igitur *Mi-  
 chael*, teste Paulo & scriptura, tuba Dei & voce sua  
 congregabit & resuscitabit pios, quidni de individuo li-  
 ceat hoc testari, & hoc modo locum JUDÆ toties  
 totiesque discussum à variis interpretibus explanare?

§. XXII.

Usus insignem hujusce explanationis in Theo-  
 logia Typica, Prophetica, Problematica, &c. hoc lo-  
 co non attingam. Siquidem Lectori sagaci, cum vera  
 esse hæcprehenderit, facillimum fuerit, ulterius  
 indagare, & in suos usus convertere. Repeto enim  
 iterum, me modesto Examine hæc mea cogitata sub-  
 jicere; & si quis forte animadverterit, ordinate pa-  
 rum me scripsisse, temporis id compendio tri-  
 buat velim.



V.

JOH. CONRADI HOTTINGERI,  
Tigurini,

*DISSERTATIO PHILOLOGICA*  
DE  
**RITU DIMITTENDI**  
REUM

*in Festo Paschatis Judaorum,*

Ad illustranda loca Matth. 27:15. Marc. 15:6.  
Luc. 23:17. Johann. 18:39.

*Argumentum.*

- §. I. Ex lege divina tres præcipue solennitates in Paschatis Festo observandæ, videlicet præparatio & comestio azymorum. §. II. Deim mactatio & assatio agni paschalis, ubi posterioris modum ad *formam crucis* factam esse, ex Justino Martyre probatur. §. III. Tandem fuit oblatio manipuli hordeacei, cujus ceremoniæ describuntur. §. IV. His tamen, recentioribus temporibus alii ritus accessere, veluti quo *reum quendam in hoc festo dimittere* solebant Judæi, cujus loca ex quatuor Evangelistis adducuntur. §. V. Primò disquiratur, *num hic ritus soli Paschatis festo proprius,*  
an

*an vero ceteris solennioribus communis fuerit ?*  
 Qui posteriori sententiæ favent & versiones &  
 auctores, allegantur. §. VI. Illa tamen reji-  
 citur, & primo observatur, vocem εορτή cum  
 emphasi *Pascha* denotare; etiam locus Joh. 5:  
 1. explicatur. §. VII. Solvitur objectio,  
 quod à quibusdam Evangelistis articulus omit-  
 tatur. §. VIII. Conceditur, consuevisse Ju-  
 dæos, præsertim solennibus Festis, reos suos  
 punire, inde tamen sequi negatur, morem  
 dimittendi quendam reorum, omnibus festis  
 fuisse communem; inquiritur illa occasione  
 in naturam & causas Festorum. §. IX. Tan-  
 dem locus Joh. 18: 39. ut argumentum apo-  
 dicticum pro nostra sententia adducitur. §.  
 X. Altera quæstio proponitur, *an hic ritus à*  
*Gentilibus vel Judæis arcessendus sit?* Qui prius  
 statuunt, producuntur auctores. §. XI. XII.  
 XIII. XIV. Describitur gentium ritus suppli-  
 cationum, præsertim *lectisterniorum*, cumpri-  
 mis ex Livio. §. XV. Et quamvis in his le-  
 ctisterniis vincti soluti sunt, §. XVI. Tamen  
 non sequitur, Judæorum morem ab his peti-  
 tum esse, §. XVII. Quum id neque natura  
 lectisterniorum, §. XVIII. Neque præsertim  
 locus Johannis credere permittat. §. XIX.  
 Proferuntur variæ sententiæ, quibus origo hu-  
 jus ritus panditur, §. XX. Quæ examinantur,  
 & magis probabilis asseritur. §. XXI. Hunc  
 ritum legi divinæ contrarium fuisse, proba-  
 tur. §. XXII. Recensentur constitutiones  
 Imp. Christianorum, quibus similis quidam  
 ritus

ritus conceditur. §. XXIII. Sed tamen à Judæorum consuetudine diversum fuisse, paucis ostenditur.

§. I.

**O**Mnes illi ritus, quibus olim PASCHATIS Festum, stante Tabernaculo & Templo, celebrari debuit, ad tria præsertim capita referri possunt, videlicet panes azymos, ipsum paschalem agnum, manipulum denique hordeaceum. Et quoad azymos quidem panes, (à quibus hoc Festum ἐστὶ τῶν ἀζύμων, etiam ἀζυμοφαγίων, & Hebræis חג המצות *Festum azymorum*, dicitur;) illis septem diebus vesci debebant, à die scilicet decimo quarto mensis Nisan, ad usque primum & vigesimum ejusdem mensis: veluti Exod. 12: 18. Num. 28: 17. legere est; sic ut dies decimus & quintus Nisan primus azymorum fuerit, hinc illius diei nox ליל יום טוב הראשון של פסח *Nox diei festi primi paschatis*, Judæis appellatur. Omne itaque fermentum ante decimum quintum diem Nisan summa cura removeri debuit; in cujus inquisitionis tempore, modo, & personarum ad hanc rem delectu, incredibiliter præcisi sunt Judaici juris consulti; nec à meridie diei 14. ex sapientum constitutione deinceps fermentatum comedere licuit; nocte autem diei 15. Nisan azymus panis necessario comedendus erat, etiamsi tantum quantitate olivæ. In hac insuper celebritate à patre-familias exitus ex Ægypto memorandus, atque ab unoquoque, etiamsi Israelitarum pauperrimus esset, quatuor vini pocula, & ea quidem aqua mixta, exhaurienda, (quorum tertium כסא רכרכה *calix benedictionis* dicitur;) & tandem inter hæc omnia הלל sive *hymnus* à Ps. 113. usque ad 118. recitandus erat. Cum pane azymo etiam olim, ut nunc, חרם *pulmentum*, ex amaris & dulci-



alibus compositum herbis, in memoriam luti Ægyptiaci, appositum fuisse, tradunt Judæorum Magi.

§. II.

Leges Paschalem agnum spectantes, plures erant observandæ. Requirebatur ante omnia, ut ex duabus speciebus agnis aut hædis eligeretur, ut immaculatus sexusque masculini esset, & tandem, ut annum ætatis implevisset. Talis agnus die decimo mensis isan à reliquo grege separari & ab omni macula digenter servari debuit. Porro agnus iste die 14. ejusdem mensis mactari, & nocte sequente, quæ partem diebat quinti & decimi diei, comedi debuit. Mactationis tempus S. Codex Exod. 12: 6. בין הערבִים *er duas vespervas* definivit; per quæ verba Judæi manam, & tantum non omnem, postmeridiani temporis partem plerumque intelligere solent, sic ut omne ad diei spatium, quod ab hora sexta, id est, meridie, protenditur usque ad occasum solis, innuatur; amvis alii tempus hoc coarctent, & illud solis occusui proximum tempus, quod *απλως ἑρῃ vespera* appellatur, intelligi velint. Ipsa agni mactatio in Templo ab Israelitis peragebatur, qui in tres catervas nisi per vices in atrium intromittebantur, & ita idem, ut post unius catervæ ingressum atrii fores ex clauderentur. Post hæc mactatum agnum & redditum dominus ad locum comestioni destinatum portabat; debuit autem ille non coqui, sed ex eo assari, neque ossa ejus confringi oportuit. Memoratu dignum est, quod Celeberrimi Viri BOIARTUS, *Hieroz. Lib. II. cap. L.* VITRINGA, *Ob. Lib. II. cap. IX. pag. 415.* RELANDUS *Antiqq. Jr. p. 356.* alique de modo agni paschalis assandi, JUSTINI MARTYRIS *Dialogo cum Tryphone Ju-*do, observarunt; scilicet, cum talem fuisse, ut lignum penetrantia formam CRUCIS Christi repræ-

præsentaverint. En ipsa JUSTINI verba: καὶ τὸ κελευσθέν πρόβατον ἐκεῖνο ὅλον γίνεσθαι, τὰ πάσης τῆ σαυρῆ, δι' ἧ πασχεῖν ἐμελλεν ὁ Χρῆστος, συμβολὸν ἦν. Το γὰρ ὀπταζόμενον πρόβατον σχηματίζομενον ὁμοίως τῇ σχηματὶ τῆ σαυρῆ ὀπτάται. εἰς γὰρ ὀρτίος ὀβελίσκος διαπερόνεται ἀπὸ τῶν κατωτάτω μηρῶν μεχρὶ τῆς κεφαλῆς, καὶ εἰς πάλιν κατὰ τὸ μεταφρενον, ὡς προσαρτῶνται καὶ αἱ χεῖρες τῆ πρόβατος. *Et agnus ille, de quo ut assus totus fieret preceptum est, supplicii crucis, quod subiturus erat Christus, Symbolum fuit. Agnus namque assus in figuram cruci similem conformatus ad ignem torretur: Nam verum unum ab infimis partibus adactum perfigitur; & aliud rursus secundum scapulas, ad quod suspenduntur manus agni. Ex hisce videmus, JUSTINUM hanc suam hypothesein de agno paschali, ut typo Christi crucifixi, illustrare ex ritu, qui apud Judæos in assando agno paschali obtinebat. Num vero fides illi habenda sit, neminem, spero, fore qui dubitaverit; quidni enim illi hac in parte credamus, ait BOCHARTUS, viro non solum sancto, sed & rerum Judaicarum peritissimo, cum Sichemis natus fuerit, patre Samaritano? Imo vero, quid ni credamus ritum memoranti religionis Judaicæ ipsos apud Judæos, quibus cum disputabat? Fuisset enim summæ temeritatis & maximæ imprudentiæ, in disputatione factum allegare falsum, quod tuto absque præjudicio causæ omitti potuisset, eos apud homines, qui falsitatis ipsum potuissent convincere. Sed bene admodum res se habet, quod MAIMONIDES, *Traët. de Paschat. cap. VIII. §. 10.* Justinum absolvat, qui assandi agni paschalis ritum hoc modo describit: כיצר צולין אותו הותכו בתוך פיו ער ביר נקבותו בשפור של עץ ותולו - לתוך התנור והאש: *Quomodo assant eum? à medio ore usque ad pudenta transfigunt eum verum ligneo, & subjecto igne in medio furno suspendunt.* Vid. Clar. VITRING. l. c. Comedendus autem erat paschalis hic agnus cum pane azymo & ole-*

oleribus amaris: Nihil denique ex eo usque ad mane superstes esse, sed eadem nocte comedi debuit; quod si tamen aliquid reliquum fuisset, id igne comburendum, nihil tamen quicquam ex domo foras educendum erat.

§. III.

Tertia cum Paschatis festo juncta solemnitas, Manipulus bordeaceus, Hebræis קֶמַח דיִּשְׁתָּא dictus, erat. Ille sexto & decimo mensis Nisan metebatur, qui inde יום קציר & הַיָּמִים הַהֵם *dies agitationis manipuli*, vel etiam קציר & הַיָּמִים *dies agitationis* cluet. Hic manipulus ex proventu novo illius anni, & quidem ex terra Canaan, offerri debuit. Hæ erant קציר רשות *primitiæ messis*, ante quarum solennem agitationem & oblationem falx in segetem immitti non debuit. Fiebat id maxima cum solemnitate, quam, quin ex MISNA *Menachot. cap. X. §. 3. sqq.* breviter & ad mentem Cl. RELANDI recenseam, mihi temperare non possum. Delegebantur scilicet circa finem diei XV. Nisan quidam à Synedrio magno, qui Hierosolymas cum corbe & falce egressi, trajecto torrente Kedron, in agro vicino, & Hierosolymis, quantum fieri poterat, proximo, partem hordei publico ære emtam demitterent. Ipsa nocte ingruente, à qua dies 16. initium capit, aliquis ex iis rogabat קֶמַח הַשֶּׁמֶשׁ *occiditne sol?* Cui aliqui respondebant: הֵן *ita est.* Atque ita ter rogabat הֵן *an hac falce?* responderunt הֵן *ita*, quæ cum iterum ter rogata essent, er ad ea responsum: postea pergebat; הֵן קוֹפֶה *an hoc orbe?* & dein אֶקְצֹר *metamne?* Ad quæ singula quum הֵן *ita*, tertia vice respondissent ceteri, metebatur manipulus, & ad sacerdotes in atrium deferabatur; quum igne tostum, in vase undique perforato, אֶבֶן *ad-* iecto, vento expositum in atrio, & mola contusum, librarunt tredecim vicibus, donec decima pars Ephæoris farinæ inde educeretur; quæ oleo & thure ad- ro rite agitata & adducta, pugillo inde exempto & com-

combusto in altari, comedebatur à Sacerdotibus; simul etiam agnus in holocaustum offerebatur, addito ferto & libamine suo.

#### §. IV.

Atque hisce præsertim ritibus solenne PASCHATIS Festum absolvebatur. Accessere autem successu temporis alii, quorum nec vola nec vestigium in sacris legibus invenias, à Judæorum magistris additi & excogitati. Quos inter & ille est, cujus Evangelica Historia mentionem injicit, in eo consistens, quod illo ipso Paschatis Festo *reum quendam dimittere soliti fuerint*; de quo more omnes Evangelistæ memorarunt. Et Matth. 27: 15. sic quidem legitur: Κατὰ δὲ ἐορτὴν εἰσθελὶ ὁ ἡγεμὼν ἀπολύειν ἓνα τῶν οὐλῶν δέσμιον, ὃν ἠθέλον, *Festo autem consueverat præses populo unum vincitum dimittere, quem vellet.* Marc. 15: 6. Κατὰ δὲ ἐορτὴν ἀπελύνει αὐτοῖς ἓνα δέσμιον, ὃν περ ἠτήντο, *Festo autem dimittebat illis (Pilatus) unum vincitum, quem quidem petierunt.* Luc. 23: 17. Ἀναγκὴν δὲ εἶχεν ἀπολύειν αὐτοῖς κατὰ ἐορτὴν ἓνα, *Necesse autem habebat, dimittere ipsis vincitum quendam.* Tandem Joh. 18: 39. Ἐστὶ δὲ συνθήκη ὑμῖν, ἵνα ἓνα ὑμῖν ἀπολύσω ἐν τῇ πάσχα: *Est autem vobis consuetudo, ut quendam vobis dimittam in Paschate.* Quamvis autem hæc Evangelistarum verba, quibus Paschalem hunc ritum innuunt, clara satis videri possent, attamen in eorum explicatione eruditis non convenit, quin ipsi in diverſa plane abeunt, adeo ut ex PERSIO diceret:

*Velle suum cuique est, nec voto vivitur uno.*

Dux autem præsertim circa hunc ritum palmarum moveri solent quæſtiones, scilicet: *utrum hæc captivi dimissio soli Paschatis Festo, an vero etiam ceteris solennioribus, propria fuerit?* Dein, *unde hujus ritus origo, an à Gentilibus vel Judæis arcessenda sit?* De utraque autem nos ordine agemus & distinſte.

#### §. V.

§. V.

Igitur quoad primam Quæstionem : Utrum hæc captivi dimissio soli Paschatis festo propria, an vero ceteris quoque solennioribus festis communis fuerit? Sunt ex Interrenibus, qui posterius affirmant, atque non tantum in Paschatis, sed etiam Pentecostis & Tabernaculorum solennitatibus, captivorum quendam vinculis xutum fuisse statuunt. Favet huic sententiæ Syriaca & Arabica Novi Test. paraphrasis. SYRUS enim verba *κατὰ ἑορτήν*, à Matthæo, Marco & Luca adhibitæ, per *בכל עתא* in omni festo; & ARABS per *בכל יום* in unoquoque festo, transtulit. Hæc avide arripuit BEZA, & hos secutus, per *κατὰ ἑορτήν* cetera quoque, sed solenniora & jam memorata, festa intelligit; Hunc enim in modum ad Marc. 15:6. commentatus est: „Syrus interpretes addit particulam universalem *בכל* omni die festo; nec additur articulus in Græco contextu; ideo plurali numero sum usus, & *κατὰ*, cujus vis hic est distributiva, verti singulis. Intelligentur enim tres illi solennes dies festi, nempe Pascha, Pentecoste & Tabernacula: Quod ostendit non additus articulus, quamvis Paschæ festum speciatim nominet Johannes. Sic autem *κατὰ* cum singulari quoque nomine sumitur distributive, ut Tit. 1: 5. *κατὰ πόλιν*, oppidatim, & Act. 2: 46. *κατ' οἰκίαν*, matim. Hæc Beza. Cui ERASMUS SCHMIDIUS fragatur, quum ad Matth. 27: 15. hunc in modum libat: „*Κατὰ δὲ ἑορτήν*. Non tantum intelligendum hoc videtur de festo Paschatis, sed & de reliquis festis Judæorum, Pentecoste nimirum & Scenopegia. Ideo & articulus est omissus, ut fieri solet, quando *κατὰ* distributionem notat, ut *κατ' ἡμέραν*, quotidie, singulis diebus. Matth. 26: 55. *Κατ' ἐτος* vel *κατ' ἐνιαυτον*, notannis, singulis annis. Plato *κατὰ μῆνας* singulis mensibus, *κατ' ἀνδρά* viritim. Act. 2: 46. *κατ' οἶκον* domatim, Tit. 1: 5. *κατὰ πόλιν* oppidatim. Quod Thucyd. Lib. Tom. IV.

„Lib. I. κατὰ πόλεις effert. Sic h. l. κατὰ ἑορτήν, *singulis*  
 „festis, ut Luc. 23: 17. & Marc. 15: 6. Ad quem lo-  
 „cum Syrus Interpres universalem particulam addidit.  
 „Quod si articulus additus fuisset, utique tantum  
 „præsens, vel tum instans, festum Paschatis notaret, ut  
 „26: 5. μὴ ἐν τῇ ἑορτῇ. Ita nimirum voluerunt sua fe-  
 „sta solenniora & splendidiora facere Judæi, si scele-  
 „ratissimos quosque, quos tamen lex Dei è medio tol-  
 „lere iussit, impune dimitterent. Johannes vero 18:  
 „39. in specie ex re præsentē de Paschate loquitur.  
 „Quod sensum tamen universalem apud tres reliquos  
 „Evangelistas non tollit. Hucusque Schmidius. Hisce  
 „concinit COCCEJUS, dum *Dissert. sel. 37. §. 10. Oper.*  
 „*T. VI.* scribit: „κατὰ δὲ ἑορτήν, sine articulo; sic etiam  
 „Marc. 15: 6. & Luc. 23: 17. Sed Johannes 18: 39. di-  
 „cit ἐν τῷ πασχα. Non quod tantum in Paschate is mos  
 „obtinuerit, sed quod & in Paschate. Nam quod re-  
 „liqui Evangelistæ dicunt, de omnibus festis intelli-  
 „gendum est, quia non additur articulus. Et sic qui-  
 „dem Coccejus. Haud longe ab hac quoque sententia  
 „abest ISAACUS CASAUBONUS, qui in *Exerc. 46.*  
 „*§. 19. ad Annal. Eccles. Baronii. p. 423.* hæc scripta re-  
 „liquit: *Melius igitur ἐν τῷ πασχα, (Joh. 18: 39.) in Pascha,*  
 „*interpretabimur laxè & simpliciter, tempore festi Paschatis*  
 „*& azyorum. Quare Matthæus & Marcus dicunt, libera-*  
 „*tionem hanc fieri solitam κατὰ ἑορτήν, tempore festi hujus,*  
 „*quod plurimum fuit dierum. Nisi malit aliquis extendere illa*  
 „*verba ad festa etiam alia nobiliora: Non enim dixerunt*  
 „*Matthæus & Marcus κατὰ δὲ τὴν ἑορτήν, tempore hujus*  
 „*festi, sed ambo sine articulo κατὰ δὲ ἑορτήν, tempore fe-*  
 „*sti, quod Gallice diceremus: ἐς fêtes, vel etiam à chaque fête.*  
 „*Docti judicent. Mihi quidem articulus non temere*  
 „*videtur prætermisus. Evolve BYNÆUM de Mort.*  
 „*Jes. Chr. L. III. p. 94. seqq.*

#### §. VI.

Verum enim vero nullam hæcenus satis idoneam  
 videre potui rationem, quæ mihi persuadere possit,  
 hunc

hunc ritum dimittendi reum, omnibus prænominatis festis fuisse communem. Non enim id verba Evangelistarum, Matthæi, Marci & Lucæ, κατὰ ἑορτὴν evincunt. Observari autem primo meretur, sub voce ἑορτὴ, PASCHATIS seu *azymorum festum* κατ' ἐξοχὴν passim venire. Sic Joh. 4: 45. legimus, Γαλιλαῖος Χριστὸν, quum eorum terras ingressus est, excepisse, πάντα ἑωρακότες, ἃ ἐποίησεν ἐν Ἱεροσολύμοις ἐν τῇ ἑορτῇ. καὶ οὗτοι γὰρ ἦλθον εἰς τὴν ἑορτὴν, *utpote qui omnia vidissent, quæ fecerat Hierosolymis in festo, quandoquidem & ipsi ad festum venerant.* Fuisse autem hoc Paschatis festum, ex collocazione loci Joh. 2: 13. facile colligitur, ubi *Jeum Paschatis festum* frequentasse indicatur. Præterea hoc festum simpliciter ἑορτὴν dici, haud obscure ostendunt verba Joh. 5: 1. *Post hæc, inquit, erat ἑορτὴ τῶν ἡδαιῶν, festum Judæorum, & ascendit Iesus Hierosolymam.* It vero ita statuamus, ipsius Christi verba v. 35. præcedentis capitis suadent, ubi discipulos suos hunc in modum alloquitur: *Οὐχ ὑμῖς λέγετε: ὅτι ἔτι τετραμηνόντι, καὶ ὁ θερισμὸς ἐρχεται. Ἰδὲ λέγω ὑμῖν: Ἐπάρατε τὰς ῥοπαλίας ὑμῶν, καὶ θεάσασθε τὰς χώρας, ὅτι λευκαὶ εἰσι εὖς θερισμὸν ἤδη. Nonne vos dicitis: Adhuc quatuor menses sunt & messis veniet? Ecce dico vobis: Attollite oculos vestros & videte regiones, quoniam albae sunt jam ad messem.* Ingeniosa quidem & observatu dignissima est HEINII in Aristarcho suo p. 186. in hunc locum sententia, ut *τετραμηνόν* dici eam partem anni, in qua duo *egalim*, Pascha & Pentecoste, concurrerent, quorum primo initium, altero finem sumebat messis, ut sensus est, *τετραμηνός ἐστιν, ἐν ᾧ θερισμὸς, quadrimestre spatium est, in quo messis*, adeo ut hoc quindecim aut circiter ante pascha diebus dicatur; decimo quinto enim Nisan primus erat festi dies postridie, id est, decimo sexto, mittebatur falx in messem, ut apparet ex Deut. 16: & novarum frugum manipulus offerebatur. Levit. 23: 11. Egregium sane hoc dici posset inventum, si modo constaret, solere Judæorum annos in ejusmo-

di quadrimestrium trientes dividi, aut primos quatuor anni menses, in quos duo illa festa incidebant, peculiari appellatione *ΤΕΤΡΑΜΗΝΟΝ* fuisse nuncupatos. Quod si autem Judæorum monumenta consulamus, oppido inveniemus, eos quidem primo quadruplex anni initium statuisse, & primum quidem à mense Nisan, à quo festa disposita & Regum Hebræorum anni supputati; alterum à mense Tisri, quo in contrariis faciundis & numerandis Jubilæis & annis Sabbaticis utebantur; Tertium est à mense Elul, à quo annus pro pecorum decimatione incipiebat; Quartum tandem erat à XV. die mensis Schebhet, unde tempus decimandorum fructuum ex arboribus fgebant. Hæc quoad diversa anni principia traduntur. Quemvis autem annum in sex tempestates dividebant Judæi, videlicet *זריז* sementem, *חורף* hyemem, *קור* Frigus, *קציר* Messem, *קיץ* Æstatem, *חום* Calorem; quarum quævis duos menses integros complectebatur. Qua de re, cui volupe est, ipsos adire fontes, *Misch. Rosch. Hasch. c. I. & Gem. Bab. Bava mezia. fol. 106. fac. 2.* vel etiam, si lubucint, quæ ex his in *Commentario nostro de Decimis Judæorum Exercit. IV. §. 6. 11. & sqq.* fufius diximus, evolvat. Quum itaque ejusmodi anni Judaici in quadrimestria divisio, quam *Heinsii*, crudita quidem loci, quem præ manibus habemus, expositio exigit, vix aliquo testimonio probari possit, tutius ibimus, si Johannis locum simpliciter, veluti verba jacent, exponemus. Nam & hoc modo (licet etiam *Heinsii* explicatio nihil obftet) illa evincent, quod probandum nobis incumbit, videlicet, Joh. 5: 1. per vocem *ἡμέρῃ*, simpliciter positam, festum Paschatis indigitari. Etenim Christus in allocutione sua ad discipulos Joh. 4. indicat, quatuor ante messëm sive Pascha menses per Samariam in Galilæam profectum fuisse, unde ad festum illud, cujus Joh. 5: 1. meminit, reversus fuit; at quatuor mensibus ante messëm & Pascha



Pascha & Pentecoste & Tabernaculorum festum superioris anni transacta erant. Jam autem manifestum est, Christum illa verba Joh. 4: 35. eo tempore elocutum fuisse, quo quatuor adhuc menses ad messem usque residui erant; atque ita illud Pascha, quod in sequentem annum incidebat, intellexisse dicendus est. Quum enim messis in Judæa, statim, nisi illam cœli inclementia inhibuisset, post Pascha in ipso mense Nisan contigerit, sequitur, Christi verba ad mensem Cisleu, qui quartus retro Nisan est, referenda esse, quo Pentecostes & Tabernaculorum festa celebrata jam erant. Nihil itaque reliquum est, quam ut dicamus, per ἑορτὴν Joh. 5: 1. *Paschatis festum* intelligi. Sed probabiliora demonstrantibus lubentes cedemus. Cetera loca, quibus ἑορτὴ de Paschatis festo κατ' ἐξοχὴν sumitur, prætermittimus.

#### §. VII.

Quum igitur PASCHA eminenter ἑορτὴ dicatur, quid impedit, quo minus hanc vocem eodem sensu in ll. cc. intelligamus, præsertim, quum pro substrata de passione Christi historia, nullum aliud, quam azy-morum festum, locum habere possit. Neque hic quicquam impedit, quod à tribus Evangelistis Matthæo, Marco & Luca, articulus omissus sit. Sed inde, quod voces κατὰ ἑορτὴν sine articulo positæ, nondum sequitur, eas *singulis festis* interpretandas esse; etenim articulum apud Græcos omitti, adeo inusitatum non est. Vel ponamus, κατὰ ἑορτὴν significare, *singulis festis*; sed neque tum statim sequeretur, tria illa festa, Paschatis nempe, Pentecostes & Tabernaculorum, reliquis ob populi frequentiam solenniora notari, sed Paschatis tantum, quod singulis annis recurrebat, sic ut κατὰ ἑορτὴν idem esset, ac *singulis Paschatis festis*. Quem in modum ERASMUS ad Luc. 23: 17. exposuit, inquiens: Κατὰ ἑορτὴν, *singulis festis*. Nam Pascha recurrebat quotannis. Vel si quis malit, hæc ver-

ba sine ulla torsione ita paraphrastice reddere poterit: Κατὰ ἑορτήν, *secundum* (quam significationem præpositio κατὰ non abnuat) *naturam aut qualitatem festi*; quod cum Luca græce exprimeres κατὰ τὸ ἴδιον τῆς ἑορτῆς, *juxta morem festi*. Luc. 2: 42. Et tandem, si hic mos singulis obtinuisse festis, ἑορτῆς vocabulum absque dubio in plurali positum, aut adversæ parti probandum esset, eam in singulari sumtam, κατ' ἐξοχήν tria illa festa majora significare, quod tamen difficulter procedet. Si forsitan hic authoritatibus dimicandum foret, ad ERASMUM, PISCATOREM, G. I. VOSSIIUM, CLOPPENBURGIUM, L. CAPEL-LUM, H. GROTIUM, DE DIEU, LIGHTFOOTUM, haud obesæ naris viros, nobiscum sentientes, provocaremus, quorum scripta evolvat, cui vacat.

### §. VIII.

Sed vellent forte quidam, inde, quod tribus semel atque iterum allegatis festis Judæi reos suos extremo supplicio afficere soliti fuerint, inferre, iisdem solennitatibus morem tales *dimittendi* obtinuisse. Id quidem diffidendum non est, apud Judæos, juxta eorum πα-  
 γάδοισιν insigniores reos festorum tempore morte ple-  
 cti consuevisse. Quem morem ex Deut. 17: 12. 13. evincere conantur, quandoquidem ibi legitur: *Et vir, qui aget superbe, ut non auscultet sacerdoti, qui stat ad ministrandum ibi Domino Deo tuo, morietur is ipse vir, & auferes malum ex Israele*; וְכָל הָעָם יִשְׁמְעוּ וְיִרְאוּ וְלֹא יִירָדוּ עוֹד & omnis populus audient & timebunt, & non superbe agent amplius. Hinc RASCHI, ABARBANEL, aliique ad h. l. commentatores, ideo quod dicatur, & omnis populus audiet, &c. contendunt, ejusmodi fontis sup-  
 plicium ad festum anniversarium דִּי הָרִגְלִי dictum, h. e. vel Pascha, vel Pentecosten, vel Scenopegiam, dilatum fuisse, quippe tum omnis undique populus Jerosoly-  
 mam sacrorum causa confluebat. Petita hæc expo-  
 sitio,

litio, sine dubio, est ex *Mischna Sanhedrin, C. X. §. 4.* ubi de supplicio hominis מוסף על דברי סופרים addentis ad verba scribarum, hæcce traduntur: אין ממתין אותו לא בבית דין שבעירו ולא בבית דין שביבנה אלא מעלין אותו לבית דין הגדול שבירושלים ומשמרין אותו עד הרגל וממתין אותו ברגל שנאמר וכל העם ישמעו ויראו ולא יידון עוד: דברי רבי עקיבא רבי יהודה אומר אין כטנן את דינו של זה אלא ממתין אותו מיד וכותבין ושולחין בכל המקומות אנש פלוני בן איש: *Non occiditur à iudicibus civitatis suæ; non à Synedrio, quod Sabbne est. Sed ad summum Senatum Hierosolymam deducitur, atque isthic in custodia asservatur usque ad festum, & in festo interficitur. Q. D. E. Et totus populus audiet & timebit, neque amplius præfracte agent. (Deut. 17: 13.) Verba sunt R. Akiba. Sed R. Judas ait: Non reddunt acerbum ejus iudicium dilatione longa, sed quam primum eum occidunt, literasque conscribunt, & nuntios undique dimittunt, hac formula: Vir ille N. N. filius illius N. N. ex sententia Senatus supplicio affectus est. Differunt hic quidem inter se R. Akiba & R. Judas, verum ex interpretum consensu עקיבא רבי הלכהכרבי Decisio est juxta verba R. Akiba; asserentis, hominem sapientum traditionibus refragantem, Hierosolymis tempore festi solennis, quo Israel universus ex lege divina congregatus erat, capitis supplicio plexum esse; quo Israelitæ omnes, tristi spectaculo moniti, discerent, non temnere Rabbinos, sed eorum dictata ut totidem oracula revereri. Atque juxta decisionem hanc totidem ferme verbis MAIMONID. in *Hilc. Memar. c. 3. §. 8.* sententiam suam pronuntiavit. Elegantem interim conjecturam, quam ex hoc ritu circa Salvatoris nostri condemnationem JOH. JAC. HULDRICUS deduxit, in ejus *Hist. Jesch Nazareni, p. 89.* legere poteris. Quamvis vero hæc ita sese habuerint, ut singulis tribus festis*

majoribus supplicia in eximios fontes peracta fuerint, tamen inde nondum sequitur, morem dimittendi quendam reorum iisdem omnibus communem fuisse. Nam, præterquam quod credibile non sit, Romanos Judæorum subactæ genti fræna adeo laxasse, ut singulis festis captivum dimitterent, quem ipsa vellet; perpendi meretur, rationem festi vel Pentecostes vel Scenopegias ejusmodi ritum nullatenus admisitisse. *Pentecostes* enim festum, quod Levit. 23: 15. *הַשְּׁבוּעוֹת* *Festum septimanarum* dicitur, juxta quosdam in memoriam datæ legis institutum erat, unde illud *יום בתן תורתך* *dies vomodestias* appellatur; quod tamen ABARBANEL in *Leg. fol. 262. c. 3.* vehementer negat. Alii vero, quod & multo probabilius est, illud in gratiarum actionem pro integra messe præceptorum esse, pertendunt, quam ob rem etiam *הַקָּצִיר* *festum messis*, (scilicet triticæ, quæ hordeacea serior erat) cluet. Quoad originem & causam festi *Tabernaculorum*, ejus instituti ipse Deus, Levit. 23: 13. hanc dat rationem, ut *secutura* *atates* scirent, *Deum fecisse, ut Israelitæ habitarent in tentoriis, quum ex Ægypto educerentur.* Alii addunt, quod *Succoth* primus locus dictus fuerit, ad quem post fugam suam appulerunt & ubi tentoria struxerunt. Nec desunt tandem, qui putent, in memoriam quoque divini mandati de extruendo Tabernaculo conventus hoc Festum fuisse institutum, quod tempus utriusque conveniat. Jam vero quænam ex hisce rationibus, propter quas duo hæc festa præcepta, cum ritu dimittendi reum in illis convenire, quisque inter hunc & illas nexus excogitari potest? Sed è contra, alienum non est, *Paschatis* potius festo, quam alio, dimissum fuisse captivum, ut educti olim ex Ægyptiaca captivitate populi monumentum esset.

#### §. IX.

At jure quis mihi acclamaret: me hucusque  
pro

pro demonstranda & asserenda hac sententia inanem impendisse operam, &, uti dici solet, de lana caprina di'putasse; Cui enim usui tantus argumentorum apparatus, quum ipse sacer Codex de rei veritate quemvis vincat, & ritum dimittendi reum solo Paschatis festo obtinuisse, totidem verbis adstruat? Equidem quid clarius verbis JOH. 18: 39? ubi Pilatus, animo Servatorem nostrum dimittendi, scævientem Judæorum turbam hocce modo alloquitur: Ἔστι δὲ συνήθεια ὑμῖν, ἵνα ἓνα ὑμῖν ἀπολύσω ἐν τῷ πάσχα. Est autem consuetudo vobis, ut unum dimittam vobis, Ecquando? in Paschate, inquit. Apodicticum certe & omni exceptione majus argumentum, hanc consuetudinem nonnisi illo festo obtinuisse. Quo sensu etiam NONNUS Panopolitanus Johannis verba παραφράζει, dum canit:

Ἀρχηγόν δὲ  
ὑμῖν πατέριόν ἐστιν ἐτήτιον, ὅφρα καὶ ὑμῖν  
ἐκ φυλακῆς καλέσας ἓνα δέσμιον ἄνδρα λύω,  
ὅποτε εὐαγέος τῷ Πάσχα ἐπῆλθεν ἑορτῇ.

Quæ ex Francisci Nansii emendata interpretatione, ita Latine sonant: Priscum vero vobis patrium est anniversarium, ut vobis è carcere vocans unum vincitum virum solvam, quando sancti Paschæ advenit festum. Neque quicquam contrariam sententiam juvabit objicere, Johannem ἐν τῷ πάσχα scripsisse, non, quod tantum in Paschate is mos obtinuerit, sed quod etiam, præter alia festa, in Paschate; nimis enim evidentia sunt S. Evangelistæ verba, quam ut ejusmodi ratiocinium patiantur, utpote quibus consuetudo illa, de qua differimus, speciatim ad solam Paschatis solennitatem restringitur; sic ut non sine ratione quis mirari posset, quare tam eruditi cetera viri in adversam discesserint sententiam.

§. X.

Missæ igitur & adstructa prima de hoc ritu quaestione,

stione, ad alteram, quæ circa illum inter eruditos moveri solet, pergimus; inquisituri scilicet: unde hujus ritus origo, à Gentilibus vel Judæis, arcessenda sit? Prius asserunt plures, quorum proinde mentem ab illis ipsis experiemur. Atque primo statim se nobis offert HUGO GROTIUS, à Romanis morem hunc profectum esse, asserens. Sic enim ille ad Matth. 23: 15. commentatus est: Veterem hunc morem fuisse non credo. Nam Lex Mosis erat *χωρὶς οἰκτισμῶν*, ut ait scriptor ad Heb. 10: 28. *ὁ νόμος τὸ ἀσύνγνωστον ἔχει*, inquit scriptor responsionum ad Orthodoxos. Nec cuiquam homini data ignoscendi potestas, non Regi, non Synedrio, non populo universo. Nam Jonathan, cujus pœnam populus deprecabatur, aut contra æquum ad pœnam poscebatur à patre, aut certe non ex lege Mosis, sed ex novo edicto regio; nam in legem nihil peccaverat. David Absolomo veniam dare ausus non est, donec forte propositum paterno affectui, Joabo annitente, succubuit. Joabo quoque homicidii pœna dilata, non donata est. Rex etiam Sedekias agnoscit, se contra Synedrii sententiam nihil posse. Ipsi autem Synedrio Sameas exitium vaticinatus est, quod Herodem accusatum non condemnasset. Quare credibile est, à Romanis hoc esse. Nam in Livii Historia invenimus, lektisternii indictis diebus, victis demta vincula; religioni deinde fuisse, quibus eam opem Dii tulissent, vinciri. Ad hoc exemplum putem, ab Augusto hanc gratiam concessam populo Judaico; idque mandatis Procuratorum fuisse comprehensum. Nam alioquin Præsides Romani nullam habebant ignoscendi libertatem, ut leges nos docent. Hanc H. Grotii sententiam GER. JOH. VOSSIUS imitatur; ille enim Harm. Evangel. l. 2. c. 5. §. 4. & 5. ita scribit: Hæc consuetudo non erat a temporibus antiquis; quibus si quid contra legem Mosaicam peccatum foret, nulli erat ignoscendi potestas; non Regi, non Synedrio, non toti populo. Omnino enim obtinebat, quod divinus ad Hebræos Epistola scriptor ait c. 10: 28. Qui aspernatus fuerit Mosis legem, absque misericordia (*χωρὶς οἰκτισμῶν*) sub duobus aut tribus testibus mori-

tur.

tur. At profectus is mos a Romanis, qui stante adhuc Republicæ tempore vincula captivis adimi jussere, ut ex Livio constat. Quomodo cum animati essent, nihil mirum, si Augustus Cæsar, ut gratificaretur Judæis, hoc Præsidibus, quibus nulla alioqui ignoscendi potestas, concesserit, ut in Festo præcipuo, h. e. Paschæ, quod sæpius ἀπλῶς festi nomine intelligitur, permiserit iis, uni ex captivis vincula demere, atque eum carcere emittere. Quibus quoque WILH. GOESIIUS, in erudito ejus libro, cui Pilatus Judex titulum dedit, hisce verbis p. 49. subscripsit; Quæ (dimittendi reum in Paschatis festo) consuetudo, à moribus Senatus Romani originem traxisse videtur, qui (L. 8. t. 9. ff. ad S. C. Turp.) ob res prospere gestas, ob diem insignem, publicamve ob latitiam censere solebat, reorum ut abolitio fieret. Quodque generatim Romæ fuit receptum, Hierosolymis quadantenus est adumbratum, dum ageret urbs ea sub Romanis. Ut nimirum in Pascha, quod festum imprimis fuit insigne & celebratum à Judæis cum multa solennitate, aliquis ob diei festivitatem reorum numero eximeretur. His annumerare possumus HAMMONDUM, Anglum. Ille quidem locum Matth. 27 : 15. ex nostra quidem sententia ita παραφράζει: Cum autem Paschatis, solennis Judæorum festi, tempus esset, solebant hoc tempore Præsides in gratiam gentis captivum Judæum vinculis solvere; quod ut populo esset gratius, licebat ei suffragiis eligere quem vellet. Verum, quæ ad eundem locum de ritus hujus origine annotavit, ab iis, quæ ex jam adductis authoribus protulimus, non dissentiant: Hic, inquit, non erat mos Judæorum, donec penes eos fuit capitalium judiciorum potestas, sed ad faciendum populum, (vel, ut CLERICUS correxit, ad faciendum sibi favorem apud populum,) ejusque favorem Procuratori conciliandum, à Pilato inductus. Similiter Imperatores Valentinianus, Theodosius & Arcadius, jusserunt festo Paschali, omnes Judæorum vinctos remitti, iis exceptis qui certorum criminum rei erant. Sed, ut id ὡς ἐν παραδοξῇ moneamus, in eo quod HAMMON-

MONDUS de Imperatorum Christianorum consuetudine tradit, omnino erravit. Verum equidem est, laudatos Imperatores (quod infra pluribus probabimus;) ob Paschalem lætitiā carceres aperiri jussisse, verum id non in honorem Judaici sed Christiani Paschatis factum, ubi non magis solvebantur Judæi quam alii, quemadmodum ab *Hammondi* commentatore, JOH. CLERICO, recte annotatum est; qui tamen etiam Judaicæ consuetudinis originem à Romanis derivat, quum ipsi religio ferme sit à *Grotii* hypothesebus discedere. Tandem ex Veteribus TITUM Bostorum Episcopum huic sententiæ faventem adjungimus, cujus verba MERYLL. *Not. Philol. in Pass. Christi*, ad Joh. 18: n. 9. ita recensuit: Titus Bostorum Episcopus ad caput 23. *Lucæ*, Tom. 2. *Biblioth. P.P. Græcorum*, probabile esse existimat, hanc consuetudinem Romanos secundum leges patrias reliquisse; ut præses unum vinctum populo per diem festum dimitteret, velut Saul Jonathan ad populi petitionem vita donaverat, εἰκὸς ἄρσι ὑποσπόνδων γενομένων Ῥωμαῖοις Ἰουδαίων ὡς περ πατέριον ἦν αὐτοῖς, παρέχειν τινὰ τῷ λαῷ, διετήρην Ῥωμαῖοι τῆτο.

### §. XI.

Equidem & Græcorum & Romanorum olim fuisse morem, non tantum, ut diebus religiosis & sacris à suppliciis abstinereetur, sed etiam solenniorum festorum diebus vinctos solutos fuisse, veterum scriptorum monumenta passim clamant. Et hæc quidem consuetudo apud Romanos, in LECTISTERNII, pro avertenda Deorum ira, instituta solennitate, præsertim obtinebat. Habebant quidem Gentiles Romani religionis speciem quandam, qua ipsorum irata Numina mitigatum iri credebant, quæ sub *supplicationum* nomine venit, ubi in placandis Diis *supplices* procumbebant, limina osculabantur, postea caput allidebant & per templum ad sacram aram accedebant,

aut



ut ad sedem ejus Dei, quem placare cupiebant, supplices replebant, in quibus etiam crinibus templorum pluvium verrere matronæ solebant. De quo audiendus LIV. Hist. l. 3: c. 7. *Et per ignota capita, inquit, late evasata est vis morbi; inopsque senatus auxilii humani, ad Deos opulum & vota vertit, jussi cum conjugibus ac liberis supplicium ire, pacemque exposcere Deum. Ad id, quod suamque mala cocebant, auctoritate publica evocati, omnia elubra implent. Strata passim matres crinibus templa verentes, veniam irarum caelestium finemque pesti exposcunt. simile quid fieri consuevit, quum hostili aliquo nuncio perculsa civitas ad Deos & vota confugiebat. exemplum iterum exhibet LIV. l. 26. c. 9. inquit: Romam Fregellanus nuntius, diem noctemque itinere continuans, ingentem attulit terrorem, tumultuosius quam allatum erat, irsus hominum affingentium vana auditis, totam urbem converterat; ploratus mulierum non ex privatis solum domibus audiebatur, sed undique matronæ in publicum effusæ circa deum delubra discurrunt, crinibus passis aras verrentes, nixæ manibus, supinas manus ad cælum ad Deos tendentes, orantesque, ut urbem Romanam e manibus hostium eriperent, matresque Romanas & liberos parvos inviolatos servarent. Et tunc Romanarum mulierum morem fuisse, C. SILIONIUS ad hunc Livii locum, hisce POLYBII veris confirmat: αἱ δὲ γυναῖκες πορευόμεναι τὰς ναῖς, ἰκέτευον τοὺς θεοὺς πλυνῆσαι ταῖς κόμαις τὰ τῶν ἱερῶν ἐδάφη, τὸτο γὰρ ἡμεῖς ἔθος ἐσὶ ποιεῖν, ὅταν τις ὁλοσχηρῆς τὴν πατρίδα καταλαμύνοι κίνδυνος. Quæ vix melius, quam citatis jam jam Livii verbis, Latine reddes. Pertinent huc quoque, etiam de his supplicationibus LUCANUS, Lib. II. cernit:*

*Hæ lacrymis sparsere Deos, hæ pectora duro  
Affixere solo, lacerasque in limine sacro  
Attonitæ fudere comas, votisque vocari  
Assuetis crebris feriunt ululatibus aures.*

*Nec*

*Nec cunctæ summi templo jacuere Tonantis,  
Divisere Deos, & nullis defuit aris  
Invidiam factura parens, &c.*

SILIUS item, *Lib. XII.*

*Funditur immixtus gemitu precibusque per alios  
Ad cœlum muros clangor, sparsæque solutis  
Crimibus exululant matres atque ubera nudant.*

CLAUDIANUS denique in *Encomio Serenæ uxoris Stiliconis*, v. 224.

*Numinibus votisque vocas, & supplice crine  
Verris humum.*

Sed alios *Supplicationum* ritus in P. MERULÆ *Enar. Vet. Rom. Sacrific.* invenies. Nunc nobis redeundum, unde digressi sumus.

## §. XII.

Et ad hosce *supplicationum* ritus, illæ quoque solennitates, quas Romani LECTISTERNIA appellabant, pertinere videntur. Etenim apud eos moris erat, ut nonnunquam placandæ alicujus Dei iræ causa, convivium in templo illius exhiberetur, Diisque tanquam epulaturis & cubituris, lecti sternerentur. Quam festivitatem, quum ab illa ritus dimittendi reum in Judaici Paschatis Festo, derivari soleat, paululum prolixius describemus; ut scilicet eo clarius pateat, num aliqua inter Judaicum ritum & Romanorum *Lectisternia* convenientia sese offerat. Dum autem hæc ex ipsis fontibus repetere animus sit, vetustiorum scriptorum monumenta adeunda erunt. Ex his vero vix alius erit, qui in hac materia facturus sit satis, quam TITUS LIVIUS Patavinus; Ille autem de *Lectisterniorum* origine & ratione *Hist. Lib. V. c. 13.* ita tradit: *Tristem hyemem, sive ex intemperie cæli, raptim mutatione in contrarium facta, sive alia qua de causa, gravis pestilensque omnibus animalibus ætas excepit.*  
Cujus

Cujus insanabili perniciē, quando nec causa nec finis inveniebatur, libri Sibyllini ex Senatus consulto aditi sunt. Duumviri sacris faciundis, lectisternio tunc primum in urbe Romana factō, per dies octo Apollinem, Latonamque & Dianam, Herculem, Mercurium atque Neptunum, tribus, quam amplissime tum apparari poterat, stratis lectis placavere. Privatum quoque id sacrum celebratum est. *Nota urbe patentibus januis promiscuoque usu rerum omnium in propatulo posito, notos ignotosque passim advenas in hospitium ductos ferunt, & cum inimicis quoque benigne ac comiter sermones habitos, jurgiis ac litibus temperatum. Vinculis quoque demta in eos dies vincula; religioni deinde fuisse, quibus eam opem Dii tulissent, vinciri.* En lectisterniorum Romanorum originem & causam. Ad quem vero annum hoc primum referendum sit, non unanimes observo eruditos. CASAUBONUS ad Suet. Vit. Neron. c. 61. illud ad A. U. C. 355. alii vero 354. referunt. Qua interim ratione LIVIUS, hoc primum Romæ lectisternium fuisse asserat, nonnulli ambigi posse arbitrantur, cum aliud prius à Valerio Poplicola, qui primus cum Bruto consul fuerit, celebratum sit, & VALERIUS MAXIMUS Lib. 2. c. 4. meminit: Verum illud *ἐναυτιοφάνης* tantum non esse, alii censuerunt; ut propterea Valerius cum Livio sit committendus. Illud enim lectisternium, quod Livius primum fuisse ait, ex oraculo Librorum Sibyllinorum institutum erat; Poplicola autem sequebatur exemplum Valesii, vitæ rusticæ, sed viri locupletis. Deinde Livianum illud in honorem Deorum superiorum, hoc Valerianum Diti & Proserpinæ, Diis adeoque inferis, factum fuit. Sed non solo hoc citato LIVII loco, verum & alibi in ejusdem historia, hujus lectisternii religionis mentio occurrit, veluti Lib. VII. c. 2. Et hoc, inquit, & sequenti anno, G. Sulpitio Pætico, C. Licinio Stolone, Consulibus, pestilentia fuit. Eo nihil dignum memoria actum, nisi quod pacis Deum exposcendæ causa tertio tum post conditam urbem

urbem lectisternium fuit. Et quum vis morbi, nec humanis consiliis, nec ope divina levaretur, victis superstitione animis, ludi quoque scenici, nova res bellicoso populo, (nam circi modo spectaculum fuerat;) inter alia cælestis iræ placamina instituti dicuntur. Et iterum Lib. XXI. c. 62. Romæ aut (GRONOVIVS legendum putat &) circa urbem multa ea hyeme prodigia facta; aut (quod evenire solet, motis semel in religionem animis,) multa nunciata & temere credita sunt. In quæis, ingenuum infantem semestrem in foro olitorio triumphum clamasse; & foro boario bovem in tertiam contignationem sua sponte ascendisse, atque inde tumultu habitatorum territum sese dejecisse; & navium speciem de cælo affulsisse; & ædem Spei, quæ in foro olitorio est, fulmine ictam; & Lanuvii hastam se commississe; & corvum in ædem Junonis devolasse, atque in ipso pulvinario consedisse; & in agro Amiternino, multis locis hominum specie procul candida veste visos, nec cum ullo congressos; & in Piceno lapidibus pluuisse; & Cære sortes extenuatos; & in Gallia lupum vigili gladium è vagina raptum abstulisse. Ob cetera prodigia, libros adiere decemviri jussi. Quod autem lapidibus pluisset in Piceno, novendiale sacrum editum, & subinde aliis procurandis prope tota civitas operata fuit. Jam primum omnium urbs illustrata est, hostiæque majores, quibus editum est, Diis cæsæ, & donum ex auri pondo quadraginta Lanuvium ad Junonis portatum est, & signum æneum marronæ Junoni in Aventino dedicaverunt, & lectisternium Cære, ubi sortes attenuatæ erant, imperatum; & supplicatio Fortunæ in Algido: Romæ quoque & lectisternium Juventuti, & supplicatio ad ædem Herculis, nominatim deinde universo populo, circa omnia pulvinaria indicta, & Genio majores hostiæ cæsæ quinque, &c. Attilius Serranus prætor vota suscipere jussus, si in decem annos respublica eodem stetisset statu. Hæc procurata votaque ex libris Sibyllinis, magna ex parte levaverant animos religione. Et tandem L. XXII. c. 10. memorat: His Senatusconsultis perfectis L. Cornel. Lentulus, (hic, ex SIGONII sententia, est L. Corn. Lentulus

Cau-

Caudinus, qui Consul cum Q. Fulvio Flacco fuit, inter primum & secundum bellum Punicum;) Pontifex Maximus, consulente collegium pratore, omnium primum populum consulendum de voto sacro censet; injussu populi voveri non posse. - - Eiusdem rei causa ludi magni voti aris trecentis triginta tribus millibus, trecentis triginta tribus, triente. Præterea bubus Jovi trecentis, multis aliis divinis bubus albis atque ceteris hostiis. Votis rite nuncupatis, supplicatio edita; supplicatumque iere, cum conjugibus ac liberis, non urbana multitudo tantum, sed agrestium etiam, quos in aliqua sua fortuna, publica quoque contingebat cura. Tum lectisternium per triduum habitum, decemviris sacrorum curantibus. Sex pulvinaria in conspectu fuere; Jovi & Junoni unum, alterum Neptuno ac Minervæ, tertium Marti & Veneri, quartum Apollini ac Dianæ, quintum Vulcani & Vestæ, sextum Mercurio & Cereri. Tum ædes vota. Veneri Erycinæ ædem Q. Fabius Max. dictator vovit; quia ita ex fatalibus libris editum erat, ut is voveret, cujus maximum imperium in civitate esset. Marti ædem T. Otacilius prætor vovit. Verum, ne quidquam, quod ad rem nostram pertinere videtur, ex LIVIO omittamus, unicum adhuc locum producemus, quo tradit, certa fana templaque fuisse, in quibus lectisternium majorem partem anni fieri solebat. Extat ille L. 36. Ep. c. 1. statim ab initio: Publium Cornelium Cn. filium Scipionem & Manlium Acilium Glabrimonem Consules, inito magistratu, Patres priusquam de provinciis agerent, res divinas facere majoribus hostiis jusserunt in omnibus fanis, quibus lectisternium majorem partem anni fieri solet; precarique, quod Senatus de novo bello in animo haberet, ut ea res Senatui populoque Romano bene ac feliciter eveniret.

### §. XIII.

Ex hisce igitur, quæ hucusque LIVIUS nos edocuit, lectisterniorum faciundorum causa & ratio facili labore colligi potest; ea scilicet impendente vel urgente aliquo malo instituta fuisse, id quod prolata

exempla satis superque evincunt. Simile habet TACIT. *Annal. Lib. XV. c. 44.* Ubi, postquam retulisset, quæ humanis consiliis in terribili incendio Romano, quod Neronis tempore accidit, providebantur, ita pergit: *Mox petita à Diis piacula, aditque Sibyllæ libri, ex quibus supplicatum Vulcano & Cereri Proserpinæque, ac propitiata Juno per matronas, primum in Capitolio, deinde apud proximum mare, unde hausta aqua, templum & simulacrum Dea prospersum, & lectisternia ac pervigilia celebrare faminae, quibus mariti erant.* Ingruentibus calamitosi temporibus, Deorum suorum iram placare conabantur Romani lectisterniorum hac festivitate, quando Diis suis, quorum simulacra pulvinaribus imponebantur, lectos sternebant, eosque ad epulas paratas quasi invitabant, quæ tamen à sacerdotibus consumebantur. Hinc SERVIUS in *Virg. Lib. XII. Aeneid.* inquit: *Lectisternia dicuntur, ubi in templo homines sedere consueverant.* Notamus, lectisternium in Capitolio sic celebrari solitum: *Stratis tribus lectis, convivium tribus Deis apponebatur, Jovi, Junoni & Minerva. Jovis simulacrum in lectulo reponebatur, Juno vero & Minerva in sellis; sic appositis epulis, non Dei sed septem ipsi epulones celebrabant.* Hæc insuper lectisternia, à lectis, qui Diis sternebantur, PULVINARIA quoque appellantur. Haud equidem ignoro, *pulvinar* quandoque apud veteres scriptores ipsum vocari templum, vel illam ejus partem, ubi lecti strati erant. Sed id verum est, *pulvinaria* quoque pro lectisterniis, uti etiam de templis poni. Ut alia loca prætermittamus, unicum proferimus ex TACIT. *Annal. Lib. XIV. c. 12.* Miro tamen, inquit, certamine Procerum decernuntur supplicationes apud omnia pulvinaria, utque *Quinquatrus*, quibus aperta essent insidia, ludis annuis celebrarentur. Vide etiam *Lib. XV. c. 23.* Hinc etiam ARNOBIUS *Lib. VII.* hæc lectisternia ita ridet: *Habent Dii lectos, atque ut stratis possint melioribus incubare, pulvinorum tollitur atque excitatur im-*

*impressio.* Qui vero & huc adduci solet HORAT.  
Carm. Lib. I. Ode 37. locus :

*Nunc est bibendum , nunc pede libero  
Pulsanda tellus : Nunc Saliaribus  
Ornare pulvinar Deorum  
Tempus erat dapibus sodales.*

id alienum videtur , quum illa Ode HORATIUS  
sodales suos ob Aëtiacam Augusti victoriam biben-  
dum & lætandum esse exhortatur , adeo ut illud non  
supplicationum sed lætitiæ festum fuerit. Præterea  
quod eos , qui lectisterniorum curam habebant , at-  
tinet , hos LIVIUS Lib. V. c. 13. *Duumviros* vocat ;  
videntur hi Ill. viri epulones esse , qui numerus suc-  
cessu temporis ad septem auctus , hinc LUCANUS  
Lib. I.

*Septemvirque epulis festus , Titique sodales.*

Et SERVIUS l. c. inquit : *Sic apposis epulis , non Dei ,  
sed septem ipsi epulones celebrabant.* Numerum denique  
septenarium , tribus additis denuo auxerunt , & hinc  
decemviri epulorum constituti , quod etiam LIV. XXII.  
c. 10. hisce verbis innuit : *Tum lectisternium per triduum  
habitum , Decemviris sacrorum curantibus.* Hos si lectister-  
niatores vocare velis , per me licebit , nullibi tamen vi-  
dere mihi contigit , illam vocem tali sensu , qui sacra  
lectisternia indicaret , usurpari. Occurrit quidem illa  
apud PLAUTUM in *Pseud. Act. I. Scen. 2.*

*Tibi hoc præcipio , ut niteant ædes : habes quod  
facias : propera , abi intro.*

*Tu esto lectisterniator Tu argentum eluito , idem  
exstruito.*

*Hæc , cum ego à foro revortor , faciet ut offendam  
parata ,*

*Vorsa , præsterga , strata , lauta coëtaque uti sint.*

Sed cuivis liquido apparet, **PLAUTUM** hic per *lectisterniatorem*, talem intelligere, qui mensis lectisque sternendis, non quidem in sacris, sed communibus epulis præest; adeo ut ad rem nostram nihil quidquam faciat.

#### §. XIV.

Id tamen, quod in re præsentī maxime præcipuum, & ex veteri lectisterniorum ritu cumprimis derivandum nobis est, in eo consistit, quod etiam in illorum festivitate captivi vinculis suis soluti fuerint. Quem morem **LIVIVS** l. V. c. 13. hisce exprimit verbis: *Vinctis quoque demta in eos dies vincula, religioni deinde fuisse, quibus eam opem Diī tulissent, vinciri.* Hanc consuetudinem, ut multas alias, Romani forsā à Græcis petierunt, utpote quibus, ut jam supra præmonuimus, in more positum fuit, solennioribus festis vinctos dimittere reos. Sic apud Athenienses fuit νόμος ἐν τοῖς δεσμοφορῖοις, λύεσθαι τὰς δεσμότητας, *lex, qua in Cereris festo vinctos dimittebant.* **ULPIANUS** (quem locum nobis **CASAUBONUS** ad *Suet. Vit. Ner. c. 61.* suppeditavit) ad **DEMOSTHENIS** illa verba: πολλὰς πενταετηρίδας ἐν τῷ δεσμοτηρίῳ διατρέψαντα, ex oratione κατὰ Τιμοκράτην, sic notat: Ὁυχ ἀπλῶς τὸτο εἶπεν, ἀλλ' ἐπειδὴ κατὰ πέντε ἔτη ἤγετο τὰ παναθηναῖα, τότε δὲ ἔξην ἀφεῖσθαι τὰ δεσμὰ τὰς δεσμότητας διὰ τὴν πανήγυριν, ὡς ἔγνωμεν ἐν τῷ κατὰ Ἀνδροτίωνος. Certe hæc Romanorum lectisterniis conveniunt, quæ à Græcis celebrata esse, alii quoque testantur authores. **SCHOLIASTES PINDARI**, *Olympioniconum Oda prima*, de Atheniensibus refert: διὰ τιμῆς ἤγον οἱ Ἀθηναῖσι τὸν Αἴαντα, ὡς μὲν μόνον Ἀιαντίδῃ Φυλὴν ἀποδεῖξαι, αἰδᾷ καὶ κλίνην αὐτῷ κατὰ πανοπλίας κατακοσμεῖν. **ÆMILIUS PROBUS** in *Timotheo* retulit: *Quæ victoria tantæ fuit Atticis letitiæ, ut tum ara Paci publice sint facta, eique Deæ pulvinar sit institutum.* **PAUSANIAS** in *Arcadicis*: Κλίνητε ἱερὰ τῆς Ἀθηνῆς καὶ αὐτῆς εἰκὼν γραφῆς μεμιμημένος ἀνάκειται. **IDEM** ille



ille in *Phocidis* de templo quodam *Æsculapii*: *Κλίη δὲ ἐν δεξιῷ κεῖται τῆ ἀγάλματος.* *VALERIUS MAX. Lib. II. c. 10.* ubi de *Harmodii* & *Aristogitonis* imaginibus agit: *Rhodii quoque*, inquit, *eas urbi suæ appulsas; cum in hospitium invitassent, sacris etiam pulvinaribus receperunt.* Atque talem apud Græcos morem obtinuisse, jam-jam laudatus *CASAUBONUS ad Suet. Vit. Jul. Cæs. cap. 76.* primum se observasse putat. Congessit interim, quæ huc pertinent, nonnulla *URSINUS in Analect. sacr. l. 1. c. 41.* Qui etiam observat, dictu non facile esse, num hæc talia ex antiqua traditione, de liberatione hominum ex damnationis ergastulo, an vero ratione inventa sint, quod Deum propitiaturos deceat, hominibus se placabiles exhibere, honoremque habere sacris locis & antistitibus, nostris ad Deum deprecatoribus, hunc conveniat? Suasit equidem ratio, fundendum esse merum Genio, non hostiam faciendam, ut ait *CENSORINUS de die natali, c. 2.* Quam *VARRONIS* sententia exponit: *Id moris institutique majores nostri tenuerunt, ut cum die natali Genio munus annale solverent, manum à cæde ac sanguine abstinerent, ne die, qua ipsi lucem accepissent, aliis demerent.* In *Atticis.* Sic de *Quinquatribus* *OVID. Lib. III. Fast.*

*Sanguine prima vacat, nec fas concurrere ferro,  
Causa, quod est illa nata Minerva die.*

### §. XV.

Jam vero, postquam satis diu lectisterniis inhæsimus, eo pervenimus, ut inquiramus, num mos dimittendi reum in Paschatis Judaici festo, ex Gentilium religione, vel in specie lectisternii Romani solennitate, quod *H. GROTIUS* placuit, ortus sit. Quod si totam hanc rem æqua animi lance perpendamus, vix credi posse videtur, Judæos, tum temporis, idololatricos Gentium mores imitatos. Quamvis enim Hebræa gens à pluribus seculis idololatriæ deditissi-

ma fuerit, omnesque ferme superstitiosos ritus, quibus diversæ gentes in idolorum suorum cultu usæ fuerunt, utcunque ridiculi, pudendi, spurci, abominandi, supra quod dici aut fingi potest, iis ipsis idolis famulantes usurparint. Equidem soli equos sacrificabant cum Chaldæis & Persis; vitulam eremiticum saltationibus coluerunt & comessationibus, prorsus ut Ægyptii Apim; Ammonitas & Tyrios in filiorum filiarumque immolatione imitati sunt; libationes Syriacas Astarthæ factas, vino & placentis, quas obrulerunt Reginæ Coeli, expresserunt: Verbo dicam, nil tam ineptum & ridiculum, nihil tam obscœnum aut stercoreum, ab ineptissimis idololatriis usquam excogitatum erat, seu verius à tenebrarum principe eis suggestum, quin illud prætulerint cultui Dei vivi sanctissimo castissimoque. Quamvis, inquam, hæc omnia, veluti S. literæ passim testantur, ita sese habeant, vix tamen probabile est, Judæos, ex quo eorum terra in Romanæ provinciæ formam redacta erat, illique libertatis amantiissimi gravissimum Romanorum jugum subire cogeantur, hujus adeo exolæ gentis ritus atque mores in sacra trahere voluisse; præsertim etiam, postquam infinitis ferme humanis traditionibus, divinam legem sepimento quasi circumdederunt; adeo facile concipi non potest, quomodo peregrini ritus, in favorem illius gentis, quam summo prosequabantur odio, invalescere potuerint.

### §. XVI.

Neque insuper ex natura & conditione lectisterniorum Romanorum elici potest, ritum Judaicum in dimissione rei ab illis arcessendum esse, nulla enim hic convenientia inter lectisternia sive Romanorum sive Græcorum & Judæorum Pascha in genere. Quandoquidem lectisternia, sollemnitates extraordinariæ, & solum magnarum calamitatum tempore in-

indictæ fuerunt, cum quidem in finem, ut Dii ipsorum placarentur: Sed in ratione, causa & origine Judaici Paschatis, nihil quicquam simile, quod cum illis comparari possit, quum festum illud statum fuerit atque fixum, & quidem non tam in recordationem calamitatis alicujus, quam potius prægrandis alicujus & eximii beneficii, libertatis videlicet ex durissima servitute Ægyptiaca, institutum. Neque etiam in specie, quoad ritum reos vinculis solvendi, gentilium mos cum Judæorum consuetudine convenit, quoniam non unum sed omnes captivos dimittere solebant in lectisterniis Romani. Hinc certe Pilatus, qui Christum dimittere studebat, Christum cum Barraba simul dimisisset; at juxta Judæorum morem nonnisi unus dimittendus erat. Ergo instituti Judaici alia, & alia Gentilium ratio erat. Ad hæc, si Pilatus animadvertisset, Judæos ritum suum ad Romanæ religionis imitationem instituisse, non quasi coacte, sed iponte, illis eo uti concessisset; jam vero, juxta LUCAM, *oportebat* Pilatum, unum ex vinctis dimittere; fecit id ergo ex lege, quidquid hac in re Judæis Pilatus concessit. Hinc insolens turba insana vociferatione juris sui & consuetudinis executionem petebat. Vide MARC. XV. 8.

§. XVII.

Verum omnium argumentorum, quæ pro adstruenda nostra hypothese inservire possunt, evidentissimum nobis exhibet ipse Pilatus apud JOHANNEM XVIII. 39. *Ἔσθι δε συνήθεια ὑμῶν, ἵνα ἕνα ὑμῶν ἀπολύσω. Vos habetis consuetudinem, non nos aut Romani, ut unum captivorum vobis solvam.* Ex quibus Pilati verbis facili negotio cogitari potest, hunc morem à Judæis ipsis ortum, non à Romanis esse. Scilicet, fuit hic ritus ex ordine rituum Ecclesiasticorum, quem adeo cum ceteris connexis exercendi plenam Judæi habuerunt potestatem. Equidem Romani Im-

peratores, qui pro magnanimitate & modestia sua subiectos suos & victos patria jura transcendere non volebant, ut JOSEPH. L. II. c. Apion. de iis loquitur: Sic quoque Judaicæ genti, subactæ licet, privilegium τοῖς πατρίοις ἔθεσι καὶ νόμοις χρῆσθαι, patriis moribus & sacris uti, idem ille JOSEPH. Antiq. L. XIV. c. 17: commemoravit, salvum & incolume conservatum fuisse. Vide de hoc argumento egregie & prolixè differentem WAGENSELIUM, in Tel. Ign. Sat. p. 303. Quum igitur, ceu indicavimus, hic ritus dimittendi reum inter paschales, & consequenter Judæorum sacros ritus numerandus sit, nulla ratione Pilatus evitare potuit, quin ad ritus paschales explendos, juxta imperatorum privilegia, de Judæis in sacris suis non turbandis, unum ex vinculis, & quidem eum quem Judæi peterent, vinculis suis solveret.

### §. XVIII.

Dum vero inquirendum nobis est, quænam hujus ritus causa fuerit atque ratio, observandum esse ante omnia putamus, nullam harum ex divina, quæ scripto Judæis tradita est, lege quærendam, quum hoc privilegium nullo divino jure nitatur. Verum fuisse consuetudinem, quam ipsi Judæi ex patrum suorum traditione in se receperunt, atque sic, Romanis Imperatoribus concedentibus, tenuerunt & observarunt. Hinc factum est, ut vix certi quicquam de illius vel origine vel causa asseri possit. Sunt autem qui putant, hanc consuetudinem in memoriam liberationis Israelitarum ex Ægyptiaca durissima servitute institutam. In hujus quidem memoriam PASCHATIS festum celebrandum fuisse constat ex Exod. XII. 17. Sed hoc Judæi non videntur fuisse contenti; superstitioni, cui divinæ leges nunquam satisfaciunt, ipsis hunc quoque ritum addere suggestit, quo liberationis à Pharaone recordarentur. Verum aliis placet, hunc morem ortum suum & causam Jonathani, ex Saulis

lis interficere ipsum molientis manu, *liberato* debere, qui tamen mediante populi intercessione evasit, ceu legere est 1. Sam. 14: 42. Sed iterum *alii* credunt, ritum hunc adhibitum fuisse in gratiam eorum, qui ex involuntario homicidio, quod nulla inimicitia præcedebat, patrato, Num. 35: 25. tamen in iudicum manus inciderunt & mortis periculum subierunt; ne igitur innocens funderetur sanguis, idcirco apud Judæos obtinuisse, ut aliquando captivos solverent. Plane quemadmodum Judæis præceptum erat, flagellandis quadraginta verbera infligere, quum tamen, ne nempe divinam legem transgredirentur, nonnisi novem & triginta infligebant. Vide Deut. 25: 3. 2. Cor. 11: 24. Tandem arbitrantur nonnulli, quandoquidem hic ritus demum nudius tertius ortus sit, hanc ejus fuisse occasionem: Judæos à Romanis victos, attamen, reos licet mortis, salvatos, impetrasse, ut in memoriam eorum salutis & impetratæ vitæ, quendam ex vinculis & morte liberandum petere potuissent.

### §. XIX.

Et hæc quidem sunt diversæ sententiæ vel potius conjecturæ, quibus eruditi causam & rationem Judaici ritus Paschalis de reo dimittendo significare voluerunt. Verum sunt ex illis, quæ minus probabiles mihi videntur. Equidem quoad *ultimam* observandum, Judæos huncce ritum, occasione eorum subjectionis per Romanos institutum in opprobrium exercuisse, quod difficulter credi poterit. Licet facile concedamus, morem istum recentissimum esse, nondum tamen demonstratum est, eum non ante Romanam subjectionem obtinuisse inter Judæos, neque etiam Judæi Romanorum jussu captivum dimittebant, sed ex eorum liberali concessione, qua ritus suos sacros celebrare integrum ipsis erat. Neque *tertia* sententia aliquo nititur argumento; etenim pro

ejusmodi involuntariis homicidiis asyla erant destinata, quæ illos sine vitæ periculo reciperent, & licet in judicium manus incidissent, de ultimo supplicio, quamdiu infantes reperti sunt, nihil quicquam timendum ipsis erat, modo in fuga ad asylum, Goëlis seu vindicis sanguinis manus evadere potuerint. Constituebantur tamen omnino tales homicidæ coram judicibus illius tractus, ubi cædes patratæ, qui illos sollicitè & exquisitè examinarunt, quosque involuntarium homicidium commisisse deprehenderunt, illis extra omne vitæ discrimen asyla repetere permiserunt, ubi ad mortem usque Pontificis Maximi commemorandum fuit. Adeoque cuivis perspicuum est, Judæos nullam habuisse rationem, cautelam aliquam, ne innocens effunderetur sanguis, excogitandi, quum de eo in divina lege de asylis satis cautum sit. Et quis insuper imaginari sibi poterit, singulis Paschatis festis nonnisi unum infansem, quem dimitterent, fuisse? Vel si plures fuerunt, & unicus tantum dimittendus, ceteri supplicio plectendi, certe hic ritus parum ad Judæorum scopum juvit. Verum non opus est plura dicere, quum res ipsa in propatulo sit. *Secunda sententia*, ac si hic ritus in memoriam liberati Jonathanis institutus fuisset, vix cuiquam se probabit. Nam præterquam quod Israelitæ illius temporis legi divinæ, præsertim illi quæ sacra spectat, aliquid, quod ei contrarium fuisset, superaddidisse, vix credendi sint; Concedi non potest, hunc Paschalem ritum adeo antiquum esse, ut à Saulis temporibus repeti debeat, præsertim quum illius nullibi inveniantur vestigia; ortus hujus moris procul dubio ad postremos, & quidem degeneres legisque divinæ contemtores, Judæos referendus. Neque etiam video, qua ratione Israelitæ memoriam salvati Jonathanis tali consuetudine & quidem Paschatis festo recolere voluerint: Saul enim facile ab Jonathanis supplicio, populi precibus,

cibus, abstinere potuit, quum in legem divinam nihil peccaverit, nam solummodo ex novo edicto regio ad poenam poscebatur. Quid ergo opus, in hujus facti memoriam solennem Paschalem ritum vel instituire vel fingere? Prima ergo nobis restat sententia, quæ hunc ritum *in memoriam exitus ex Aegyptiaca servitute* institutum statuit. Procul dubio hæc ceteris omnibus probabilior est, quum enim Israelitæ in Aegypto quasi in carcere inclusi & duri habiti fuerint, putasse videri possunt, liberationem suam ex illa servitute commodius ob oculos sibi ponere, & illius recordari melius vix posse, quam si quendam vincitum & captivum in Paschatis festo, in ejusdem liberationis recordationem celebrando, dimitterent liberum. Sane hic ratio ritus ejusque tempus conveniunt. Sed ad quam ætatem hujus ritus origo referenda sit, vix quicquam certi definiri poterit, adeo de illo silent Judaicarum rerum scriptores, quamvis illum inter recentiores & Patrum παραδόσεις numeremus. Id ex antea dictis colligi poterit, eum Romanam subjugationem præcessisse, quum Procuratoris Pilati verba supponant, morem hunc Judæos ut suum exercuisse, quem etiam nunc exercendi & observandi libertatem habeant. Cogitavi aliquoties, num à Maccabæorum temporibus derivandus sit, sed ejus nullum invenire potui vestigium. Tutius igitur erit, nihil determinare, licet ejus ortum ad illa tempora, quibus lex Judæorum oralis augmentari & scriptæ præferri cœpit, referamus.

#### §. XX.

Quod si nunc ipsam hujus consuetudinis *dimittendi reum in festo Paschatis* naturam penitus inspicimus, quivis illam, ut *impiam*, irreligiosam, divinæque legi contrariam animadvertet. Erat siquidem divina per Moysen lata lex *χωρίς οίκτισμών*, sine omni misericordia, Hebr. 10: 28. Nec cuiquam homini data ignos-

noscenti potestas, non Regi, non Synedrio, non populo. Vide, quæ supra §. X. ex GROTIUS protulimus. Differtur quidem aliquando necis poena ob gravissimas causas, nunquam tamen sine piaculo aufertur; præsertim in homicidii causa, quod omnes & divinæ & naturales & civiles quarumcunque gentium leges, morte plectendum esse jubent; & tamen sceleratissimi Judæi pestilentissimum introduxerunt morem, quo atrocissima scelera patrantibus venia dari poterat. Nec juvat verpos, consuetudinem ab antiquo servatam & usitatam prætexere. Quoties enim consuetudo cum Lege & expresso Dei Verbo pugnat, quantumvis longa fuerit apud quosvis, mala, vitiosa & damnanda est. Quod enim in se malum & injustum est, nunquam diuturnitate temporis, aut approbatione multitudinis, bonum vel justum fieri potest. Lex Dei apud Judæos jubebat, ut scelerati è medio tollantur & innocentibus parcatur, qua lege sine dubio incolumitati Reipublicæ consultum erat. Traditio autem Pharisaica, consuetudine confirmata, volebat uni alicui sceleratorum in singulis Paschatis solennitatibus contra legem Dei parci, quæ sane consuetudo mala, vitiosa & damnanda erat. CYPRIANUS igitur recte, cum ait: *Non hominis consuetudinem sequi oportet, sed Dei veritatem. Veritati enim Dei, ut TERTULLIANUS ait, nemo præscribere potest, non spatium annorum, non patrocinia personarum, non privilegia regionum; quia Christus, qui in æternum manet, veritatem se, non consuetudinem cognominat.* Equidem in rebus politicis, id de consuetudine pro lege quasi observari poterit: Ubi lex deficit, tenenda est consuetudo, si non est iniqua. hoc est, si non pugnet cum divina lege. Atque hoc vult dictum illud: *Valere debet consuetudo longo tempore confirmata, si præter jus & non contra jus aliquid approbat; tunc enim legis vim habere videtur.* De parcendis autem sceleratis hæc regula



*gula* traditur : Quando legis extrema voluntas mitigationem admittit , reusque sine graviore poena emendari potest , neque etiam hominum societas exemplo offenditur , omnino magistratus Christianus Dei exemplo poenam mitigare & supplici parcere potest. Sed alia ratio Judaicæ consuetudinis fuerat ; certum enim atque perspicuum cuivis esse potest , in reo aliquo solvendo delictorum rationem habitam omnino nullam , sed dimissum eum , quemcunque peterent Judæi , ita ut hominibus scelestissimis & quam maximè facinorosis facta fuerit gratia. Ipsius CHRISTI exemplum præsto est , quem , quia Phariseorum traditiones , utpote divinæ legi contrarias , sæpius perstrinxit , ipsosque Phariseos haud una vice vivis depinxit coloribus , ut blasphemantem reum mortis judicarunt ; profligatissimum autem & nequissimum latronem BARRABAM vinculis solvi petierunt. Habebant enim consuetudinem , cujus tenore Procurator Romanus ipsis Paschatis solennibus , illum , quem Judæi expetebant captivum , vinculis suis solvere coactus fuerat.

§. XXI.

Sed dixerit forte quis , nos nimis in Judæos invehi , quum & ipsi Imperatores Christiani primorum seculorum , Valentinianus , Theodosius & Arcadius , similiter festo Paschali vinctos remitti jusserint , veluti apud H. GROTIUM *ad Matth. 27: 15. de Jure B. & P. L. l. c. 2. §. 10. BRISSONIIUM de spectacul. & feriis. p. 54. seqq. PETAV. in not. ad Epiphan. T. II. p. 365. CAVEUM de primo Christianism. p. 202 , & alios , legere est. Videamus igitur , quas hac de re Constitutiones prænominati Imperatores reliquerint ; experiemur autem statim , eas esse tales , quibus , ut primo die Paschali , omnium in carcere clausorum , nisi ob certa crimina , quæ lex enumerat , vincula dissolverentur , præcipiatur. Ac primum Imperatoris VALENTI-*

NIA-

NIANI, VALENTIS & GRATIANI Constitutio  
 3. Non. Maji, Lupicino & Joviano, (quem alii quidem vel Jovinum, vel Jovinianum, sed BRISSONIO iudice, male nuncupant) COSS. id est, anno à Christo nato 366. data in Cod. Theodos. refertur sub tit. de indulgentiis crimin. in hæc verba : *Ob diem Paschæ, quem intimo corde celebramus, omnibus, quos reatus adstringit, carcer inclusit, claustra dissolvimus. Attamen sacrilegus, in maiestate reus, in mortuos veneficus, siue maleficus, adulter, raptor, homicida, communione istius muneris separentur. Idemque Principes anno sequenti, secundo priorum duorum consulatu, aliam constitutionem ediderunt, quæ in eodem Cod. Theod. Tit. legitur. Ea sic habet: Paschæ celebritas postulat, ut quoscunque nunc ægra expectatio questionis, pænæque formido sollicitat, absolvamus. Decretis tamen Veterum mos gerendus est: nec temere homicidii crimen, adulterii scditatem, maiestatis injuriam, maleficiorum scelus, insidias venenorum, raptusque violentiam sinamus evadere. Propter quas ea constitutione comprehensas exceptiones Imperator Gratianus, Valentinianus & Theodosius in l. Paschalis eod. tit. ajunt: Paschalis latitiæ diem, ne illa quidem temere sinere ingenia, qua flagitia fecerunt. Aliam deinde Impetratores GRATIANUS, VALENTINIANUS & THEODOSIUS, Richomere & Clearcho Coss. qui anno salutis reparatæ 383. consulatum gesserunt, constitutionem ad Martianum vicarium emisserunt, quæ in eodem tit. indulgent. crimin. exstat his verbis: Religio anniversariæ observationis hortatur, ut omnes omnino periculo carceris metuque pænarum eximi jubeamus, qui leviori crimine rei sunt postulati. Unde apparet, eos excipi, quos atrox cupiditas in scelera compulit sæviora, in quibus est primum crimen & maximum maiestatis, deinde homicidii, veneficii ac maleficiorum, stupri atque adulterii, parique immanitate sacrilegii, sepulchrique violati, raptus, monetæque adulterata figuratio. At anno post, id est,*  
 Ar.

Arcadio & Bautone (vel, ut CASSIODORUS, *Baudone*, ut SOCRAT. lib. 5. Hist. Eccles. cap. 12. cum MARIANO SCOTO, *Budone*;) Coss. deinceps non expectanda indulgentiæ suæ rescripta ad laxandas vinctis ob Paschalem festivitatem carcerum fores, constituerunt. Sed ubi primum Paschalis dies extisset, omnium confestim vincula solvi, nullumque carcere teneri inclusum: quemadmodum ex l. Nemo de Episcop. audient. in Cod. Justinian. & l. Nemo de indulgent. crim. in Cod. Theodos. apparet. Non tamen id beneficii omnibus generaliter & indistincte reis indulgent. Ab iis enim secernunt omnes, quibus dimissis, lætitia communis contaminaretur. *Quis enim, inquit, sacrilego diebus sanctis indulgeat? Quis adultero vel incesti reo tempore castitatis ignoscat? Quis non raptorem in summa quiete & gaudio communi persequatur instantius? Nullam accipiat requiem vinculorum, qui quiescere sepultos, quadam sceleris immanitate, non finit: patiatur tormenta veneficus, maleficus; adulteratorque, (sic enim melius in Codice Theodosiano, quam in Justiniano legitur moneta, ut BRISSONIUS judicat; attamen in postremo adducta constitutione, etiam moneta adulterata figurationis mentio fit;) homicida, quod fecit semper expectet: reus etiam majestatis de Domino, adversus quem talia molitus est, veniam sperare non debet.*

## §. XXII.

Postmodum Timasio & Promoto Coss. id est, anno salutis instauratæ 389. edita ab Imperatore *Valentiniano, Theodosio & Arcadio* constitutio est, qua sanctos Paschæ dies, qui septeno numero vel præcedunt vel sequuntur, feriatos manere constituerunt. Et eo amplius, in quindecim Paschalibus diebus compulsionem & annonariæ functionis, omniumque publicorum ac privatorum debitorum differri exactionem: ut plenius in l. omnes dies, Cod. de feriis continetur. Secuta est tribus post annis Arcadio A. 11. & Ruffi-  
no

no Coss. alia constitutio, quæ in l. actus, Cod. de feriis refertur, qua actus omnes sive publicos sive privatos diebus quindecim Paschalibus conquiescere iidem Imperatores sanxerunt: ita tamen ut mancipandi & manumittendi libera cuique eo tempore esset potestas. His vero constitutionibus apte GREGORII NYSSENI verba adjunguntur, ex oratione tertia de resurrectione Christi, quæ ex Brissonio hoc Latine sonant: *Nullus à Deo aegritudine pressus & obnoxius est, quin per hujus festi (de Paschate loquitur) magnificentiam, mali sui remissionem sentiat atque levamen. Hoc die nexi solvuntur, debitor dimittitur, servus bono & humano præconio atque edicto ecclesiæ manumittitur.* Quoad autem superiora decreta, quæ judicarias quæstiones omnes à Paschalibus diebus, submoverunt, Honorio & Theodosio visum est aliqua exceptione temperare atque moderari, uti BRISSONIUS l. c. indicat. Porro Monachi Eutychis Hæretici in libello supplici ad Pseudo-Synodum Ephesinam, in Actis Chalcedon. Concilii, de die Paschatis loquentes, inquirunt: Καθ' ἣν λύεται μὲν τοῖς πλείοις τῶν ἡμαρτηκότων ἀπὸ τῶν ἁγίων πατέρων ἡμῶν τὰ ἐπιτίμια. λύεται δὲ παρὰ τῶν βασιλευνόντων ἐπὶ τῶν ἐγκλημάτων τὰ δεσμὰ τοῖς ὑπευθύνοις. Quem locum nobis PETAVIUS, loco quem supra citavimus, suppeditavit, unde etiam ex CHRYSOSTOMI Homil. XX. ad populum Antiochenum, themati nostro, quod præ manibus habemus, inservientem, repetemus; verba autem sic habent: Καὶ τί χρὴ λέγειν Κωνσταντῖνον, καὶ τὰ ἀλλότρια παραδείγματα, δέον αἰκοῦν σε, καὶ ἐκ τῶν σῶν παρακαλεῖν κατορθωμάτων; μέμνησαι πρώην, ὅτε τῶν ἐορτῶν ταύτης καταλαβούσης ἐπισόλην ἐπεμψας πανταχῶς τῆς οἰκουμένης, κελευσσαν τὴς τὸ δεσμοτήριον οἰκόντας ἀφεῖναι καὶ συγχωρεῖν αὐτοῖς τὰ ἐγκλήματα, καὶ ὡς ἐκ ἀρκέντων ἐκείνων δεῖξαι σε τὴν Φιλανθρωπίαν, ἔλεγες διὰ τῶν γραμμάτων, ὅτι εἶδε μοι δυνατόν ἦν καὶ τὴς ἀπελθόντας καλέσαι καὶ ἀναστῆσαι καὶ πρὸς τὴν πρωτέραν ἀναγαγεῖν ζωὴν. Quamquam quid attinet

Con-

*Constantinum aut aliorum exempla memorare, cum te domesticis tuis rebus ac factis incitare oporteat? Meministi nuper, cum eodem illo appetente festo literas toto terrarum orbe misisti, quibus eos omnes, qui in carcere erant, dimitti, eisque condonari crimina iussisti. Tum perinde ac si nondum hac testificandæ humanitati tuæ sufficerent, in hæc verba scripseras: Utinam ego mortuos ad vitam revocare atque excitare possem! Quibus verbis CHRYSOSTOMUS ex THEMISTII orat. 5. Theodosii senioris clementiam humanitatemque prædicare voluit, quemadmodum PETAVIUS indicat, qui ingenue fatetur, se Themistii locum demum ex hac citatione Chrysostomi intellexisse. Quum quidem orationem illam, vulgo persuasum erat omnibus, ad Antiochensem illam procellam calamitatemque referri: quando ob dejectas populari seditione Placillæ statuas exulceratus Imperatoris animus & ad vindicandam majestatem inflammatus, Flaviani Præsulis legatione mitigatus est. Verum PETAVIUS necessariis quibusdam rationibus in Themistianis notis ostendit, alio quam ad Theodosianum illud factum spectare Themistium, neque tamen, cujusmodi facinus illud esset, tum extricare potuit; quare ita disputationem suam clausit: *Habent igitur eruditi viri atque historiae studiosi, in quo querendo atque enucleando ingenium suum exerceant.* Postea vero, dum Chrysostomi Homil. XX. ad populum Antiochenum percurrerat, in qua de Flaviani legatione & impetrata ab Imperatore venia gratulatur, veram Themistianæ illius orationis historiam & argumenti summam, non sine ingenti animi fructu ac voluptate didicit. Hæc ad illustrationem hujus loci ex ipso Petavio addere lubuit, quæ non sine omni usu fore confidimus.*

### §. XXIII.

Interim quivis ex hisce facile colliget, hunc veterum Christianorum morem in Paschatis festo celebrare.

bratum alium plane habuisse scopum, quam illam Judæorum divinæ legi contrariam consuetudinem, qua promiscue, quemcunque modo peterent, solvebant reum; sic quoque latrones & homicidas dimittebant, quales tamen, ex Imperatorum Christianorum Constitutionibus, carceribus inclusi manere & ultimum supplicium, prout meruerunt, expectare debebant. Quum enim prænominatis Constitutionibus, *sacrilegi, in majestatem rei, in mortuos venefici, adulteri, raptores, homicidæ*, totidem verbis ab omni gratia excipiantur, omnino patet, Christianorum morem à Principum misericordia ortum, parum commune cum irreligiosa Judæorum consuetudine habere. Sed in re tam evidenti multam operam impendere, est illam perdere velle.



VI.

PHILALETHI ALMANGAVI

DE

*Voluntario*

LUDOVICI IV. Bavari

Et

FRIDERICI Pulchri Austriaci

Imperii Consortio,

*Aut imaginario aut invalido,*

Modesta Epicrifis,

Virorum Clarissimorum

JO. FRIDER. BAUMANNI &

RAYM. DUELLII

Argumentis opposita.

LUCANUS, I, 92.

*Nulla fides Regni Sociis, omnisque Potestas  
Impatiens consortis erit.*

FR. BALDUINUS

De Instit. Histor. univ. & ejus cum Jurisprud.  
conjunct. L. II. p. 176.

**C**erte si in Legum Lectione & Interpretatione dicere  
solemus, *Artem æqui & boni esse necessariam, ut*

¶ Jure scripto recte utamur ; multo magis , quod ex Historia profertur Exemplum , ex Lege æstimandum atque judicandum est ; Nam ¶ videndum est , ne nobis imponat , quæ multis sæpe imposuit , κακίστη : neve aut Privilegium pro Lege , aut Factum pro Jure temere accipiamus , aut denique cum Facto Jus confuse misceamus.

\* \* \* \* \*

## Veritati Sacrum!

### §. I.

**Q**UOD de Universi olim Imperio ALEXANDER, Regum maximus, satis arroganter dixisse fertur, neque Mundum duobus posse solibus regi, neque Orbem summa duo Regna salvo Terrarum statu habere, (a) id majori certe jure ad Regna individua applicari potest, quippe nulla bene geritur Respublica multorum Imperiis (b), sed unius Imperii corpus unius etiam animo regendum est. (c) Neque male priscos sapientes ita sensisse, Experientia, optima certe vitæ Magistra, testatur, cum Principatum multorum omnis Imperii & disciplinæ contemptus sequatur; (d) Maxime vero ejusmodi æqualem mutuamque supremæ Potestatis Societatem abhorret Status Monarchicus, in quo quippe Majestas Imperantis neque æqualem fert, neque Superiorem; unde etiam veteres nostri Germani recte aliquando pronunciarunt, Regii Nominis pluralitatem & quodammodo Regni, hanc autem Populi quoque Di-

(a) Justin. Hist. L. XI. c. 12.

(b) Dio p. 87.

(c) Tacit. Annal. L. I. c. 12.

(d) Nicet. in vit. Alex.

M. F. c. 1.



*Divisionem & studia Partium subsequi.* (e) Prudenti ergo à majoribus nostris consilio cautum fuit, ne augustale Diadema plurium simul Capiti imponeretur, nullumque adeo Imperialis Majestatis nisi inter Caput & Membra admitteretur consortium. Non equidem hic improbo laudabilem istam, & Imperii tranquillitati, & Cæsareæ dignitati maxime proficuum; Gentis nostræ consuetudinem, vi cujus Rei publicæ, vivente adhuc Imperatore, de idoneo Regni successore providet; sed de actuali & simultaneo ipsius Regiminis inter duos pluresve loquor consortio, quale ex. c. olim inter M. AUREL. ANTONINUM *Philosophum* ejusque generum L. AUREL. ANTON. VERUM, seculo post nativitatem Salvatoris nostri secundo intercessit; cujus certe in Annalibus Teutonum vix unicum adæquatum exemplum reperies. Licet enim LUDOVICI, LOTHARII, LUDOLPHI, OTTONES & HENRICI, à Genitoribus suis adhuc dum vivis passim *Regni & Imperialis nominis consortes* designati fuisse legantur, eorum tamen autoritas nunquam eo usque se extendit, ut ipsorum Parentibus, absque eorum consensu, aliquid in negotiis Regni statuere, vel se Filiis in titulis præponere nefas fuerit, in quibus duobus tamen capitibus ex propria Adversariorum Hypothesi, maxima ejusmodi Societatis vis atque virtus constituitur. Socii ergo, quousque Augusti eorum Genitores vixerunt, fuerunt Nominis, Vicarii Majestatis, designati denique Imperii Successores, vivis præsentibusque Imperatoribus vix umbra quadam Potestatis propriæ instructi, & proinde haud raro, vel exemplo HENRICI, ex arbitrio Parentum corona iterum privati, (f) vel exemplo OTTONIS II. post obitum Parentum *ab or-*

U 3

di-

(e) Bruno in Hist. Bell. Sax. ap. Freher. T. Script. Rer. Germ. f. 218.

(f) Godofredus Colon. ad a. 1235. ap. Freher. p. 299.

*dinibus denuo in Reges electi, (g) quorum neutrum in vero Imperii Socio procedit. Solus igitur Titulus consortis rem non absolvit, quippe & Fœminæ quædam à Maritis suis glorioso hocce Encomio subinde fuerunt insignitæ, quas tamen frustra quis proinde in seriem Augustorum referret. Ita LUDOVICUS Pius JUDITHAM Conjugem in Consortium Palatii & Regni assumpsit, (h) HENRICUS Auceps MECHTILDIN uxorem Con-regnantem & Regni Consortem (i) dixit, OTTO Magnus ADELHEIDIN suam Consortem & Participem Imperii Regnorumque suorum (k) nominavit, OTTO II. THEOPHANIAM matrimonio sibi junctam consortem Imperii (l) appellavit, HENRICUS denique Sanctus castissimam Thori sociam KUNIGUNDAM Regnorum quoque Consortem (m) laudavit.*

## §. II.

Maximi certe hoc ipsum argumentum ponderis est in decidenda illustri & præcipue hisce nostris temporibus magno conatu agitata controversia, de voluntario isto inter FRIDERICUM Pulchrum Austriacum & LUDOVICUM Bavarum Imperii Consortio, quod post Autores *Historiæ Ducatus Styriæ*, anno 1728. studio Societatis Jesu Graici editæ, duo nuper viri clarissimi, JOANNES FRIDERICUS de BAUMANN (a) S. C. M. Consiliarius amplissimus, hostili in infausto quodam Duello gladio Musis ereptus, & RAYMUNDUS  
DUEL.

(g) *Ditmarus* L. II. Chron.

(h) *Agobard.* ap. Goldast. T. II. Mon, p. 42. §. 25.

(i) *Luitprand.* L. IV. Hist. c. 7.

(k) *Meibom.* p. 747. & 752.

(l) *Schatenius* L. IV, Annal. Paderborn. p. 325.

(m) *Lindebrog.* p. 135.

(a) in *Diss. de Vol. inter Frid. Pulchr. & Ludov. Bav. Imper. consort.* Alt. 1733. Præf. Dav. Kælero defensa & postea Lips. & Francof. 1735, recusa.

**DUELLIUS**, (b) *Canonicus & Bibliothecarius Sanct-Hippolytensis florentissimus, certatim adstruere moliti sunt. Miratus sane sum, tam eruditos, tamque egregios viros, dum super facto dimicarunt, insimul non etiam ad Juris trutinam sua revocasse Principia, quod quidem postea recto modo egisse videtur MAN-SUETUS quidam PETROPOLITANUS.* (c) *At multa certe monenda supersunt, quæ curatius Examen & ulteriorem dilucidationem desiderant. Minime equidem, ut paucis rem comprehendam, inficior, FRIDERICUM, optimum cæteroquin Principem & meliori certe fortuna dignissimum, etiam post factam ex triennali Custodia Liberationem, qua verbis qua factis Majestatem subinde ostendisse, ab ipso proinde Pontifice Maximo JOANNE XXII. quin immo Successore Imperii CAROLO IV. Imperatoris titulo insignitus. At quis nescit, idem & de reliquis Anti-Cæsaribus, desperatis etiam rebus nomine insignibusque regalibus usis, Historicos referre? Papæ sane, LUDOVICO infensissimi, testimonium FRIDERICUM non magis Imperatorem probat ac ejusdem Antecessoris GREGORII RUDOLPHUM Suevum; neque enim à sede Apostolica Imperatores creantur, sed ab Electoribus, id quod inprimis his ipsis LUDOVICI Bavari temporibus, & calamis & armis strenue propugnatum, quin immo solenni Lege comprobatum fuit. Rectissime ergo observavit JO. CLUVERUS, (d) JOANNEM Papam, neutrius Cæsaris amicum, utrumque Regem appellando, ex illis dissidiis autoritatis venatum fuisse & potentie incrementa. Neque major hic est CAROLI IV. Autoritas, quippe etiam RUDOLPHUS I. RICHARDUM Anglum Romanorum*

U 4

Re-

(b) in *Friderico Pulchro Austriaco inter Impp. R. G. adhuc stante, Norimb. 4. 1733.*

(c) in *Diss. Ep. ad Duellum, Aurel. 1737. 4.*

(d) in *Epist. Histor. L. X. pag. 565.*

*Regem suumque Prædecessorem appellavit; (e) at quis proinde eum legitimum Imperatorem dixerit? scilicet solus titulus non tribuit jus, nisi insimul demonstretur, quo pacto aliquis titulum usurpaverit? Neque consequens est, Principem justo quamvis titulo usum propterea etiam annexam Majestatem ipso facto nemineque contradicente exercuisse; Cujus contrarium vel ex solo STANISLAI & AUGUSTI Poloniæ Regum exemplo manifestum est.*

### §. III.

Summa igitur controversiæ huc redit, an 1.) *FRIDERICUS Austriacus ab anno inde 1325. usque ad tempus obitus sui* (nam de anterioribus annis hic non est sermo) *titulo & insignibus Cæsareis licite, & quod in voluntario consortio necessarium est, consentiente amulo usus fuerit? & deinceps 2.) an ex hoc ipso regii nominis usu voluntarium aliquod inferri possit inter utrumque gloriosissimum Principem Imperii Consortium?*

### §. IV.

Agamus igitur & dispiciamus primo de *Titulo*, qui aut *Nativitate*, aut *Electione*, aut *Armis*, aut *Pacto* acquiritur. Quodsi jam ad FRIDERICUM fieri debet applicatio, equidem filius fuit ALBERTI I. & Nepos RUDOLPHI Habsburgici, quorum uterque regio Diademate claruit; at cum Regnum Germanicum dudum tum desierit esse hæreditarium, *per natiuitatem* Rex fieri non potuit, quemadmodum etiam mortuo patre ALBERTO, non FRIDERICUS, sed HENRICUS VII. *Lacemburgensis* Rex electus est.

### §. V.

Transimus ergo ad *Electiōnem*, quæ vel unanimibus

---

(e) *Lambecius* L. II. Comment. Bibliothec. Aug. C. VIII. p. 828.

bus vel majoribus Electorum votis perficitur, & aperte LUDOVICO favet, quicquid etiam hic obmoveat *DUELLIUS*, cujus quippe sententia omni prorsus fundamento destituitur, & eo minus calculum meretur, cum ipsi Electores in Epistola, anno 1336. ad Pontificem JOHANNEM XXII. missa & apud *HENRICUM Rebdorffensem* extante, publice declaraverint, *LUDOVICUM à majori parte Principum Electorum rite & rationabiliter in Regem Romanorum electum fuisse.* (\*)

### §. VI.

Neque etiam armorum FRIDERICO fors amica fuit, sæpe ambiguo Marte certanti, & tandem à LUDOVICO in aperto prælio devicto atque capto. (a) Non enim tanta LUDOVICI soluto Burgoviæ obsidio clades fuit, ut à captivo, quem teste *HENRICO Rebdorffensi* paulo ante capitali supplicio plectere constituerat, salutem poscere necesse habuerit. Ipsi proinde illius defensores ad *Pactum* confugiunt, quod ex nativitate, Electione vel Armis, sustinere non possunt, exinde derivantes. Sed nec dum confecta res est, scriptoribus in contraria quævis hic abeuntibus, sibi quoque quoad Pacti conditiones ipsis non satis constantibus. Quam obrem etiam superioribus temporibus magna inter *CUSPINIANUM*, *LAZIUM*, *ROO*, *FUGGERUM* & *LAMBECIUM* ex una, nec non *ADELZREITERUM*, *AVENTINUM* & *HERWARTUM* ex altera parte, altercatio orta est, quæ doctissimis etiam viris crucem hætenus fixit & huic ipsi controversiæ ansam dedit. Ponamus autem, LUDOVICUM FRIDERICO aliquam regalis dignitatis um-

U 5

bram

(\*) *Leibnit.* P. 1. Cod. Dipl. p. 66. §. 36. *Burgund. Hist.* Lud. Bav. L. I. p. 15. *Henneberg.* de Ludov. Bav. non per Literas adulter. Lig. Woldemari electo, in Misc. Berol. Cont. 1.

(a) *Struv.* S. H. G. Cap. 26. *Budd. Parerg. Hist.* p. 199. sq.

bram & inanem regalis Tituli usum indulgisse, immo & Vicarium Imperii in Germania eum constituisse, qua ratione postea anno 1331. OTTONEM *Austriacum* & anno 1338. EDUARDUM *Anglum* Vicarios suos generales per Teutonium creavit; (b) anne exinde insimul etiam fuit mutuum Imperialis Majestatis consortium? Urgent equidem FRIDERICI assertores ipsas transactiones, conditiones interveniente Sacramento confirmatas; Provocant ad Testimonium Scriptorum coëvorum vel supparium cum iis sententium; Allegant denique actus quosdam regales à FRIDERICO vi hujus Pacti celebratos. Verum enim vero hæc omnia vix persuadebunt hominem ab affectuum studio liberum soliusque veritatis studiosum. Ubi enim, ut de ultimis primò loco dispiciamus, comitia à Sociis hisce celebrata. Ubi Leges universales latæ? Ubi dignitates simul concessæ? Ubi alia reservata Imperatoris ab iis conjunctim exercita? Possessiones equidem confirmare, Privilegia dare, feuda conferre, jura civitatum concedere, utique haud obscure Jura Majestatis arguunt. Sed ad demonstrandum consortium actus ab utroque conregnante simul celebrati producendi sunt, dum solitarii ac incerto jure peracti ad illud stabiliendum non sufficiunt. Similiter allegati Scriptores aut domestici sunt, aut sane alias incertæ fidei, prætereaque sibi haud raro contrarii, neque adeo necessario concludentes.

### §. VII.

Pactum denique quod attinet, tria illius allegantur exempla, tempore distincta, solennitatibus diversa, sensu contraria. Primum conditum fuit anno 1325. *in arce Trausnicht die Mercurii ante Dominicam Latare*, vi cujus FRIDERICUS prævia abjurazione Regni è custodia dimissus; alterum initum fuit eodem anno

---

(b) *Sirrv.* S. J. P. C. 13. p. 653.

no *Monachii die Jovis ante Domina nostra diem, cum nasceretur*, mediante quo LUDOVICUS æmulum FRIDERICUM in Consortium Imperii assumsit; Tertium denique celebratum dicitur *Ulmæ anno a Dei nativitate 1326. die Martis post duodecesimum diem*, & in hoc LUDOVICUS ob Pacem communis Christianitatis FRIDERICI Imperium Romanum plane resignavit. Quæritur jam; 1. quodnam ex allatis Pactis sit genuinum? 2. utrum effectui datum? 3. an secundum Leges & Observantiam Imperii fuerit validum?

### §. VIII.

Quod igitur ad primam quæstionem spectat, Traulnicense Pactum vel ipsi Austriaci pro authentico agnoscunt, sed ei per secundum tanquam posterius derogatum fuisse statuunt, quod tamen Boioarii gravissime impugnant, eatenus hac in re nimii, quatenus Austriacam Probitatem fraudis ac doli insimulant, quatenus autem ejusdem & subsequuti tertii implementum negant, à vero certe neutiquam aberrant. LUDOVICUM etenim æmulum suum ad intercessionem Sociorum, Galliarum atque Hungariarum Regum, non nisi sub allegatis durioribus conditionibus è custodia dimisisse, omnes illius & sequentis Seculi Historici uno ore testantur. At quod FRIDERICI fratres istas tanquam justo iniquiores recusaverint, haud obscure indigitant literæ Pontificis JOANNIS d. IV. nonis Maji & VII. Kal. August. ad FRIDERICUM & LEOPOLDUM exaratarum. Ut ergo tam gratiam summi Pontificis, quam favorem LEOPOLDI assequeretur, temporis inserviit Princeps, qui jam olim FRIDERICI spem in negotio Electionis callide eluserat, persuasus, Electores in ejusmodi consortium nunquam fore consensuros, quare etiam in Conventu anno 1326. Ulmæ habito Regni forsitan abdicationem ab initio simulavit, mox autem exploratis Principum animis, FRIDERICUM denuo regali dignitate privavit, & his fere condi-

ditionibus in Provincias suas dimisit, oblivione omnium ante actorum induc[t]a, FRIDERICUM nunquam ulturum ea, quæ passus erat, nec Austriacos imposterum Bavaris ad imperatoriam dignitatem aspirantibus competitores fore. (a) Quamvis hic nihilominus ab isto inde tempore in domo & dominio regali nomine usus fuerit (b), vel potius, quæ F. FABRI est conjectura, LUDOVICO à JOANNE excommunicato titulum, quem antea in carcere resignaverat, reassumserit. Atque exinde orta est ista Pontificis Maximi in Literis d. 9. Kal. Dec. anno 1326. ad CAROLUM Galliarum Regem datis, de Imperio inter utrumque æmulo diviso, & Italiæ quidem Regno cum summa Potestate LUDOVICO assignato, Germanico autem clientelari nexu FRIDERICO tradito conjectura, & facti veritati & veri similitudini opido contraria.

#### §. IX.

Quicquid autem hujus rei sit, certum tamen est, nullum ex allatis Pactis, siue genuinis, siue supposititiis, executioni fuisse datum. Licet enim primum sacramentali conjuratione firmatum, ac FRIDERICUS vi ejus ex captivitate liberatus fuerit, idem tamen LUDOVICO tunc cum FRIDERICO, quod postea CAROLO V. cum FRANCISCO I. accidit, quippe FRIDERICUS postea neque actum Electionis LUDOVICO tradidit, neque titulo insignibusque Regis abstinuit, proinde etiam teste ALBERTO Argentinesi & HENRICO Rebdorffensi à Rege Bohemiæ JOANNE armis petitus. Et quamvis hanc ipsam FRIDERICI in adimplendis promissis negligentiam LUDOVICUS primo quidem dissimulaverit, postea vero per Pactum secundum tacite approbaverit, istud ipsum

(a) *Henric. Rebdorff.* ad annum 1322. *Chron. Elvvang.* ad annum 1320. *Burgund. L. II. p. 91.* *Hervuart.* ad annum 1325. *Roo L. III.*

(b) *Anonym. Leobienf. apud Pezium T. I. p. 926.*



ipsum tamen nunquam ad effectum deductum fuit ; Utut enim in transactione Monachiali expresse cautum fuerit , quod illam velint renovare vel sigillare suis novis sigillis , quamprimum illa sculpta fuerint , ejusmodi tamen Sigilla utriusque Principis nomine insignita nunquam haecenus fuerunt visa , neque ulla alia istius Pacti conditio ex praescripto modo impleta. Id quod etiam de Ulmenfi LUDOVICI abdicatione tenendum , cum constet , LUDOVICUM postea nihilominus , cum in Germania , tum in Italia solum imperasse , quin immo anno 1328. vivo adhuc FRIDERICO , Romae solenniter fuisse coronatum. (c) Unde etiam WOLFGANGUS HUNGERUS in notis ad CUSPINIANUM recte concludit , *Literas istas Ulmensis utriusque partis rato adsensu baud unquam ita conscriptas atque editas fuisse , ut ad effectum pervenirent.* Atque hinc est , quod LEOPOLDUS Gloriosus , acerrimus certe fratris defensor , A. 1326. moerore ob iniquam fratris sortem confectus obierit , (d) quod certe salva veritate dici non posset , si LUDOVICUS eum sibi in Regno associasset. Idem ergo praetensa hujus Resignationis effectus fuit , qualem paulo ante ad annum 1320. & haud diu post ad annum 1333. Historici de alteris LUDOVICI in favorem FRIDERICI Austriaci & HENRICI Bavarum meditati abdicationibus referunt , indignatos scilicet fuisse amicos , quod constantiam , quam tot Bella non fregerant , quod pulcherrimum victoriae praemium , qua Aemulum devicerat , post tot denique labores & discrimina , vanae conscientiae stimulo ictus , & , quod utique non omittendum , blandis Confessionarii persuasionibus seductus , ad inimicorum ludibrium dejiceret ; *Non enim , inquebant , Tui Juris est , quem velis , successorem eligere , accipiendus est à Sep-*  
tem-

(c) *Eurgundus* l. c. L. II. p. 105. *Albertus Argentinensis* p. 124.

(d) *Duell.* l. c. §. 6. p. 38.

*temviris, ubi vacuum solium Tuo descensu effeceris. (e)*

§. X.

Atque ex hoc ipso fonte tertia nobis quæstio decidenda venit; Cum enim Imperium, id quod cum ex ipsius LUDOVICI constitutione anno 1338. sancita, (a) tum ex unanimi Historicorum testimonio patet, non amplius hæreditarium fuerit, opus erat ad ejusmodi societatem stabiliendam aut communi statuum aut ad minimum Principum Electorum consensu, quem ipse LUDOVICUS postea in divisione paternæ Hæreditatis anno 1333. Ticini facta solícite adhibuit, (b) & quem nec ipse CAROLUS M. LUDOVICUS *Pius* & FRIDERICUS I. in designandis sociis Regni neglexerant. Idem etiam de Resignatione dicendum, quæ nempe non ex solo Imperatoris arbitrio pendet, quia Imperium per pactum ipsi delatum nonnisi mutuo paciscentium consensu potest resolvi. Detulerunt autem LUDOVICO Imperium Electores, ergo etiam illorum consensus in abdicatione fuisset necessarius, quem insequi deinde debuisset publica intimatio, ut scilicet singuli Status cognoscerent, se Juramento resignanti Imperatori præstito esse solutos. Et quamvis hic forsán quis objiceret, Heptarchas consensum suum tacite fuisse impertitos, constat tamen inter omnes, quod tacitus consensus non sufficiat, ubi expressa voluntatis declaratio necessaria est; (c) & quod unum quodque negotium eodem modo

(e) *Adelzreiter. Annal. p. II. L. I. p. m. 14. & 15. Rebdorff. ad annum 1333. Aventin. L. VIII. C. 18. §. 6. Burgund. L. III. pag. 141.*

(a) *Pfessinger. Vitr. ill. L. I. T. V. p. 667.*

(b) *Burgund. & Rebdorff. ad annum 1333.*

(c) *Barbos. Axiom. voc. Expressum ax. 10. Pfessinger. Vitr. ill. L. I. T. 9. §. 1.*

modo debeat dissolvi, quo fuit initum. (d) Jam vero in ejusmodi magni momenti negotiis utique expressa Electorum declaratione opus est, & nihilominus nullum illius apud illorum temporum Scriptores profat vestigium, ergo etiam argumentum de expresso vel tacito illorum Consensu desumptum nullum est. Id quod etiam ipse *BAUMANNUS* haud diffitetur, Electores hoc pactum plane ignorasse, diserte asserens.

§. XI.

Quibus præsuppositis sequens nectō ratiocinium : *Aut consortium Imperii inter LUDOVICUM & FRIDERICUM initum, fuit solenne vel minus solenne ; Si prius, unde quæso 1. altum istud apud coævos silentium ? Unde 2. executionis defectus ? Unde 3. ipsorum Electorum ignorantia ? Si posterius, unde mutua eaque valida Majestatis Societas ? Vt cujus nulli absque altero aliquid in Imperio agere & nullum alteri præponere fas fuerit. Atqui solenne ex ipsorum Defensorum concessis non fuit, minus solenne per hætenus demonstrata non valuit. Ergo aut imaginarium fuit, aut invalidum, adeoque nullum.*

*Hic Rhodus, hic salta!*

§. XII.

Si igitur *FRIDERICUS* inter Imperatores Romano-Germanicos vi hujus consortii adhucdum stare debet, respondendum prius est ad dubia hætenus allata, & Consortium inter utrumque Gloriosissimum Principem fortioribus argumentis est confirmandum, insimulque docendum, ipsum *LUDOVICUM FRIDERICUM* Regem sociumque regni nominasse. Quo facto lubens victas concedam manus, quippe cui post veritatis amorem veneratione Austriacæ Domus nihil prius est, nihil antiquius. Interea sive *FRIDERICUS* inter Imperatores stet, sive non stet, stat tamen semper immota Habsburgicæ Gentis Gloria, cujus sane tanta est in toga & sago commendatio tantusque  
ubique

---

(d) *L. 35. ff. de R. J.*

ubique splendor, ut, qui illum ejusmodi argumento amplificare studuerit, idem faceret, ac si cœlo sidera addere præsumeret.

*Austria Enim Imperat Orbi Universo,  
Austriacique Erunt Imperatores Orbis Ultimi.\**

- \* Vulgarem in explicandis quinque vocalibus, quas celebre ænigma nemo non novit, sequitur auctor rationem. Elegantem autem & doctam dissertationem de his dedit Cl. *Schvvarzius*. Mihi autem hæc, quam Doctiss. auctor exhibet explicationem, talis videtur, ut illo quo vivimus tempore non facile communem consensum eruditorum & Politicorum secum ferre possit; futura autem secula talem nobis forsan dabunt dilucidationem, ut vel simile vel commune nihil habitura sit cum illis, quas incertas hætenus orbi erudito exposuerunt divinatores, *J. G. A.*



VII.

JAC. CHRISTOPHORI ISELII,  
dum viveret, in Acad. Basil. S. Theol. Doct.  
& Prof. Publ.

ÆTERNITAS MUNDI,

Argumentis Historicis  
*ex Novitate Artium &c.*  
confutata.

*Argumentum.*

§. I. Maxime firmum argumentum, quod Deus sit hujus Universi Conditor, desumitur ex ipsa ejus Constitutione. §. II. Cl. Author indicat argumentum, quo pugnaturus *contra æternitatem mundi*, deductum ex *novitate artium &c.* §. III. Quare lis de dissidio Chronologico, quod est inter codicem Hebraicum & LXX. Interpr. non tangatur, indicatur. §. IV. Dicitur, res utilissimas & maxime necessarias ignoratas fuisse longe post hoc principium mundi, quod ipsi tribuimus, quod se ita non haberet, si mundus esset æternus. §. V. Eodem argumento jam Veteres usi sunt. Lucretius & Macrobius in testimonium citantur. §. VI. Cl. Author incipit argumentari a *novitate litterarum alphabeticarum.* §. VII. Quædam testimonia Veterum de vetustate litterarum.

rum apud Ægyptios adducuntur, & quomodo sumi debeant ostenditur. §. VIII. Ob varias rationes rejicitur ea vetustas litterarum apud Ægyptios. §. IX. C. Plinii sententia de Antiquitate litterarum proponitur, & multum ex ipso argumentantibus conceditur; attamen refellitur. §. X. Tzetis argumenta refelluntur. §. XI. Certissimum est, quod Cadmus litteras in Græciam intulerit. Alii Phœnices litterarum Authores faciunt. §. XII. Argumenti vis ex eo augetur, quod nec Cadmo omnes notæ fuere litteræ. §. XIII. Omnium dissentientium consensu in eo, quod tamen litteræ serius inventæ fuerint, mirum quantum accrescit argumento roboris. §. XIV. Ex dictis concluditur, litterarum inventionem non superare tempora Moïsis. §. XV. Quod de Cecrope narratur, quod ipsi litteras Græci debeant, adducitur. Verum etsi ut verum assumatur, tamen sententiæ de novitate litterarum nil decrescit. §. XVI. Cl. Author justificat ordinem, quo rem suam defendit. §. XVII. Italorum litteris non multo litteris Cadmæis inferior tribuitur vetustas. §. XVIII. Argumento est *novitas architecturæ*, qua tamen mortalium gens destituta minime subsistere potest. §. XIX. Hujus novitatis plura proferuntur testimonia. §. XX. Pluribus rationibus, architecturæ novitatem spectantibus, æternitas mundi destruitur. §. XXI. His additur *Novitas rerum ad commodam ædium habitationem*

*tionem spectantium.* Cætera hujus argumenti alii  
occasione reservantur.

§. I.

**D**Eum esse hujus Universi Opificem & Auctorem, cunctaque summa ratione & sapientia creasse & tueri, multis equidem argumentis probari potest. Ceterum eorum, quæ maxime firma sunt, à *causa prima* deducuntur, quæ quasi via regia est, quam omnes boni Philosophi insistant, ut nimirum ex præclaro Opere totius hujus Universi, ex ejus magnitudine, distinctione, varietate, pulchritudine, & constantia, esse aliquod Ens infinita sapientia præditum, omnium harum rerum causam primam, id quod *Deum* appellamus, colligant. Cum autem haud pauci sint, qui hoc nobis argumentum eripere conentur, magnaue tam inter Philosophos quam Historicos de *Origine Mundi* agitetur contentio, nascitur nobis necessitas, eorum opiniones confutandi, quæ illud convellere atque infirmare aliquo modo possent. Etenim si, quemadmodum ARISTOTELES (quânquam & hic dubitanter, atque ita, ut cujusdam contrariæ, ac tum vulgo creditæ absurdæque, opinionis odio ac fuga huc videatur veluti ad scopulum adhæsisse) tradidit, *Mundus AB ÆTERNO* atque à seipso exstitit, neque unquam cœpit humanum genus; corruat necesse est id, quod à creatione rerum derivamus, argumentum. Rursus, si non quidem ab æterno fuit Mundus, sed alia potius omni ratione, quam divîna ope ac nuru coaluit, quod stultum & secum ipso pugnans EPICURI fuit dogma, non poterit ullo modo huic argumentationi constare ratio.

§. II.

Ceterum in utrosque & in omnes plane, cui  
X 2 istam

istam Mundi conditi gloriam ei, qui solus eam sibi parare, id est, rem tantam perficere infinita sapientia & virtute potuit, Deo conati sunt eripere, atque etiamdum prohi dolor! conantur, multa sunt hæcenus à Philosophis docte, solide, arguteque disputata. Quibus nos hoc quidem tempore relictis, uti certe nostra defensione haudquaquam indigent, aliud in animum induximus tractare urgereque argumentum, quod neque tritum plane ac vulgare arbitramur, & vi tamen ac momento ad probandum singulari videmus esse præditum. De *Artium, Opificiorum, Doctrinarum, Legum, Rerumpublicarum, tum Populorum etiam atque Urbium, ORIGINIBUS* loquor. Quæ si fere omnia suos non ita à nostris temporibus remotos, certe multum plerunque infra Noachi ævum depressos habuerunt natales, eosque certa & evidenti historiarum fide declaratos, ut sæpe illud quoque tempus, atque id etiam non breve aut exiguum, demonstrari possit, quo aut homines illis artibus ac scitis, aut regiones incolis atque urbibus caruerint, iisdem vel certe admodum exilibus atque imperfectis usi sint; fieri profecto non potest, ut non aut paulo ante conditum sit genus humanum, aut certe universali quadam clade, paucissimis exceptis, ita deletum, ut superiorum temporum inventa pleraque necessario obliterarentur. At horum, præsertim si in secundo, præter hominem, illa tot diversissima animalium genera è media ista & tamen universali clade servata cogitemus, neutrum sine Deo potuisse fieri, probant manifestissime Philosophi; &, ne quis rem ad docendum cognoscendumque difficilem sibi fingat, vel leviter attendenti demonstrat sana ratio. Verum, uti jam dictum est, manebimus nos in instituto, & Philosophicis ratiociniis non tam neglectis, quam in præsentiarum omissis, illud quod præfinivimus ex Historiis depromemus telum, rationem eam, qua exinde  
ad



ad convellendam abjiciendamque Æternitatem Mundi progressus fiat, atque adeo misera Atheorum effugia disturbentur, postremis Thesisibus reservantes.

### §. III.

Unum modo superest, priusquam aggrediar rem ipsam, ut moneam Lectorem meum, me, qui remotissimas quasvis paganorum antiquitates cum sacra Mosis Chronologia comparandas susceperim, illam interim gravissimam litem nolle dirimere, quæ de diffidio Chronologico, quod est inter Hebraicum Codicem & Versionem LXX. quos vocamus, Interpretum, jampridem inter viros eruditos agitur. Fitque hoc à me, non quod desint, quæ cum aliis summis Viris statuam, aut quod minus libenter tanti ponderis argumentum tractem; verum ideo duntaxat, quia has latissime patentes ac plerunque satis obscuras atque intricatas rerum Origines disputatione complexus, plus satis in præsentiarum quodagam habeo, neque salva modestia obiter, &, ut ita loquar, propter viam de illo debeo pronuntiare, quod Doctissimi Viri vix pro rei gravitate sibi videntur tractasse, cum multis illud grandibusque Voluminibus sunt persecuti. Quanquam igitur Hebraicus Codex non Mundum tantum, verum & Diluvii cladem, quæ potissimum epocha est Disputationis nostræ, pluribus sæculis juniorem faciat, ac LXX. Interpr. ego tamen neutro alteri prælato calculo, id, quod unum est necessarium, conabor probare, *veras atque certas Gentium quarumcunque Historias, ne supra hanc quidem recentiore Diluvii Chronologiam adscendere. Quo evictò, multo postea facilius apud eos obtinebitur causa nostra, qui orbem hunc pariter atque eluvionem aquarum, multo etiam antiquiores cum LXX. statuunt.*

### §. IV.

Quod si ergo, inquam, animo perpendatur Hi-

storia Mundi, & cognitio hausta ex variis Veterum monumentis; si præterea considerentur tot præclara singularum ætatum nova inventa, tot artes ad vitam utilissimæ, imo necessariæ, cum diu ignoratæ fuissent, certo tempore demum excogitatæ, & ejusmodi alia; vix concipi potest, quomodo crediderint aliqui, Mundum fuisse ab omni æternitate. Quippe si Mundus ita ab Æterno fuisset, sine dubio tempore infinito jam omnia essent excogitata, nec res tam præclaræ & ad vitæ usum necessariæ tam recenter invenirentur, uti factum esse fierique etiamdum, mox probabimus.

### §. V.

Ergo quantivis roboris argumentum nobis præbet mirus ille omnium Populorum, auctorumque omnium, consensus in quærendis primis rerum quarumvis Inventoribus; plane ut nihil uspiam usurpatum videamus, cujus non rudia plane, ac prorsus inculta narrarentur initia, neque ea etiam valde antiqua; cujusque item non serio quæreretur Auctor. Imo quod in hac varietate ingeniorum, atque acerrimo nova proferendi desiderio, necessario accidit, quando plurimi rem eandem investigare conantur, cujus non Auctores Inventoresque complures fama & rumoribus ferrentur. Vixque est hoc loco discrimen inter eos, qui Æternum esse hunc Orbem Terrarum, atque eos qui eidem non ita à suis temporibus remotum principium tribuerunt. Quot rerum inventores passim nobis narrat ARISTOTELES? Quam multos *Capite* illo suo 56. *L. VII.* conclusit; quot numero etiam alibi infarsit C. PLINIUS? Certe tanti jam olim hoc argumentum fuit, atque adeo in confesso erant quarumvis artium principia, ut DEMOCRITUS atque EPICURUS, & utriusque postea sectatores, cum Mundum negarent ab ullo Deorum creatum esse, tamen ex hoc uno, mundum non esse

ve-

vetustissimum, constanter probarent, quod tam parum supra suam ætatem artium plerarumque adscenderent initia. Et hoc sane argumento ita triumpharunt de adversariis, doctis certe hominibus & historiarum peritis, ut eos ad ridicula nescio quæ incendia ac Diluvia Mundi cogerent confugere, quorum neque ex Historiis probare veritatem, neque rationem causasque ex Philosophia poterant demonstrare. Sed hoc ipsum in fine paucis à me attingetur. Nunc, quoniam quidem Democriti atque Epicuri scripta, tum & Discipulorum fere cuncta, interciderunt, LUCRETIIUM saltem vidcamus hoc telum in adversarios torquentem, trito quidem apud eruditos loco, sed iis tamen, quibus hæc potissimum scribuntur, forte non notissimo, *Libr. VI. v. 325.*

*Præterea, si nulla fuit genitalis origo  
Terrarum & Cœli, semperque æterna fuere,  
Cur supra bellum Thebanum & funera Trojæ  
Non alias alii quoque res cecinere Poetæ?  
Quo tot facta virum toties cecidere? Neque usquam  
Æternis famæ monumentis insita florent?  
Verum, ut opinor, habet novitatem summa, recensque  
Natura est Mundi, neque pridem exordia cœpit.  
Quare etiam quædam nunc artes expoliuntur,  
Nunc etiam augescunt: Nunc addita navigiis sunt  
Multa: modo organici melicos peperere sonores.  
Denique natura hæc rerum ratioque reperta est  
Nuper, & hanc primus cum primis ipse repertus  
Nunc ego sum, in patrias qui possum vertere voces.*

Utitur eodem & MACROBIUS, *L. II. in Somm. Scipionis, cap. 10.* ubi argumenta Mundi Æternitatem evertentia proponit; nempe post asperam incultamque hominum primorum vitam, & ad sylvas glandesque

damnatam, quam tamen aliquo modo pro fabulosa traducit, istud præcipue pro gravissimo argumento venditat, quod à suo tempore ultra duo retro annorum millia veluti supra Ninum, à quo secundum quosdam Semiramis credatur procreata, de excellenti rerum gestarum memoria, ne Græca quidem extet historia. Quanquam postea, ut Ciceroni suo quocunque modo patrocinetur, hoc ipsum frequentibus illis ac certis temporibus succedentibus eluvionibus atque exustionibus terrarum tribuat, easque ex nescio quibus humidi per calorem, calorisque per humidum incrementis, præclare scilicet, demonstraret.

### §. VI.

Incipiamus à litteris *Alphabeticis*. Has ingentem utilitatem voluptatemque afferre hominibus nemo negabit, suntque ex plane ita comparatæ, ut nullo pacto fiat verisimile, tot homines, quot statuere coguntur Athei, & ab illis, quos pariter ab iisdem inferri necesse est, infinitis rerum temporum spatiis, nullas sibi excogitasse vel invenisse litteras, etiamsi milliesimæ tantum eorum parti minus obtusa atque hebetia tribuantur ingenia. Hæc jam non disputabitur à me, ecquis eas primum invenerit, quod & obscurum est in tam remota antiquitate, & in summa varietate sententiarum contradictioni obnoxium. Sufficiet istud probasse, quod abunde abiecit Atheorum commentum, omnes vel leviter certas historias tam recentes illas evincere, ut ne cum mediocri quidem antiquitate mundi possint conciliari.

### §. VII.

Equidem DIODORUS SICULUS Lib. 1. p. m. 10. sub regno Osiridis una, vel uti alii narrent, plus duabus annorum myriadibus, Alexandri M. temporibus antiquiore, à Mercurio inventas statuit ex Ægyptiorum traditione litteras : ὑπὸ τῆς λέγουσι (οἱ Ἕλληνες) γύπτιοι

γύπτ 1) τὴν εὐρέειν τῶν γραμμάτων γενέσθαι; ab hoc (lo-  
quitur autem de Mercurio) litteras ajunt inventas. Idem-  
que etiam Cn. Gellium existimare tradit C. PLINIUS,  
H. N. L. VII. C. 56. cui tamen Gellio potius de no-  
mine inventoris, quam de inventionis tempore, cum  
Ægyptiis illis putem convenire. Quin & vetustissi-  
mum Phœnicium scriptorem SANCHUNIATHO-  
NEM, ejusque interpretem Philonem Byblium, trahere  
huc possumus, quos EUSEBIUS auctor est, L. I. de  
Præp. Evang. litteras à Tentate inventas credidisse, qui Æ-  
gyptiis Mercurius; item CÍCERONEM, qui, quinos  
Mercurios distinguens, postremum Ægyptiis leges ac litteras  
tradidisse & Toth appellari, refert L. III. de Nat. Deor.  
c. 22. Neque alium profecto intellexit PLATO in Pha-  
dro & Philebo, cum Theut, quendam vetustorum DEO-  
RUM, Ægyptios, præter alia, etiam litterarum usum do-  
cuisse confirmat. Quos tamen haud arbitror ætatem  
eandem, quam illi apud Diodorum Ægyptii, Mer-  
curio tribuisse, sed circa hominem tantum consen-  
sisse, cum ipsis forte satis gnaros, illas tot myriadas  
annorum & Deorum regna aliter atque prima fronte  
apparet, debere intelligi. HYGINUS vero fab. 177.  
præter Mercurium & alios, de quibus infra, etiam  
tres ponit Parcas. At rursus in init. L. III. aliam de  
litterarum origine sententiam profert DIODORUS,  
quasi Æthiopes, primi scilicet omnium hominum, quorum  
etiam Ægyptii sint colonia, & invenerint litteras, & in co-  
lonos suos Ægyptios propagarint. Tum idem etiam DIO-  
DOR. L. VI, ubi alteram ab universis prope cre-  
ditam de litteris à Cadmo inventis opinionem recen-  
set, Ætium nobis narrat Solis filium, qui Astrologicas  
rationes multis ante Cadmum seculis comprehenderit monu-  
mentis litterarum; verum ea monumenta simul cum littera-  
rum usu apud Græcos quidem Diluvio quodam periisse, cum-  
que inde Cadmus ex intervallo iterum Græcia intulisset litte-  
ras, errore hominum atque ignorantia temporum priscorum

• *habitu esse primum litterarum in Græcia auctorem.*

§. VIII.

Sed ne jam nunc ea, quæ totam illam remotissimam rerum Ægyptiacarum verustatem cunctaque Deorum & Semi-Deorum regna elidunt, producamus; ne Mercurium eundem cum Mose contendamus, in quo valde sibi placent viri Doctissimi; si tam antiquæ, &, quod pariter adstrui ex Diodoro potest, tritæ & in vulgari usu positæ apud Æthiopes atque Ægyptios fuerunt litteræ, quid causæ est, cur ceteræ omnes Nationes, & hæ maxime vicinæ, ab Ægyptiis sese eas tam sero accepisse clamitent? Cum præsertim Dii isti atque Semi-Dei, eodem teste Diod. nimium frequenter, magna hominum comitante multitudine, per multas passim regiones circumcursitare gestirent, & tum cum maxime earum incolis suas præclaras artes traderent? Cur ipsi Ægyptii totis post inventas apud se litteras myriadibus annorum operosis illis signorum, quæ vocabant hieroglyphica, monumentis, etiam ubi nihil opus erat mysterio, fuerunt usi; vereque, quod est proverbio, in inventis frugibus comederunt glandes? At vero in postrema illa de *Ætino* narratione, istud primo concipi non potest, quomodo peculiare aliquod Diluvium soli Græciæ incubuerit, atque ita incubuerit, ut in regione montibus plena, ne vestigium quidem monumentorum litteris inscriptorum relinqueret, quum præsertim ipsa cacumina montium aquis oblecta haud statuerit DIODORUS, quippe qui plurimos tantum, non Universos, in eo narrat periisse. Tum etiam, si complures, uti certe ex illa apud Diod. narratione necessario colligitur, ex ea clade sunt servati, sique ii literas antea calluerunt, nulla est ratio, cur non earum usum quam celerissime fuissent revocaturi, quando ad instauranda ea, quæ vis aquarum corruerat, multo magis quam ante illam calamitatem opus ha-

habebant commerciis, quæ ab iis, qui litteras sciunt, sine litteris peragi nemo hominum unquam sibi persuadebit.

§. IX.

Post Diodorum etiam C. PLINIUS cum maxime suam se destinatum mentis sententiam ponere ostendit, *Litteras ait, semper arbitror Assyrias fuisse, L. VII. C. 56.* Quocum etiam sine dubio sequens caput componendum est, cum ait: *Gentium consensus tacitus primus omnium conspiravit, ut litteris Jonum uterentur.* Nam certe istæ veteres Jonicæ paullum tantum differunt à Samaritanis, quas ille harum notarum non peritissimus sine dubio Assyriarum nomine intellexit. Inde relatis aliorum de recentiori litterarum inventione opinionibus addit: *Epigenem tradere, apud Babylonios 720. annorum observationes siderum costilibus laterculis esse inscriptas, qui minimum, uti Berosum & Charidemum, 480. annorum: Ex quo apparere æternum litterarum usum.* Quid dicimus? Cur ergo vicini Babyloniorum atque iis per commercia notissimi tam tarde usum scripturæ acceperunt? Cur ceteri omnes hanc summam antiquitatem tacent? Quam firma vero illa est ratio, æternas esse litteras, quia septingentis ante Epigenem annis fuerint: quasi aut Epigenes homo non antiquissimus, aut ullus omnino mortalium possit quadringentis, aut etiam septingentis annis ab æternitate distare. Sed do tamen ultro, mihimet ipsi corruptos apud *Plinium* numeros videri, ac post CCCCLXXX. & DCCXX. numerum millenarium excidisse. Neque enim tam puerile ratio cinium ei possum tribuere, & CICERONEM video binis in locis hoc ipsum Babyloniorum mendacium exhibitare, quod CCCCLXXM annorum monumentis comprehensa contineant, *L. I. de Divin. c. 19. & II. c. 46.* Cur enim is, in cuius rem erat hoc figmentum, illud nullus recensuisset, cum ille, cui officere poterat, Cicero id commemora-

morarit? Lubens itaque HARDUINO adfentior, vel cunctis reclamantibus MS. codicibus, ita in Plinii textu reponenti. Sed quid tandem hoc modo proficitur ad æternitatem litterarum constabiliendam? Nempe ea Chaldæorum, vanissimæ Gentis, jactantia nitetur, ceterorum Populorum etiam proverbiiis trita atque infamata, id est, ut latine loquamur, nullum plane apud sanos homines pondus & momentum habebit. Sed si quis tamen à nobis postulat, ut has nugas serio refutemus, ille paucis ita habeat: Primum ipsos sibi hac in re turpiter contradixisse Babylonios, quando *DIOD. SIC.* teste *L. II. p. edit. H. Steph. 83.* majori adhuc hiatu quadraginta septem myriadas & tria millia annorum suis observationibus arrogat, id est, si quis hunc immanem numerum latine expressum cupit, annorum quater millies & septingenties millena triaque item millia. Deinde nullo pacto fieri verisimile, eos tam immensis temporum spatiis sidera observasse, qui, quod pariter de ipsis prædicat *DIOD.* Solis Eclipses prædicere nesciverint, ac terram item *καταφαιδῆ καὶ κοιλὴν*, cavam & scaphæ figura, sint imaginati. Porro hæ prope innumerabiles observationes adeo nunquam in lucem sunt prolatae, ut cum Aristotelis rogatu Calisthenes, universa Alexandri M. potentia subnixus, apud ipsam Babylonem in eas inquisivisset, nonnisi mille nongentorum & trium annorum deprehensæ sint. Denique & hoc quibusdam Veteribus affirmantibus libenter credimus, Chaldæos illos observationibus suis secundum Lunæ cursum digestis insita vanitate peregrinis obiter insipientibus fucum fecisse, annos ipsis, vel alios etiam majores temporum Periodos impingendo, ubi menses debebant intelligi. Sed de his forte in sequentibus fufius, cum de veris rerum Chaldaicarum initiis disputabimus.

### S. X.

Eadem vls est scilicet in duobus argumentis  
TZETZIS



**TZETZIS** Grammatici, qui litteras in Græcia saltem ante Cadmi tempora fuisse ex eo argutatur, quod & ipsi Cadmo aliquod responsum Oraculi legatur redditum, & fallaces illæ Bellerophontis Cadmo haud paullo antiquioris litteræ notis istis, de quibus quærimus, carere haud potuerint. Quasi vero aut fors ab Oraculo aliter nisi scripto edi nequiverit; aut ex fabulis Poetarum veluti ex vera justaque historia liceat argumentari.

§. XI.

Merito itaque istud pro certissima, quæ quidem ex paganorum Veterum scriptis hauriri possit, fama habebitur, quod litteras in Græciam primum intulisse **CADMUM**, sive eos, qui cum Cadmo in Græciam venerunt, **PHOENICES**, magno consensu à Veteribus non tantum Auctoribus, sed & populis totis est traditum. Quid hac fama inter Græcos tritius? Ipse statim Historiæ Parens **HERODOTUS**, *Terpsichores cap. 58.* Jones suas à Phœnicibus tradit accepisse litteras, & quanquam eas usu nonnihil immutarint, tamen invaluisse, ut Φοινικία γράμματα Phœnicia litteræ appellarentur, ipseque etiam alias Καδμηία Cadmeas vocat, & Joniis similes dicit, quas ex eo genere in templo Apollinis apud Thebas ipse inspexerit. Testatur idem **EPHORUS** apud **CLEM. ALEX. Stromat.** qui hunc ipsum Herod. locum in eandem rem citat. Consentit **ZENODOTI** Epigramma in Zenonem Citieum, quod in hujus vita producit **DIOGENES LAERT. Lib. VII. segm. 30.** Ubi cum cetera Zenonis laudasset, Patriam ipsius Phœniciam hoc modo excusat:

Ἐὶ δὲ πατέρα Φοινίσσα, τίς ὁ Φθόνος, ἦν καὶ ὁ Κάδμος,  
Κεῖνος, αἰφ' ἔγραπτον Ἑλλὰς ἔχει σελίδα.

*Si patria es Phœnix, quid tum, nam Cadmus & ipse  
Phœnix, cui debet Græcia docta libros.*

Profert

Profert idem SUIDAS in Κάδμος, levibus tamen aspersis mendis, & Cadmum graviore etiam errore cum *Cadmo Milesio historiarum Auctore* confundens; nisi hæc ipsa oscitanti librario, vocemque *Milesii* ex sequentibus huc invehenti, velimus imputare, quam in rem præiverunt nobis Viri Cel. *TANAQUILUS FABER* Not. ad *Anacr. Od. I.* & *ÆG. MENAGIUS* *Observ. in Laert.* At multo certius in hoc disticho memoria sua sefellit Virum summum *HUG. GROTIUM*, cum *Lib. I. §. 15 de V. R. C.* pentametrum ejus, quem solum profert, *Callimacho* tribuit, apud quem eum nuspiam legi, pro certo possum confirmare. Rectius citat istud *TIMONIS* Φοινίκιν σήματα Κάδμος, *Cadmi Phœnicia signa*, quomodo etiam passim à Græcis vocari litteras testatur *DIOD. Lib. V. p. 235.* itemque *PLUTARCHUS* *Sympos. L. IX. Probl. 3.* Alii plane primos omnium mortalium litteras invenisse *Phœnices* tradunt, veluti *LUCANUS, Lib. III. v. 220.*

*Phœnices primi, famæ si creditur, ausi  
Mansuram rudibus vocem signare figuris.  
Nondum flumineas Memphis contexere byblos  
Noverat; & saxis tantum volucresque feræque  
Sculptaque servabant magicas animalia formas.*

Quibus post hieroglyphicas quidem figuras, sed ante alias ullas litteras *Phœnicios* hos characteres inventos statuit. Facit idem *MELA Lib. I. c. 12. Litteras & litterarum operas commenti Phœnices.* Item *TACITUS L. XI. Annal.* *Cadmum & Phœnices* memorans & *CURTIUS L. IV. c. 4.* Ipsi etiam illi, qui obscurum ac falsum rumorem de majori litterarum vetustate sequi maluerunt, *DIOD. SIC. & C. PLIN.* hanc de *Cadmo* famam à pluribus traditam haud infitiantur, imo quod ad litteras Græciæ illatas, ultro adstruunt. Neque certe ab istis plurimum abludit illud quod idem *DIOD. SIC. Lib. V. p. 235.* enarrat, in refel-

lenda

lenda Cretensium traditione, (qui Jovem referant, quum cuique liberorum suorum, aliquarum à se inventarum vel perpolitaram artium peritiam traderet, Musis litteras atque Poeticam facultatem attribuisse) nempe esse qui earum inventionem ad Syros trahant, sparsione earundem per alias complures regiones Phoenicibus relicta. Nam non vicini tantum inter se utrique Populi, sed & sæpe Populus idem fuerunt, atque ab auctoribus certe frequenter confunduntur. Jam porro etiam gravis argumenti loco est, quod nomina litterarum græcarum, quæ à Cadmo dicuntur illatæ, sint Phoenicia, quod de  $\alpha\lambda\phi\alpha$  ipse fassus est, & fabula etiam, siue fortassis vera narratione, illustravit in *Sympos.* PLUTARCHUS. De ceteris sua quemque docere potest Phoenicii, vel qui non valde ab hoc discrepat, Hebraici sermonis peritia. Quin ne quid hujus argumenti robori deesset, etiam ipsas notas litterarum Jonicarum, quæ vetustissimæ sunt Græciæ, & Phoeniciarum sibi invicem quam simillimas esse oportuit. Quod cum jam olim testis omni exceptione major *Herodotus* asseruisset, postmodum ex vetustissimis monumentis, auctoritate Veterum Scriptorum, aliisque rationibus adstruxit clarissime magnus SCALIGER, *notis ad Euf. Chr. p. 110. & s.*

## §. XII.

Auget vim istius argumenti, quod ne sub Cadmo quidem plenum Alphabetum habuisse Græcos, constanter tenent Veteres. Itaque PLINIUS l. c. *sedem tantum à Cadmo primum Græcis ait traditas, quibus quatuor adjecerit Trojano bello Palamedes, Θ, Ξ, Φ, Χ, quatuorque item postea Simonides, Ζ, Η, Ψ, Ω, de quo cum similia refert JOH. TZETZES in Chiliad. ambigit, utrum Samius an Ceus fuerit Simonides. Ambos & SUIDAS nominat in παλαμήδης & Σιμωνίδης, priori dans ζ, η, (pro quo SALM. reponit θ.) φ, χ, alteri*

ri litteras longas & duplices. Eosdem nominat, sed non expressis, quas singuli invenerint, litteris, & Cadmo etiam Cecropem ac Linum opponens, CORN. TACIT. *Lib. XI. Ann. C. 14.* Quin &, eodem teste PLINIO, illi, cui maxime expediebat, semper ac ubique Gentium viguisse credi litteras, ARISTOTELI placuit, *decem & octo fuisse priscae litteras, & duas*  $\Phi$ ,  $\chi$ , *ab Epicharmo potius quam à Palamede additas; ex quo conjicitur, illum ceteras quatuor omnino à Simonide in medium prolatas falsum esse. Et certe satis multorum testimoniis firmatur, alphabetum Cadmi ab aliis postea esse supplerum, veluti quod PHILOSTRATUS in Heroicis,  $\gamma$ ,  $\phi$ ,  $\chi$ , Palamedis ingenio adscribit inventa; de quarum priore littera adsentitur MARTIALIS L. XIII. ep. 75.*

*Turbabis versus, nec littera tota volabit,  
Unam sustuleris si Palamedis avem.*

Ubi hanc avem Palamedis vocat, ob hoc ipsum, quod turmatim volando, & in tale se fere schema componendo hanc litteræ  $\gamma$  figuram exprimere Palamedem docuerit. Quin & eadem ave sed sola, ut Viri docti censent, & unico pedi insistente etiam  $\phi$  à Palamede expressum arguit in *Monosyllabis litteris AUSONIUS*:

*Hæc gruis effigies Palamedica porrigitur  $\phi$ .*

Talia etiam in bonis libris jam olim legisse HYGNUM, *fab. ejus*, ut vocantur, 277. indicat; Sed ut id, quod res est, eloquar, indicat quoque, eundem ea misere miscuisse atque perturbasse. Apparet igitur, hos quidem diversarum litterarum diversos quoque Auctores facere, & in eo nonnunquam inter se dissentire certum est, uti certe in hoc falli, atque unam pro alia litteram arripere facillimum est, & hodie frequens. Sed dum omnes alia atque alia litterarum incrementa nobis narrant, fieri non potest, ut non

Al-

Alphabetum paullatim, atque eo tempore, quod certo definiri possit, apud Græcos auctum perfectumque sit.

§. XIII.

Ac sane, si aciem mentis paullo diligentius intendamus, hic ipse dissentientium in rei summa consensus certius etiam id, quod volumus, probar, quam si à cunctis eodem modo recenseretur. Tum enim, vel conspirasse ad fingendum mendacium, vel unum mentientem ceteri temere secuti, credi possent. Sed qui sibi invicem in minutiis contradicentes, tamen in eo quod est præcipuum concordant, argumentum præbent haud paulo firmitus, & quo omnes passim tam in veteribus historiis quam novis quoque rumoribus judicandis utimur. Veluti si fama hodie allata de prælio commisso, vel prolatis etiam de Veterum quadam pugna testimoniis, aliqui *tria millia*, alii *quina*, nonnulli & *myriadem totam cecidisse* nuntiarent, si pars utraque *victoriam in se traheret*, si alteri *hostium Ducem* ex. gr. *Paulum cecidisse*, *Fabium captum*; alteri pro *Paulo Scipionem cade*, pro *Fabio Marcellum captivitate sese amisisse*, contenderent, vicissimque, hostibus suis licet abnuentibus, *nonneminem*, qui cum imperio fuerit, *captum atque trucidatum* imputarent, idque sine ulla conspirationis suspitione; de personis quidem cæsorumque numero, quæ in tanta rerum perturbatione contrariisque hominum studiis facile fallunt variantque, nihil certi nobiscum constitueremus; sed prælio utique certatum, multo firmitus nobis persuaderemus, quam si tam multis narratoribus etiam circa levissima conveniret. Hoc enim, ut solent alias homines pro varietate ingeniorum atque affectuum res easdem diversis modis imaginari narrareque, compositam fraudem haud obscure demonstraret. Ceterum & in nostro negotio nullam esse compositam fraudem, cum hoc dissidium sententiarum, tum etiam

Tom. IV.

Y

varia

varia eorum qui ista tradunt ætas, argumento est, quæ profecto facit, ut neque conspirasse in fraudem dici possint, cum ætate sint diversi, neque mentientem unum ceteri secuti temere, cum à se discrepent, nec denique hoc ipsum dissidium, ad celandam fraudem simulasse, invexisseque, cum varii variis in locis, neque eodem etiam ævo degentes, & scripta item priorum, ut tum res erat, non omnia legentes, tamen in hac re mire consenserint. Itaque non dubitabunt veteris in hac re ritus gnari, quin singuli aut certe plerique, qui ista tradiderunt, è certi cujusdam Populi, vel etiam plurium, monumentis & traditione suas narrationes hausserint. Quæ ipsæ, ut jam nunc istud addam, fortassis ideo in nominibus eorum, qui litteras vel intulerint, vel auxerint, inter se pugnant, quod quilibet Populi eos notarint celebrarintque, à quibus primum usum litterarum acceperant, quos in variis, ejusdem licet regionis, Populis tamen varios fuisse necesse est.

#### §. XIV.

At his jam expositis pleneque confirmatis, nemo non videt, litterarum usum atque inventionem adeo temporibus à MOSE descriptis non esse vetustior, ut etiam haud paullo sit recentior. Nam CADMUM quidem certe non sinunt rationes Chronologicæ multo vetustior nos credere anno *Periodi Jul.* 3387, qui in annum ante natum Christum 1327. incidit. Bellum vero Trojanum, sub quo literas aliquas adjecit PALAMEDES, plus 130. etiam annis Cadmo est recentius, & 600. item annis Palamedem consecutus est SIMONIDES. Quod si cui pro Palamede substituere lubeat EPICHARMUM, atque cum statuere Alphabeti ampliorem, uti *Aristoteli* diximus placuisse, etiam is multum infra bellum Trojanum subsidet.

#### §. XV.

§. XV.

Equidem non nego, etiam alteram quandam, verum haud paullo obscuriorem, serpsisse jam olim famam, memoratam TACITO Annal. XI, quasi litteras in Græciam importasset CECROPS, quem non injuria plus duobus sæculis Cadmo vetustiorē faciunt Chronologi. Verum sic quoque apparet, quam parum Mosaicæ de diluvio atque Orbe condito historiæ officere hoc inventum litterarum possit. Addit item TACIT. etiam *Linum Thebanum*, de quo etiam SUIDAS : λέγεται δὲ πρῶτος ἔτος ἀπὸ Φοινίκης γραμματὰ εἰς Ἑλλήνας ἀγαγεῖν. Sed nec hoc litterarum apud Græcos vetustatem valde auget. Nam quod hic *Linus* in tempora maxime fabulosa rejicitur, & ab aliis Apollinem, ab aliis Amphimæarum Neptuni filium, ab aliis denique Mercurium parentem accipit, id vel cunctam hanc de ipso narrationem pro commento traducendi nobis præbet facultatem, vel certe non aliam ætatem litteris tribuere cogit, quam qua hi ipsi Dii, scilicet, inter homines vixerunt, quam satis esse recentem, dictum alibi. Cum itaque Græcia, quæ inter Asiam, Ægyptum atque Africam, fuit quasi media, & faciles undique habuit aditus, rum & externos ex variis oris accepit, ipsaque alios non infrequenter adiit, denique ingenia semper aluit acuta & novitatis doctrinæque avida, cum ista, inquam, Græcia nihilominus tam sero hanc jucundam, commodam, utilem, immo in magno & numeroso Populo prope necessariam artem didicerit, nullo modo sit verisimile, vel ipsam multo ante incolis frequentatam esse, vel eos qui de litterarum invento inter sese alioqui certarunt, Ægyptios, Asiaticos Græciæ viciniore, aut Africanos, pluribus ante sæculis eodem instituto usos fuisse.

## §. XVI.

Hic erit fortasse non nemo, qui nos nequaquam recte atque ordine dicat fecisse, quod de eo tam prolixè disputemus, qui litteras alibi inventas in unam regionem transtulit, neque potius de ipsis, qui ferantur, inventoribus agere perrexerimus. Sed hi veniam dabunt nobis, si cogitaverint, amissis temporum injuria ceterarum Nationum monumentis plerisque, necessitatem nobis afferri, hac, qua usi sumus, ratione à Græcis ad ceteros Populos argumentandi, atque uti non obscurum indicium litterarum extra Græciam inventarum præbeat pertinacissimus iste Græcorum in iis aliunde accersendis consensus; ita contra non esse eas infinitæ cujusdam ac plane reconditæ vetustatis, satis manifeste probari ex hoc, quod istis ipsis Græcis tam sero innotuerint. Ceterum neque primus litterarum inventor à paganis Auctoribus, præter populos totos velut Phœnices, Æthiopes ac Syros, & fabulosos istos, de quibus diximus, fertur alius præter MENONEM, quem PLINIUS *Anticlidis fide litteras in Ægypto refert excogitasse, quindecim annis ante Phoroneum antiquissimum Regem Græciæ.* Sed, præterquam quod nulla est ratio, cur temere hanc fidem Anticlidæ soli, ac tam constanti antiquitatis fama confutato habeamus, ipsum *Phoroneum* Græcorum calculi non supra annum ante N. C. 1807. qui in Per. Jul. est 2907, submovent, neque adeo Abrahamo Patriarcha ullo pacto vetustiore faciunt. Quoniam autem illa altera de litteris à Phœnicibus primum prolatis opinio multo latius sparsa est, & vero Israelitæ in Phœnice sedes habuerunt, Tyriisque & Sidoniis, qui maxime Phœnicum exteros adierunt, & ab iis vicissim frequentissime visitati sunt, fuere notissimi, tum &, si vel à MOSE tantum litteras primum statuamus esse usurpatas, pluribus ante Cadmum sæculis Scriptura usi sint; non absurda profecto cuiquam



quam videri debet Virorum doctissimorum sententia, quando ceteras Gentes illas à Populo Israelis demum didicisse contendunt. Quod de Mose ipso asseruere Eupolemus, *JOSEPHO contra Appionem, & EUSEB. L. IX. de Præp. & GLEMENTI ALEX. Strom. L. I. citatus*; item *THEODORET. in Gen. Interp. 61. & ISIDOR. Orig. L. I. C. 3.*

§. XVII.

Superfunt nunc porro nobis ex antiquissimis hominibus, qui litteris usi sunt, ITALI. Sed nos, quum præsertim iis alibi peculiarem & suum locum destinaverimus, non erimus in iis prolixi. Verbo tantum monemus, sive Pelasgi, sive Arcades, sive Nicoftrata Evandri mater, alio nomine dicta Carmenta, sive denique hic ipse Evander, eas in illam regionem intulerit, certe eas ex Græcia manasse, & paullum etiam infra Cadmæarum litterarum vetustatem subsistere, id quod rursus Characterum similitudo plenius etiam confirmat. De *Iberis* piget prope aliquid addere, quos est qui jam olim sex mille annos litteris ac scriptura uti referat *STRABO L. III.* Quis enim ullum ejus Populi scriptum aut monumentum mediocris vetustatis sibi visum esse confirmat? Quæ alia litterarum & studiorum ibi vestigia? quæ doctrina? quæ artes? Sane fit his rebus, ut me pigeat cum Viris doctis ad id confugere, ut annos hujus nationis nonnisi quadrimestres fuisse respondeam. De *Sinensium* litteris, quarum tamen ætatem non tantam illi contendunt, ut si maxime iis crederemus, diluvio priores esse necessum sit, tum agemus, quando in altera V. D. disputatione omnem earum historiarum excutiemus antiquitatem.

§ XVIII.

Nunc porro afferamus aliud, etiam præ litterarum notis, mortalium generi necessarium. ARCHITECTU-

TECTURA est, atque illa ars quæ tecta & latibula nobis parat, quibus adversus vim frigoris ac tempestatum, & item contra ferarum hominumque impetum defendamur. His sane malis ita infestatur homo, quod solum animal nudum atque inops non tantum nascitur, verum etiam nisi sibi ipsum aliunde adversus ea præsidium comparet, perpetuo manet, ut si ea non possit propellere, nullis incendiis, nullis diluviis ad extinguendum ejus genus opus sit, sola una acrior hyems, aut uno mense sine intermissione ingruentes tempestates, aut ferarum bestiarum ex uno genere incursum stirpem ejus omnem excindere delereque possit. Sane talia hæc sunt, ut homines si vel uno anno plurimi tota terra, uti ajunt Athei, fuisse fingantur, sine quibusdam ædium quasi rudimentis, imaginari nequeamus. Ergo æternas, si Diis ipsorum placet! ædes procudent Athei. Et tamen, ô bona veritas! adeo non fuerunt æternæ, ut quater mille tantum annos retro regressi, passim homines in specubus atque antris, in tuguriolis ramis ac vimine textis, aut

- *inter densas, umbrosa cacumina, fagos  
delitescentes inveniamus.*

### §. XIX.

Quid ait præclarus Auctor æternitatis PLINIUS? etiam *lateritias domos* (hæc enim ex varijs istius loci lectionibus videtur verisimillima) *constituisse primum Euryalum & Hyperbium fratres Athenis, antea specus fuisse pro domibus. Gellio autem Doxium Cæli filium lutei ædificii placere inventorem.* Ac ne quis hanc hominis ab ea quam adserimus sententia alienissimi confessionem eripere nobis audeat, firmamus eam etiam DEMOSTHENIS auctoritate, cujus elegans jocus in *Chalcum obtrectatorem à PLUT. in Vita Demost.* profertur.: Neminem furtorum frequentiam debere mirari

rari Athenis, ὅταν τὰς μὲν κλέπταις χαλκῆς, τὰς δὲ τοίχας  
 πηλίνους ἔχουσι, *quum fures quidem aeneos (Chalcos,) domos  
 autem luteas habeant.* Hic enim arguit jocus, etiam  
 illo politissimo, prope dixerim, novissimo Athenarum  
 tempore luteas plerasque domos fuisse, neque  
 proinde magna jam tum incrementa istam artem ce-  
 pisse. Idco, inquam, hoc addo, ne qui *THOMÆ  
 REINESIO Viro Cl.* credunt, statim omni robore  
 cassam hanc *Plinii* auctoritatem sibi persuadeant. Is  
 autem *Var. Lect. L. II. C. 7.* propter locum *PAUSAN-  
 IÆ in Atticis*, in quo *Agrotas & Hyperbius*, natione  
*Pelasgi*, arcem Athenarum muris primum cinxisse dicuntur,  
 & alterum *HERODOTI*, *Eratus cap. 137*, qui, *Agro-  
 ta* quidem & *Hyperbio* non commemoratis, *Pelasgis  
 ob excitatos muros arcis sedem sub Hymetto attributam* te-  
 statur, oblivione lapsum esse *Plinium* contendit, ac mu-  
 rorum Atheniensium auctores pro Auctoribus adium conden-  
 darum arripuisse, eamque etiam ob causam *Euryalum*  
 in *PLINII Textu* mutat in *Agrotam*. At certe, quum  
*PLINIUS Pausania* vetustior, neque vel hilum indo-  
 ctior, sese de domibus loqui sciverit, atque ideo  
 etiam ante illud tempus specus fuisse pro domibus  
 addiderit, tum & paullo post de mœniorum inven-  
 tione agat separatim, eamque *Thraconi* tribuat; non  
 video, quare non illi æque ac *Pausania* debeamus cre-  
 dere; imo quare propter locum *Pausaniae*, alio aperte  
 spectantem, *Plinii* textum interpolare cogamur. Nam  
 si cuncta expendamus, omne robur cardoque argu-  
 menti ejus vertitur in solo nomine *Hyperbii*, quod  
 utrobique simile est. Quasi vero non infinita nomi-  
 na apud Græcos pluribus simul personis fuerint indi-  
 ta, aut non à *PLINIO* statim post hunc *Hyperbium*  
*Pelasgum*, alter *Hyperbius Corinthius* recensatur, qui  
*orbem figulinum invenerit*, (de quo quidem etiam  
*SCHOLIASTES PINDARI* testatur, *Theophrastum au-  
 ctorem* laudans ἐν τῷ περὶ ἐυρημάτων, in *Olymp. od. 13.*)

& item alter in fine *capitis*, *Martis filius*, qui animal primum occiderit. Tum certe etiam alia accedunt C. PLINII loca, quæ hominibus priscis specus pro domibus attribuant, veluti *Proæmium* L. XII. *Diu fuere occulta naturæ beneficia, summumque bonum homini datum arbores sylvæque intelligebantur. Hinc primum alimentum, harum fronde mollior specus, libro vestis.* Affertque in eam rem argumentum: *Etiamnum gentes sic degunt.* Neque aliter præclarus *Architecturæ Veterum Auctor* M. VITRUVIUS POLLIO, quem omnis ævi rationem ædificiorum summa cura atque industria investigasse apparet. Ille enim homines non ita multis ante se sæculis in nemoribus atque antris collocat, atque igne demum ex mutuo arborum vento agitatarum illis excitato in societates coivisse, & rudissima quedam, quæ describit, sibi confecisse tuguria, tum id sui quoque temporis Gallorum, Hispanorum, Lusitanorum, Aquitanorum, Ponticorum, Phrygumque exemplis comprobat. Jam SICUL. DIOD. cum in *Primo Bibl. Libro* pluribus locis cuncta cumulat, quæ de primævo hominum statu in scriptis Veterum repererat, istud veluti rem inter omnes constantem ponit, homines primum in speluncis vixisse, immo ne eas quidem subiisse, nisi postquam frigoris asperitas plurimos peremerat. At Poëticorum testimoniorum, eorumque qui rudem & incultam veterum vitam descripserunt, magna quoque nobis suppetit copia. Ac ut eos solum, qui speluncas istas & nemora nobis narrant, recenseam, ceterosque alii, quem rectius tuebuntur, loco servem, icribit LUCRETIVS L. V.

- nemora atque cavos montes sylvasque colebant,  
Verbera ventorum vitare imbresque coacti.

HORATIUS vero L. I, *Serm. Sat. 3. v. 106* cubilia memorat fortuito oblata, de quibus nempe fustibus & pugnīs contenderetur; JUVENALIS speluncas, *Sat. VI. v. 3.*

Cum

- - Cum frigida parvas  
Præbet et spelunca domos. - -

Ex historiis singularum Gentium non depromo ego jam quidem argumenta in hanc rem, quæ postea proferentur. Sed illud certe in universum confirmo, cujuscunque Populi Historiarum initia inspiciamus, parva tuguria, vicos tenues, oppida rara & exigua inventuros; immo antra quoque & illa in sylvis cubilia in multis Populis usque ad TACITUM, PLINIUM, STRABONEM, MELAM, perdurasse.

§. XX.

Nunc velim mihi aliquis consideret, num quo pacto fiat verisimile, ab infinitis retro sæculis in sylvis illis & specubus egisse humanum genus, nec nisi millesimo ante Augustum Imperatorem anno, vel si forte unius atque alterius Gentis Architectonice paucis ætatibus hoc tempus superat, ædificia solido lapide cœpisse struere. Quod si qui ad hoc incommodum, quod maximum est, evitandum ab æterno quoque vel saltem ante plurimas sæculorum myriadas ex antris istis in tuguria ab hominibus concessum statuunt, quæ scilicet ad exemplum vel archetypum nidorum, quos hirundines solent conficere, essent composita, (nam PLINIUS ita & VITRUVIUS asserunt;) tum illos ab æterno homines casas suas luro illinere firmareque hirundines docuerunt, fuerintque adeo harum avicularum nidi hominum domibus, si Diis placet, æterniores. Nam & hæc vox *Pliniana* est & ex Lib. XIV. C. 2. prompta, ne quis forte eam veluti monstrum aliquod latinitatis pariter sanæque rationis refugiat. Hem! tanti est sapere, tanti per decem & amplius lustra in Academia vel Peripato ambulasse. Sed si hæc qualescunque casulæ tam sunt vetustæ, cur tam tarde successit politior ædificandi ratio? Cur ii, qui satis habuerant

sollertiz ad imitandas in tuguriorum constructione hirundines, non etiam apes & formicas in earum distinctione ac institucendis contignationibus, quæ saltem hominum cubilia à pecudum stabulis segregarent, fuere imitati? Cur eos quotidiana incendia casarum, quæ omnes ipsorum fortunas momento temporis absumebant, solidiorem materiam ædificiorum non coëgerunt circumspicere? Ubi vero fuerunt illa ingenia novandi cupida, quæ à primo statim, quod per historias nobis innotescit, tempore nunquam neque ædificandi neque cæteras res tractandi modum & rationem vel uno sæculo aut ætate hominum una eandem servarunt? Cur ea infinito ante tempore nihil in illa inculta ac temeraria tuguriorum extructione mutarunt? At si, quod ipsum etiam adserit *VITRUVIUS*, *ignis fortuita vi ventorum atque attritu mutuo arborum elisus primum, ut inter se homines conglobarentur, & sermonem, casas, ceteraque condirent, effecit*; sic quoque profecto necesse est, in æterno mundo æternas quoque linguas & casas fuisse; quum dici non possit, ventos post æternum silentium subito perruptis claustris flare coepisse. Si vero in illa ipsa æternitate adfuit hæc ignis materia causaque, venti ac sylvæ, quomodo id, quod infinitis ante sæculis nunquam ex his causis profluxerat, ante quatuor demum millia annorum inde subito exiliit? Sin habuerunt jam tum tales, quid est cur tot sæculis immo ab ultima æternitate rudes & impolitæ manserint, atque à tot, quot dixi, duntaxat annis ornari perficique cœperint?

### §. XXI.

Huc jam porro addi potest ceterarum rerum iustis atque commodis ædibus necessariarum inventio. Veluti quod *tegulas ac metalla aris*, tum & *fabrorum instrumenta* primum invenerit *Cinyra Agriopæ filius in Cypro*, teste *PLINIO, L. VII. C. 56.* cum antea ac multis in locis etiam post id tempus, *culmo ac scandulis* passim tectas

testas fuisse domos clament Veteres, idemque PLINIUS distincte referat, *Romam ad Pyrrhi usque bellum scandulis testam fuisse*, L. XVI. C. 10. item, quod puteos in Græcia primum foderit Danaus ex Ægypto adveſtus, quod lapicidinas invenerit Cadmus, Thrason muros, & quæ sunt alia ex eodem PLINII, in L. VII. Capite. Quorum illud de Danao confirmat, certe ad filias ejus trahit STRABO L. VIII. versum vetustum proferens: Ἀργὸς ἀνδρῶν ἑὸν, Δανααὶ θέσαν Ἀργὸς ἐνδρῶν; alterum de Cadmo CLEMENS ALEX. L. I. Strom. Κάδμος ὁ Φοῖνιξ λιθοτομίαν πρῶτος ἐξεῦρε. At horum certum est neminem esse, quin quadringentis minimum annis vero diluvio sit junior, etiamsi annos ex Hebraico Codice putemus. Cetera, quæ ad ædificiorum pariter atque aliarum artium novitatem demonstrandam pertinent, proxima oblata opportunitate disputabuntur. (\*)

(\*) Horum, quæ promittuntur heic, nihil potuit ὁ πᾶν præstare, negotiis aliis impeditus. Neque etiam adhuc in ejus MStis quidquam huc magnopere pertinens est inventum. Itaque istis Schedis nos oportet esse contentos.



## VIII.

JOH. HENRICI LEDERLINI,  
d. v. in Acad. Argentor. Prof. P.

*MELETEMA PHILOLOGICUM*  
DE  
TEMPLIS ARGENTEIS  
DIANÆ EPHESIÆ,

Ad Locum Actor. XIX, 24.

*Argumentum.*

- §. I. Scopus & ordo tractationis indicatur. §. II. Dictum explicandum proponitur. §. III. Variæ Interpretum sententiæ circa illos *vaes æγυρῆς Ἀργεΐδος*, quæ tres sunt, enarrantur. §. IV. Earum prima statuit, fuisse nummos ab impressa imagine sic dictos. Exempla & testimonia hujus consuetudinis adducuntur Pollucis, Horatii. Casp. Waserus & Beza citantur. §. V. Possidet tales nummos Galliæ Rex. §. VI. Sententia altera vult, fuisse ædículas ad imaginem templi extructas; plura testimonia eam probantia adducuntur, & ob hæc plurimis doctis placet, Casaubono, Salmasio, &c. §. VII. Quidam utrumque admittunt, ex quibus est Erasmus Schmidius.

§.



§. VIII. Cl. Author primam ob defectum testimoniorum, quod nummi templa vocati fuerint, rejicit, & alteram amplectitur, eamque pluribus testimoniis probat. §. IX. Ad Bezæ argumentum, ex vi vocis *Αργυροκοπος* desumptum, respondetur. §. X. Ostenditur, quomodo vox *argentea* sit sumenda. §. XI. docetur, quod Xenophon in honorem Dianæ parvum extruxerit Templum in Scilunte simile illi Ephesino.

§. I.

**I**N Actis Apostolicis, quæ nuper brevi commentatione Auditoribus nostris exponebamus, cum alia notatu digna, tum vero etiam Demetrii illius *ἀργυροκόπος* templa Dianæ argentea, quæ fecisse eum Lucas narrat, non inter postrema occurrebant. De quibus *σὺν Θεῷ* pauca quædam, quæ Academico conflictui sufficere queant, conscripturis, textum primum ipsum ponere ob oculos, varias dein interpretum afferre sententias, denique nostram aperire mentem, placet.

§. II.

Textus in Actibus Apostolicis capite XIX. *commentate* 24. in fontibus ita habet: *Δημήτριος γὰρ τις ὀνόματι, ἀργυροκόπος, ποιῶν ΝΑΟΥΣ ΑΡΓΥΡΟΥΣ ΑΡΤΕΜΙΔΟΣ, παρείχετο τοῖς τεχνίταις ἐργασίαν ἐκ ὀλίγης; id est, si verbum verbo latine reddas: Demetrius enim quidam nomine, faber argentarius, faciens **TEMPLA ARGENTEA DIANÆ**, præbebat artificibus quæstum non exiguum. Aliorum interpretationes hic cumulare citra necessitatem nolo, cum præsertim infra in ipsa tractatione nonnullorum fiet mentio.*

§.

## §. III.

In his verbis quærunt imprimis interpretes, quid ΝΑCΙ ΑΡΓΥΡΟΙ ΑΡΤΕΜΙΔΟΣ; **TEMPLA ARGENTEA DIANÆ** sint? Quorum tres potissimum deprehendo classes. *Prima* est eorum, qui illa templa argentea Nummos argenteos fuisse volunt, ita dictos ab imaguncula celeberrimi illius templi Ephesini, quod repræsentabant: *Altera* eorum, qui templi Ephesini *εικονισμὸς*, parvulas effigies argenteas ad instar templi Ephesini factas fuisse contendunt: *Tertia* denique illorum, qui utrumque fuisse asserunt.

## §. IV.

Qui priorem tuentur sententiam, hoc fere nituntur fundamento: quod hi nummi a Demetrio cusi templa argentea Dianæ, a figura sibi impressa sint dicti, ea ratione qua Corinthiorum quidam nummi *πῶλοι pulli*, Peloponnesiorum *χελῶναι testudines*, Atheniensium *κόραι puellæ*, Deliorum seu eorundem Atheniensium *βῆς boves*, appellabantur; ab effigie scilicet pullorum, testudinum, boum, puellarum, &c. qua erant signati. Et sane sic nummos ab effigie sua vocatos, veterum scriptorum non pauci annotarunt; quorum testimoniis paginam implere supervacuum judico. Unius POLLUCIS nostri testimonium jam sufficiat. Is libro IX. *segm. 73.* *Onomastici sui* ita scribit: Οἱ μὲν τοὶ τὸν βῆν ἐκ τῆ τυπώματος ἔττω κληθὲν νόμισμα καὶ Ὁμηρον εἰδέναι νομίζοντες, κ. τ. λ. *qui Bovem nummum ab impressa figura ita vocatum, Homero quoque notum fuisse existimantes, &c. & mox segm. 74.* καὶ μὴν τὸ Πελοποννησίων νόμισμα, χελώνην τινὲς ἤξιον καλεῖν ἀπὸ τῆ τυπώματος, ὅθεν καὶ παροιμία:

Τὰν ἀρετὰν καὶ τὰν σοφίαν νικᾷν τι χελῶναι.

Quin & Peloponnesiorum numisma, testudinem quidam vocatum ab impressa figura volunt; unde & proverbium:

Vir-

*Virtutem & sapientiam vincunt. testudines.*

Proverbii mentem HORATIUS FLACCUS expressit  
notissimis versiculis:

*Vilius est auro argentum, virtutibus aurum.  
O cives, cives, quærenda pecunia primum est,  
Virtus post nummos: hæc Janus summus ab imo  
Perdocet, hæc recinunt juvenes dictata senesque,  
Lævo suspensi loculos tabulamque lacerto.*

Et sententiam quidem hanc de nummis templa argentea Dianæ vocatis, inter alios fovet atque defendit CASPARUS WASERUS, Tigurinus, de antiquis nummis Hebræorum, Chaldaeorum & Syrorum, lib. 2. cap. 15. p. 89. seq. ubi simul figuram ejusmodi nummi exhibet. Nec ab ea alienus est THEOD. BEZA, qui præter Waseri fundamentum, ex eo quærit præsidium, quod Demetrius, cujus hic fit mentio, ἀργυροκόπος vocetur; ἀργυροκόπον autem a percutiendis seu feriendis argenteis nummis dictum existimat.

# §. V.

Neque neglecti fuere ejusmodi nummi a Collectoribus nummorum. Ita JO. VAILLANT in Numismatibus græcis p. 34. diversorum meminit nummorum sub Hadriano cusorum cum templo octo columnarum, in quo Diana Ephesia conspicitur. Idem aliorum adhuc meminit sub Vero sex columnarum, p. 62. & 63. quatuor columnarum; item sub Caracalla meminit nummi, in cujus postica visitur Diana in templo duarum columnarum, in alio quatuor columnarum; iterum in alio comparent tria templa, quorum id quod medium est, habet Dianam Ephesiam, & asservatur in REGIS CHRISTIANISSIMI thesauro incomparabili. FRANCISCUS porro MEDIOBARBUS, Biragus, in auctiore editione numismatum Occonis p. 183. mentionem facit nummi sub Hadriano

driano cusi, in cujus postica Dianam Ephesiam refert in templo quatuor columnarum, cum inscriptione: *Diana Ephesia*. Idem p. 81. meminit nummi sub Claudio cusi, qui exhibet in postica templum quatuor columnarum, in quo Diana Polymammia.

## S. VI.

Altera eorum est sententia, qui **TEMPLA** hæc **ARGENTEA DIANÆ**, ædículas argenteas, Ephesini templi imaginem referentes, fuisse existimant. Robur huic sententiæ ex antiquo accersunt ritu, quo parvis ejusmodi ædiculis Deos portabiles habuere veteres, quorum tutelæ & fidei vitam & fortunam credebant: cujusmodi ædículas & ναῶν, & ναϊδίων item ναϊσκων nomine vocitatas fuisse, Auctores non rejiculi fidem faciunt. Ita **HERODOTUS** *Enterpe*, pag. m. 71. meminit νῆς μικρῆς ξυλίνης κατακεχυρωμένης, sacelli parvulignei deaurati, cui impositum erat ἄγαλμα, quod trahebatur τετρακύκλῳ ἀμαξῇ, curru quatuor rotarum. **EUSTATH.** ad *Hom. Il.* mentionem facit ναῶν ζευγυφορμήνων. Ita Dei cujusdam Phœnicum, qui Ἀγρότης & Ἀγρότης dicebatur, ξόανον μάλα σεβασμιον, καὶ ναὸς ζυγοφορῆμενος ἐν Φοινίκῃ, simulacrum erat valde venerandum & templum in Phœnicia tractum a jugalibus. vid. **EUSEBIUS** *Præpar.* X, 1. Apud **DIONEM** libro XL. pag. m. 142. inter signa Romanorum militaria habes νεῶν μικρόν, καὶ ἐν αὐτῷ αἰετὸν χρυσῶν ἐνεδρυμένον, parvulam templi effigiem ligneam, inque eo impositam aquilam. Cum quo loco conferunt quæ apud **HERODIANUM**, IV, 4, 12. leguntur: νεῶ ἐνθα τὰ σημεῖα καὶ τὰ ἀγάλματα τὰ στρατῶν δὲ προσκυνεῖται, ædícula, ubi signa ac simulacra exercitus adorantur. Verum ex eodem hoc Herodiani loco de prioris loci expositione dubitat eruditus **LIPSIUS** de *Militia Romana* libro IV. *Dial.* 5. pag. m. 166. quamvis **SALMASIUS** *Exercit. ad Solinum*, pag. 802. col. 2. Dionis locum non aliter licere interpretari, quam de parvo

parvo templo, cui aquila signorum imposita, vel de  
 parvo templo aquilæ imposita, scribat; probationis-  
 que loco ex columna Trajani effigiem subjiciat. Sed  
 his non immorabimur, nec litem faciemus nostram;  
 quisque libero suo utatur per nos judicio licet. Da-  
 bimus clariorem DIONIS locum ex libro XXXIX. p.  
 111. ubi facellum Junonis exiguum, mensæ cuidam  
 impositum, memoratur hunc in modum: ἐν τῷ Ἀλβανῷ  
 νεῷς Ἡρᾶς βραχὺς ἐπὶ τραπέζης τινὸς πρὸς ἀνατολῶν ἰδρυμένος.  
*In Albano templum Junonis parvum in mensa orientem ver-*  
*sus positum.* Egregiū præterea in hanc rem locus est,  
 qui occurrit apud veterem SCHOLIASTEN græcum ad  
 ARISTOTELIS Rhetor. I, 14, 2. fol. 26. ubi, quinam A-  
 ristoteli ναοποιοὶ dicantur, his explicat verbis: ναοποιοὶ  
 λέγονται, οἵτινες ποιεῖσι ΝΑΟΥΣ, ἤτοι ὡς εἰκονοσάσια μικρὰ  
 ξύλινα, καὶ πωλεῖσι ταῦτα, id est, Ναοποιοὶ dicuntur illi, qui  
 TEMPLA, seu parvulas effigies templorum ligneas efficiunt,  
 easque divendunt. addere potuisset, argenteas. DIODO-  
 RUS SICULUS lib. XX. pag. 739. scribit, Carthaginien-  
 ses Herculi Tyrio misisse τὰς ἐκ τῶν ἱερῶν χρυσοῦς ναῦς τοῖς  
 ἀφιδρυμασι πρὸς τὴν ἰκυσίαν. Ναιδίων mentionem occur-  
 rere apud Polybium, testes sunt BEZA, GROTIUS,  
 SALMASIUS, aliique. Ναίσκος vero appellat STRA-  
 BO lib. XIV. pag. 637. ubi Junonis templum Heræum  
 appellatum in Samo describens, ait, præter plurimas  
 ibi positas tabulas & πίνακοθήκας etiam in eo templo  
 fuisse ναίσκους τινὰς, ediculas quasdam. Hancque alteram  
 sententiam plures eruditorum fovent atque tuentur,  
 exque allegatis a nobis locis propugnant. Suntque il-  
 præcipue CASAUBONUS, SALMASIUS in Solinam p.  
 803. PRICÆUS, &, qui ante reliquos nominandus  
 erat, ERASMUS, qui hos ΝΑΟΥΣ per DELUBRA  
 vertit, inque suis annotationibus observat, hoc vo-  
 cabulo significari ediculas seu thecas templi effigie, in quibus  
 reponebantur statuae. VULGATUS quoque ades reddit.  
 Sed numerum ita sentientium inire, non fert animus.

## §. VII.

Pergimus ad illos, qui utramque sententiam admittunt, & utramque amico conjungere vinculo student. Ex eorum parte stat ERASMUS SCHMIDIUS, unde ejus quoque malo verbis, quam meis, rem proponere. Ita autem is in annotationibus ad hunc locum scribit: *Hic* (per *vass* scil. ἀργυρῆς Ἀρτέμιδος, *templa argentea Diana*) intelliguntur effigies argenteae, vel alterius etiam metalli, *Templi Diana Ephesini*, una cum simulachro statuae *Diana*, sive in forma solida, sive pertusa, sive plana instar monetae, prout diversis diversa placuit. Ex quibus *Beza* typum exhibet nobis nummi ejusmodi, tali effigie insigniti, ut in ipsius notis videri potest.

## §. VIII.

Quod denique nostram attinet sententiam, nummus sub Claudio cusus, cujus supra §. 5. ex *Francisco Mediobarbo Birago* mentionem feci, quique in tempora, de quibus in nostro loco sermo, incidit, *BEZÆ* & assellarum sententiam, præter alia jam allata, valde probabilem reddere posse videtur. Et sane eam ambibus, quod ajunt, amplecterer, modo aliquis ex veterum scriptis locus occurreret, aut ab eruditis monstraretur, ubi illi *Dianæ* nummi cum ejus & templo & imagine *ΝΑΟΙ*, *TEMPLA*, vocantur, quemadmodum sc. de Corinthiorum pullis, Atheniensium bobus, Peloponnesiorum testudinibus, &c. ex auctorum testimoniis abunde constat; vide §. 4. Sed & præter hæc, jus monetam cudendi *Demetrio* erit ex antiquitate asserendum, quod tamen τεχνίται *artifices* in textu nostro additi valde improbabile reddunt. Quamdiu itaque hic mihi hærebit scrupulus, eos, qui *TEMPLA HÆC ARGENTEA DIANÆ* per *εἰκονισμῶς* magni illius & celeberrimi *Dianæ* templi. seu *ediculas* ejus templi artificium referentes, cum imposito *Dianæ* parvo simulachro, interpretantur, minime a  
VERO

vero aberrare arbitror. Præterquam enim, quod vox quælibet tamdiu in nativa sua & prima significatione, donec urgeat gravis aliter exponendi necessitas, accipienda sit, vox autem ναός proprie templum, non vero nummum templi effigie signatum notet; usus varii generis templa parva extruendi accedit, id quod § 6. pluribus comprobatum est. Isque ritus conficiendi ejusmodi ναῖσκις, ναῖδία seu ναὺς, non χθὲς καὶ πρῶην demum natus, sed perantiquus est, præsertim si fidem habeamus nonnullis Interpretum, qui verba Stephani in Actis VII, 42. ex Amoso Propheta allegata, καὶ ἀνελάβετε τὴν σκηνὴν τῆς Μολοχ, & humeris vel manibus sublatum portastis tabernaculum Molochi, de eo tempore, quo Israelitæ in deserto adhuc errabant, exponunt. Neque vero obstare potest, quod testimonia Auctorum supra §. 6. allegata de templis majoris formæ, quam nostra forte fuere, loquantur; saltem enim id ex iis tuto concluditur, portabilia ea fuisse. Libenter enim hoc doctissimo GIBB. CUPERO in Harpocrate, p. 131. largiar, templa, de quibus in nostro loco sermo est, admodum parva fuisse, ut puparum supellectilem, quæ religiosi secum ferre poterant. Valde siquidem probabile videtur, ejusmodi εἰκονοσάστια pro arbitrio ementium majora aut minora fuisse, & talia, ut etiam a peregre abeuntibus circumferri, & in memoriam ipsius Ephesiæ Dianæ domi aut alibi coli potuerint. Quid enim in gentilium idolomania frequentius, quam ut Deorum imagines & brevia figmenta, actionum suarum auspices, secum semper habuerint comites. Asclepiadem sane philosophum, Dea celestis argenteum breve figmentum, quocumque iret, secum solitum asferre, fidem facit AMMIAN. MARCELLINUS libro XXII. p. m 409. Et de seipso L. APULEJUS in Apologia pro se prima, pag. 136. hæc scribit: Morem mihi habeo, quoquo eam, simulachrum alicujus Dei inter libellos conditum gestare, eique diebus festis, thure & mero, & aliquando victimis supplicare.

Neque vero simulachra tantum Deorum ita secum ferebant, sed & gemmis, annulis, &c. insculptas Deorum Dearumve gestabant imagines, ut Julius Cæsar, qui teste *DIONE* libro *XLIII.* p. 266. γλῦμμα τῆς Ἀφροδίτης ἐνοπλον ἐφόρει, καὶ σύνθημα αὐτὴν ἐν τοῖς πλείστοις καὶ μεγίστοις ἐποιεῖτο. *Calaturam* s. *sculpturam Veneris armatam* gestabat, eaque tessera in rebus plurimis & maximis utebatur. Interpres de *Venere armata* annulo insculpta græca verba accepit, quod libenter ego concesserim. Sed non Deorum tantum, verum etiam heroum imagines eundem in finem circumferebant. Macrianorum familiam sic gestasse Alexandrum Magnum, refert *TREBELLIVS POLLIO* in *Quieto*, pag. m. 551. his verbis: *Videtur mihi non prætermittendum de Macrianorum familia, quæ hodieque floret, id dicere quod speciale semper habuerunt. Alexandrum Magnum Macedonem, viri in auro & argento, mulieres & in reticulis & dextrocheriis & in annulis & in omni ornamentorum genere, exsculptum semper habuerunt: eo usque, ut tunica & limbi & panula matronales in familia ejus hodieque sint, quæ Alexandri effigiem deliciis variantibus monstrent. Et paulo post: Quod idcirco posui, quia dicuntur juvare in omni actu suo, qui Alexandrum expressum vel auro gestant vel argento.*

### §. IX.

Neque vero sententiæ nostræ obstat, quod *BEZA* ait: ἀργυροκόπον a percutiendis seu feriendis nummis dici. Quemadmodum enim facile *Bezæ* largimur, ἀργυροκόπον denotare eum, qui argenteos nummos cudit, pecuniam signat, quique *Glossis Veter.* *Monetarius* est; ita vicissim, id tantum notare negamus. Siquidem in iisdem *Veterum Glossis* ἀργυροκόπος quoque faber argentarius vocatur. Quo sensu vox hæc videtur *PLUTARCHO* usurpari in tractatu de vitando ære alieno, c. 9. edit. *Stephan. moral.* tom. 3. p. 1485. ubi postquam exemplo *Cleantis philosophi* ostendit, sufficere sibi posse hominem



minem, & ad necessaria vitæ hujus acquirenda fœneratoribus non esse opus; luxum eisdem, ut & alia non necessaria, inter quæ & ἀργυροκόπος locat, progenuisse docet his verbis: ἡ τρυφή δανεισὰς ἐποίησεν, ἔχοντες ἢ χρυσοκόους καὶ ἀργυροκόπους καὶ μυρεψὰς καὶ ἀνθοβάφους. ἢ γὰρ αἶψαν ἔδὲ οἶνε τιμὴν ὀφείλομεν, αἰδὰ χαρίων καὶ ἀνδραπόδων καὶ ἡμιόνων καὶ τρικλίνων καὶ τραπεζῶν, καὶ χορηγόντες ἐκτεταμένως πόλεσι φιλοτιμύμενοι φιλοτιμίας ἀκάρπης καὶ ἀχαρίστου. quæ *Guilelmus Xylander, Augustanus*, ita latine reddidit: *Luxus ut aurarios argentariosque fabros, & unguentarios ac preciosorum colorum tinctores, ita feneratorum etiam produxit. Non enim panis aut vini pretium debemus; sed prædiorum, mancipiorum, mulorum, tricliniorum, mensarum, & ea quæ effuse in publicum faciendo sumtu, aut ambitiose inutiliterque magnificentiam affectando, prodigimus. Accedit quod in supellectile sua vasa argentea, tripodes, pocula, &c. veteres habuerint. Quæ quis quæso confecit alius quam ἀργυροκόπος? Denique his addi meretur, quod verbum κόπτειν, unde ἀργυροκόπος compositum simul ex voce ἀργύρεω descendit, etiam de fabro usurpetur. HOMERUS, Iliad. E. v. 379. de Vulcano tripodas fabricante addit:*

- - - κόπτει δὲ δεσμὰς,  
*vincula seu clavos cudebat.*

quæ ipsa verba in alio loco, *Odyssæa* scil. Θ. v. 274. Poëta repetit. Sed rei manifestæ præsidia quærere ulteriora non juvat.

### §. X.

Firma itaque eorum maneat sententia, qui per *Templa argentea Dianæ* hic parva *templa* ad formam templi *Ephesini*, una cum parvo *Dianæ simulacro*, a *Demetrio* & operis ejusdem sociis ex argento efficta & elaborata fuisse, statuunt. Quod autem in *textu nostro præcise* est additum, *argentea*, id, probe notante *PRICÆO*, διακριτικῶς sumendum est. Quandoquid-

doquidem ejusmodi nugamenta ex auro quoque aliave materia, imo ligno, fieri consueverant, uti ex supra allegatis atque aliunde satis constat.

### §. XI.

Coronidis jam loco quædam de templo Ephesiæ Dianæ ipso, toto orbe celebratissimo, ejusque structura artificiosa, pecuniæ in eo depositæ vi magna, donariisque eximiis dici posset, nisi illud a pluribus jam eruditis esset præstitum, quorum Catalogum habes apud Clarissimum Virum JO. ALBERTUM FABRICIUM, in *Bibliographia antiquaria*, Cap. IX. §. 19. pag. 297. Id tantum hic annotasse forte non ingratum erit, XENOPHONTEM ex pecunia, quam ex præda comparaverat, quamque apud Megabyzum deposuerat, extruxisse Scilunte templum parvum in honorem Dianæ, ad similitudinem celeberrimi hujus templi Ephesini. Qua de re ipsius XENOPHONTIS, libro V. de Expeditione Cyri, p. 274. sic scribentis, verba addere lubet: Επεὶ δὲ ἐφυγε Ξενοφῶν, κατοικῆντος ἤδη αὐτῷ ἐν Σκιλῶντι, ὑπὸ τῶν Λακεδαιμονίων οἰκιοθέντι παρὰ τὴν Ὀλυμπίαν, ἀφικνεῖται Μεγαβύζος εἰς Ὀλυμπίαν θεωρήσων, καὶ ἀποδίδωσι τὴν παρακαταθήκην αὐτῷ. Ξενοφῶν δὲ λαβὼν, χωρίον ἀνείλκει τῇ θεῷ, ὅπῃ ἀνείλεν ὁ θεός. ἔτυχε δὲ διαρρέων διὰ τῷ χωρίῳ ποταμὸς Σεληνῆς, καὶ ἐν Εφέσῳ δὲ παρὰ τὸν τῆς Εφεσίας Ἀρτέμιδος νεῶν Σεληνῆς ποταμὸς παραρρέει, καὶ ἰχθυῖες δὲ ἐν ἀμφοτέροις εἰσὶ καὶ κόγχοι. ἐν δὲ τῷ Σκιλῶντι χωρίῳ καὶ θῆραι πάντων ὁπῆσα ἐσὶν ἀγρευόμενα θηρία. ἐποίησε δὲ καὶ ναὸν καὶ βωμὸν ἀπὸ τῶ ἱερῷ ἀργυρίῳ, καὶ τολοισὸν αἰετῶν κατεύων τὰ ἐκ τῷ ἀγρῷ ὡραίᾳ, θυσιάαν ἐποιεῖ τῇ θεῷ. κ. τ. λ. quæ Joh. Levvenklaius ita latine vertit: Postea vero, quum esset in exsilio Xenophon, ac jam Scilunte habitaret, quod oppidum a Lacedæmoniis propter Olympiam conditum erat: venit ad Olympiam spectandi gratia Megabyzus, ac depositum Xenophonti restituit. Eo recepto Xenophon, agrum illo loco Deæ (Dianæ) mercatus est, qui Apollinis oraculo demonstratus erat. Perlabitur cum agrum Sellenus amnis. Iti.

*Idem apud Ephesum propter eadem Diana Ephesia Sellenus fluvius prætersluit; uterque pisces habet & conchas. Præter hæc in eo, qui apud Sciluntum est agro, venari feras omnes, quæcumque indagando capiuntur, licet. Templum etiam cum ara de pecunia sacra extruxit, ac post id temporis consecratis fructuum agri decumis, sacrum Deæ faciebat. &c. Et paucis interjectis: ὁ δὲ ναὸς, ὡς μικρὸς μεγάλῳ, τῷ ἐν Εφέσῳ εἰκασαί, καὶ τὸ ξόανον ἰοικεν ὡς κυπαρίσσιον χερσὶ ὄντι τῷ ἐν Εφέσῳ. καὶ σήλη ἔθηκε παρὰ τὸν ναὸν γράμματα ἔχουσα, ΙΕΡΟΣ Ο ΧΩΡΟΣ ΤΗΣ ΑΡΤΕΜΙΔΟΣ. Fanum ipsum ut parvum magni similitudinem Ephesini refert: itemque simulachrum ut cypressinum, Ephesino aureo simile est. Propter fanum columna est erecta, quæ has literas continet: AGER DIANÆ SACER. Esset hic commodus de Dianæ Ephesiæ simulachro dicendi locus, siquidem pagellarum illud permittetet angustia. Verumenimvero quoniam & hæc in parte τῶν φιλολόγων curiositati a CLAUDIO MENETREIO, Cœmeliothecæ Barbarinæ Præfeco, in peculiari tractatu de Symbolica Diane Ephesiæ statua, Romæ typis Mascardi 1657. in quarta forma exposita, & in Thesauro Antiquitatum Græcarum, a JAC. GRONOVIO edito, Volumine VII. p. 357. seqq. typis alterum exscripta, egregie jam est satisfactum, finem huic meletemati philologico imponentes exclamamus: Μέγας ἐστὶν ὁ Σωτὴρ ἡμῶν Ἰησοῦς Χριστὸς εἰς πάντας τοὺς αἰῶνας τῶν αἰώνων, Ἀμήν!*



## IX.

CONSPECTUS  
ACADEMIÆ  
BASILIENSIS,

In quo PROFESSORUM EJUS Natales,  
Munera ac Scripta referuntur.\*

*In Theologia.*

## I.

**SAMUEL WERENFELSIUS**, Petri Werenfelsii, d.v. S. Litt. Professoris & Ecclesiarum Basiliensium Antistitis Filius, S. Th. Doctor & N. T. Professor, Societatis Anglicanæ de propaganda fide, & Regiæ Scientiarum Berolinensis, membrum. Basileæ natus est Kal. Martii, A. 1657. ad S. Ministerium admittitur A. 1677. ad *Logicam* docendam vocatus A. 1684. ad *Græcam Linguam* A. 1685. ad *Eloquentiam* A. 1687. ad *Professionem Theologicam* A. 1696. Ceterum Anno 1704. ab Ordinibus Friliæ perquam honorifice vocatus fuit ad Theologiam in Academia Franckerana publice docendam. Literis vocatoriis Statuum suas adjecit humanissimas Celeberrimus *Vitringa*.

Varias edidit Dissertationes & Orationes, omnes eximie in Deum pietatis, singularis ingenii, & acris judicii testes. Primum illæ scorsim, deinde cum Basileæ A. 1709. in 8. tum Amstelodami typis Wetsteinianis, 2. Vol. in 8. A. 1716. una cum tractatu de *Logomachia Eruditorum*, qui jam ante Amstel. quoque 1693. impressus prostabat, conjunctim editæ fuere. Anno autem 1718. *Opuscula* ejus omnia Basileæ uno volumine in forma quadripertita recusa, absolvunt

quin-

\* Conf. Biblioth. Brem. Cl. II. p. 309-339.

quinque, ut vocant, Alphabeta cum tribus foliis. In hac editione apparent, quæ prioribus non insertæ erant *Diff. de Adoratione Hostiæ*, de *Naamane Syro ab hypocrisi vindicato*, *Observ. in loca quædam Scripturæ*, Matth. V. 3. 6. 20. XVI. 18. XXIII. 8. 9. 10. Marci IX. 49. 50. Luc. XVI. 9. Joh. XIII. 8. 9. 10. XX. 17. Act. XXIII. 5. Rom. VI. 23. XII. 20. Heb. XII. 15. Jac. V. 14. *Diff. de Stylo Scriptorum N. T. De Scopo Doctoris in Academia S. literas docentis*, *Adversus Carnalem securitatem. Cogitationes generales de ratione uniendi Ecclesias Protestantes*, quæ vulgo Lutheranarum & Reformatarum nominibus distingui solent; ex Germanico in Sermonem Latinum conversæ. De *Controv. Theolog. rite tractandis. Vita Joh. Jac. Buxtorfi*, & reliqua. Ceterum *Sermones* aliquot ecclesiastici Gallice habiti ab eo in lucem emissi, & postea tum heic, tum in Germania vernacule conversi sunt. Adde his *Mitram Aaronis capiti impositam*, seu solennia actus inauguralis, quo supremos in Theologia honores contulit *D. Hier. Burcardo*, &c. editam Basileæ A. 1709. 4. sed illi *Operum* editioni non insertam. *Opuscula* multis *Dissertationibus* aucta, hoc ipso anno excusa sunt denuo apud Lausannenses 2. Vol. in 4. Quæ nova huic Editioni accesserint, enarratur in *Præfationibus* utriusque volumini adjectis à *Petro Ryhinero*, Log. Prof. Auctoris ex Sorore nepote, cujus curæ is hanc *Opusculorum suorum novam Editionem* demandavit. \*

II.

**J**OH. LUDOVICUS FREY, S. Theol. D. d. 16. Nov. 1682- Basileæ natus. Cum aliquamdiu docuisset *Linguas Orient. Arab. Samar. &c.* commissæ ei fuit A. 1711. *Professio Histor. & Theolog.* illa ordinario, hæc extraordinario Titulo administranda. A. 1737. à Professione Theol. Extraord. transiit ad Ordinariam, & *Veteris* quidem *Test.* omiſſa Professione Historica. Eodem Anno præfedit duabus *Disputationibus*.

Z 5

\* Vid. infra Nova Liter. Helvet.

tionibus Theolog. solemnibus; paulloque post Collegam conjunctiss. *Joh. Grynaum*, SS. Th. Doctorem, renuntiavit.

Edidit A. 1699. *Diss. de Natura Mentis humana*. A. 1703. *Diss. Philolog. Theol. in qua Mohammedis sententia de Jesu Christo expenditur*. A. 1705. *Excerpta Hebraica & Comment. R. Aaronis ben Joseph, Caraitæ, cum Versione & notis*. 4. Amstelod. Eod. *Diss. Philol. de conjungendo studio Linguarum Orientis cum studio græco*. 1706. *Diss. de Syro*. 1711. & seq. *Diss. Theolog. de Officio Doctoris Christiani*, prodierunt huc usque aliquot. Sub ejus præsidio *Disp. Theolog. habitæ sunt, de Juramento, de variis Lectionibus N. T. de Ortu Religionis, de Perfectione Scriptura S. de Missa, &c.* A. 1726. & seq. una cum *Desideratiss. Collega Iselio & Consult. D. à Waldkirch*, ad emendandum & locupletandum *Lexicon illud vastum Historicum* operam contulit, & præter varias Emendationes ad 500. ferme novos articulos, ad Eruditos Orientis & Britannia, sed & Basilienses, præcipue pertinentes, adjecit. Cum dein A. 1729. causa W. ab ampliss. Magistratu ad Ven. *Conventum Theolog. devolveretur*, varia scripta hujus rogatu & nomine partim latino, præcipue vernaculo, sermone exaravit, edita postea in *Actis W. & Epist. Apologet. Ord. Theol.*

### III.

**JOHANNES GRYNÆUS.** S. Theol. Doct. natus est d. 22. Junii 1705. Linguam Hebraicam vicaria opera publice docere cœpit A. 1736. Exeunte dein A. 1737. ab illa Provincia ad tertiam Professionem Theolog. *Locorum nempe Commun. & Controversiarum*. vocatus fuit.

Nihil edidit, præter diversi generis Theses, easque fere ex occasione vacantis alicujus in Academia patria Cathedræ publicæ Eruditorum συζητήσεως propositas, & A. quidem 1725. *Theses Miscellaneas Juridicas* pro-

pro consequendis summis in utroque Jure, cujus studio primum addixerat, honoribus. A. 1727. *Theses ex Jure Naturæ & Philosophia Morali* defumtas. A. 1731. *Theses Logico-Philosophicas*. A. 1733. מחבורי לקט *Conlectanea* vacante tum Cathedra Linguæ Hebraicæ, & denique A. 1737 pro consequendo Doctoris Theologi gradu *Thesium Theologicarum Tumultuariam Congregationem*, ac paulo post *Fasciculum Thesium Theologicarum*. 4.

## In Jurisprudentia.

### I.

**JOHANNES TONIOLA.** J. U. D. Digestorum & Juris Canonici Professor; natus est A. 1665. d. 21. febr. Ad dignitatem Professionis Codicis & Juris Feudalis evehctus fuit A. 1720. d. 17. 7bris. & vi hujus nembrum Capituli Petrini exstitit: Gradum U. J. Doctoratus suscepit A. 1721. d. 22. April. Relicta prior Professione post obitum Ampliff. Antecessoris digesta & Jus Canonicum profiteri cœpit A. 1732. d. 17. Aug.

Variis temporibus complures edidit Disputationes Juridicas, argumentis ex omnibus Juris partibus petitis.

### II.

**JOH. RODOLPHUS à WALDKIRCH.** J. U. D. Institut. Imperial. & Juris Publ. Professor. Natus 4. Octob 1678. Studio Juridico absoluto, Dissertationem Inauguralem pro Gradu Doctorali obtinendo habuit, A. 1704. *De Fanore Nautico*; & ex itinere (quod in Comitatu Illustriff. Dominorum Baronum de Döingenberg fecit) in Patriam redux, Gradum Doctoralem in utroque Jure A. 1711. assumpsit. Cum dein A. 1718. Cathedra Juridica in Academia Bernatium Lausannensi, per discessum Clariff. *Barbeyracii* vacaret, pro

pro ista obtinenda Bernam vocatus publice disputavit; Sed pro Cathedra Lausannensi ipsi Cathedra Juridica in ipsa Bernatium Metropoli gratiose fuit concessa, in qua Jus Naturale & Civile docuit, donec A. 1722. in Decemb. reverteret in Patriam, ad capefendam in patria Academia Juridicam Professionem, tum sibi delatam, in qua Munus Rectoris A. 1727. gessit; receptus quoque est A. 1723. in Collegium Canonicor. ad D. Petrum, cujus Decanatu functus est. Scripta ejus in lucem emissa sunt :

Tractatus de Tortura, Germanice scriptus.

Annotationes & explicationes ad dilucidandum Illustr. Puffendorffii libellum de Officio Hominis & Civis.

Introductio in Historiam Helvetiæ Politicam, junctis foederum Tabulis & aliis Pactis publicis.

Compendium Historiæ Politicæ & Ecclesiasticæ.

Ad Lexicon quoque Universale, typis & sumtibus Brandmüllerianis Basileæ impressum, suam contulit opellam, uti Iscliana Præfatio docet.

### III.

**N**ICOLAUS BERNOULLI. J. U. D. & Prof. natus d. 10. 8bris 1687. Academiæ Scient. Berol. adscriptus A. 1713. Londin. A. 1714. Institut. Bonon. A. 1724. ad Matheseos Professionem Patavinam vocatus A. 1716. eamque aggressus 22. Decembr. ejusd. anni, Doctoris in U. J. titulo Basileæ absens ornatus est d. 25. Maji, 1717. Professionem Logicam in patria Academia nactus d. 8. April. A. 1722. promotus inde ad Cathedram Codicis & Juris Feudal. d. 27. Maji. A. 1731. Nunc Academiæ Rector Magnif. A. 1739.

Scripta ejus in lucem edita sunt :

Dissertatio Inauguralis Juridica de Usu artis conjectandi, in Jure. Bas. 1709. Solution du Probleme sur la Lotterie de Lorraine *Journal des Savans*. 1711. Solutio generalis Problematis 15. Tractatus D. Moivvæi de



de Mensura sortis. *Philosophical. Transactions. Num. 341.*  
Recueil de Lettres à Mr. de Monmort insérées dans  
le Traité de Mr. de Monmort intit. Essay d'Analyse  
sur le jeux de hazard. sec. Edit. à Paris, 1714.

Annotazioni sopra lo schediasma del Sign. Conte  
Jacobo Riccato pubblicato nel T. 19. del Giorn.  
de' Letterati d'Italia, Artic. 7. coll. annessa soluzione  
propria del Problema inverso delle forte centrali agenti  
in mezzo non resistente, de dotta da Principi medesimi  
del Sig. Neuton. *Giorn. de' Letter. d'Ital. Tom. 20.*  
*Art. 13.* Risposta al Sign. Conte Jacopo Riccato.  
*Giorn. de' Lett. d'Italia. Tom. 24. Art. 4.*

Observazione intorno al Teorema proposto dal  
Sig. Giulio Carlo de Fagnani nell' Art. XII. del Tomo  
XXVII. del Giorn. de' Lett. d'Italia. *d. Giorn. Tom. 29.*  
*Art. 5.*

Dimostrazione analitica di un Teorema, il qual  
serve per la soluzione del Problema proposto nel  
Tomo XX. del Giorn. de' Lett. d'Ital. all' Art. XIII. *d.*  
*Giorn. 29. Art. 6.*

Analisi dello stesso Problema. *Giorn. de Lett. d'Ital.*  
*Tom. 33. Art. 4.*

Solutio Problematis de inveniendâ linea Curva,  
quam describit projectile in medio resistente in ratione  
duplicata aut quacunque multiplicata velocitatis.  
*Act. Lips. 1719. pag. 224.*

Tentamen solutionis generalis Problematis de construenda  
Curva, quæ alias ordinatim positione datas  
ad angulos rectos secatur. *Act. Lips. 1719. p. 295.*

Responsio ad Art. VII, Tom. XXXI. Diarii Erud.  
Italix. *Act. Lips. 1720. pag. 471.* Solutio Problematis  
de inveniendâ æquatione differentiali completa ex data  
differentiali æquatione incompleta. *Act. Lips. Suppl.*  
*Tom. VII. p. 311.*

Responsio ad ea, quæ Jul. Carol. de Fagnanis edidit  
in Art. VI. Tom. I. Suppl. Diar. Ital. ut & in Sect.

2. Tom. VIII. Suppl. Act. Lips. continens præter alia novum Theorema pro integratione æquationum differentialium secundi gradus, quæ nullam constantem differentialem supponunt. *Act. Lips. Suppl. Tomo IX. pag. 98.*

Solution du Probleme de Mr. N. B. de C. inferé dans le Mercure de Suisse au Mois de Decembr. 1733. p. 99. avec des Remarques sur la Lettre écrite à cette occasion, dans la Volume de Janvier 1734. p. 106. dans laquelle on a donné une fausse solution de ce Probleme. *Merc. Suiss. Apr. 1734. p. 41.*

Essay d'Estimation de la Valeur des Rentes Viageres creez en forme de Tontine par Edit du Roi donné au mois d'Aout. 1734. *Mercure Suisse.*

Theses porro edidit Logicas de Methodo Analytica & Synthetica. Bas. 1722. & variis occasionibus Theses Juridicas Miscellaneas. Bas. 1714. 1720. 1722. 1731.

## In Medicina.

### I.

**JOH. RODOLPHUS ZUINGERUS**, Theodori fil. natus d. 3. Maji. 1692. Basileæ, renunciatus Med. D. d. 30. Septemb. 1710. in Academia patria, biennio post ibidem ad Professionem Logicam in Facultate Philosophica promotus, cujus auspicia cepit d. 3. Maji. 1712. habita lectione de Artis Dialecticæ Inventoribus. A. 1721. factus est Anatomices & Botanices Professor. A. 1724. post obitum Parentis ad Professionem Medicinæ Pract. translatus, quam adhuc proficitur.

Edidit Dissertationes: de Cerebri humani structura naturali. d. 14. Jul. 1710. De usu & functionibus indeque dependente Inclinationum atque Ingeniorum diversitate. Basileæ. 1710. 4. Diatriben de Præjudiciis Mentis, 1712. 4. Artem cogitandi erotematicam cum

cum Præludio Philosophiæ. Bas. 1715. 8. Paradoxon Logicum: Quod omnis homo bene ratiocinetur. 1718. Meditatur nunc *Adversaria Medico-practica*. Ille nunc sextus est ex eadem Familia Professor. Ejus etiam Frater, *Fridericus* nomine A. 1731. Med. D. creatus, cum litterarum studio, tum vitæ morumque probitate, Majorum vestigia premit, & Medicinam docendo faciendoque, de publico bene meretur.

II.

**EMANUEL KOENIG.** Em. fil. Phil. & Med. Doct. Theoriæ Professor publicus natus est Mense sbris A. 1698. Magisterii Philosophici titulum accepit A. 1714. Doctor Medicinæ creatus est A. 1718. Anatomix & Botanices Cathedram nactus est A. 1732. Inde ad Professionem Theoricæ Medicæ promotus est A. 1733.

Scripta edidit: A. 1718. Pro gradu Doctor. de Stimulis Villorum. C. N. A. 1721. Pro Cathedr. Med. Theses, Resp. *Joh. Buxtorffio*. 1722. pro Cathedra Logica Th. Respond. *Bened. Stebelio*. 1724. pro Cathedra Med. Th. Resp. *Henrico Alberto Nicolai*, Argentinensi. 1726. Pro Cathedr. Phys. Thes. Resp. *Hieron. Gemuseo*. A. 1727. Cogitata de Jure Naturali & Moribus Hominum, vacante Professione Juris Nat. & Phil. Moralis. Resp. *Andrea Weiffio*. 4. 1732. pro Cathedr. Med. Thes. Respond. *Franc. Ludov. Cretto*, Neostadiensi. 1736. *Plateri* Praxin medicam, noviter à Thurnisus fratribus recusam, edidit, adjecta Præfatione, cui Epistolam. J. J. *Wepferi* Med. Scaphus. ubi junxit, & Indicem Generalem in omnes 3. Tomos. 4.

III.

**DANIEL BERNOULLIUS,** Joh. F. Ph. & Med. D. Anat. & Botan. P. P. natus est a. 1700. In Aca-  
demiâ Petropolitanam vocatus a. 1725. Membrum  
In-

Instituti Bononiensis factus anno præcedente, 1724. In Patria designatus Anat. & Botanices Prof. A. 1733. Aggressus eam provinciam est anno eodem, cum patriam repetiturus, ab Aug. Russiæ Imperatrice Acad. Scient. Petropolitanae Prof. Honorarius denominatus, perpetuoque stipendio annuo donatus fuisset. Scripta sunt:

Differtationes variae in Acad. patria habitæ, cum Philosophicæ, tum Medicæ.

Exercitationes quædam Mathematicæ, Venet. A. 1724. in 4. apud Dominicum Louisan.

Pièces pour perfectionner les Clepsydres sur mer, qui a remporté le prix de l'Académie Royale des sciences, proposé pour l'année 1725. selon le fondation faite par feu Mr. Rouillé de Merlay, ancien Conseiller au Parlement de Paris. Paris, chez Claude Jombert. 4. 1725.

Recherches Physiques & Astronomiques sur le Problème proposé pour le seconde fois par l'Acad. R. des Sciences de Paris: *Quelle est la cause Physique de l'inclinaison des plans des orbites des Planetes par rapport au plan de l'équateur de la revolution du soleil autour de son axe, & d'où vient, que les inclinaisons de ces Orbites sont différentes entre elles.* Pièce, qui a partagé avec celle de Mr. son Pere le prix double de l'année 1734.

Reflexions sur la meilleure figure à donner aux ancres &c. Pièce, qui a remporté un des prix de 1737.

Differtationes complures in Comm. Acad. Petrop. tomis singulis, quorum adhuc 6. prodierunt, conspiciendæ.

Schediasmata varia, aliis passim Diariis inserta.

De motu & viribus fluidorum Opus integrum, cui Hydrodynamicæ titulus, anno demum superiori, 1738. Argentor. 4. editum.

*In Philosophia.*

I.

**JOHANNES BERNOULLI**, Basil. Phil. & Med. D. Matheseos Professor P. Trium Societatum Reg. Scient. Gall. Angl. & Pruss. Socius. Nec non Acad. Imper. Scient. Petropol. arque Instit. Bonon. Membrum. Natus Bas. die 27. Julii st. v. an. 1667. Professionem Matheseos in Academia Groningana aspiciatus est die 28. Novembr. st. v. an. 1695. Exacto integro decennio revocatus in Patriam, eandem hic Professionem aggressus est die 17. Novemb. st. n. an. 1705. Vocationes aliæ, quas ob fonticas rationes recusavit, sunt sequentes: Ad Scholam illustrem Guelferbytanam invitatus fuit an. 1693. Ad Universitatem Hallensem recens fundatam an. 1695. Ad Ultrajectinam an. 1703. Ad eandem 1705. Ad Leydensam an. 1709. Ad Patavinam an. 1714. Ad Groninganam de novo an. 1717.

Scripta & inventa edidit sequentia, quæ sunt: Dissertatio de Effervescentia & Fermentatione. 4. Basil. 1690.

de Motu Musculorum, ib. 1694. edita est iterum P. A. Michelotti, Venet. 1721. 4. cum notis.

de Nutritione, 1699. Gronin. Iterata Edit. in Tem. e Helvet. Tom. I. Sect. II.

Spinosismi Depulsionis Echo, cum subjuncta Oratione Apologetica habita Groningæ 12. Kal. Sept. 599. cum Munus Rect. Acad. susciperet, in 4. Gron. 1702.

Essai d'une Nouvelle Theorie de la Manœuvre des Vaisseaux, avec quelques Lettres sur le même sujet. 8. Bâle. 1714.

Solutio Problematis catenarii, *Act. Lips.* 1691.

- - Curvæ Causticæ. *Act. Lips.* 1692.

- - Problematis Cartesio quondam propositi. *f. Lips.* 1693.

Tom. IV.

A a

Con-

Constructio facilis Curvæ accessus & recessus æquabilis à puncto dato per Rectificationem Curvæ algebraicæ. *ibid.* 1694.

Modus generalis construendi omnes æquationes differentiales primi gradus. *Ibid.*

Additamentum effectiōnis omnium quadraturarum & rectificationum Curvarum per seriem quandam generalissimam. *Ibid.*

Demonstratio Identitatis Curvæ æquilibrationis cum Cycloide. *Ibid.* 1695.

Meditatio de Dimensione Linearum Curvarum per Circulares. *ibid.*

Demonstratio Analytica & Synthetica, suæ Constructionis Curvæ Beaunianæ. *ibid.* 1696

Supplementum Defectus Geometriæ Cartesianæ circa inventionem Locorum. *ibid.*

Tetragonismus Universalis Figurarum Curvilinearum. *Ibid.*

Problema de celerrimo descensu, aliudque pure Geometricum, peculiari programme Groningæ impresso propositum. *Ibid.* 1697

De Conoidibus & Sphæroidibus. *Ibid.*

Principia Calculi Exponentialium seu percurrentium. *Ibid.*

Curvatura Radii in Diaphanis non uniformibus; item, Solutio Problematis à se propositi de invenienda Linea brachystochrona seu celerrimi descensus. *Ibid.*

Solutio Problematum à Fratre Jacobo Bernoullio propositorum. *Ibid.* 1698

Investigatio Algebraica arcuum Parabolicorum assignatam inter se rationem habentium; item, Demonstratio Isochronismi Descensuum in Cycloide. *Ib.*

Theorema Universale rectificationi Linearum Curvarum inserviens. Item, nova Parabolarum proprietas. item, Cubicalis primariæ arcuum Mensura *Ib.*

Annotata in solutiones fraternas problematum quo-

uorundam suorum, qua occasione traduntur metho-  
di quædam pro trajectoriis. *Ibid.*

Cycloidis primariæ Segmenta innumera Quadra-  
ram recipientia; aliorumque ejusd. spatiorum qua-  
rabilium determinatio, post varias illius fortunas nunc  
rimuin detecta. *Act. Lips. 1699.*

Epistola continens Solutionem & Constructionem  
solidi minimæ resistantiæ. *Ibid.*

Analysis ejusd. Problematis, cum subjuncta Re-  
gula universali constituendi omnem æquationem dif-  
ferentialem, in qua alterutra indeterminatarum deficit,  
l quasunque potestates elevatæ sint differentiales, &  
omodocunque tam inter se quam cum altera in-  
terminata fuerint implicatæ. *Ibid. 1700.*

Augmentum ad novas spatiorum Cycloidalium  
quadraturas. item, de Centro Gravitatis quædam. *ibid.*

Disquisitio Catoptrico-Dioptrica, exhibens Refle-  
ctionis & Refractionis Naturam ex æquilibrii funda-  
mento deductam. *ibid. 1701*

Nova ratio promte construendi Radios Osculi  
i Curvaturæ. item, Methodus eosdem Analytice de-  
minandi in Curvis algebraicis, per vulgarem diffe-  
rentialium calculum eruta. *ibid.*

Multisectio Anguli vel Arcus, duplici æquatione  
universalis exhibita. *ibid.*

Problematis alicujus solutio, ubi docetur modus  
egrandi vel saltem reducendi ad quadraturam Cir-  
ci aut hyperbolæ quamlibet fractionem differentia-  
li terminis rationalibus constantem. *ibid. 1703.*

Perfectio Regulæ suæ editæ in Libro Gallico, Ana-  
des infiniment petits. art. 163. pro determinan-  
valore fractionis, cujus Numerator & Denomina-  
certo casu evanescent. *ibid. 1704.*

Motus rectorius, ejusque pro lineis curvis in unam  
nibus æqualem colligendis vel à se mutuo subtra-  
dis, atque hinc deducta Problematis de Trans-

formatione curvarum in Diario Gall. Paris. 12. Febr. 1703. propositi genuina solutio. *ibid.* 1705.

Angulorum Arcuumque Sectio indefinita per formulam universalem expressa sine serierum auxilio, & hinc deducta æquationum angularium prompta formatio. *Aff. Lips.* 1712.

Continuatio ejusd. Materiæ. *ibid.*

Demonstrationes Geometricæ de Motu corporum gravium Pendulorum & Projectilium in Mediis non resistantibus & resistantibus, supposita gravitate uniformi atque ad quodvis datum punctum tendente; & de variis aliis huc spectantibus. Pars I. & II. *ib.* 1713.

Meditatio de Natura Centri Oscillationis, ejusque in Pendulis compositis, tam quæ in liquoribus, quam quæ in vacuo agitantur, determinandi Regula, novo & certiori quam hætenus fundamento suffulta. *ib.* 1714.

De Centro Turbinationis inventa nova. *ib.* 1715.

Demonstratio Principii Hydraulici de æqualitate velocitatis, quacum aqua per foramina vasorum erumpere incipit, cum ea quam aquæ gutta acquirere posset motu naturaliter accelerato, cadendo ex altitudine æquali illi quam aqua habet in vase supra foramen. *ibid.*

Barometrum novum, communi multo sensibilius atque accuratius. *ibid.*

De solutionibus, quæ exstant, Problematum Iso-perimetricorum, ac nova eorundem Problematum aliorumque cognatorum citra calculum solvendorum Methodus brevis plana & facilis. Pars 1. & 2. *ibid.* 1718.

Gemina Constructio Problematis Anglis propositi à Leibnitio de Trajectoriis orthogonalibus. *ibid.*

Quadrature d'une infinité de segmens, de Secteurs, & d'autres espaces de la Roulette ou de la Cycloïde vulgaire. Hist. & Mem. de l'Acad. des Sciences. 1699.

Nouvelle maniere de rendre les Barometres lumineux. Hist. & Mem. 1700. De.



Decouverte d'un Nouveau Phosphore. Hist. & Mem. 1701

Lettre touchant ce Phosphore. *ibid.*

Solution d'un Probleme concernant le calcul integral, avec quelques abregés par rapport à ce calcul. *ibid.* 1702

Solution d'un Probleme sur les Isoperimetres. *ibid.* 1706

Experiences sur la Lumiere des corps frottes. *ibid.* 1707

Methode pour resoudre le probleme inverse des forces centrales. *ibid.* 1710

Maniere de trouver les forces centrales dans des milieux resistans en raison composée de leurs densités & des puissances quelconques des vitesses du mobile. *ibid.* 1711

Nouvelle Theorie du Centre d'Oscillation. *ib.* 1714

Lettre contenant la Solution du Probleme de trouver geometriquement le jour du plus petit crépuscule. *Journal des Sçavans.* 1693

Solution d'un Probleme proposé dans le 28. *Journal de 1693. ibid.*

Reponse à l'objection inserée dans le Journal du 14. Sept. 1693. contre sa methode. *Journ. des Sçavans.* 1694

Analysis infinite parvorum, in 4. Paris. 1696. concinnavit ex Lectionibus Bernoullianis & gallice edidit Illustr. Marchio Hospitalius.

Problemes à resoudre. *Journ. des Sçavans.* 1697

Solutions d'un Probleme sur les Isoperimetres & sur la plus vite descente. *ibid.*

Reponse à l'avis inseré dans le VII. Journal du 17. Fevrier. *Journal des Sçav.* 1698

Seconde Reponse à l'avis inseré dans le Journal du 26. May. *Ibid.* Troisième Reponse à celle qui est inserée dans les *Journaux* du 4. & 11. Aoust. *ibid.*

Seconde Partie de la troisieme Responce. *ibid.*

Lettre sur les Problemes des Isoperimetres. *Journ. de Sçav. 1701*

Lettre à l'Auteur de l'Histoire des Ouvrages des Scavans sur divers sujets de Geometrie. *Hist. des Ouvrag. des Sçav. 1697*

Inventa de Appropinquationibus promtis ad metiendas figuras per Motus repentis considerationem exhibitis. Seu de reductione Curvarum ad arcus Circulares. *Miscell. Berolin. 1710*

Lettre sur les Jeux de Hazard. Essai d'Analyse sur les Jeux de Hazard. par Mr. de Monmort. Paris. 1713

Dissertatio de Mercurio lucente in vacuo. *Baf. 1719. 4*

Responsio ad Nonneminis provocationem, ejusque solutio Quæstionis ipsi ab eodem propositæ de inveniendâ Linea Curva quam describit projectile in medio resistente. *Act. Lips. 1719*

Clar. Taylorig, Mathematici Angli, problema Analyticum, quod omnibus Geometris non Anglis proposuit, solutum. *Act. Lips. 1719*

Epistola ad Virum Clariss. Broock Taylor. J. U. D. & R. S. B. Soc. sub nomine Joh. Burcardi. *Act. Lips. 1721*

Operatio Analytica, per quam deducta est solutio, quæ exstat in *Act. Lips. 1719. m. Majo*, problematis de inveniendâ Curva, quæ describitur à projectili gravi in medio resistente. *ibid. 1721*

Animadversio in Solutionem Londino missam problematis alicujus circa Trajectorias. *ibid.*

Exercitatio Geometrica de Trajectoriis Orthogonalibus ex Edit. Nic. Bernoulli, Joh. Fil. Sect. I. II. & III. *Act. Lips. 1720. & Suppl. T. VII.*

Methodus inveniendi Curvas algebraicas indefinite non quadrabiles, quæ tamen admittant spatia absolute quadrabilia quotquot libuerit. *Act. Lips. Suppl. T. VIII.*

Modesta & seria Responsio ad litteras Brook Tay-

Taylor, sub nomine Joh. Burcardi. *Ibid.*

Comparitio ad Anonymi Geometræ Britanni novam provocationem ex occasione Problematis de Trajectoriis reciprocis hujusque solutionum editarum. m. Aug. 1722. *Act. Lips.* 1723. 75.

Theorema novum, habens utilitatem in dividendis multiplicandisque angulis, nec non in condendis Tabulis Sinuum, tangentium & secantium. *ibid.* 1722. 361

Variae solutiones & constructiones problematis propositi in *Act. Lips. Supplem. Tom. VII. Sect. VIII.* pag. 352. de Curvis motis secundum Axem & se mutuo constanter ad Angulos datos secantibus. *Act. Lips.* 1722

Explicatio Anagrammatis, continens descriptionem Curvæ inter omnes Algebraicas Trajectorias reciprocas simplicissimæ. *Act. Lips.* 1724

Methodus reducendi quadraturas transcendentes cujusvis gradus ad Longitudines Curvarum Algebraicarum. *ibid.*

Demonstratio Constructionis pro describenda Trajectoria reciproca, quæ inter omnes Algebraicas possibiles fit simplicissima. *Act. Lips.* 1724

Continuatio Materiæ de Trajectoriis reciprocis, imprimis de Pantogoniis, quæ pro diversa Axis positione se ipsam in quovis Angulo dato constanter secat. Item, determinatio alterius reciprocæ Algebraicæ omnium post primam simplicissimæ. *Act. Lips. Suppl. IX.*

Epistola contra Jacobi Jurini Reg. Lond. Soc. à Secretis Animadversiones de Velocitate aquarum ex vasis fluentium. Edidit Petrus Anthonius Michelotti. Venet. 1724. 4.

Discours sur les Loix de la Communication du mouvement, qui a mérité les Eloges de l'Académie Royale des Sciences aux années 1724. & 26. & qui a concouru à l'occasion des prix distribué dans les dites années. Paris chez Claude Lambert. 1727. 4.

De Integrationibus *Æquationum Differentialium*,  
Comm. Acad. Petropol. T. I. p. 167

Solutiones quorundam problematum mechanico-  
rum, ex Theoria virium vivarum deductæ. *ibid.*

Nouvelles pensées sur le Systeme de M. des Car-  
tes, & la maniere d'en deduire les Orbites & les  
Aphelies des Planetes. Piece, qui a remporté le prix  
par l'Academie Royale des Sciences pour l'Année  
1730. Paris chez Claude Jombert. 1730. 4.

Theoremata de Conversatione virium vivarum.  
Comm. Acad. Petropol. T. II.

Methode pour trouver les Tautochronis dans les  
Milieux resistant comme le quarré des vitesses. Hist. &  
Mem. de l'Academie Royale. 1730

Dissertatio de vera notione virium vivarum, ea-  
rumque usu in Dynamicis ostenso per exemplum  
propositum in Comment. Petropolit. T. II. p. 200.  
*Act. Lips.* 1735

Demonstratio Methodi Analyticæ pro determi-  
nanda aliqua quadratura exponentiali per seriem, tra-  
ditam olim in *Act. Erud.* an. 1697, p. 131. *ibid.* an. 1737

Probleme sur les Epicycloïdes spheriques. Hist. &  
Mem. de l'Acad. des Sc. 1732

Probleme sur les Courbes Algebriques & recti-  
fiables tracées sur une surface spherique. *ibid.*

Essai d'une nouvelle Physique celeste, servant  
à expliquer les principaux Phenomènes du Ciel, &  
en particulier la cause physique de l'inclinaison des  
Orbites des Planetes par rapport au Plan de l'Equateur  
du Soleil. Piece, qui a partagé le prix double de l'an-  
née 1734. Paris de l'Imprimerie Roi. 1735. 4.

## II.

**SAMUEL BATTIER**, Phil. & Med. D. natus est  
Basilæ an. 1667. In Academia patria ipsi an.  
1704. m. Febr. Professio Græcæ Ling. vicario nomine  
demandata fuit, & an. 1705. m. Decemb. Prof. Ordin.  
factus

factus est. In Acad. Cæsareo-Leopold. N. C. cognomento *Erotiani* receptus est an. 1711

*Scripta publicata sunt :*

Dissertatio de Generatione Hominis. 4. Basil. 1690  
Cogitata de simplici apprehensione. 4. ibid. 1693  
Specimen Philologicum, seu Emendationes variae in *Diogenem Laërtium*, *Euripidem*, &c. 4. ibid. 1695

Diff. de Eloquentia. 4. ibid. 1696

- - - de Mente humana, Annexus est manipulus Emendationum aliquot in *Diogenem Laërtium*. 4. ib. 1701

Observationum & Emendationum in *Diog. Laërt.* Continuatio, 4. ibid. 1705. cum notis quibusdam in *Jul. Pollucis Onomasticon*.

Diff. de Mundo. 4. ibid. 1710

Γνώσις σεαυτὸν, s. de cognitione sui ipsius. 4. ibid. 1711

Oeconomiae corporis humani brevis Descriptio. 4. ibid. 1711

De studio animi veritate & virtute perficiendi maxime necessario. 4. ibid. 1718

Oeconomiae corporis humani brevis Descriptio continuata, vacante Professione Medica. 1721. 4.

Positiones Medicae, pro vacante Sede Medica. 1724. 4.

Observationes Sacrae in Loca quaedam N. T. in Bibl. Brem. Cl. VI. p. 84

In Locum ad Galatas II, 3. 4. 5. Observatio, in Bibliotheca Bremensi Cl. VII. p. 56

Observatio in Joh. VII. 21. 22. 23. ibid. Cl. VIII. p. 745

Observationum in N. T. Decas. lb Cl. VIII. p. 941

III.

**N**ICOLAUS HARSCHERUS, Phil. & Med. D. Eloq. P.O. natus est Basileae Calend. Maji an. 1683. Anno praesentis seculi sexto cuncte vocatus fuit ad Professionem Eloq. & Hist. Marburgi tunc vacantem, decessente & in Patriam redeunte Venerando Iselio;

Ergo sub initium m. Febr. an. 1707. munus auspicatus (quod ab illo Viro Cl. quasi de manu in manum traditum habuit) per quinquennium gessit; donec & ipse ad Oratoriam Professionem administrandam in patriam vocatus sub finem anni 1711. secutus est fati legem; auspiciaque novi muneris cepit vere incunte anni 1712.

*Scripta:*

Dissertatio Inauguralis medica, de Tono Ventriculi & Intestinorum nat. & præternaturali. Bas. 1704. 4. pl. 3

Specimen Disputator. de usu & præstantia Historiæ, imprimis recentioris. Resp. Joh. Rudolpho Zuingero. Basil. 1706. 4. pl. 1½

Oratio Panegyrica in Nuptias Celsiss. Principis Joh. Wilhelmi, Frisonis, & Mariæ Ludovicæ, Celsiss. Principis Caroli. Hassiæ Landgrav. Filiæ. Marburg. 1709. Fol.

Oratio Panegyrica in Nuptias Dorotheæ Sophiæ, Sereniss. Principis Hass. Darmstadini Ernesti Ludovici filiæ, & Illustr. Comitis Hohenloici Joh. Friderici. Marburg. an. 1710. Fol.

Laudatio Funebris Sereniss. Principis Mariæ Ameliæ, Hassiæ Landgravix. Marburg. an. 1711. Fol.

Disputatio pro loco de divinatione Ciceronis, qua Civile Bellum inter Cæsarem & Pompej. longè ante prædixerat. Marb. 1710. 8 pl. 9.

Dissert. Rhetorico-philosophica de Ingenio & Moribus hominum ex Stylo dijudicandis. Marb. 1710. 4. pl. 1.

Historia Vitæ & mortis Thomæ Gauterii, S. S. Theol. D. & in Acad. Marb. Prof. Marb. 1709. 8. pl. 3.

Oratio Parentalis memoriæ Joh. Laur. Crollii, S. S. Theol. D. & in Acad. Marb. dicata. Marb. 1709. 4. pl. 4.

Oratio in Laudem Gallorum, habita à Luca Cramero

mero, & dicata Illustriss. Comiti du Luc, ad Helv. Legato Excell. Bas. 1712. 4. pl. 3 $\frac{1}{2}$

Disputatio Politica de Conditionibus, quibus nascuntur Respubl. Resp. Wernero Hubero. Bas. 1718. 4. pl. 2 $\frac{1}{2}$

Positiones tumultuariæ de Reviviscentibus iis, qui mortui credebantur. Bas. 1721. pl. 2.

Dissertatio Medica de Variolis sponte natura sanabilibus. Bas. 1724. pl. 1 $\frac{1}{2}$

IV.

**BENEDICTUS STÆHELINUS.** Ph. & Med. Doctor, Physices Professor, Acad. Reg. Gall. à litteris. Natus est an. 1695. Doctoratum Medicum accepit anno 1716. Ad Professionem Physicam promotus est anno 1727. d. 1. April.

*Dissertationes editæ:*

Dissertatio de solidorum humani Corp. attritione & dissipatione, pro Gradu Doctor. habitæ. 1715

Positiones Philosophicæ ex Philosophia Lockiana, pro Cathedra Logica. Resp. Jac. Christ. Iselio. 1722

Positiones & Observationes Anatomico-Botanicæ, pro Cathedra Anat. & Bot. Resp. Casp. Schöbingero. aliæ pro eadem Cathedra Anat. Resp. Dn. D. Ivernois. 1721

Tentamen Physicum de Analyfi Corporum, Resp. Claudio Passavant. 1727

Observ. Anat. & Botan. iterum pro Cathedra Anat. Resp. Joh. Henr. Rippelio. 1731

Sermones publice habuit, de Usu Vitrorum objecta aucta exhibentium, in Medicina pro Doctoratu. tres habuit de structura florum, unam de Musculis Linguae, Laryngis & Pharyngis, de structura Ventriculi, de Organo auditus, de Impedimentis Rationis humanæ, de structura Aëris; omnes speciminis loco.

De usu multivario Philosophiæ Experimentalis, in ingressu Cathedræ Physicæ.

Inauguralis Sermo, quo Ampl. Magistratui pro concessio

cesso Theatro Phys. & Instrumentis, gratiæ sunt redditæ.

De veræ Physicæ simplicitate, cum Decanatum Phil. primum susceperet.

De Pictura divina Corporum, cum Rectoratum publice susceperet.

De observandi necessitate in omnibus rebus & scientiis humanis, cum Magisterium & primam Lauream offerret.

De vilibus etiam rebus non negligendis in Physica, cum Decanatum Phil. denuo susceperet.

De structura quarundam Plantarum imperfectarum dictarum, ad Incl. Reg. Soc. Paris. qua ad litterarum Commmercium admissus est.

# V.

**P**ETRUS RYHINERUS, Logicæ Prof. natus Cal. Decemb. 1692. ad S. Ministerium admissus an. 1712. ad Philosophiam Practicam aut Moralem vicaria opera publice in Academia docendam constitutus fuit an. 1728, quo munere functus est ad medium usque anni 1731. Eodem hoc anno Professor Logicæ Ordinarius electus fuit.

Nihil edidit præter Theses Academicas, & quidem An. 1713. Dissertationem de Usu *Consequentiarum in Theologia*, habitam sub Præsidio Venerandi Avunculi sui, Sam. Werenfelsii, S. S. Theol. Doct. & Prof. specimen Disputationis publicæ tum temporis Venerando Ordine Theologico à S. Ministerii Candidatis vel ante vel post examen exigente, an. 1722. *Theses Logicas*, in quibus inter alia proponuntur *Syllogismi* quidam à Logicis vulgo omissi; cum annexis è variis Philosophiæ partibus. Anno 1727. *Theses Physicas* cum variis adnexis. Eodem anno Dissertationem de *Fundamento Juris naturæ & gentium*, quod continetur Matth. 7: 12. cum annexis *Ethicis*. A. 1731. *Theses Logicas de Reductione cogitationum ad minimos terminos*. A. 1736.

The-



*Theses Logicas de Methodo disputandi.* Eodem anno Dissertationem de *Judiciis temerariis.* A. 1737. Dissertationis de *Judiciis temerariis continuationem.* A. 1738. & 1739. curavit novam Editionem Lausannensem Opusculorum Latinorum Venerandi Werenfelsii, avunculi sui, & utrique Volumini Præfationem adjecit. Varias habuit in Academia Lectiones & Orationes solennes, quæ lucem non adspexerunt. An. 1739. præfedit Disputationi publicæ, qua ventilabantur *Positiones Philosophicæ* ex variis ejus disciplinæ partibus excerptæ. Resp. Joh. Christoph. Roques. 4.

VI.

**JOH. RODOLPHUS BATTIER**, S. M. C. & Ling. Guæ Sanctæ Professor, natus an. 1693. d. 9. Nov. ad SS. Ministerium admissus an. 1716. Iter in Gallias, Hollandiam, Britanniam suscepit. Anno 1733. Cathedram Ling. Guæ Sanctæ ornandam accepit.

*Scripta:*

Disputatio Theolog. loca Vet. Testamenti in Evangeliiis citata expendens, & contra Judæorum strophas & cavillos defendens; sub præsidio Jac. Christ. Iselii, SS. Th. D. & Prof. ventilata. Basil. d. 27. Martii 1716. Typ. Frid. Lydi. Acad. Typogr. pl. 4.

Positiones Logicæ Miscellaneæ, pro vacante Cathedra Logica. Resp. Leonhardo Eulero. Ph. St. Bas. typ. E. & J. R. Thurnisiorum fratrum. 1722. 4.

Theses Philologicæ Miscellaneæ, vacante Cathedra Ling. Hebrææ, Respondente J. P. Evvaldio, Hassio-Cassellano. S. Th. St. 4. A. 1733.

VII.

**JOH. BALTHASAR BURCARDUS**, V. D. M. & Philosoph. Prof. Ordin. natus d. 9. Febr. an. 1710. Magister artium renunciatus an. 1724. Theologiæ animum applicuit an. 1728. pro S. Ministerio examinatus. Cum ab Illustrissimo Passionci, tunc Pontificis ad

ad Helvetios Legato, nunc autem ad Cardinalitiam dignitatem eveſto, qui ejus opera in Hebraicis atque Syriacis Litteris uti voluit, *Altdorfum* Uraniorum pagum evocaretur; non ſine ſumma Congratulatione munus iſtud honorifice oblatum in ſe ſuſcepit; octo dein meſes officio hoc perfunctus, maximis affectus muneribus, & nonniſi ægre à *Viro Summo* dimiſſus, iter litterarium eſt ingreſſus; ac primo quidem *Marburgi Cattorum* ſubſiſtens per ſeſquiannum *Illuſtriſſ. Wolfi* iſtitutione eſt uſus; dein vero Virum pl. Reverend. atque Clariff. *Samuelem Schmidium*, Bernatem, de cujus amicitia atque favore *Burcardus* ſibi vehementer gratulatur, itineris ſocium naſtus, Germaniam, Flandriam, Belgium atque Galliam perlustra- vit. Poſt aliquot annos domum redux factus an. 1733. Profeſſionem Ordin. Rhetorices honeſtiſſima Procerum Academicorum ſuffragatione obtinuit, cui etiam munus Bibliothecarii ordinarii an. 1738. adje- ctum fuit.

Diſſertationes ejus, variis de cauſis ventilatæ, ſunt ſequentes: An. 1724. Theſes Philoſophicæ de Anima. Sub Præſidio Pl. Rev. atque Clariff. Davidis, Gymnaſiarchæ meritiſſ. pro Gradu Magiſterii capeſſendo.

A. 1727. Theſes Miſcellaneæ, ex occasione vacan- tis Cathedræ Philoſoph. Moralis.

A. 1730. Diſputatio de Aſſenſu ab Appetitu non pendulo, ex occasione vacantis Cathedræ Logices.

A. 1733. Diſſertatio de Judæis corruptionis V. Teſtamenti falſo inſimulatis, ex occasione vacantis Cathed. Linguae Hebraicæ.

A. eod. Theſes Rhetoricæ, ex occasione vacantis Cathedræ Rhetorices.

A. 1737. & 38. Collectio prima, ſecunda, & tertia Theſium Philoſophicarum.

### VIII.

ANDREAS WEISSIUS, J. U. D. Juris Nat. & Phil.

Phil. Moral. Professor P. Natus est A. 1713. Ad Cathedralam promotus A. 1733. Summos in utroque Jure Honores suscepit A. 1737. Itinere A. 1735. suscepto Gallias Hollandiamque & partem Germaniæ perstravit.

*Dissertationes oblata occasione edidit.*

A. 1731. Theses Logicæ, occasione vacantis Cathedralæ. 4. Resp. Emanuele Bauhino.

A. 1733. Specimen Rhetoricum, vacante Sede Rhetorica, Resp. Emanuele Falcknero. 4.

A. eod. Theses occasione vacantis Cathedralæ Jur. Nat. & Gent.

A. 1737. Dissert. Juridica, de Usu Æquitatis in Interpretatione Legum. Pro obtinendis insignibus Doctoratus. 4. pl. 5.

A. 1738. Disquisitio Philosoph. de Jure victoriæ, Resp. J. J. Meriano & J. H. Burcardo. 4. pl. 3.

A. 1739. præfedit Disputationi publicæ de Vera Gloria. Resp. Joh. Jac. Christio, Fr. F. 4.

IX.

**J**AC. CHRISTOPHORUS BECKIUS, S. M. C. & Historiarum Prof. P. natus Calendis Martii, A. 1711. Sub finem an. 1728. post absoluta Studia Philosophica & Magisterii honorem acceptum, SS. Theologiæ operam dare cœpit. In ordinem V. D. Ministrorum receptus m. Febr. 1734. post triennium, a. scilicet 1737. m. Septembr. cum Pl. Ven. Frey ordinariam in Theol. docendi Provinciam susciperet, Historiarum Prof. est constitutus. Provinciam suam adgressus est d. 15. Novembr. ejusd. anni, habita recitatione de *Initio Imperiorum*.

*Edidit:*

A. 1733. Specimen Observationum Rhetoricarum; Occasione Vacantis Cathedralæ. Resp. Joh. Jac. Brucknero, 4.

A.

A. 1737. *Epistolam ad Virum Clar. D. Joh. Georgium Altmannum*, Linguae Graecae & Ethices Prof. Acad. Bernens. Rectorem, qua Historia Vitae & obitus *Jac. Christ. Iselii*, SS. Theol. D. & in Acad. Basil. Professoris enarratur. Exstat in *Temp. Helv.* I. III. S. I. p. 42.

A. eod. Specimen observationum Historicarum, pro Cathedra, Resp. *Joh. Frid. Bischoff.* 4. Recusum in *Temp. Helv.* T. III. Sect. 2. p. 246

A. 1738. Disquisitionis de eo, quod certum & incertum est in Historiis antiquioribus, ἀποσπασμάτων. Resp. *Joh. Balth. Philiperto.* 4.

A. eod. Disquisitionis ejusd. ἀποσπασμάτων II. Resp. *Joh. Rod. Hummel.* 4.

A. eod. Cogitationes Philosoph. de Diluvio Noachico Universali. Resp. *Joh. Jac. Boshardto.* 4.

A. 1739. Orationem Panegyricam, quam Viro Pl. Ven. atque Excell. *Hieronymo Burcardo.* S. Th. D. & Prof. nec non Ecclesiar. Basil. Antistiti dixerat d. 3. Idus Nov. 1738. cum Epicediis Amicorum. 4. pl. 11½

A. eod. Schediasma de Partibus Orbis, quas ante Diluvium Noachicum homines incoluisse videantur. Resp. *Joh. Ulrico Wagnero.* 4.

A. eod. Disquisitionis de eo, quod certum & incertum est in Historiis Antiq. ἀποσπασμάτων III. Resp. *J. Frid. Bischoff.*

Sequitur propediem ἀποσπασμάτων IV. ejusd. Disquisitionis, & sic deinceps.

Nunc id potissimum agit, cum duobus Viris Doctiss. ut ea colligat, quae ad novam Editionem atque Supplementa Lexici Historici Basil. pertinent, atque in publicum edat. Instituti Ratio reddita est nuperrime, edita peculiari Scheda. Vide & Nova Litter. in *Temp. Helv.* Tom. IV. Sect. hac,

X.

GOTTHARDI HEIDEGGERI,

d. v. Insp. Coll. Alumn. Tig.

FATA ECCLESIAE. \*

UT fluctuoso cymba nans in æquore;  
 Quod sæva concitant flagella flaminum,  
 Vario videntes ludit ex crepidine  
 Spectaculo; mox hausta visa gurgite,  
 Et triste phocis præbitura prandium,  
 Mox evoluta spumeis anfractibus  
 Passis subire tuta velis littora.  
 Ad istud instar illa Summi Numinis  
 Selecta pubes, quam vocant Ecclesiam,  
 Diversa nobis ingerit spectacula,  
 Dum nascitur, dum se videndam promittat,  
 Facitque vela, quo baud putassis, æquore;  
 Dum pressa rursus incitas ad extimas,  
 Videtur hic illic perisse funditus;  
 Secura littori tamen cum redditur,  
 Sævissimos elapsa ponti vortices,  
 Syrtesque Sirenesque tuta despiciens.  
 Hoc esse pacto comparata Ecclesiæ  
 Momenta, curvum dum per orbem volvitur,  
 Quæ non satis monstrant superque tempora?

\* Pauculos hos Jambos, ORATIONI MURALTIANÆ  
 de Persecutione Locarn. quam præcedens Sectio p. 131.  
 sqq. exhibuit, cum A. 1709. in lucem ederetur, prope-  
 ranter à Cel. Auctore adspersos, ut ab interitu etiam h. J.  
 vindicarentur, non judicavimus indignos. J. J. H

Non afferam, quod nuper Albionis est  
 Gestum fretis, quam virulentus hostium  
 Vanissima jam spe furor voraverat,  
 Sed risit alto coapta Rex ex Æthere,  
 Larorum hiantium fefellit impetus,  
 Turpique depulit fuga perterritos;  
 Justi triumphat Insula, & victricibus (Job, XXII. 30.)  
 Operta lauris ANNA FELIX ambulat,  
 Gens Orthodoxa fert Deo soteria.

Alius loquatur hæc stylus facundior;  
 Domesticas nos pensitare fas vices,  
 Velut Locarniana scena quas tulit:  
 Heic excitaverat, tenebras undique  
 Inter nigrantes, veritatis lumine,  
 Fidos JEHOVA Numinis servos sui;  
 Illustriori procreatos stemmate.  
 Quid scæva turba? Quos tumultus non serit?  
 Suetæque quas non expedit tyrannidis  
 Sævitias? Quos Æolos non incitat,  
 Ut stinguat, aut gregem pientum mersitet?  
 Sed non perinde Numini est visum pio,  
 Nec commodum, suos perire funditus.  
 Secura pressis nam sciens is littora,  
 Ad Limmagi subducit omnes alveum;  
 Heic portus illis, tuta sunt heic otia,  
 Heic omnium messis bonorum maxima;  
 Hinc, (en Dei miros sagacis tramites!)  
 Vexationes qui tulere antiquitus,  
 Ferunt potentem hoc tempore vexatis opem!  
 Exposita sed disertius ista lectita  
 In hisce chartis, quas Tibi Clarissimus  
 Propinat Eutichus, Decus Parnassidum!

XI.

*Nova Literaria Helvetica.*

**B**Asileæ nunc cum maxime laboratur in colligendis Paralipomenis seu *Supplementis LEXICI HISTORICI & GEOGRAPHICI*, quod ab aliis *Iselianum*, ab aliis *Brandmüllerianum*, ab aliis denique *Basiliense* vocari solet. Suscepit Opus inde ab *J. C. ISELII*, Viri celebratissimi, obitu, *JAC. CHRISTOPHORUS BECKIUS*, Historiarum in Basil. Acad. P. P. adjunctis duobus Viris Doctissimis atque diligentissimis, *August. Johanne Buxtorffio*, V. D. M. & *Benedicto Bernoullio*, SS. M. C. Bibliopolæ *JOHANNIS BRANDMULLERI*, qui sumtus editionis & olim fecit, & nunc quoque faciet, hic est animus, quemadmodum edita vernaculo sermone scheda docet, ut *SUPPLEMENTA*, quæ duos Tomos in fol. confectura videntur, seorsum excudat, & iis vendat, qui nomina sua mature dederint. Plura enim non excudet exempla, quam nomina data fuerint. Eodem tempore parat novam plane editionem ipsius Lexici, ubi *supplementa* suis quæque locis reponentur, quæ simul cum istis seorsum excusis prodibit; ut *supplementa* iis inserviant, qui prior editione contenti sunt, *Edition nova* iis, qui Libro utilissimo plane carent. Cum opus sit non parvi laboris, initium editionis fiet demum circa solstitium æstivum anni 1740. Omne istud tempus Collectioni impendetur, ut quam plenissima fiat. Interim per modo dictam Schedam Viri docti per Helvetiam Germaniamque rogantur, ut si quid observaverint in *Lexico Bas.* deesse, aut minus recte positum, (nam & hujusrei cura habebitur) per litteras ad *Joh. Brandmüllerum* datas Collectores velint admonere.

*Libri editi & Dissertationes, &c.*

1. *SAMUELIS WERENFELSII*, SS. Theol. D. & Prof. Basil. *OPUSCULA Theologica, Philosophica & Philologica*. Editio altera, ab Auctore recognita, emendata & aucta. Lausannæ & Genève, sumptibus Marci-Michaelis Bousquet & Sociorum. 1739. cum Priv. S. Cæs. & Cath. Majestatis. 4. Vol. I. pl. 69. Vol. II. pl. 81. „Quum novissima hæc editio, & tractatum, „quibus Ven. Auctor imposterum nihil addi cupit, & „chartæ magnitudine ac nitore, & Indicibus locupletioribus, palmam ceteris præripiat, integram omnium utriusque Voluminis tractatum Seriem subijiciemus; ut ex collatione ejus cum præcedentibus editionibus constare cuivis facile possit, quænam quantive pretii Scripta nunc demum ex tenebris in lucem fuerint producta.

*Volumine primo continentur:*

- I. Dissertatio Apologetica pro Plebe Christiana adv. Doctores, Judicium de Dogmatibus Fidei illi auferentes.
- II. De Jure in Conscientias, ab Homine non usurpando, Epistola.
- III. Diss. de Præstantia Religionis in S. Scriptura revelatæ, hujusque Revelationis necessitate.
- IV. Diss. de Veritate Miraculorum in S. Scr. narratorum.
- V. Solutio Quæstionis: Num Miracula certa sint Veritatis signa?
- VI. Meditatio de Zelo in S. Script. ubique conspicuo pro una Dei Gloria.
- VII. Medit. de Incitamentis ad Virtutem in S. Scriptura propositis.
- VIII. Appendix, ubi excutitur Quæstio: Cur hæc incitamenta non plus efficaciz habeant inter Christianos?
- IX. Dissert. de Triplici Teste de Verbo Dei testante.



- X. Diff. in verba Domini: Hoc est corpus meum, &c.
- XI. Appendix, ubi iis respondetur, qui objecerunt: Auctorem nimis in iis interpretandis rationi tribuere; ejusque scopus clarius explicatur.
- XII. Dissertatio de Adoratione Hostiæ.
- XIII. Diff. de Naamane Syro, ab hypocritis vindicato.
- XIV. Diff. de loco 2. Pet. 1: 20. negante, Prophetiam esse *ιδίας επιλύσεως*.
- XV. Cogitationes de quibusdam S. Scripturæ locis obscurioribus. (supra p. 359. recensitis add. Joh. 8: 56. 16: 8-11. 1. Cor. 11: 28. 15: 29. Phil. 2: 12-14. 1. Joh. 5: 16. 17.)
- XVI. Appendix, de Clausula Orationis Domin. cum Corollario.
- XVII. Dissert. de stilo Scriptorum Novi Test.
- XVIII. Diff. de Controversiis Theol. rite tractandis.
- XIX. Diff. de Scopo, quem S. Scripturæ Interpres sibi proponere debet.
- XX. Diff. de Scopo Doctoris in Academia Sacras Literas docentis.
- XXI. Oratio de recto Theologi Zelo.
- XXII. Diff. adversus carnalem Securitatem.
- XXIII. Medit. in Psalmum 3. cum ejus Paraphrasi.
- XXIV. Cogitationes generales de ratione uniendi Ecclesias Protestantes, &c.
- XXV. Dissertatio de eodem Themate.
- XXVI. Quæstio: Num hominibus jus competat, quemquam ad S. Ministerium cetera apprime idoneum, ob solum errorem in articulo non fundamentali ab hoc excludendi?
- XXVII. Scrupulus, quem Doctrina de Prædestinatione, prout hæc in Ecclesia Reform. vulgo doceri solet, in mente hominis nondum regeniti posset excitare.
- XXVIII. Theses de Gratia Convertente, in quibus Protestantes convenire possent.
- XXIX. Diff. de gratuita Peccatoris Justificatione.

*Secundo Volumine* habentur :

- I. Dissertatio de Logomachiis Eruditorum.
- II. Diss. de Superstitione in rebus physicis.
- III. Epistola ad Paulum Rebouletum, Past. Gall. Tig.
- IV. Dialogus de Finibus Mundi.
- V. Theses de Figura Mundi.
- VI. Meditatio de Aromis.
- VII. De Tempore Assertiones & Quæstiones.
- VIII. Dialogus de Animæ Immortalitate.
- IX. Philosophiæ Moralis Specimen.
- X. Theses ex variis Philosophiæ partibus.
- XI. Idée d'un Philosophe.
- XII. Judicium de Argumento Cartesii pro existentia Dei, per totum ab ejus idea.
- XIII. Vindiciæ hujus Judicii, &c.
- XIV. Prælectio de stultitia Atheismum profitentium.
- XV. Prælectiones de Existentia Dei.
- XVI. Responsio ad Quæst. Num Theologia sit Theoretica, an mere Practica, an Theoretico-Practica?
- XVII. Examen Quæstionis: Utrum habitus Theologiæ, qui debet esse in Ministro Ecclesiæ, an qui debet in Doctore Academico, plura requirat?
- XVIII. Dialogus de Concursu Dei cum Creaturis.
- XIX. Dissert. de Libertate Hominis ad imputationem actionis requisita.
- XX. Theses de primi Hominis lapsu.
- XXI. Monitum ad quosdam, dubii de Prædestinatione, in primo Tomo propositi, solutionem tentantes.
- XXII. Cogitata de privata peccatorum Confessione.
- XXIII. Lektionen Hermeneuticæ, sive de arte interpretandi Scripturam S.
- XXIV. Dissertatio de Loquela.
- XXV. De Meteoris Orationis.
- XXVI. Vita Joh. Jacobi Buxtorffii, funebri Oratione delineata.

XXVII.

XXVII. Oratio de Comœdiis.

XXVIII. Oratio de Fide Hæreticis servanda.

XXIX. Oratio de vera Studiosorum Libertate.

XXX. Oratio de Studio veræ Gloriæ non contemnendo.

XXXI. Fasciculus Epigrammatum, plus quam quinquaginta Epigrammatibus, & nova Præfatione, auctus.

2. *JAC. CHRISTOPH. BECKII*, Hist. P. P. Oratio Panegyrica, quam Viro pl. Ven. atque Excell. *Hieronymo Burcardo*, SS. Theol. Doctori, V. T. in Acad. Bas. Prof. nec non Eccles. Antistiti, optime Merito pieque defuncto, dixit d. 3. Idus Novemb. 1738. Accesserunt Amicorum Epicedia. excudit Joh. Henr. Deckerus, Basil. 4. pl. 12.

3. Beschreibung der Gotts- dienstlichen Kirchen- Gebräuchen der Christen, welche unter dem Namen der Protestanten vorkommen; verfasst theils in Historischer Abhandlung, theils in zierlichen Figuren nach Bernhard Picart: Abgekürzt in Deutsch übersetzt von Johann Baptist Ott. In Verlag David Herlibergers, heraus gegeben in Zürich, gedruckt bey Conrad Orell und Comp. 1739. Fol. und 8. 10. Bogen, und 10. Tafeln Kupfer, mit 26. Vorstellungen.

4. *JOH. GEORGII ALTMANNI*, Ling. Gr. & Eth. Prof. P. Acad. Bern. Rectoris, Oratio de illustri Inscriptione Crucis Christi, ejusque mysterio; instante Feria Pasch. dicta. Bernæ. 1739. 4. pl. 5.

5. *JOH. JACOBI LAVATERI*, S. Theol. Prof. Dissertatio Theol. de Interpretatione S. Scripturæ, præcipue de Analogia Fidei, ad loc. Rom. XII. 6. Resp. Joh. Rod. Gygero, V.D. M. Assum. Joh. Müllero, S. Th. Stud. Tiguri, Typis Gessn. 1739. 4. pl. 5.

6. *JOH. JACOBI ZIMMERMANNI*, S. Theol. Prof. Meditationis, de Causis magis magisque invaléscentis Incredulitatis, & Medela huic malo adhi-

benda, Pars I. Respp. 7. Candid. Tiguri, ex offic. Gessn. 1739. 4. pl. 7.

7. *FRANG. ALPH. GYBOLLET*, Neostadiensis, S. Theol. Stud. Dissertatio Theol. Exeg. de Vocatione Gentium, Petro in Visione demonstrata, Actor. X. 9-16. Præs. *JOH. HENR. RINGIER*, S. Theol. Prof. Prim. Bern. 1739. 4. pl. 2 $\frac{1}{2}$ .

8. *HULDRIICI STEINERI*, Vitodurani, Dissertatio Inauguralis Medica, de Anxietate; pro summis in Arte Medica Honoribus obtinendis. Basil. Typis Deckeri, 1739. 4.

9. Disquisitionis de eo, quod certum & incertum est in Historiis Antiquioribus, *ΑΠΟΣΠΑΣΜΑΤΙΟΝ* III. quod Præs. *JAC. CHRISTOPH. BECKIO*, Historiarum P. P. publice defendit *Joh. Fridericus Bischof*, Basil. Magist. Candid. pro supremis in Philosophia Honoribus consequendis. Basil. Typis Pistorii, 1739. 4.

10. Theses Philosophicæ de Vera Gloria, quas ad capeffendum gradum Magisterii Lib. Art. Præs. *ANDREA WEISSIO*, P. P. publico examini submitit *Joh. Jacobus Christ*, *Francisci Fil.* Basil. Typ. Mechelianis. 1739. 4.

11. *Joh. Rudolf Fischers*, V. D. M. gewesenen Schweizer-Colonien-Predigers in Brandenburg, Probe von Theologisch-Philologischen Anmerkungen, über verschiedene Stellen der H. Schrift, und andere wichtige Materien. Erstes Stück. Zürich, bey Heidegger und Comp. 1739. 8. Bogen 4.

12. *Harmonierendes Systema*, zwischen dem absolut- und conditionaten Rathschluß der besondern und der allgemeinen Gnade; darinnen gezeigt wird, daß ein Particularist ein Universalist, und ein Universalist ein Particularist seyn könne: Aus Anlaß des berühmten *Sern. D. Langen* Schriften von der allgemeinen Gnade, zum Preise der herrlichen Gnade Gottes in Christo Jesu an das Licht gegeben durch *Johann Jacob Wolleb*,  
D.G.W.

D. G. W. zu Thennicken, Basler-Gebiets. Basel, gedruckt bey Johannes Bistorius, 1739. 8. Bogen 13.

13. Joh. Heinrich Gottingers, S. S. Theol. Doct. Prof. und Past. Ordin. zu Hendelberg, gegründete Hoffnung der Bekehrung der Juden in dem Prophetischen Wort Gottes, insbesonder Hos. 3: 5. den 26. Octob. 1738. öffentlich bezeuget, bey Gelegenheit einer getauften Jüdin, samt dieser Glaubens-Bekanntnuß, betreffend den Unterscheid des Christlichen Glaubens von der heutigen Juden Unglauben in denen vornehmsten Streit-Puncten. Homburg vor der Höhe, gedruckt bey Johann Philipp Helwig. 1739. 8. Bogen 7.

14. Caspar Sollicofers, Diac. zu St. Leonhard in St. Gallen, geistreiches Gesang-Gebät-Buch; bestehend in 1000. auserlesenen, Seufzer-oder Gebät-Weise gestellten, so wol alten, als aber auch viel und noch mehr neuen, verändert-und verbesserten geistlichen Liedern; mit anmuthigen und zum Theil ganz neu-componierten leichten Melodien zu 2. 3. 4. und 5. Stimmen, nebst einem accurat-gezeichneten General-Bass, 1c. St. Gallen, gedruckt bey Rup. Weniger. 1738. med. 8. Bogen 54.

15. Joh. Conrad Steiners, V. D. M. von Winterthur, und Evang. Psarrers zu Peterzell im Toggenburg, Geschrey um Mitternacht, 1c. Erster Theil; oder 25. Predigten von der Zukunft des Herrn Jesu zum letzten Gericht, desselben Handlungen bis auf die End-Aussprüche, und denen Sachen, die vor Gericht kommen sollen, insgemein und insbesonder, 1c. über auserlesene Sprüche H. Schrift, mit sonderbar darauf gerichteten Gebett-und Seufzen für Bekehrte und Unbekehrte. St. Gallen, bey R. Weniger. 1738. 4. Bogen 61.

16. Dieterich Eberhard Alsteins, gewesenen Predigers des H. Evangelii zu Dieß, und der Nassau-Dießischen Kirchen Inspectoris, der Einfältigen Wegweiser, oder kurze und deutliche Unterweisung zur Seligkeit, 1c. Neue und vermehrte Auslag. Franckf. und Leipzig, bey Heidegger und Comp. 1739. 12. Bogen 12.

17. Emanuel Ryhiners, Pfarrers zu S. Leonhard in Basel, die Winde als Gottes Diener vorgestellt in einer, den 25. Jenner 1739. über Psal. 148: 8. aus Anlaß des gewaltigen Sturm-Winds, welcher vielfaltigen Schaden in ganz Europa angerichtet, gehaltenen Predigt. Basel, gedruckt bey Joh. B. Florins. 4. Bogen 2.

18. Die Sturm-Winde, die sich gewaltig erzeiget, insonderheit Frentags den 16. wie auch Sonntags den 18. Jenner, und durch deren Veranlassung ein öffentlicher Buß- und Bät-Tag ausgeschrieben worden auf Donnerstag den 26. Hornung, als Beweg-Gründe zur wahren Forcht Gottes erzehlet und vorgestellt. Zürich, 1739. 4. Bogen 2.

19. Körtzer Begriff der Historien der S. Schrift, als eine nöthige Einleitung, oder dienlicher Anhang, der von Johann Gübner, Rect. Hamb. auserlesenen 2. mal 52. Biblischen Historien, nach gleicher Methode, in deutschen Fragen und Antworten der Jugend zum besten abgefaßt. Zürich, in Verlag Joh. Ulrich Dänzlers, Buchb. 1739. 8. Bogen 2½.

20. Barboſæ (Auguſt.) & Taboris, Thesaurus locorum communium Jurisprudentiæ. Fol. 2. Vol. nov. Edit. Colon. Allobr. 1737

21. Capollæ (Barthol.) Tractatus de Servitutibus tam urbanorum quam rusticorum Prædiorum. Accedunt D. Martini Laud. & Jo. Superioris Commentarii ad Leges singulas de Servitutibus. Item Ant. Matthæi Disput. VII. de servitutibus; & huic Editioni, quæ in aliis non habentur, Titii de servitute faciendi, & Thomasi de servitute stallicidii Dissertationes. 4. Lausannæ. 1737

22. Du Pin (Lud. Ellies) Tractatus Philosophico-Theologicus de Veritate; Nunc primum prodit ex Gallico in Latinum Idioma conversum. 8. Colon. Allobr. 1738

23. Frago S. J. si Regiminis Reipublicæ Christianæ, ex Sacra Theologia, & ex utroque Jure, ad utrumque forum coalescentis. Fol. 3. Vol. Colon. Allobr. 1738. nova Editio.

24. Fuller

24. *Fuller (Thom.) Pharmacopœa Extemporanea ; sive Præscriptorum Chilias, in qua remediorum elegantium & efficacium Paradigmata, ad omnes fere medendi intentiones accommodata, candide proponuntur. Cum viribus, operandi ratione, dosibus & indicibus annexis ; editio nona longe auctior & emendatior. 8. Laufannæ. 1738*

25. *Guazzini (Sebastiani) ac Petri Pauli Guazzini, Sebast. Fil. Opera omnia Juridica & Moralia, nunc primum simul edita quam emendatissime, & Indicibus necessariis aucta ; in quatuor Tomos distributa.*

26. *Lanzonis (Josephi) Med. Doct. Ferrar. Opera omnia Medico-Physica & Philologica, edita hætenus & inedita. Accedit Vita Auctoris, Hieron. Buffaldo auctore, 4. 3. Vol. Laufannæ. 1738*

27. *la Pratique de Vertus Chrétiennes, ou tous les Devoirs des Hommes, avec les Devotions particulieres pour diverses Occasions ordinaires & extraordinaires ; Traduit de l'Anglois. Quatrième Edition Françoisse, mise en meilleur ordre, & beaucoup plus correcte que les précédentes. Livre nécessaire dans chaque Famille. 8. Lausanne 1737*

28. *Georgii Henrici Werndly, Tigurini, Oratio Inauguralis, de Linguarum Orientalium & Indicarum Cognitione necessaria Theologo ad Indos profecturo, habita Lingæ a. d. 17. Decemb. 1737. quum Extraordinariam Philologiæ Professionem in Illustri Gymnasio Lingensî solenni ritu auspicaretur. Amstelodami, ex officina Wetsteniana. 1738. 4. pl. 4½*








# TEMPE HELVETICA,

*Dissertationes atque Observationes*  
THEOLOGICAS, PHILOLOGICAS,  
CRITICAS, HISTORICAS,  
EXHIBENS.

Tomi Quarti

*Sectio Tertia.*



---

TIGURI,  
EX OFFICINA HEIDEGGERIANA.  
M DCC XXXIX.

\* \* \*

## ARGUMENTA SECTIONIS DECIMAE QUINTAE.

- I. J. HENRICI LEDERLINI, D. V. in Acad. Argent. Pr. P. Ord. Dissertatio philologica de ΝΗ-ΣΤΕΙΑ, ad Act. cap. XXVII. 9. p. 399.
- II. J. GEORG. ALTMANNI, Decas Positionum philologicarum, ad illustrationem quorundam locorum Epistolæ S. Pauli ad Romanos. p. 412.
- III. JACOBI LAUFFERI, τῆ νῦν ἐν ἀγίοις, Dissertatio Historico-Theologica de Hostium Spoliis Deo sacratis & sacrandis. p. 429.
- IV. JACOBI BRUCKERI, Dissertatio Epistolica de meritis in Rem Literariam, præcipue Græcam V. Cel. DAVIDIS HOESCHELII. p. 469.
- V. E JUSDEM Dissertatio Epistolica exhibens magni Polyhistoris HIERONYMI WOLFII vitæ ab ipso confectæ, necdum editæ Synopsin. p. 503.
- VI. Adparitio Apollinis Judicis Matæologo facta, cum Prologo & Epilogo Polypistonis. E veteri MSC. edidit Syntheus Eubius Heutelius. p. 536. *Expressum typis erat hoc scriptum Amstelodami An. 1735. sed nunc multi accessionibus locupletatum ab auctore Pseudonymo.*
- VII. Nova Litteraria Helvetica. p. 575.

*Vere Venerabili, Amplissimo  
atque Celeberrimo*

**VIRO,**

**ABRAHAMO  
RUCHAT.**

**S. S. Theologiæ in Academia Lausan.  
nensi Professori, P.**

*Polyhistori de Patria & Republica Literaria  
variis ingenii monumentis, Historia præsertim de  
Helvetiæ Reformatione multo labore colle-  
cta & edita, optime merito,*

**Pietate & Humanitate  
vere inclito,**

**Assiduis lucubrationibus Orbem eruditum  
in dies adhuc locupletanti,**

**Fautori atque Amico, ex multorum an-  
norum decursu**

*Honoratissimo, Sua visimo.*

**Sectionem Decimam  
Quintam**

*Miscellaneorum Theologico-Philologicorum in  
Helvetia collectorum*

**Cultus sui testimonium proponit  
& offert.**

**JOH. GEORGIUS ALTMANNUS.**

**JOH.**



I.

JOH. HENR. LEDERLINI,

d. V. in Academ. Argentor. Prof. P. O.

DISSERTATIO PHILOLOGICA

DE

NHΣTEIA,  
JEJUNIO.

Ad Locum Aëtor. Apostol. XXVII: 9.

*Argumentum.*

- §. I. Scopus & ratio Dissertationis proponitur. §.  
II. Locus explicandus desumptus ex Aëtor. c.  
XXVII. v. 9. Vetus versio emendatur. §.  
III. Seb. Castalio ob tentatam emendationem  
vocis NHΣTEIA notatur. §. IV. Sententia eorum  
Tom. IV. C c pro-

proponitur, qui hanc vocem tollere nolunt; & de jejuniis in festo Expiationis intelligunt. Quædam de hoc festo dicuntur. Beza citatur, ut & Fl. Vegetius de re militari. §. V. Heinsii Commentatio, qui eandem tenet sententiam, adducitur. §. VI. Jo. Drusius huic sententiæ assentiens profertur, etiam Hugo Grotius. §. VII. Erasmi Schmidii sententia, per *νηστειαν* inedia privatam ob nimium laborem exortam intelligentis indicatur, & cum eo sentiens Fr. Vatablus: Additur Commentatio Erasmi Rot. §. VIII. Integritas textus defenditur, & Castalionis tentamen rejicitur. §. IX. Sententiam eorum suscipit Cl. Autor, qui per *νηστειαν* denotari volunt tempus jejunii. Ex circumstantiis ejus veritas probatur. God. Steyvechius citatur, ut & Hesiodi testimonium. Additur Josephus. §. X. Erasmi Schmidii sententia refutatur. §. XI. Ejusdem aliud argumentum ex significatione vocis *παρερηξασαι* destruitur. §. XII. Ex his concluditur, per *νηστειαν* intelligi debere tempus jejunii.

## §. I.



**N**avigatio Pauli, & quod subsequutum est naufragium a D. Luca in Actis Apostolicis capite XXVII. graphice descriptum, plura continet, quæ explicatu sunt difficilia, & antiquitatis penitiorisque Linguae Græcæ cognitionem requirunt. Quæ vero, quoniam unius dissertationunculæ modum multum excedunt,

dunt, aliis reservantes occasionibus, de sensu unius tantum commatis, de quo inter interpretes parum convenit, pauca quædam commentabimur. Cujus commatis expositiones varias si retulerimus; qualem nos, & quibus rationibus inducti, citra cujusque præjudicium probemus, pro virili nostro indicabimus.

§. II.

Textus controversus legitur *Actor. Apostolicorum* Cap. XXVII. v. 9. his verbis Græce conceptus: Ἰκανὲ δὲ χρόνῳ διαγενομένῃ, καὶ ὅντος ἤδη ἐπισφαλὺς τῇ πλοοῦς, διὰ τὸ καὶ τὴν νηστείαν ἤδη παρεληλυθέναι, παρήνει ὁ Παῦλος, κ. τ. λ. Quæ verba a veteri Interprete hunc in modum versa sunt: *Multo autem tempore peracto, & cum jam non esset tuta navigatio, eo quod jejunium jam præteriiisset, consolabatur eos Paulus &c.* Plures versiones adjicerem, nisi ex infra dicendis, de nonnullis, quæ ad rem facere poterunt, constare posset. Id tantum moneo, quod & jam aliis quoque observatum, rectius pro *consolabatur*, verti, *adhortabatur*.

§. III.

Hic textus noster, licet in scriptis Codicibus nihil variet, temerarias tamen, quod primum omnium notandum existimo, passus est manus *Seb. Castalionis*, cui vox νηστία locum suum tueri posse minime videtur, ejusque loco reponendum νηνεμίαν arbitratur, quæ vox a ventis tranquillitatem notat. Ejus verba in hunc locum hæc sunt: Διὸ καὶ τὴν νηστείαν ἤδη παρεληλυθέναι, quod jejunium jam præteriiisset. Sed quid jejunium ad navigandi periculum? Nam si jejunium voces inedia, ea esse quæ poterat, cum essent in portu, & posset amplissima insula suppeditare commeatum, & paulo post dicantur navem exonerare frumento? Adde quod neque νηστία dicitur pro ἀσιτία, neque id cum verbo παρεληλυθέναι quadrat: oportet enim inedia non præteriiisse, sed instare; neque id inedia, sed commeatus penuria dici deberet. Sin jejunium dicas jejunandi

Cc 2

tempus

tempus, id neque nautica rei convenit, neque quicquam ad rem facit. Equidem dum diligentius narrationem hanc considero, suspicor non *νησεῖαν*, sed *νηνεμῖαν* legendum esse, h. e. a ventis tranquillitatem, nam id & cum narratione convenit, & facile depravari potuit a mediocriter docto, qui verbi *νηνεμῖας* vim ignoraret.

#### §. IV.

Alii, quibus textus hic corruptus non videtur, τὴν *νησεῖαν* de Solenni illo jejunio Judaico interpretantur, quod fiebat in festo Expiationis, Hebræis יום סליחה *יום הכפרים* dies placationis item יום הכפרים *יום הכפרים* dies expiationum, LXX. Interpretibus ἡμετέρα ἐξιλασμὸν dicto. Quod festum in diem decimum mensis septimi, Tisri alias appellati, incidit, quo tempore ex præcepto Dei celebrandum fuit. Ita enim præceperat Mosi Deus Levit. cap. 16. qui & paulo post disertis verbis Moſen iterum alloquitur Lev. sc. 23: 27. אך בעשור לחדש השביעי. הזה יום הכפרים הוא מקרא קדש יהיה לכם ושניתם את נפשתיכם והקרבתם אשה ליהוה / sed die decimo mensis hujus septimi dies expiationum sit; convocatio sancta esto vobis, ut affligatis animas vestras, tum offeratis igne absumendum *Jehova*. &c. De cujus festi solennibus ceremoniis præter ea, quæ in Moſe capite XVI. *Levitic* prolixè leguntur, integer tractatus in corpore Talmudico extat, יומא dictus, quem versione Latina & eruditis notis illustravit doctissimus *Robertus Sheringhamius* Cantabrigiensis. Et hanc vocis *Νησεῖας* expositionem præter alios propugnat *Theod. Beza* not. in h. l. dum scribit: τὴν *νησεῖαν*: Tempus designat *Lucas* ex more Judaici populi, ut doctissimus interpret in hunc locum recte annotavit: cui etiam in eo assentior, quod de festo expiationis hæc intelligit, cujus sit mentio Levit. 23: 27. Incidit autem hoc festum in mensem Hebraeorum septimum, qui mensis respondet aliqua ex parte nostro Octobri. Instabat igitur November, ut merito omnino censuerit *Paulus*, potius eo loco hyemandum



dum, quam hybernâ navigationem tentandam &c. qui idem testimonium mox Fl. Vegetii de re milit. 4: 39. adducit; quod, quia rem non parum illustrat, integrum excribam: Phœnitæ decursu, i. e. post ortum Plejadum, a die sexto Kalendarum Juniarum, usque in Arcturi ortum, id est, in diem octavum decimum Kalendarum Octobrium, ut secura navigatio creditur, quia æstatis beneficio ventorum acerbitas mitigatur, ita post hoc tempus usque in tertium Idus Novembris incerta navigatio est, & discrimini propior (vide an melius forte legatur, propior :) propterea quia post Idus Septembris oritur Arcturus vehementissimum sidus. Et octavo Kalendas Octobris Æquinoctialis evenit acerbæ tempestas. Circa nonas vero Octobris Hædi pluviales, quinto Idus ejusdem Taurus. A Novembri autem mense crebris tempestatibus navigia conturbat Vergiliarum hyemalis occasus. Ex die igitur tertio Iduum Novembris usque in diem sextum Iduum Martiarum maria clauduntur. Nam lux minima; noxque proluxa; nubium densitas; æris obscuritas; ventorum, imbri vel nivibus geminata sævitia; non solum classes a pelago, sed etiam commeantes a terrestri itinere deturbat.

§. V.

In eandem concedit sententiam eruditus Daniel Heinsius, qui Exercitationum Sacrarum libro V. cap. 15. p. m. 323. sq. in hunc locum ita commentatur: cum dicitur, *ἰκανὸν δὲ χρόνον διαγνητομένον, καὶ ὅντος ἤδη ἐπισφωλῆς τῷ πλοῷ, διὰ τὸ καὶ τὴν νησεῖαν ἤδη παρεληλυθέναι, παρήνει ὁ Παῦλος*, quærent Eruditi, quenam hic sit ἡ νησεῖα, excellenter ita dicta. Et apud Zachariam quidem, τῆς τετάρτης, τῆς πέμπτης, τῆς ἑξῆς, τῆς δεκάτης, quarti, quinti, septimi jejunii ac decimi mentionem fieri ignorat nemo. Cum autem absolute jejunium dicitur, ne dubitandum quidem, quin jejunium, quod magnum, sive *הַגָּדוֹל* dicitur, intelligendum sit. quod & *יום צום* ἡμέρα νησεῖας absolute, & compendiose *ה' יום* quod est *הַיּוֹם הַכַּפּוּרִים* dies expiationum, ἡμέρα καθαρῶν dicitur. Quo die in luctum maximum Judæi se effundunt: ita ut viginti quatuor, & amplius horas, albis induti

induti vestibus, nudisque pedibus, assidue precentur, ac jejument: ut memoriam peccati vere horrendi, τῆς μοχλοποιίας nempe, ita detestentur, pœnamque tanto debitam flagitio, avertant. Qui in decimum Septembris incidit. quo mense ut Plejades occidunt, ita & tempestuosum mare redditur.

### §. VI.

Jo. Drusius similiter h. in loc. observat: quod & jejunium jam prateriisset: Dies expiationum, qui dies jejunii & jejunium magnum. In Syro est, dies jejunii Judæorum. hujus mentio Jerem. 36: 6. in die jejunii. Josephus Libro VII. belli Jud. Die expiationum jejunare mos fuit cunctis. Dies hic incidit in nonum mensis Tisri, qui ex parte Octobri nostro respondet. Hoc die Plejades occidunt, & mare tempestuosum navigationique incommodum reddunt. Vide Levit. 23: 29. 32. Consentit & Hugo Grotius, cujus hæc in locum præsentem verba sunt: νηστία per excellentiam dies כַּפּוּרִים ἐξίλασμός, decima Tisri. vid. Levit. XXIII. Tisri partim cum Septembri, partim cum Octobri congruit. Mense Novembri claudi maria notat Vegetius.

### VII.

Hos contra insurgit Græcas Literas non mediocriter edoctus Vir Erasmus Schmidius. Cujus verba ipsa, ut de mente ejus eo melius constet, afferre non piget. Ita autem in notis suis: διό καὶ τὴν νηστίαν ἤδη παρεληλυθέναι quod etiam inedia jam accessisset. Duplex hic error ab interpretibus vulgo committitur I, quod per τὴν νηστίαν accipiunt jejunium quoddam solenne & publicum, quasi appropinquasset tempus jejunii Ecclesiastici, circa quod maris intemperatam nugantur: Quum hic notetur jejunium privatum nautarum horum, qui p̄b continuos aliquot dierum periculosos labores cibum capere non vacarunt: Haben vor nöthiger Arbeit nicht so viel Zeit gehabt, daß sie kaum einen Bissen Brod genießen könnten, adeo ut post paucos dies, Paulus v. 33. quatuordecim dies jejunii (non ecclesiastici, sed privati) Nautarum numeret. Ist also eine opinio, ex textus

tus

ius coherencia non considerata, exorta. Quod si autem forte jejunium aliquod Judaicum coincidisset, (ita ex abundante largior) per accidens id factum fuisset: neque nautæ Alexandrini id multum curassent. Die armen Tropfen hatten jejunium coactum. II. Quod τὸ παρακληθῆναι hic reddiderunt per prateriisse: quum reddi debeat per, accessisse. Es tam zu der Schwerheit der Schiffahrt, auch der Hunger, dadurch sie von allen Kräften kommen waren, (de significatis verbi παρακληθῆναι vid. ad Matth. V. 18.) dieweil auch nunmehr der Hunger darzu kommen, daß sie etliche Tage vor stätigem Nudern zum Essen nicht kommen können. Contextus ergo prohibet assentiri iis, qui prateriisset reddunt; & ὑψείδων hanc, de tempore solenniter, & publice ritu Ecclesiastico peracto accipiunt; quum simpliciter sit inedia privata, quam necessitate exigente, illi tantum, qui tum in nave illa erant (zu Jerusalem wird sich damahls wol niemand abgehunges ret haben) sustinuerunt. Ita Erasmo Schmidio de voce ὑψείδων & verbo παρακληθῆναι videtur. Et quod expositionem vocis ὑψείδων attinet, ea in re assentientem habet Franciscum Vatablum, qui verba, jejunium jam prateriisset, vertit: ultra tempus sustinuissent inediam. De inedia ὑψείδων exponere etiam Lyranum testatur Erasmus Roterod. in notis suis his verbis: Prius secuti fuere Lyranus sententiam, qui putat illis, cum suppeteret commectus, tamen ob curam ac marorem non vacasse cibum sumere: atque ideo Paulus suadet manendum, quo liceat rescicere corpora, &c.

### §. VIII.

Quod denique & nostram sententiam attinet, antequam eam profiteamur, necesse ducimus de textus integritate paucis differere. Sciendum scilicet primum omnium est, vocem ὑψείδων in nostro loco communi omnium Codicum, manu exaratorum, quos quidem magno numero inspexit & multo labore contulit Joh. Millius, consensu firmari: altero etiam loco observandum, antiquissimam N. Testamenti Ver-

sionem Syriacam *ἡσείαν* vertisse דְּיוֹמָא דִּיהוּרִיָּא *diem jejunii Judæorum*. unde liquido patet, Syrum suo tempore in textu Græco *ἡσείαν* legisse, & ut quid *ἡσείαν* significare ipse existimet doceat, additis duabus aliis vocibus exposuisse. Hæc cum ita sint comparata, miror *Seb. Castalioni* vocem *ἡσείας* de mendo fuisse suspectam. Quod si enim gentilium libris is habetur honos, ut citra aut Codicum meliorum fidem, aut urgentem aliam necessitatem, vocem aliquam non facile immutemus, quanta quæso cum veneratione in Sacri Tabulis erit versandum? absit ut adeo temere nobis aut plane non intellecta, aut saltem alio, quam quem Spiritus S. intendit, sensu percepta, loco suo turbemus. Quod equidem probationis loco a *Seb. Castalione* affertur, vocem *ἡσείας* male locum suum tueri, si jejunium scil. eam interpreteris, & de jejunandi tempore accipias, quoniam *id neque nauticæ rei conveniat, neque quicquam ad rem faciat; fateor quidem nautas, ut cum E-afmo Rot. loquar, edax hominum genus citra necessitatem parum jejunium fuisse curaturos. Ast non de tali jejunio textus loquitur, uti postea ostenderetur, sed de jejunio statuto inter Judæos, quod hic ad certam anni tempestatem denotandam a Luca adhibitum est. Neque vero firmiori talo nititur *ἡσείας* vox, quam pro *ἡσείαν* restitutam vult, quando ait: *suspicio non ἡσείαν sed ἡσείαν legendum esse, h. e. a ventis tranquillitatem: nam id & cum narratione convenit. Ergone per tempus quod præterit, aer carebat ventis? quorsum vela navis quæso? conf. v. 40. Intemperate itaque vox ἡσεία hoc in loco maneat.**

### §. IX.

Existimamus verò cum veritate sentire cos inter interpretes, qui vocem *ἡσείας* de jejunio illo solenni, Expiationum die inter Judæos recepto, interpretantur; & hac jejunii voce tempus denotari, quod sc. illud celebrari solebat, quod uti ex Lege Mosis indi-

Indicavimus supra, erat dies decimus mensis Tisri, qui Tisri ex parte Septembri, ex parte vero Octobri respondet, uti ex supra dictis jam patet, & ulterius ostenditur a Johanne Seldeno in erudita Dissertatione de anno Civili & Calendario veteris Ecclesiæ seu Republicæ Judaicæ. Tempus autem, quod jejunium illud Judæorum solenne infecutum est, navigationi erat minus aptum, ceu ex Vegetii supra §. 4. allegatis verbis constare potest. Quibus merito jungi debent, quos Godesc. Steinechius in Commentario suo porro allegat. cum quibus convenit etiam Ascræi monitum Ery. καὶ Ημ. v. 618. sqq.

Εἰ δὲ σε ναυτιλίας δυσπεμφέλας ἡμερος αἰρήῃ  
 Εὖτ' ἂν Πληϊάδε:, σθένος ὄβριμον Ωρίωνος  
 Φεύγῃσαι, πίπλωσιν ἐς ἡέροειδέα πόντον,  
 Δὴ τότε παιτοίων ἀνέμων θύουσιν αἴηται  
 Καὶ τότε μίκετι νῆας ἔχειν ἐνὶ οἴνοπι πόντῳ.

*Quod si te navigationis periculose desiderium ceperit;  
 Quando utique Plejades, vehementem Orionem  
 Fugientes, subierint obscurum Pontum,  
 Tunc certe variorum ventorum strident flamina;  
 Et tunc ne amplius naves habe in nigro ponto.*

Qui idem, postquam commoda navigandi exposuit tempora, mox quamnam minus apta sit navigantibus tempestas, his docet, vers. 674. sqq.

Μηδὲ μένειν οἶνόν τε νέον καὶ ὀπωρινὸν ὄμβρον,  
 Καὶ χειμῶν' ἐπιόντα, νότοιο τε δεινὰς αἴητας,  
 Ὃς τ' ὤρειε θάλασσαν, ὁμαρτήσας Διὸς ὄμβρῳ  
 Πολλὰ ὀπωρινῷ Χαλιπὸν δὲ τε πόντον ἔδεικνεν.

*Neque expectato vinumque novum , & autumnalem imbrem ,*

*Et hyemem accedentem , Notique molestos flatus ,*

*Qui concitat mare , comitatus Jovis imbre*

*Multo autumnali ; asperum vero pontum facit.*

Sed non cōtemnendus præterea locus est apud Josephum Antiquitatum Judaicarum III, 10. p. 92. ubi postquam docuit , jejuniū solenne celebrari inter Judæos septimo mense, die decimo, ad festum Tabernaculorum pergit, quod in ejusdem mensis diem decimum quintum incidere ait , *τρεπομένῃ τὸ λοιπὸν τῇ καιρῷ πρὸς τὴν χειμέριον ὥραν* , reliquo tempore in hyemem vergente. In quem apprime sensum Johannes Lightfootus in Chronico temporum & ordine Textuum Novi Testamenti Operum Tom. 2. p. m. 102. summatim historiam recensens scribit : *Vergebat jam annus , & appetebat hyems ( elapsa Expiationis solemnitate ) & oborta tempestate , & confractō navigio enatantes omnes evadunt in terram.* Ex dictis itaque periculosam futuram fuisse navigationem , ob anni tempestatem navigandi minus commodam , quis non videt ?

#### §. X.

Hinc puto sufficienter responsum esse illis Erasmi Schmidii verbis, quibus §. 7. asserit errorem committere eos, qui per τὴν νησεῖαν accipiunt Jejunium quoddam solenne & publicum : quasi appropinquasset tempus Jejunii Ecclesiastici, circa quod maris intempestatem nugantur. Quibus accedit, quod vox νησεῖα de die Expiationis teste Clarissimo Adriano Relando antiquitatum Sacrarum veterum Hebræorum parte IV. cap. 6. §. 1. etiam in scriptis Josephi & Philonis occurrat : atque ita Jejunium nuncupetur a Tertulliano libro adversus Judæos non procul a fine p. m. 140. Sic enim & duorum hircorum, qui

*Jeju-*

*Jejunio offerebantur, faciam interpretationem, &c. Cui loco alius ex libro III. adversus Marcionem p. 199. jungi potest. Si enim & duorum hircorum, qui Jejunio offerebantur, faciam interpretationem &c. Sed instat Erasmus Schmidius, hic notari jejunium privatum nautarum horum, qui ob continuos aliquot dierum periculosos labores cibum capere non vacarunt. Verum quid quæso nautas, quo minus in loco, καλοὶ λιμένας appellato, in quem appulisse eos textus narrat, cibum caperent, corpusque reficerent, impedivit? Valent sane huc contra Erasmum Schmidium ea, quæ supra ex Sebast. Castalione §. 3. adducta sunt: Si jejunium voces inedia, ea esse quæ poterat, cum essent in portu, & posset amplissima insula suppeditare commeatum, & paulo post dicantur navem exonerare frumento? Neque etiam majoris facienda illa Erasmi Schmidii, quibus porro contra sentientes urgere vult: Quod si autem forte jejunium aliquod Judaicum coincidisset, (ita ex abundante largior) per accidens id factum fuisset: neque Nauta Alexandrini id multum curassent. Die armen Tropffen hatten Jejunium coactum. ut & illa, quæ mox sequuntur: contextus ergo prohibet assentiri iis; qui vñscia hanc de tempore solenniter & publice ritu Ecclesiastico peracto accipiunt; quum simpliciter sit inedia privata, quam necessitate exigente, illi tantum, qui tum in nave illa erant, sustinuerunt. Nonne hoc est Andabatarum more pugnare. Quis nautas Alexandrinos jejunium, de quo noster locus, & de quo interpretes supra citati, curasse, aut curaturos fuisse dixit? aut vero tempus certum anni, festo aliquo celebriori describere quid quæso vetat? Scimus equidem Alexandrinos nautas parum fuisse de jejunio Judæorum sollicitos: at nec Alexandrini nautæ ea, quæ versu nostro continentur, aut dixerunt, aut scripserunt; verum à Judæo illa prolata sunt, cui festorum inter Judæos tempus statum satis erat perspectum, & cum aliis Judæis tempestates anni etiam per festos dies denominare non incongruum.*

## §. XI.

Verumenimvero adhuc alius *Erasmo Schmidio* hæret in voce *παρέρχεσθαι* scrupulus, quam per errorem *prateriisse* verti ait, cum tamen *accessisse* vertenda sit; Lectoremque ad notas suas in *Matth. V. 18.* ablegat. ubi cum docuisset *παρέρχεσθαι* primo loco significare, ita transire, ut aboleatur & abolitum maneat: vel alio, in alium statum transferatur & mutetur; pergit altero loco ostendere, quod idem verbum etiam notet accedere, siue sit *hinzü treten*, siue, *darzu kommen*. posteriorem significationem nostro in loco ibi obtinere vult. sed ex præconcepta significationis *νησείας* opinione. quam si non fovisset, certe præsentem locum nunquam hunc in sensum explicasset. Nam *παρέρχεσθαι* notionem accedendi hic habere, tam facile, & eodem jure refellitur, quam facile, & quo jure ab *Erasmo Schmidio* contrarium asseritur; cum potissima explanationis ratio à voce *νησείας* dependeat, quod ipse *Erasmus Schmidius* haud dubie probe subodoratus est; unde nihil probationis loco ulterius ab eodem additum.

## §. XII.

Sensus itaque loci nostri is esse videtur. Postquam multum diuque navigassent, nec tamen multum maris, diuturna licet navigatione sua, fuissent emensi, ( id quod verbum *βραδυπλοῦντες* v. 7. & v. 9. *μόλις* aperte innuunt, ) atque a vento contrario, recto contendere cursu prohiberentur, ( *μὴ προσεὼντες ἡμᾶς τὸ ἀνέμου*, ) obliquo cursu sublegere ( *ὑποπλεῦσαι* ) Cretam juxta *Salmonem* cœperunt. Sed & hoc non sine difficultate factum v. 9. *μόλις νῆξ*, indicat. Præterlegentes itaque Cretam cum in locum venissent *καλὸς λιμένας* Pulchros portus appellatum, prope urbem *Lazæam*, *Paulus* hortabatur *Centurionem*, *Gubernatorem* & *Nauclerum* atque cæteros,  
in



in Creta esse manendum, quia periculosam fore navigationem vel etiam inde perspiciebat, quod jejunium Judæorum illud solenne, atque sic tempus navigationi commodum jam præterisset. Et ita mihi quidem hic locus accipiendus videtur, alii aliter sentiant, per me licet. Finem autem huic Dissertationi imponam succinctis verbis, quæ in notis Novi Testamenti Gallico idiomate Trevoltii typis exscripti ad hunc locum leguntur: *Parce que le jeûne étoit déjà passé. c. d. comme il y a dans le Syriaque & dans l'Arabe d'Erpen, le jeûne des Juifs, qui étoit le jour de l'expiation, jour fort solennel parmi eux, tant à cause du jeûne, que des penitences qu'ils font ce jour là, qui est le dixième du septième mois appelé Tisri répondant à notre mois de Septembre, & quelquefois à Octobre. Les gros vents qui soufflent ordinairement dans les Equinoxes rendent alors la navigation dangereuse.\**

Tu denique æterne Deus, Pater benignissime, ductu Spiritus Tui Sancti cursum navigationis nostræ in hoc turbido mundi mari ita clementissime dirige quæso, ut ab omnibus procellis, tempestatibus atque naufragiis liberati per Jesum Christum Filium Tuum unigenitum, in æternos illos. Cœli portus, vere *καλὸς λιμὲνας*, tandem appellere queamus.

\* Conf. de hoc argumento *Jac. Hesai* Dissertat. Biblioth. Brem. Cl. I. Fasc. 1. §. 2. p. 17-34. & ejusdem *analecta Biblic. Tom. II. Fasc. VI. p. 995.* Item *P. Ad. Boysen* *Eclogas archæolog. ad difficile Pauli iter.* Halæ. 1713. ubi & Castalioni locum mendii accusanti satisfactum est. P. B.

\*\*\* \*\* \* \* \* \* \*

## II.

# JOH. GEORGII ALTMANNI P. P. DECAS POSITIONUM PHILOLOGICARUM

Ad illustrationem quorundam locorum Epistolæ Pauli ad Romanos.

### §. I.

*Rom. I. v. 14.*

**E**λληνισι τε καὶ βαρβαροις, σοφοις τε καὶ ἀνοητοῖς ὀφειλέτης εἰμι. Cum Paulus se Græcorum & Barbarorum, sapientum & insipientium debitorem facit, utitur loquendi ratione priscis usitatissima, qui Græcos sapientes, reliquos populos perinde omnes aut insipientes & indoctos, aut à Græcis saltem edoctos habebant, itaque communiter totius terræ incolæ sapissime in Græcos & Barbaros distinguebantur: Mirum autem videri posset, Paulum ad Romanos scribentem Græcorum & Barbarorum mentionem fecisse, non autem Romanorum. Notandum autem, quod posteriori tempore Græcorum vox non tantum gentem Græcam, sed moribus & ingenio exornatam sæpius significet, quæ enim liberalia, docta, humana & decora erant, vocabantur ἑλληνικά; quæ incondita, indocta & à moribus politis & eruditione remota, ea βαρβαρικά vulgo audiebant, ut hæc observat Perizon. ad *Ælian. Lib. 3. cap. 22. p. 263.* Sæpius per Græcos Paulus Gentiles communiter sumtos intelligit, ut eodem hoc capite v. 16. quem locum satis infelici-

feliciter explicavit *Henr. Knobloch Thesaur. Philolog. Tom. 11. pag. 501.* Cum ergo Paulus se Apostolum Græcorum & Barbarorum confitetur, tantum est, ac si diceret, se omnium populorum & gentium, quæ cum audire vellent, communem esse doctorem & ministrum. Notandum etiam, quod apud Græcos ipsos, non illi tantum Barbari fuerint dicti, qui Græca lingua non urebantur, sed etiam illi apud Græcos, qui non ita terse & suaviter Græce loquebantur, ita Ilienses *Hesychio* Barbari dicuntur, quod eorum sermo non ad Græcam loquendi suavitatem accederet, ut hæc probat *Ignatius Georgius Dissert. de Paulo in mari quod nunc Venetus sinus dicitur naufrago. p. 187.* Cum autem illi, qui Græcis imbuti erant literis & moribus, se doctos & sapientes crederent, reliquos autem tanquam stipites & invita Minerva natos haberent, ideo addit Paulus, quod sit debitor sapientum & insipientium; Cum autem addit, quod sit ὀφειλῆτης, debitor, suam in munere suo promptitudinem exponit, licet enim debitor, voce proprio significato sumpta non esset, se tamen ad sedulam Evangelii prædicationem hac voce ita adstrictum describit, ut demonstret id ipsi officium ita incumbere, ut debitori incumbit æris alieni quo premitur exsolutio.

§. II.

*Rom. III. v. 1. 2.*

Τὶ ἐν τοῖς περισσοῖς τῇ Ἰουδαίᾳ, ἢ τις ἡ ὀφείλεια τῆς πίστεως. Πολυ κατὰ πάντα τρόπον. Πρωτὸν μὲν γὰρ ὅτι ἐπίσειυθησαν τὰ λόγια τῇ Θεῷ. Demonstrat in hoc loco Paulus, quod Judæi omnino prærogativas quasdam habeant præ gentibus, primamque ponit in eo, quod Deus verbum suum Judæis tanquam pretiosum aliquem thesaurum asservandum & custodiendum tradiderit. Ex lectione autem hujus versus secundi, aliquis colligeret, quod Apostolus plures populi Judaici prærogativas

gativas velit recensere, hanc unam tamen enarrasse contentus, cum reliquas capite demum 9 : 4, 5. exponat; Quis autem dixerit, quod vir divinus instituti sui immemor recensitionem inchoaverit, reliquasque addere vel neglexerit, vel oblitus fuerit; Nemo autem mirabitur, Paulum unam tantum percensuisse, qui attendit vocolam *πρωτον* non semper ad ordinem vel tempus designandum adhiberi, cum sæpissime significet, *præcipue & imprimis*, atque hoc sensu occurrit passim in scriptis Novi fœderis, Matth. 6 : 33. *Ζητεῖτε δὲ πρῶτον τὴν βασιλείαν τοῦ Θεοῦ.* *Quærite primum, vel ante omnia regnum Dei.* Eundem significatum etiam obtrinet Matth. 23 : 26. 1. Tim. 1 : 15. atque in aliis locis, quæ jam adducere nimis prolixum foret. Hæc Judæorum prærogativa tanta erat, ut major & eminentior inveniri non posset, ex hac enim reliquæ tanquam rivuli defluebant, erant enim hæc scripta magnificum illud fœderis gratiæ instrumentum, quo ad salutem & hæreditatem cœlestem præ reliquis gentibus evocabantur. Cum autem Paulus dicit *ἐπισυνέθηνσαν*, sensus est, non tantum quod facti sint tanti thesauri depositarii, sed etiam quod Deus fidei populi Judaici verbum suum commiserit, ut illud sancte & intemerate custodirent, illudque etiam observarent. Singulari autem significatione non caret vox *λογια τῷ Θεῷ*, respicit enim in his Paulus haud dubie ad inanem illam Græcorum & Romanorum jaçantiam, & existimantium, oracula Gentilium & folia fœtidica Sybillina divinæ esse originis, cum tamen mera essent mendacia, quæque vocabant communi appellatione *λογια*; ut tamen Paulus hoc à Deo datum verbum à traditionibus gentilibus caute distingueret, hanc Dei revelationem *λογια τῷ Θεῷ* vocat, ut illam hoc modo ab omni humana & superstitiosa traditione separaret & distingueret, hinc etiam Stephanus legem in Sinai latam appellat *λογια ζῶντα*, *eloquia viva*, Act. 7 : 38.

S. III.

§. III.

Rom. VI. v. 23.

Τα γὰρ ὁψωνία τῆς ἀμαρτίας θάνατος, τὸ δὲ χάρισμα τῆς Θεοῦ, ζωὴ αἰώνιος ἐν Χριστῷ Ἰησοῦ τῷ Κυρίῳ ἡμῶν. Ad locum hunc rite intelligendum necesse est omnino, ut attendamus, quæ sit vera significatio vocis ὁψωνιον, & tum liquida erunt omnia. Paulus voce utitur ex disciplina militari desumpta, ὁψωνιον enim proprie est stipendium militum, teste Polyb. lib. 16. Ὁψωνιον δὲ οἱ μὲν πεζοὶ λαμβάνουσι τῆς ἡμέρας δύο ὀβολοῦς, *stipendium pedites quidam accipiunt singulis diebus obolos duos*, inde etiam eadem hæc vox sæpius occurrit in scriptis N. Testamenti I. Cor. 9:7. τίς στρατεύεται ἰδιοῖς ὁψωνίοις ποτε. *Quis unquam proprio militat stipendio.* Et Johannes Baptista militibus ipsum rogantibus, quid illis faciendum incumbere, respondit, Ἀρκεῖσθε τοῖς ὁψωνίοις ὑμῶν, *contenti estote stipendiis vestris.* Prolixius hæc probat Jac. Lydius in Syntag. Sacr. de Re milit. p. 243. ut & eruditiss. Brunings Antiq. Græc. p. 75. Quam eleganter autem & concinne Paulus hac voce in hoc loco usus sit comparebit, si attendamus, quod in præcedentibus peccatum descripserit ut dominum vel regem, qui regit & gubernat hominem irregentum; Qualis jam sit dominus, qualis finis & exitus ejus imperii in miseros servos peccati, jam exponit Apostolus, cum dicit, quod stipendium ab hoc tyranno datum sit mors, hoc est exitium æternum, mors secunda Apoc. 20:14. Sensus ergo est, quod peccatum, magno sæpe labore & industria consummatum. mercedis loco nil nisi miseriam & pœnam conferat, quia pro operibus suis impii hanc remunerationem vel pœnam potius accipiunt. Egregiam Paulus annectit antithesin, cum subjungit, *gratuitum autem donum Dei est vita æterna per Jesum Christum.* Pœnam peccato debitam & gratiam opponit, peccato debetur ὁψωνιον, *stipendium*; sed pietatis præmium est ex mera gratia, χάρις, *vita æterna.*

Tom. IV.

D d

§. IV.

## §. IV.

## Rom. VII. v. 24.

Ταλαιπῶρος ἐγὼ ἄνθρωπος τις με ρυσεται ἐκ τῆ σαρκὸς  
 τῆ θανάτῃ τῆτι. Ut hic locus recte intelligatur, viden-  
 dum primo, quid veteres per ταλαιπῶρον intellexe-  
 rint; Ταλαιπῶρος ille vocatur, qui maxima atque du-  
 rissima premitur miseria & ærumna, hinc *Eras. Schmi-*  
*dus* interpretatur de homine tristissimo atque duro  
 labore agitato. Veram significationem vox ipsa in-  
 dicat, componitur enim ex ταλαω *féro*, & πῶρος, *lu-*  
*etus*. Qui ergo in luctu, in mæore, morbo & ex-  
 trema miseria est constitutus, ille Græcis ταλαιπῶρος  
 vocatur, ut hoc prolixius adductis ex priscis Scripto-  
 ribus locis probat doctiss. *Joh. Alberti Observat. p. 305.*  
 Quid autem per σῶμα τῆ θανάτῃ sit intelligendum, non  
 omnes inter se conveniunt interpretes, nec certe illi  
 sensum verborum Pauli exhaustiunt, qui vertunt *cor-*  
*pus mortale*, melius illi, qui intelligunt corpus morti-  
 feram peccati & corruptionis massam secum ferens,  
 & hanc labem peccaminosam & ipse secum Paulus  
 ferebat, quamdiu in carne erat, ut ipse fatetur versu  
 23. Est ideo exclamatio hominis regeneriti, qui pec-  
 catum & miseriam sentit, quamdiu est in corpore  
 mortis, nam corpus mortis est causa omnis miseriæ,  
 non quatenus est corpus mortale, sed quatenus est  
 corpus peccaminosum, in ejus membris est lex pec-  
 cati. Nec inusitatam est etiam Scriptoribus Græcis  
 sub nomine θανάτῃ omnem omnino complecti mi-  
 seriam.

## §. V.

## Rom. IX. v. 3.

Ἦυχόμην γὰρ αὐτὸς ἐγὼ ἀναθεμα εἶναι ἀπὸ τῆ Χρείς  
 ὑπὲρ τῶν ἀδελφῶν μὴ τῶν συγγενῶν μὴ κατὰ σὰρκα. In hoc  
 loco explanando veteres & recentiores Interpretes  
 defudarunt, verum quidam, quantum quidem judi-  
 co,

co, parum feliciter. Verba Pauli ita mihi vertenda videntur. *Optabam autem à Christo esse anathema pro fratribus meis, qui sunt cognati mei secundum carnem.* Maxima difficultas latet in voce *anathema*, quam nonnulli Interpretes tam arcte stringunt, ut illam sensu durissimo accipiendam putent. Ut quod sentio aperte dicam, displicet mihi sententia illorum doctorum virorum, qui de exitio æterno hoc anathema intelligunt; Recte hinc Rev. & Clariss *Jacobus Elsner Observ. Sacr. Tom. II. p. 44.* „ Vehementer miratus sum, inveniri „ celeberrimi nominis Interpretes, qui Apostolum „ æternam segregationem à Christo, & quidquid ab „ ira Dei proficisci possit his verbis impræcatum sibi „ existimant, quo quid durius, & tanto Apostolo in „ dignius dici queat, non video, insanit sine dubio, „ qui ut alienam salutem procuret, suam in perpetuum abjicit, & summis æternisque doloribus confici & excruciaci exoptat; Injurius est in Deum, & improbissimus mortalium, qui quacunque tandem „ de causa iram Dei, & æternam à Christo distractionem discidiumque deposcit & expetit. Sensus ergo verborum Pauli mihi is esse videtur, ut exoptet pro fratribus suis diram & acerbam sustinere necem, si hac morte, tanquam victima piaculari ad Christum converti possent fratres Judæi. Si vero hoc votum Pauli de perpetua excommunicatione & separatione à Christo intelligitur, illud certe pugnaret cum amore, quo Deum supra omnia diligebat, nec concipi potest, quod in Apostolo amor in fratres major fuerit, quam autem in Deum ipsum, qui actionum & amoris tanti viri erat & prora & puppis, nec hoc Deus à nobis petit, ut nostra miseria & damnatione alios servemus. Hoc equidem verum est, quod Græca vox *ἀνάθεμα* respondet Hebr. *חרם*, quodque hæc vox sæpius rem denotet diris devotam; at nihilominus verum est, quod apud Hebræos eadem hæc vox

diversum admittat sensum, indeque חרם illud sapissime denotet, quod Deo est destinatum atque dedicatum, ut hoc probat *Joh. Andr. Danzius* in docta exercitatione de ritu excommunicat. Judæor. quam cum aliis collegit in fasciculum *Menschenius* in *N. T. ex Talmude illustrato* p. 617. Hoc etiam extra omnem controversiam positum est, quod ἀναθημα etiam in bonam partem sapius accipiat, cum simpliciter, ut jam dictum, denotat rem quamcunque à communi usu remotam, & Deo consecratam, ut allatis ex priscis Scriptoribus hoc probat *Snicerus* in *Thesaur. Eccles. Tom. 1. p. 281.* atque secundum hanc significationem dicere possemus, sensum verborum Pauli hunc esse, se à Christo exorasse, ut possit esse Præco & Apostolus ad Evangelium fratribus suis annuntiandum, cumque hæc etiam admitti possit explicatio, illam cuique vel rejiciendam vel adoptandam pro arbitrio relinquimus: mihi autem arridet illa prima, quæ hanc vocem de acerba & cruenta morte intelligit, cur autem hanc meam faciam, ratio hæc est, quia Hebræum חרם à LXX. Interpretibus per ἀναθημα redditur, quoties sermo est de hominibus ad mortem devotis ut *Jos. 6: 17. & 7: 12.*

Objiciet autem aliquis magnam esse differentiam inter ἀναθημα & ἀναθήμα. Hoc verum esse aliquo modo agnosco, nihilominus tamen res est etiam verissima, quod apud Scriptores Græcos hæc duo vocabula sapissime inter se commutentur, cum ejusdem sint originis, atque nulla alia à Grammaticis distinctio facta, quam hæc, quod ἀναθημα pro re sacra, ἀναθήμα autem pro re devota accipi debeat, cum ἀναθηματα revera etiam sint ἀναθήματα, ut hoc prolixè probat *Schwarzius* in *Commentar. Ling. Græc. p. 85.* Inde etiam prisci Lexicographi & Etymologi hæc duo sapissime confundunt vocabula. *Pollux* sacrificium ante altare mactatum, quod proprie est ἀναθήμα ipse vocat



cat ἀναθημα Onomast. Lib. 1. cap. 1. p. m. 19. Res est etiam satis cognita, quid veteres per homines devotos, quos ἀναθεματα vocabant, intellexerint, exempla plura ad manus sunt apud Græcos & Romanos, ubi unus homo se pro pluribus morti dedit, atque tales καθάρματα vocati, ut de his differit *Spencerus de Legib. Hebræor. Lib. 3. cap. 5. p. m. 1057.* ut & doctiss. *Schwarzius l. c.* nec non *Lightfotus Oper. Tom. 1. p. m. 481. in dissert. de anathema Maran atha:* atque ex his colligo, quod Paulus vitam suam pro fratribus suis sustinere lubens voluisset, si ita servari potuissent.

§. VI.

Rom. IX. v. 16.

Ἄρα ἂν εἴ τις θελοντος, ἢδε τις τρεχοντος, ἀλλὰ τις ἐλεη-  
τος Θεοῦ. Alludit in his Paulus, uti haud dubie in plurimis locis, ita etiam in hoc ad illa veterum certamina, in quibus qui cursu maxime valebat, præmium consequabatur, hinc etiam frequens usus verborum λειπεσθαι & διωκειν, *relinqui & persequi*, quod utrumque cursorum est: illud dicitur de victis & fatigatis, palmam aliis jam relinquentibus, hoc autem de cursoribus fatigatis equidem, sed nondum animum despondentibus, verum vires recolligentibus, ut recte observat *Lydius Agonist. Sacr. cap. 24. p. 77.* Observandum autem, hæc verba Pauli scripta esse ad Romanos, hinc etiam haud dubie ex eorum ritibus erunt illustranda. Romanis commune erat in circos suos post equitum variorumque vehiculorum certamina cursores introducere, hinc *Plin. Lib. 7. 20. Nunc quidem in circo quosdam cursores centum sexaginta millia passuum tolerare non ignoramus.* Cursores qui simul cursum eundem ad stadium decurrebant, erant quatuor, & ille qui primus curriculum absolvisset metamque attigisset, victor erat, & præmium accipiebat, *Panvin. de Lud. Circensib. Lib. 2. cap. 1.* Nudi currebant, puden-

da tantum tecti subligari, ut re nulla præpediti cursum absolverent, quorsum haud dubie alludit Paulus Hebr. 12: 1. *curramus abjecto omni pondere &c.* Apostolus utitur hac notissima comparatione, ut demonstret, quinam sint subiectum gratiæ justificantis, vocati scil. secundum propositum, & in hoc versu veram discretionis causam allegat, misericordiam Dei, falsam etiam exponit, nempe opera hominis. Comparatio consistit in antithesi, in circo ille præmium habebat, qui propriis viribus cursu valebat, in meta autem salutis consequenda vires hominis nullæ sunt, cum meritum omne dependeat à mera Dei in electos misericordia, qua per Christum sponsores æternæ salutis coronam accipimus.

## §. VII.

### Rom. XII. v. 1.

Παρακαλῶ ὑμᾶς ἀδελφοί, δια τῶν οἰκτιρμῶν τῆς Θεοῦ, παραστήσαι τὰ σώματα ὑμῶν θυσίαν ζῶσαν, ἁγίαν, ἐυαρεστον τῷ Θεῷ, τὴν λογικὴν λατρείαν ὑμῶν. Rogat Apostolus Romanos per *miserationes Dei*, exprimit hoc modo diversos effectus amoris & miserationis Dei in peccatorem, unusquisque enim actus misericordiæ misero homini collatus misratio est, unaquæque gratia, quibus nos à Deo per Christum singulis diebus cumulamur est misratio, & in hunc censum pertinent omnia bona fœderis gratiæ, & harum consideratione Apostolus vult nos *corpora nostra sistere hostias vivas, sanctas, Deo placentes, ut cultus noster fiat rationalis.* Philologi hunc locum communiter ita explicant, ut doceant Paulum in his respectum habuisse ad ritum sacrificandi Judæorum, qui victimas ad altare adducebant, illasque Deo sacras sistebant, & hæc propria est significatio τῆς παραστήσαι, hoc equidem ita verum ut verissimum, nihilominus tamen res est extra omnem controversiam posita, quod gentiles eadem voce

ce usi sint, quoties de victima diis offerenda sermo est, ut hoc productis ex veterum Græcorum locis probavit. Cl. *Schelhornius Biblioth. Bremens. Class. VI. p. 488.* Mihi equidem magis est verisimile, Paulum ad victimas gentilium potissimum respexisse, quia dici non potest, quod aliquid *ἀλογον* fuerit in adductione sacrificiorum Vet. Testamenti, nisi in eo demum casu, cum Judæi sine fide, propriam captantes in sacrificiis suis iustitiam, victimas Deo obtulerunt, ut hoc satis patet ex Esaj. 1. Jerem. 7 : 21. Malach. 2 : 13. aliisque locis, in quibus Deus sacrificia Judæorum repellit, quia sine fide, sine spe in futurum Messiam oblata fuere. Est autem locutio Pauli metaphorica, desumpta ex sacrificiis immolandis. Similitudo est inter victimas offerendas, & cultum nostrum spirituale: Quemadmodum enim Sacerdotes hostias ad altare sistebant, atque Deo consecrabant, eo etiam modo præcipit, ut nos ipsos adducamus, Deo consecremus, promptos atque paratos exhibeamus ad omnem voluntatem Dei perficiendam. Corpora nominat, tum propter victimarum analogiam, tum etiam quia totum corpus, omniaque ejus membra ad cultum Dei debet aptum & idoneum reddi, ne dehinc simus servi & mancipia peccati: Corpora etiam ideo nominat, quia corpus & anima à Deo sunt redempta, & una pars cum altera debet glorificari. Hunc cultum vocat *rationalem*, quia cultus Evangelicus rationi sanctificatæ est convenientissimus, constans animo & spiritu, quo corpus nostrum moveri & ad actiones Deo placentes impelli debet. Præcepta Christi talia sunt, ut se sua simplicitate & sanctitate facile ubique commendent, hinc etiam gentiles agnoscebant, victimas, dona, oblationes & omnis generis munera diis neutiquam esse accepta, nisi cordis mentisque puritas & pietas adesset. Unicum placet ex ingenti veterum testimoniorum acervo adponere, quod apud *Persum* occurrit. *Sat. 2. 71.* D d 4 Di-

*Dicite Pontifices , in sacris quid facit aurum?  
 Quin damus id superis , de magna quod dare lance  
 Non possit magni Messalæ lippa propago,  
 Compositum jus fasque animo, sanctosque recessus  
 Mentis, & incoctum generoso pectus honesto;  
 Hæc cedo, ut admoveam templis, & farre litabo.*

## §. VIII.

Rom. XIII. v. 13.

Ὡς ἐν ἡμέρᾳ, εὐσχημονως περιπατήσωμεν, μὴ καμοῖς καὶ μεθαις, μὴ κοιταῖς καὶ ἀσελγείας, μὴ ἐρίδι καὶ ζήλῳ. Paulus in hoc loco id agit, ut demonstret Romanis ad lucem Evangelii vocatis, quod longe alia vitæ morumque institutio eos jam deceat, quam fuerat illa, quæ ante vocationem hominibus irrogenitis familiaris erat, monet eos, ne deinceps vitam agant in καμοῖς καὶ μεθαις. Hæc ut recte intelligamus, dicendum est, quod ex descriptione gentilium Comus fuerit Bacchi adjutor & sodalis, hinc καμαζειν Græcis significat saltare, choreas agere, lautius & liberius vivere, hymnos cantare. Fallitur ergo Casaubonus Lib. 1. de Satyr. Poët. cap. 4. p. m. 116. vocem καμος deducens ab Hebr. קומ. Kamos autem est & commessatio & chorus hominum ad liberius epulum confluentium, ut hoc probat Rev. Elsnerus Observat. Tom. II. pag. 60. Fiebat talis commessatio jocos impudicis, risu effuso, disteriis, saltationibus, tibiarum cantu &c. Pergit autem Apostolus ab ejusmodi conviviis, in quibus Como litabant ad μεθην, ebrietatem & vinolentiam, hoc est inordinatum vini vel omnis potus fortioris immodicum usum, potest aliquis ebrietati se dare, qui tamen conviviorum sectator non est, non ergo aliquis existimet, illam cibi potusque immoderatam profusionem peccatum non esse, in qua homines ge-  
 nio

nio suo liberius indulgent ; ebrietatem , quam etiam in καμαίς complecti potuisset , singulariter nominat , cum illa tales sæpius delectentur , qui fere soli ita vino se ingurgitant , atque animam corpusque suum perdunt , ac si secundum effatum Sallustii , vinum aliter effundi non posset , quam per humanum corpus. Κοιτη lectum proprie significat , sed pro concubitu sæpissime accipitur , in hoc loco & Hebr. 13 : 4. & hoc sensu etiam adhibetur à LXX. Interpretibus Lev. 18 : 32. apud exoticos hanc significationem recipit sæpissime , quod probatione non opus habet. Ἀσέλγεια sub se comprehendit omne petulantia , libidinis , rerumque contra morum honestatem pugnantium genus , ut id prolixè admodum probat *Schwarzius Commentar. Ling. Græc. p. 200.* ut & *J. Philipp. Pfeifferus in Antiq. Græc. p. 470.* Cum autem hæc omnia essent opera tenebrarum , merito monet Paulus , ut in die ambulent.

§. IX.

Rom. XIV. v. 2.

Ὅς μὲν πίσειν φαγεῖν πάντα , ὁ δὲ ἀσθενὴν λαχάνῃ ἐσθίει.  
Locus hic aliqua omnino illustratione & investigatione opus habet. Apostolus id agit , ut unius cujusque conscientia & libertati relinquat his vel illis cibis pro lubitu uti. Quosdam fuisse in Ecclesia Romana discipulos , qui carnibus vesci noluerint , ex hoc loco satis colligitur. Per hos infirmos , male homines aliquo morbo laborantes intelligit *Frid. Christoph. Neubour in Striſturis Philolog. Bibl. Brem. Class I. p. 255.* insertis. Hoc equidem verum est , plurimos morbos oleribus curari , verum promiscuum olerum usum magis conducere ad sanitatem hominum infirmorum restituendam , quam autem carniū , à nullo hæcenus medico quantum novi , traditum est. Quæritur ergo , quinam fuerint illi primitivæ Ecclesiæ infirmi ,

qui rejecto carniū usu oleribus tantum vefceban-  
tur ? *Limborchius in Commentar. ad h. l. p. 488.* existimat  
Judæos intelligendos eſſe ; *Manifestum eſt, inquit, infir-  
mum hic eſſe, qui nondum novit lege Chriſtiana libertatem  
eſſe introductam à lege rituali, & qui dubitat, ille edit  
olera.* Et paulo poſt ſubjungit ; *erant infirmi fide, pro-  
cul dubio credentes ex Judæis.* Fallitur quantum video  
vir doctiſſimus, cum ſatis conſtet, quod uſus carnis  
ex lege Moſis non absolute fuerit prohibitus, con-  
ceſſus enim erat cibus ex animalibus mundis, qua-  
drupedibus atque volucribus, nullaque ideo dari po-  
teſt ratio, quare fideles ex Judæis ad Eccleſiam Chri-  
ſtianam accedentes, carne animalium ſaltem mun-  
dorum uti pro cibo noluiſſent. Mihi autem magis  
eſt probabile, per hos infirmos intelligendos eſſe fi-  
deles ex illis Gentilium Philoſophorum Scholis ad  
Eccleſiam accedentes, qui ob cauſas ſonticas cum  
adhuc Gentiles eſſent, eſu carniū abſtinuerant. Res  
eſt ſatis nota, atque extra omnem controverſiam  
poſita, quod diſcipuli familiæ Pythagoricæ carne po-  
tiſſimum abſtinuerint, teſtis eſt *Porphyrus in vita Py-  
thagoræ p. m. 37. cap. 34.* τῆς δὲ διαίτης τὸ μὲν ἀρίστον ἦν κη-  
ριὸν ἢ μέλι ; δειπνῶν δι' ἄρτος ἐκ κεγχρῶν, ἢ μαζα, καὶ λα-  
χανα ἐφθα καὶ αἷμα ; σπανίως δὲ κρέας ἰσχυρῶν θυσίων, καὶ  
ταῦτο ἔδ' ἐκ παντός μερῶν. *Quod ad victum pertinet, pran-  
dium ejus ſavo aut melle conſtabat, cœna vero pane ex milio,  
& pulte, & coctis, crudisque oleribus, rariffime autem car-  
ne ex victimis ſacrificiorum, neque ea promiſcue ex quavis  
parte.* Alii Pythagoreos omni plane carne abſtinuiſſe  
contendunt, hinc *Juvenal Sat. XV. 174.*

- - - - - *Quid diceret ergo*

*Vel quo non fugeret, ſi nunc hæc monſtra videret  
Pythagoras, cunctis animalibus abſtinuit qui  
Tanquam homine, & ventri indulſit non omne  
legumen.*

Res

Res est equidem nota, quare Pythagoras carne animalium vesci prohibuerit, rationem enim suam petebat ex dogmate de metempsychosi, posteriores autem Philosophi Pythagorici aliam omnino habebant rationem, quam salvo etiam Christianismo retinere potuerunt, & quam nobis exponit Seneca Epist. 108. Quoniam capi tibi exponere, quantum majori impetu ad Philosophiam Juvenis accesserim, quam senex pergam, non pudebit fateri, quem mihi amorem Pythagoræ injecerit Sotion, docebat quare ille animalibus abstinuisset, quare postea Sextius. Dissimilis utrique causa erat, sed utrique magna. Hic homini satis alimentorum citra sanguinem esse credebat, & crudelitatis consuetudinem fieri, ubi in voluptatem adducta esset laceratio. Adjiciebat, contrahendam esse materiam luxuriæ; colligebat, bonæ valetudini contraria esse alimenta varia, & nostris aliena corporibus. Fuit autem hic Sextius Philosophus Romanus, qui vixit tempore Cæsaris atque Augusti, ut prolixè ejus vitam describit Vir Clariss. atque amicissimus Jacobus Bruckerus in *Histor. Philosoph.* Tom. 3. pag. 196. Communis vero erat plurimorum veterum opinio, esum carniū suscitare libidinem, hinc etiam quidam nulla superstitione, sed sola abstinentia ducti, carnem non edebant, probat hoc etiam Cal. Rhodigin. *Antiquar. Lectio. Lib. 28. cap. 2. p. m. 1544.* Scribit primo Canonis Avicenna, solitos antiquorum non paucos, mane tantum carnibus vesci, ac cæna modo panem adhibuisse, tanquam illud Hieronymi comprobarent, comedant carnes inquit, qui carni serviunt, quorum fervor despumat in coitum, & scribit in antiquitatum libris Dicaarchus, Saturni tempore carnibus rejectis, omnes frugibus ac pomis vesci solitos; Triptolemi præcepta circumferuntur tria, honorandos parentes, venerandos Deos, carnibus non vescendum. Porro, carniū esum carmine detestatur Orpheus. Ex his atque aliis locis, quæ jam brevitatis gratia omitto, facile concludi potest, plurimos ex præcis in ea fuisse sententia, carniū esum libidinem susci-

fuscitare, quid ergo impedit, quominus dicam, fuisse plurimos in primitiva Ecclesia, de quibus Paulo in hoc loco sermo est, qui carnes tanquam luxuriæ & libidinis fomitem negligebant, & oleribus tantum, ad corpus domandum utebantur, & inde etiam hæc abstinencia culpari non potuit, ex nullo quippe profecta principio superstitiosæ Philosophiæ aut idololatriæ, sed ideo unice servata, ut corpus eo aptius esset ad pietatis & orationis exercitium, hinc ipse Paulus dicit, *quod proprium suum exerceat & subigat corpus.* 1. Cor. 9: 27. plura etiam huc spectantia contulit doctiss. *Christ. Brunings in Compend. antiq. Græc. p. 11.* ad quem lectorem remitto.

## §. X.

*Rom. XVI. v. 1. 2.*

Συνιστῆμι δὲ ὑμῖν Φοιβὴν τὴν ἀδελφὴν ἡμῶν, ἥσαν διακονοῦσα τῆς ἐκκλησίας τῆς ἐν Κερχεραῖς. Ἵνα αὐτὴν προσδεξησθε ἐν Κυρίῳ ὡς τὴν αἰγιῶν, καὶ παραστήτε αὐτὴ ἐν αἰσιν ὑμῶν χρηστὴν πραγματι. καὶ γὰρ αὐτὴ προσέτατι πολλῶν ἐγενήθη καὶ αὐτὴ ἡμῶν. Commendat fidelibus Romæ habitantibus Phœben, vult ut ei omnem humanitatem, benevolentiam, promptumque affectum exhibeant, & ut eos magis moveret & stimulet, per illam hanc Corinthi scriptam mittit Epistolam, illamque sororem vocat, more priscis Christianis communissimo. Christus doctor & magister optimus discipulis suis inculcaverat, ut vero amore se in vicem complecterentur, Joh. 15: 12. hinc natus fratrum atque sororum titulus, quo non tantum mutuum declarabant affectum, sed etiam eandem mentem, cordisque professionem, eandem spem & futuræ gloriæ expectationem, inde etiam natum gentilium de mutuo Christianorum amore proverbium; *Videte quanto amore Christiani se invicem complectantur. Tertullian. Apologetic. c. 39.* Rationem hujus denominationis etiam sæpius habemus apud



apud Patres, eandem se matrem terram, in quam redituri essent omnes, Patrem eundem cœlestem, ad æternæ beatitudinis fruitionem illos evocantem cum haberent, merito inde nomen fratrum & sororum inter illos usurpandum esse existimabant, hinc etiam nata apud gentiles opinio, Christianos tesseras quasdam inter se habere occultas, quibus datis & cognitis tanto statim amore incenderentur, ut se omnes inde fratrum atque sororum loco haberent. Phœbæ nomen familiare fuerat quondam, occurrit Phœbæ cum marito Epidecto, filio suo monumentum statuens apud *Gruterum in Thesaur. Inscription. p. 521. 8.* Hæc autem Phœbæ *diaconissa* audit, hinc paucissima tantum de munere & officio Diaconissarum dicenda erunt. Diaconissæ antiquo tempore *Διακονας & Πρεσβυτιδες*, in Ecclesia vero Latina *Diaconissæ, viduæ & ministræ* dictæ. Eligebantur communiter ex viduis uni tantum viro nuptis, non ante annum ætatis quadragimum; Virgines vero Diaconissas fuisse exempla afferri possunt, erat autem res extraordinaria. Lex etiam erat, ut vidua eligeretur, quæ liberos habuisset, Illarum officium erat 1. Baptismo foeminarum adstiteri, hoc est ministro foeminam baptizandam adducere, cum decori regulæ requirerent, ut mulier vel virgo adultæ ætatis aqua immergenda, a Diaconissa prius vestibibus exuatur & baptismum administranti ita tradatur, ut omnis honesti regulæ observentur. 2. Catechumenas privatim instituere, illasque post institutionem Episcopo adducere. 3. Foeminas ægrotas & afflictas in toto cœtu visitare & iis ministrare, 4. Martyribus & nominis Christi confessoribus in vinculis & custodia constitutis opem ferre, cum facilius aditus ad homines captivos mulieribus quam viris concederetur. 5. Ad introitum januæ templi, ubi foeminæ introibant ingredientes observare, & animadvertere, ut omnia ordine & ea qua convenit mode-

modestia agerentur ; atque hæc sunt palmaria Diaconissarum priscæ Ecclesiæ officia , de quibus , qui plura petit , adeat *Lud. Anton. Muratorium in Anecd. Græc. pag. 49. ut & Jos. Binghami Origin. Eccles. Tom. I. p. 328.*

Fuerat autem hæc Phœbæ Diaconissa Ecclesiæ Cenchreensis , quam Paulus Corinthi habitans plantaverat ; Erat oppidum prope Corinthum , cui nomen Cenchreæ , ibi celebris portus Corinthi , ad Sinum Saronicum ; licet vero Corinthus in Isthmo esset sita , mare tamen non attingebat , sed gaudebat opportunitate , ut geminum portum haberet , mare versus Jonicum & Sinum Corinthiacum portum Lechæum , ex altera parte Cenchreensem , longius ab urbe quam Lechæus distitum . Hujus oppidi etiam facit mentionem Lucas Actor. 18 : 18 . Plura de hac urbe *Cellar. Geograph. antiq. Lib. 2. c. 13. p. m. 1174.* Huic Diaconissæ testimonium perhibet magnificum , quod fuerit *προσώτης ποδῶν* ; *Bezæ* verit , *hospitium præbuit* , melius *Eras. Schmidius* vertit *curam habuit multorum* , optime autem *Elfnerus in Observ. ad h. l.* hoc epitheton per *Patronam* reddens ; probat id Vir Clariss. variis locis , quæ exscribere jam nolo , hoc autem satis constat , quod *προσώτης* sit Patronus vel Præses cujuscunque conventus , hinc Judex dicitur *Polluci ὁ τῆ δικαίᾳ προσώτης Ονομαστ. Lib. 8. Sect. 8. p. 855.* inde *ἡγεμονία* , *προσώσια* , *διοσποτεία* & *δυναστεία* vocabula sunt , eundem propemodum sensum exhibentia , *Pollux Lib. cit. Sect. 84. p. m. 205.* Tantum ergo valet hæc vox ac nostrum Germanicum *Gönnerin* , & Gallorum *Patrone* vel *Protectrice* , ut notavit ad h. l. *L'Enfant & Beaufray* , in notis Gallicis ad Novum Testamentum .

\*\*\*\*\*

III.

\* JACOBI LAUFFERI  
DISSERTATIO HISTO-  
RICO THEOLOGICA,  
DE  
HOSTIUM SPOLIIS  
DEO SACRATIS ET  
SACRANDIS.

**U**T ignorantia omnium errorum mater, ita eti-  
am superstitionis largissimus fons est. Miseræ  
hominum mentes superstitione semper labo-  
rarunt, nunquam tamen magis, quam cum crassa  
ignorantia rationis lumen extinxit, ipsæque mentes  
spissis tenebris implicatæ degebant. Evolvantur an-  
tiqua rerum monumenta, veritatem hujus sententiæ  
facile comprobabunt. Rudis scilicet & bonarum ar-  
tium expers homo facillimè se fraudi paratum sistit;  
in rerum causas nunquam inquit; quid verum,  
quid

\* Est hæc illa Dissertatio, quam ὁ πᾶν LAUFFERUS  
anno 1717. publicæ Luci exposuit, & pro consequendo  
Ministerio S. sub præsidio Eximii Theologi J. ROD.  
RODOLPHI adversus personatos Literaturæ & ele-  
gantioris Doctrinæ hostes publice defendit: Dignam ju-  
dicavimus, ut omnia sunt, quæ ab acri & limato doctissimi  
Viri ingenio profecta sunt, quam ab oblivione & interitu  
assertam hic denuo typis exscriptam publicaremus. P. B.

quid falsum, ignorat; naturalia à supernaturalibus distinguere nescius proprio judicio nunquam stat, alieno semper utitur; & quia rerum causas nescit, metuit, quæ minime metuenda, & vicissim spem haurit, ubi nullus locus spei. Ita à quovis vento facile circumagitur, astutusque, ingenio & eloquentia pollens homo, qui aliorum errores in lucrum suum vertit, illorumque credulitate abutitur, sine ullo labore huic imperito, quæ vult, persuadet; metu inani sæpius illum terret; sæpius etiam spe vana lætat; ducit cæcum quo vult.

Nondum litteræ fuerant inventæ, infinitæ fabulæ jam tum erant. Tristis ignorantia toti incubuit orbi; exoptatum superstitioni tempus, quo miseris mortalibus ingenii vires nunquam tentantibus persuasit, quæ voluit. Nondum Pythagoras suos numeros invenerat; Leucippus & Democritus suas atomos; illarum inclinationem Epicurus; nondum Thales principium omnium rerum aquam dixerat; Plato mentem; nondum Anaxagoras suas hoëmèrias excogitaverat, & veram Eclipsium rationem tradiderat; nondum de vita recte instituenda disseruerat Socrates; nondum Demosthenes eloquentiæ vi Athenienses flexerat, quo voluit; nondum sublimis Sophocles, & divinis in horrida caverna compositis Tragædiis Euripides, spectatores variis turbarant affectibus; nondum Pyrrho, Arcefilas & Carneades dubitationem in Philosophiam invexerant, cum jam triceps Cerberus latratu suo horribili tristes umbras terreret; cum furiarum angues rigentes sibilarent; cum miser Tantalus in medio aquarum sitiret; cum jam severissimus Rhadamantes & incorruptibilis Minos inferis jus dicerent. Hæc omnia ante literas fuerunt inventa: nullis literis, nec bonis artibus ullis imbutæ hætenus mentes hominum, jam infinitis captæ erant superstitionibus.

*Jam*

*Jam tum relligio pavidos terrebat agrestes. (a)*

Invalescente deinde literarum amore horum pleraque in fumum abierunt, ad meticulosas anus, pueriles animos rejecta fuerunt & ad imperitum & indoctum vulgus.

Falsarum religionum nulla est, quæ non tenebri-  
cosis seculis orta, & per ignorantiam stabilita aucta-  
que sit. Romanis scilicet olim pastoribus, indoctis  
& feris, nihil est, quod persuaderi non potuerit, ac  
dici vix potest, quanta animi levitate pro veris quid-  
vis acceperint. Jactat nempe Romuli mater, quia  
culpæ causa honestior Deus erat, ut Livius inquit,  
se à Marte compressam Romulum & Remum pepe-  
risse: statim fidem invenit. Affirmat Faustulus pa-  
stor gemellos hos expositos à lupa fuisse nutritos:  
creditur. Narrant postea Patres, occisum ab ipsis Ro-  
mulum, vi tempestatis & maximo turbine in cœlum  
fuisse raptum: cum applausu audiuntur. Prodit in  
concionem Julius Proculus, Romulumque sibi ap-  
paruisse nuntiat. *Mirum, inquit Livius, (b) quantum illi  
viro nuntianti hæc fides fuerit: quamque desiderium Romuli  
apud plebem exercitumque, facta fide immortalitatis, leni-  
tum sit.*

His tam levitet creditis, jam audentior factus,  
qui religionem & pietatem præ se ferens, dominan-  
di libidinem astute tegebat Numa Pompilius; & jam  
de facilitate credentium securus, majora aggreditur.  
Asperis enim illis & feris animis frænum iniiciendum  
ratus, Deorum metus ingerit; superstitionibus du-  
ros homines terret; secreta colloquia non tantum,  
sed & connubium cum Dea Ægeria comminiscitur;  
& qua facilitate illis de hac Dea sua figmentum, ea-  
dem reliqua omnia persuasit: nempe & ignem æter-  
num, & Palladium & cœlestia arma Ancilia, impe-  
rii

Tom. IV.

Ec

rii

(a) Virg. Æneid. lib. 1. (b) Lib. 1.

rii arcana, & dies fastos nefastosque, & ceremonias omnes Deorum, & sacrificia & locos sacris faciendis, & sacerdotes, & iusta funebria; & prodigiorum interpretamenta & infinita alia. His figmentis splendida Romanorum religio ortum debet: quæ postea dictis convellere, summum fuit nefas, summa blasphemia. Ita qua animi levitate ignorantiaque primum suscepta, etiam deinde propagata fuerunt.

Quin etiam veneranda & celeberrima Hetruscorum disciplina, quæ non semel summam imperii Romani Majestatem, fascesque ejus ante pedes suos projectos vidit, inter rusticos nata est. Pudendus ejus ortus, in credulitatis humanæ opprobrium adduci posset, si instituti nostri ratio id pateretur. Videatur Cicero. (c.) Auguria non minus ruricolis ortum debere, satis verosimile est. Idem dicendum de superstitionibus Ethnicorum omnibus.

De Muhamedanorum religione, idem rursus affirmari potest. Illam enim seculo ad Barbariem vergente in Arabiæ desertis, inter prædones ortam, constat: & unde originem, indidem etiam incrementum habet; ab ignorantia cœpit; ab ignorantia robur sumit. Callidus enim impostor palantibus, vitamque raptô tolerantibus, agrestibus, nullis bonis literis imbutis, quæ voluit, facile persuasit; sentiensque quantum rebus suis momentum afferat ignorantia, literas in perpetuum exulare iussit; vetuit de religione unquam disputare. Hoc rationi veritati obice semel positô, per tot jam sæcula felix stat falsa ejus religio.

Una religio Christiana præ cæteris omnibus gloriari potest, se florentibus literis natam, stabilitam, restauratam esse. Tempore enim quo victores Romani torum orbem habebant, quo literæ, subactâ Græciâ, Romam fuerunt apportatæ; quo amore & ingen-

(c.) De Divin. Lib. 2.

ingenti eruditionis desiderio fuerunt accensi ; quo urbanitate ac humanitate mentes limârunr agrestes ; quo victricia arma per Asiam & totum circumferentes orbem , populorum humaniorum commercio fuerunt politi , Philosophiæque , Oratoriæ , &c. studium vige-  
bat maxime , prædicata est Sancta nostra religio , & cooperante Spiritu S. summò cum applausu recepta , incredibilique propagata successu.

Duravit religionis splendor , quamdiu literarum duravit amor : Cedente illo ignaviæ , cessit etiam errori veritas. Quo magis invalescebat ignorantia , eo magis etiam in animos hominum descendit dira superstitio ; atque in immensum aucta , cum socia Barbarie rem tandem eo perduxit , ut miserum orbem spissis merferit tenebris , testes Dei fideles in sacris Prophetare coegerit , ablatò candelabrò furem in domum Dei introduxerit ; qui religionis faciem fœdè deformavit , sacrilegò impetu in jus Dei involavit , miseroque modo turbavit omnia. Renascente deinde literarum amore , & ex Græcia postliminio reducto rursus , tenebris pulsas , nitere cœpit religionis puritas. Ut igitur Barbaries superstitioque individuo nexu hærent , ita amicò vinculo junguntur semper literarum amor sanaque religio. Idque haud abs re , nec enim lux contraria est luci , nec veritati veritas. Vera nostra religio non ignorantiae tenebras cum superstitione quaerit , sed aperta mentis luce gaudet.

Κλεπῶν γάρ ἡ νύξ, τῆς δαλνθίας τὸ φῶς. ( d. )

Nox enim furum , veritatis vero lux est.

Et si hæc manifesta satis sint , multi tamen etiam ex nostris , bona quidem intentione alii , alii ignorantiae invidiam miscentes , desidiæque præsidium quærentes , Philosophiæ , Oratoriæ , operam dare ,

Ec 2

elegan-

( d. ) Eurip. Iphigeniæ in Tauris Orestes.

elegantiori literatura mentem limare, Christiano in dignum esse, magnum ex studiis humanioribus periculum religioni imminere; sua exteris relinquenda, nec profana Sacris jungenda, exotica omnia ne legenda quidem, multo minus in Sanctuarium inferenda, continuo fremunt, in literas, quæ in tam clara luce nos posuerunt, ingrati; injurii in religionem quantum fieri potest maxime.

Ego, quæ singula *καίτοις ἰδίῳ* peragit, divinâ providentiâ rerumque eventu edoctus, securus auctoritatem magni Pauli, Patrum primitivæ Ecclesiæ, beatorumque Reformatorum, existimo, tantum abesse, ut studia exotica religioni noceant, ut potius valide illam confirment, eique ornamento sint maximo: tantumque abesse, ut sint negligenda, ut potius ex illis, quæcunque ad illustrandam S. Scripturam, ad usum Ecclesiæ ejusque ædificationem facere possunt, sint adducenda. Idque occasione argumenti, *De Spoliis exteris ab Israëlitis ereptis Deoque dicatis*, mihi præscripti, demonstrare laboro. Habebit ergo præsens Dissertatio duas Partes: Altera consideranda nobis dabit, per summa tantum capita, quæ Israelitæ ex hostium spoliis Deo sacrarint: Altera, quæ nobis ex spoliis exterorum Deo dicare liceat, ostendet. Adsit cœptis nostris summum Numen.

## PARS I.

Quodcunque hosti detrahitur Spolii nomine venit. Hebr. שׁוּלל significat Spoliare, denudare, hinc שׁוּלל nuditas שׁוּלל יַצִּים שׁוּלֵךְ *ducens consiliarios denudatos, sive sine consilio*, Job. 12: 17. Distinguebant Latini inter *Spolia & Manubias*. Spolia erant, quibuscunque hostem privavit hostis; hinc *vitâ, libertate, bonis spoliare*: Manubiæ vero argentum ex venditis spoliis redactum, quod vel in ærarium tulerunt, vel ad rem-



templa, Diis ante prælia, aut in ipsa acie vota, extruenda, vel in dona illis portanda, vel ad arcus triumphales erigendos, &c. impenderunt. Habebant etiam Romani *opima* sua *spolia*, quæ dux detraxit duci, quæque Jovi Feretrio (vel à feriendo, vel potius à donis ipsi latis sic dicto) sacrarunt. Ter tantum, stante Republica, hoc contigit. (e.) Prima opima spolia Romulus, cæso manibus suis Rege Cininensium, Jovi Feretrio tulit. (f.) Trecentis postea annis, Cor. Cossus, Tribunus militum, de Rege Vejentum Larte Tolumnio sacravit spolia opima Jovi. Tertia Cl. Marcellus de Britomaro Gallorum Rege dicavit. Eum, inquit, Plutarchus (g), ante prælium προσεύξασθαι τῷ Φερετρίῳ Διι καὶ λίσσασθαι τῶν παρὰ τοῖς πολεμίοις ὀπλῶν καθιερωσθαι, novisse, *pulcherrima inimicorum arma Jovi Feretrio sacrare*. Eundem deinde, viso Britomaro Gallorum Rege, fulgentibus superbiente armis, equum statim in illum convertisse, occisum exuisse armis, manusque cum spoliis cælum versus tendentem Jovem Feretrium ita allocutum esse: Μαχτύρομαί σε ῥωμαίων τρίτος ἄρχων ἄρχοντα καὶ βασιλέα στρατηγὸς ἰδίᾳ χειρὶ τὸν δὲ τὸν ἄνδρα κατεργασάμενος καὶ κλέιναι σοι καθιερεῖν τὰ πρῶτα καὶ καλίσσα τῶν λαφύρων. *Testor te, quod ex Romanis Imperatoribus tertius ducem & Regem dux, propria manu tollens atque occidens, tibi consecrem Spoliorum prima atque pulcherrima*. Hæc spolia maxima pompa deinde Templo Jovis Feretrii illata.

Distinctionem etiam faciebant Græci inter λάφυρα & σκύλα annotante Grotio. (h.) Illa erant publica, quæ populo vel summo imperanti cedebant, quæque post certamen erant detracta; hæc vero erant singulorum, quæ durante certamine eripiuntur hosti. Ex illorum numero erant, quæ Alexander Persis detraxit, quibusque honestissimam inscribere iussit intercrip-

E c 3

tio-

(e.) Liv. Lib. 1. (f.) Idem. Lib. 4. (g.) In Vita Marcelli. (h.) De Jur. P. & B. Lib. 3. cap. 6. 24. 4.

tionem (i.) Ἀλεξάνδρος ὁ Φιλίππου καὶ οἱ Ἕλληνες πλὴν λακεδαιμονίων ἀπὸ τῶν βαρβάρων τῶν τὴν Ἀσίαν κατοικούντων. *Alexander Philippi, Græcique, exceptis Lacedæmoniis ab Asiæ inhabitantibus Barbaris.*

Hostes spoliare jure gentium omnium licet (k.): Νόμος ἐν πᾶσιν ἀνθρώποις αἰεὶ ἔστιν, ὅταν πολεμούντων πόλις αἰὼ τῶν ἐλόντων εἶναι χρήματα. *Æterna lex est inter omnes, hostium urbs cum capitur, capientium esse res. Cum enim extrema mihi intentet hostis, extrema etiam inferre licet; hinc Anus apud Euripidem. (l.)*

• • • ὅταν τις πολέμους θεᾶσαι κακῶς  
Θέλη τις, εἰδὲς ἐμποδὼν κεῖται νόμος

*Quando quis hostes male mulcere vult, nulla lex impedimento est. Cui majus licet, ipsi licet etiam minus. Hostem vita private possum jure, quidni spoliare ipsum etiam possem omnibus, quæ præ vita vilia sunt. Cæsar apud Lucanum ita milites suos alloquitur (m)*

- - - arma tenenti  
*Omnia dat, qui justa negat* - -

Hinc etiam Deus jus prædæ non improbat, sed Israëlitis urbem pacem repudiantem, expugnatam deinde, diripiendam dat. (n.) *Mulieres tantum & infantes & pecus omne, quod in illa civitate erit, omne spoliū diripies tibi, & edes prædam inimicorum tuorum, quam dederit tibi Jehovah Deus tuus.*

Solicite jam inquirere nolumus, cui spolia acquirantur, an singulis capientibus, an vero populo, vel summo imperanti. Distinctionem facit Clariss. Grotius (o) inter illa, quæ in publico ministerio aperta acie, sub Imperatoris ductu hosti detrahuntur, & inter

(i.) Plut. in Vita Alex. (k.) Xenoph. Lib. 5. de Instit. Cyr. (l.) Trag. Jon. (m.) Lib. 1. (n.) Deut. 20: 14. (o.) De Jur. P. & B. Lib. 3. c. 6.

inter illa, quæ quis durante bello, non in procinctu stans, palanti ex. gr. hosti eripit; Illa populi esse, hæc singulorum capientium. Sed hanc distinctionem nostram non facimus.

Nec enumerare volumus, in quos diversos usus spolia cesserint; variantibus circumstantiis & legibus, variabant etiam hi usus. Sæpius integra in ærarium fuerunt redacta, ut videre est passim apud Livium. Sæpius diripienda tradita militibus, Captis Vejis rapiebant omnia milites, nihil in ærarium à Camillo redactum præter argentum ex captivis. Nonnunquam militibus distributa, idque vel secundum merita, vel secundum stipendia. Aliquando pars data iis, qui sarcinarum custodiam habuerunt, quod fecit David 1. Sam. 30. quodque postea in morem transit. Aliquando dimidiam prædam accipiebant, qui in expeditione fuerunt, dimidiam universus populus. Talis partitio fuit spoliolum Midianiticorum Num. 31. Sæpius sociis pars data. ex. gr. (p.) Ætolis in bello socio cum Romanis contra Philippum urbes & agri, Romanis autem captivi & res mobiles cedebant. Nonnunquam etiam viduis, pupillis senibusque 2. Macch. 8: 28. 30. Sæpius etiam pars prædæ illi, quem honorare voluit victor, missa; Id fecit David ex præda Amalekitarum Senioribus Judæ partem mittens, dicendo הנה לכם ברכה משלל איבי יהוה (q.) *Ecce vobis benedictionem ex præda hostium* Jehovah. Idem fecit Alexander M. victis ad Granicum Darii ducibus. (r.) ἴδια μὲν τοῖς Ἀθηναίοις ἐπέμψεν τῶν αἰχμαλώτων τριακοσίας ἀσπίδας; nam misit Atheniensibus in proprium trecentos captivorum clypeos. Sæpius etiam spoliolum pars Deo sacrata, & hoc est, quod accuratius nobis considerandum, figentibus tamen in transitu paulisper pedem.

E c 4

Emi.

(p.) Liv. Lib. 28. (q.) 1. Sam. 30: 26. (r.) Plut. in Vita Alex.

Eminentiam Dei infinitam quotus quisque considerat, quæ à miseris mortalibus sacrari ipsi solent, nimum humana imbecillaque inveniet esse omnia. Plerique enim, præcipue qui revelationem ducem non habent, ad immensum illud intervallum, quo Creator creaturaque distant, animum non advertentes, illum ex se ipsis judicant. Quo ab affectibus suis abripiuntur, eodem Numen abripi sibi imaginantur: falsissime. Transferunt in Deum necessitudines suas, curas, voluptates, omnia; illumque modo, quo ipsi coli vellent, colunt. En vesanas illorum cogitationes. Donis apud mortales omnia pervia vident; hinc donis & ipsos Divos flecti posse autumant. Quid absurdius? Et famam, & fidem, & virtutem, & omnia spernunt homines præ divitiis; propterea nec Deos easdem aspernari putant: nihil insulsius. Ut pectus gaudio suffusum haberent! ut exultarent! ut serenâ fronte acciperent! si quis fulmen, pateram, coronas aureas dono illis ferret. Ut pacatos se redderent etiam inimicissimis, si tam ponderosa reconciliatio adhiberetur! Non minus ergo Numen similibus donis sibi devincire, iratumque placari posse sperant. Quæ dementia? Non cogitant, nihil nisi luxuriam cum socia vanitate divitias desiderabiles facere, & ne sapientem quidem hominem, naturam intra justos suos limites arctantem, illis obnoxium se dare, multo minus Deum immortalem, nullius rei indigentem, illis moveri posse.

*Dicite Pontifices in Sancto quid facit aurum. (s.)*

*Nempe hoc quod Veneri donatæ à virgine pupæ*

Paciscuntur homines inter se, cum Numine non minus pacisci volunt stulti, des ut dem, dicunt. Nihil gratis faciunt, ita dii (t.) ὅθεν ὡς ἔηκεν ἀμωδί ποιῶσιν, ὧν ποιῶσιν. Ἀλλὰ πολλοὶ τοῖς ἀνθρώποις τ' ἀγαθὰ, καὶ ἐν τῇ  
πρίᾳ.

(s.) Perf. Sat. 2. (t.) Lucian. περὶ θυσίων.

πρίσθαι παρ' αὐτῶν, τὸν μὲν ὑγιαίνειν εἰ τύχοι βοιδίᾳ, τὸν δὲ πλατεῖν βοῶν τετάρσιον, τὸν δὲ βασιλεύειν ἑκατόμβης. Τὸν δὲ σῶον ἐπανελθεῖν ἐξ Ἰλίου εἰς πύλον ταύρων ἐννέα. Καὶ τὸν ἐκ τῆς Αὐλίδος εἰς Ἴλιον διαπλεῦσαι παρθένη βασιλικῆς. *Nihil ut videtur, horum quæ faciunt, sine mercede faciunt, sed vendunt hominibus bona: licetque ab ipsis emere sanitate frui si contingit bucula: divitem evadere, bubus quatuor: Regnare, hecatombe: Salvum verò ex Illo in Pylum redire, tauris novem: & ex Aulide in Ilium trajicere Virgine regia.*

*O curvæ in terras animæ & cœlestium inanes  
Quid juvat hoc: Templis nostros immittere mores,  
Et bona diis ex hac scelerata ducere pulpa. (u.)*

Hinc etiam Deus O. M. manifestæ puerilitatis omnes damnat, qui sacrificiorum oblatione donisque externis illum moveri posse existimarunt Psalm. 50. Esaj. 1. &c.

Interim tamen etiam, quæ ex bonis nostris caducis ipsi sacrantur, modo id fiat animò, quò fieri debet, non rejicit. Non lapides pretiosos, non aurum, non argentum, non boves, non agnos respuit: Quæ ex propria substantia, imò etiam, quæ & aliena sunt, ex spoliis hostium suorum & Ecclesiæ, quæ summa ejus est condescendentia, non fastidit. Scilicet cum homine humano more agit; accipit, quæ dare potest, cum meliora non possit. Non tamen dona respicit, ut jam dictum, sed donantis animum. Israëlitarum, qui tam pronò animò contulerunt aurum, argentum, reliquaque omnia ad Tabernaculi structuram, fidem gratam habuit, non materiam. Lætantem Davidis animum, quod dignus habitus sit, qui tot auri argentique, ex hostium spoliis, talenta, ad Templum, Christi typum, extruendum conferat, respexit, non auri argentique pondus. (x.) Πίσει πλεον.

E c 5

(u.) Pers. Sat. 2. (x.) Hebr. 11:4.

να θυσίαν Ἀβὲλ παρὰ Κάιν προσήνεγκε τῷ Θεῷ, Pro fidei magnitudine valebant dona, non pro rei pretio. Hinc fideles, quærentes, quid Deo dignum offerant, tale responsum tulerunt: (γ.) *Indicavit tibi, ὁ homo, quid bonum; & quid Jehovah requirat à te, scilicet, iudicium facere, diligere gratiam, humiliterque ambulare cum Deo tuo.* Senferunt id etiam Gentilium Sapientiores, etsi lumine naturæ tantum ducti. (ζ.) Ἡγὰρ δὲ τὰτο εἶναι θύ-  
μα κάλλιστον καὶ θεραπείαν μεγίστην, εἰάν τις βέλτιστον καὶ δι-  
καιότατον σεαυτὸν παρέχῃς. Μᾶλλον γὰρ ἐλπίς τὴς τοιούτης,  
ἢ τὴς ἱερεῖα πολλὰ καὶ ἀβαθύνοντας πράξειν τι παρὰ τῶν Θεῶν  
ἀγαθόν. Hoc enim sacrificium pulcherrimum cultumque ma-  
ximum esse puta, cum quam optimum justissimumque te ip-  
sum exhibes: Major enim spes est horum, quam illorum qui  
multa sacrificia offerunt, vota à diis exauditum iri. Idem  
dicit Seneca: (α.) *Nōn est ergo beneficium ipsum, quod  
numeratur & traditur, sicut nec in victimis quidem, licet  
opimæ sint, auroque præfulgeant, Deorum est honos, sed piâ  
ac rectâ voluntate venerantium.* Ita etiam Israëlita, quo-  
ties, profligatis hostibus, præsentissimum Numinis  
auxilium experti, lætantes in propugnaculo suo, in  
arce, in turri sua validissima, prædaque onusti do-  
mum redierunt Deoque spoliiorum partem cum fide  
gratoque animo sacrarunt, gratum id haud dubie  
habuit Jehovah Zebaoth.

Redeat jam nostra, unde digressa est, oratio. Quæ  
ex hostium Spoliis Deo dicabantur, fuerunt homines  
captivi, armenta & greges, quæ Græci *λείαν*, cum pro-  
prie loquuntur, vocant, res immobiles & mobiles.  
(b.) Abrahamus ex præda, quam Kederlaomero so-  
ciisque ejus eripuit, decimam Sacerdoti Dei altissimi  
Melchisedeco dedit. Idem fecit Camillus ex spoliis  
Vejorum decimam partem Apollini vovens. (c.)  
*Cumque Tribuni militum aurum non invenirent, matronæ*  
Roma-

(γ.) Mich. 6: 8. (ζ.) Isocrat. ad Nicetel. (α.) Lib. 1.  
cap. 6. de Benef. (b.) Gen. 14: 20. (c.) Livius Lib. 5.

*Romane communi decreto pollicita Tribunis militum aurum, omnia ornamenta sua in ararium detulerunt . . . Pondere ab singulis auri accepto, aestimatoque, ut pecunia solverentur, crateram auream fieri placuit, quæ donum Apollini Delphos portaretur. (d.)* Ita Cartalo Malei ducis filius à Carthaginensibus missus, qui decimas Herculi Tyrio ex præda Siciliensi, quam pater ejus ceperat, ferret.

Ex Midianiticorum spoliis parte, quæ duodecim illis, qui expeditionem fecerant, millibus cesserat, quingentesimam sibi vindicavit Deus, quæ ovium 675. boum 72. asinorum 61. hominum 32. summam confecit. Ex altera parte, quæ universo cessit populo; quinquagesimam Levitis ministris suis partem dari voluit. Præter hæc Tribuni militum Centurionesque, quæ hostibus detraxerunt, monilia, ornamenta, vasa aurea sanctuario intulerunt, in perpetuum victoriæ gratitudinisque suæ erga Deum, quod nemo ex illis in acie ceciderit, monumentum. Ponderus auri hujus 16750. siclorum fuit. Ita etiam Græci αἰρεῖσιᾳ sua diis dicarunt in vanitatis sæpius quam pietatis gratitudinisve documentum. Ejusmodi fuit tripas aureus à Pausania post pugnam apud Platæas Apollini sacratus cum hoc Epigrammate.

Ἑλλήνων ἀρχηγὸς ἐπεὶ στρατὸν ὤλεσε Μήδων

Παυσανίας Φοῖβω μῆμ' ἀνέθηκε τόδε

*Græcorum Dux Pausanias, quod Medorum deleverit exercitum, Phæbo monumentum hoc posuit. (e.)* Superbiam hanc inscriptionem exsculperunt Lacedæmonii, neque aliud scripserunt, quam nomina earum civitatum, quarum auxiliò Persæ erant victi. Ita etiam Athenienses Delphis posuerunt (f.) Παλαῖδιον χρυσῶν ἐπὶ Φοῖνικος Χαλκῆ . . . ἀνάθημα τῆς πόλεως ἀπὸ τῶν Μηδι.

(d.) Justin. Lib. 18. c. 7. (e.) Corn. Nep. Paul. c. 1. (f.) Plut. in Nicia.

Μηδικῶν ἀργείων. *Palladium aureum super palmam æneam, donum civitatis ex Medorum spoliis.*

Moris fuit fere apud omnes gentes devictorum hostium arma Numini sacrare in Templisque suspendere. Gladius Goliathi vestimento involutus in sanctuario positus fuit; (b.) haud dubie in perpetuum monumentum tam insignis certaminis auxiliique divini. Sic etiam Philistæi post infelicem Israëlitarum cladem arma Saulis posuerunt in domo idoli sui Astarot. Ad hunc morem respexit Virgilius (i)

*Multaque præterea sacris in postibus arma:  
Captivi pendent currus, curvæque secures,  
Et cristæ capitum; & portarum ingentia claustra,  
Spiculaque, clypeique, ereptaque rostra carinis.*

Ad eundem morem allusit forsan divinus Canticorum Scriptor Cant. 4: 4. *Ut turris Davidis collum tuum ædificata in molem pinnarum. Mille clypei pendunt ex ea, omnis armatura fortium.* Lucanus (k), ubi Scævam fortissimum alloquitur occisum.

*Non tu bellorum Spoliis ornare Tonantis  
Templa potes*

Hinc Romani post Cannensem cladem ad socios Latinumque nomen ad milites ex formula accipiendos mittunt, arma, tela, alia parari jubent; (l.) *Et vetera hostium spolia detrahunt templis porticibusque.* De spoliis optimis jam suprâ diximus. Idem obtinuit apud Græcos. (m.) Argis in Templo Cereris Pyrrhi Epitotarum Regis scutum, qui in Argorum expugnatione tegula caput ictus periit, affixum cernebatur.

Sic

(g.) 1. Sam. 21: 10. (h.) 1. Sam. 31: 10. (i.) Æneid. Lib. 7. (k.) Lib. 6. (l.) Liv. Lib. 22. (m.) Pausan. in Corinth.



Sic in Templo Junonis prope Mycenae positum est illud scutum, quod Euphorbo Menelaus in bello Trojano eripuit. (n.) Insignem adhuc locum ex Plutarcho adduxisse juvabit, quo Græcorum hac in re consuetudo manifesta satis fiet. (o.) *Simulque cum fama victoria Timoleon Corinthum misit captorum armorum pulcherrima; patriam suam hominibus, qui spectarent, omnibus desiderabilem esse volens, ἐν ἐκείνῃ μόνῃ τῶν ἑλληνικῶν πόλεων τῆς ἐπιφανέστατης ναῦς, ἣ καὶ ἑλληνικοῖς κεκοσμημένης λαφύροις.* In Græcarum urbium una illa celeberrima Tempora non Græcis exornata spoliis, neque à cognatorum cade & contribulium donis recordationem ingrati habentia, sed barbaricis spoliis, pulcherrimis Inscriptionibus significantibus cum fortitudine etiam victorum justitiam: Quod Corinthii & Timoleon Imperator, Græcos Siciliam habitantes cum liberarent, à Carthaginensibus gratitudinis dona diis posuerint.

Universa aliquando præda Deo cessit: factum id fuit in expugnatione Jerichuntis; devovit enim Josua infelicem civitatem Jehovæ his verbis (p.) והיתה חרם היא וכל אשר בה אשר ליהוה *Et sit civitas hæc devota, & omne quod in illa Jehovæ.* חרם sive ἀνάθημα, vel Deo penitus sanctificabatur, vel destruebatur ut abominabile quid; utrumque locum habuit in destructione Jerichuntis; opes omnes Deo sanctificabantur, illatæque sunt in thesaurum Jehovæ נתנו אוצר בית יהוה *dederunt in thesaurum domus Jehovæ.* (q) Interneccioni contra dabatur quodcumque spiritum habebat. Sic Israëlitz contra Regem Arad votum nuncuparunt: si dabis populum hunc in manum meam, devovebo civitates ejus. Num. 21. Homo devotus redimi non poterat, sed morte mulctandus erat secundum legem Lev. 27: 29. Idem rursus obtinuit apud exterarum gentes. Hermunduri Cattorum aciem Marti

&

(n.) Idem Ibid. (o.) Plutarch. in vita Timoleon.

(p.) Jos 6: 17. (q.) v. 14.

& Mercurio sacravere quô votô equi, viri, omnia hostium occidioni dantur. Cremabantur arma, diis ab Imperatoribus devota. (r.) Ita P. Æmilius peractô bellô Macedonicô clypeis areis in naves impositis cetera omnis generis arma cumolata in ingentem acervum precatus Martem, Minervam Lucinamque matrem & ceteros Deos, quibus spolia hostium dicare jus fasque est, ipse imperator face subdita succendit. (s.) Ita olim Tarquinius spoliis hostium (votum id Vulcano erat) ingenti cumulo accensis pergit &c.

Nuncupari quidem potuerunt vota, sed non promiscue & pro cujusvis lubitu. Quibus res cedebant devotæ, Sacerdotum erat pronuntiare, an rite sint peracta. Hinc iterum apud Romanos, Consules priusquam paludati in hostes exirent, vota præeunte Pontifice concipiebant; Formulam nuncupari à Senatu voti præeunte Pontifice Max. nobis suggerit Livius: (t.) SI DUELLUM QUOD CUM AN: TIOCHO, &c. Collegium quoque Pontificum de votis cognoscebat. Nec Lex supra allegata eò exerdi debet, ut votis sæviri potuerit in innoxium quodvis caput. Devoveri poterant; sed supplicio digni. Non satis securitati publicæ cautum fuisset, si vita ex. gr. filii servique ab absoluto patris & domini, quod sæpius stimulante irâ, aliove affectu in transversum abripitur, arbitrio pependisset. (u.) *Periculosum fuisset in tot humanis erroribus solâ innocentia vivere.* Intervenire debuit autoritas publica, antequam quis ritè devoveri potuerit. Hinc temerarium fuit Jephthæ votum. Hebræique nominatam legem de Ecclesiæ hostibus interpretantur, præcipuè de septem illis populis à Deo internecone & totali destructione damnatis.

Durum quidem videtur gentem ab alia gente, quam nunquam laceessivit nec injuria affecit unquam, cujus

(r.) Liv. Lib. 45. (s.) Idem Lib. 1. (t.) Lib. 36,

(u.) Liv. Lib. 1.

cujus contra Majores advenas benigne excepit tolleravitque, sedibus suis pelli : eandem ab altera opibus omnibus spoliari durum : durum integram nationem devoveri letoque promiscue omnes dari ; hinc durissimum miseros infantes parentum ruinæ involvi, fatumque imbecillis senum mulierumque turbæ, quibus victores etiam sævissimis sæpius parcere solent, violento præcipitari casu, extinguique quodcunque spiritum habet. Haud dubie Israëlita non se tuebantur jure naturæ & lege fortioris, quâ se apud Legatos Romanos quærentes, quare Clusium oppugnaret, defendere conatur Brennus : ἀδικῶσιν ἡμᾶς ἔφη κλισίνοι, γῆν καὶ χώραν ὀλίγην μὲν γεωργεῖν δυνάμενοι, πολλὴν δὲ κατέχειν ἀξιοῦντες καὶ μὴ μεταδιδόντες ἡμῖν ξένοις ἔσι καὶ πολλοῖς καὶ πέ-  
 γεσι ; injuria, inquit, nos afficiunt Clusini, quod terram & regionem exiguam colere cum possint, amplam tamen possidere velint, nec partem dare nobis, qui & peregrini sumus, & multi, & pauperes : (x) Idem, quod ipse faciat, fecisse Romanos in multas gentes τῷ πρεσβυτάτῳ τῶν νόμων ἀκολυθῶντες, ὅς τῳ κρείττονι τὰ τῶν ἡττιόνων δίδωσιν, ἀρχόμενος ἀπὸ τῷ θεῷ καὶ τελευτῶν εἰς τὰ θηρία. Antiquissimam legum sequentes, quæ potiori det, quæ sunt infirmiorum, incipiens à Deo exiensque in bestias. Sed expresso Dei mandato tueri se potuerunt. Exscindere gentes has funditus jussit justissimus judex, illorum erat, mandata ejus exequi. Deus est Dominus totius terræ, dat regiones, dat regna, cui vult : auferre voluit terram Canaan his populis ; juste id potuit. Dominus supremus est opum, quas quisvis possidet ; mea sunt, quæ possideo, quamdiu summus hic rerum arbiter mea esse vult ; sed simul ac alterius esse vult, nihil juris in illa habeo amplius. Exscindere illos non jussisset, nisi meruissent exscindi : ad summum enim nequitiae culmen eos pervenisse, inde patet, quod Deus eos obduravit, ne pacis condiciones acciperent : at neminem

(x.) Plut. in Vita Camil,

nem obdurat, qui non ante se ipse obduravit. Ruinæ parentum involuti sunt miseri infantes : hinc Deus jus suum parentum peccata in liberis puniendi probat. Æternæ mortis rei erant parvuli hi omnes, cur temporali vitâ privari non potuissent. Tandem severissimum simul ac justissimum hoc judicium æternò gentibus omnibus documentò est, longanimitate Numinis abutendum non esse.

Concessit quidem, quod gentes omnes usurparunt, jus prædæ Israëlitis summus Deus ; hostium spolia in usum suum convertere, imò & Deo sacrare poterant, sed non omnia. Memorabilem exceptionem facit Jehova Deut. 7:25. *Sculptilia Deorum illorum comburentis igne : Non concupisces aurum & argentum super illis neque sumes tibi ; ne forte illaqueeris in illo, &c.* Nempe Deus, qui cælum & terram fecit, præter quem alius nullus est, fuit Deus Israëlitis : hic peculium suum beare, bonisque omnibus cumulare statuit, in eoque gloriam suam posuit. Fuit אלה קנא *Deus Zelotes* ; adeo gloriam hanc alteri dare noluit, ut ne quidem ex falsorum Deorum destructione emolumentum quid ad Israëlitas redundare voluerit. Præterea idola fuerunt לילין *nihil ἄδὲν ἐστὶν ἐν τῷ κόσμῳ, nihil sunt in mundo* 1. Cor. 8:4. Hinc quia nihil repræsentarunt, aboleri ea jussit penitus. In idololatriam quàm maxime proni fuerunt Israëlitis : Trophaum Gideonis, bona quidem intentione ex hostium manubiis erectum in decipulam illis cessit ; quid non fecissent, si gentilium idola domibus suis inferre licitum fuisset : hinc omnem peccandi occasionem eis eripere voluit optimus pater, destructioneque idolorum significare, nihil unquam boni ab illis expectandum esse. Contrarium fecerunt, qui non Rempubli- cam religioni, sed religionem Reipublicæ accomodarunt Romani. Hi pro religione nunquam, pro imperio semper decertarunt : & ut victi jugum inviti, sic

fic victores religionem devictorum lubentes suscep-  
runt : inimicorum Deos ad se evocarunt, ut F. Ca-  
millus Vejos obsidens. (γ.) *Te Juno Regina, inquit,*  
*quæ nunc Vejos colis, precor, ut nos victores in nostram, tu-*  
*amque mox futuram urbem sequare : ubi te dignum amplitu-*  
*dine tua templum excipiet.* Capta urbe delecti ex omni  
exercitu juvenes, pure lotis corporibus candida ve-  
ste, summâ reverentiâ Junonem Romam deporta-  
runt, ædes in Aventino ipsi extructa, &c. Solem-  
nem evocationis formulam si quis velit, adeat Ma-  
crob. Saturn. lib. 3. cap. 9. SI. DEUS. SI. DEA.  
EST, &c. Hæc fuerunt olim imperii arcana : nun-  
quam vetus Roma in tantam excrevisset magnitudi-  
nem, si ad sensus suos victos cogere omnes voluif-  
set : nunquam Ægyptii, Armenii, Syri, Græci cervi-  
cem submisissent, si terribile Inquisitionis Tribunal  
jam fuisset erectum, si contra naturam hominis, vi,  
ferrô, flammaque illis alios Deos persuadere voluif-  
sent Romani : nunquam tantum imperium tam diu  
stare potuisset, si Ægyptius non suam Isin, Phrygius  
bonam Matrem, Junonem suam Argæus, Mygdo-  
nius Rheam, Venerem Paphius, Cretensis Jovem,  
populi quivis Deos suos patrios Romæ invenissent.  
*Hæc in transitu.* Non tamen semper Deorum imagi-  
nes asportarunt. Fab. Maximus oblatiis opibus & di-  
vitiis Tarentinorum (ζ.) τὰ ἀγάλματα μένειν ἵασεν *ima-*  
*ginés manere permisit ; celebratum illud subjungens :*  
*ἀπολείπομεν γὰρ ἔφη τὰς θεὰς τὰς τοῖς ταραντίνοις κεχολομέ-*  
*ναις, relinquitur enim, inquit, hos Deos Tarentinis iratos.*

Non tantum idola Cananæorum aboleri, sed eti-  
am aras destrui, statuas confringi, lucos succidi &  
comburri jussit Deus Deut. 12 : 2. Eo ipso tamen vio-  
lentiam in religionis negotio non probavit. Fana &  
delubra idololatrarum destrui jussit, sed illorum, qui  
& ipsi extinguendi erant ; ad religionem Israëlitarum

Tom. IV.

Ff

pro-

(γ.) Liv. Lib. 5. (ζ.) Plut. in Vita Marcell.

profitendam Gentilium cogi jussit neminem; noluit æternum rerum ordinem subvertere; nunquam enim violentiâ, fustibus, igne veritas animis hominum ingeri potest, nec ulla vi humana alicui persuaderi potest, verum esse, quod verum esse minime credit. Terram sanctam inhabitare, populum ab idololatriæ labe purgatum habere, hinc cum incolis prioribus vestigia superstitionum omnia deleri voluit.

Spolia hostibus detracta lustrari debuerunt secundum expressum Dei mandatum Num. 31. v. 21. &c. Varias veterum lustrationes per ignem, sulphur, aquam, exponere jam non vacat. Dicemus tantum, quomodo spolia fuerint purificanda. Nempe, quæ ignem pati potuerunt aurum, argentum, æs, stagnum, plumbum, &c. igne purganda erant & מי נר *Aquis sceditatis* expianda. Quæ vero ignem non ferebant, traducenda fuerunt per aquam. Habuit haud dubie hæc ceremonia, ut reliquæ omnes, δηλωσιν suam πνευματικὴν; significabat, quæ Gentiles habent, impura esse omnia; hæc tamen illis erepta ab Israëlitis, etsi impura, recte tamen possideri, imo & Deo sacrari posse, modo purificentur. Purificatio illa fieri debuit per ignem & aquam sceditatis, sive quæ auferebat sceditatem. Aqua illa fuit ex fluento, post templi ædificationem ex fonte Gihon sumpta, mixtaque cum cinere vaccæ rubræ, de qua Num. 31. Macianda à sacerdote erat hæc vacca extra castra, stante templo, in monte olivarum, sanguis illius septies spargendus contra tabernaculum vel templum, corpus ejus comburendum per hominem purum ante sacerdotis oculos; Sacerdos in incendium conjiciebat lignum cedrinum, hyssopum, coccinum; vaccæ cineres colligebat vir purus extraque castra ponebat in loco puro. Aqua ergo cum hoc cinere mixtâ aspergendi erant, qui saucium gladio, aut mortuum, aut sepulchrum,

chrum, &c. attigerant. Significabat, sine dubio, aqua hæc, mundas illas aquas, quibus aspersurum se promittit Deus Israëllem Ezech. 36: 25. fontem illum apertum pro peccato & pro foeditate Zach. 13: 1. Sanguinem Christi pretiosum, qui, ut fideles purificabat ab omni peccato 1. Joh. 1: 7. ita impura, quæ possidebant, pura reddebat omnia. Docebat ergo hæc purificatio: quod hostes Ecclesiæ vicerint Israëlita, quod spolia illis detraxerint, salvique & triumphantes domum redierint, efficaciam sanguinis Christi esse; docebat, illis qui loti sint sanguine Christi pretioso & Spiritu promissionis sancto pura esse omnia, etiam quæ hostibus eripiuntur: docebat eodem sanguine, qui præ Abelis sanguine meliora clamat, aspergenda esse, quæ Deo sacrantur: nihil Deo gratum esse posse, quod sanguine hoc non sit purificatum. Igne purificanda erant etiam spolia; ignis sæpius Spiritus S. symbolum fuit. Linguae igneæ videbantur in Apostolis in effusione Spiritus S. Act. 2: 3. Promittebat Joh. Bapt. illum, qui post se sit venturus, baptizaturum fideles Sancto Spiritu & igne Matth. 3: 11. Igne ergo Spiritus lustranda erant spolia; implendi erant Israëlita fide & fiduciâ à Spiritu S. cum decertarent, fide spolia & spirituali lætitia Deo sacrandæ erant; tunc demum ipsi grata futura. Tendebat ergo hæc ceremonia ad roborandam fidelium in Salvatorem fidem.

Spolia, quæ Deo sacrabantur, in diversos usus fuerunt impensa. Sæpius sacerdotibus cesserunt: pars sæpius etiam Levitis, ut de spoliis Midianitarum; sæpius in thesaurum Jehovæ posita fuerunt, vel in perpetuum monumentum, qualia fuerunt Centurionum supra memoratorum; vel in varios Tabernaculi Dei usus. Memorabile cettæ est, quod pleraque Tabernaculi Templique vasa ex hostium spoliis fuerint confecta.

F f 2

(a) Tit. 1: 15.

fecta. Dubium nullum est auri argentique, quod Israëlita ad extruendum Tabernaculum obtulerunt, majorem partem ex Ægyptiorum spoliis fuisse. Ex tot iterum auri argentique talentis, quæ David ad Templum sacraverat, & ex quibus plurima confecta sunt vasa, major pars è spoliis hostium Ecclesiæ fuit. Hoc non sine ratione factum videtur; saltem Israëlita fideles inde amplam meditandi fidemque exercendi occasionem habuerunt. Sciebant Tabernaculum & Templum, ut corpus Christi, ita etiam Dei Ecclesiam significare, in qua spiritu suo & gratia habitare velit. Sæpius enim vocatur domus Dei קדש משכני עליון *sanctum habitationum altissimi* Psal. 46: 5. Sciebant ex altera parte promissionem Abrahamo factam, in ejus semine benedicendas esse omnes gentes terræ. Sciebant Japerum alliciendum in Semi tentoria Gen. 9: 27. Benjaminum sciebant vesperi distributurum spolia Gen. 49: 27. Conversionem ergo Gentium ignorare non poterant. Templum habere varias partes, vasa varia; ita etiam Ecclesiam ex variis vasis & membris constructam sciebant. Videbant plurima vasa in Templo ex spoliis hostium confecta, quidni etiam fide præsumere potuerint, in spirituali Dei domo multa olim vasa electa ex gentilibus, ex hostibus Dei futura: quidni spe sua se extenderint ad beatum illud tempus, quo paries intergerinus fuit tollendus & ex Judæis & gentibus non nisi unum ovile faciendum; ad illum idem, quo *Israël populi Dei tertia pars sit futurus cum Assure & Ægyptio, benedictio in medio terræ.* Sufficiant hæc quoad primam dissertationis partem.

## P A R S II.

De præda, quam Israëlita Deo sacrarunt, summatim egimus; restat, videamus, an & nobis hostium spolia in sanctuarium inferre liceat. Christianorum quivis, si hostem Christi & Ecclesiæ sub obedientiam



tiam fidei captivum ducere potest, haud dubie gloriam sibi ducet esse maximam. Rursus ex temporalibus, si, quæ hosti eripiuntur, in pios usus vertuntur, non male agitur. Fecit id Constantinus M. statuas idolorum aureas argenteasque Ecclesiæ donando, quæ postea illi à Juliano ademptæ, à Valentiniano & Gratiano restitutæ sunt. (b) Idem Constantinus Ethnicis Tempia ademit, & cum illis haud dubie etiam illorum reditus, Christianisque adjudicavit. Imitati id sunt alii Imperatores & Reges, hostiumque bona Ecclesiæ donarunt. Idem fecerunt reformati Principes in principio Reformationis, bona quibus Papiæ ad idololatriam & superstitionem abutebantur, in pios usus & ad Ecclesiæ ædificationem vertendo. Quo tempore impleta est ex parte Prophetia Esaïæ 23: 18. *Mercimonium (Tyri) & quæstus fiat Jehovæ, & non ponatur amplius in ejus thesauris, neque ab ea possideantur, sed sedentibus coram Jehovæ cedat &c.*

Occurrit hic quæstio, armis in utramque partem multique sanguinis profusione ventilata: an quæ Numini semel sunt sacrata, in profanos verti possint usus. Respondemus 1. Quæ hosti diversum Dei cultum habenti sacra eripiuntur, profana fiunt omnia. *Cum loca capta sunt ab hostibus, omnia desinunt sacra esse* ait Pomponius Juris consultus citante Grotio. (c) 2. Quæ Deo sacrantur omnia, eo ipso non desinunt esse publica: hinc etiam in usus politicos in casu necessitatis verti possunt; quod fecit Sulla, Pompejus, Cæsar, Heraclius, vasa Ecclesiæ in nummos vertens; fecerunt idem alii. 3. Si, quæ ad Dei cultum destinata fuerunt, in abusum cedunt, ad idololatriam propagandam, ad luxuriam cum desidia nutriendam &c. à summo Imperante ipso jure, quia publica sunt, in alia melioraque impendi possunt. 4. Bona sacra à

F f 3

socie-

(b.) Euseb. in Vita Constant. (c) De Jur. P & B. Lib. 3. cap. 5: 2.

societate quadam possessa, cum deseruntur ab illa, vacuaque fiunt, cedunt Principi.

Supereſt, ut consideremus, an & quæ animi bona habent hostes; jure ipsis detrahi, & in commodum nostrum verti possint. Sæpius Philistæorum armis Israëlita vicerunt Philistæos: cur nobis non liceret hostibus Ecclesiæ suis ipsorum armis bellum inferre? Pretiosa plurima, aurum, argentum, gemmas hosti detractas Deo dicarunt; cur multo pretiosiora, egregia mentis illorum dona sacrare non liceret. Multa in sanctuarium inferenda dico; omnia non dico. Illa tantum quæ ad linguarum cognitionem, ad explicandam S. Scripturam, ad mores corrigendos, ad convincendos hostes facere possunt. Hæc ex Ethnicorum scriptis sua fecerunt primitivæ Ecclesiæ Patres Justinus Martyr, Tertullianus, Clemens Alexandrinus, Origenes, Lactantius, Augustinus &c. artesque humaniores Ethnicorum paulatim omnes in Ecclesiam invehæ sunt.

Utebantur primo Christiani Philosophia, deinde abutebantur, vitiô generis humani, modum raro tenentis: adeo enim per tenebricosa secula invaluit Philosophiæ Peripateticæ studium, ut multas absurdas impiasque quæstiones in Theologiam invexerit, limpidos veritatis fontes turbârit, autoritatemque S. Scripturæ oppreſſerit misero modo; ut Evangeliorum loco Aristotelis Ethica in quibusdam Germaniæ templis lecta sit, dixeritque Cardinalis Pallavicinus; absque Philosophia Aristotelis eſſet, careret Ecclesia quodam modo quibusdam fidei articulis.

Habemus etiam nos multos adhuc terminos technologicos in Theologia nostra ex Scholastica Philosophia, vel quia apti sunt ad sensum Scripturæ exprimendum, vel ob adversariorum importunitatem. Ita etiam ex nova Cartesii Philosophia argumentum,  
jam

jam olim ab Anshelmo Archiepiscopo Cantorburien-  
si Seculo XII. pro Dei existentia prolatum, quod ens  
summe perfectum necessario involvat existentiam, avide arri-  
puerunt Theologi nostri, reliquaque, quæ de idea  
Dei innata, de animæ immortalitate &c. differuit  
Cartesius. Philosophandum Christiano sed modice,  
nec unquam ratio supra revelationem extollenda.  
Apponere lubet hic judicium de studio philosophico  
auctoris haud publici saporis Cl. Bælii: (d) *Il n'y a per-  
sonne, qui en se servant de la raison n'ait besoin de l'assistance  
de Dieu, car sans cela, c'est un guide qui s'égare; & l'on  
peut comparer la Philosophie à des poudres si corrosives,  
qu'après avoir consumé les chairs baveuses d'une playe, elles  
rongeroient la chair vive & carieroient les os, & perceroient  
jusqu'aux moëllles. La Philosophie refute d'abord les erreurs;  
mais si on ne l'arrête point là, elle attaque les veritez; Et  
quand on la laisse faire à sa fantaisie, elle va si loin, qu'elle  
ne sçait plus où elle est, ni ne trouve plus où s'asseoir.*

Logica etiam à Gentilibus inventa in sanctuari-  
um illata est; ex cathedra auditur, auditur è sugge-  
stu. Optandum tamen, ut etiam id fiat modice. (e)  
Cl. Heidanus hac de re ita sentit: *Neque ab Analyfi,*  
inquit *(nisi valde dextre instituat,)* illud auxilium ad in-  
telligendos quoscunque auctores . . . sperandum, quod  
multi imaginantur; videas enim sæpe auctores hoc pacto equi-  
leo imponi, ut quod de istorum sensu analyticus præsumserat,  
id per Analysin dicere eos cogat. Veteribus certò incognitum  
fuit hoc artificium (quod Patrum memoria Logicæ quidam ar-  
dor in Theologiam invexit) qui doctâ paraphrasi contenti, stri-  
ctius auctoris mentem presserunt & secuti sunt, quam ana-  
lytici nostri.

Etiam Rhetoricam attigerunt nostri; docuit il-  
lam Nicomediæ Laëtantius, Augustinus Mediolani &

F f 4

plures

(d.) Lex. Hist. & Crit. Artic. Acosta. (e.) De Orig.  
Error, Lib. 2. c. 3.

plures alii. Adhiberi jure potest etiam in orationibus sacris, sed rursus cum moderamine. Non fucum sapiat sacer sermo, non affectationem; castam contra spiret severitatem evangelicamque simplicitatem & claritatem. Sed quia in ipsa simplicitate sermonis τὸ ὕψος maximè elucet, arsque major non est in eloquentia, quam ubi latet. Longinum, Quintilianum aliosque Rhetores legisse, forsàn non nocebit. Non enim scripturæ dicta, absque ullo nexu dictis cumulasse sufficit, quod multi faciunt, sed oportet, adsit lucidus rerum cogitationumque ordo; & etsi ejusmodi sacri sermonis fructus à Spiritus S. efficacia pendeat omnis, nihil tamen ex nostra parte negligendum, quod ad auditorem movendum, convincendum, persuadendum facere potest. Valeat tamen judicium literati *de Vigneul Marville*. (f.) *Il n'y a qu'une chose dont on ne se moquera jamais en fait de Sermons, c'est quand on ne prêchera que l'Evangile tout pur & sans ornemens étrangers.*

Poësin etiàm suam fecerunt nostri. Ita studium historicum non parum momenti adfert ad intelligendam Scripturam: cum enim de Imperiorum revolutionibus in Prophetiis multus sit sermo, difficile implementum illarum ostendet, qui historiam temporum ignorat. Studium porrò linguarum, præcipuè illarum, in quibus divina oracula scripta sunt, multum juvat. Ita etiam non pigebit seivisse mores & ritus veterum, ad quos sæpius alludunt divini scriptores. Adduci tandem etiam possunt, quæ sensu communi & experientia nituntur. Certè hac in re præcuntem habemus magnum Gentilium Apostolum, qui, ut amplissimos triumphos de hostibus Ecclesiæ egit, & innumeros captivos Christo adduxit; ita etiam ex scriptis illorum spolia legit optima. Post illum nunquam pudebit afferre, quæ in usum nostrum faciunt;

(f.) *Melange d'Hist. & de Lit. Tom. 2. pag. 75.*

unt : nunquam pudebit Christianum cum Anaxagora , interrogato ; quanam sit sua patria , manus cœlum versus tendere , hæcque mea patria est , respondere : nec cum Pythagora Numinis esse ἀληθέειν καὶ εὐεργετεῖν dixisse , pigebit unquam. Imo quod Epicurus dixit τὸ ἐν ποιεῖν ἡδίων εἶναι ἢ πάχειν. *Dare beneficium jucundius esse , quam accipere* , post Christi effatum , meum facere nullus dubito ; & infinita alia.

Certe quo magis veterum scripta volvo gentili-um , eo magis admiror in illis τὰ λείψανα imaginis divinx : eo magis verum deprehendo , quod Apostolus dicit , quod ( g. ) νόμον μὴ ἔχοντες ἑαυτοῖς εἰσὶ νόμος , οἵτινες ἐνδείκνυνται τὸ ἔσθον τῇ νόμῳ γραπτὸν ἐν ταῖς καρδίαις αὐτῶν , *legem non habentes , sibi ipsi sint Lex , qui opus legis cordibus suis inscriptum ostendunt.* ( b. ) Deumque דֵּי אֱלֹהִים refranantem gentes ubivis invenio. Si ex altera parte fluctuationem illorum circa summum bonum , diversissimasque de eo sententias considero , statim occurrit , quod Apostolus dicit ἀθέως ἐν τῷ κόσμῳ fuisse Eph. 2 : 12. si titubationem eorum de rerum origine , de animæ immortalitate , si ἐποχὴν , si ἀκαταληψίαν , si veritatis desperationem etiam in sapientissimis invenio , tunc demum intimis sentio medullis , quantum beneficium sit , Christianum natum esse , revelataque gaudere luce. Juvat in magnis his viris considerare , quousque ingenium humanum , divinâ revelatione destitutum ire possit. ( i. )

*Suave mari magno , turbantibus æquora ventis ,  
E terra magnum alterius spectare laborem.*

*Non quia vexari quemquam est jucunda voluptas ,  
Sed , quibus ipse malis careas , quia cernere suave est.*

Quietem suam ex aliorum erroribus colligere juvat ;

F f 5

juvat

( g. ) Rom. 2 : 14. 15. ( b. ) Psal. 94 : 9. ( i. ) Lucret. Lib. 2. ab init.

juvat in clara luce positum, spectare, quomodo penebras vacillent alii, titubentque & offendant, indeque felicitatem suam æstimare.

Etsi autem in plerisque misere aberrarint veteres, multa tamen dixerunt egregie, quæ ad ingenium acuendum, ad superstitionem mentibus eximendam, ad mores formandos, imo ad S. Scripturam explicandam facere possunt: quæ ad humanitatem, ad divitiarum, honorum, &c. contemptum; quæ ad animi tranquillitatem ducunt multa, multa quæ societatem spectant, quæ bonas leges, quæ ad virtutem, ad justitiam, temperantiam, &c. excitant, multa quæ ad Eloquentiam, ad Philosophiam bonasque artes omnes faciunt. Cur autem hæc omnia in usum nostrum convertere non liceat, videre non possum. Non mihi vitio vertent, qui literas amant, si paulo latius in argumento me extendero.

Sunt viri pii & docti, qui miro verbi divini amore flagrant, in illo meditando tempus omne consumunt. Quid Spiritus S. dicat unice intenti, quæ homines omnes dicant, nihil curant, in sacris literis toti, fastidiunt reliqua omnia. Optimum est: laudo. Unum hoc est necessarium. Cuivis horum dixerim: Maçte virtute esto, ἐρευνα τὰς γραφάς, ne desistas, fontem largissimum atque inexhaustum omnis instructionis habes, consolationisque; habes thesaurum immensum, ex quo depromere potes, quæcunque ad felicitatem temporalem facere possunt & æternam. Christum noscis; satis est. Horum unumquemque omni honore dignum judico.

Sunt tamen & alii, qui præter solidum sacrarum literarum studium in disciplinas humanas excurrere amant; honesta mentis oblectamenta quærentes animum applicant ad Philosophiam, Eloquentiam, elegantiorum literaturam, &c. nec hos contemnendos

existumo, modo unum ita fiat, ut alterum non omit-  
ratur; est, qui domum bene fundatam, rectoque  
munitam, quo adversus aëris tempestatumque inju-  
rias tutus esse possit, possidere satis habet. Hoc non  
contentus alius, domum variis tabellis; picturis, hi-  
storiiis exornat, rerumque monumentis, quo mens  
ex objectorum varietate eo magis oblectetur: neu-  
trum horum damno. Est alius, qui natali suo solo  
affixus, per totam vitam pedem ulterius non profert:  
tranquillam vitam amat; patrios mores scire, secun-  
dumque illos vitam instituire sufficit; quid apud ex-  
teros obtineat, laboriose non inquit, an easdem ha-  
beant consuetudines, an contrarias. Pervagatur ali-  
us exterarum nationes, scrutatur omnia, quem cultum,  
quos mores; quid honestum illis, quid turpe; vario-  
rum hominum commercio mentem limat, illamque  
variis rebus instruit; quæcunque in usum suum fa-  
cere possunt, sibi applicat. Hac in re quemque na-  
turæ suæ ductum, illaesa pietate, sequi posse censeo.  
Sunt qui πνεῦμα τῆς πίστεως *spiritum fidei* habent; hi con-  
tenti, credidisse Deo revelanti, in salutare Dei reclina-  
ntur. Habent alii λόγον σοφίας *sermonem sapientiæ*; veritatum  
divinarum connexionem ostendunt ad con-  
scientiam, refutant falsitates, & ad quem finem  
omnia fiant, perscrutantur. Alii habent λόγον γνώ-  
σεως *sermonem cognitionis & circumspeditionis*, quo probant  
potiora, quo inquirunt, quæ bona, quæ mala, &  
cum cognitione judicant. Variæ sunt dona, unus  
est Spiritus; abundet quisque suo sensu.

Occurrendum hic obtrektoribus illis, quos ig-  
navia loquaces facit, qui simulata pietate ignorantia  
suam tegunt, & quæ nunquam legerunt damnant  
omnia. Hi continuo clamant elegantiori literatura  
opus non esse: quid exteri senserint, nihil ad nos per-  
tinere; salvos fieri posse, etsi nesciamus, an Athenæ  
unquam fuerint; scire, Sparta an urbs fuerit, an fe-  
mina,

mina, an fruticis genus, parum referre : quid juvet supervacanea addiscere in tanta temporis egestate. Sed supervacanea minime sunt dicenda, quæ mentem acuunt, ornant, instruunt. Salyos fieri posse absque elegantiori literatura fateor, sed argumentum, quod nimium probat, nihil probat. (k.) *Nil agit exemplum, litem quod lite resolvit* : salvi fieri etiam possumus absque Philosophia, absque jurisprudentia, absque medicina &c. argumentum ergo hoc, si urgere velles actum esset de scientiis humanis omnibus.

Vellem, studium rerum exoticarum tanquam *παραπληρωμα* consideretur, non principale. Ea est naturæ nostræ imbecillitas; ut ad seria continuo non sufficiat; horas ergo, quibus animi relaxatione opus est, lectioni Xenophontis, Euripidis, Senecæ, &c. qui delectando instruunt, Mulæo inclusum impendere, quam per vicos cursitare, domuum rimari secreta, frivolis quibusvis urbis rumoribus animum nutrire, sermones inanes, famam proximi sæpius lædentes, patulis auribus excipere, cum gaudioque audire, satius semper duxi, innocentiusque.

At impudica multa & lasciva occurrunt in scriptis veterum, quæ bonos corrumpere possunt mores. De his tenendum, quod Deus præcipit de mercede meretricia : *Non inferes meretricis mercedem vel canis pretium in Domum Jehovæ*, Deut. 23 : 19. Deinde permagni interest, quo quisque animo ad libri cujusvis lectionem accedat. Ex eodem prato, quo apes mel suum legunt, sugunt viperæ noxium suum venenum. Lasciva hæc animum corruptum, ægrum, libidine flagrantem movere possunt; severum, castum, timore Dei munitum, non nisi sententiarum pondus querentem, non possunt : contra cum horrore hic rejicit illa, statimque occurrit terribile Dei iudicium in  
gen-

(k.) Horat. Serm. Lib. 2. Sat. 3.



gentes, de quo Paulus. (1.) Διὸ καὶ παρέδωκεν αὐτοὺς ὁ  
Θεὸς ἐν ταῖς ἐπιθυμίαις τῶν καρδιῶν αὐτῶν εἰς ἀκαθαρσίαν.

Autorum tandem horum bona non sunt rejicienda, quia malis sunt permixta, sed prudenter discernenda. Hic rerum humanarum ordo est : perfectio ipsis denegatur ; nec usum rei tollendum esse propter ejus abusum, consentiunt omnes homines.

Multa dicunt idololatrica inveniri in his libris, superstitiosa multa. Sed multa etiam inveniuntur, quæ superstitionem omnem animis eximere possunt. Unius Ciceronis de Natura Deorum & divinatione libri sufficiunt ad subvertendam omnem Gentilium religionem. Interim in his rursus observanda lex superiorum de idolis penitus abolendis. Nihil ergo inferendum quod superstitionem sapiat.

His & similibus objectionibus patrociniū ignaviae quærent multi, imperitisque glaucoma objiciunt, barbariem denuo in Ecclesiam illatam, crassaque mentes hominum ignorantia mersas vellent, an quia sui similem quisque amat ; an quia ex ignorantia aliorum sui æstimationem quærent ; an vero quia æquis animis ferre non possunt eruditionem aliorum ?

Risum mihi movent, qui dici amant religiosi ac devoti homines, quoties, quæ sine ullo labore etiam somniantibus venit, ignorantiam superbiunt : quoties eruditionem, quam vel natura & animi hebetudo, vel negligentia denegat, fastidiunt, & cum vulpe in fabula, quæ consequi non possunt, spernunt. Simples sane, etsi sanctam simplicitatem præ se semper ferant, minime dicendi, qui ex quo alii merito spernuntur, ignavia, maximam sibi gloriam comparare possunt. Serenas nolunt vigilare noctes, chartis impallere non possunt, nullum laborem impendere volunt, & tamen, nihil agendo, sui æstimationem

q. a.

(1.) Rom. 1 ; 24.

quærunt : nihil commodius. Placeant sane sibi , si ita stat sententia , in sancta sua simplicitate : vertant , si velint , negligentiam suam in maximum honorem. Non invidéo. Quiescant securi in desidiæ portu : nihil repugno. Ignorantiam suam virtutis nomine donent : non motor. Rusticitate valeant : habeant sua sibi : nunquam intercedam. Modo non religionem prodant , & eandem cum superstitione faciant : modo illam non tanquam eruditioni inimicam traducant : modo non , dum famæ suæ consulunt , religionis famam diminuunt , illamque ignaviæ suæ accommodent , cum potius ipsi religioni se accommodare deberent. Tanti enim cum tecta sua vanitate non sunt , ut illorum causa religio in superstitionis suspensionem veniat. Nam si & ipsa religio ignorantiam amat & stupiditatem , si serena mentis luce non gaudet , si & ipsa rationem extinctam vult & animi tenebras quærit ; jam superstitionis nomine mihi venit. Dum igitur homines non minus vani , quam superstitiosi ignorantiae præsidium in religione , quæ tamen in rationali Dei cultu consistit , quærunt ; dum instinctu Spiritus S. se duci jactant , cum potius ignaviam ducem sequantur ; dum eruditos modis omnibus infamant ; dum illos tanquam Atheos , profanos , periculosos traducunt , qui sub humilitatis specie luxuriant & larvatâ simplicitate imponunt , ipsi periculosissimi , vicissim bilem mihi movent.

Satis jam , imo nimium , funesta ignorantia pululat , etsi religionis nomine non commendetur : satis in illam proni sunt homines , etsi tanquam laudabilis , imo divina non proponatur. Rarissimi semper sunt homines , qui bonam mentem amant , illamque excolunt , & rerum causas indagant , etsi religionis scrupulus , ac si nefas esset ratione sua uti , ipsis nunquam injiciatur. Naturalis ignavia ad hæc omnia suffi-

sufficit : non opus est, religio ut in auxilium veniat. Major semper erit, ne timeant, hominum agrestium, ignobile otium præ industrio labore eligentium, turba, etsi religione non moveantur. Si humiles sunt, ne aliis eruditionem invideant, si mansueti, ne virus & calumnias contra doctos evomant : habeant sua sibi ; saltem à convitiis abstineant. Si gloria vana non moventur, ne indigne ferant, si ab eruditis ignorantibus & indocti æstimantur. Satis grave malum ignorantia, etsi malitia & invidia ipsi non jungatur. Sed nihil ago ; eadem semper est natura hominum, pauperes divitibus fortunam, indocti eruditum doctrinam semper invident, & quos nec ingenio, nec industriâ & labore æquare possunt, linguâ & dicacitate superare student : convitiis & calumniis proscindunt, quibus ratione nocere non possunt.

Vetus jam hoc malum : clarissimos quosvis veteres & doctissimos, tanquam Magos, Atheos traduxit ignorantia. Jam olim conquestus est Boëtius Philosophiam alloquens : *Atque hoc ipso affines fuisse videmur maleficio, quod tuis imbuti disciplinis.* Semper superstitionum magistri odiô plusquam vatinianô persecuti sunt doctos & perspicaces homines ; omnibus contra viribus ignorantiam plantarunt, auxerunt, irrigarunt. Atheniensibus sacerdotes persuaserunt, nefas esse, inquirere, quomodo Deorum res sint comparatæ : hinc Anaxagoram nimis perspicacem aliosque in exilium egerunt. Vetabant Judæorum magistri חכמה יונית sapientiam Græcorum literaturamque omnem exoticam. Muhamedani nullam patiuntur Typographiam, ne librorum lectione erroris & superstitionis nebulæ dispergantur, Imo Takiddin author Muhamedanus dicit : (m.) *Fieri non posse, quin Deus certas de Almamone pœnas sumeret, quod scientiis philosophicis introductis Mohamedanorum pietatem interpellaret.*

(m.) Apud Bælium Lex. Crit. Art. Takid.

*rit.* Fuit etiam ex Lutheranis Hoffmannus Academiae Juliae Theologus, qui sustinebat Philosophiam exterminandam esse, tanquam disciplinam perniciosam, secundum quam multae theologiae veritates sint falsae. De Pontificiis mox dicemus. Nempe doctorum erroris permagni interest, ut praëjudicia non deponantur; inde enim pendet illorum autoritas & quaestus uberrimus: mirum ergo non est, quod doctos persequuntur.

Nam solida eruditione & solerti rerum indagatione superstitioni major pestis non datur: hanc enim propius inspicere audet illa: audet ipsi divinitatis larvam detrahere & nudam turpemque menti hominum sistere. Literati semper tarda est fides; cuiusvis rumorì facile non fìdit; quibus autoribus fama incerta vulgetur examinat: res cum rebus, rationes cum rationibus, ideas comparat cum ideis; temere nihil iudicat. Nullam relationem inter avis volatum ad dextram & inter prosperum successum, inter puli tripudium & inter victoriam, inter tonitru ad laevam & inter eventum felicem videt, nullum etiam scrupulum hæc omnia ipsi injiciunt. Plurima, quæ in portentorum numero ponuntur, ad naturales suas causas transfert. Solis radios ab interveniente luna interceptos videt; nihil timet. Duo soles videntur hominibus; radiis solaribus in glaciale nubem incidentibus, & ad oculum nostrum reflectentibus adscribit. Sudant statuae marmoreæ vel æneæ; non admìratur; scit enim vapores volitantes commotosque propter calorem, facile ejusmodi statuae adhærere; motuque impedito, coalescere & guttatim destillare. Sanguine pluit; vapores à Sole in aërem attractos ex commixtione quorundam mineralium rubrum colorem sibi contrahere potuisse putat. Monstrum nascitur; non stupet, veras ejus causas inquirat. Ubi alicujus rei causam dare non potest, ignorantiam ingenuè

genue profitetur. (n.) Sanguinem pluiffe Senatui nuntiatum est, atratum fluvium fluxisse sanguine, Deorum sudasse simulacra : num censes his nuntiis Thaletem aut Anaxagoram aut quemquam Physicum crediturum fuisse ? nec enim sanguis, nec sudor, nisi è corpore est ; sed & decoloratio quædam ex aliquâ contagione terrena maxime potest sanguinis similis esse : & humor allapsus extrinsecus, ut in tectoriis videmus, auctro sudorem incitari.

Ita animo nunquam turbatur literatus ; terretur nunquam : idem semper est. Superstitio cum omni suo apparatu terribili, cum Cerbero, cum Furiis metum incutere non potest : hinc illæ lachrymæ, odiumque superstitionis implacabile. Gaudet ille almâ luce : superstitio contra ut lucifugus bubo tenebras quærit, in opacis lucis se abscondit ; coram & talis, qualis est, videri non vult : nimis enim ridicula foret, & deformitas ejus cuivis fastidium crearet. Ignorantiam amat superstitio, eandem pellit literatus ; metum, credulitatem animis ingerit illa, hic exuit : propterea illis nunquam convenit ; æternum inter illos viget bellum : ubi literæ florent, ibi superstitiones plures solum vertere coguntur : unde literæ exulant, ibi superstitio superbe dominatur.

Timeant ergo literas, quibus superstitiones aliorum quæstui sunt ; fures timeant lucem & impostores : cur qui veram profitentur religionem timeant, nescio. Non sentiunt hi, se dum literas persequuntur, idem facere cum impostoribus omnibus, nullamque inter religionem & superstitionem differentiam statuere. Superstitioni nocet literatura, non veræ religioni. Quid periculi à bonis literis, à mentibus doctrinâ imbutis immineat veritati, non video : quæ vero mala ignorantia in Ecclesiam introduxerit, quam fœde illam deformaverit, in propatulo est. Age er-

Tom. IV.

G g

g o

(n.) Cic. de Divin. Lib. 2.

go deducamus rem ad eventum, qui etiam stultorum magister dicitur ; & videamus, quid inconsideratum Patrum literas humaniores damnandi zelum insecutum sit ; ex præteritoque judicemus de futuro.

*Nata est religio Christiana florentibus literis, & plantata ubivis ; à superstitionibus mansit pura, quamdiu mansit literarum amor ; sed simul ac ignorantia & ignavia subrepere cæperunt, gliscebant paulatim etiam superstitio, tantumque brevi aucta est, ut totius religionis faciem immutarit. Origo harum calamitatum à Gothis, Hunnis, Vandalis &c. qui torrentis adinstar omnia inundantes, & Imperium Romanum misere lacerantes, ferrum, ignem, vastitatem, quacunque incederent, circumtulērunt. Maximam intulerunt cladem Romanorum rebus, majorem adhuc illorum animis : cum Majestate Imperii Romani amorem literarum omnem proculcarunt, & in mores suos barbaros omnia verterunt sævi victores : & quod adhuc tristius est ; per quos stare debuisset, prodita est misera eruditio. Antistites enim religionis Christianæ, tantum abest, ut ingruenti barbariei se opposuerint, ut potius omnibus viribus illam adjuvarint, & miseros homines infelicibus tenebris mergere allaborarint. Primus Gregorius M. Pontif. Rom. præpostero, & nobis adhuc luendo zelo in excellentissimum Tit. Livii opus flamma sæviit ; damno eo majori, quia irreparabile. Idem ( si fidem adhibere velis Joh. Sarisberienfi, longe celeberrimam Bibliothecam Palatinam, ab ipso Augusto fundatam, Vulcano immolavit. Imo non tantum in Livium & reliquos Ethnicorum libros, sed in ædificia, statuas & alia Romanorum monumenta superstitiose grassatum esse Gregorium dicunt : in horum omnium locum dialogos suos, infinitis fabulis & anilibus miraculis, somniis, revelationibus puerilibus refertos, Christiano orbi obtrusit. (o.) *Per maleferiatum zelum Corn. Tacitus* (o.) Toland. *Adeisidaim* : p. 82.*

tus ( pro Judæorum honore vindicando ) mutilus ad nos pervenit : sic Ciceronis de Nat. Deorum libri tertii pars major & potior periit, non Christianis modo sed & Ethnicis ( testante Arnobio ) turpiter igne grassantibus in egregium illud volumen. Omnes Gentilium libros non semel abolere decreverunt Patres Christiani : totis tamen postea Episcopis & aliis deinde Ecclesiasticis est talis lectio sub certis conditionibus permessa. Imo in Concilio Carthaginensi An. 400. etiam Episcopis lectione scriptorum gentilium interdixerunt Patres. Eadem vertigine abreptus Gregorius Nazianzenus, Homerum, Lyricos, cæterosque Poëtas ablatos voluit, in illorum locum alia de Sacris & Sanctis carmina composuit. ( p. ) Audiebam ( inquit Medicis Cardinalis ) etiam puer ex Demetrio Chalcondyla, Græcarum rerum peritissimo, Sacerdotes Græcos tanta floruisse auctoritate apud Cæsares Byzantinos, ut, integra illorum gratia, complura de veteribus Græcis, Poëmata combusserint, imprimisque Menandri, Diphili, Apollodori, Philemonis, Alexis fabellas, & Saphus, Erinnae, Anacteontis, Mimnermi, Bionis, Alcmanis, Alcæi carmina intercidisse. Tum pro his substituta Nanzianzeni nostri poëmata, quæ etsi excitant animos nostrorum hominum ad flagrantiorum religionis cultum, non tamen verborum Atticorum proprietatem & Græcæ linguæ elegantiam edocent. Turpiter quidem sacerdotes isti in veteres Græcos malevoli fuerunt, sed integritatis & religionis maximum dedere testimonium. Hanc sententiam habet homo pontificius.

Ita, quæ sponte in animis hominum pullulat, tristem ignorantiam omni modo irrigarunt & auxerunt. Hoc semel obtento, majora aggressi, ipsum sacrum Codicem, qui salutis viam pandit, & ignorantiam excutit exitialem, manibus laicorum extorserunt egregii pastores; cultum divinum peregrina lingua peregerunt; ultimum tandem, quod restabat, telum, rationem miseris subditis ademerunt, invenientes fi-

G g 2

dem

( p. ) Apud Pet. Alcyonium in Med, legato priori fol. c. 3.

dem implicitam, ne quis unquam in veritatem inquirat: credenda omnia, quæ Ecclesia dicit ipsis persuaserunt; ita pedibus manibusque vinctos ignorantia & imposturæ indignissimis modis vexandos tradiderunt.

Nunquam vita hominum foedius jacuit; nunquam major barbaries ingenia humana oppressit; nunquam spissiores tenebræ orbem mœstum texerunt, nec pertinaciores unquam: integris enim novem seculis, vel etiam pluribus durarunt: ita ut dubium sit, an ira Dei his temporibus fuerit major, an ejus longanimitas. Nullus amor literarum: bonarum artium cultura nulla: nulla ingenii cura. Tristia tempora, quibus eruditionis amor hæreseos & magiæ damnabatur. Ingenio pollere tunc temporis in manifestum mortis periculum ducebat: quid hoc tristius dici potest? simul ac quis absurda omnia probare noluit, flamma & ferro in ipsum sævitum: simul ac exigua quædam lux orta est, ab infestis tenebris rursus mergebatur. Muſitare nemo audebat, dicebat quisque.

*Dii bene fecerunt inopis me quodque pusilli  
Finxerunt animi; raro & perpauca loquentis.*

Ita æternam timuerunt secula noctem. Una vox ubi-vis audiebatur: O sancta ignorantia! sancta simplicitas!

Ex quo ergo hominum vecordia & stoliditas in virtutem versa est, nihil fuit, quod miseris persuaderi non potuerit. Absurda quævis & nefanda sunt ausi impostores, ausisque potiti. Nempe mortuorum ossa deosculanda proponunt, devote deosculantur simplices; quodvis ligni frustum pro crucis ligno adorandum tradunt; adoratur: peregrinationes instituendas, dicunt; per longissimas vias corpora ægre



gre trahunt miseri subditi. A certis cibis abstinent-  
dum esse ; religiose abstinent : corpora castiganda,  
& pœnitentiam agendam ; indignis modis in se ipsi  
sæviunt, violentasque sibi inferunt manus. Animo-  
rum secreta scire volentes impostores, ut inde time-  
antur, Confessionem auricularem inveniunt ; abscon-  
dita animi omnia pandunt stulti laici. Bonis illorum  
inhiantes, indulgentias & peccatorum veniam, Pur-  
gatorium, &c. mentiuntur: credunt omnia seducti,  
seductoresque bonis suis ditant. Jam Papam esse in-  
fallibilem, claves habere cœli & orci, ex purgatorii  
flammis eximere quos velit, pro lubitu veniam pec-  
catorum dare, cœlum aperire ; in infernum detrude-  
re ; omnes judicare, judicari vero à nemine ; infini-  
tis sceleribus contaminatum Spiritus tamen Sancti in-  
habitatione gaudere & oracula certissima pandere.  
Hæc omnia, ut proposita, ita etiam religiose credi-  
ta fuerunt.

Tunc demum patuit, quousque hominum cre-  
dulitas & vecordia ire possit ; patientia illorum, quo-  
vis modo tentata, nunquam repugnavit : fallendo  
citius sunt fatigati impostores, quam seducti creden-  
do. Audita est olim vox Tiberii Cæsaris è curia  
egredientis & viles Romanorum animos, qui indigno  
modo ipsi adulabantur, spernentis : ( r. ) *O homines in  
servitutem paratos !* Idem de plumbeorum horum secu-  
lorum hominibus dici potest : superbissimam enim  
tyrannidem non tantum in bona, famam, corpora,  
sed etiam in conscientiam, quam ipsa natura liberam  
clamat, passi sunt serviles animi. Dicere potuerunt,  
quod olim Romani : ( s. ) *Dedimus profecto grande pa-  
tientie documentum, & sicut vetus ætas vidit, quid ultimum  
in libertate esset, ita nos, quid in servitute ; adempto per in-  
quisitiones & loquendi audiendique commercio.* Hæc po-  
tuit ignorantia.

Gg 3

Post

( r. ) Tacit. Annal. Lib. 3. ( s. ) Idem in Vita Jul. Agric.

Post tam tristem experientiam longamque malorum seriem, qui ignorantiae patrocinetur, innocentemque damnet literaturam, nemo erit. Fallor. Erunt, qui ignaviae patrocinium in se suscipient, donec erunt homines. Enormia quævis crimina religionis nomine abuti audent, desidia cur non auderet? Interim eorum, qui rerum eventum spectant, nullus erit, qui se fraudi, verbisque simulatae pietatis obnoxium dabit: terrent vestigia. Non defuerunt ad infamandam eruditionem speciosi prætextus veteribus, quo rem seculorum tractu perduxerint tandem, vidimus. Lugeant ergo literaturam florentem, quorum interest, ut mentes obruantur tenebris: impostores, superstitionum magistri, qui lucem ferre non possunt, lugeant; lugeant Pontificii, quorum superstitioni eruditio maximum intulit damnum, & adhuc dum infert. Nobis, qui veritatem profiteamur, perspicacitas solidaque eruditio minime est timenda. Premenda potius vestigia beatorum Reformationum, Calvinii, Zwinglii, &c. heroum nostrorum, qui exotica evolvere dedignati non sunt, quique inde egregia spolia in sanctuarium intulerunt: tunc enim temporis Ciceronem, Livium, Plutarchum, &c. legisse pietati contrarium non erat; & scripta illorum testantur, quantum in politiori literatura versati fuerint.

Tota res huc redit: exulet livor & invidia; cum ingnavia & superstitione; exulet dira ignorantia; floreat contra literarum & solidæ eruditionis omnis amor; religionis veritas floreat. Conferat quisque, pro ingenii modulo, quæ ad Dei gloriam Ecclesiæ ædificationem facere possunt. Vaticinetur qui *προφητείας*, qui interpretationis donum habet interpretetur: qui in exterorum scriptis oblectamentum quærit, faciat; sed cum modératione: inferat inde spolia, consecretque Deo; sed purificata Sanguine Christi pretioso, veraque in Salvatorem fide; sibi dictum putet,

puret, quod Paulus Corinthiis, dicit. ζηλῶτε δὲ τὰ χα-  
ρίσματα τὰ κρείττονα, *Emulamini vero potiora dona.* 1. Cor.  
12: 31. observetque in exotico studio sapientis Solo-  
nis τὸ μηδὲν ἄγαν.

\* \* \* \* \*

IV.

JACOBI BRUCKERI

*Dissertatio Epistolica*

De

Meritis in Rem Literariam, præcipue Græcam,  
*Viri Celeberrimi*

DAVIDIS HOESCHELI,

Gymnasii ad D. Annæ Augustæ Vindelicorum  
quondam Rectoris & Reip. Bibliothecarii:

ad

*Virum plurimum Reverendum atque Clarissimum*

D. PHIL. JACOB. CROPHIUM, P. L. C.

Gymnasii Annæani Rectorem & Bibliothe-  
carium.

§. I.

**E**Tfi semper, SOCER DESIDERATISSIME,  
Te maximopere colui, ex quo non præcepto-  
rem tantum Te olim nactus sum, qui in de-  
currèndo bonarum literarum stadio auctor mihi at-  
que hortator existeret, sed & Socerum Te mihi jun-

G g 4

xit,

xit arctissimus sanguinis nexus ; etsi semper de tua salute gavisus sum maximopere , Deumque nunquam non piis flagitavi precibus , ut cœlestis gratiæ imbribus charissimum caput tuum inundet ; crescit tamen singulis annis animi lætitiâ , quando redeuntibus faustis luminibus te canitiæ venerandum , annisque graviolem , sartum video per divini numinis benevolentiam atque animo corporeque incolumem . Unde dum te septuagesimum secundum onomastici fide-  
ris ortum celebrare , cum tuis plaudo lætorque , vota , quæ tibi mea in te pietas debet , publica Scripti-  
uncula solvere , eo magis jucundum est , quo magis tibi de re publica literaria tot nominibus merito fausta quæque precantur , quotquot literas amant , me-  
ritisque pretium statuere nörunt . Nec dubito , in id consensuros omnes , qui te exoptatum Augustanis  
fidus amant & suspiciunt , gratesque tibi deberi pro-  
fitentur , qui tot veros doctos educaſti , quorum pruden-  
tia & eruditione Respublica & Ecclesia regitur ,  
ut tibi omnigenam felicitatem , senium ad seram us-  
que immortalitatem decurrens , canos honore meri-  
tisque venerabiles , familiam omni bonorum genere  
exſatiam , dignaque tot meritis præmia mecum to-  
to animo precentur , Deumque rogent , ut tranquilla  
senectute gavisus Calendas Majas sæpius adhuc in-  
tegris animi corporisque vîribus auctaque indies salu-  
te revisas . Ne vero privata tantum pietate hæc se  
tibi commendet pagina , sed & benevolus Lector ali-  
quid offendant sua curiositate dignum , placuit pauca  
*de meritis celeberrimi Antecessoris tui Davidis Hæschelii in bonas literas præcipue Græcias differere .* Etsi enim  
à te promissam Gymnasia Augustani Rectorumque ei  
præſectorum historiam impatienter adhuc expectat  
orbis eruditus , & mecum otia atque Procerum fa-  
vorem ad elegantissimum argumentum hoc excutien-  
dum toto precatur animo ; integrum tamen erit , hanc  
intē-

interim particulam, tanquam brevem quandam symbolam conferre, eamque memoriæ civis meritissimi præstare operam, quam Occonibus, Ehingero, Gaffero, Schrœckio lubens præstiti. Favet vero huic meo instituto eo magis vir per totum literatum orbem celeberrimus, quo magis in te vivam tanti viri recolo imaginem. Tu enim non solum iisdem præces muneribus, quæ tanta diligentia & dexteritate ornavit Hœschelius, & scholasticas Annæani Athenæi Musas regis, thesaurique patriæ literarii, celeberrimam bibliothecam innuo, curam geris accuratissimam; sed & eandem eruditionem foves, eadem felicitate juventutis emolumenta promoves, eadem cura librariam Augustæ supellectilem, illatis Schrœckianis libris, augere studuisti, eodemque meritorum numero & forum & templum doctis viris replevisti, annos plures quam quos Hœschelius exegerat, in studio scholastico decurrens, adeo, ut vel ipsa invidia teste, vere de te dicere liceat, quod de Hœschelio dictum novimus:

*Mille dedit foro juvenes, bis mille ministrorum  
Adjecit numero purpureæque togæ.*

Dabis itaque de Hœschelianis meritis pauca quædam commentaturo eo magis patientes aures, quo magis exiguum est (a.) quod hætenus de tanto viro legit eruditorum curiositas.

G g 5

§. II.

(a.) Etsi de orbe literato magnopere meruit Hæschelius, nemo tamen hætenus fuit, qui tanti viri Vitam accurate describeret. Quæ enim apud *Freherum in theatro vir. illustr. p. 1511.* leguntur pauca sunt nec accurata; *B. Spizelius* vero in *templo honoris referato* elogium tantum dedit magni Philologi, *p. 328. seqq.* Ex his vero reliqui hauserunt, quicunque de vita Hœschelii meminērunt, *Clarmundus in Vitis*

## §. II.

Quemadmodum scilicet mature se produnt magna ingenia, animique impetum ita detegunt, ut ad quæ nata sint, vel ex primis adolescentiæ vestigiis colligere liceat, ita & Hœscheliana virtus in ipso puero enituit, ut quis futurus sit, quantum ipsi Græcæ literæ olim debituræ sint, præceptoribus & patronis facile patuerit. Anno enim post restitutam humani generis salutem millesimo, quingentesimo, quinquagesimo sexto III. Id. April. patre Petro natus (b.) & mature disciplinæ traditus, magnam præceptorum expectationem excitavit, & ita in studiorum stadio progressus fecit, ut magnos Mæcenates inveniret, qui ad ingenii ad sublimia tendentis cursum promovendum liberali manu beneficia adolescenti porrigerent (c.). His adjutus talem præceptorem nactus est, qualis

*Vitis P. V. sæpius lapsus, Lex. Erudit. p. 991. Witte in Diario, Lex. Hist. T. II. p. 802. Bayle Dict. T. II. art. Hæschel. Jo. Fabricius Hist. Biblioth. suæ T. I. p. 319. J. C. Wëndlerus de merit. Reip. Aug. Diss. I. §. 12. p. 47. seqq.*

(b.) Vid. *Praef. Epitaph. Aug. P. I. p. 180.* ubi Epitaphium Hœschelii hodiernum in Xysto templi D. Annæ in monumento Hainzeliano superstes exhibetur, quod repetii in *Comm. de vita Eliæ Ehingeri p. 46. not. S.* unde erant, qui in 14. Aprilis diem natalem Hœschelii referunt.

(c.) Inter eos maxime deprædicat Matthæum Welferum, Ædilem & Scholarcham, cujus patrocínio & liberalitate studia continuare sibi licuerit, vid. *Dedic. Damasceui de transfig. J. C.* Inter plures enim procures literis tum faventes Welferiana familia maxime enituit, immo ea tum fuit Augustæ felicitas, ut summi viri genere & muneribus illustres certatim studiis elegantioribus manus porrigerent, & neque favore neque sumtibus in alendis & juvandis vi-

ris

lis de literatura Græca optime meriturò requirebatur, Hieronymum Woffium (d.) quem in Græcis tradendis literis & Scriptoribus Græcis interpreterandis aliis sui temporis palmam præripuisse, nemo ignorat, nisi qui in eruditorum historia plane hospes est (e.). Ab hoc magno

ris doctis parcerent : inter quos præter Welferos, Marcum, Antonium, Matthæum, Paulum, Carolus Rehlingerus, Wolfgangus Palerus, I. Georgius Oesterreicherus, Albertus a Stetten, Matth Erhardus, alique viri generosissimi enituerunt; immo in eo totius illustris Senatus Augustani cura tota fuit, ut magna gererent bonarum literarum causa, testante Nostro in *Dedic. Opusc. Philonis*. Quam Senatus Augustani tunc temporis magnificentiam, his versibus extulit Salomo Frenzelius Vratislav. in *adumbratione Augustæ Vind.* rarissima :

*Non vero satis est ; multos discrimine nullo  
Accumulare libros, doctis est insuper omnis  
Urbs ornanda Viris, quibus hæc respublica felix  
Affluit.*

Et paulo post :

*Præterea egregiis fora, templa, scholasque magistris  
Instruit, & pubem studia ad graviora coërcet,  
Educens terris magno & plantaria cælo.  
Hinc est doctorem tam pulchra corona virorum,  
Tot docti procures, hinc doctus & ipse Senatus.*

Egregia certe Augustæ felicitas, cui invidiam nostrorum temporum merito precamur. Hoeschelium vero hac Senatus munificentissimi benevolentia adjutum in Dedicatione Orationis laudandæ ipse fatetur, *missum se & ablegatum in alium locum, ut huic potissimum studio vacaret Reip. alumnus.*

(d.) Hunc passim præceptorem suum colendum vocat, vid. *Dedic. Opusc. Philonis.*

(e.) Videnda, brevitatis causa, quæ collecta exhibent Hi-

magno Viro magnum formatum Hœschelii ingenium, qui potuit aliter, quam stupendos in omni doctrinarum genere, præsertim vero in Græcis literis, quas apud discipulos maxime urgebat Wolfius (*f.*) facere progressus? In hoc adolescente sponte ad summa currente qui potuit aliter, quam felicissimis enitere progressibus Wolfiana dexteritas, quæ in instituendis juvenibus parem vix habuit (*g.*)? Inde magna illa eruditionis copia; inde lectio in antiquis scriptoribus ad stuporem magna & copiosa, inde exquisitum de auctoribus veteribus judicium, quæ omnia Noster postea in egregiis ad auctores Græcos annotationibus copiose prodidit, inde Isocrateus dictionis nitor, quem Attico lepore in Epistolis Græcis Hœschelius passim exhibuit. (*h.*) Non mirum itaque, mature Nostrum ingenium ad Grætas potissimum literas excolendum natum & formatum publico specimine demonstrasse. Celeberrimo enim, quod tum quidem Lauingæ florebat, Gymnasio ex Augustano Lyceo

*laria Scholastica Ven. Soceri p. 8. seqq. Vitam suam ipse descripsit Wolfius, quam manu Hœschelii descriptam cum possideat Ven. Pav. Ambergerus Pastor Veingartenensis in Palat. Sup. hanc ab eo merito expetimus tandem vulgandam.*

(*f.*) Videndi libelli *H. Wolfii de Scholæ Augustanæ instauratione & de docendi discendique ratione Aug. Vindel. 1578. 8.*

(*g.*) Hoc elogio passim in *Actis Scholasticis msc. Dnn. Scholarchis commendatur; eo connitens, ut si fieri posset uno anno omnem eruditionem suam cum discipulis communicet, & quasi infundat.*

(*h.*) Earum quasdam ad Margonium Cytherorum Episcopum exaratas opusculis Græcis ab Hœschelio editis præfixas invenire licet, vid. *Greg. Nysseni Opuscula, Maximi Mystagogia, Dedicatio Græca Vitæ Antonii ad Velsorum &c.*

(*i.*) Di-



ceo illatus Græca Oratione *de humani generis lapsu* (i.) probavit, non frustra a se lectos Scriptores in hac lingua optimos, nec inanem præceptoris fidelissimi in eo fuisse industriam, ita enim Atticas videres in hac Scriptiuncula juvenis viginti annorum expressit, ut vel ex hoc ungue futurum leonem facile colligas, & qualis Noster in his literis fuerit intelligas. Et iisdem quoque vestigiis institit, Hœschelius in Academiam delatus, jam tum totus ἐκνηνίζων; in eo omnis ejus cura vertebatur, ut libros Græcos ubique perquireret, optimorum auctorum lectione animi divitias auget, collatis codicibus msc. judicium firmaret, sicque & studii Theologici, cui dicatus erat, & artis critices, & antiquitatis rationes intime pernosceret (k.) Hæc perspecta non esse non poterat juvenis eruditissimi diligentia, nec deesse commendatio præceptoris Wolfii, qui commisso Lyceo de Viris verè doctis præceptoribus constituendis sollicitè providebat

(i.) Dicendum de ea infra, ubi de scriptis Nostri. Edita vero est 1577. Cal. Jan. Docuit vero tam in celebri hac schola *Philippus Heilbrunnerus*, Jacobi frater.

(k.) Adduntur his in *Lex. Hist. l. c.* Hœschelium etiam exterarum regiones invisisse, ubique Codices msc. & antiquitatis reliquias perquisivisse; nec tamen unde ea probentur additur, vixque mihi videtur verisimile, anno 1577. enim adhuc in Gymnasio versatur, 1581. Scholæ jam præficitur, quod quadriennium in Academia tantum exegisse merito creditur, imprimis cum pariori penu parentum instructo ex publica beneficentia Senatus Aug. & aliorum patronorum vivendum ei fuerit. Nec quicquam eorum meminit Noster in epistolis ad Viros doctissimos passim exaratis alias ad id digitum intensus, si eos coram convenisset. In Academia vero Magistri Phil. titulo & honoribus auctum esse passim ex adjecto nomini titulo videre est. Vid. *Hymni Margunii*.

(L.) De

bat (l.) Hujus in Hœschelio nostro oculi, in hoc commendando patribus patriæ ejus industria fuit eo effectu, ut 23. Martii anni sesqui millesimi octogesimi primi, quintæ Classi, (m.) quæ supremæ, cui tum præerat *Simon Fabricius*, (n.) proxima est, plaudentibus Musis, gaudente Gymnasii Ephoro, (o.) meritissimo Wolfio, præficeretur. In hoc munere fideliter obeundo omnem industriam Hœschelius posuit, nec indignam sua eruditione scholasticam spartam rarus, sed exemplo præceptoris sui, magni Wolfii, cui tunc Georgius Henischius, eruditione illi suppar (p.) jun.

(l.) De quo consultationes Wolfianæ & typis expressæ & inter Acta Scholastica latentes loquuntur, virique de publica salute maxime solliciti curam satis testantur.

(m.) *Acta Scholasti. msc. Vol. I. p. 235.*

(n.) Vid. Comment. nostr. de *Vita Eliæ Ehingeri p. 54.* & ibi laudatos.

(o.) Ille enim præter Præceptores classicos, quos regebat post Matthiam Schenckium Fabricius, Ephorus & Professor Gymnasio præfectus erat, suoque maxime consilio cuncta regebat & disponebat.

(p.) Et hunc virum celebrem, Mathematicæ & Medicæ disciplinæ laude inclytum Professore adjunxit seni & morborum, præsertim calculi insultibus vexato & exhausto Wolfio Patrum patriæ cura omni laude etiam apud gratam posteritatem superior. Quanta ejus in rem literariam Græcam merita fuerint, *Areteus* ex Cod. Aug. editus docet *Aug. Vind. 1603. fol.* meliori, quam antea, habitu & integriori ornatu, conf. *Fabricius Bibl. Græc. Vol. III. p. 102.* quibus vero laboribus Mathesin sibi devinxerit ex *Vossio de Scient. Math. Cap. LIII. §. 6. p. 323.* discere licet. Omnium tamen maxime de philologia Germanica, thesauro sub meruit, de quo ut & reliquis ejus circumstantiis legisse neminem pœtinebit, quæ V. C. & præmaturo  
faro

junctus erat, cum Primario Fabricio, viro eruditissimo, (q.) in id imprimis incumberebat, ut eandem eruditionis viam, quam ipse felicissimis avibus ingressus fuerat, juventutem duceret, & imprimis ad auctorum optimorum lectionem veramque *Χρησολογία* perduceret. Id quod tanta dexteritate & fidelitate præstitit, ut Viri doctissimi non sine magna in eruditionem Hoeschelianam fiducia filios suos illi educandos committerent, quod grato semper Noster agnovit animo, & tum publica confessione (r.) tum fidelissima institutione, cujus specimina passim extant (s.), & qua tum pietatem, tum philologiæ sacræ & profanæ fundamenta jaciebat, sibi maxime cordi esse sincere testatus est.

§. III.

Tantis de Scholastica juventute meritis conspicuus Hoescheliuſ, non potuit non gravissimo Scholarum collegio esse commendatissimus. Unde cum anno sesqui millesimo nonagesimo tertio die 5. Julii Fabri-

fato nobis ereptus *Jo. Georgius Lotterus*, Professor Petropolitanus, doctissime commentatus est in den *Critischen Beyträgen*, Tom. I. P. VI. art. 3. p. 572. seqq.

(q.) Primarius Fabricius Vir certe ingenio præstans dicitur *Wolfio Act. Schol. Vol. II. p. 172.*

(r.) Vid. *Dec. Opusc. Gregorii Nysseni* ad *Wolfg. Palerum*, & *Rhodii de affectibus* ad *Ad. Occonem*, *M. Windium* & *Georgium Laubium Medicos Augustanos.*

(s.) Passim ejusmodi specimina mihi visa sunt, quibus loca optimorum scriptorum discipulis tradidit Hoescheliuſ, explicationi prolixiori inservitura: cui negotio uti par fuit Noster, ita Wolfianis potissimum vestigiis institit; hinc tanta ubertas Virorum Græce doctissimorum circa hæc tempora.

(t.) Vid.

Fabricius mortalitatis exuvias deponeret (t.), unanimiti Scholarcharum nutu Rector Gymnasio Annæano præfectus est (u.). In quo gravi munere obeundo non antiquum tantum obtinuit atque pristinum se præstitit Hoeschelius, sed & ampliozem provinciam nactus, merita indies augere, & de republica patria atque literaria optime mereri omni nisu sætegit. Ad id vero quam maxime contendit, ut post divinas literas, & quæ ex iis hauriri debet, pietatem, ad optimarum artium disciplinam, & præcipue Græcas & Latinas literas juventutem fidelissima manu ductione duceret. Qua dexteritate & industria effecit, ut non tantum primariæ dignitatis Viri ejus institutioni filios suos traderent (x.), sed & è variis Germaniæ, Italiæ, Belgicæ civitatibus Hoeschelii gratia se Augustam conferrent, quibus viri hujus institutione uti, inque lingua Græca proficere curæ cordique fuit (y.). Inclaruit itaque tanto Rectore felicissimum Gymnasium, novo ædificio sub nostro magnifice ornatum (z.) discipulosque patriæ, immo orbi quoque literato reddidit, ut omni artium cultura expolitos, ita præcipue Græcæ doctissimos. Quibus modis de Græcis potissimum literis institutione & doctrina Hoeschelius optime meruit, donec XIII. Cal. Nov. anni supra millesimum sexcentissimum decimi septimi ad cælestem Academiam evocare-

(t.) Vid. *Henpoldi Beschreib. der Lat. Schule. Praefab. Epitaph. T. I. p. 205. Spizel. templ. hon. ref. p. 329.*

(u.) Primarius audiebant Schenckius & Fabricius, quia illis Wolfius Ephorus præfectus erat; post ejus vero obitum omnia Ephori sparta & Rectoris titulus ac dignitas in Hoeschelium collata.

(x.) Vid. dicta not. (r.)

(y.) Hæc fide B. Spizelii refero l. c. p. 329.

(z.) Conferenda *Hilaria Scholastica Gymn. Aug. p. 75.*

(a.) Vid.

caretur (a.), & immortalitatem beatam adiret. Æternum vel hoc nomine Augustæ patriæ decus, & scholæ ornamentum, quod per triginta sex annos in Scholastico pulvere de juventute & bonis literis mereri, patriæque inservire, quam oblatum splendidum Professoris munus in alma Noricorum Academia suscipere maluit. (b.)

§. IV.

Satis vel hoc nomine de Græcis literis, & omni etiam eruditione meritus erat Hoeschelius, ut dignum Musa virum vetaret mori: sed ampliorem ei aperuit bene merendi campum Procerum voluntas, ex quo splendidissimæ Bibliothecæ Reipublicæ Augustanæ Bibliothecarius præfectus est (c.). Huic se intime diu jam junxerat, camque sibi reddiderat familiarissimam; in hac codices veteres, præcipue Græcos

Tom. IV.

H h

noctur-

(a.) Vid. Epitaphium supra adductum ex *Praschio l. c.* illatus vero est monumento Hainzeliano repositus ad latus præceptoris Wolfii, conf. *Vita Ehingeri p. 40.* Errant itaque qui diem emortualem faciunt d. 20. Septembris. Successorem habuit Ehingerum.

(b.) Hoc ipsius Nostri testimonio constat in *Dedic. Procopii* ad Illustres Duumviros Reip. Norimbergenfis.

(c.) Dubitabat de eo olim *Wendlerus* Diff. I. de meritis Reip. Aug. in rem liter. p. 47. sed immerito; in Actis enim Scholasticis expressis verbis Bibliothecarius dicitur; evincit vero id vel unus Catalogus Msc. à Nostro confectus. Hanc vero spartam ei mature post Wolfii obitum traditam fuisse inde patet, quod 1589. Esprincardo Bibliothecam monstraverit, unde hunc ille Bibliothecarium maxime laudat apud *Colomesium Bibl. sel. p. 203. Opusc. p. 492.* ubi aliud quoque *Covrelli* testimonium exhibetur. Recte itaque eum recentiores *Spizelius*, *Bayliusque* Bibliothecarium faciunt.

(d.) Vid.

nocturna diurnaue manu versaverat (d.); hanc consilio & commendatione apud inclitum Senatum iuverat, totumque se thesauro huic literario dicaverat; Henischio itaque ætate ingravescente, qui Bibliothecarii munus post Wolsium (e.) susceperat, munus hoc felici eventu Hoeschelio traditum est. In quo obeundo an vel fide & dexteritate candidiorem, vel eruditionis literariæ, præsertim Pelasgæ divitiis ampliorem, vel inserviendi officiis promptiorem bibliotheca hæc celeberrima nancisci unquam potuerit, merito dubites. Certe amplissimus Nostro campus hic apertus fuit de Græcis literis potissimum optime merendi. Cum enim apud magnos viros Joannem & Marcum Velferos, Christophorum & Quirinum Rehlingeros, Octavianum Secundum Fuggerum, Jo. Jacobum Remboldum summis tum Duumviratus dignitatibus functos (f.) plurimum valeret, facile impetravit, magno potissimum Marco obstetricante, ut optimis libris augeretur thesaurus hic librarius; unde tanta vis librorum præsertim Græcorum ei illata est, ut vix alia bibliotheca tanto cumulo præstantissimorum librorum Græcorum superbiat. Nec dubito, quin ejus quoque hortatu factum sit, ut Marcus Duumvir, triennio ante Nostrium fatis functus, amplissimam bibliothecam suam testamento juberet publicæ inferri, quod & sub Nostro factum est. Nec hoc unum erat, quo hoc animarum *ιατρον* juvare contendit, sed & jussu & auctoritate Amplissimi Senatus, consilio vero & auxilio Marci Velferi, tum Reip. Consulis novum Codicum Græcorum msc. ab Antonio potissimum Eparcho ære redemptorum indicem

(d.) Vid. *Dedic. Opusc. Philonis*, itemque *Homiliarum PP.*

(e.) Mortuus is 1580. vid. *Vita Ebingeri* p. 54.

(f.) Vid. *Hist. Regim. Augst.* ad calcem.

(g.) Vi-

dicem conficit (g.), pristino vel disparente, vel satis hiulco (h.), ut scilicet *tam, quæ in illa κειμήλια, qui probæ notæ auctores servarentur, constaret, quam, quicumque codex in rei literariæ commodum, ut antea, petenti eis χρήσιμ δα-  
retur, aliq̃ue βιβλιοτάφοι ad idem bene de literis merendi studium incitarentur.* (i.) Neque in iis, quæ tam magnifice obtulit Illustris Senatus Augustanus viris doctis, beneficiis exhibendis socors fuit Hoeschelius vel *μισάνθρωπος*, sed cum viris quoque doctissimis lubentissime communicavit, quicquid ex thesauris literariis in usus suos ab ipso petierant (k.). Cujus exemplum potissimum *Henricus Savilius* eques Anglicanus est, qui in edendo splendidissimo scriptorum Chrysostomi opere ex bibliotheca Augustana obstetricante Hoeschelio maxime est (l.) Quam quoque inferviendi promptitudinem Casaubono, (m.) Margunio,  
H h 2 Sylbur-

(g.) Videatur *Præf. ad Hieron. Comelinum*, de ipso Catalogo infra dicere commodius licebit.

(h.) Titulus Catalogi paucissimis visi & duabus tantum placulis constantis hic est: *Catalogus Græcorum librorum, manuscriptorum, Augustana Bibliotheca: quem, ea respública, ideo edendum curavit: ut eos, vel viris doctis interpretandos: vel diligentibus typographis conferendos, modo de iis fartis testis suo tempore restituendis, caveant, ad augenda rei literariæ commoda, communicaret.* Aug. Vind. ex offic. Mich. Mangeri, anno 1575. 4. Tituli vero tantum librorum sunt brevissimi; unde Hoeschelius ampliorem eorum rationem reddidit. Esse vero Wolfii opus nullus dubito, is enim hoc tempore bibliothecæ curam gessit.

(i.) Verba hæc sunt Hoeschelii, qui pristinam quoque invitationem ad Viros doctos iterum præfixit.

(k.) Conf. *Spizelius l. c. p. 331.*

(l.) Vid. omnino *B. Reiserum ad calcem Catalogi Msc. Bibliotheca Augustana.*

(m.) Vid. *Casaubon. Ep. 482.*

(n.) De

Sylburgio, Grutero aliisque viris celeberrimis exhibuit. Quod vero merita Nostri de Græcis literis omnium maxime ornat, quodque forte paucissimis notum est, illud est, quod ejus consilio celeberrima typographia ad insigne pinus ab Illustri Marco Welsero primum erecta, magnisque à viris summis sumtibus ad vitæ Nostri finem sustentata est, quod ab anno 1595. factum esse non sine probabili argumento conicio; in ea enim, elegantissimis typis Græcis & Latinis, operam suam commodantibus egregiis typographis Joanne Prætorio, Davide Franckio & Michaelæ Mangero, præstantissimi libri non Hæschelii tantum, sed & aliorum virorum doctorum, in charta pulchra, firma & candida mundissimo habitu prodierunt, Nostro in id potissimum contendente, ut exirent emaculatissimi; unde Augustani magnam de hac re laudem reportaverunt. (n.)

#### §. V. Sa-

(n.) De typographeo ad insigne pinus altum apud eos, qui historiam literariam rei typographicæ excusserunt, silentium est. Nec in ipsa Augustanorum urbe certi & indubitati quid, quantum quidem mihi adhibita omni industria constat, reperire est. Dabo tamen quæ non vana conjectura assequi licuit. Hujus vero typographeï initia recte ad annum 1595. referri, vel ex una *Præfatione Hæschelii ad Cat. Msc. Græcorum Marci Velseri* jussu editum probatur, ait enim; *Hunc typis novis editum Tibi Gomeline clarissime inscribere volui.* Et sub his typographeï initiis solum Velsorum sumtus suppeditasse, Noster iterum prodit, quando in *Dedicatione Horapollinis ad M. Welsorum* scribit: Te auctore atque hortatore laborem hunc suscepi; *Tuo solius beneficio typis adeo elegantibus mystica hæc περιημάτων prodeunt.* Hinc expressis verbis typos *Velsorianos* vocat *J. Lipsius* in *Ep. ad Nostrium* inserta *Notis ad Photium p. 929.* Ubi tamen & hoc ex *Dedicatione Photii* ab *A. SCHOTTO* Latine facti ad *M. Velsorum* tene-



§. V.

Satis, puto, hæc omnia loquuntur, Hoescheli-  
um de bonis, præcipue vero Græcis literis immor-  
taliter fuisse meritum; multo tamen magis erudi-

H h 3

tissima

tenendum, fratres hujus Antonium, Matthæum ac Pau-  
lum re quoque, id est ære suo hac in re eruditos juvisse.  
Quoniam vero magni sumtus requirebantur, typis Welse-  
rianis libros Græcos excudere, & typothetarum pariter  
operam & chartam redimere, accessere tum alii Viri gra-  
ves, & numis instructi, qui sumtus ad libros ad insigne  
pinus excudendos subministrarent. Hoc imprimis factum  
est, ubi Photii Bibliotheca magnum & carum opus eden-  
dum erat. In id enim ex ipso ærario quosdam sumtus fa-  
ctos esse, *Dedicatio ad Duumviros Quir. Reblingerum &  
Marc. Velsorum* his verbis suadet: *in hac urbe vestro au-  
spicio recentibus iisque pervetustis typis alia atque alia utri-  
usque lingua πομπάτια brevi temporis spatio excusa sunt.*  
Imprimis vero suppeditabat sumtus Bonaventura Bodecce-  
rus Elcoviæ Dominus, S. Cæsareæ Majestati a Consiliis,  
qui ab Ejus affine *Carolo Reblingero* Scholarcha magnoque  
Hoeschelii patrono Nostro conciliatus sumtus liberaliter ex-  
hibuit. Ita enim in *Epistola præfixa Notis in Photium*  
Hoeschelius ad eum: *Has tuis auspiciis in lucem prodire*  
*patiaris Vir magne, qui nulli sumtui pepercisti, quo the-  
saurus hic e tenebris erutus juris tandem publici fieret, id*  
*quod anno 1601. factum.* Anno sequente *Chrysostomi*  
*opusculum contra Judæos* Hoeschelius his typis edidit, in  
cujus *Dedic. ad Gasp. & Melchiorem Erhardos* ait: *hunc*  
*neque ari suo parcere voluisse, quo hac editio maturari pos-*  
*set.* Anno insequente 1603. edidit Noster *Eclogas lega-*  
*tionum*, in quarum Dedicatione profitetur, eam editionem  
deberi liberalitati *Marci Velseri, Duumviri.* Origenem  
vero biennio post *Caroli Reblingeri liberalitate typis evul-*  
*gatum esse* Noster iterum gratus in *Ep. Præf.* profitetur.  
Ilunc sequebatur biennio post *Procopius*; in cujus præfa-  
tione

tissima ejus scripta testantur, absque adulatione in epitaphio Nostro posito Hainzelios fratres cum vocavisse: *Pelasse literatura antesignanum*. Tot enim de hoc eruditionis genere titulos meruit, ut inter Germaniæ nostræ viros summos paucos habeat, qui cum eo comparari queant, superiorem vero fere neminem.

tione editor Hoeschelius monet, *sumtus ad maturandam editionem suppeditasse ornatissimos cives Augustanos Jo. Georgium Oesterreicherum, p. m. Joannem Huep-ber, & Volfgangum Emekofer*, quos honoris causa nominat, ut eorum exemplis NB. alii ad similiter Reip. literariæ opem ferendam allestentur & invitentur. Inde cum audiret curante Daniele Heinsio Lugduni Batavorum imprimi Procopium, optat, ut certior factus fuisset, ne damno esset iis, quorum arc & charta & operæ conductæ sunt, in Ep. ad Jungermannum post Hottomannianas p. 456. Hæc, nisi falsa testimonia, satis dicta confirmant. Cum vero alios libros David Franckius, alios Michael Mangerus, alios Joannes Prætorius excuderint, inde necessario conjiciendum est, illos docto huic & munifico librorum Græcorum edendorum consortio operam suam sed typis illius commodasse: quod ne suis sumtibus fraudetur, de privilegio tum Cæsareo tum Regis Christianissimi sibi prospexit. Et hinc *subobscura Elegia Jani Gruteri Photio præmissa* lucem capit. Typos vero hos ad invidiam elegantes jure vocat *Lipsius l. c.* Insigne vero pinus à civitatis testifera, quæ pinum refert, desumptum esse, cum hac epigraphæ: *Honos erit huic quoque pomo*, qui libet videt. Nos hanc Augustanarum literarum felicitatem tantorum virorum consilio, ope, ære & benevolentia promotam merito in cælum extollimus, nostrisque temporibus ad depellendam, quæ imminere videtur, barbariem, multos Velferos, Bædecceros, Rehlingeros, Stettenos optamus, certi, non defuturos iis Hoescheliis.

Sint Mæcenates, non deerunt, Flacce, Marones.

(e.) Cole

nem. Id si testimoniis eruditorum, qui omni tempore, usque ad hæc nostra amplissimis laudibus illum extulerunt, conficiendum esset, nubem testimoniorum de Hoeschelianis in rem literariam meritis hic facili manu congererem; verum id ab aliis ita factum est (o.), ut haud difficile sit in eruditorum scriptis versato, illa multum augere. Nobis duorum nostra ætate magnorum Virorum testimonia sufficiunt, Petri Balii, cui (p.) vir longe doctissimus audit, & Jo. Alberti Fabricii (q.), qui post Camerarium se neminem nosse ait, qui inter Germanos tantum Græcas literas amplificaverit, atque in lucem protraxis variis præclaris Græcis monumentis eorumque collectionibus tam bene fuerit de elegantioribus studiis promeritus, quam Davidem Hoeschelium; Augustanum. Unde merito in tanto eruditorum de Hoeschelianis in Græcas literas meritis consensu mireris, Josephum Scaligerum, Hoeschelio alias amicissimum, & in extollendis ejus meritis alibi satis liberalem. (r.), quem tot officiis sibi Noster devinxerat, *pedagogi & mediocris Græci* titulo eum onerasse (s.). Id quod tamen Hoeschelianis meritis non magis officit, quam alia iniqua judicia in viros magnos temere ab eo in-

H h 4

ter

(o.) Collegere judicia de Hoeschelio *Th. Pope. Blount in Gens. celebr. auct. p. 900. seq. Magirus Eponym. Crit. p. 450. Wendlerus Diff. laud. p. 48. 49.* quibus addi possunt ea, quæ *Hilaria Scholastica* exhibent. p. 10. Quibus adjiciatur *Bæcler. Bibliograph. crit. p. 162. Jo. Fabricius Hist. Bibl. sue T. I. p. 319.* & quos laudat.

(p.) *Loc. Cit. p. 782.*

(q.) In *Bibl. Græc. Vol. XIII. p. 532. conf. Vol. IV. p. 475.*

(r.) Vid. *Epistola Scaligeri in fronte & fine Photii, Chrysostomi, Procopii, & passim in Scriptis Nostri extantes, conf. Epp. p. 389.*

(s.) Vid. *Scaligerana secunda p. 112.* bene tamen est, quod nec doctrinam, nec diligentiam ei deneget.

(t.) Hos

ter commensalium licentiam jactata eorum laudibus obsunt. Nos testes in contrarium habemus non communem tantum eruditorum per sesquiseculum consensum, sed & patrocinia à Viris maximis & proceribus Reipublicæ summis Hœschelio non denegata, (z.), amicitiam item Virorum, quos ut in omni eruditione summos, ita in Græcis literis principes & sua & nostra ætas jure exulit (u.) Nec diffitebitur, quisquis literas Græcas propius novit, immortaliter Hœschelium de illis meritum fuisse. Hujus etiam indefessæ

- (z.) Hos supra magnam partem jam nominavimus. Ex exteris imprimis patroni Hœschelii notandi sunt *Georgius Hertwartus*, Cancellarius Bavaricus, Bonaventura Bøedecerus, Jo. Matthæus Wackerus à Wackenfels, Eq. Confil. aul. Cæs. imo inclitus quoque Senatus Noricus. Falsum itaque est Hœschelium Augusta ejectum fuisse, nisi eum tueretur Velferus, quod nugatur Scaliger; alia omnia loquuntur hætenus adducta.
- (u.) Inter eos primas tenet Maximus Margunius Cytherensium Episcopus, cui amicissima cum Nostro consuetudo intercessit. His proximus fuit Isaacus Casaubonus, qui magnum Hœschelii amorem & verbis & officiis toties testatus est. Adjungo his Joannem Livinejum, Andreæ Schottum, Janum Gruterum, Georgium Remum, Conradum Rittershusium, Thomam Segetum, quibus adjiciendi sunt Græci Constantinus Lucaris, & Leontius Eustratius, qui in Epistolis ad Hœschelium exaratis, quæ præfixæ sunt *Chrysostomi Orationibus contra Judæos*, Græcam eruditionem ejus ita extollunt, ut non erubescant fateri, Græcas literas ex Græcia exulantes in Hœschelio Augustæ domicilium esse nactos. Addendi his sunt præter Jos. Scaligerum Justus Lipsius, cujus amicissima Epistola in not. *ad Phot. p. 929.* extat, Paulus Merula, & Bonav. Vulcanius, Joannes item Meursius: at quanti in Græcis, & in omni doctrinæ genere viri!

(x.) Co-

fessæ diligentia tot producta in lucem ex carcerum & pulveris squalore debemus scripta veterum Græcorum; ejus accurato in arte critica judicio acceptæ referendæ sunt tot emendationes felicissima Minerva in Græcis Scriptoribus plurimis factæ: ejus amor in Græcas literas gratiæ referendæ sunt, quod in annotationibus suis; *in quibus nihil superflui esse recte vir quidam doctus monuit* (x.), tot ἀποσπασμάτια ex codicibus msc. nondum edita nobiscum communicaverit. Ejus in conjectando merito miramur *εὐστοχίαν* & *ἀγχινοίαν*, quas locis desperatis sæpe sola ingenii felicitate & Græcæ linguæ ulu ac lectione adjutus medicinam attulit; & vastam simul jure deprædicamus lectionem, quæ per omnes veterum libros vagata *παράληλιν* veterum plerumque vel ad oram Scriptorum vel in margine annotavit. Quæ ut satis evincunt, Hoeschelii merita in rem literariam, & præcipue Græcam, fuisse maxima, ita ad hanc nostram ætatem Nostro partam studio & eruditione laudem merito conservarunt, & conservabunt, quamdiu honos erit bonis literis.

### §. VI.

Sed ut plenam tandem fidem Lectori faciam, meritis in Pelasgam eruditionem, fere neminem habuisse superiorem Hoeschelium, enarranda jam doctissima ejus scripta sunt, & ita luculenta demonstratione evincendum, sine adulatione egisse viros doctissimos, qui Hoeschelianam Musam in cœlum laudibus evexerunt. Quo labore eo lubentius perfungor, quia Hoeschelianæ Græcorum Scriptorum editiones pleræque raræ sunt, nec ubivis inveniuntur, ut inspicere queant, qui vero eorum dedere indices, mancos plerumque exhibuerunt (y.). Sequar vero, quantum indagare licuit, annorum ordinem & seriem.

H h 5

Oratio

(x.) *Colomies Bibl. chois. p. 493. Op. ed. Fabric.*

(y.) *Pleraque Hoescheliana Scripta in Bibliotheca Augustana*

1577.

*Oratio Græca de humani generis lapsu ejusdemque restitutione : recitata sub initium anni 1577. publice in celeberrima schola Laugingana, autore Davide Hæschelio Augustano, Lauingæ 4. 2. pl. Dedicatio ad Matth. Welferum, Chr. Paumgartnerum, Septemviros, Carolum Hosium Senatorem, ut specimen studiorum præcipue in Græcis literis alumnus ederet.*

1587.

*PHILONIS Judæi opuscula tria, 1. quare quorundam in sacris literis mutata sint nomina; 2. de formatione Evæ, ex Adami latere, & de utriusque lapsu; 3. Somniorum Josephi, Pharaonis, pincernæque ac pistoris allegorica expositio, Græce nunc primum edita studio & opera Davidis Hæschelii A. M. ejusdemque notatiunculis alicubi illustrata, ex Bibl. Aug. Francof. apud Jo. Wechelum. 8. pl. 18, (2.)*

In Dedic. ad Senatum Aug. Philonis eruditionem laudat, & cum Petro collocutum esse putat, totumque Philonem nitori suo restituere promittit. Textui in margine adjecit loca scripturæ, in calce notas, quibus partim quæ ipse auctor alibi traderet vel eadem vel dilucidius, partim PP. testimonia nonnulla ex msc. inseruit, & errores quoque Philonis detexit. Nominat

extantia indicantur in *El. Ehingeri Cat. Bibl. Aug. & ex eo in Ant. Reiseri Catal. Libr. msc. Bibl. Aug. Append. II.* Syllabum quoque Scriptorum ejus contexuit *Spizelius l. c.* sed imperfectum; omnium vero accuratissime de Hæschelianis libris, qui Græcos auctores respiciunt, egit *B. J. Alb. Fabricius Bibl. Græc. Vol. XIII. p. 532. seqq.*

(2.) Vid. *Fabricius Bibl. Græc. Vol. III. p. 109.* propter emendationem quandam in notis allatam plagii Nostri infimulat *Petrus Faber*, præcipitanter notante *Jac. Thomasio de plag. liter. S. 497. p. 208.*

(a.) Loc,

nat vero se titonem & in hanc arenam modo descendentem.

1587.

Ὁμιλίαι θεοφόρων τίνων πατέρων, *Homiliae quaedam sacrae Basilii M. Gregorii Nysseni, Nazianzeni, Joan. Chrysostomi, Cyri Germani in praecipuas ferias: cum fragmento Cyrilli Alexandrini: studio & opera Davidis Hæschelii A. è libris calamo exaratis partim emendatiores, partim nunc primum editæ, cum ejusdem notatiunculis, rerum item ac verborum indice. Augusta typis Mich. Mangeri. Cum Priv. Cæs. 8. 1. alph. pl. 14. Et hanc collectionem Senatui Aug. cujus codd. adjutus erat inscripsit, plura integritati restituit. Diligenter hanc Collectionem recenset Fabricius, quem vide. (a.)*

1588.

*S. JOANNIS DAMASCENI Presbyteri Oratio Græco-Latina in transfigurationem Domini & Servatoris nostri J. C. ad msc. codicis Augustani fidem emendata & integritati restituta. Accessit Appendix complurium locorum Philonis, Basilii M. Nazianzeni, Athenai, & aliorum auctorum, qui partim corriguntur, partim redintegrantur, opera Davidis Hæschelii A. M. Aug. typis Mich. Mangeri 8. pl. 9. Inscripta Matthæo Welfero Ædili & Scholarchæ. Et hunc libellum enarrat Fabricius. (b.)*

1589.

Γάμικα παραγγέλματα καὶ ἑτέρ' ἄλλα ἔπη. *Præcepta conjugalia & alia quædam carmina in honorem nuptiarum Cl. & Doct. Viri Dn. D. Georgii Laubii (c.), Medici Augustani δευτερογαμοῦντος, edita à Davide Hæschelio Augustano M. 4. pl. 3. Maluisse se, ait, versus veterum in hono-*  
ni

(a.) *Loc. Cit. Vol. XIII. p. 534. seqq.*

(b.) *Ib. p. 541. seq.*

(c.) *Vide, quæ de hoc Medico dixi in Prolusione ad Hist. Vitæ Adolphorum Occorum S. XIII. p. 23. seq.*

(d.) *Ha-*

rem nuptiarum excudendos curare, quam versus scribere Musis non afflatum. Sunt vero carmina ista, Psalmus 128. Græco metro expressus, conjugalia præcepta *Gregorii Naziazeni* ad Olympiadem, Ej. Carmen Jambicum de providentia, aliud Ejus de tolerantia, & de paupertate philosophante & supplicationes ad Christum.

1591.

*S. GREGORII Episcopi Nysseni Oratio de Filii & Spiritus S. Deitate, e. codice msc. Reip. Augustana nitori atque integritati restituta, studio & opera Davidis Hæschelii 8. Aug. Vind. per Mich. Mangerum. pl. 2. Gr.*

Inscripsit Jo. Georgio Hermanno, discipulo (d.), ut testaretur, quanti suos faceret, sibi in disciplinam traditos. In fine additur catalogus operum Gregorii Nysseni, asteriscis notatis iis, quæ excudit Mich. Mangerus, indicatis quoque msc. ubi inveniuntur. Prodicat antea cum versione *Joach. Camerarii Lips. 1563. 8. (e.)*

1592.

*MAXIMI MARGUNII Episcopi Cytherensis Poëmata aliquot sacra, Græce nunc primum publicata studio & opera Davidis Hæschelii A. M. e bibl. Reip. Aug. 1692. 8. ex off. Plant. pl. 2.*

Quanta inter hunc Græcum Episcopum (f.) & Hæschel-

(d.) Habebat is patrem Hieronymum, proavum Jo. Georgium, Kaufbyranum, cujus amicitiam, teste Nostro in Dedic. magnus ille Des. Erasmus, Olympia F. M. & alii docti coluerunt. Dixi de eo potiora in progr. de meritis Fuggeriadum in bonas literas, ex instituto vero Cel. Schelhornius *Amæn. Hist. Eccles. T. I. p. 700. seqq.*

(e.) Conf. *Fabricius Bibl. Græc. Vol. VIII. p. 157.*

(f.) De hoc Episcopo Græco, ad cathedram Cytherorum in Insula Cypro 1574. evecto, qui antea Manuel dicebatur,



Hoeschelium intercesserit amicitia, frequentissimæ eorum testantur epistolæ, plerisque opusculis Hoeschelii præmissæ: & huic quoque amicitia plura Græcorum scripta debemus liberaliter a Maximo cum nostro communicata. Hos hymnos Latinis versibus expressit, & Græco-Latinos edidit *Conradus Rittershusius* Græca Epistola Hoeschelio inscriptos. *Aug. 1601. 8. pl. 9. apud Jo. Prætorium.*

1593.

**D. GREGORII NYSSENI** Opuscula quinque  
*I. De professione Christiana: II. De perfectione, & qualem Christianum esse deceat; III. Anagogica vitæ Mosis enarratio; IV. Contra Apollinarium; V. De fide. Græce nunc primum edita studio & opera Davidis Hoeschelii Aug. Lugd. Bat. ex Off. Plant. 8. pl. 12.*

Inscr. *Wolfg. Palero* & ultima duo *G. Remo Conf. Nor.* Usus est autem codice *Aug. & Margunii*, cujus quatuor Epistolæ Græcæ hic insertæ sunt. Adjecit & huic libello catalogum opp. *Nysseni*, quem inde recudi fecit. *B. Fabricius. (g.)*

1594.

**D. JOANNIS CHRYSOSTOMI** Archiepiscopi Constantinopolitani Oratio in diem natalem Servatoris nostri *J. C.* edita nunc primum studio & opera Davidis Hoeschelii *Augustani* ex *Bibl. Aug. A. V.* typis *Mich. Mangeri* 8. pl. 2.

Inscripsit *Joachimo & Philippo Camerariis*, non numero plures esse, quod innuit *Fabricius (b.)* sed unam titulus prodit & inspectio.

*AN-*

tur, ejusque scriptis videndus *Cel. Fabricius Bibl. Græc. Vol. X. p. 532. seqq.* qui cum carminum *Maximi* editionem *Rittershusii* non notaverit, ex his supplendus est.

*(g.) Bibl. Græc. Vol. XIII. p. 538. seqq.*

*(b.) Bibl. Græc. Vol. VII. p. 654.*

*(i.) Conf.*

1594.

**ANDRONICI RHODII** *Peripatetici Philosophi libellus περί πάθων*, id est, de animi affectionibus, & *Anonymus de virtutibus & vitiis*, editi opera Dav. Hæschelii Aug. Vind. typis M. Mangeri 1594 8. pl. 3. Gr.

Inscripsit Adolpho Occoni nepoti, Marco Windio, Georgio Laubio Medicis Augustanis. Nactus est apographum à Margunio, & aliud Schotti à Frid. Sylburgio. Laudat istos Medicos à Græcarum literarum eruditione. Præmissa est epistola Margunii. Versionem Latinam paraphrasi Nicomacheorum Aristotelis adjunxit *Heinsius* (i.)

1595.

*Catalogus Græcorum Codicum, qui sunt in Bibliotheca Reip. Augustanæ Vindelicorum, quadruplo, quam antea auctior. Aug. Vind. ad insigne pinus cum privilegio Cas. perpetuo. 4. (k.)*

Inscriptus est Hier. Comelino: in ipso Catalogo accurate notata initia opusculorum, & inscriptiones, in margine indicata, quæ edita sint, quove loco, editore, & typographo. Hunc Catalogum passim laudari videas. (l.)

1595.

**Hieroglyphica HORAPOLLINIS** a Davide Hæschelio

(i.) Conf. *Fabricius Bibl. Græc. Vol. II. p. 151. Bæcler. Bibliogr. cr. p. 629.*

(k.) Recusum esse 1605. *Conringius de Bibl. Aug. p. 162. & Labbeus in Bibl. Bibliothecar. p. 37. Wendlerus Diff. cit. p. 49. Cave Hist. Lit. Scr. Eccl. prol. fol. XXV. asserunt, verum neminem novi, qui hanc editionem se vidisse professus sit, certe Augustanis ignoratur.*

(l.) Vid. *Anton. Possevinus append. ad appar. S. Colomies Bibl. Choif. p. 492. Bayle Dict. l. c. Fabricius Bibl. Græc. Vol. XIII. p. 533. not.*

*schelio fide Codicis Augustani msc. correcta, suppleta, illustrata, Aug. Vind. ad insigne pinus 4. 1. alph. pl. 5.*

Inscriptus M. Velfero, cujus typis edita sunt. Versio est Bernardini Trebatii, non vero Joannis Merceri, uti in averſa titulo pagina dicitur. Merceri vero notas ſuis junxit Hœſchelius. (m.)

1595.

**NICOLAI CABASILÆ** Oratio in ſenatores, Grace edita à Dav. Hœſchelio 4. (n.)

Non tamen integra, codicem ſubminiſtravit Margunius.

1597.

**LAMPRIAS** de ſcriptis Plutarchi Charonenſis, & Gr. & Lat. nunc primum editus A. V. ad insigne pinus, exc. Jo. Prætorius, 4. pl. 4.

Recudi fecit B. Fabricius (o.) Calamo exaratum ab Andr. Schotto acceperat Hœſchelius (p.), & dicavit Fr. Raphelengio.

1597.

**HERMETIS TRISMEGISTI** *Jatromathematica ad Ammonem Ægyptium*, à Dav. Hœſchelio Gr. & Lat. edita fide mſc. codicis emendata, ſuppleta, cum notis. Aug. Vindel. typis Mich. Mangeri 8. pl. 4.

Ad calcem adjecta eſt Jo. Stadii interpretatio liberior (q.).

1597.

**MATTHÆI CAMARIOΤÆ** *συνοπικὴ παράδοσις*

(m.) Conf. Fabricius *Bibl. Græc. Vol. I. p. 51. Morhof. Pol. T. I. p. 725.*

(n.) *Idem. Vol. V. ad Allatium de Nilis p. 74.*

(o.) *Bibl. Græc. Vol. III. p. 333.*

(p.) Hinc corrigendum apud Fabricium l. c. eum hunc catalogum nescio e qua Italiæ Bibliotheca accepisse,

(q.) *Vid. Fabricius Bibl. Græc. Vol. I. p. 59.*

της Ῥητορικῆς , *Compendium Rhetoricæ*, editum cura D. Hæschelii Aug. Vind. 1597. 4.

Et hic Margunium opitulatorem habuit. Recudi fecit hanc Synopsin ab Hæschelio editam Jo. Schefferus Hamb. 1675. 8. de qua Editione videndus Fabricius. (r.)

1599.

*Appiani Illyrica Græce*, ex Cod. B. Aug. edidit Dav. Hæschelius 4. (s.)

1599.

*S. JOANNIS CHRYSOSTOMI de Sacerdotio Libri VI. Gr. & Lat. DCC. amplius locis emendati, aucti, illustrati ope librorum mss. ex bibliothecis Palatina & Augustana, Opera D. Hæschelii Aug. Aug. 1599. è Mangeri typographeo, sed typis, ut collatione patet, ad insigne pinus; quod tamen additum non est.*

Inscripsit Alb. à Stetten, ob ejus liberalitatem in sustentandos ingenuarum artium studiosos. Præfixa est Epistola Margunii, & præmissa notis judicia veterum & recentiorum de Chrysostomo & Basilio, quocum ille in his libris colloquitur. (t.)

1599.

*S. MAXIMI Martyris Mystagogia ex Codd. msc. Reip. Aug. & Maximi Margunii Græce nunc primum edita cum interpretatione Latina. Ejusdem S. Maximi definitiones integritati restitutæ, opera D. Hæschelii Aug. Aug. ex offic. typographica J. Prætorii 8. pl. 11.*

Inscripsit Græca Epistola Margunio, à quo duæ Epistolæ præfixæ sunt, una ad Nostrum, altera ad antiquitatis sacræ studiosos. Notulæ paucæ sunt. Latina Versio Gentiani Herveti est (u.) typi insignis pinus adhibiti.

(r.) *Idem. l. c. Vol. IV. p. 475.*

(s.) *Idem. Vol. III. p. 396.*

(t.) *Vid. Fabricius l. c. Vol. VII. p. 651.*

(u.) *Fabricius Vol. VIII. p. 732. 740.*

1599.

S. GREGORII Nazianzeni definitiones rerum simplices, Græce primum ex Aug. Bibl. edita à Davide Hæschelio, cum ejusdem notis & Latina versione Jo. Leunclavii V. G. nunc recusa. Ex officina Mich. Mangeri 8. pl. 2. Græci typi Velferiani videntur esse.

Inscripsit Petro Steurnagelio & Jo. Stirzelio: additæ Anonymi definitiones, itemque Maximi Martyris (x.)

1600.

Geographica Marciani Heracleotæ, Scylacis Caryanden-  
sis, Artemidori Ephesii, Dicaarchi Messenii, Isidori Charace-  
ni, Omnia nunc primum, præter Dicaarchi illa à Dav. Hæ-  
schelio Aug. ex msc. codd. edita A. V. ad insigne pinus pl. 13.

Dedicavit Jo. Georgio Hervvarto ab Hohenburg.  
Conf. Bav. intimo & Statuum Bavaricæ Cancellario,  
qui codicem ei tradiderat conferendum cum apograp-  
ho Velferiano. Præmissa est Is. Casauboni Epistola  
ad Hæschelium, & suffixum Schediasma H. Stephani de  
Dicaarchi Opere Geographico (y.)

1601:

ΒΙΒΛΙΟΘΗΚΗ ΤΟΥ ΦΩΤΙΟΥ Librorum, quos legit  
PHOTIUS Patriarcha excerpta & censura. Quatuor  
msc. codicibus ex Græcia, Germania, Italia, Gallia collatis.  
David Hæschelius Augustanus primus edidit, notas, in qui-  
bus multa veterum fragmenta antehac inedita illustravit. Aug.  
Vind. ad insigne pinus. fol. alph. 8. pl. 6.

Inscripsit Duumviris Augustanis Quir. Rehlinge-  
ro, Marco Velfero, annotationes vero Bonav. Bo-  
deccero, qui sumtus exhibuit. Quanta laude elegan-  
tissima hæc editio, quam typorum nitore, chartæ

Tom. IV.

I i

mun.

(x.) Anonymi definitiones repetiit, multasque similes col-  
legit Fabricius l. c. Vol. XIII. p. 544. seqq.

(y.) Vid. Fabricius Vol. III. p. 33.

munditie & toto habitu magnifico pauca superant, excepta sit, Epistolæ Casauboni, Scaligeri, Lipsii, insertæ, & præfixa elogia viroꝝ doctissimorum loquuntur (z.). Accessere etiam Epistolæ Photianæ. De ipso opere & hac editione videndus Mart. Hanc-kius (a.) & J. A. Fabricius. In notis emendationes quoque Scaligeri & Casauboni insertæ, ad quos folia miserat excusa.

1602.

ADRIANI Isagoge in Scripturam S. primus ex eod. msc. græce vulgavit David Hæschelius Aug. Vind. 1602. 4. adjecta sunt argumenta duodecim Prophetarum, quæ Hesy-chium Hierosolymitanum auctorem habent. (b.)

1602.

D. JOANNIS CHRYSOSTOMI contra Ju-dæos Homiliæ VI. Græce nunc primum III. mss. Codd. Pala-tino, Augustano & Cyprio inter se collatis, Latine partim modo, partim emendatiores ac integrioris, quam ante editæ opera Dav. Hæschelii Aug. Augustæ è typogr. Jo. Prætorii s. præmissæ Epistolæ Margunii, Constantini Lucani, Leontii Eustrathii, Josephi Scaligeri. In fine additur Isidori Pelusiota Epistola de abolita Judæorum politia (c.) Typi Welferianos referunt. Dedic. Erhardis fratribus.

1603.

Eclogæ Legationum Dexippi Atheniensis, Eunapii Sar-diani, Petri Patricii & Magistri, Prisci Sophistæ, Malchi Philadelphensis, Menandri Protektoris, cum corollario ex-cerptorum è libris Diodori Siculi amissis. Omnia è MS. Cod. à Davide Hæschelio Augustano edita, Aug. Vind. typis Jo. Prætorii ad insigne pinus 4.

Inscrip-

(z.) Conf. Dan. Heinsius in præf. Aristarchi.

(a.) De Script. rer. Byzantin. p. 395.

(b.) Vid. Fabricius Bibl. Gr. Vol. IX. p. 381. 382. B. Bud-deus Isag. in Hist. Theol. lit. p. 1429.

(c.) Fabricius Bibl. Græc. Vol. VII. p. 651.

Inscriptum egregium opus Jo. Matth. Wackero à Wackenfels, Eq. S. C. M. Conf. aul. debetur hæc editio liberalitati M. Welseri. Quo beneficio iste Consiliarius Imperatoris Nostri, in reip. literariæ commodum ornarit, uti in Dedicatione fatetur, incertum. Ex quibus codicibus ista hauserit peculiari pagina indicavit, & veterum judicia præfixit, annotationes vero nullas adjecit. (d.)

1604.

*Ecclesiasticus, recensitus ad vetustissimas membranas Bibl. Aug. & quatuordecim præterea exemplaria tum MSC. Codd. Palatinos tum varios editos, addita versione vulgata latina ex editione Romana & notis suis editus à Davide Hæschelio Aug. Vind. 1604. 8. Inserta est hæc editio Græca notæque Criticis sacris Anglicanis. (e.)*

1605.

*ORIGENIS contra Celsum libri VIII. & Gregorii Neocæsar. Thaumaturgi Panegyricus in Origenem, à Davide Hæschelio ex bibliothecis Elect. Pal. Boja & Aug. Græce & Latine nunc primum editi. Accessere notæ & indices. Aug. Vind. ad insigne pinus. 4. imprimebat Dav. Franck. alph. 5. pl. 11.*

Inscriptus liber Carolo Rehlingero, Dn. in Burckvvalden, Scholarchæ, cujus liberalitate typis vulgatus est. Interpretatio est Sigismundi-Gelenii, passim tamen correctæ: in margine variantes lectiones & loca veterum adjecta, in notis ἀποσπασµάτια veterum, imprimis Origenis ex Philocalia inserta: additæ quoque in fine breves notæ Laurentii Rhodomanni (f.).

1 i 2

PRQ.

(d.) Fabricius Bibl. Gr. Vol. VI. p. 230. 491.

(e.) Vid. Jo. Fabricius Hist. Bibl. suæ T. I. p. 278. Le Long Bibl. Sacr. P. I. p. 440. Jo. Frid. Mayer Biblioth. Bibl. diff. ult.

(f.) Conf. Fabricius Bibl. Græc. Vol. V. p. 219.

1607.

**PROCOPII** *Cæsariensis Historiarum libri VIII.* nunc primum Græce editi, accessit liber de ædificiis Justiniani, fere duplo quam ante auctior, Aug. Vind. fol. alph. 4. pl. 18. Editus è Codd. Bojo, Scaligeri & Casauboni: sumtus libro typis Velferianis edito subministrarunt Jo. Georg. Oesterreicher, Jo. Knebher, Wolfgangus Emekofer. Inscriptus est Duumviris Reip. Norimbergensis (g.).

1610.

*Alexiados libri VIII. ab ANNA COMNENA* de rebus à patre gestis scripti, nunc primum à Davide Hæschelio A. ex Aug. Reip. bibliotheca editi, Aug. Vind. ad insigne pinus 4. alph. 1. pl. 1. Dicavit Duumviris Augustanis M. Velfero, Jo. Jac. Remboldo. Laceræ tamen hæ reliquiæ & male passim habitæ, quod in monitione præfixa indicat, & Latinorum de Annæ fide judicia adjungit (b.)

1611.

*S. ATHANASII* vita S. Antonii Eremitæ, è Codice Boico nunc primum edita, cum Davidis Hæschelii Augustani interpretatione ac notis Aug. Vind. ad insigne pinus impimebat David Franck 4. pl. 21. (i.)

Inscriptus libellus Græca Epistola Antonio Velfero.

1614.

**PHILO** περί τῆς ἑβδομάδος de numero septenario, Græce editus à Dav. Hæschelio; A. Vind. 4. Adjuncta fragmenta

(g.) Idem Vol. VI. p. 251. ubi excepta ex epistola Nostri ad Jungermannum notanda.

(b.) Vid. Hanck. de Script. rer. Byzantin. P. I. p. 513. Bæcler. Bibliogr. crit. p. 311. & præcipue Fabricius Bibl. Græc. Vol. VI. p. 391.

(i.) Idem Bibl. Græc. Vol. V. p. 302. Ingolstadii editam male, ut in aliis quoque, Spizelius l. c. asserit.



menta duo libri eiusdem de providentia ; deinde *Nice-  
tæ de septem mundi admirandis*, denique locus *Hippocra-  
tis de septem gradibus vitæ humanæ*, & *Gregorii Nysseni ex  
sermone de Pentecoste de numero septenario* (k.).

§. VII.

His potissimum laboribus ingeniique ad optimam  
eruditionem nati & formati foetibus Hoeschelius im-  
mortalem sibi nominis gloriam peperit. Plura enim  
de eo mihi non constant (l.), etsi triennium adhuc

I i 3

super-

(k.) *Fabricius Bibl. Græc. Vol. XIII. p. 302.*

(l.) *Homilias septem Chrysostomi contra Eunomianos* cum in-  
terpretatione Erasmi emendata se publicaturum, sexque  
alias cum duobus msc collatas recudendas curaturum, Hœ-  
schelius ad *oram Catal. msc. Bibl. Aug.* notavit. Nihil ta-  
men earum editum esse reperi, nec notavit diligentissimus  
*Fabricius*, qui *Bibl. Græc. Vol. VII. p. 654.* Homilia-  
rum editiones recenset. In eo factum esse conjicio, quod  
circa illa ipsa Hoeschelii tempora & Fronto Ducaeus Pari-  
siis, & Henricus Savilius in Anglia in edendo Chrysostomo  
industriam ponebant, qui etiam eas expresserunt, vid.  
*Cas. Oudin. de Script. Eccl. T. I. p. 702. seq.* Plutarchum  
quidem ab Hoeschelio editum esse, personatus *Clarmundus*  
in *Biographiis vernacula editis P. V. p. 22.* asserit, verum  
is sine dubio Lampriam de scriptis Plutarchi patris cum  
Plutarcho confudit. Quod si *B. Spizelii* relatione in *tem-  
plo honoris referato p. 334.* standum est, edidit quoque  
Hoeschelius *Terentii Afri Comædias sex, Germanico-Lati-  
nas, una cum Matth. Schenckio Augusta 1624. 8.* Sed nec  
aliquid earum videre licuit, & admodum omne illud mihi  
suspectum est. Obiit enim Schenckius 1571. quo tem-  
pore Noster adhuc inter discipulorum subsellia versabatur;  
ut taceam anno 1624. utrumque diu vivis ereptum fuisse;  
&, nisi me conjectura fallit, confunditur cum Nostro *Ber-  
nardus Henpoldus*, Gymnasii sub Hoeschelio Præceptor, quem

supervixit, sed cum anno millesimo sexcentesimo decimo quarto finem scribendo imposuisse videtur, quo anno Musæ, imprimis Augustanæ, mortale vulnus per mortem Marci Velseri acceperunt. Tum enim typographeum Velsarianum, ex quo ab anno 1595. optimos auctores edidit Noster, finem habuisse probabile est, rebus domesticis magni viri post ejus funera nonnihil impeditis. Verum & tempus relinquendum erat Hœschelio ad æternitatem meditando & colligendas tanto itineri sarcinulas, Ejus interim nomine atque honore & laudibus semper mansuris. Qui cum Te, Venerande SOCER, successorem nactus sit, qui vestigia Hœschelii de Gymnasio & Bibliotheca insigniter merendo premis, reviviscit in Tua imagine, & ominantur mecum, quotquot Te amant, Teque norunt, Tibi æternam nominis gloriâ. Scrib. Kaufbyræ Cal. April. A. S. R. M. DCC. XXXVIII.

**D**Um vero finem impono huic dissertationi, commodo in manus incidunt *Marquardi Gudii & Claudii Sarrauii Epistola*, quibus junctæ sunt aliæ viro-  
rum doctorum, editæ à *C. V. Petro Burmanno*. In elegantissimæ enim hujus collectionis *Tom. I. p. 187. seqq.*  
occur-

quem Terentium ita edidisse recorder. Id quod etiam ad *B. Fabricii Bibl. Lat. T. II. p. 45.* notandum, qui eadem ex Spizelio retulit. Ceterum in manibus eruditorum varia msc. à Hœschelio delitescunt. E. g. in *Bibliotheca Bodlejana Oxoniensi in Apotheca Casauboniana Part. V.* occurrit *Davidis Hœschelii de Cœna Domini.* vid. *Cat. libr. msc. Angliæ & Hiberniæ Oxon. 1697. fol.* editus *T. I. P. I. p. 265. n. 67.* ad H. Stephanum se quasdam observationes in Thucydidem misisse ipse notat in *annot. in Damasceni or. de transfig. Christi.* Annotationes quoque Hœschelii ad Stephanum msc. extare in *Bibliotheca Argentoratensi* refert *Bæclerus Bibl. crit. c. V. p. 162.*

occurrunt quatuor Epistolæ Davidis Hæschelii ad Joannem Kirchmannum, & una ad Joannem Meursium, omnes luculenti testes & voluntatis Nostri erga viros doctos, & exacti in rebus ad criticam artem spectantibus judicii. Ex his Epistolis, quæ hætenus dicta illustrent & confirmant hæc potissimum notanda & suis locis inferenda existimo : Ep. CII. Hieroglyphica, & Indicem msc. deberi æri Velsariano ; non fuisse nostrum poetam & tamen non inelegans epigramma Græcum condidisse ; Ep. CIV. Bibliothecam Photii Latine ad insigne pinus impressam esse sumtu Velsariano ; Ep. CVI. Andronici tam pauca exemplaria esse impressa, ut haud sciat, ullane Francofurtum venerint. Imprimis vero promissa & affecta Hæschelio notanda sunt, quæ tamen nunquam lucem viderunt, morte & magnum ejus patronum Velsorum & paulo post illum ipsum quoque vivis eripiente. Scribit enim Kirchmanno, se insudare Porphyrio περί ἀποχῆς τῶν ἐμψύχων itemque Gnomicis scriptoribus cum tribus Codd. msc. collatis, quod & B. Fabricius *Bibl. Græc. Vol. I. p. 436.* monuit ; imprimis vero totum se esse in recognoscendis Epiḡteteis Enchiridio, Simplicio, Ariano, inde ad Cyrilli adversus Julianum Apostatam libros accessurus. De quo Epiḡteteo labore etiam ad Jungermannum 1608. (quadriennio priusquam ad Kirchmannum ista 1612.) scripserat : Animus erat dare Epiḡtetea, enchiridio cum tribus mss. codicibus, Simplicio cum duobus collatis, emendata hinc inde ab ipsomet Wolfio, interpretatione notisque auctioribus. Sed idem cogitare Heinsium ex D. Bongarsii literis intellexi, ut jam totus hæream, exspecto tamen responsum, si dignabitur dare, illustris Scaligeri, conf. Fabricius *Bibl. Græc. Vol. III. p. 267.* Quando vero Hæschelius ad Joannem Meursium l. c. p. 190. Ep. CVI. scribit : Herodis inscriptionem abs te versam habeo è tuo autographo, atque ut Casaubonus noster edidit, unde minus de Glossariensi (lege Gosslariensi 1608. 4. & confer Jo. Fabricium *Hist.*

*Bibl. suæ T. V. p. 223. ) laborabam editione , ad quam negabant , quicquam accessisse , neque ullum ejus exemplum venale prostat , scire lectorem velim , hanc ipsam Casauboni editionem Hoeschelio transmissam cum versione αὐτογράφῳ msc. Meursii & emendationibus Nostri , quas in hac Epistola cum Meursio communicavit , tinea & squalori creptam in manus meas feliciter incidisse , & cum Celeberrimo Operum Meursii editore Jo. Lamio eam anxie quærente fuisse communicatam , qui eam operibus Meursianis inseret , illud ipsum vero χειμήλιον postea à me , ne pristina fata experiatur , Bibliothecæ Augustanæ illatum esse . Ceterum & Epistolam Hoeschelii ad Joach. Camerarium Norimbergensem Archiatrum legere licet in Th. Crenii Animadv. Philolog. & Historicis P. VI. c. 3. §. 2. p. 184. testem benevolentiae Hoeschelianæ erga viros doctos , ubi etiam indictum aliis Casp. Scioppii in Arte Critica p. 19. judicium de Hoeschelio expressum est , testantis , cum abiturientes ex Germania Græcas literas reprehendisse .*



\*\*\*\*\*

V.

JACOBI BRUCKERI  
*Dissertatio Epistolica*

Ad  
*Perillustrem Virum*

D. WOLFG. JACOBUM  
SULZERUM

Reip. Augustanæ Duumvirum Præfectum;

*Quæ*

Magni olim Augustanorum Polyhistoris

HIERONYMI WOLFII,

Vitæ ab ipso confectæ, nec dum editæ,

Synopsin exhibet.

**L**ætissimis plausibus, faustissimisque acclamationibus, PERILLUSTRIS DOMINE DUUMVIR, dum Augusta patria personat, quæ ad divinæ Pronæ aras supplex, devotissimæ mentis offert sacrificia, quod, crepto sibi & ad beatissimas sedes translato, qui hætenus gubernaculum reipublicæ moderatus erat, patre patriæ, Te potissimum, novum quasi Atlantem nacta sit, qui tanto oneri humeros supponeret fortissimos: ignavus merito censendus essem atque plane ingratus, nisi absens quidem, affectu tamen civi ingenito gratulantium turbæ mix-

tus comparerem, & ex vicinia ingeminatum feliciter! acclamarem. Cum enim, iudice Tullio, non nobis soli nati simus, sed partem quoque nostri patria sibi vindicet, non potest ulla locorum intercapedo esse tanta, ut communis lætitiæ fontem ad cives undiquaque degentes profluere impediat, mentesque eorum ad congratulandum non exciter: nec privatæ pietati licet inter publica vota tacere, jubetque potius, preces jubilis devotas jungere, universa civitate in exoptatissima de futura felicitate vaticinia conspirante. Nec tamen communi tantum excitatum lætitia calamum & scriptionem postulat officium, quod & me inter cives esse monet, quibus de salutis suæ statore tanta benevolentia prospexit divina providentia; sed & singularis devotissimæ mentis ardor, & gratissima tanti patrocinii, quo hætenus Musis meis frui licuit, memoria, debitam injungit observantiam. Et qui possim aliter, quam non patriæ solum, cui auspicatissima in novo Præside summis reipublicæ gubernaculis admoto sidera illuxerunt, sed & reipublicæ eruditæ bonisque literis, quas coli & florentes conservari, tantis hætenus, VIR SUMME, benevolentia, labore, præsidii curavisti, exoptatissima fata prædicere, suavique futuri solatii vaticinio communem temporum nostrorum levare miseriam, cum, qui Te, PERILLUSTRIS DOMINE, norunt (intelligunt vero omnes, & innumeris testimoniis compertum habent, quanta à Te in patriam beneficia profecta sint, qui virtutem, candorem, fidem suspiciunt) unanimi ore, votivaque mecum mente consentiant? Quodsi beneficiorum & officii immemores taceant ingratae linguæ, loquetur curia, loquetur civitas, loquetur Ecclesia, loquentur scholæ, loquetur chorus patriæ literatus, quantum in TE nata sint præsidium, quantumque inde reipublicæ sacræ & literariæ pollicendum sit incrementum, quan-  
ta

ta speranda felicitas. Et profecto, nisi, quæ excellentissimarum virtutum & immortalium meritorum Tuorum splendorem rarissimo exemplo comitatur, modestia intercederet, quæ præstando magis plurima, quam magnifice deprædicando singula nominis æternitatem iustis sperat legibus, nisi fastigio non muneris tantum, quod suscepisti, splendidissimi, sed & virtutum consummatarum calami exilitas esset impar, liceret sane publicis deprædicare encomiis, quam magnificum Patrum Conscriptorum Collegium, quam Ecclesiæ orthodoxæ antistites, quam scientiarum & artium doctores, quam artifices exquisitissimi, quam tota Augustanorum civitas, & quam ipsa, ringens quidem, invidia fatentur ultro & extollunt, & tot speciminibus convicti græ postérité tradunt, SULZERIANI nominis gloriam. Tuæ enim prudentiæ & consilio quid patria debeat, novit curia, loquitur ærarium, testatur ædilitas; quanto fervore & pietate pro gregis Christiani libertate & causa JESU CHRISTI vigiles, enarrat Ecclesia; quibus curis rem juveris scholasticam & literariam, extollit, Te præside, auctus & ornatus Parnassus Augustanus & celebre Gymnasium: quanta æquitatis & sapientiæ laude rem opificariam artesque etiam nobiles promoveris, enumerat grata civium Cohors. Quæ omnia & his majora etiam cum magnifica abunde sint, næ infacundo me interprete opus non habent. Licebit tamen, quæ propiore forte, quam alii, experientia novi, ore grato deprædicare orbi literario: qui toties ad Te benevolentissime admissus, eos vidi & audiavi eruditionis, non civilis tantum, sed & literariæ, thesauros, toties à Te doctior discessi, toties prudentissima suscepi consilia, toties ex inexhaustæ lectionis horreo in condendis patriæ virtutis & doctrinæ memoriis adjutus sum, ut quid porro literis in patria urbe sperandum de Te sit, omnium optime intel-

intelligam, jureque de Te fatcar, quod de magno Welfero, ut Duumviratus honoribus, ita eruditionis gloria tibi antecessore, fassus est ὁ πάλιν Hoeschelius noster (a.), per hunc patriæ nostræ ocellum literas hic vere renasci, quæ alio loco (b.), ne ad pristinam barbariem, unde vix emerfæ erant, relaberentur, timerat. Qui itaque grata in doctrina præstantium virorum cineres pietate laudes civium jure quodam aliquoties cecini, cur non Wolfium, non Hoeschelium, non Wegelinum, non Ehingerum, literatissimos olim patriæ nostræ cives, in deprædicandis Mæcenatum suorum in literas meritis sedulos gratosque imitatus, vivi & florentis rei literariæ inter Augustanos hodie fætoris meritis thura adoleam, & inter gratulantium choros, non pietate tantum civili, sed & amore erga renascentes sub hoc Apolline literas votivas preces exhibeam? Numen itaque clementissimum, cujus curæ tam exoptatissimum reipublicæ Præsidem Augusta debet, quodque desideratissimæ patriæ aurea sub eo pollicetur secula, throno ejus advolutus humillime, ærantissimis compello precibus, ut felicissimum, quod patriæ salutis exortum est, sidus cœlestis gratiæ splendore ita irradiet, ut ab eo & gloriæ & honoris lumina, incrementorum omnis generis calore aucta, in patriam reflectant, novaque ratione tanto sub Præsæcto Augusta fiat augustior. Ita fiet, ut & animi ad excelsa quæque nati vires, tanto oneri ferendo pares, & corporis vigor inexhaustus, & immortalis nominis gloria, & æternus aviti stemmatis honor, tanquam justissima Tuam, VIR PERILLUSTRIS virtutem consequantur præmia. Ita vero renascentibus quoque literis Augustano pomo  
suus

(a.) *In Dedic. Horapollinis ad M. Welferum.*

(b.) *In Præf. nomenclatoris Græco-Latino-Germanici, Aug. Vind. 1593. 8. editi, qui libris ejus à me in Diss. de meritis Hoeschelii in Græcas literas enumeratis potest adjici.*



suus porro erit honor (c.), habebitque Augusta, quem togatis priorum seculorum heroibus adjungat: certabunt inter se Musarum filii in deprædicanda seculi nostri felicitate & flore scientiarum, à tanto Mæcenate promotarum. Sic & Musæ meæ nova sæpius enascetur occasio, Tuæ PERILLUSTRIS DOMINE, magnificentiae duratura erigendi monumenta. Quale ut & præsentè scriptione excitem, & invitetur erudita gens ad pernoscenda Tua summa merita, veniam devotissime exopto, de vita magni olim Augustani Heliconis ornamenti, HIERONYMI WOLFII, quem illustrissimi ANTONII FUGGERI liberalitati & eruditorum patrocinio Augusta debuit, pauca ex iis potissimum Ichedis *ως ἐν συνόψει* exponendi, quas ipse celeberrimus Philologus vivus conscripsit (d.), quasque integras editum iri, optamus forte magis, quam speramus.

Patentem habuit HIERONYMUS WOLFII Genus & FIUS, vitæ suæ more veterum & recentiorum Parentes. quorundam (e.) scriptor, Georgium Wolfium, in veteri comitatu Octingenfi, nec virtute, nec dignitate, nec eloquentia postremum, opibus meliore illa ætate, moribus admiratione minus corruptis & ab egestate & a contemptu facile vindicaretur. Vetustate generis, & equestris ordinis dignitate is paucis cessat,

(c.) Dixi de hoc lemmate typographiæ & Societatis Welferianæ l. c. p. 20.

(d.) Vid. *ibid.* p. 8. *Matthai Dresseri* Orationem de *Hieronymo Wolfio* mihi non visam laudat. *M. Adami* vit. *Phil.* p. m. 308. qui ibi quoque vitæ Wolfianæ compendium exhibet. Ex hoc fonte omnes hauservnt, qui res Wolfii enarrarunt, historiæ literariæ scriptores.

(e.) Ipse Noster quædam exempla in exordio scriptionis hujus affert, plura laudat *P. D. Huetius in fine Comm. de rebus ad eum pertinentibus.*

serat, cujus insignia inter fundatores monasterii Cæsariensis prope Werdam Danubii in templo videntur (f.) Aus nobilitatis insignia decorans, Oetingensibus Comitibus & Reipublicæ Augustanæ, cujus quadringentos milites duxit, operam navavit strenuam: Scilicet propagata familia Wolfiorum à Pincernis à saltu aprugno, quam stemmatis originem eleganti carmine celebravit Wolfius (g.). Natus est in arce Oetingensi A. R. S. M. D. XVI. Idibus Augusti, Nativitas. intra 6. & 7. horam à meridie. Quod tempus cum πλατυκώτερον à mulierculis præsentibus annotatum ipse moneat, miramur merito, virum haud obsecæ naris tanti tamen fecisse Astrologicæ artis partem μαντικήν, ut ex horoscopo thematisque genethliaci figura totam vitæ suæ, parum sibi more suo placens, scenam instruxerit, & prolixè in ipso Commentarii sui limine his nugis immoratus sit, quam αστρολογομανείαν merito in eo reprehenderunt viri docti, indeque iudicium veris philosophiæ præceptis non satis subactum collegerunt (h.) Doctæ tamen ex artis illius præceptis in hoc argumento versatus est, satisque prodidit, ipsum nec à veterum, nec à recentiorum lectione fuisse imparatum. Dignum tamen

(f.) Insignia familiæ suæ exhibet Noster in *Prolegom. ad sententias Isocratis Basil.* 1572.

(g.) Adiecit hoc carmen dictis prolegomenis. Alia vero hæc est familia Wolfiorum à Joannis Wolfii genere, celebris editis lectionibus memorabilibus, quem cum Hieronymo confundunt Bailletus apud *Teissier. eloges des hommes Savans T. III. p. 172.* Bæclerus *bibliogr. crit. p. 450.* notatus ideo *Mollero Homonymoscop. Add. P. II. c. 7. p. 141.* & *Krausto ad l. c. Bæcleri. Diar. erud. apud Blount. Gens. celebr. Auctor. p. 766.*

(h.) Cel. *Heimannus Ast. philos. Vol. III. p. 443.* qui hanc ejus de astrologiæ fide opinionem ex annotationibus ad *Morellij tabb. bist. Phil. p. 30.* notavit.

men ex hac natalis sui constellatione memoratu , quem ipse inde elicit vitæ suæ characterem notamus : Factum inde esse , ut & animus naturali quadam desperatione fractus nimium se abjiciat , & in diversas distractus partes unum eundemque vitæ ac studiorum cursum tenere non possit , & nihil purum putum decernatur ; sed si quid mellis instillatum fuerit , multo semper felle permisceatur , & laboribus neque dignitas , neque gratia , neque auctoritas , neque præmia respondeant , sæpe & successus egregiis conatibus desit , immo & infortunium , odium , invidia , obtrectatio , contemptus benevolentiam & studium remunerentur ; & fortuna ostentetur sæpius , nunquam contingat optata . Quas , animi magis sui , quam vitæ , lineas per totum Commentarium ubique exprimit , morosumque senem , nunquam præsentibus contentum & de præteritis quiritantem atque inter ambitionis & desperationis scopulos , timidique & elati animi syrtes fluctuantem sæpiusculè depingit . Recte vero hunc animi characterem secutam fuisse fortunam ad illum se effingentem notavit vitæ ejus scriptor cetera brevis MELCHIOR ADAMI ( i. ).

Fratres . Præter sorores tres , quarum in se fidem & amorem maxime prædicat , fratres ante se habuit natos duos , post se duos etiam , ex quibus restabat tum Henricus , philosophiæ & medicinæ Doctor , Norimbergenfis Physicus , quem in arte sua celebrem & apud nobilitatem gratiosum ætate licet minorem se & prudentia & prosperitate non minus , quam opibus & dignitate & totius vitæ prosperitate longe superasse se scribit . Infantiam multa mox mala

pressisse conqueritur , matrem in insanabile *της παρὰφροσύνης* malum incidisse , pestilentiam in fratrem natu majorem & sorores grassatam fuisse , œconomiam

( i. ) l. c. Passim in suis præfationibus se ita *μεμψιμορῶν* præber , & nunquam sua sorte contentum .

am paternam dissipatam : nec multo post ipsum quoque & intestino apostemate plane deploratum , chirurgi tamen cujusdam potione fuisse sanatum : sæpeque in vita postea variis miseriis jactatum illud Æneæ ingeminavisse :

O terque quaterque beati,  
Queis ante ora patrum Trojæ sub mœnibus altis  
Contigit oppetere!

Ex hoc morbo distortus ei nonnihil sinister oculus fuit, dextro firmior accessit acies. Ad undecimum ætatis annum partim rure , partim in belli servilis tumultibus Nördlingæ cum sacrificu-  
lo vixit, parum tamen tam ob inconstantiam studio-  
rum, quam paternæ œconomix dissipatio attulerat, quam ob incitiam & injurias plagosi sui Orbilii ultra lectionem & scriptionem ( quæ nec elegans nec distincta satis fuit, ut multis speciminibus vidi ) profecit ( k ) : quam inepti magistri asininam ignorantiam ridiculo exemplo illustrat, hic ubi compendium narrationis damus, non memorandum. Id quod patrem Wolfii permovit, ut Theobaldo Gerlachio Billicano, Theologiæ Doctore, Viro excellenti facundia & doctrinal, Nördlingæ eum traderent instituendum, a quo Græcas & Latinas literas & dicendi ac differendi artem edocendus esset : cujus tamen disciplinam paulo severiorem horrens, Norimbergam ad Christophorum Julium, clarissimum Jctum fuit missus, ab eoque Sebaldo Heideno viro ingenio & eruditione præstanti, solertissimoque instituendæ pueritiæ artifice fuit commendatus, cujus institutione ab anno 1527. ad 1530. usus est cum aliqua ingenii & industriæ laude. Tum à Sebaldo præceptore in Ægidianum, quod Senatus Norimbergenfis munificentia ex monasterio crexerat, Gymnasium missus est, ubi tum magni viri,  
Joachi,

( k. ) Conf. præf. ad Guil. Morellii tabulas hist. philos.

Joachimus Camerarius Græcas & Latinas literas ac philosophiam, Eobanus Hessius poëtas Latinos, Michaël Rottingus dicendi artes, Joannes Schonerus Mathematica, Joannes Boschenstein Hebræam linguam docebant. Quia tamen immatura id ætate fiebat, XIII. annum enim vix expleverat, parum ei utilitatis attulit virorum præstantissimorum industria, cum omnia ei obscura & difficilia viderentur. Et cum tandem aures ei aperirentur, & fructus aliquis ex iis, quæ tradebantur, ad animum ejus redire videretur, parentis literis tristissimus in patriam revocatus est, id quod non exiguam rerum omnium desperationem ei attulit; sic ut puerili iracundia parenti scriberet, se delectari studiis & præceptorum judicio iis aptum esse; si abstrahendum pater duceret, sartori vel futuri instituendum traderet, ejus voluntati parere necesse sibi esse. Quod patrem valde initio iratum permovit, ut se commodis & honori ejus rectius ac melius, quam pro stultitia ejus, consulturum promitteret. Placato itaque patre, & commendationibus præceptorum auctus domum rediens, laudata ejus diligentia & doctrina, à parente Cancellarii Comitæ Oetingensis, Christophori Julii Jcti præstantis & omni genere literarum eruditi servitiis destinatur, facta spe aliquando in scholam redeundi. Quod patris consilium ideo conceptum fuisse, ipse Noster fatetur, ut natura ejus tristior & severior, ac solitudinis quam frequentia amantior, aulica hilaritate dilueretur, & iracundia cum pertinacia quadam conjuncta consuetudine dictiorum emolliretur: id quod feliciter cessit, factusque est Wolfius ope quavis placidior. Cui cum probitas, diligentia, modestia accederent, à Cancellario & aulicis vehementer dilectus est. Cum vero ob collegæ, in conclave scribis in arce destinatum cum non admittentis, pertinaciam, in publico hypocausto libelli legendi vel scribendum illi esset,

Tom. IV:

K k

sibili

sibili & diſteria & vellicationes & grando oſſium & calceorum ſequebatur, quæ importunitas eum coëgit in montem vicinum vel rus concedere, ut deliciis ſuis frucretur. Laudatque tunc cum emolumento lectos ſibi Eraſmi Roterodami, Philippi Melanchthonis & Jo. Ludovici Vivis libellos, quos cum poetis aliquot Norimbergæ de ſuo peculio, fraudato etiam genio ſuo, & neglecto veſtium ornatu, ſibi paraverat. Multa tamen non intelligebat, cum ei deeſſet Lexicon, & Cancellarius, vir cetera eruditus, in eo genere ſtudiorum, quo Wolfius delectabatur, minus eſſet verſatus, poëſi & lingua Græca: qui quoque ſæpius eum hortatus erat, ut, omiſſis nugis iſtis, Jurisprudentiæ ſe daret, ut & reipublicæ inſervire, & rationibus ſuis conſulere poſſet, quare & inſtitutiones Juſtiniani ei interpretabatur. Ipſe vero à Jctis, quos injuſtiæ magis antiſtites, quam juſtiæ ſacerdotes ſæpius eſſe, audiverat, valde abhorrebat, ignarus eadem re & bene & male uti licere, quod Cancellarium permovit, ut invitis canibus venari velle deſiſſet, ea vero ipſi prædiceret, quæ ſuo poſtea malo in ſcholæſtico vitæ genere expertus eſt. Quam imprudentiam ſuam gravi querela deplorat Wolfius. Cum vero libri neceſſarii deeſſent, induſtria ſupplendum ratus, mane hora quarta ſurgebat, excitatus à vigile, & in dicendi & fingendi arte ſe ſatis infeliciter exercebat, conſcriptis iis, quæ in buccam venerant, cum non eſſet, qui emendaret, & parochi quoque filiis Terentium prælegebat, νεόφυτος διδάſκαλος. Quia vero huic vitæ generi deditus, ab aulicis tanquam fatuus & lunaticus ridebatur, id quum ille ægre ferret, conſilium cepit agendi aulicum. Libris itaque in ciſta conſeclis pugionem, ornatum pileolum, faſcias tibiarum & alia aulicos decentia ſibi comparaturus, Nördlingam ad mercatum properat, & mercatores peregrinos jam abiſſe videns, dum tabernas ingredi

pude-

pudebat præ nimia timiditate & *δυσωνία* rediturus domum, bibliopolam offendit, qui libellos Francofurti allatos exposuerat, inciditque in Valerium Maximum, & Lexicon Græco-Latinum à Gilberto Longolio editum, & opuscula quædam poetica & rhetorica: quibus emtis domum properat & cum Musis suis in gratiam redit, & quod in aula occasio deesset, de reditu in scholam dies noctesque cogitat. Quibus curis intentus in morbum incidit, quem cum partim dissimularet, partim ipse sanare intempestive tentaret, vires tam corporis, quam ingenii valde debilitatæ sunt, adeo ut ista molestia per septem annos conflictaretur; quod tamen mali genus, quod gonorrhæam fuisse indignabundus Græcis literis adjecit, à Veneris cujusdam ira sibi propullulasse suspicatus est, cum castissime vixisset, & semper studiis invigilasset. Nec consulto etiam medico Nördlingensi mali vis tolli prius potuit, quam fratris jussu 1541. in thermas ferinas iret, quæ aquæ salutares ei sæpius fuerunt. A patre itaque impetrata promissione, se sumtus annum unum alterumque eius studiis facturum, 1535. Cal. Mart. Norimbergam rediit ad veterem præceptorem, à vini copia ad *ὕδρον ποτίαν*, & inter pueros magistro assidens addidicit, quæ ignorabat. *Ægidianum* vero Gymnasium plerisque doctoribus supra laudatis privatum offendit. *Joachimum* itaque Camerarium Tubingam abeuntem illuc secutus est, inepte vero, de studiorum ratione incunda, præ verecundia cum non consuluit, quo factum est, ut incerta utriusque linguæ cognitione impeditus optimos auctores exiguo cum fructu explicantem audiret. Id quod etiam ipsi in auditis Bigotii, Cæsarii, Gebhardi, Hildebrandi lectionibus philosophicis & mathematicis evenit. Proficiebat tamen ex Schegkio Lucianum, Camerario Sophoclem, Benigno Quintilianum, Vejo Salustium interpretantibus. Sebaldi etiam Stauenreuteri

privatæ ei lectiones commodabant. Quia vero parens biennii tempus ei definiverat, quo relictis studiis in aulam regis Ferdinandi cum ablegare constituerat, ut tempus sine sumtibus duplicaret, sordidum famuli communis munus lætus atque alacer suscepit, tanta frugalitate usus, ut non nisi, si fontana aqua per imbres turbidior esset, vinum biberet : qua paupertate, virtutis & industriæ parente, valde gloriatus est Wolfius. Tum interpretatus est Rector Collegii Schegkii Evagoram Isocratis, quæ prima Nostro occasio fuit, auctorem hunc legendi & edendi postea sæpius. Multum se passum refert Wolfius in comunere à juvenibus, quibus contra mandatum Rectoris portas noctu aperire recusaverat, eamque causam fuisse, ut missionem peteret, à patre præterea decumbente avocatus, qui lapsus ægrotabat. Ei dum ministrabat tempus carminibus faciendis terit, parentis ministerio minus, quam postea factum vellet, curato, à quo, quod ipse dolens refert, multa humanæ vitæ utilia discere potuisset, quæ, sibi vivens librisque suis, neglexit; quem sibi in senio adhuc morem difficilem esse, ut cum nemine, nisi vocatus, congregiatur, fatetur, indeque evenire ait, ut in frequenti urbe ea sibi ignorentur, quæ lippis & tonsoribus nota sunt. Quam tamen vitam anachoreticam fraudi sibi apud multos esse, & obtrectiones genuisse minus bene de se sentientium, non negat. Parentis vero morbo moram trahente Tubingam redire ad studia iussus est, parens vero triduum post 20. Apr. 1536. ex subita narium hæmorrhagia obiit. Canes ea nocte lugubriter ejulasse refert Noster, quod dum notatum video Wolfio, in mentem venit Hieronymus Cardanus, vir magnus, sed superstitione, astrologiæ judicariæ amore & fide, ominumque & similium observatione sæpius notatus, quem in hac quidem animi inclinatione valde Wolfio nostro plus semel obser-



observavi similem (1.). Parentis obitu in patriam constituendæ rei familiaris causa Tubinga revocatus, bis salutis & vitæ periculum fecit, divina providentia ictus telorum improvisos duos ab eo avertente: qualia divinæ tutelæ specimina, quæ sibi in vita evenissent complura, hac occasione narrat. Inter quæ & errores in sylva, atque sitim inde magnam ortam enumerat, lacte tantum in casa rustici cujusdam extinctam, unde læso hepate sibi ad eum diem usque exortos dolores hypochondriacos putabat, ideoque quoque repudiato vino Neccarico, tanquam à sole minus cocto, vina optima expetebat, quod sibi ut vinolentiæ vitium, quemadmodum jocos inter raras sibi epulas ut licentiam, exprobratum esse conqueritur, hancque severitatis domesticæ & dolorum intestinorum respirationem fuisse innuit, interposito quoque usu confectiois δια γόδων à Gassaro suppeditatæ, quam cum nuce muscata annos sibi prorogasse, alias pauciores futuros, monet. Quam morborum seriem & causam in inopiam vini generosi & optimi rejicit. Tubingam reversus totum se Jurisprudentiæ dare constituerat, & collegia Jctorum ideo adibat, quorum tamen prælectiones se non intellexisse fatetur. Quia vero malo iliato per quatuor menses illi erat confistendum, tantam sensit ingenii ex capitis imbecillitate & vertigine, morbo etiam levato, debilitatem, ut relicto isto consilio ad pristina studia redire cogitaret, moram restituendæ sanitatis non tam minus patiens, quam, ingenio & temperamento ita ferente, desperans. In aulam tamen Episcopi Wirceburgensis, ab

K k 3

ami-

(1.) Multa Wo'fius cum Cardano habuit communia, nam & hic in libro *de vita propria* conqueritur de inimicis & æmulis p. 53. de calumniis p. 54. de paupertate & detrimento in patrimonio p. 67. enarrat pari modo pericula vitæ, insidias lethales, & assiduas p. 78. insomnia p. 113. ostenta naturalia & visa rara p. 146. & his similia.

amicis, præceptoribus & ipso Comite Oettingensi commendatus secedens, receptus fuisset in cancellariam, si fidem ei perpetuo obstringere voluisset; inter aulicos tamen à principe recipiebatur. Commode se ibi vixisse, & optimis usum fuisse amicis restatur, sed sine magno negotio, labore & mercede. Ex piscium per quadragesimæ tempus esu circa ætatem febris ardente exorta, maleque curata venæsectione temeraria, cum cruciaretur siti, frigida potu, & cerarum acidorum devoratione iliaci mali reditum provocavit, ideoque in patriam remissus est. Ibi sanitati sororis cura restitutus Herbipolin revertitur, veniamque impetrat redeundi in Academiam. Wittebergam itaque accedit, Melanchthonis eruditione & fama invitatus, & ab amicis commendatus. Ibi quamvis segnius & minus, quam necessitas ejus postularet, pecunia submitteretur, audivit tamen Lutherum, Melanchthonem, Winshemium, Amerbachium, aliosque, & descripsit annotationes magistrorum in eos auctores & artes, quas non integras audierat: frequentavit etiam bibliothecam principis, in qua bonam partem Commentariorum Aristophanis descripsit, Hermetisque libellum, de revolutionibus nativitatum, quem postea edidit, plurimum admiratus est, & in literis Græcis & Latinis aliquid fecit operæ pretium, in astrològia & mathematis non ita multum profecit. Offensus vero urbis sordibus, & pecuniæ inopia monitus media æstate 1593. præceptor Sebaldo locavit operam, discipulos publice & privatim docendi, in Græcis vero literis diligenter elaborabat, & versiones conferebat cum textu Græco. Ibi cum exiguum stipendium aliquantisper esset auctum, ut præter cibum frugalem triginta florenis constaret, jucunde & contentus cum amicis Norimbergæ vivebat, & versiculis Græcis & Latinis proceribus innotescebat, qui ei de meliore loco prospicere, fru-

frustra tamen, cogitabant. Itaque in eo pistrino hæsit ad annum 1541. quo novatis religionis ceremoniis, in patriam ad aperiendum ludum vocatus est. Ubi cum & affinis ei molestus esset, & merces maligne & intempestive numeraretur, Witebergam ad Melanchthonem rediit, scholasticam conditionem expectaturus, quæ ei Cal. Jan. 1543. Mylhusæ Thuringicæ oblata est. Melanchthonem itaque ubi Lipsiæ in ædibus Camerarii accessisset, ibique Lycei ab eo Græcum accepisset nomen, quo diu usus est, commendatus à magno viro Mulhusam abiit, nuper puriorem doctrinam amplexatam, & à turbis Anabaptistarum nondum plene liberatam. Nec tamen hæc schola capiebat Wolfium, cum vix duodecim haberet discipulos, quibus utriusque linguæ elementa traderet, reliqui alphabetarii essent, quorum parentes satis haberent, si filiolis legere utcunque & scribere didicissent. A plerisque tamen honorifice tractabatur, & nullibi magis in privatis studiis majorem unquam successu & commodiore valetudine, quam isto biennio, usus est. Perlegebat enim totum Ciceronem, Quintilianum, Isocratem, Xenophontem; Aristotелеm & Platonem magna ex parte; cui Justi Menii, viri eloquentis consuetudo admodum jucunda accedebat, cui Wolfium Melanchthon de meliore nota commendarat, ad quem etiam systaticas Melanchthonis affert, gravissimum eruditionis Wolfianæ testimonium perhibentes. Desiderat tamen in eo Vir optimus, animum hilariorem & in actione excitationem, auctoritatem vero virtute ipsum sibi conciliaturum sperat. Id quod defuisse sibi, & optimum virtutis studium nullam sibi auctoritatem addidisse, immo contraria sibi pleraque fieri more suo molestius conqueritur. Ejusmodi enim querimoniis totus hic Commentarius plenus est. Hancque causam innuit, cur & Mulhusæ sibi bene esse desineret, præcipue cum

ibi primum sentiret, se præstigiis magicis imperi. Urbem itaque aliam optans, ubi frequentia eruditorum major esset, Viti Theodori commendatione Norimbergæ locum, qualem optavit, invenit, curæ suæ duodecim selectis adolescentibus commendatis, quos ita sibi conciliaverat, ut filiorum instar eum diligerent. Quos cum magna dexteritate erudiret, civitatis proceribus imprimis Duumviro Tuchero ita commendabatur, ut, aucto stipendio, præter honestum victum, in singulas hebdomadas singuli ei florensi præberentur. Quare in portu jam se navigare credens, munere diligenterungebatur, boni cujusvis ac docti gratiam nactus. En vero in sereno subitam ex improvviso tempestatem. Cum enim neminem offenderet, nec inimicum se habere putaret, ita venenis & præstigiis exagitabatur, ut mors, quam vita, ei esset optabilior (*m.*). Neque diabolus & instrumenta ejus, verba sunt Nostri, prius destiterunt, quam eum, non modo munere eo dejecissent, sed & urbe cedere coëgissent. Mense enim Dec. 1546. sex continuis diebus intempesta nocte subito terrore somno excutiebatur, statimque gutta ex dextro oculo delabi videbatur, ut tandem in metum occæcationis veniret, & nec quicquam fere legere posset. Solus prandens vermes & araneolas in cibo reperiebat, vinum spuma, ut cerevisia, obductum afferebatur. Cum itaque se incolumem hoc loco esse non posse videret, missionem à magistratu, non vero impetravit, quod melancholia ex studiorum assiduitate contracta laborare crederetur, locum tamen mutare ad tempus aliquod ei permissum est. Thermas itaque ferinas ingrediens mediocriter convaluit, & per Hercyniæ sylvæ nives Argentoratum excurrit, à rustico vero

(*m.*) Prodit hac historia Wolfius luculenter animi characterem, non recordatus, se supra scripsisse, hypochondriaco malo se vehementer fuisse afflictum.

vero quodam Hercyniæ sylvæ incola, herbas quasdam & globulos accepit, quos Norimbergam redux cum ardentibus prunis imposuisset; non corporis tantum magnam sensit mutationem, sed & popularis quidam, livida eum mox convenit facie & tubere, qui se ex lapsu ita fuisse concussum mentiebatur. Dicebatur etiam mulier quædam non ignobilis decumbere. Et ita quidem per aliquot hebdomades quietus vixit; sed cum pristini terrores & pericula redirent, abundum esse, etiam invitis Dominis, ratus, cum pro delirante eum haberent, quos tamen fassos tandem esse, ait, ipso jam in Helvetia degente, monachum quendam sceleratum, qui præficam in isto nosocomio, ubi vivebat Wolfius, apud morientes agebat, istas ipsi tragœdias excitasse, quem magum esse constaret: quem tamen ministrum tantum alterius invidi fuisse credit, & suspensiones animo quidem premit, non negat vero, certum sibi videri, sentinam hominum improborum, in lentam ejus necem conspirasse. Quæ ipsis Wolfii verbis ideo retulimus, ut quo animi corporisque morbo, vir cetera bonus & eruditus laboraverit, attentis pateat. Plura quæ ex astrologicis rationibus affert, non addimus.

Urbe itaque Norimbergensi relicta, paulumque Nördlingæ apud sororem commoratus, iter Tubingense, Argentoratense & Basileense est ingressus, cum, ut veteres præceptores & amicos inviseret, tum ut quatuor Isocratis orationes & duas Demosthenis, quas converterat, Oporino excudendas daret, & patronis eas inscriberet. Oporinus autem consilium mutare, totumque vertere auctorem suavit, sumtusque & remunerationem promisit, quod etiam Argentoratum reversus in ædibus veteris amici Sebaldis Hauenreuteri perfecit, qui victum & domum ei obtulerat. Ita absolutum Isocratem Latine edidit 1548. in qua tamen versione se magis fidelitati, quam puritati, studuisse

fatetur, cum majorem Græcæ quam Latinae linguæ usum & facultatem possideret (n.). Primum hoc ejus & minime elaboratum opus, quod exiguo tempore confecerat, adeo probarunt amici, ut ejus fama commoti efficerent, ut Augustani ejus curæ committerentur discipuli, quos Basileæ biennium, Lutetiae unum annum instituit. Argentorati, cum opportunum erat, Petrum Martyrem, Martinum Bucerum, Paulum Fagium, Joannem Sturmium & Justum Felsium audiebat, ex quibus Bucerus ei spem faciebat, si in classe docere vellet, publicæ postea prælectionis. Verum ille corporis imbecillitati diffidebat, & superiore loco se dignum judicabat, quam imprudentiam suam ipse fatetur & deplorat. Postea Basileam reversus adolescentes dictos erudiendos suscepit, secumque in eodem habuit conclavi & cubiculo, quatuor eos singulis diebus horas instruens. Totum ibi biennium convertendo & emendando Demosthene, Oporino auctore, transigit, quanquam Amerbachius à conatu eum hoc deterrebat, quod nec Budæus nec Erasmus in eum auctorem quicquam fuissent ausi. Pausaniam, quem inchoarat, Abrahamo Lœschero (o.) mandavit, qui eum Basileam secutus erat. A Ludovico vero Carino (p.) rogatus ut sibi cum Jo. Fuggero in Galliam ituro hypodidascalus esset, consulto Hauenreutero annuit quidem, sed non impetravit:

(n.) Totam Isocrateæ versionis historiam Noster enarrat in *præf.* ei non præmissa, sed suffixa *p. m. 1104.* quæ pleraque in hunc comm. transtulit. Quæ vero ibi obscurius de vitæ suæ fatis queritur ex allatis lucem capiunt.

(o.). Is eam versionem edidit *Basil. 1550. fol.* dedicatam Joanni Jacobo Fuggero. Vid. *Fabricius Bibl. Græc. Vol. VIII. p. 471.*

(p.) Magna, quæ commodis & fortunæ suæ Carinus præstitit officia & beneficia Noster deprædicat *peculiari elegia Nicephoro Gregoræ præmissa.*

travit : Demostheni itaque vertendo totus incubuit, tanto ardore, ut cum lapsu graviore dextrum brachium luxatum esset, & confractum officulum, læva dextram sublevans, non multum, aliquid tamen, scriberet. Sebastiani autem Castalionis jucunda & utili consuetudine utebatur, cujus non colloquiis tantum, sed iudicio quoque in emendanda versionum dictione utebatur, cumque is familiam ex typographicis operis utcunque sustentaret, tenuitatem ejus pro virili sublevabat. Quod cum postea Wolfius Augustam delatus intermitteret, quod Castalionem cui Græcarum literarum prælectio demandata erat, sua ope non indigere crederet, isque Nostrum arrogantia sua, versus Wolfii in conversionem bibliorum rejiciens offendisset, exacerbavit Castalionis animum, ut ei sua potissimum opera in condendis versionibus adjutum jactaret, vel morderet potius, id quod Wolfium, hac de injuria passim conquerentem (q.) male habuit. Verum hoc gentis Gallicæ innato accidisse vitio putabat, quos sui contemtores habuisse conqueritur. Absoluto & edito Demosthene, cum discipulorum parentes Wolfium Lutetiam ire jussissent, Augustam id opus secum dorso attulit, & ab Antonio Fuggero humaniter habitus est, qui cum suis sumtibus in Italiam ablegasset, nisi ipse à regionis moribus abhorrnuisset. Tum Basileam redux Lutetiam comitatu sedecim equitum profectus est, cumque circa Aprilem exeuntem ibi advenisset, Michaëlem Vascosanum & Jacobum Gropylum, Petrum quoque Ramum & Adrianum Turnebum benevolos & faventes invenit, sed Joannes Strazelius regius professor, ejus interpretationes plane canina rabie pro suggestu exagitavit, & tamen cum eo coram loqui & conferre de ea re semper recusavit (r.). Habebat

(q.) Vid. præfatio in *Isocratem*.

(r.) Passim in præfationibus eum pungit Wolfius, & in *Elégia* in Oporinum præfixa *Nicephoro* ita :

bebat etiam quosdam Germanos sui studiosos, & inter hos Sigfridum Pfinzing, Norimbergensem, Ambrosium Lobvasserum, aliosque. Sed & nihil Lutetiæ illi jucundum erat, nec urbis foetor capiti, nec Sorbonæ in æmulos religionis æstus animò gratus erat, valdeque sibi de periculo metuebat. Quærebat itaque facultatem veniamque redeundi in Germaniam, discipulis de hypodidascalo, & de alia sibi conditione dispiciebat, quæ duplex offerebatur, apud Jo. Jac. Fuggerum & in aula Mauritiæ principis à Christophoro Carolovicio, quarum neutra tamen successum habuit. Basileense itaque iter pedibus tempore hiberno ingressus, carro ob defatigationem, quæ ab uno equo trahebatur, conducto advenit, à nemine, ne ab Oporino quidem (s.), admodum benigne & amice exceptus, quod ejus inconstantia male omnes haberet. Observatque Wolfius, totum, quod Demostheni impenderat, triennium ipsi infaustum fuisse, periisse pleraque exemplaria, quæ ex quinquaginta remunerationis loco ab Oporino accepta amicis destinaverat; patrónum quadraginta florenorum honorarium decrevisse, & cum aureos montes illi amici ejus promississent, nunquam se in majorem desperationem & indignationem incidisse. Nec Demosthenem in herili bibliotheca recognitum, Æschine

*Æschinis & Demosthenis omnia scripta cœgio  
Vertere cunctantem, convicia vana timentem:  
Qualia Strazelinus tumido deblaterat ore,  
Et plerique sonant, qui pulpita celsa tenentes  
Laudibus alterius se perdere nomina credunt:  
Seque putant doctos, si plus vidisse putentur,  
Ignavum pecus, & mordax, plenumque venenis  
Ambitiosa virum queis pectora fervere cernas.*

(s.) Hujus tamen ingentia in se merita l. c. gratus extollit; Scilicet indignabantur ejus amici inconstantiam fortuna suam uti ignorantem.



ne adjuncto feliciorē fuisse expertum, cum patronorum offensam ea editione incurrerit, ob adjunctam elegiam ad fratrem, in qua male Fuggeranzæ familiæ ominari sycophantis dicebatur. Interim Martinus Borraus Cellarius Theologus Basileensis operam dabat, ut Græcas Wolfius literas doceret, decreto sui muneris stipendio, quod cum exiguum XXXVI coronatorum esset, typographica vero servitus ei displiceret, pestilentia quoque serpere cœpisset, recusavit. Augustam itaque tendens, Kaufbyræ à Georgio Hermanno & Gregorio Læto (t.) humaniter habitus, eo tempore ibi advenit, quo Carolus Imperator comitia habebat, unde vix locum in Conradi Mairii Consulis, patroni sui, ædibus inveniebat: ubi initis de rebus suis rationibus iter in patriam instituebat, à Xysto Betulejo vero, & ejus cura, à Jo. Baptista & Paulo Hainzeliis retentus est, ut Augustæ conditionem sibi aptam expectaret, sine suo sumtu. Ad eum itaque se contulit, ibique Epicteti conversionem inchoavit. Sed & Richardus Morisinus, Regis Angliæ Eduardi VI. legatus, eum ad erudiendum Suffolciensem Ducem in Angliam luculento stipendio ablegaturus erat: cui tamen fortunæ mors principis adolescentis intercessit. Postea ad Jo. Jacobum Fuggerum, cui Demosthenem dedicarat, accersitus est, ut ei operam in Latinis literis scribendis & curanda bibliotheca navaret, quam conditionem etiam suscepit, cumque interrogatus, quod stipendium decerni vellet, nihil ipse petiisset, altero anno centenos coronatos sibi dari non sine offensa heri postulavit, cum initio bona cum gratia plus licuisset. Centenos itaque thaleros obtinuit, promissa simul, si quid futurum esset, heri liberalitate. In eo munere sex

inte-

(t.) Dixi de Hermanno in progr. de meritis Fuggerorum in rem literariam, de Læto in Symbolis criticis ad L. Germanicam, (Critische Beyträge.) P. XIX. p. 349. seqq.

integros annos versanti, etsi pecuniæ nihil accessit (u.), tamen Fuggeranæ familiæ singularem humanitatem fuit expertus. Eo tempore Isocratem Græco-Latinum & Demosthenem accuratius recognitos edidit, Æschinem præterea oratorem, & Commentarium astrologicum & historicum Zonaram convertit, Patronus vero eum ad aulicas dignitates promovere studebat, cum vero & scholastici Nostri mores obstarent, & homuncio quidam scarabeo nigrior doctrinam & mores ejus exagitando extenuaret, non magni eum facere videbatur, mensæ tamen adhibebat, in qua, quod herus abstemius esset, ipsi vinum Neccaricum aqua dilutum apponebatur, stomacho ejus inimicissimum. Fatetur tamen, si occasione uti scivisset, facile ab hero impetraturum fuisse, viro natura liberali & magnifico, & laudis gloriæque cupido, ut Codices Græcos convertere & Latine edere licuisset, quibus ea bibliotheca abundabat. Factum autem est, ut herus, priori conjugē Ursula Starrochia, egregia heroina defuncta, paulatim occasionem querere cœperit, ejus honeste dimittendi; unde & per biennium minus ei gratus fuit. Hoc tempore Jo. Doreschvvanus vetus familiæ Fuggeranæ procurator, re familiari in Neosolio Pannoniæ castello constituta, animi gratia Constantinopolin & Amaseam usque Cappadociæ urbem excurrit, reversusque Zonaram & Choniatem attulit, auctorque fuit Antonio Fuggero, scriptores hos diu desideratos Wolfii opera Græce & Latine edendi. Factum id 1555. adjunctusque ei Hieronymus Martius postea physicus Augustanus,

(u.) Aliter tamen Noster in elegia ad Lud. Carinū :

*Inde tuis patrocinis evectus in urbem  
Augustam heroas Fuggeros novit amicos,  
Fundamenta sui qua jecit prima peculi,  
Et patrias reparavit opes, quas agra juventa  
Casibus afflicta variis exhausserat omnes.*

nus, qui manu eleganti codices describeret, & conversionem jungeret. Quod institutum Ludovicus Carinus, apud Fuggeros, quos plerosque instituerat, graciosus, valde promovebat: cujus laboris historiam cum in Byzantinæ historiæ scriptorum præfationibus enarraverit, facile ea inde repeti potest. Interim per Gereonem Sailerum primo obscurius, mox à Scholarchis Augustanis per Jo. Hainzelium cum Wolfio actum est, ut singulas horas quotidie Græce doceret: quam Spartam, post heriles injurias, qui ejus opera serviliter abuti cœperat, tandem trecentorum florenorum stipendio ita suscepit, ut & in schola reformanda, & docendis Græcis literis, & ornanda bibliotheca Augustanæ reipublicæ operam suam in quinquennium promitteret, quod haud gravatim fecit, ignarus, ut scribit, in quantum calumniarum & ærumnarum pelagus præcipitaretur (x.) Curandum enim erat, ut in publico loco non in triviali classe docere videretur; providendum ne nova mutatio criminationes excitaret, deprecanda offensa inspectionis classium, & offerenda illius loco conduplicata docendi opera. Postulanda separatio doctiorum, qui eum audirent, à rudioribus, iique in sublimioribus magis exercendi & excitandi quam ista accommodatione ad captum rudiorum, quæ illi injecta erat, expectatio multorum frustranda & studia restinguenda. Quæ tamen omnia quo minus adverteret, & mature mutaret consilium, publica auctoritas, & honestum stipendium, & novi instituti præclara species impediverunt, ita ut omnia plane & expedita & cum publica laude conjuncta somniaret. Erat etiam, qui academiam in urbe hac erigi non posse,

(x.) In tutissimum studiorum nidum eum se recepisse ait *Thuanus ad An. 1580.* quod verum est, si Wolfius tempore uti scivisset, quod magnis tum literarum patronis abundabat.

posse, moneret; quam voluptati & quæstui magis, quam literis, servire ipse pervidebat: pluresque docti homines indignabantur, ejus ingenium in his puerilibus rudimentis obsolescere, atque animum obtorpescere: queriturque, se post quatuordecim annorum balbutiem, si in frequentiori & celebriori auditorio docendum dicendumve esset, timere, ne referret oculos ad terram humique reperet, & se, in Augustano Phrontisterio pueris βραχὺ αὐτὸ λέγειν opinaretur (y.), se certe, quoties eruditi hospites lectioni intersint, vehementer & sui & auditorii pudere, & doctiores adolescentes, cum semel cum audiverint, mox recedere, quæstos, quod tam pueriliter doceret. Hinc factum esse ait, ut se majori, quam meliori, parti attemperando in Commentariolo Ciceroniano & Isocratico plura dixerit, indigna fortasse quæ imprimantur, utilia tamen pueris (z.). Circa illud tempus in thermas ferinas concessit, requiescendi & insidias, quas timebat, evitandi causa: & reversus in ædes Huldrici Fuggeri, qui communem victum ei obtulerat, immigravit: ubi cum affatim ei omnia præberentur, propter ἀταξίαν tamen œconomicam, quæ post quadriennium in nervum erupit, parum ei vel in re familiari vel in valetudine profuit: 1562 tandem per calamitatem hospitis (a.) non sine multis difficul-

(y.) Alta spirabat inter magnam timiditatem Wolfius, hinc academicum munus anhelabat, neque tamen à Norimbergensi Senatu in Gymnasio Altdorfino oblatum accepit, sed Thomam Freigium ei commendavit. Hinc ille contemptus Lycei Augustani, quod ante eum Berulejus, post eum Hœschelius magna nominis celebritate & sine indignatione illustrarunt.

(z.) Produnt hæc pleraque edita, cum in illo munere vivebat Wolfius, recteque id notavit Cæl. Heumannius *Alf. philos. Vol. III. p. 343.*

(a.) Conf. Gassari *Annales ad h. a.*

difficultatibus in libertatem assertus est, conductaque domuncula cibi capiendi gratia per annum oberravit, tandem anno sequente parvam œconomiam instituit, cui propter expensas complures stipendium non suffecisset, nisi aliquid aliunde accessisset. Carolus enim Villingerus conversionem Suidæ efflagitam ducentis florenis remuneratus est: Augustana respublica, ob inscriptionem commentarioli in Ciceronis officia quinquaginta aureis eum donavit. Ita factum ut æs alienum vitaret, & statum suum pristino more tueretur, usque ad annum 1566. quo elocatio neptis Ursulæ Strausæ, Joanni Schenckio, Matthæi, Augustanæ scholæ primarii (b) filio physico Norimbergensi in matrimonium datæ, cui quadrantem pecuniæ suæ doti dixerat, res ejus imminuit, effecitque ut expensæ reditus superarent. Potuisset quidem, si ad rem attentior fuisset, & in bibliothecam, qua tamen per servitutem frui ei non licuit, non amplius mille florenis coniecisset, & in pauperes & cognatos minus contulisset, reculas suas paulisper augere. Verum homo ἀγανος καὶ ἀτενός in libris suis, si non satis utendis, disponendis tamen & curandis tempus fallebat, & eos juxta argumenti Summam ordinabat, & cum hæc scriberet, fessus senex (c) fatetur, se nondum antiquos auctores sibi comparare destitutum, si venales reperirentur. Verum se non numorum cura, sed divinæ misericordiæ possessione teneri pie fatetur, & se cœlestis patriæ desiderio occupari, tædio terrenorum satiatum pulchre innuit, suarumque simul ærumnarum amplum more suo recitat ca-

Tom. IV.

L I

talo-

(b.) Vitam hujus collegæ sui ad se ab ipso scriptam suffixit Morellii tab. histor. philos. p. 403. unde repetitam edidit Ven. Schelhornius Amanit. lit. T. X. p. 1047. seqq.

(c.) Acerbos hac de re questus edit in præf. 2q. in Offic. Ciceronis.

talogum, & qua ratione tot curis, vigiliis, morbisque fractus æternitati se se parer, prolixè exponit.

His per digressionem dictis ad scriptiones suas, propter quas præcipue hunc commentatiolum suscepit, redit, & patroni liberalitatem laudat, qui Zonaræ & Choniatae vertendis (*d.*) pro singulis paginis singulos florenos numeravit, qui ad CCCLXXII. excrevere, quo modo peculium ejus aliquantisper auctum est. Oblatum etiam ei sexagesimum anni ætatem agenti formosæ & dotatæ puellæ conjugium est, quod tamen judicio Carini, qui vitam ei breviorē fore monuerat, rejecit. Dum vero in Byzantina historia dies noctesque laborat, stomachi vehementem imbecillitatem contraxit, quod maxime poculo nepenthe mixto tribuit (*e.*). Ea absoluta scholæ Anneanæ præfectus, magistratui consilium de ea emendanda exhibuit, in quo Michaëlis Toxitæ & Joannis Sturmii libellis adjutum se esse fatetur, etsi minimam illorum partem in rem præsentem vertere licuit. Rivianum itaque opus de tribus dicendi artibus in scholam introduxit, paulo post valde exagitat, ut qui Christum ex schola eiecisset, in qua magistratus, opinionum varietate distractus sacra doceri noluerat, exceptis primis Christianæ religionis fundamentis sine ulla interpretatione tradendis (*f.*), cujus tamen contraria ratio paulo posthabita & Catechismus Lutheri minor introductus est. Quâ occasione, cum illis, à quibus susceptus erat dominis parceret,

(*d.*) De Corpore hoc Hist. Byzantinæ, Vid. *Hanckius de Scr. Hist. Byz.* c. XXXI. XXXIV. *Cave Hist. lit. Scr. Eccl.* Oudinus de *Scr. Eccl.* T. II. p. 985. 782. *Jo. Fabric. Hist. Bibl. sue* T. II. p. 415. 419. 420. *Jo. Alb. Fabric. Bibl. Græc.* L. V. c. 5. Vol. VI.

(*e.*) Conf. *Dedicat.*

(*f.*) Conf. *Gassari Annales ad hos annos.*

reret, haud parum molestiæ illi ab aliis creatum, multamque invidiam conflatam fuisse conqueritur, dictantibus nonnullis à veteri domino (g.), qui ex scholarcharum superiorum numero fuerat, rempublicam illo conducto inutili sumtu oneratam fuisse, ut honorifice eum bonaque cum venia è familia sua dimitteret. Id quod non omnino temere dictum fuisse, facile ex temporum illorum circumstantiis, & deserta mox post Wolfium docendi ratione academica, demonstrari posset, si id ageremus: Wolfium vero male habuit, quem sæpius pœnituit, non in montem regium Borussiae abiisse, vel Ottonis Henrici Electoris vocationem CCC. thaleros & victum aulicum spondentem non secutum fuisse, vel Argentoratensium & Bernatum liberalitare uti non potuisse, quod fidem suam Antonio Fuggero & reipublicæ Augustanæ jam obstrinxisset; adeo invisum ei fuit, horologia servire, intra una mœnia, tanquam in ergastulum, concludi: unde cum quadriennio exacto Scholarchas interrogasset, an opera sua porro usuri essent, iique moram responsionis necerent, per Hauenreuterum Argentorati locum extraordinarium stipendio CC. florenorum obtinuit; quia tamen trihorium ante quam Hauenreuteri literæ advenissent, D. Christophoro Peutingero (h.) Duumviro, ea conditione, ut etiam valetudinario semissis annui stipendii numeraretur, reip. Aug. operam scholasticam denuo erat pollicitus, suscipere cum non potuit, id quod Wolfius ægerrime, ut erat factorum indefessus accusator, tulit, mutare non potuit. Ea enim erat sententia, scholam nomini suo caliginem offundere, non id nobilitare (i.).

L l 2

Ita

(g.) Antonio Fuggero.

(h.) Epitaphium illustri viro scripsit Noster præfixum 2q. in Ciceronis officia.

(i.) En ipsius verba ex Præf. ad 2q. cit. Quam ego lau-

Ita enarrata vitæ tragœdia potius, quam historia, cujus scenam ipsum Wolfii temperamentum supra modum difficile, cunctatorium, & occasionibus atque hominibus captandis ineptum, atque post prave neglecta sero pœnitens plerumque instruxit, descriptiones tandem suas Augustanas enumerat. I. Itaque in ædibus Huldrici Fuggeri Rivianum opus cum suis & aliorum annotationibus Aug. Vind. 1557. edidit (k.), quo & anno II. dialogus de usu Astrologiæ prodiit. III. Commentarios Ptolemaicos & Porphyrianam Isagogen in Fuggerana bibliotheca conversa edidit Basileæ Henricus Petri cum (l.) IV. Hermete de revolutionibus 1559. quorum interpretem se ob infinitas depravationes puduit. V. Eodem anno Nicephorum Gregoram absolvit, non tam præmii cupiditate, quod C. florenorum fuit, quam metu offensi

patro-

*dem possem consequi ex iis, qui, ne quid gravius dicam, stivæ quam scholæ essent aptiores, aut qua reip. literaria post me seminaria relinquere? cum, si qui forte industrii sunt, ii non legitimos institutionis liberalis fructus sibi proponunt, sed id agunt, ut quasi carcere gymnasii nostri perrupto, in Academiis fucosis ornati titulis quam primum e nativis sordibus emergant, & lingua impudentis volubilitate freti vulgique applausu evekti, tanquam Epicuri de grege porci saginentur. Hæc multorum ignavia atque perversitas non raro facit, ut me prope mei pœniteat, utque fortunam meam miserer, quod eruditio mea quantulacunque, magno certo studio & indefesso labore perque multas & prope incredibiles ærummas ab ineunte ætate conquisita, tam angustis conclusa terminis, in obscuro jaceat, & plerisque sordens, non eas, quas speraveram, & privatim & publice gignat utilitates.*

(k.) Conf. Morhof. Polyhist. T. I. p. 335. Cat. Bibl. Aug. Ehingeri p. 596. 715. 748.

(l.) Vid. Fabricius Bibl. Græc. Vol. III. p. 419.



patroni, qui in os dicebat, eum esse nimis locupletatum, cum segnius instaret. Ita vero hoc labore oculorum aciem habetavit, ut vendendæ bibliothecæ consilium caperet, quam sibi DCC. florenis venalem esse tum quoque scribit (*m.*), quod in tali auditorio vel unius usus ipsi non sit. Tum vero nomen ejus à Pontifice Romano proscriptum est (*n.*), quod editionem Gregoræ ad annum 1562. distulit, fecitque ut post patroni demum mortem publicaretur. Vidit tamen opus msc. Cæsar Ferdinandus, & appendice præfationis delectatus dissimulanter eum per magistrum equitum Jacoslaum Berestainium calice aureo Joannico elegantissimo donavit: potuisset etiam inter Imperatoris Latinos secretarios recipi, si sorte sua uti vel novisset vel voluisset. VI. Post patroni res vehementer afflictas Epiæteri opera omnia forma octava (*o.*), nec multo post VII. Commentariolos in officia Ciceronis forma media excudit Oporinus. VIII. His continenter successit Suidas Latinus, folio oblongo, calamitoso & pestilenti tempore & versus & ab Oporino excusus mendosissime, ut ipse fateatur, se multa loca nec ipsum intelligere sine Græcis (*p.*). IX. Hæc secuta meliora tempora annotationi-

L 1 3

nibus

(*m.*) Eam 1578 Laugingano Gymnasio binis plaustris investam scribit in *Præf. Tab. Morellii*.

(*n.*) Vid. *Index librorum prohib. Romanus, Blount. Cens. cel. auct. p. 766.*

(*o.*) Vid. *Fabric. Bibl. Græc. Vol. III. p. 283. 264.* Valde improbabat hanc versionem *J. Casaubonus Ep. 13.* minus enim vetæ philosophiæ historia, quam Græcis literis instructus erat Wolfius.

(*p.*) *Fabric. Bibl. Græc. Vol. IX. p. 635.* reliquerat vero, teste *Hæschelio Ep. ad Jungermannum* novam editionem, verum mortuo auctore typographus fidem sefellit. Prodiit 1581. altera editio Wolfium immortaliter de Græcis literis

nibus Demosthenicis & Isocraticis impendit, quas Augustanus typographus mercede excudit: quod & in editione Græco-Latina factum esse conqueritur, quam typis Oporinianis edidit, cui & corrector & gubernator prelo defuit Oporinus, & in qua Commentarius submissus, omissus erat, quod ipse Oporinus, ad quem tamen fatis functum hic Commentarius eo vivente 1664. cœptus, scriptus est, 3. Non. Julii M. D. LXVII. ultimis fatis erat functus. Qua morte multæ turbæ Wolfio concitatæ sunt, ob rixas typographorum, sibi libros Oporinianos vindicantium, dum interea neutri excuderent. Factum tandem Carini & Theodori Zvvingeri fide, ut Oporiniani Isocratem retinerent. X. Ciceroniana & XI. Demosthenica Hervvagiani sibi vindicarent, quæ Episcopus non sane speciose edidit. 1570. anno, quo hunc scripsit Commentarium Wolfius nundinæ vernæ attulere XII. gnomologiam Demosthenicam, Æschineam & Ulpianam, obiter inter ipsos auctores relegendos excerptam, congestamque potius quam digestam, aut judicio adhibito limatam & auditoribus ad convertendum datam; atque XIV. Isocratem cum Commentariis (q.). In qua editione perverse ea quæ ad commentariolos pertinent, præmissa, præfatio ad Cæsarem prætermissa fuit, contra ejus voluntatem, & illa ad scholarchas directæ eos nonnihil offende-  
bant. Joannes tamen Crato verus amicus in aula Cæsaris hanc confusionem excusavit. Neque vero multum auri libris suis se acquisivisse fatetur. Oporinus

literis meritum ob hanc Suidæ versionem minus feliciter susceptam excusat *Fabric. l. 6. p. 635.* qui pluribus videndus.

(q.) Conf. *Jo. Fabric. Hist. Bibl. sue T. V. p. 228. Jo. Alb. Fabric. Bibl. Græc. Vol. I. p. 857.* ubi etiam de gnomologia; & p. 871. de Demosthenis, p. 874. de Æschinis editione.

rinus enim ne teruncium quidem submisit, sed libros; & in amanuenses tantum sumtum factorum compensationem ab ejus successoribus Wolfius flagitavit. Patronorum autem munera, præter Antonii & Caroli Villingeri, tanta fuisse ait, ut præter vesturæ & bibliopegarum sumtus, conduplicato pretio à nemine mediocri notario vel simplicis descriptionis spem haberet. Nec se multum gloriæ consecutum libris suis ait; in hac enim, ita ipse scribit, urbe, quanti fiat, plerosque nosse: momos vero, pontificisque fulmen cruciatum, & sanguinem minans fructus *βιβλιογραφίας* habuisse. Quæ & alia, ingenii subtristis specimina librorumque fata & historiam in præfationibus enarrat, ad quas Lectorem, brevitati consulentes, ablegamus. Ubique enim deprehendet Wolfium eruditum quidem, sed sortem suam deplorantem (r.); qui & de difficultate, sua in posterum

L 1 4

eden-

(r.) Præter recensita edidit Wolfius, *Notas in Plethonem de virtute; admonitionem de astrologiæ usu, Aug. Vind. 1557. Notas in G. Morellii Tiliæni tab. comp. hist. philos. Bas. 1580. in Ciceronem de officiis Bas. 1579. 8. Sententias ex M. Cicerone, collectore P. Lagnero. De Christianæ classis victoria contra Turcos carmina 1571. Nostri etiam poemata occurrunt in Corpore Poët. Germ. T. VI. p. 804. Notas in Hermiæ irrif. gentilium adjecit Morellii tabulis l. c. p. 200. non contemnendas judice Heumanno l. c. De catalogo ejus librorum msc. Bibl. August. dixi in diss. de meritis Hæschelii p. 16. ubi etiam de meritis ejus quædam notata sunt. Alia minutiora præterimus, in accurata vitæ scriptorumque Wolfii historia, excutienda. Conf. Teissier *Eloges des hommes savans* T. III. p. 172. seqq. Recte de eo, quod tradit Bæclerus, dubitat Cl. Krausius ad *Bibliogr. crit. Bæcleri*, an Wolfius Procopium ediderit p. 307. coll. p. 806. non enim Wolfio, sed Hæschelio curante editus est, ut dictum in diss. de meritis Hæschelii p. 37.*

edendi, inutiles querelas his affixit. Cujus si ingenium quis nosse cupiat, en quæ in totius dissertationis fine habet: „Non scribendi cacoëthes me tenuit unquam, scriptor factus sum per calamitatem, scrip-  
 „tor mansi hætenus fatuo quodam meo atque in-  
 „felici fato: tanta enim fuit Oporini auctoritas, ut  
 „nec petenti denegare quicquam possem, nec hor-  
 „tanti refragari auderem. Ita factum ut sextum sit  
 „editus Isocrates, Demosthenes quartum sub prælo  
 „sit. Indignatur etiam, Gallos Byzantinæ historiæ  
 editiones repetiisse, emendationes crepuisse, nec ta-  
 men indicasse, & emendationum scriptorum suorum  
 singularem promittit libellum: quæ vero privatim à  
 se dictata vel scripta sint, ea si edantur, pro Wolfia-  
 nis non haberi cupit, quod depravata ea plerumque  
 edi soleant.

Hæc est, PERILLUSTRIS DOMINE,  
 summa commentarii illius de vita sua, quem Wol-  
 fus IX. Cal. Dec. M D. LXX. absolvit, quo tempo-  
 re, tum ex lapsu, tum ex lithiasi & mictu cruento  
 magnas sentiebat molestias, & exiguam vitæ diuturnæ  
 spem fovebat (s.). Qui etsi hominem se fuisse, tem-  
 peramenti, quod nactus erat, melancholici, mori-  
 bus demonstravit, virum tamen probum & doctissi-  
 mum, & de Græcis potissimum literis & Augusta  
 Vindelicorum immortaliter meritum se præbuit.  
 Lau-

(s.) Obiit Wolfus, ut ex epitaphio Hainzeliorum fratrum  
 in D. Annæ templo, patet, quod *Praschius in Epitaph.*  
*Aug. & M. Adam. vit. phil. p. m. 308.* afferunt VIII. Oct.  
 die, M. D. LXXX. postquam cælebs vixisset annos LXIV.  
 dies LV. horas XIX. Annæo Gymnasio & bibliothecæ  
 præfuisset annos XXIII. conf. *Vita Ehingeri p. 54.* Falsum  
 itaque est, quod tradit *Aub. Miraus de Script. Sec. XVII.*  
*p. 272. ed. Fabric.* Wolfum obiisse 1608.

Laudanda itaque virtus ejus est, condonandi errores vitæ, non aliis, nisi sibi ipsi, molesti. Et recordandum, quod in fine scriptionis suæ monet, *se eos, qui de ipso olim scripturi sint, rogare, ut meminerint, se fuisse hominem, & se non esse Deos, naturæque fortassis non pessima, ut sæcundo agro, culturam & tempestates commodas defuisse.* Quod ut verum est, ita laudem potissimum conciliat viro sui temporis cruditissimo, quod educationis insolentia, & ingenii varie à naturali via advocati erroribus toties impeditus, in ea illius ævi literarum adolescentia tantos profectus fecerit, ut hodiernum inter Criticos & interpretes summos connumeretur, & æternum maneat Augustæ decus atque ornamentum (t.). Qui ut, TE PERILLUS-TRIS DOMINE DUUMVIR, Fuggerorum, Peutingerorum, Hainzeliorum, Welscherorum rediviva inter nos imagine, patrono, æmulos habeat cruditionis & diligentiae plurimos, ob patriæ salutem & gloriâ totus precor. Scrib. Kaufbyræ Cal. April. M DCC XXXIX.

(t.) Vid. testimonia doctorum virorum adducta à Ven. Socero Cl. Crophio in *Hilar. Scholast.* p. 8. seq.



\* \* \* \* \*

## VI.

ADPARITIO

APOLLINIS JUDICIS

Matæologo facta,

CUM

PROLOGO & EPILOGO  
POLYPISTONIS.*E veteri MSC. edidit*

Syntheus Eubius Heutelius.

Aut totum perlege, aut Judicare desine.

\* \* \*

EUBIUS LECTORI.

*Quid sint Otteunii, quid Lappini, quid Tuscionis profapia, Amnergi & Heutelii ubi terrarum siti sint, incassum diu quæseri. Nec Ptolomæus certe, nec Strabo illorum mentionem facit. Hoc tantum exacta operis perlectione tandem rescivi, Otteunicum & Amnergorum nomen eidem genti tributum videri, Heuteli-umque & Lapinum itidem esse æquivocum. Aliquando mihi in mentem venit Otteunios, Amnergos & Tuscionis profapiam Germanos esse. Heutelios vero & Lapinos*

Lapinos Helvetiam denotare. Qua tamen in Hallucinatione an errem Judicium penes Lectorem esto, nec meam hanc litem facio. Cetera plana erunt obiter quoque percurfuro. Polypiston, qui Prologum & Epilogum dicit una cum Matæologo Scholasticos agunt, Apollo autem Sententiam autoris prodit. Namque Polypiston, uti patet ex stylo & Poësi Monastica adjecta, Theologi & Superstitiosi & Imperiosi personam sustinet, Matæologus Scholastici Classicique charactera imbutus, altisona de questione, non adeo magni momenti, soluta, projicit verba, & magna de se proficitur: Gloriosus uterque, uti solent ejus generis homunciones, quos PEDANTES (quasi doctiorum pedaneos) vulgo nuncupant. Uterque quoque probe secum convenit & idem fere sentit. Et quidem bene. Quis enim nescit falsam Philosophiam Theologiæ superstitiæ & hanc vicissim illi manus semper dedisse? ut adeo mirum non sit cum quæstio tantopere agitata fuerit, an Philosophia Theologiæ, an vero econtrario Theologia Philosophiæ ancilletur. Pseudo-eruditorum ergo in toto Opusculo Vitia perstringi; veros in summo honore haberi in propatulo est. Opusculum ipsum cujus ætatis sit non adeo divinare potui. Sunt quæ me persuadent Seculi XV. esse progeniem, jam ad finem properantis. Manuscriptum ex Illustri quadam Germaniæ Bibliotheca, sed gentili, mihi acquisivi. Res ipsas cuius seculo esse proprias facile perspicies Lector. Vale.

# INCIPIIT MANUSCRIP- TUM VETUS.

## P R O L O G U S.

**S**unt impii, sunt scelerati, sunt Deistæ, qui  
Seo proh Dolor nequitiae procedunt, ut ad-  
paritiones dari negent. Hi si nullo alio modo  
convinci queant, sequenti si diis placet pro-  
strabuntur commentariolo. Ne vero Pyrrho-  
nis ex ordine quidam de ejus Veritate tricis  
suis scepticis cavilletur, ante omnia protestor,  
virum me esse Veritatis summe studiosum, imo  
Sacerdotem. Quis enim me hæc in amorem  
Veritatis scribentem Veritati ipso facto sacra fa-  
cere negabit temere?

Secundo loco ea qua par est conscientia af-  
firmo, me hodie dari adparitiones convictum  
esse ex schedis τῆ μακαρίτη & acutissimi RHE-  
TORIS ET PHILOSOPHI MA-  
TÆOLOGII, quæ, utpote posthumæ, A-  
pophtegmatis instar haberi debent. Mendacii  
vero incusare ultimos tanti viri Sermones quis  
sustineat impius?

Tan-



Tandem me bona fide summi viri MSC. publici Juris facere & ne γεὺ quidem vel adjecisse vel ademisse profiteor. Haurias exinde Lector Amice, usum quem opto. Vos vero impii omnia posthac in dubium vocare dediscite.

*Abite proin Sceptici ,  
Velim fiatis Hectici ,  
Vel immo magis creduli ,  
Ut fisi vestro Prasuli ,  
( Ter centum rationibus  
Obstanti Nebulonibus ,  
Qui vera falsa predicant ,  
Sophiam etsi negligent )  
Fiatis minus impii  
Et Veri magis conscii.*

Polypiston Theologo-  
Philosophaster.

MA-

## MATÆOLOGUS INCHOAT FELICITER.

*Arma virumque cano, Trojæ qui primus ab oris  
Italiam fato profugus Lavinaque venit  
Littora, multum ille & terris jactatus & alto  
Vi superum, sævæ memorem Junonis ob iram,  
Multa quoque bello passus dum conderet urbem,  
Inferretque Deos Latîo, genus unde Latinum.*

*MUSA mihi causas memora QUO NUMINE  
LÆSO &c.*

Cætera quis nescit?

Ita ego Jure meritoque misso illo suppositio

*Ille ego qui gracili . . . . .*

Cum Verbis Divini Maronis, vel immo cum Magno  
Flacco.

*Dic mihi Musa virum.*

(a.) Immo mecum Meletemata mea Prosaice incipio,  
*Musa Propicia* causas mihi memora, quo numine infe-  
sto, quibus avibus infaustis, qua Junone Læsa, quo  
Jove contradicente, quo nefasto die stomachante (&  
si quædam aliæ sunt elegantes indignationis expressio-  
nes) Literati *Otteunici* adeo sint Polygraphi, *Heutelii* vero  
in contrarium plane abeant & muti adeo sint ut atra-  
mento & calamo carere diceres. Nullus fere in *Otteunia*  
Doctôris Nomine, vel Licentiati, vel Magistri, vel im-  
mo Ludimoderatoris gaudet, cujus non ingenii Te-  
stimonium Typis excusum ob oculos positum fuerit  
Orbi Erudito. Pauciores eo reperies ingenii Heute-  
lici

(a.) Dom. Magister loquitur.

lici progenies ; adeo ut si Eruditionis illorum penetralia in propatulo omnibus exponi videas, horum econtra scientiam tanquam sanctum quoddam sanctorum custodiri in præcordiis observaturus sis. Multum desudavi in investiganda ratione. Huc illucve versitavi argumentum. Tandem quasi ex improvviso Oligographias Heutelicæ ratio se obtulit limpidissima. Nequaquam enim istis Stoicissimi nostri Senecæ dīctērium applicabo divinum :

*Qui nil potest sperare, desperet nihil.*

Dii meliora duint, meliora de illis sentio. Ingenium meum aliam mihi rationem suggerit, ex rerum Natura desumptam. Hæc docet, quod omnia, quæ fiunt, ex Nutrimento suo fiant, uti bene ( in hoc saltem ) pater Theistarum Lucretius ( qui, ut in parenthesis dicam, à Castis Caste legendus est, nam alioquin subtilitatibus suis Animos corrumpet infirmiorum in scientia præ omnibus necessaria ) ait :

*Nam veluti privata cibo Natura Animantium  
Diffluit amittens corpus, sic omnia debent,  
Dissolvi simul ac defecit suppeditare  
Materies. . . . .*

En ergo rationem. Anima è caseo & Lacte confecta nimis est glutinosa, quam ut ideæ simul adnexæ avelli queant & ad externos emigrare. Et verum sane est & testibus Jatriæ filiis compertum, viscosas substantias sibi semel connexas vix divelli. Sic de ideis viscosis sentiendum-

Tò Εύγενα mox exclamabimus. Musæ Lapinæ animas habent viscosas, ergo effluviis carentes. Subsumo & à contrariorum Natura argumentor :

Omnes quos ex Amnergorum Agro suscipit Heli-coni, anima gaudent minus connectente, ejus particulæ

culæ ergo sunt magis salientes, & quæ leviter percussæ filicis instar in omnes plagas scintillant.

Sed ne quid indemonstratum linquamus, quis negabit hoc argumentum syllogisticum ex Barbara?

Substantia, ex aqua confecta & farina, duriuscula est & fragilis (i. e. particulas habet à toto facile separabiles.)

Sed Animæ Helicocolarum Amnergicorum sunt substantiæ ex aqua & farina confectæ.

Ergo Animæ Helicocolarum Amnergicorum sunt duriusculæ & fragiles.

Majoris consequentia est Axioma, etiam cupedia-riis nostris haud incognitum; Assumptum hoc Syllogismo invincibili firmum reddo itidem ex Barbara:

Cerevisia ex granis Cereris vel farina nondum evoluta & aqua conficitur.

Sed animæ Helicocolarum Amnergicorum ex Cerevisia fiunt.

Ergo sunt substantiæ ex aqua & farina confectæ.

Prior propositio iterum vera, quia farina nondum evoluta & evoluta æque farina est, v. gr. farina sacco inclusa. Posterior si quis adeo sit perfictæ frontis, ut eam negare audeat, hoc modo demonstrabitur ex Celarent,

Generatio quædam Animarum non . . .

(b.) Sed quid opus est? qui contra conscientiam, Animas Amnergicorum ex cerevisia nutrir & adeo fieri, negabit, habeat sibi: Contra negantes Principia non est disputandum. Imo si hanc suam hæresin defendere proporro perget, ego etiam negabo & pernegabo, Heuteliorum animas è caseo & lacte confectas. Videat postea quomodo me convicturus sit.

(b.) αὐτὸς ἴψα.

Nil

Nil conficiet unquam iste *αλόγως* plane & irreligiosus scepticus, etsi Darapti Felaptique, & ex sexta Figura, si quædam esset, adjumento sint Disamis & Datifi. Ego vero odero Pyrrhonem talem, donec ad mentem saniozem reversus errore agnito supplex veniam à me petierit.

*Nam sera nunquam est ad bonos mores via,  
Quem pœnitet peccasse, pœne est innocens.*

*Ευρηκα* ergo *Ευρηκα*. Cur non ex Balneo exclamare hæc licet? Heutelii vix scribunt, quia anima gaudent ex materia tenaci conflata. Amnergi contra scribunt, quia illorum ingenium è particulis constat à toto facile separabilibus.

Gratulor mihi, gratulor Mundo Erudito. Vobis Musæ! Tibi Jupiter Hominumque Divumque pater! grates persolvo quales possum maxumas, quod tale quiddam non amplius occultum manere volueritis.

Proh Musæ, quas Veneror! quales vobis excitabo Encomistas? quales aras exornabo? quam victimam immolabo? & tibi optime Helicon! vin bovem? vin Capellam? vin Hecatomben? *Snovetaurilia* offeram, sacrificium gratissimum tibi. Non illa quadrupedia, non illa suilla, non bovina, non arietina, sed has eruditionis meæ primitias, hoc inquam, quod tibi solum acceptum fero *Snovetaurile* non nisi ex ingenio confutum. Recipe *Snovetaurile* meum, tuum inquam, mi Helicon, recipe quæso, oro obsecro, peto, rogo, contestor, conjuro, ambio, imo corumpo. Recipe ab illo quem nunquam rejecisti. Qui tuo Jussu Magnus ad invidorum usque invidiam terque quaterque factus est; & jamjam luminaris instar magni, minora noctis lumina illustrat quidem, sed & ortu suo quotidie opaca reddit.

Ingenio tuo divino afflatus, mihi jam videor in suprema tua rupe constitutus, videor mihi jam Rex esse solus. Stagiritarum princeps solus. Solus Musarum Adonis,

*Nec enim regna socium ferre, nec Tædæ sciunt.*

Video, Video: appropinquat Numen. Arridet. Novit filium suum . . . En! . . . Affatur . . . Proh Dii Deæque omnes! . . . quæ verba quæso? quam dulcia? quam Jucunda? Non ego amplius sapientissimo vestro Ordine, Viri celebres, Sapientes! Ipse Deus præsto est; Vestris non amplius opus est Suffragiis: Suffragatur ipse Phœbus. Auditisne? quam . .

### *Extasis Matælogi*

\* \* \* \* \*

Ubi sim nescio. Nec ubi fuerim satis constat. Apollo divinus Apollo me affatus est. Horreo, nec scio quis sim, Musarum una, an ex plebe τῶν ἀφιλοσόφων. Aliena prorsus à scholis nostris rescivi. Magister tamen sum & creatus & diplomaticus & scientificus. Cur ergo Apollo à me dissentit? dubitare de omnibus occipio. En verba ejus blandientia primum visa, sed acerbe desinentia. Quam acerba mihi, Magistrorum ex ordine primo?

### APOLLINIS ORATIO.

Salvus adsis in nostris oris, mi filiule. Imo, sic volente sic jubente Sapientissimo Ordine fili! Ordinate ita Scholarcharum Choro omniscio, Primogenite! Salvus maneat in nostro Helicone. Dii te servant Musæque omnes! Miror teque tuumque ingenium nostro Helicone dignum. Laudo animas tuas ex Lacte & Cerevisia conflatas. Totus quotus Magister es, Vide Heliconem meum uti glaber ubique est & præ-

præceps, & nemo nisi in loco sibi conveniente vestigia imprimere potest. Polygonus est & in apicem definit, Pyramidis instar: Apicem ego solus insideo. Reliqui omnes post me sunt. Viden infinitos, qui ascendere conantur? viden alios alios trudere? viden quam multi truantur in locum, in quem, si soli fuissent, ascendere non potuissent? Vix tamen isti stabile vestigium imprimunt, in summa glabritie hærent, donec in locum recidant magis convenientem. Omnes nihilominus vel mei vel Musarum filii vocari cupiunt. Ego neminem repello, paucos foveo. Infiniti enim, quos infra medium montis constitutos vides, valli & murorum instar sunt, qui impediunt, quominus ad Mystras meos aditus pateat cuivis. Sunt instar Labyrinthi perpetuo se moventis, qui per infinitos anfractus est permeandus, antequam ad eos, qui Adyta mea custodiunt, perveniatur.

(e.) Viden inter eos turbam illam Andabatarum more pugnantem. Caput quidem cernis, sed cerebro carens. Ad obitum usque ferire eos diceres, & vix alter vel leviter sauciatur. Aërem uti ajunt vibrant cœcorum more. Quam contra pacifici sunt, qui propius me sunt & montis summa tenent? Vix hos dissentire videbis, & si dissentiunt, litem vel componunt, vel dissentire absque bile pergunt.

(f.) En ab altera parte numerum Thrasonum, quibus professis grandia, turgēt caput, & imprægnatum videtur, quasi Minervam proxime parituris. Fissuris jam patet totum sinciput. Jam projicit ampullas & sesquipedalia verba. Oculi jam loquuntur. Scientia exitum quærit, & quæ per os non potest, per manus erumpit, evadit.

(g.) En ab omni parte, circa montis pedem juvenum cateryam. Jubat caput obnubit singulorum. A-

M m 2

liud

(d.) Intrusi, (e.) Disputaces. (f.) Scribaces, (g.) Tyrones,

liud suilli rostri, aliud hircini capitis, aliud frontis leoninæ, aliud Medusæ, paucissima Minervæ speciem referunt. Omnes hi sunt tyrones, qui non ante multum temporis sacris meis nomen dedere. Sed viden quosdam horum caput superciliose gerentes. En illud rostrum Suillum Laureæ, en Gorgoneum illud cerebrum Pileo, alterum vero illum qui Simiæ quam Minervæ magis est similis, Corona jam ornandum. Sunt hi Magistrandi Doctorandique nostri. Hos omnes in filiis meis numerant, ego vix unum adopto.

(b.) Dubito an oculi tui sint satis perspicaces, ut mysteriosum illud Automaton introspicere queas, nigro pulvere quasi nube circumdatum, quod nisi oculis aquilinis penetrari vix potest. Viden quam late se diffundat nubes. Intus latent, qui se Jovis vel sacerdotes, vel ministros vocant. Leralis inter utrosque intercedit inimicitia. Furiosi præprimis sunt, qui sacerdotes dicuntur, ministros Tartaro tradendos clamitant. Ita se invicem proscindunt. Nubes tamen hæc spissa nimis est, quam ut ad summa Heliconis ascendere queat. Omnia mihi propinqua serena sunt. Inclusi suo carceri manent sacerdotes, & Heliconem non turbant. Plebem obsident quæ pedem montis circumsidet. (i.) Sunt tamen, qui nubem perrumpunt, & veram tuentes religionem, quæ Olympo magis est conveniens, in alta Heliconis sede collocantur, prout à nube illa vel multum vel parum sejuncti. Vera religio, quam ego secus ac mortalium multi colo, quæve per Amorem erga Numen summum & omnes mortales completur, è nullo Symbolo externo noscitur, in Præcordiis latet, & ubicumque à lumine caligo dissipata fuit, sedem habet. Sunt inter incarcerationatos illos, quos Jovis Vicarios vocant. (k.) Princeps omnium Sacerdotum præfulget. Vicarius iste Prin-

(h.) Superstitio. (i.) Vera religio. (k.) ἱεραρχία.



Princeps moderatur non solum, quæ visibilia sunt, uti reliqui solent mortalium principes, cordibus quoque imperat, & si non coërcet, coërcere tamen cogitationes & ideas hominum satagit. Sed hoc mortalium generi admodum est familiare, Imperium exercere in alios, & imo Tyrannim, si detur copia, si non desint vires. Multi illorum, quos sub Jugo ingemiscere vides, laxatis frænis, illo effræniores forte futuri essent, & ut plurimum illud verum: Tu si hic esses aliter sentire. Qualem tu mi Magistelle exercitaturus esses Autocratoriam, si ex castris tuis gymnasticis, in coelestia illa transeundi daretur copia!

(*l.*) En illos, quos Æsculapio sacros dixeris, mille herbis tempora cinctos. Soporiferas manu gerunt virgas, quibus mundum fascinant. En turbam illam illos laudibus summis prosequentem, hos uxores suas, illas maritos, illos liberos, quorum nimia erat copia, oportune è medio sublato, sibi gratulabundos. Veneficos crederes istos? Nequaquam. Sunt quibus nimio medendi studio, mortales ad inferos impune mittere licet. Magnum iis nomen. Styx & præcipue Charon eos olim quasi hostes odio prosequabatur maximo, hodie meliora edoctus, in honore summo habet. Sunt tamen, quos & hodie Tartarus averfatur damnosos sibi, ego vero filiorum genuinorum loco habeo. Sed mirum quantum ab iis hi numero superentur.

(*m.*) Risum jam teneas, Magister, spectatum admissus; en vetulas illas purgatrices, quas Sybillas crederes & Velledas turbæ Æsculapiacæ: semelæ sunt facie & letum post terga gerunt, characteribus notata chlamys. Viden quam sint negotiis obrutæ, ut carmina pronuncient, numeros venerentur, venenum coquant, unguenta parent, & ex fastis nefastum evitent diem. Conjunctis viribus istæ artem meam

M m 3

imi-

(*l.*) Medici. (*m.*) Vetulæ Medicinales.

imitantur, Medicinam emendant. Non invidéo. Imponente stultior est, qui credit.

(*x.*) Quos proxime istas insequi vides, non sunt Æsculapiacæ illius Turbæ pedissequi, uti videtur. Tales quidem vulgo censentur, & ob letalia instrumenta, quæ gestare eos vides, liſtorum speciem præ se ferunt, quasi iis tanquam consulibus suis fasces gererent. Sed etsi hi inter mortales locum illis cedant, ego tamen istos præ iis magni facio. Horum medendi genus plerumque certum, illorum incertum fere est. (*o.*) Æsculapii artem mihi hætenus tanquam reservatum quoddam retinui, nec hucusque ad vos permeare passus sum, ambigua sunt quæ in hoc genere nosse existumatis, & quæ nunc *Optime* vix alia vice procedent *Bene*.

(*p.*) En vero à parté remota, versus dextram, genus omnino diversum, quod me colit. Est illud quod vides in loco singulis conspicuo Veneri aut Musis simile, quibus sequiorem sexum dedit Prometheus. Viden quomodo incedant coronatæ. Tempora lauro & hæderis cincta. Spiritu quodam divino agitantur, ut me præcipue colant: sed non desunt, qui eas propterea averſantur, quamvis immerito. Odioso titulo traducuntur, quasi falcem in alienam messem mitterent. Viden quam false rideant illi qui circumstant moriæ studiosi, quasi sibi solis Heliconem adire liceat. Falluntur. En quam prope capiti meo collocem Nymphas istas. Loca primaria obsident. Hic iis honos apud me habetur, & ne Venere careant, conjugio illas jungo stabili cum filiis mihi exoptatissimis, Vertumno enim litant dum apud vos sunt, quamvis me ament, & ne post mortem quidem eum dedignantur. Semper qua prurit parte femina sapit. En inter illas Heloissén, quam blandiatur Abelardo suo, quem post fata in integrum restitui, ut damnum, quod

(*n.*) Chirurgi. (*v.*) Jatria. (*p.*) Fœminæ Literatæ.

quod mea causa fecit, refarcirem. Hoc dicas velim inter mortales, qui Nymphis vestris, Heliconem majori frequentia quam hactenus factum adcundi, addatur stimulus. Est & alia ratio, sunt mihi quidam ex Solimannorum terra percari, quibus socias quaero. Est una inter vos Musa, Romano genere lata, quam praecipuorum uni ex istis Bosphori vicinis dicavi.

Eccum jam illos in altero latere, axibus, terebris dolabellis, normis mille numeris ornatis, circinis & aliis instrumentis instructos, quibus varia efformant nova; mira facere illos vides: humanis viribus imparia ut elevent pondera cernis, montes transferunt, maria loco movent, nova creant, turrets in altum tollunt, civitates & palatia integra Aquis imponunt, ibi ambulatura, & alia. Sed praecipuis commoda rei privatae augent. Generis humani necessaria multiplicant quidem, sed & sublevant, mirumque in modum humanitati consulunt, quae millena sibi fingit dulcia & utilia visa, sed reipsa onerosa, & magis onerosa futura, nisi isti essent circa commoda vestra occupati. Hoc ego genus mirum in modum foveo, illos praecipuis, quos vides capitum instar ceteros (quasi essent membra sua) dirigere, & ducum more inventionibus suis novis praere.

(r.) Sunt qui horum ad exemplum totum universum per causarum seriem moveri existimant. En illos prope istos mechanicos constitutos, & discipulorum caterva munitos. Μηχανικῶν Σοφῶν nomine clarescunt. De fato disputant. Necessitatem à coactione distinguunt. Alii sunt his contrarii, quos cminusque cominusque contra hos pugnare vides. Mortifera tela hinc inde volant. Acerrimam vides pugnam. Proelium anceps. In perpetuum duraturum. Nunquam etenim conficiunt. Sacra haec sunt vobis, Ma-

M m 4

gistris!

(q.) Mechanici. (r.) Philosophia Mechanica.

gistris ! Adyta , & inextricabilia. Nemo præter Jovem isthæc novit. Abscondita hæc etiam nobis , qui dii sumus. Magnum est argumentum pugnae nunquam finituræ , quid illam ab orbis exordio cœptam , & inter sapientissimos fortissimosque viros varia fortuna semper agitaram fuisse , cernimus. Insignes illæ voces , libertas & fatum , scopulorum instar sunt , in quibus plurimi imegere. Sunt Scylla & Charibdis , inter quas medii evaluri , naufragium fecere. „ Proh „ Dii deæque ! quid audio , ( his ego auditis & ab „ extasi paullum reversus ad me , evociferabam ) „ Quid ? Magne Phæbe ! Mœcenatum quos habeo „ maxime ! Ego fatalista sum pergrandis , Stoicus & „ facicola. Tu , me damnas ? qui toties fui magnifi- „ cus. Nos ignoramus ergo isthæc ? Quid ? symbola „ nostra ergo sunt fallibilia ? Suspendendum ergo hic „ Judicium ? Tacendum ? Ignorandum ? Dic quæso „ maxime Deus effare. Oro : obsecro . . . . hæc „ taliaque cum bis aut ter repetiissem , viso , illum , „ misso responso , ad alia plane pergere , religioso „ silentio linguam compescui , & illum audiavi modo „ subsequente pergentem.

( s. ) Sed illi , quos Architectos credideris vel Technicos , non sunt quales videntur : Systematum sunt confectores. Quam sunt diligentes in struendo ædificio ? quales erigunt tures ? Quæ Palatia ? Mirare Magister quam artificiose , latissima moles quam angustum desinat in pedem. Prodigium ! in summitate inchoant ædes , & his perfectis demum fundamentum quærunt. Cornubus Abundantiæ similia sunt horum ædificia. Odorem late spargunt superne. E nihilo emergunt , quæ vides. Quale miraculum ? En illos è fæce meorum Atlantum instar Olympos istos Systematicos dorso excipientes , Mole sua ruituros , ni Joves tales adessent Feretrii. Sed vide quam sint ruino-  
sa

( s. ) Systematum Confectores.

sa pleraque horum Automatum. Exitium minantur sibi suisque. En illas machinas quomodo corruant. Audi clamorem agonisantium. En expirantes illos etiam in ultimo vitæ articulo, pedibusque manibusque systema suum mordacitus tenentes. Vincuntur tamen tandem Atlantes isti à Herculeâ prole, sed vix victis, victores illorum ab alio iterum, qui magis est Hercules, de novo vincuntur, ita in infinitum, uti fallacia fallaciam, sic Sophia Sophiam trudit.

(*t.*) Jam jam Magister aspice, serenas & viriles illas facies, Turbæ juxta nubem constitutæ. Togis purpura tinctis lato clavo, Balance, gladio, Sceptro & alijs imperii & consilii notis insignis, incedit hæc illustris Concio. Dux Themis ipsa Legum justissimos istos moderatur animos. Horum quid jubeant, quid consulant, illorum quos digito monstro, jussu capessere fas est. Non enim dubito, te maximum illud agmen, quod illustres hosce obedienti Corporis habitu insequitur, observare. Sunt illi, populus qui horum vel voluntate, vel consilio regitur, sunt quos hi felices reddere, quibus conciliare pacem, honoresque bonaque sua singulis tribuere gaudent. Viden illos qui dirimunt ambigua fata causarum, qui lapsa erigunt, fatigata reparant, & non minus provident humano generi, quam qui vulneribus patriam parentesque servarunt. (*u.*) Sed quam vellem, ut jus Romanum non ita tenaciter venerarentur. Magna quidem sunt quæ ibi latent, sed nostro seculo plurima incongrua. Singuli status singulas leges postulant, aliud seculum alios mores, diversam vitam, & adeo diversas regulas profert. Sophia quæ de moribus disputat, actiones hominum dijudicat, semper eadem, sed ex diversis Principiis demonstratur. Sed & in divino vestro Latii veteris jure, ea sibi non satis constare in confesso est. Diversæ hinc Sabellii, Proculi,

M m 5

Papi-

(*t.*) Jurisconsulti & Dynastæ. (*u.*) Legistæ.

Papiniani, Scevolæ & aliorum sententiæ. Leges familiares ex moribus petendæ. Diverſi hi in veteri illa Roma, diverſi in nova illa Orientis, & toto cœlo differunt apud vos. Illæ Leges, quæ contractus & pacta dirigunt, plerumque optimæ, ſed ſæpe ſubtilius quam juſtius latæ. Quæ de Mancipiis, de nuptiis, de judiciis dicuntur, noſtro ævo apud ſaniores facile corruent. Subtilia ſunt, quæ de teſtamenti dicuntur, & ſolemnitates deſiderant, quæ hodie fraudes non tam evitant, quam ultimas Voluntates dubias reddunt. Quæ de Legatis tradunt, hodie inapplicabilia. Lingua diverſa, Res privatæ alio modo inſtructæ, regulas ex communi veſtro jure petitas irritas reddunt. Doctrina de Actionibus, in diverſis Judiciorum formis, oportet ut ſit diverſiſſima. Poenæ exaſperandæ vel leniendæ, prout delicta ſunt communia. Sed diverſa Climata diverſa produciunt vitia. Quæ in Latio, quæ in Natolia ſunt frequentia, apud vos rara ſunt. Manes hodie non amplius, uti olim, partes corporis, nec locum ſepulturæ ſequuntur, &, ut paucis dicam, rationes veterum Legum hodie ceſſant plerumque.

(x.) Illos ergo ſolummodo pro meis agnoſco, qui rationi ſanæ obedientes, natura humana inſpecta, & vitiis proportionato modo leges interpretantur. Minus itaque illos facio, quos ex canonum ſuorum regulis omnia metientes cucullatos pleroſque, vel induſiis albis, vel omnino caputiis quadratis, dæmonum (quales vos illos depingere ſoletis) modo veſtitos incedere, & Jaſtabundos Sacro Sancta ſua intellectu mortalium obtrudere vides. Decreta iſtis fecere, quibus uti pullis ſolet evenire, primum nudis & ſatis ſimplicibus, ſenſim ſenſimque crevere alæ. Mirum quod iſtis inſtructi cœlum viſibili modo non ſcanſerint, inviſibili enim & modo incomprehenſibili id feciſſe feruntur. Hi omnia ad forum ſuum tracturi, in cau-

(x.) Canonista.

causas spirituales seculares transformarunt causas. Quid mirum? tria vel quatuor verba mystice pronuntiata farinam in carnem mutant. Cur, hoc si possint, ex Judicio corporeo, Ecclesiasticum & invisibilitate sua divinum non facerent? cur à Jove immediate substitutus pro beneplacito suo non dirigeret mediata illa Judicia humana? Judicia illa (uti illis placet scilicet) secundaria? Et quorum curæ maximum fuit traditum, qui ævi futuri fata in manu habent, cur non iisdem spurca ista caduca, & vanitati obnoxia in exiguo hoc seculo traderentur? Bene hercle & accomode ad horum ambitionem & auri famem satiandam, nec mirum quod ad hæc magis stabilienda *Extravagantibus* opus fuerit, ut firmiori pede *Vagari* extra rationem liceret. Bene illis equidem; sed quam bene populo, vos videatis. Ego tamen hujuscemodi studium nequaquam negligendum existumo. Quid ante vos factum sit exinde colligere licet. Fraudes & machinationes magnorum illorum secundum morem hujus Seculi hominum, edisci exinde queunt, & ab hodiernis idem molientibus præcaveri. Imo si rerum status voluerit legum loco quædam retineri possunt; modo non (quod tamen factum video) missis principiis leges tamen exinde fluentes observandæ dentur. Maxumæ hinc sæpe oriuntur contradictiones, quæ miro modo forum & Justitiam implicant, & ego maximi facio eos, qui his detegendis operam navant.

(γ.) Ex sinistra parte videbis gregem *Ἐνθυσιασάν.* Aciei alatae speciem præbent. Pedetentim moventur. Quosdam ex illa Æthera petentes observare poteris, in media jam aëris regione constitutos, alios his paulo inferiores, alios vero quamvis vel maxime æquare cupiant astra, plumbeos nimis, & struthionum instar, vix è terra se tollere valentes. Sunt quoque qui Icaro similes Solem petunt, sed antequam prævidas,

(γ.) Poetæ.

deas, præcipites ruunt, & magno ictu terram quatunt. Pauci horum æquali motu feruntur. Sunt diversi generis. Alios tragico habitu tragico cum comitatu, alios comice incedere vides, sunt quos Heroes, sunt quos Dii Deæque omnes, sunt quos rerum fordes & sentinæ, sunt quos Gratia comitantur, sunt quos Lupercales pueri perpetuo sequuntur. Sed perpauci, quæ referre volunt, referunt, & plurimi illorum sibi nunquam satis constant. Omnes hæ turbæ sæpius ita miscentur, ut ad quem ducem referendæ sint, vix rescire possis. Humano capiti cervicem jungunt equinam, placidis coeunt immitia, tigribus geminantur agni.

„ Hic ego iterum ab Extasi paulum reversus, Audito Apollinis sermone, (durius enim ultima verba effabatur & quasi adclamitabat) illum Divinum Flaccum legisse pergavisus, sic cœpi, Magne Pater! ex hoc me filium tuum genuinum esse percipies. Anthologiam domi habeo maximam, quam ex omnibus Poëtarum Principibus compilavi. In Locos communes omnia redegisti. In vocabulo Poeta, quam pulchra reperires in florilegio meo? Anthologiam enim græcam vocem esse, & in prisca Latincolarum lingua florilegium sonare non ignoras magne Phœbe! maxime Linguicolarum Præses! fautor! & nostratum decus egregium! Horatium in Flora mea non excerpsti, sed totum memoriter teneo, & Poëtarum nostri ævi sum facile princeps. En initium ex arte poetica, quod Tu perverse recitasti: (Proh Dii Apollinem emendo.)

„ *Humano capiti cervicem pictor equinam,*  
 „ *Jungere si velit, & varias inducere plumas,*  
 „ *Undique conlatis membris, ut turpiter atrum*  
 „ *Desinat in piscem mulier formosa superne &c.*

„ En



„ En aliud.

„ *Inceptis gravibus plerumque & magna professis*

„ *Purpureus late, qui splendeat unus & alter,*

„ *Assuitur pannus.* . . . .

„ Vis quiddam ex Odis, vin aliquid ex Carminibus,

„ quid placet magne Pater? En. . . . Plura recitatu-

„ rus eram, sed severus Pater imposito mihi silentio,

„ Orationem sequenti modo profecutus est;

Vide, mi Poetarum Magister, Heroem illum inter Parasitorum gregem ludibria tractantem. Sed quod plus mirandum, en bachantes illos binos Juvenes in subtristi illa turba, quomodo vagentur, & Deos illos, quos in Olympi modo jugo conspicabare, subito in cloacam delapsos, & illum, qui vix Phalangem ferro & scutis hispidam duxit, jam ob vile scortum lachrimis diffluentem. En Olympi Moderatorem, quomodo in Æthiopia crapulæ indulgeat. Scin quid ille cum ampullis suis & sequepedalibus verbis sibi velit, cujus caput Septentrioni simile, & Aquilonem spirare videtur, ita frigent, quæ fabulatur.

(2.) Ecce vero illos annis & pannis obfitos Saturnios Vultus, qui intenti in pulvere sedent. Librorum strues latera munit. Schedæ semesæ sedis loco sunt & pulvinaris. Instrumentis perlatis pellucidis nasum onerant, oculos armant. Vide quam sint attenti in pulvere legendo, aurum quærunt & gemmas. En rostrum illud proxime situm, pro quo si quis forte pulvisculum reperit præ cæteris gliscentem, Thesaurum suum mirum quantum extollit. Sunt hi qui ex omnibus scientiarum segmentis, quæ alii tanquam rasureas neglexere, quod sibi conveniat quærunt. Pretium quam maximum inde sperant. Sciunt isti, quæ aliis minutissima videntur. Sciunt Jovis pollex dexter quantum prævaluerit sinistro? Crines mei flaviores,

(2.) Critici.

an

an Capilli Veneris ? quoties Juno, quoties Venus, & an Pallas unquam virum passa sit ? Pomum discordiæ fuerit ne, ex auro Ophyris vel ex Peru ? an ex lino communi an Asbesto filum suum nent Parcæ ? Proci Penelopes an quoque canes secum duxerint ? & alia. (a.) Audiri de calcaribus Equitum Romanorum, & de fibula Virginis Romanæ nuper reperta disputantes. Vide illum demonstrantem, Liviæ vel Juliæ in aurem fuisse fibulam istam. Aliis aliud placet. Ornamentum fuisse calorum, quo Strigiles ornarint asserunt. Alii in re tam ardua Judicium detrectant. Horrent istos audaces, istos irreligiosos, qui ita temere sententiam produnt. Ut vociferant ! Nil minus curat istud genus hominum, quam quod curandum erat maxime. Negligunt indagationem rerum publicarumque morumque veterum ; Scientias deperditas pro sepultis habent ; Facta & Historiæ nullius momenti illis sunt, præ naniis istis ; Quid Varro, quid alii grammatici de verbo quodam scripserint majoris sunt ponderis, quam viam indagare, qua viri maximi trita, Illustres ad seros usque posteros evasere ; Omnia Tripudiorum genera nosse, nosse Pantomymorum omnia nomina magis illorum interest, quam inquirere in magnos Nævos Virorum maximorum : quæ tamen rescivisse, omnibus probis cautelæ loco futura essent. Hanc Politicis esse demandatam provinciam existumant, sequæ orbe suo excisuros esse credunt, si infinite parva mirari desinerent : Infinite magni ipsi fieri cupiunt in comparatione horum ; Nec male : desperatis rebus desperata remedia applicanda. De vera acquirenda scientia nil sperant, falsa ergo & imaginaria erat reperienda, quæ illorum captui par esset. Velim Magister, Te isthæc studia comparare cum illorum negotio, qui exterarum nationes visunt : Hi si gentium quas adeunt, indagant mores, officio cordatorum peregrinantium funguntur. Statum publi-

(a) Antiquarii.

cum

cum aliarum gentium, & formam legum nosse perutile est omnibus in patriæ utilitatem peregrinantibus. Nullus enim status est adeo perfectus, ut ad exemplum alterius quiddam corrigi nequeat. Mores privatos inquisivisse & facta moralia honesti viri est officium, qui semet ipsum meliorem reddere cupit. Exinde quæ satiora nostris imitari, quæ pejora fugere potest. Exinde cessat plerorumque pro sua gente præjudicium, qui nil rectum, nisi quod cum suis moribus conveniat, censent. Animum ad Oeconomiam exteriorum advertere, quomodo vitam privatam instituant scrutari, quæ superflua, quæ ad luxum potius quam ad necessitatem faciant perquirere, prudentis est, & ad commoda familiæ promovenda perutile. Hoc loco Magister peregrinationem vestram in Latium antiquum, in Græciam, in Persiam, immo in Assyriam ad Beli usque tempora, instituere licet. Si alia ratione iter instruitis, Auram captatis, muscas sectamini, umbræ operam datis. Utilia non curiosa ego in Doctore requiro. Multum prodesse, non multum scire Doctorem volo. Cicerones hodiernos parvi facio, qui verba ejus non res imitantur. Plutarchos odi qui multis myriadibus tricarum opera sua farciunt; utilibus, secus ac ille fecit, missis. Peregrinatorem sane qui omnes Parisiis Cloacas, omnes Gynæcei perfici Angiportus, omnia balnearum Italicorum (etsi Patris maximi sedem adjunxerit) receptacula, omnes festorum (quæ Galas vocant) Iberi-Teutonicarum minutias gravissimas, omnia navium Britannicorum ornamenta & in puppe & in prora posita, Thaides illorum omnes à capite ad inguinem & sic deinceps ad pedis usque digitum minimum descripserit, vulgus eo plus ridebit, quo exactior fuerit. Ego magis vulgaris & plebejus sum, quam vulgus vestrum doctius me credit. Eruditio mea non est adornata more ædificiorum Gothicorum, in quibus præ ornamentorum futilium

lium multitudine ipsa structura cerni vix potest. Planus sum, & nil ad ornatum meum facit, nisi quod necessarium, nisi quod utile est, & proin non aliam sortem apud me merentur Architecti isti Literarum Gothicis sculptilibus immane turgidi, quam peregrinator ille vulgo quoque ridiculus. Æque sperno Antiquarios Vestros Tricilegos, Criticos obesiſſimæ naris quosvis, & grammaticularios, qui omnes Literarum formas norunt, & in oceano vocabulorum vasto nantes modo non submersi reperiuntur. . . . .

„ Hic ego, non secus ac Jovis Tonantis, non minorum illorum, (ego enim plures & ultra duodecim fuisse reperi Joves, quod cœlitus mihi gratia missa, diligens veterum Latii & Helleniæ tam cis quam ultra Ponticæ, autorum lectio me edocuit) fulmine percussus obstupui. Jocari mecum Apollinem ab initio credebam. Sed nimis longus erat, Parum abfuit, quin ad Tartareos locos descenderim. Jam videbar mihi videre Charontem, rauca voce obolum à me petentem. Jamjam Cerberi vocem audiebam. Elysios ad dextram, voraginem ignivomum ad sinistram cominus jam non eminus conspiciebam. Intra teli jactum Phalangis Manium nigrarum aspectu terrebar, & lintei instar Matris Loretanæ purissimi pallescebat corpus meum. Totus extra me ad Apollinis pedes prostratus, credo solem multa in Zodiaco milliaria emensisse, donec ad me reverterer. Sed quod plus me enecabat nostratium ne unum quidem in beatis campis conspexi. Veterum quosdam, quos colimus, barbatos ad pectus usque in delitiis maxumis versari animadverti. Tandem tamen fiducia justissimæ nostræ causæ adjutus, ad me redii. Baretratos & magnificos nostros scæptrigeros, in honoratiori loco constitutos hallucinatus, & in penetralia Hortorum istorum beatorum,

„torum, admissos, quominus cerni possent à quo-  
 „vis profano, suspicatus, memet ipsum solabar. Su-  
 „bito deinde oculis apertis, placidiorem Apollinis  
 „vultum vidi, & blanda voce me denuo compell-  
 „lantem audiui, hoc modo, . . .

Ne tamen credas, Magister, eos nil omnino proficere,  
 en cumulum haud spernendum, quem collegere. En  
 multos eorum, quos in summo Helicone constitui,  
 quomodo accurrant, ut ex horum opera depromant  
 sibi profutura. His mihi præcipue opus est, ἀχθοφό-  
 ροις τῇ Ἑλικῶνι. Magni eos facio, qui moderatiores  
 sunt, & Momenta scientiarum, missis minutiis, ex  
 pulvere legunt. Sed & condono sæpius, si forsan mi-  
 nutiora magni faciunt, modo majora quoque repe-  
 rerint. Maximi momenti res ita repertas, sine ho-  
 rum ope ignoraretis. Hi enim si saniores sint Tem-  
 porum seriem in ordinem redigunt, Historias emen-  
 dant, Linguas ornant & alia quæ dignos eos reddunt,  
 ut in filiorum meorum ordine censeantur faciunt:

(b.) Illi quos à Latere horum vides, caput Jani  
 similes bicipiti vel tricipiti, sunt qui quam maxime  
 istos referunt, sed non ex parte sinistra. Arrige au-  
 res, intende oculos Magister. Vide quam attente  
 omnia considerent. En illos faciem retrorsum posi-  
 tam habentes, quam acutis oculis retrospiciant. In  
 Atavorum Secula eos retrogredi diceres, & in Satur-  
 ni ævum penetrare. En alteros illos quibus trina fa-  
 cies, quomodo in omnes partes aciem oculorum  
 dirigant, & omnia indagent, quæ fiunt. En alteros il-  
 los bicipites, qui facies versus latera gerunt, quomo-  
 do eorum quæ suo tempore fiunt, nihil omnino  
 ignorent, omnia scrutentur. En Chronium patrem  
 & Mercurium huic turbæ supervolantes, & plausu ex-  
 cipientes, quæ agunt. Ego paucos filiorum meorum  
 tanti, pauciores pluris, plurimos minoris facio. Mul-

Tom. IV.

N n

ti

(b.) Historici,

ti horum quibus corruscet caput meum, dum in vestro regno adhuc degerent, ex Janorum illorum grege fuere. Peramo specula quæ isti componunt, usu Mortalibus summo futura, si, quod tamen vix evenit, exemplum inde sibi sumerent. Sunt inter hos, Vestæ Sacrificatores, qui rerum cognoscere causas dum cupiunt, causarum effectus indagant, *Κοσμολογοί*. (c.) Naturam sequuntur oculis, calamo, & nil se fugere volunt. Inquirunt in tria Regna Physica. Jovis isto modo potentiam humanæque mentis dum pandunt solertiam, totius, à summo Ente dependentiam (mirum quam pulchre) pingunt. Minima quidem aliquando miscent; Non tamen adeo male: Et Atomum enim æque ac syderum orbem *Ποιητήν* annunciant. Et tu quoque Magister, Apollinem esse, singulis te videntibus, nolentibus quamvis, prodis. (d.) Sed vellem, ut illi qui Chronica mea conscribunt, minutiis valedicerent. Sunt minus *Ἀκριβείς*. Multa in Helicone eveniunt notatu dignissima, sed omnia Tabulis A hæneis non sint digna. *Ἀλότριά* sæpe recensent. Quid ad Heliconem attinet, cum qua mortalium Venere filius meus se miscuerit? Quid ad nos, quos filios habuerit, si isti Castra deseruerint? Quid ad me, an *Χερουσοκομος*? an *Γλαυκῶπις* Minerva? Sed & an quis Doctus erit, qui omnia scriptorum insignia, nomina omnia, omnes librorum cortices, missa medulla sciverit? Hic sæpe Historici Literarii impingunt. Omnes filios meos norunt, sed in vestibulo scientiarum hærent, nec in penetralia penetrant. Nomina, non res quærunt.

(e.) Circulus, quem (uti tibi videtur radiis compositum) circa caput meum perlucidum vides, sunt Genii filiorum meorum, qui terram reliquere. Hic iis honos habetur, ut satellitum instar, perpetuo caput meum cingant. Quibus summus Heliconis gradus  
conti-

(c.) Historia Naturali. (d.) Historia Literaria.

(e.) Jubar Apollinis.

contigerat dum viverent. proxumo, quibus inferior, remotiori spatio caput meum circumdant. Quodvis illorum genus, radium constituit, à parte quadam capitis mei inchoantem.

(f.) Cynicorum Principes barbæ loco mihi sunt, Epicurei gulæ propiora loca tenent. Quidam horum adeo remoti sunt à capite meo, ut quamvis è terra sublati, terram tamen denuo cogantur tangere.

(g.) Hi si forte unum eorum offendant, quos in pede Heliconis vides remotissimo, Errones eos reddunt & Visionibus obnoxios. Sophiam & amorem humanum divinumque nesciunt. Spernunt uti ajunt terrestria. Cœlestia petunt. Sed omnia adeo mixta, ut Chaos eos efficere merito crederes.

(h.) Vide namque, Magister, & mirare, quomodo aurum quærant; Aurum loca Divis habitata illis significat, modo Emblematico. Orbes cœlestes in terra quærant. Omnia olim igne calcinanda, & Elysii exinde conficiendi campi, Beatorum sedes. Id opus. Jam orfuri, quantum in se est fornaces condunt, Ægyptiacos, multiplicata flamma. Numen imitaturi, cujus se profitentur Adeptos.

(i.) Sed vide istis fere similes, sed mihi percaros semideosillos. Vulcanos diceres ob ignis servitium: Medicos propter Phiolas ubique conspicuas: Melancholicos propter expectationem futurorum subtristem, immo captivos, & cameræ suæ quasi carceri inclusos. Quales quales tamen isti tibi videntur, magorum & Sortilegum nomine noti apud vestrum vulgus, penetralia naturæ exhauriunt, & Elementorum secretionem, quin & mirabilium productione Naturam imitantur, imo ipsi Natura quædam fiunt. Creant nova corpora, creant spiritus, creata sæpe destru-

N n 2

unt,

(f.) Cynici & Epicurei. (g.) Mystici. (h.) Adepti.

(i.) Chymici.

unt, sæpius transformant in miracula rerum, vel invisibilia reddunt, quæ videbantur, immo annihilant, fulminant quando placet; quando placet Aeolus ad Jussu præsto est. Ex aqua eliciunt ignem, materiam illam stupendam, Phosphoricam. Mortuis plane & pondere suo præ omnibus subsidentibus corporibus, vitam largiuntur, ex duris fluida in perpetuum reddunt, minimo vitæ calore addito in auras evolare jussis obedire cogunt, & quis omnia illorum enarraret miracula?

(k.) Qui Musicam exercent, Lyram meam circumfident. Nonne illam vides resplendentem? Sed & audin illam sæpius tonos emittentem, me quamvis non tangente. Ita comparatæ sunt istæ animæ symphoniacæ, ut ne post mortem quidem sonos modulari dediscant. Vix incipiet rogatus, sed si cœperit, non desinet utroque modo inexorabilis Cantor.

(l.) Verticem meum obsident Mathematici & Astronomi. Maximi vero illorum, non (uti in reliquis filiorum meorum generibus moris est) proximiores mihi sunt, sed vice versa. Astra petunt primores illorum, qui Minorum fuere Gentium caput meum tangunt. Complacui illis, & quidem libenter. Animæ istæ de divinitate nunquam satis convictæ, & mihi forsân de statu quæstionem movissent.

„Cum hæc Apollo diceret, vix abstinere potui, quin  
„in impios Mathematicos inveherer, & interrupto  
„iterum Phœbi sermone, clamitans dixi,

„Magne Apollo! quam gaudeo te mecum sentire.  
„Vellem ut pestis omnes istos infideles devoraret.  
„Naso, Divinus Naso de his jam vaticinatus est. Scio  
„& pro certo comperi, sunt Mathematici Gigantes  
„illi, quos, ne foret terris securior Æther

„*Affectasse ferunt regnum Cœleste . . . .*

„*Altaque congestos struxisse ad sidera montes.*

(k.) Musici. (l.) Mathematici.

„Sunt



„ Sunt

*illa propago,*

*Contemptrix Superum & violenta.*

*Sed Pater omnipotens, misso perfregit Olympum*

*Fulmine, & excussit subjecto Pelio Ossam.*

„ Istud Istud,

*Perdendum mortale genus, (per flumina juro,*

*Infera sub terras stygio labentia luco)*

*. . . . . & immedicabile Vulnus,*

*Ense recidendum, . . . . .*

„ Quo dicto à risu non abstinui. Ast ille ira com-  
motus me increpans, ita perrexit.

Quem subito tollis cachinnum Magister? Ne tibi blandiaris ita vehementer in laudem tuam propensus. Ita solent spernere, quæ ignorant Magistri nostri. Sed quod de illis dictum tua non extollit merita. Quam male comparatum est de iis, qui aliorum Sphalmata pruriente animo audiunt, & se exinde meliores effici existimant? Nec illi propterea spernendi Coelorum mensores. Certitudinem dum quærunt, bona fide ut plurimum dubitant. Sed semel convictis, totus Magistrorum ordo non prævalebit. Taceo, quod Mathematici, rationis Amici summi & familiares de jure audiant, deque mortalium genere, præ multis filiorum meorum optime mercantur.

(m.) Sperne potius Causidicos illos pedancos, qui Themidis uti volunt causam inter mortales gessere. Istos longe à me removeo Heliconem sine dubio turbaturos, qui Mortales turbare, dum inter vos degerent, nunquam desierunt. Spatium illis separatim ab omnibus dedi. Videsne illic versus septentrionis plagam, turbulentas istas animas, quomodo in gy-

N n 3

rum

(m.) Causidici.

rum se moveant, & crebris ictibus quoties sibi occurrunt se percutiant. Ut moventur ! Furiarum instar agitantur, sed non sunt tam inimici, ac hostes videntur. Colludunt sæpe, qui se maxime proscindunt.

(n.) Et iniqui illi Judices, quorum tribunal obsidet isthæc bellatrix turba, videntur quomodo jus reddant istis sacculariis, quale dum in vita essent suevere. Perpetua lis, perpetua discordia manebit in æviternum, istos generis humani Legumque tortores, istos ex Japeti sanguine satos, sed commestationes, sed dapes, sed amicæ, sed ludi, sed aurum & Cræsi divitiæ, perpetui olim illorum eomites, in illa qua eos vides plaga deseruere. Subtristes ob hanc causam eos vides, & truci facie, obtusis auribus, partes querulas audire.

(o.) Est genus, quod prope Mathematicos colloca-  
vi. Scepticos vocant. Vicinos volui esse, quo juxta se positi magis elucescant. Dubitant isti an existant, an edant, an bibant, an concumbant ? Injurias solas sibi illatas, & ultionem subsequenterem vere existere credunt. Duo ergo Principia statuunt, alterum sibi, alterum aliis infestum. Sed vix ad se redeunt, ut Deum suum denuo negent. Existumarunt antea tantum se læsos fuisse, & dubitant an alteri malum infligerint, immo an dubitent non satis constet. Vident quam fluctuent animæ istæ, æquoris instar agitantur, ebriorum more titubant. Quam vero Mathematici stabiles, & quasi rupes immoti ! Vellem equidem ut ne quid nimis. Isti sæpe dubitare nolunt, ne contrarium discant. Illi dubitant, ut omnia nesciant. Ego vero eos magni facio, qui de omnibus in principio dubitant, ut de omnibus postmodum certi fiant.

(p.) Sunt alii qui nulla re se commoveri jactitant. Hos ego, quia nil est quod doleat, sub mentum meum colloca-  
vi. Vicinos volui esse Cynicis & Epicu-  
reis,

(n.) Iniqui Judices. (o.) Sceptici. (p.) Stoici,

reis, ut discant ibi laceffier tranquillo animo, & ego tot illis plagas infligo, quot verba pronuncio. Sed hoc de iis tantum dico *ψευδο*. Stoicis, veros petamo, modo se homines esse non obliviscantur, & se pati vel petere quid posse, pro confesso habeant, Fatumque æquo ferre animo discant. In loco præcipuo habeo tales Divinitatis veneratores.

(*q.*) Revoca nunc oculos Heliconem versus. Vide circumcirca. Volve visum quaquaversum ut circumspicias . . . . En vero imprimis in turba illa Orienti proxima, paulo supra montis radicem, ad me usque multos, quos non nosti. Aspice quoque alios quos nosti. Hi sunt qui calamo, illi qui ingenio me venerantur. Quod vero multos horum infra cos vides, est quia ingenium solum, non calamus solus, gradus in Helicone dirigit. Ego omnes novi, etsi vos non noscatis nisi scriptis insignes. Amnergi tria versus Orientem Heliconis Latera, Heutelii unum quod pone est, reliquæ gentes reliqua latera tenent. Vides omnia æque civibus repleta. Vides plerumque unum Lapinum, cum tribus è Tuscionis prosapia. (*r.*) Sed vellem ut illorum plures nosset. Parci nimis sunt calamo. Zelotypia quasi agitari diceret, ne quis quæ sciunt resciat. Laudarem si loqui nollent, ne male loquantur. Sed vereor de desidia. Quivis se nosse debet. Thrasones vitupero, sed Timidos sperno, fortuna fortes metuit, ignavos premit. Et satius aliquando male, quam nunquam bene. Vix quis perpetuo male.

(*s.*) Vos vero iusto plus indulgetis calamo. Rimis fere pleni estis. Ridiculi multi facti sunt, honorandi si tacuissent. Sæpius tamen ignosco, & præ nimio vestro studio condono. Qui Lauream, qui Palmam vobis tribuunt, hoc maxime expetunt, ut Chartas ty-

N n 4

pis

(*q.*) De iis, qui sunt Autores, vel non, (*r.*) Oligographia. (*s.*) Polygraphia.

pis editas conspiciant. Multi nomina sua, magnis laudibus expressa, præmitti gaudent. Ex hoc sæpe merita vestra dimetiuntur Mæcenates vestri. Sed & è scriptorum multitudine sæpe bona redundant. Enucleandæ scientiæ sibi involutæ. Inventoribus Lauream tribuit Olympus, quam sæpe reportarunt Amnergorum divina capita. Sed vix reportassent, si non infiniti se operi accinxissent, quorum etsi pauci rem tetigerint, plures tamen adjumento fuere.

Res sunt quædam adeo occultæ, & mille involutæ involucris, quæ unus omnia tollere nequit. Non cuivis datum est soli Augiæ stabulum purgare; & in mille formas se versare Proteum, ipsum Numen est passum, probe conscium, omnia non nisi per rerum seriem comparere.

„ Hic ego iterum, etsi bis reprehensus, scientificam  
 „ meam scientiam quin demonstrarem, ferre non po-  
 „ tui,

„ Maxume ( ἑφην ) Heliconis Moderator. Salve Pa-  
 „ ter! Magnitudo tua non ægre feret, si dixero, me  
 „ Ovidium quoque legisse & perlegisse, & in scholis,  
 „ ubi Tyrocinium magnæ sapientiæ feci, cum magno  
 „ applausu versus ejus imitatum fuisse, scio scio quid  
 „ velis Flavo- crinite Apollo! Metamorphoseon in  
 „ Libris, quos sine dubio inspirante numine conscrip-  
 „ sit Divinus & Cæsaribus præferendus Naso, sit mentio  
 „ Protei. Sed quid? annon Virgilius Astris dignus de  
 „ hoc multa, elegancia, vera, stupenda? En illa,  
 „ nam & hunc Poëtarum Regem, Imperatorem, immo  
 „ Cæsarem memoria teneo.

„ En Magne Pater quæ dicit. *Hic tibi nate prius est*  
 „ *vinclis capiendus cæruleus Proteus*

„ *Nam sine vi non ulla dabit præcepta neque illum*  
 „ *Orando flectes* . . . . .

*Ille*

- „ . . . . *Ille suæ contra non immemor artis*  
 „ *Omnia transformat se in miracula rerum*  
 „ *Ignemque horribilemque feram fluviumque liquen-*  
     *tem.*  
 „ *Verum ubi nulla fugam reperit fallacia, victus,*  
 „ *In se redit* . . . . .  
 „ *Quippe ita Neptuno visum est* . . . . .

„ Hæc fatus conticui. Subrisit Apollo & leviter  
 „ inclinato capite, in silentii signum, his adhuc pau-  
 „ cis sed mordacibus sermoni finem imposuit.

Nostin Psittacorum gentem Magister? Et hæc Memoria pollet, Judicium exspectat. Sed & Vestales nostræ cantant, quæ non intelligunt. Verba scite pronunciare nec est arduum, nec pulchrum, sed illorum vim nosse, & in tempore iis uti posse necessarium est, qua deficiente anima, Verba præter fumum, præter aerem nihil sunt. Mira videres mi Magister, si rerum evolutiones nosses. Causarum scires seriem. Quam pulchre omnia, quæ sibi videntur contraria, colludant, perspiceres. Quomodo ad summi Numinis placitum, omnia ad finem tendant optimum conciperes. Scenas, actus, catastrophes, & resolutiones magni & mirandi Theatri cognosceres, mirareris, & quam pusillus, quam nihil sis tu & totus mortalium coetus sentires. Neminem odisses, & quem fert Numen, æquo ferres animo. Sed animo ad hoc opus est non imperioso, sed plus quam lynceis opus est oculis. Sunt vestrum, qui iis non carent, sed rari. Vix alioquin evoluta sæpius involveretis, & stylus Ambrosia & Nectare sæpius, quam Cerevisia perfunderetur: Tu vero filiule, tuique similes in inferiori collocaremini loco.

## FINIS ORATIONIS APOLLINIS.

„ Dixit : sed non disparuit. Ego vero dejectus de  
 „ rupe Apollinis mihi videbar subito, & inter plebem  
 „ collocatus. Ex profundo suspiciebam Apollinem ,  
 „ extremum spiritum trahens, & sensim mihi Apollo  
 „ non amplius Apollo, sed de Satyrorum grege esse  
 „ visus est. Væ mihi quam mortuus sum ! quam ter-  
 „ ritus casu meo ! & tamen insomnia credo fuisse quæ  
 „ vidi, quamvis insomniosus non sim. Nam quis-  
 „ quis sit Apollo ille, Stylus ejus bassam spirat Lati-  
 „ nitatem. Verba fingit. Syntaxin ignorat. *Automa-*  
 „ *ton* non *Automa* (a) est. *Mordacitus* non *mordicus* (b)  
 „ defendit nova sua literaria, & alia similia. (c) Qua-  
 „ les Solœcismi ! quales baculos meruisset, ita si er-  
 „ rasset discipulus meus ex prima ? Hæresin suam eru-  
 „ ditionis, à me inchoat Apollon iste *Novitianus*.  
 „ Næ ! ego in Sententia mea firmior sum, quam ut  
 „ tam facile avellar. Miror quod de Grammaticis  
 „ ne verbum quidem dixerit. In hos invehi oport-  
 „ tuisses, mi Apollo Satyre ! mi jam non amplius,  
 „ *Flavocrinite*, sed *cornute* Apollo ! Hi è medio tol-  
 „ lendi. Isti multorum te errorum convincere pos-  
 „ sent, & maximo tibi futurum esset lucro, si Diale-  
 „ ctica omnino ex Helicone tuo eliminaretur. In  
 „ Latio certe natus non es, & si natus, Hildebran-  
 „ dinis natus es temporibus. Ast ego Bononiæ fa-  
 „ brefactus sum Magister, in aureo nostro Seculo.

„ Sed tu Apollo es, scilicet, tuum est linguas con-  
 „ dere novas, abolire obsoletas, sed tu Imperator es  
 „ ille redivivus, qui edicto suo Cæsareo ( Proh Dii  
 „ Immortales ! quanta sæpe ignorantia præeunt sub-  
 „ ditos, servos, immo mancipia, illi qui orbem ter-  
 „ rarum gubernant ) divina, divinæ Aboriginum  
 „ Lin-

(a.) Vide p. 11. (b.) P. 14. (c.) P. 7. v. gr.

Cupediarius pro cupedinariis.

„Linguae, Idiomata mutaturus erat. Vale, Vale  
 „Αὐτοκράτορ invictissime, Auguste! Vale, Vale A-  
 „pollo! tu res quaris controversas, ergo incertas,  
 „ego verba certa, elegantia, & hic conticesco . . .  
 „Unum tamen addam: demens, obtusus, hebes,  
 „insanus sui, quod Te Apollinem vel per unicum  
 „momentum crediderim . . . . . Jam, Jam, inte-  
 „gro animo in Elysios descendam campos. Opin-  
 „adibo, & Rhadamantus Apollinem istum (si lo-  
 „cus est justitiae penes inferos) judicabit, damna-  
 „bit, & Sisiphonis Saxum volvere docebit. Acta  
 „agat, in illo loco Tartarico, & agat in æternum,  
 „cum ita placeat acta agere. Abi Apollo, abi ad  
 „Strygias aquas, qui expolitarus es scientias, à nobis  
 „fatis superque expolitas. Cal. Dec. circa seculum  
 „ab U. C. undecimum, in Musæpolio Munatiano  
 „Coss. Burcardo & Scalero.

Hic finit Feliciter MATÆOLOGUS, Qui  
 Jussu Apollinis Veri, non illius Usurpatoris,  
 hæc conscripsit, Mnemosine de Parnasso de-  
 scendente, ut auxilium ferret,

CHRYSTOMUS MATÆO-  
 LOGUS *Sophorum Scholasticorum*  
*Stagirites raffinisatus.*

POLY-

# POLYPISTONIS THEOLOGO- PHILOSOPHASTRI EPILOGUS.

**H**Aëtenus, amice Lëctor, egregium Manuscriptum, Confutationem dignam indignæ Pseudo Apollinis Orationis, Novarum preterquam rerum non studiosi. Demonstratio invincibilis dari apparitiones, & quidem dari hodie. Testantur annus & Consul : Testatur Mors acutissimi Viri proxime subsecuta, quam Vatis instar prædixit egregius noster *Maximè*, ad superos proh Dolor ! evocandus, si revocare gradum & superas evadere ad auras liceret illi, qui

*Par est superis, cui pariter dies  
Et fortuna fuit . . . .*

*Heu Scepitriger in ordine !  
Et Rex & Dux magnifice !  
Quo ititas, quo properas ?  
Jam jam ad auras superas  
Vadis ? . . . .*

Sed quid doleo scholasticorum regem, Stoicum, Senecam ?

*Nunquam est ille miser, cui facile est  
mori.*

Nunquam est miser, cujus scripta manent, qualia  
sunt



sunt tua, summe Mataëloge, eruditionis plena, ingenio farcita, & à tota Parnassi progenie, pro primis habita. Video, video, Pegasus Corpus tuum ad Astra fert. Odorem post te spargis, qualem sparsit Dea illa in oris Punicis, & tua

*Vivit post funera virtus.*

Te non doleo, memet deploro, cur

*Felices sequeris mors, miseros fugis?*

Hæc in honorem oris aurei, Amplissimi Stagiritarum Principis Epicedii loco ponere licuerit, *ὡς ἐν παρόδῳ.*

Jam gaudeant veritatis amatores, Adparitionum hodiernarum existentiam denuo demonstratam: gaudeat alterutra gens, tale MS. è sinu suo emanasse. Sed gaudeat utraque, Apollinem se habere adeo faventem. Et abeat *↓ευδὸς*-Apollon in malam rem cum Oratione sua solidissime à Magno nostro Mataëlogo prostrata, & cum Pæane, non Apolline ad orcum à Nostrate missa.

*Jam Vobis Musa gratias,  
Quas possum ago maxumas,  
Pro grandi beneficio,  
Pusillo mihi prestitito,  
Quod Opus me hoc edere,  
Quod laudem vestram canere  
Non solum permiseritis,  
Sed etiam jusseritis.*

*Tu Clio aerivaga,  
 Famigera, qua Pelaga ★  
 Terramque cito permeas,  
 Ne mihi quaeso pereas,  
 Laus mea, honos, gloria,  
 Perennet in historia,  
 Et seculorum seculum  
 Miretur hoc prodigium.*

*Quid ! Phæbus Mateologum  
 Sophw̃n Ἐπισημοτάτον,  
 Τιμωτάτων sustinuit,  
 Quo Pseudo Phæbi Jacula  
 Perfringeret ut bacula :  
 Quid ! Πολυπισῶν clarnit,  
 Et vixit eo Tempore,  
 Solum ut posset edere  
 Hanc celebrem Historiam,  
 In sempiternam Gloriam.*

\* Licentia Poëtica.

FINIS MANUSCRIPTI.

EU-

\*\*\* \*\*

# EUBIUS

## CONTRA SEIPSUM.

**T**U ergo Eubie, cum tuo Matæologo temet excludis ipsum ex ordine illorum quos rides? Ubi testis omni exceptione major; qui te ab iis purgat, quæ arguit Apollo tuus Satyrus? Matæologus sane tuus magna de se; sed te iudice, quam stolidissime sensit; quis tibi sponsor, eadem te non quoque urgeri fallacia? Ita sumus comparati omnes; minima in aliis vitia maximi, virtutes vilipendimus maximas. Nodum in scirpo quærimus. Cum ad nosmet ventum est ipsos, quæ bene egimus satis elata, quæ pessime, diminuta esse ut deceret vix existumamus. Magnum illud, perpetuo Lingua evomit, *Homines sumus*. Excusat, *homines fuisse*, si de nostris agitur Erroribus, si de alterius, cessat humanitas. Cum de nostris cogitamus virtutibus, Heroes sumus *Ἡρώδεις* immo Dii, si de aliorum, vix homines illos censemus. Puerilia & infantibus etiam patratu facilia sunt illorum benefacta, Nostra vires hominum superant, divorum ad illa opus fuit viribus. Sic & tu, Eubie, vix in lucem editurus fuisses Manuscriptulum istud, si Te, in illo vel minimum reprehendi tibi persuasisse. Quis magis insanit, Eubie! qui errat, an qui se non errare posse existimat? Sed &, quo jure Apollo factus es? Quo jure Iudex? Tuum enim facis quod in lucem emittis, & idem te sentire confiteris

feris facite. Apollinem ego non nisi unum novi. Tu Pani similior es, quam Apollini. Et si Apollo es, nothus es, & incomtus es Apollo. Vel magis Apollinis Mercurius credier? Nec hoc quidem impetrabis. Salsus ille Jovis & acutus Mercurius Sententiam non facile prodit. Tu horum nihil; omnia ita aperte proloqueris, ut Davum potius, quam Mercurium imiteris.

Ita egomet mecum. Ita mihi forsan alii. Nec sic quidem male. Faciant. Nil moror. Modo non majori faciant lædendi studio, quam ego Matæologum meum edo. Corrigant me, ut gratias agere possim. Ego nil aliud intendo. Apollo Judex qui Matæologo apparuit, culpat ergo & culpetur. Hanc veniam damusque petimusque vicissim.

\*\*\*\*\*

## *Nova Literaria.*

1. Catalogus universalis Librorum Theologicorum, qui in officina Heideggeri & Societatis, Bibliopolarum Tigurinorum exstant, & venales pro adposito singulis vili pretio habentur. 4. 1739. pl. 12 $\frac{1}{2}$ .
2. Theses metaphysicæ de Principiis Contradictionis & Rationis sufficientis: Præside D AVIDE LAVATERO, Philos. Prof. Ord. Tiguri. 4. pl. 2.
3. JO. JAC. LAVATERI, S. Theol. Prof. Dissertatio de Theologia & Religione generatim spectata. Tiguri. 4. pl. 5.
4. JO. JAC. ZIMMERMANNI, S. Theol. Prof. Dissertatio de recentiorum quorundam Eruditorum præposteris adversus Incredulos disputandi methodis:

thodis: Pars prima. Resp. *Georgio Oerio*, V. D. M. Assum. *Jacobo Corrodio*, S. Theol. Stud. Tiguri. 4. pl. 6 $\frac{1}{2}$ . Instituit Vir Clarissimus placido examini subjicere Libellum gallicum ab Anonymo, vel Anonyma conscriptum, & præterito anno Amstelodami apud Wetsenios editum, hocque titulo inscriptum: *Lettres sur la Religion essentielle à l'Homme, distinguée de ce qui n'est que l'accessoire.* 8. cujus Libelli auctorem ferunt, si quidem famæ sua constet ratio, doctam & acris judicii Foeminam, Helvetio sanguine cretam, sed Lugduni commorantem, quæ aliis quoque jam Scriptis, præstantis ingenii documentis, inclaruit: Videntur quibusdam hoc libello præcipua *Christiani Democriti* placita nova arte ac methodo recocta.

5. *Johann Jacob Breitingers Critische Abhandlung von der Natur, den Absichten, und dem Gebrauche der Gleichnisse: Mit Beyspielen aus den Schriften der berühmtesten alten und neuen Scribenten erläutert. Durch Joh. Jacob Bodmer besorget, und zum Drucke befördert. Zürich. 1740. 8. pl. 35.* Auctor hujus commentarii critici est Ling. S. & artium recte cogitandi ac bene dicendi in Athenæo Tigurino Prof. P. excitatus ad hanc Scriptionem ab Amico conjunctissimo Histor. Patr. Prof. qui editionis curam suscepit, ut tanto castigatior prodiret, eamque Præfatione auxit. Argumenta Tractationis sunt: 1. Abschnitt von den erleuchten den Gleichnissen. 2. Von den auszierenden Gleichnissen 3. Von den nachdrücklichen. 4. Von den lehrreichen Gleichnissen. 5. Von der Vereinigung der Absichten in einem Gleichniß. 6. Von dem rechten Ort und Sitz der Gleichnisse. 7. Von dem Gebrauche der Gleichnisse in Trauer-Spielen. 8. Von dem Masse und der Zahl der Gleichnisse. 9. Von der Neuheit der Gleichniß-Bilder. 10. Von der Abänderung derselben. 11. Von der Vergleichung großer Dinge mit kleinen, und kleiner mit großen.

- grossen. 12. Von dem Volstand der Gleichniß- Bilder.  
 13. Rettung einiger von Longin getadelten Gleichnisse.  
 14. Von den Gleichnissen in Brodes irdischem Vergnügen in Gott. 15. Von den Lobensteinischen Gleichnissen.  
 16. Von den ausführlichen Historischen Gleichnissen. Habent in hoc commentario Germani, quod Helvetiis invidcant.
6. Joh. Georg Altmanns, Prof. der Griechischen Sprache und der Sitten- Lehre, der Zeit Rectoris Academici zu Bern, dritte und letzte Solemnitäts- Rede, von dem Falle und Untergange der Griechischen Republicken; gehalten in dem Chor des Grossen Münsters zu Bern, den 28. Mey- Monat 1739. Bern, 4. pl. 4. Hæc oratio & argumenti dignitate & styli puritate mirifice se commendat.
7. Eclaircissements & Reflexions sur les Propheties & Avertissements de nôtre Seigneur J. Chr. contenus dans le Chap. XXIV. de S. Matthieu: Par, Mr. Barnaud. Pasteur, à la Tour. à Lausanne chez Bousquet & Comp. 4. pl. 14.
8. Recueil de tous les Ouvrages de Morale, de Théologie, & de Controverse de Mr. de la Placette, autrefois Pasteur de l'Eglise Francoise de Coppenhague. à Basle, chez J. R. Imhoff. Liber hic elegantissimus, qui jam assidue proelum exercet, Subscriptionum beneficio prodibit Tomis VIII. forma, quam quartam vocant: Subscriptionis pretium positum est 10. flor. germ.
9. S. Puffendorffii de officio hominis & Civis, cum Supplementis & observationibus Gerschomi Carmichael. Basileæ ap. J. Brandmüllerum, 1739.
10. La nature & l'Excellence de la Religion Chretienne, avec une Preface de Mr. Gilbert Burnet, Evêque de Salisbury. &c. avec deux autres pieces: traduit de l'Anglois. 8. pl. 12. Basle, chez J. Brandm. 1739.
11. Pu-

11. **Publica Criminalis vindicata**, in partem generalem & specialem divisa; in qua omnes doctrinae rerum criminalium perspicue tractantur à *Christ. Frid. Holland*, J. U. L. 4. pl. 50. Basileæ ap. J. Brandm. 1739.
12. **Nuper typis Brandmüllerianis excusus est Celeber. J. ALPH. TURRETINI** τῶν νῦν ἐν ἀγίοις **Comentarius Theoretico - Practicus in Epistolas S. Pauli ad Thessalonicenses**. 8. p. 40.; non ita quidem exasciatus, ut reliqua ab ipso, dum viveret, Vener. Viro in lucem edita, neque indignus tamen, quem pro foetu suo agnosceret Auctor.
13. **Reverendi etiam J. FRID. OSTERWALDII** tres libelli iisdem typis expressi, nimir. **Compendium Ethicæ Christianæ**. 8. pl. 22. **Compendium Theologiæ Christianæ**. 8. pl. 24. & **Traité de l'exercice du St. Ministère**. 8. pl. 24. tandem ex carceribus, ubi aliquamdiu detinebantur, non invito plane Autore, ab eo certe aliquantum emendati prodiderunt & publice vaneunt.
14. **Idem Typographus nunc totus est in recudenda GEORG. BULLI**, Episcopi Angli **Harmonia apostolica**.
15. **LIMBORCHII Collatio cum OROBIO** nondum reliquit praelum.
16. **VARIA GEOGRAPHICA. J. FRID. GRO-NOVII** **Dissertatio de Gothorum sede originaria** adv. *Phil. Cluverium*, eorundemque in Imperium Romanum irruptionibus: 2.) **Libellus Provinciarum Romanarum & Civitatum, Provinciarum Gallicarum c. n. A. Schotti & Laur. Theodori GRONOVII**; Ejusdemque animadversiones in **VIBIUM SEQUESTREM**: 3.) **J. CASP. HAGENBUCHII**, **Exercitatio Geographico Critica**, qua **Ostiones nec Germaniæ, nec Britannicæ populum, sed Galliæ Celticæ Osismios esse conjicitur**: 4.) **Accedunt,**

cedunt animadversiones in STRABONIS γεωγραφικῶν Libros IX. depromptæ è MS. Codice Mediceo. Lugduni Batav. ap. Corn. Haak. 1739. 8. pl. 13. Edidit hanc Syllogen V. Cl. ABR. GRO-NOVIUS, camque inscripsit *J. C. Hagenbuchio*, Linguarum apud Tigurinos Professori Clarissimo, cui se præter hanc Exercitationem geographicam debere profitetur, CONR. GESSNERI curas secundas in AELIANI Historiam animalium, & varias in veterum Scriptorum loca castigationes. V. Cl. *J. C. Hagenbuchii* Exercitatio Geographico-Critica habetur p. 94-143. Ea præcipue opposita est *Cluverio*, qui Ostiones Germaniæ Istævones; & *Cambdeno*, qui Britanniae Danmonios esse voluit, quorum frivolas suspiciones gluma leviores esse scite coarguit V. Clarissimus; contra ex Strabonis loco prius egregie emendato aperte docet Ostiones Pythæ Osismios dictos, neque diversos esse populos Ostidamnios Straboni Lib. I. memoratos, quem Strabonis locum §. XII. nec non §. XIV. Stephani Byzantini alterum amplissimo & accuratissimo commentatio critico clarissima luce perfundit. Egregium reconditæ Eruditionis specimen, quod multis veterum locis medicinam facit, & novam lucem foeneratur: Salivam movebit doctis, ut tanto iniquiore animo ferant moras, quæ V. Clariss. injiciuntur, quominus Helvetiæ antiquæ Notitiam, & majora, quæ meditatur in hoc genere ad juvanda Antiquitatis studia, perficere possit. P. B.






# TEMPE HELVETICA,

*Dissertationes atque Observationes*

THEOLOGICAS, PHILOLOGICAS,  
CRITICAS, HISTORICAS,  
EXHIBENS.

Tomi Quarti

*Sectio Quarta.*



---

TIGURI,  
EX OFFICINA HEIDEGGERIANA.  
M DCCXL.

# SYNOPSIS

Eorum , quæ hac Sectione  
offeruntur.

- I. *J. C. FUESSLINI* Dissertatio Apologetica  
pro *Davide* Rege, adversus *P. Baylii* criminationes.  
pag. 581.
- II. *J. H. WERNDLY*, Helvetio - Tigurini Oratio  
inauguralis de Linguarum Orientalium & Indica-  
rum cognitione necessaria Theologo ad Indos pro-  
fecturo: habita cum Professionem publicam in A-  
thenæo *Lingensi* auspicaretur. p. 617.
- III. *J. G. ALTMANNI*, Pr. P. Oratio de Inscriptio-  
ne Cruci *D. N. JESU CHRISTI* adfixa. p. 662.
- IV. *J. CHR. BECKII*, Pr. P. Basil. Animadver-  
sio ad *Actorum Lips. Supplem.* Tom. III. §. 4. p. 682.
- V. Gratulatio Panegyrica Eminentiss. S. R. Cardin:  
*DOMINICO* ex *COMITIBUS PASSIO-*  
*NEI* ob acceptam purpuram. p. 689.
- VI. Helvetii cum hujus Panegyrici Autore poetica  
expostulatio, qua convicia Genti Helveticæ objecta  
diluuntur. p. 693.
- VII. Nova Literaria Helvetica. p. 714:
- VIII. Indices in Tom. III. & IV. p. 723.

V I R O

*Excellentissimo, Plurimum Reveren-  
do atque Celeberrimo*

JACOBO BRUC-  
KERO

*Pastori Kaufbyrensi facundissimo ;  
Societatis Regiæ Berolinensis*

Socio Dignissimo:

*Reconditæ Eruditionis operibus vere  
inclito,*

*Priscæ inprimis Historiæ Philosophi-  
cæ Explanatori Eruditissimo,  
Felicissimo,*

V I R O

*Præterea animi candore & officiorum  
promptitudine æstumatissimo,*

*Amico suo Honoratissimo;*

Sectionem hanc decimam  
sextam

# MISCELLANEORUM PHILOLOGICORUM

*Animo gratisimo sacrum esse  
jubet ,*

Illumque simul ad hanc collectionem ,  
quam plurimis hactenus limatissimis opu-  
sculis locupletavit, dehinc ex abundan-  
tissima suppellectili ornandam &  
illustrandam rogat

JO. GEORGIUS ALTMANNUS:

CA.

# DISSERTATIO APOLOGETICA

PRIMA

PRO

DAVIDE HÆBRÆO-  
RUM REGE

*Adversus*

Obtre&ationes

PETRI BAYLII.

AUCTORE

JOH. CONRADO FUESLINO.

*Cicero:*

Veritas limatur in Disputatione.

*An. M D C C X L.*

# PRÆLOQUIUM

AD

LECTOREM.

**V**Arii sunt hostes hujus libri, quem vulgo Scripturam vocamus, quique nobis à Deo datus est, ut scitu factuque necessaria discamus & ita teretes atque rotundi evadamus,

*externi ne quid valeat per læve morari.*

Sed infestissimi sunt, qui aut negant, illum à Deo profectum esse, aut eum irreverenter tractant atque sugillant. Res vero, quæ hoc libro proponuntur, sunt vel Doctrinæ, quibus animus excolitur, vel Historiæ, quæ prudenti vitam consilio admonent melius, quam Græciæ Latiique arte confictæ fabulæ. Doctrinæ multi inimicissime aggressi sunt, sed Historias nemo crudelius infestavit PETRO BAYLIO. Is inter alia DAVIDEM Regem & Prophetam sanctissimum magno detrimento Religionis proscindere ausus est. Quis enim crediturus est, Deum bonos amare & malos odi, si intellexerit, hunc, quem præ cæteris mortalibus fovisse perhibetur, hominem fuisse flagitiosissimum, ac usque dum animam posuerit, sceleribus deditissimum? Quamvis oracula divina ab hac sententia maxime abhorreant, multi tamen in eam pertracti sunt, qui aut præ stupore verum à falso distinguere non valuerunt, aut levitate quadam animi lubentes ea acceperunt, quæ à pietate sunt aliena. His ego obviam ire & quoad per me fieri possit, efficere studui, ut genuina rerum gestarum explicatione Davidis innocentia in claram lucem producat. Duas igitur conscripsi Dissertatiunculas, quibus eum contra BAYLII obtrectationes defendi. Primam B. L. inpræsentiarum tecum communico. Quodsi illa tibi non displicuerit, mox secundam luci redditurus sum. Vale & hisce fructe. Tiguri Feriis Carolinis.



I.

*CAPUT PRIMUM*

Quod Baylii lectio & obesse & prodesse possit  
ostenditur.

*CRITO. EUSEBIUS.*

**Q**uid libri tractas *EUSEBI* ! cui ita tota mente  
defixus inhæres ?

*Eusebius.*

Oportune mihi advolas *O CRITO* ! cum ne-  
mine enim de re, quæ oculos mentemque meam ver-  
sat, conferre malo, quam tecum. Novi, quæ in te  
sit Criticæ prudentia, & quod mihi candide imperti-  
turus sis, quæ in promptu habeas.

*Crito.*

Animum tuum & erga me studium laudo ; sed  
videto, ne in parietem caducum inclines.

*Eusebius.*

Nugæ. Grata mente mihi repositum est, quoti-  
ens hæsitantem me sublevaveris.

*Crito.*

Lepide eruditus es ad assentationem. Velim his  
P p 2 blan-

blanditiis abstineas, proque consuetudine nostra mecum agas.

*Eusebius.*

Tibi morem geram, & quid me excruciet sine ambagibus explicabo. Paucis ab hinc diebus in Dictionarium Baylii incidi. O quam pestiferum librum! antea non noveram. Nunc vero mihi persuasum est, diabolus nil aptius ad miseros homines decipiendos excogitare potuisse. Utinam hic foetus lucem nunquam vidisset! (a.)

*Crito.*

Ex iis, qui Baylium habent, non tot decipiuntur, ac credis. Hunc librum multa paradoxa & si velis, noxia complecti, fateor; attamen aliquem præstat usum.

*Eusebius.*

Heus CRITO! Tunc ita censes, qui Deum, quæque ille nobis oracula dedit, castissime revereris?

*Crito.*

(a.) Videtis genuinum hominis (Baylii) Characterem, minime quærebat neque veritatem, neque dubiorum suorum sacrorum ullam solutionem ipsius animus, in iis præsertim rebus, quæ Deum, animam & spiritualia respiciunt, in quibus etiam erat totus cæcus & maxime ignarus, gaudebat autem magis & impensissime obfirmato animo in tenebris ac dubitationibus æternis circa hæc fluctuare, malebatque in externis vanisque eventis rerum maximam partem futilium atque nugacium, historiolarum putidarum, sordium etiam infamium totus lætus velut in elemento suo innatare, totumque animi sui acumen in iis exercere, qua vero in constitutione mentis ne Deus quidem, qui liberas mentes cogere vult minime, cumque malignis & impuris se communicare non potest, satisfacere ipsi nequisset. Poiretus apud Clarif. Weismannum in Hist. Eccles. N. T. p. 1334.



*Crito.*

Quid hoc ad rem?

*Eusebius.*

Nonne dixeras, non multos hoc libro decipi, & illum aliquem præstare usum, librum tam impium, & quod audacter adsevero, solum ad homines decipiendos aptum natum?

*Crito.*

Temperato iram! iniquus iudex est homo stomachosior. Ne autem apud te in suspicionem cadam, quia te animo aliquantulum obsequi sentio, me pluribus explicabo. Lectio Baylii non tot decipit, iac plerique credunt. Multi enim eum legunt, sed pauci sunt, qui intelligunt. Si quis nolit hunc librum legere, uti Moniales Virgines Psalterium recitant, hoc est, sine usu atque fructu, oportet, ut non solum linquas, sed etiam res Latinorum & Græcorum bene eruditus sit, quid? quod omnem Historiam, Philosophiam, & ipsam Theologiam, quæ præclarissimum nobis a Deo donum datum est, non leviter, sed quod ajunt, ad unquem perdidicerit.

*Eusebius.*

Cedo hæc. Sed nonne tute hunc librum multa paradoxa & noxia complectier passus es? Cur igitur illum usum aliquem præstare adseveras?

*Crito.*

Me dicti non poenitet. Baylius paradoxa & noxia multa habet, sed præter hæc etiam utilia. (b.) Immo vero est Thesaurus aliquis eruditionis.

P p 3

*Eusebius.*

(b.) Cæterum patet ex tota hujus viri historia, fuisse ipsum (Baylium) instructum ingenio pulcherrimo, imaginatione vivida, memoria eccellente & capacissima, cognitione veritatum plurimarum de statu mundi & Ecclesiæ, qua multi Zelotarum

*Eusebius.*

*Ædepol!* aut ego mentis non compos sum, aut quæ tu narras, falsa sunt. Qua enim ratione, quove consilio liber, qui paradoxa & noxia complectitur, utilis & Thesaurus eruditionis dici possit, non intelligo.

*Crito.*

Lepidum caput! Tu te hoc intelligere posse negas? Scio, te veteres Græcos Latinosque autores, præque cæteris Ciceronem, qui apud nos quædam Lux Doctrinarum habetur, non oscitanter legisse: dic igitur EUSEBI! num Ciceronem hunc bonum lectuque utilem autorem habeas?

*Eusebius.*

Cur ego illum talem non haberem, cum consensu bonorum omnium & eloquentiæ & bonæ mentis parens fiet?

*Crito.*

Vere ait Horatius: (c.)

*Male verum examinat omnis corruptus iudex.*

Ciceronem laudas; Baylium vituperas: Illum ut bonæ mentis parentem commendas; Hunc ut lue pestifera infectum à consuetudine & commercio nostro abarcendum judicas, cum uterque suis excellat virtutibus, laboretque magnis vitiis. Cicero multa ex Historia, Philosophia, atque etiam Theologia veterum conservavit, quæ periissent funditus; Baylius multa

lotarum carent, qui se ipso longissime meliores reputant & religiosiores, quam forte etiam aliqui non habuerunt eo revera pientiores, aliisque dotibus, quæ poterant eum ad magna Ecclesiæ officia præstanda reddere idoneum, si naturæ accessisset gratia Dei & sanctificatio cordis, &c. Weismannus in Hist. Eccles. N. T. p. 963.

(c.) Sat. II, 2.

multa in tenebras & caliginem immerſa reduxit in lucem. Hic inter Pyrrhonios numeratur; Ille in ſummis religionis capitibus non minus dubius atque incertus fuit: Hic multa irreverenter & obſcœne dicta protulit; Ille in ſuſpicionem incidit, quod cupiditatum furii incenſus, (d.)

*Thalamos invaſerit nata vetitoſque hymenaos. (e.)*

Nonne igitur aut ab utriuſque lectione boni abſtinere debent, aut dicendum eſt: Baylium æque legi poſſe ac Ciceronem?

*Eusebius.*

Miror tuam vaſritiem. Baylium confers Cicero-  
ni? Magna Hercle injuria! Quid enim in Ciceronis ſcriptis reperiundum, quod non caſtum, integrum, ſclerisque purum fiet? Flagitii, de quo mentionem injecceras, accuſatur in quodam fragmento. Sed primo non conſtat, quis hujus autor ſit. Quid autem ſcripto fidendum, cujus autorem ignores & de quo ſtatuerre non poſſis, an fidem mereatur vel non? Deinde ſi Salluſtii eſt, cujus præ ſe fert, nomen, non caret ſuſpicionem, ex odio caſtiſſimum virum hac ignominia adſperſiſſe. Tandem quid hoc ad rem noſtram? De ſcriptis horum virorum diſputamus, non de his, quæ vitam illorum contaminaverint, vitiis.

*Crito.*

Ciceronis mentionem feceram, ſciens, quanti illum habeas. De laſcivia ejus controverſiam moves, cætera ne verbo quidem adtingis, nec video, qua

P p 4

ratio-

(d.) Verum ut opinor, ſplendor domesticus tibi animos attollit, uxor ſacrilega ac perjuriis delibuta, filia matris pellex, tibi jucundior atque obſequentior quam parenti par eſt. Salluſtius, ſeu quicumque ille obtreſcator fuerit, in oratione contra Ciceronem.

(e.) Virg. *Æn.* l. VI. v. 23.

ratione aliquid proferre potuisses, quod illa excuset, saltem in speciem, cum homines proferat disputantes, quæ maxime sunt impia & lectorum in animis malos stimulos relinquere possunt. Quodsi vero illum veneris amoribus aversum fuisse credis, quique in scriptis suis, nullis ad turpitudinem stimulis vel illecebris sectatores suos percellat, te nihil morabor: Præter Ciceronem lectitasti Horatium, Juvenalem, Ovidium, cæterosque impurarum elegantiarum arbitros, immo vero horum sententias, seu ut aiunt *αργίας δοξας* summa cum voluptate imbibisti, si igitur Baylium damnas, quod Dictionario suo multas amœnitates venerum & venustatum infeminaverit, hos simili jure multare fas est, teque serio admoneo, ut culpam redimas, tua

*altaria fument*

*centum festa Jovi, centum cadat hostia cultus. (f)*

Contra si te horum lectione non contaminatum esse credis, cur tam crudelis es in Baylium, uti nullum usum ab illo capi posse existumes?

*Eusebius.*

Tua me fere permovit oratio. Attamen quotiens mecum confidero, qua animi petulantia tractaverit oracula sacra, & quos illa nobis commendant homines pientissimos, Deo caros, quos Dei spiritus ad summam frugem perduxit, quotiens, inquam, confidero, quomodo hos tractaverit, & quanta illos contumelia adfecerit, parum abest, quin dispaream ira.

*Crito.*

Hoc in caput si incidas, me non habebis obloquentem. Baylium enim Religioni Christianæ & qua illa nritur, autoritati Scripturæ sacre tantum noquisse arbitror, quantum alium quenquam.

(f.) Sil. Ital. L. XII. 333.

*Eusebius.*

*Eusebius.*

Cur igitur usum ab eo haberi posse dixisti?

*Crito.*

Non propterea, quod illum multa contra Christianam fidem machinatum esse scivi, sed quod præter hæc etiam talia proferat, quæ & erudiant & delectent.

*Eusebius.*

Nosti proverbium, omnium assensu confirmatum: *Non esse malum faciendum, ut inde bonum eveniat.* Tu tamen contra hoc agere videris, Baylii lectionem commendans.

*Crito.*

Tibi opponere possem præceptum Apostoli: (g) ἐρευνᾶτε τὰ πάντα, τὸ καλὸν κατέχετε. Sed huc non descendendo, namque ipsemet illud cum cautione intelligendum esse puto. Quo autem me intelligas, mentem meam apertius explicabo. Baylium multarum impietatum machinatorem habeo, qui calliditate sua multos seduxerit. Attamen ex vastissima ejus eruditione curiosus lector, si animum probum adferat iudicioque bonum à malo secernendi valeat, usum fructumque capere poterit, æque ac ex aliorum librorum lectione, qui maxime commendantur.

*Eusebius.*

Sed quid tum, ubi mala mens, malus animus ad eum accesserit?

*Crito.*

Si qui accedant, ut mala expiscantur, maximo sunt in periculo, nam ne in erroribus confirmentur, timendum est.

*Eusebius.*

Nonne igitur ab ejus lectione arcendi essent?

(g.) 1. Thes. V. 21. P p 5

*Crito.*

*Crito.*

Quomodo illos ab eo legendo arcebis, cum jam-  
jam in omnium manibus versetur?

*Eusebius.*

Qui virtute & scientia sunt præditi in erroribus  
eius producendis & convellendis majorem operam  
collocare deberent.

*Crito.*

Maacte virtute EUSEBI! para papyrum, exer-  
ce calamum! perstringe hominem impium!

*Eusebius.*

Huic muneri impar sum, si tanta in eo est eru-  
ditio, quantam prædicas. Sed rogo te per fidem at-  
que amicitiam nostram, ut mecum conferas, quæ  
de Davide Hebræorum rege narret.

*Crito.*

Legistine?

*Eusebius.*

Non totum Baylium legi. Sed audiivi sæpius ho-  
mines pios & doctos dictitare, quanta impietate op-  
timum regem tractaverit. Tandem me cupiditas in-  
cessit experiundi, quæ toties ex aliis intellexi. Con-  
tinuo ipsum evolvi, taliaque reperi, quæ tantum hor-  
rorem fecerunt, ut mihi comæ huc usque erectæ  
steterint.

*Crito.*

Tibi lubentissime obtemperabo. Sed latrans sto-  
machus nos disputationem abrumpere jubet: illud  
igitur in aliud tempus differamus.

C A.

## CAPUT SECUNDUM.

De convitiis , quibus Baylius proscindit Davidem.

*EUSEBIUS. CRITO.*

**E**Xoptato mihi venis CRITO ! Jamjam me in viam daturus eram , ut te convenirem , abruptumque Sermonem de Baylii in Davidem convitiis instaurarem.

*Crito.*

Hanc ob causam ad te venio. Tibi enim promiseram , me ea de re lubentissime tecum confabulaturum esse.

*Eusebius.*

Rogo te , quomodo tantam hanc impietatem Baylii in Davidem , qua sanctissimum virum maximis contumeliis oneravit , excusare velis ?

*Crito.*

Nunquam in animum institui , id facti excusare. Fac EUSEBI ! ut ne , dum tute aliorum injustitiam carpis , gravissimam mihi facias. Quam turpe est , præcedenti tantum manticam tergo spectare ?

*Eusebius.*

Hoc Deus à me avertat , ut cuiquam injustitiam faciam , multo magis homini amico ! Sed viri improbi causam nuper aliquo modo suscepas , quare cum apud te alicujus momenti esse credidi.

*Crito.*

Eruditio ejus apud me magni momenti est : non nego. Vitia vero illius odi , ut quisquam alius. Sed tu contra fidem datam agis. Constituimus enim de his

his disputare , quæ Baylius contra Davidem evomuerit , convitiis. Euge hoc jam peragamus !

*Eusebius.*

Recte mones , nam fere proposito aberravissem. Sed nunc redeo in viam. Dic mihi CRITO ! Annon Baylius homo fuerit sceleratissimus , quod Davidis , viri , qui Deo adflatus fuit , præclara facta , ceu turpissima flagitia increpaverit ?

*Crito.*

Animum probe adverte ad ea , quæ dicis ! An omnia Davidis præclare facta censes ?

*Eusebius.*

Non hercle , adulterium enim ejus non solum non fuit præclarum factum , sed maximum peccatum.

*Crito.*

Nonne igitur jure quædam in Davide reprehendi potuerunt ?

*Eusebius.*

Sed ita reprehendit , ut & virtutes ejus elevet pro vitiis ; vitia vero ita exagitet , ut , si verum dicit , David fuisset pessimus omnium hominum , perfidus , adulter , tyrannus & quid non ?

*Crito.*

Ni multa inania dicere omniaque miscere volumus , opus est , ut quæ Baylius in Davide culpaverit , singula examinemus , & quid laudandum , quidve vituperandum fiet , libere producamus in lucem.

*Eusebius.*

Perplacet mihi institutum hoc.

*Crito.*

Commemora igitur , quæ notaveris Davidi à Baylio exprobrata.]

*Euse-*



*Eusebius.*

Velim ea ex te intelligere, non enim adeo valeo memoria, ut, quæ semel legerim, statim repetere possim; credo autem te aliquoties legisse.

*Crito.*

Ut tibi obsequar, ea enarrabo ordine. Illi hæc vitia tribuit: Lasciviam, Pseudopolitices studium, Fastum denique & Crudelitatem, ex quibus deinde multa alia pullulaverint.

*Eusebius.*

Capitalia, Hercle, capitalia hæc sunt vitia, si cuiquam vere exprobrari possint. At Davidi hæc exprobrare nemo potuerit, nisi sit homo impudens & sine ulla religione.

*Crito.*

Viros sanctos & qui Dei commercio in cœlo fruuntur, lacerare maledictis, summum nefas est: non inficio. Attamen hac in lite David non considerandus, qualis nunc est exemptus ab omni labe, inque cœlo positus, sed examinari debet vita ejus, quam in his terris egit. Duas ille personas sustinuit, Prophetæ & Hominis. Deo enim familiarissime usus est, isque illum adflavit, & multis in dictis factisque per spiritum suum direxit. Nihilo minus erat homo nobis ὁμοιωπαθής, ut Apostoli verbo utar, hoc est, cupiditatum furiis exagitatus veluti reliqui homines. Prophetæ munus cum hac conditione non solvit; Hoc privilegium exoptatissimo nostro Soteri soli concessum fuit, ut nullis vitiorum illecebris & cupiditatum lenociniis deditus natus fuerit.

*Eusebius.*

Putasne, Deum cum hominibus scelestis & impiis usum & consuetudinem habuisse?

*Crito.*

*Crito.*

Non. Hoc hominum de illo opinionem valde imminuisset. Prophetis, ut legatis suis usus est ad homines docendos, à vitiis abstrahendos & ad virtutem manuducendos. Quem igitur permovisset, si legati ejus omnium maxime peccatis fuissent immerfi? Sed hoc volo: quanquam Prophetæ ob sapientiæ & virtutis laudem præ cæteris mortalibus fuerint conspiciui, illos tamen ob communis naturæ fragilitatem & labi potuisse & non nunquam lapsos esse. Pervestigato, quæ sacri Scriptores de illis memoriæ prodiderunt; in singulis invenies aliquid humanæ imbecillitatis.

*Eusebius.*

Nunc demum te intelligo. Davidem putas fuisse virum religione insignem, deoque carum, sed qui nonnunquam ex inconsiderantia, seu uti tu loquebaris, imbecillitate à virtutis via deflexit.

*Crito.*

Rem acu tetigisti, uti aiunt.

*Eusebius.*

Ast considera, an hæc infirmitati adtribui possint, quæ Baylius illi imputat & non multo magis summæ impietati?

*Crito.*

Negari nequit: Davidem impie egisse, quando aliquid sceleris commisit. Sed observa, quid discriminis sit illum inter & hominem vitiis corruptum. Hic sceleribus quam maxime delectatur, diesque noctesque cum exercent mala studia. Ille vero vel ex ignorantia peccavit, malis seculi moribus seductus, vel si quid turpe & veritum perpetravit, statim facti eum poenituit, inque viam redivit.

*Eusebius.*

*Eusebius.*

Judicium tuum probo. Unicus tantum mihi restat Scrupulus. Si Baylio fides habenda esset, quæ de Davide commemorat, vitia talia fuerunt, ut illa non subito & inconsideranter transegerit, sed ad ea compositus & bene instructus fuerit.

*Crito.*

Baylius Davidi falso quædam vitia exprobavit, alia nimium exagitavit, ut summum virum in invdiam adduceret.

*Eusebius.*

Quam suavia hæc auribus meis accidunt ! Ego Hercle te unum omnium maxime diligo, si hoc ex animo dixisti.

*Crito.*

Sejunctis animi affectibus rem omnem examinemus.

\* \* \* \* \*

## CAPUT TERTIUM.

De lascivia, quam Baylius in Davide vituperat.

*CRITO. EUSEBIUS.*

Mature te è somno corripuisti, EUSEBI!

*Eusebius.*

Somnum Hercle hac nocte non vidi, tanta me tenuit expectatio, ex te audiendi, quæ ad tutandam pudicitiam & sanctitatem Davidis prolaturus sis.

*Crito.*

Non dubito, quin observaveris, quatuor à Baylio

lio proferri (*b.*) exempla, quæ Davidem hominem maxime impurum impudicumque fuisse proderent, nempe Adulterium cum Batseba commissum. Polygamiam. Saltationem ante arcam. Tandem connubium in ætate satis profecta cum tenera puella.

*Eusebius.*

Hæc omnia observavi & maledicentiæ vim in hoc homine execratus sum: quam enim impiæ de adulterio illo? (*i.*)

*Crito.*

Quid impiæ? an tu impium esse credis, qui adulterium culpatur?

*Eusebius.*

Non propterea. Sed quod illud tantopere exaggeret, cum tamen haud leves rationes suadeant, Davidem ob ea, quæ cum Batseba habuerit, adulterii non posse argui, saltem non perfecti.

*Crito.*

Pro Deum atque hominum fidem! Tute EUSEBI! hoc adulterium fuisse dubitas? à quo Jureconsulto cruditus es tam lepide distinguere?

*Eusebius.*

Non Jureconsulti, sed Hebræorum doctissimi, quos multi Theologi Christiani, perpensi sane judicii viri, sequuntur, me ita crudierunt. Illi enim commemorant, Judæorum moribus receptum fuisse, ut vir quivis in militiam proficiscens uxori suæ libellum repudii scripserit, quo alii nubere potuerit, si statuto tempore non ad Lares mutuosque amplexus rediisset. Tali igitur libello, inquit, cum Batseba Societate conjugali soluta fuerit, & David secundum jura

(*b.*) Confer ejus Dictionarium Hist. Crit. T. II. p. 910.

(*i.*) 2. Sam. c. XI.

jura Hebræorum plures uxores ducere potuerit, neque fidem neque thorum alienum violavit cum illa congressus. (k.)

*Crito.*

Quam bella deliramenta prædicas ! etsi vera essent, quæ isti nugatores commemorant, non tamen probarent, quæ probare exoptant, nempe Davidem adulterii immunem fuisse. Cedo, Batsebam libellum repudii habuisse, an propterea fide conjugali soluta fuit ? Tales libelli, quod hi somniatores ipsi fatentur, uxori potestatem conciliabant, si maritus bello captus & trium annorum spatio non reversus fuisset, alii nubendi, si enim hoc tempore non revertebatur, mortuus aut aliorum delapsus censebatur. Urias vero Batsebæ thori socius adhucdum liber erat & luce fruebatur, cum David uxori ejus hanc injuriam intulit. Nonne igitur tutius est fateri, Davidem adulterium perfectum, vel sive, summum & perfectissimum commisisse, si, ut (l.) Cicero ait, *summum & perfectissimum est, cui nihil desit* ? Etenim alienam uxorem vidit, concupiscentiarum furiis agitatus fuit, illam sollicitavit, compressit, quumque timore urgebatur, ne muliere ingravescente turpissimum factum diluceat, vitæ mariti insidiatus est. Nonne hæc omnia sunt summi & perfectissimi adulterii indicia ?

*Eusebius.*

Hæc me non consideravisse fateor, anne vero nihil ad optimum virum excusandum dici potest ?

*Tom. IV.*

*Qq*

*Crit.*

(k.) Porro etiam regerunt, quod apud Hebræos fuerit in more positum, ut ex *Zohar* libro vetusto p. 8. & in *Ex.* p. 107. constat, quod milites in bellum profecturi non prius bello se committerent, quam libello uxores dimiserint. Id quod etiam dicitur fecisse Urias in illo loco, adeoque Batsebam fuisse divortio separatam &c. *Polygamia Triumphatrix.* p. 393. (l.) In *Orat. c. I.*

*Crito.*

Nihil sane dici potest ad adulterium ejus excusandum. Hoc vero illi immortalis est gloriæ, illum à propheta monitum (*m.*) resipuisse, peccatum agnovisse, idque lacrymis fufis à Deo deprecatum esse; quo Deum ita commotum esse constat, ut illius misericordia captus peccatum condonaverit. Hoc ejus factum nos omnes intueri, admirari & imitari decet.

*Eusebius.*

Per nostram tibi amicitiam juro CRITO! me judicio tuo valde delectari, cum probe distinguas, quid laudandum, quidve culpandum flet. Sed quid de Polygamia hujus viri censendum? an ob illam meruit, ut tam procacibus dictis diffamaretur à Baylio?

*Crito.*

Mehercle non meruit. Ea enim tum temporis omnes reges, immo sanctissimi viri, Abrahamus, Jacobus, Gedeon, Elcana, Samuelis parens, ante illum usi sunt, quid? quod Hebræis concessa fuit: (*n.*) Hoc tantum lex cavebat, (*o.*) ne Rex plures uxores in matrimonio haberet, quam honestati atque ipsi etiam Religioni congruum esset. Namque uti recte Cicero, in *Voluptatis*, inquit, *regno virtus consistere non potest.* (*p.*)

*Eusebius.*

Legis Hebræorum mentionem fecisti, quæ viro plures uxores habere permittebat. Dic mihi, quæso, quid de illa quæstione censeas, an illud etiam lege naturæ permissum sit?

*Crit.*

(*m.*) 2. Sam. c. XII. (*n.*) Deuter. c. XXI.

(*o.*) Deuter. c. XVII. (*p.*) Cic. de Sen. c. 12.

*Crito.*

Arduum est, in tam difficili tamque varie à doctissimis viris agitata quæstione decernere. Consultum (q.) erit, non solum ea examinare, quæ THEOPHILUS ALETHÆUS, seu qui hoc se nomine abscondidisse creditur, POLYCARPUS LYSE-  
RUS pro Polygamia jure naturali stabilita, sed etiam quæ Celeberrimus Neocomensium Professor LUDOVICUS BURGETIUS nuper contra hanc sententiam disseruerit. (r.)

*Eusebius.*

Te tuam sententiam rogavi.

*Crito.*

Ego vero eam Legi naturæ contrariam esse statuo, non solum quod hoc ex rationis principiis colligendum fiet, sed inprimis quod Legislatores noster Christus nos commonefecerit, in generis humani initio Creatorem uni viro unam, non duas aut plures junxisse uxores cui instituto eo diligentius adhærere debemus, quia is castitatem & puritatem nobis comendavit maxime.

*Eusebius.*

Credere videris, legem castitatis nobis à Christo

Qq 2

seve-

(q.) Titulus libri est: *Polygamia Triumphatrix*, id est, *Discursus Politicus de Polygamia*, auctore Theophilo Alithæo, cum notis Athanasii Vincentii, omnibus Anti-Polygamis ubique Locorum, Terrarum, Insularum, Pagorum, Urbium modeste & pie opposita. Londini Scanorum Anno MDCLXXXII. in 4. Notitiam de hoc libro invenies apud Baylium: *Nouvelles de la Republ. des Lettres* T. III. p. 339.

(r.) In *Dissertatione de vero atque genuino Juris Naturalis studii usu*; in *Tempe Helvetic.* Tom. 3. Sect. 1. p. 9.

severius injunctam esse, quam eam ante illius tempora observarunt homines.

*Crito.*

Hoc firmiter credo. Nam decuit illum, qui hominum corda sapientia implere, atque ad æternam beatitatem formare voluit, ut eos à voluptatibus deterreret atque avocaret.

*Eusebius.*

Cur vero Deus erga priscos homines tanta facilitate usus est, ut voluptatis studia in iis magis quam in nobis toleraverit?

*Crito.*

Ingenio regionis atque usui aliquantulum indulgit. Præterea probe notare debes, Deum etiam illorum cupiditatibus fines posuisse, & qui eos transgressus fuerit, inobedientiæ poenas dedisse.

*Eusebius.*

Quomodo eorum voluptatibus finem posuit?

*Crito.*

Illis leges matrimoniales ferens & regi inprimis præcipiens, ne plures uxores sibi matrimonio conjungeret, quam animus pius & religiosus ferre posset. Plures enim uxores alere, illarum cupiditates frænare, liberos ex iis procreatos tollere, heu quantum adfert doloris & solitudinis? itaque prudentiæ & æquitati illorum commisit, tot alere uxores, quot & utile & honestum ducerent.

*Eusebius.*

Si Baylio credendum est, David parum prudentiæ & æquitatis hac in re habuit. Affirmat enim, illum voluptatibus nimium indulsisse, quum I. plures uxores duxerit, quam virum pium & honestum decuerit.



cuerit. II. Palræo uxorem rapuerit. III. Spreta Religionē uxorem peregrinam in matrimonium sumserit. (s.) O execrandum caput, qui tot maledicta in innocentissimum hominem dixit !

*Crito.*

Noli irasci ! Baylius causam amitter, quanquam placido & æquo animo agamus.

*Eusebius.*

Nonne homo execrandus est, qui dixit, Davidem plures uxores habuisse, quam pium virum decuerit, cum non plures habuerit, quam lege permisum fuerit Regi ? (t.)

*Crito.*

Quot uxores lex Regi permisit ?

*Eusebius.*

Octodecem ex Hebræorum Sententia. (u.)

*Crito.*

David vero quot habuit ?

*Eusebius.*

Illi quidem dicunt totidem atque lex permiserit. (x.)

*Crito.*

Fabulæ ! neque enim demonstrarunt Hebræi, neque

Qq 3

(s.) Confer. Dict. Hist. Crit. p. 910. 911.

(t.) On ne sauroit bien excuser sa Polygamie ; car encore que Dieu la tolerat en ce tems-la, il ne faut pas croire, qu'on put l'étendre bien loin, sans lacher un peu trop la bride à la sensualité. Bayle Dict. T. II. p. 910.

(u.) Misna Tit. Sanhed. c. 2. Talm. Babyl. fol. 21. a. apud Seldenum de Uxore Ebraica. l. I. c. VIII.

(x.) Confer. Seldenum ibid.

que demonstrabunt unquam, legem aut Regi aut alii viro certum numerum uxorum præscripsisse.

*Eusebius.*

Quomodo igitur Davidem hac calumnia liberabis?

*Crito.*

Hoc tantum dicamus: Illum ex consuetudine omnium Regum, & quod eum maxime excusat, lege patria egisse, neque voluptatem tantopere curæ habuisse, ut fines honestatis transgressus fuerit. Nul-  
lus enim Prophetarum eum ob hanc culpam reprehendit, nec oraculis sacris quidquam proditum est, quod nobis hanc suspicionem moveat.

*Eusebius.*

Recte CRITO! David enim paucas habuit uxores, præquam filius ejus Salomon, qui sibi septingentas uxores & trecentas concubinas connubio alligavit. (y.)

*Crito.*

Immo vero hic genio nimium indulgisse censendus est, non David, qui & religionem castissime servavit & ad eam omnia composuit.

*Eusebius.*

Sed quid de Paltæo & Micale? anne hæc rapina dicenda, quod David ad regiam potestatem elatus eam reduxerit?

*Crito.*

Non. Hoc enim jure facere potuit & debuit, nam illa prior ejus uxor fuit. Saulus ira incensus, quod Deus Davidem prudentem & manu fortem virum sibi præponeret, illique viam ad regnum pararet, eum finibus Hebræorum eiecit, & Micalem uxorem ejus Paltæo nuptum dedit. (z.)

(y.) I. Reg. c. XI. (z.) 2. Sam. c. III.

*Euse-*

*Eusebius.*

Hac quidem in re Saulus injuste egit ; de hoc non est quæstio , sed de illo : quo jure David eam reducere potuerit , postquam Paltæo nupserit ?

*Crito.*

Summo jure potuit , namque Hebræorum moribus mulier , quæ viro connubio juncta fuit , non potuit cum alio conjugium contrahere , nisi maritus diem supremum obiisset , vel illam collectis sarcinulis domo sua exire jussisset. Ex hoc apparet , Micalem ingratis coactam Davidem deserere , non desisse esse ejus uxorem , quamvis alii nupserat , vixit enim in matrimonio illegitimo priori viro superstite.

*Eusebius.*

Quum vero non licet permutare uxores , quemadmodum baculos , quibus pueri inequant , humane actum fuisset , si David jure suo cessisset.

*Crito.*

Lepidum caput ! Ludum jocumque facis , quæ antea nimis graviter & superciliose tractasti. Hoc si fecisset

*Heu ubi pacta fides & connubialia jura ? (a.)*

Tibi si ancilla vi ablata esset , illam summa ope velles restitutam. Quid Davidi faciendum fuisse putas , cum carissima conjux , Sauli filia , cujus conjugio sanguine regio miscebatur , quid ? quod spe Throni adipiscendi confirmatus fuit , maxima injuria ab illo fuisset divulsa ?

*Eusebius.*

Ne me iniquo animo feras contradicentem ! Sententiam tuam ita optime elici posse ratus sum. De

Q 94

Mica-

(a.) Ovid. Heroid. VI. 41.

Micale quidem satisfecisti mihi ; quid autem de hoc dicendum, quod sibi David uxorem peregrinam contra patrias leges vinculo jugali sociaverit.

*Crito.*

Illa fuit, ni me animi fallit, Maacha Philistæa, Filia Tolmæi, Regis in Geschuræa. (b.)

*Eusebius.*

Hæc ipsa.

*Crito.*

Insolenter sane Baylius Davidem re inexplorata condemnavit, ac si omnia divina humanaque jura posthabuisset : quid ? si ex lege seu potius non contra legem illam sibi associavisset ?

*Eusebius.*

Quomodo hoc fieri potuisset, cum Deus Israelitas matrimoniis peregrinarum prohibuerit ?

*Crito.*

Cedo. Ast anne lex hæc nunquam dissolvi potuit ?

*Eusebius.*

Potuit ; sed tum demum, quando quis bello captam tuendo ardescebat. (c.)

*Crito.*

Quid ? si Philistæa illa bello capta Davidi adducta atque ab illo adamnata fuisset ?

*Eusebius.*

Non repugno. Fieri potuisset. Sed habesne rationes, quæ rem ita transactam esse suadeant ?

*Crito.*

Habeo. Primo enim Davidem gravia bella cum Philistæis gessisse, inque iis semper superiorem fuisse con-

(b.) 2. Sam. c. III. (c.) Deut. c. XXI.

constat, ut non possit dubitari, quin multas captivas fecerit. Deinde illum à nullo Prophetarum, qui ipsi à concionibus aulicis fuerant, ob hanc rem increpatum esse scio, cum tamen hos magna confidentia cum illo locutos esse appareat. Tandem mecum faciunt Doctores Hebræorum, quibus aliquando non nihil tribuo. (4.)

*Eusebius.*

Quæ dixisti, sum opere probo, teque rogo, ut reliquam vitam Davidis mecum recognoscere velis.

*Crito.*

Hæc remittamus post prandium, jam enim sol medio decurrit cœlo, nosque expectabimur domi.

*Eusebius.*

Consentio, teque valere jubeo.

*Crito.*

Vale tu quoque.

(d.) Maimonides Halach Melakim c. 8. & Gem. Babyl. c. 2.

\*\*\*\*\*

## CAPUT QUARTUM.

De eodem Argumento.

CRITO. EUSEBIUS.

Salve EUSEBI!

*Eusebius.*

O saluum te cupio, mi CRITO! Tu enim Præceptor meus; Tu mihi recte sentiendi autor; Tu salus mea.

*Crito.*

Si vis, reliqua examinemus Baylii, quibus Davidem castitatis laude defraudare voluit.

Qq 5

*Eusebius.*

*Eusebius.*

Quam maxime volo. Ante omnia à Te mihi explicari cupio, quid sentias de saltatione illa ante arcam. (e.)

*Crito.*

Meministine, quæ Baylii de hac re sit opinio?

*Eusebius.*

Memini. Tam impudicum, tamque insanum Davidem fuisse autumat, ut adstantibus & inspicientibus mulierculis Hierosolymitanis saltando seque incurvando eas corporis partes denudaverit, quas natura vult esse absconditas. (f.)

*Crito.*

Quomodo igitur hanc contumeliâ deterendam putas EUSEBI?

*Eusebius.*

Hoc ego certe nescio. Mihi enim præagit animus, Davidem aliquid commisisse ad honestatem minus compositum, quia Mical cum vehementissimis verbis objurgavit. Ast illud non ex levi & impudico animo fecisse credo.

*Crito.*

(e.) 2. Sam. c. VI.

(f.) Baylius citat Ferrandum, *Reponse à l'Apologie pour la Réformation*, cujus verba sunt : Ces Paroles du Texte sacré semblent faire voir, que David se de pouilla tout nud : néanmoins comme le meme texte parlant de la danse de David devant l'Arche, dit qu'il étoit vetu d'un Ephod de lin, je ne pense pas, qu'il se depouillat tout nud. Mais il se depouilla assez pour qu'il parut comme nud & que cela fut jugé indigne de la gravité & de la Majesté d'un Roy, d'autant plus que la chose se faisoit publiquement & devant un grand monde, T. II. p. 911.

*Crito.*

Si Baylii errorem radicitus evertere velimus, tria observanda atque amovenda veniunt, quæ in Davide culpavit. Primo quod saltaverit; dein quod molli & impudica veste indutus fuerit; Tandem quod obscœna visuque prohibita corporis revelaverit.

*Eusebius.*

Vereor, uti dixeram, ne sanctissimus vir errore quodam eo deductus fuerit, ut inhonestamenti aliquid in se admiserit. Nihil vero minus quam malo ex animo id illum peregrisse suspicor, in tantum enim Deoque tam carum virum nulla malitia incidere potuit.

*Crito.*

Noli vereri! nihil hac in parte commisit, quod culpandum fiet. Quod si enim contextum sacrum rite examinaverimus, Davidem omni culpa carere intelligemus. Saltavit; sed non uti

*Saltantes Satyros imitatus Alphesibæus. (g.)*

Seu ut pedes brachiave posito sono moverit, quam *saltationem* Cicero (b.) omnium deliciarum extremam comitem esse dixit, sed consentientibus etiam LXX. exultavit gaudio, hoc est, vultu gestuque magnam lætitiæ præ se ferens, quod Arca Dei in Regiam suam perduceretur.

*Eusebius.*

Applaudo tibi. Hoc unicum me male habet, quod nesciam, quid respondendum sit, si quis diceret: in die tam sacra, tamque solenni, qua publica vota peragenda fuerant, non commodam lætandi atque exultandi occasionem fuisse.

*Crito.*

Ex præconcepta atque perversa opinione judicant,

(g.) Virg. Ecl. V. 73. (b.) Pro Mar. c. VI.

cant, qui religionem nulla ferre gaudia, sed subtristes & tetricos vultus requirere sentiunt. Etenim Deum non solum ut severum judicem contemplari debemus, de quo si cogitemus

*Gelidus per ima currat ossa tremor, (i.)*

Sed potius, si festè quidem fecerimus, ut benignum Patrem, qui ipse lætatur, si gaudeamus, exque benevolentia atque amore ejus lætitiā capiamus. Quo factum est, ut ipse Israelitis gaudia, convivia & omnia læta diebus festis peragenda indixerit, nosque, qui sub suavissimo regno Christi vivimus, per vatem commonuerit: (k.) *Personate Jovam totus orbis; servite Jovæ libenter: venite in ejus conspectum cum modulis.* Cur igitur David non debuisset gaudio perfundi, cum Arca, quæ aliquandiu in hostium potestate fuit, Hierosolymam duceretur? quod Hebræi hanc Arcam valde suspexerint, ex eo apparet, quod eam tanquam signum præsentissimi Numinis secum in bellum tulerint. Cur igitur David non exultare debuisset, cum illam veluti triumphans reportaret, inque posterum in Metropoli sua conspecturus esset? uti sapiens ait: (l.) *Est tempus, quo hilares risus sectari liceat; succedit enim aliud tempus, quo animum ad dolorem atque tristitiā componere fas est.* Si quā verum assequi valeo, David non risisse videtur, cum Psalmum sextum condidit.

*Eusebius.*

O perge quæso, mi CRITO! explicare reliqua, te enim summa cum voluptatē audio.

*Crito.*

Secundo Baylius in Davide culpat, quod solemnī hac occasione molli & ad impudicitiam composita veste indutus fuerit. *Nonne*, inquit, *attoniti adstaremus, aliquem Regem intuentes, qui solennem supplicationem*

(i.) Virg. *Æn.* II. 121. (k.) Ps. C. (l.) Eccl. c. III.



*nem concomitans in plateis saltaret parvo tantum cingulo indutus ? (m.)* Qua autem verisimilitudine affirmat, Davidem tali cingulo amictum fuisse ? Scriptor sacer ait : (n.) *Linteo indutus Ephodo saltavit.* An Ephodum linteum fuit parvum cingulum, quod, uti nobis persuadere velle videtur, obscœnas partes tam leviter operiebat, ut saltando facile detegi potuerint. Mirifice falleris Bayli ! Samuel legitur, (o.) *Cultum divinum obiisse ephodo linteo amictus.* Hoccene de parvo cingulo intelligendum esse credis ? Vide ! ne te error tuus in multo deteriorem detrudat. Quis enim sanæ mentis homo, qui in sacra Hebræorum historia non plane hospes est, sibi in animum inducere posset, ut credat, Samuelem religiosissimum juvenem vestimentis detractis nudum sacra fecisse, cum Deus in Sacerdotibus castitatem maxime desideraverit, legeque posita caverit, (p.) ne pararetur altare, ad quod per gradus ascenderetur, ne quando Sacerdotes sacra operantes gradu delapsi obscœna ostenderent ; prætereaque hanc expressam legem Sacerdotibus dederit : (q.) *Ut ipsi facerent lintea femoralia, quæ corporis verenda tegerent & ab ilibus ad femora pertinerent, quibus uterentur, quoties vel in tabernaculum oraculi ingrederentur, vel ad aram procurandorum sacrarum gratia accederent ?* Tandem Moses Hebræorum Legislator de vestitu Sacerdotum agens (r.) nos docet, Ephodum fuisse stolam ab humeris ad pedes usque promissam, quam reliquis vestimentis superimposuerint sacra facientes ; ex quo simul intelligi potest, qua mente David hanc pompam du-cens Ephodo se amictire voluerit, nempe modestiæ & reverentiæ causa erga Deum ornamenta regia deposuit,

(m.) *On trouveroit fort étrange par tout l'Europe, si un jour de procession du saint Sacrement les Rois dansoient dans les rues n'ayant qu'une petite ceinture sur le corps.* Ibid.

(n.) 2. Sam. c. VI. (o.) 1. Sam. c. II. (p.) Exod. c. XX.

(q.) ibid. c. XXVIII. (r.) ibid. ab initio cap.

fuit, sacerdotalemque vestem, non solam, sed super reliqua amicula induit, ut ostenderet, sibi unicum esse studium Deo placendi, illique serviendi: O rarum exemplum humilitatis in Principe!

*Eusebius.*

Cur igitur Mical Davidi exprobravit, quod se denudaverit: *Quam gloriosus, inquit, (s.) fuit hodie Rex Israelis, qui denudavit se hodie ante oculos ancillarum servorum suorum, prorsus ut denudat se unusquisque e vanissimis hominibus?*

*Crito.*

Hoc nobis tandem examinandum venit. Est ambiguitas quædam in voce *denudavit se*, quam interpretes non intellexerunt; Baylius vero pro malitia sua illa abusus est. Equidem non nego, verbum, quo Scriptor sacer usus est, significare: *Corpus suum nudare*. Sed docent Grammatici, eam vocis significationem investigandam esse, quam quovis loco habeat. Hanc regulam nisi in legendis & sacris & profanis scriptoribus observaverimus, in magna incommoda incidemus, & quandoque sensum eliciemus, qui auctoris menti non solum sit contrarius, sed etiam absurdissimus. Pone hoc loco, namque id exemplum mentem meam clare patefaciet, *Davidem se denudasse*, nonne hæc significatio incommoda & tanti viri persona indigna esset?

*Eusebius.*

Sine, ut pauca interloquar!

*Crito.*

Loquitor!

*Eusebius.*

Non nostri est arbitrii, quam significationem voci dare velimus, sed hanc illi dare debemus, quam autor cum illa conjunxit.

*Crito.*

(s.) 2. Sam. c. VI.

*Crito.*

Recte ! plane & aperte tecum facio. Sed quando non constat , quam significationem autor cum voce conjunxerit , nonne id investigari oportet ?

*Eusebius.*

Immo vero id sedulo investigari oportet.

*Crito.*

Nonne id investigaturus ad omnes circumstantias animum advertere debet ?

*Eusebius.*

Debet.

*Crito.*

Interpretare igitur hoc loco vocem illam , quæ in contextu *denudavit* significat , hac primaria significatione & postea judica , an illa circumstantiis sit congrua. David erat vir probus & æqui servantissimus ; præterea hoc tempore cultu divino occupatus ; Arca , quæ fuit Deo sacrata , à que Hebræis summa cærimonia culta , cum sacerdotibus atque universis urbis Hierosolymitanæ civibus obviam ibat : Ipse sanctum gregem ducebat , Dei nomine populum Israeliticum regens ; summa lætitia adficiebatur , quod Arca illa , quæ quondam præda hostium fuisset , in ipsam , qua habitabat , urbem veniret : nunc judica quæso , an veri sit simile : Davidem hac occasione se studio denudasse pudendaque puellarum oculis conspicienda revelasse ? omnibus hominibus pudor est congenitus , ut vel nequissimi eorum & qui maxime impuritati sunt dediti , obscœna corporis detegi summo studio effugiant. Qua ratione igitur credi posset Davidem , quem virum Deus Hominesque magni habuerunt , quique vita sua tot eximia pietatis specimina edidit , eo impudentiæ prolapsus esse , ut ex composito id fecerit ? cur Deus hoc flagitium non reprehend-

hendisset? quid? quod severissime punivisset? cur hoc illum Subditis, Civibus, religionisque Antistitibus non exosum fecisset? Priscorum temporum annales si evolvimus, facile discimus, quæ incommoda voluptatis studium Principibus conciliaverit, quamquam plurimos Historicorum oscitantia non consignatos crediderim,

*nam fuit ante Helenam cunnus teterrima belli  
causa: sed ignotis perierunt mortibus illi,  
quos Venerem incertam rapienteis more ferarum  
viribus editior cadebat, ut in grege taurus. (t.)*

Cur autem Israelitæ divina oracula edocti id in Davide inultum passi essent? Hoc ut mihi persuadeam a me impetrare non possum. Si David ingenio minus valuisset, atque valuit, non tamen ad id credendum inducerer. Nonne igitur aliam vocis hujus significationem perquirere oportet, præsertim cum ipsi sacri Scriptores commodissimam offerant? Salomo Rex & Poeta eloquentissimus hanc vocem sensu adhibet, qui nostro textui est accomodatissimus, *stultus*, inquit in Proverbiis, (u.) *amat denudare cor suum*. Quid hoc est, *denudare cor suum*? nonne hoc studia & animi sui cogitata in aprium proferre significat? *stultus* enim *denudat cor* inepta & amentia sua molimina dictis & factis aperiens. Hæc sane significatio menti Micalis, quæ hoc loco loquens inducitur, est convenientissima. Illa foemina tumens superbia iniquo ferebat animo, Davidem maritum suum se tantopere humiliasse; ut corona, sceptro, totaque regia dignitate posthabita vestem sacerdotis induerit, cumque civibus suis urbe exierit, tantam lætitiā in recipienda Arca ostendens ac si clarissimum triumphum de hostibus duxisset. *Hoc modo, inquit, te humilians & omnium in conspectu exultans animi imbecillitatem æque ac*  
*infa-*

(t.) Horat. L. I. Sat. 3. (u.) C. XVII.

*insaniens quique manifestavit.* Doctissimus Vir Sebastianus Castalio de hac interpretatione aliquid præsensisse videtur. Is enim hunc versum ita exposuit. *O quanta fuit hodie Regis Israelitarum gravitas ? qui se hodie, spectantibus suorum servorum ancillis, non aliter vulgaverit, quam se solent vulgare nebulones.* Verbo vulgare sine dubio hoc sensu usus est, quo & Livius, (x.) dicens: *Summum imperium cum infimis vulgatum est.* Præterea in hac me sententia confirmant LXX. interpretes verba illa reddentes: *ὅς ἀπεκαλύφθη σήμερον ἐν ὀφθαλμοῖς παιδίσκων τῶν δούλων αὐτοῦ, καθὼς ἀποκαλύπτεται ἀποκαλυφθεὶς εἰς τῶν ὀρχυμένων.* Hæc enim vox ἀποκαλύπτομαι & apud profanos & sacros Scriptores eam significationem obtinet, quam nos huic loco conciliavimus. Sic Plutarchus de Alexandro ait: *ἀποκαλυπόμενος πρὸς Ἀριστοτέλην, mentem suam Aristoteli aperiebat.* Lucas vero de beatissimo Sotere nostro loquens, illum signo datum esse inquit, (y.) *ὅπως αὖν ἀποκαλυφθῶσιν ἐκ ποθῶν καρδιῶν διαλογισμοί, ἵνα multi consilia sua luci redderent.*

### Eusebius.

Hunc locum ita explanasti, ut ipse Baylius, credo, nihil haberet, quod tibi objiceret. Veniamus, si vis, ad ultimum exemplum, a sceleratissimo sycophanta prolatum, ut impuritatis suspicionem in Davidem transferret, nempe quod ætate jam profecta cum tenera puella connubium fecerit. (z.)

### Crito.

Ex hoc quoque exemplo discimus, quanta invidiæ vis sit, & quod ea etiam, quæ à crimine longissime absunt, sugillari possint, si accedat malus animus, qui eloquentia valeat ad orationem suam colorandam.

Tom. IV.

R r

Eusebius.

(x.) IV. 1. (y.) Luc. II. 35. (z.) 1. Reg. c. I.

*Eusebius.*

Recte hoc inter ea Davidis facta refers, quæ à crimine absunt, namque docti viri Hebræorum satis cum verisimilitudine ostendunt, cum una ex concubinis repudiata Abisagam ( hoc enim mulieris nomen est ) illarum numero adscripsisse, ne numerum octodenarium uxorum, quem Regi præscriptum fuisse credunt, excederet.

*Crito.*

Non dubito, quin doctissimis illis viris hac in re nugari collibuerit. Nam uti supra monstravimus, de numero uxorum Hebræis præscripto nihil certi habemus. Huic igitur non inhærebimus. Abisagam à Davide inter concubinas fuisse habitam, res est ex Historia sacra manifestissima.

*Eusebius.*

Res non ita manifesta videtur, si Hebræis nihil autoritatis tribuere vis, etenim Scriptor sacer aperte dicit : *Davidem illam non cognovisse*, nosti autem, quæ hujus vocis vis sit.

*Crito.*

Probe movi, nempe significat, cum cum illa non voluptatem cepisse, namque ætate confectus huic muneri impar fuisse videtur. Quod autem cum Abisaga matrimonium contraxerit, eamque inter legitimas concubinas habuerit, ex eo apparet, quod, quum ille ruptis hisce corporeis vinculis vita excessisset, Adonia filius in capitis periculum venit, inque eo interit, ( a. ) hanc mulierem sibi uxorem postulans, quia soli Regi in Antecessoris uxores potestas servabatur.

*Eusebius.*

Id quorsum pertineat, expecto.

*Crito.*

( a. ) I. Reg. c. III.

Crito.

Mox intelliges, si modo patienter me audiveris. Cum enim examinare volumus, an David crimen fecerit, quod Abisagam sibi conjunxerit jam declivis ætate, ante omnia observatu necessarium est, illum nihil adversus legem fecisse. (b.) *Non enim eadem omnibus sunt honesta atque turpia.* Si hic gentium vir artis gravis præter uxorem suam cum puella pactum sociale faceret voluptatis causa, quemadmodum Spartanus (c.) aliquem refert ad uxorem dixisse: *Patere, me per aliam exercere voluptates meas, nam uxor nomen dignitatis est, non voluptatis,* non solum male audiret, sed iudex matrimonialis ardorem ejus temperaret. Cum Davide autem alia res fuit. Is ex lege Abisagam ducere potuit, ut supra ostensum est. Illum igitur hoc æquo ac pari jure fecisse arbitror, ac si quis grandævus jugali vinculo solutus puellam aliquam thori sociam faceret.

Eusebius.

Cedo. Pari jure id facere potuit. At non sufficit, ut jure seu lege aliquid facias, sed requiritur etiam, ut sit honestum atque utile. Si enim decrepitis senex adolescentulam ducit, ipsi ignominia est, quia voluptatibus inhjare videtur, quæ senectam dedecent.

Crito.

Ostendi, quod David jure fecerit, quidquid hæc in te egerit; nunc quoque ostendam, quod nihil contra honestatem fecerit, quia credere videris, non semper honestum esse, quod jure fiat, uti in proverbio est: *Summum jus, summa quandoque injuria.* Hoc ut rite præstare possim, sacri Historici ope mihi est opus. Is ita de Davide memoria prædixit: (d.) *Cum autem*

R 1 2

co

(b.) Nepos in Præfat. (c.) In Ælio Vero C. V.

(d.) I. Lib. Reg. c. I.

eo senectutis venisset Rex David, ut injectu vestium non calefieret, suaserunt ejus Affectatores, ut ei puella virgo quaereretur, quæ eum suo ministerio foveret, in ejusque complexu cubans, eum calefaceret. Ex eo apparet, si quid in hoc facto criminis fuisset, illud magis Affectatoribus, quos versio Tigurina servos vocat, ego vero Medicos fuisse non sine ratione credo, attribuendum esse, quam ipsi Davidi. Is lecto detinebatur calore destitutus. Medici consultabant, quid opis ferendum esset. Primo tegumenta apportabant, cumque illa juvare non poterant, necessarium esse rati sunt, ut perquireretur puella, quæ illum ministerio suo foveret, & in complexu ejus cubans eum calefaceret. Vides igitur non ad voluptates capiendas Abisagam fuisse perquisitam & Regi oblatam, sed potius, ut ei præsto esset & uti Scriptor facer ait, eum ministerio suo foveret. Hoc enim primum est officium conjugis, maritum auxilio juvare, uti Deus ipse ait: (e.) *Non convenit hominem esse solum, faciam ei adjumentum accommodatum.* Viro variis occasionibus nemo melius succurrere potest, quam uxor. Quodnam igitur honestius fuit, Abisagam Davidi auxilium præstitisse uti ancillam, vel uti uxorem?

*Eusebius.*

Hæc tua ratio parum valet. Cum enim plures habuerit uxores concubinasque, quæ illum juvare, & si vis, fovere potuissent, cur novam & quidem admodum juvenem, ætate & forma florentissimam ei adduci consultum fuit?

*Crito.*

Tantum abest, ut objectio tua mihi scrupulum faciat, ut potius meam rationem confirmet. David amisso calore fovendus atque calefaciendus fuit. Hoc senex & decrepita anicula, quæ non minus frigore contremiscebat, præstare non potuit.

*Eusebius.*

(e.) Genes. c. II.



*Eusebius.*

Heu! quid frigidus senex adjumenti ex amplexibus mulieris capiet?

*Crito.*

Hoc medicis dijudicandum relinquo. David ope indigebat. Medici amplexibus puellæ opus esse decreverunt. (f.) Si illorum repugnasset consiliis, forte ultro mortem quævisse habitus esset. Medicos, eos maxime, quos empyricos vocamus, multa anilia, superstitiosa, immo vero quandoque impia atque à natura abhorrentia observare non ignoras. Ægroto autem non est vitio vertendum, si illorum consilia sequitur. Ille enim natura duce & auspice exoptat dolorem minui & sanitatem restitui.

*Eusebius.*

Cur autem tanto studio formosissima totius regionis perquirebatur, cum alia quævis præsidio venire potuisset?

*Crito.*

An nescis ingenium Aulicorum, quod omnia

R r 3

ad

(f.) Medendo frigori senum nihil est præstantius (ut in textu quoque manifestum) quam amplexus \* \* \* \* \* Juvenum quippe calor, edax non est, sed blandus; non valde consumens, sed naturæ accomodatus. Non conducit exiguo senum calori vinum generosum, eo enim calor innatus consumitur & exhalat. Sed observamus, senes, qui juvenum congressui frequenter se miscuerunt, conversatione interrupta, longævos evasisse, cum spiritus eorum ex tali consortio fuerint recreati. Tales antiqui Rhetores & Sophistæ fuerunt, semper inter auditores & discipulos juvenculos versati, ut Gorgias, Pythagoras, Isocrates &c. qui ad centesimum annum vixerunt, Grammaticorum quoque plurimi, ut Orbilius. Johannes de Mey Ecclesiastes Medioburgensis in Commentariis physicis Part. 2. p. 32.

ad adulationem componant , plurimisque in factis non quæsi tam diligentiam præstent , Principi ut placeant.

*Eusebius.*

Priora omnia , quæ ad Davidem disculpandum protulisti , mihi magis placuerunt , quam hæc ultima ,

*Crito.*

*Si quid novisti rectius istis ,*

*Candidus imperti : Si non , his utere mecum.*

*Eusebius.*

Meam ignorantiam confiteri malo , quam aliquid inconcinnum dicere.

*Crito.*

Non mihi id consilii est , ut te in meam sententiam perducam. Attamen si dicta hæc probe consideraveris , ea magnam speciem veritatis habere reperies. Tibi ad examen hoc aliquantulum temporis dabo. Nam præter opinionem mihi novi labores oblati sunt , ad quos omnem curam , diligentiam , cogitationem denique transferre oporet. Vale.

*Eusebius.*

Multa nobis pervestiganda sunt reliqua in vita Davidis.

*Crito.*

Hæc omnia commoda data occasione pari studio & diligentia nostra examinabimus trutinâ.

*Eusebius.*

Junge dextram & Vale.

GEOR-

II.

GEORGII HENRICI  
WERNDLY\*

ORATIO  
INAUGURALIS,

DE

LINGUARUM ORIENTALIUM ET  
INDICARUM COGNITIONE NE-  
CESSARIA THEOLOGO AD  
INDOS PROPECTURO.

**A**Nnus agitur quadragesimus quintus, quo, sub  
auspiciis augustissimi Magnæ Britanniae Regis  
GULIELMI tertii, gloriosæ memoriæ, ad-  
modum Venerandus & nunquam sine honore mihi  
R r 4 nomi-

\* Habita est hæc oratio inauguralis Lingæ ad diem XVII.  
Decembris anni MDCCXXVII. quum extraordina-  
riam Philologiæ Professionem in Illustri Gymnasio Lin-  
genfi solenni ritu auspicaretur. Amstelodami typis Wet-  
stenianis exscripta prodiit: Sed cum rarius in his oris no-  
stris conspiciatur, eam ob argumenti & novitatem & di-  
gnitatem Fasciculo huic insertam exhibere volumus, ut  
ita multorum curiositati satisfaceret, & ea ab interitu asse-  
reretur. Autor illius est G. H. WERNDLY, Helve-  
tio-Tigurinus, qui An. MDCCXXVII. Majo mense  
ætatis XXIII. ad Ecclesiarum Indicarum Ἐπισκοπίαν pro-  
fectus

nominandus *Henricus Pontanus*, edito programme Athenæum hoc constituit, dixit, & indixit hic in publica adfore, qui linguam Hebraicam, aliasque Orientis, qui Græcam, qui Latinam, qui Eloquentiam & Historias, qui Theologiam doceant. Et, si votis Regis respondeat eventus, brevi neque studiosos Juris

fectus mense Januario anni sequentis in illis oris feliciter appulit. Non ingratum erit Lectoribus nonnulla de Ministerii ejus successu & fatis ex ipsis ejus Literis ad diversos cognoscere: Literæ ejus ad Patrum V. D. M. Senem optimum Kal. Decembris An. MDCCXXIV. Bataviæ in Insula Java majori datæ hæc habent: (*Ego quàm longissime, Patruæ unice, a Te remotus, in dissitis terrarum locis degens, huc illuc agitatus, nunc autem aliquo modo sede fixa, jam dudum Literas ad Te dare debuissim; at continua sedis variatio & alia me abstraxerunt, immo & nunc a dandis Literis operis moles me abstraheret, nisi consanguinitas me ad hoc officium impelleret. Septimus jam labitur annus, quo incolumis ad has oras appuli. Semestrium BATAVIÆ mansi, & alterum Semestrium visitavi Ecclesiam, quæ colligitur in occidentali SUMATRÆ littore; post hæc per integrum annum Bataviæ sedes habui, & connubio mihi junxi Virginem honestam, nomine JACOMINAM COLYNS: Abhinc per tres annos fui præpositus Ecclesiæ Christi, quæ colligitur in regione MACCASSAR, in Insula Celebes, ubi Deus T. O. M. nos IX. Kal. Octob. anni a Salute recuperata MDCCXXII. filiola dilectissima beare voluit, nata Rotterodami Macassarensium. Præterito anno a Nobilissimis rerum Indicarum Moderatoribus vocatus sum ad vertenda, revidenda & corrigenda BIBLIA MALAICA, cui operi omnibus viribus incumbo per totos dies, & favente divina gratia perveni ad posteriorem Librum Regum. Plurima de hisce Indiis scribere possem, quæ non ingrata forent, sed curæ cottidianæ id non sinunt. Ego cum uxore mea & filio-*

la

ris, neque Medicinæ habituros quod in illa desiderent. Annus idem & mihi natalis fuit, ac ille, qui scholam hanc publicam constituit & fovit, me sacro de fonte suscepit, & baptismatis unda tinxit, nomenque suum una cum gravissimi parentis nomine

R r s

mihi

*la vivimus & prospera valetudine utimur, teque tuosque omnimoda salute impertimus, & omnia fausta a Salutis Fonte vobis precamur. Vale Patruæ optime, nunquam non colende, iterumque Vale.)* De opere Bibliorum in Linguam Malaicam transferendo, ac laboris sociis plura exhibent Literæ Bataviæ X. Kal. Decembr. A. MDCCXXIII. ad Celeberrimum quondam Virum J. J. HULDRI-  
CUM, Eccles. Tigur. ministrum ac Ethices & J. N. Prof. P. datæ: *A nobilissimis, inquit, amplissimisque Dominis Henrico Zuyvaardecroon Gubernatore generali, ejusque Senatoribus, harum Indiarum Supremis Moderatoribus ex Ecclesia Maccaffariensi vocatus sum ad revidenda & corrigenda Biblia Malaica, ut tandem aliquando gratia & sumtibus Nobiliss. Societatis Indicæ typis exprimentur, & Ecclesia iis frui possit. Huic operi quotidie incumbō cum plurimum Reverendis Viris PETRO van der VOORM, Φιλολόγῳ summo, ARNOLDO BRANDTS, Malaorum in Ecclesia Bataviensi Antistitibus, & ENGELBERTO CORNELIO NINABER, ex Ecclesia Amboinensi ad hoc vocato, & sic Bataviæ dego-  
etatem, ut urbe totius Indiæ orientalis celeberrima & primaria. Denique Literæ nonis Decembr. A. MDCCXXXII, ad agnatum suum, S. M. Cand. datæ hæc addunt: Præ-  
ter imprimenda & corrigenda Biblia Malaica, in quibus N. T. ante annum absolvimus, & in V. T. ad librum Nehemia pervenimus; nunc rhythmus Psalmorum Malaicis nostris notis in Ecclesia cantandus mihi revidendus, corrigendus, renovandus & elaborandus est. Et loco majoris Epistolii Catechismum hunc didactico-practicum a me Lin-  
gua Malaica editum cum præfatione Belgica hac occasione tibi mitto,*

mibi imposuit. Ille primus hanc cathedram conscendit atque Gymnasium hoc publicum dedicavit. Hancce ego CLEMENTISSIMI REGIS nostri jussu, quamvis trepidante gressu, nunc conscendi cathedram.

Fateor, per quatuor lustra & quod excurrit pro concione verba facere assuetus sum, nunquam autem, nisi studiorum gratia opponendo, publice Latio sermone sum locutus. Per illud quoque tempus, propter alia Ecclesiastici muneris onera, & quæ ad linguam pertinent Malaicam, fere nunquam Latine verba feci, aut scripta exaravi, nisi in minimo epistolarum commercio cum doctissimis quibusdam in Helvetia, Germania, & India orientali viris, quibus lingua Belgica non satis percognita aut pervulgata. Præterea ex hac cathedra docentes audiavi viros clarissimos, Theologos magnos, Philosophos acutos, Oratores summos, ad quorum pedes quondam sedisse nulli mihi dedecori unquam putavi. Verum magna illa lumina, quorum quædam inexorabili morte extincta, quædam autem adhuc in Academia, Ecclesia, & Republica fulgent, maximum mihi nunc incutiunt tremorem. Nec non ipsa hujus loci facies, illustris hujus auditorii splendor, stipata auditorum corona, meaue imbecillitas me metu plenum reddunt; cor meum pavet, tremor occupat artus, ac pene vox faucibus hæret. Nihilominus tamen Divina favente gratia, quam totiens expertus sum, dicendi periculum faciam: nec diu multumque animo deliberandum fuit meo, qua in re, quo in scopis, quave in materia mea versaretur oratio. Ecce enim ab Ecclesiarum Indicarum ἐπισκοπία avellor, atque linguarum Orientalium nec non Indicarum inculcandarum, enucleandarumque Sparta mihi injungitur, adeoque extra oleas me vagaturum non æstimo, si planum faciam Theologo, qui Indorum conversionem

nem est promoturus, eique suam navabit operam, necessariam esse Orientalium nec non Indicarum linguarum cognitionem atque peritiam.

Argumentum dicendi A. H. rei præstantia grave satis & nobile, cujus unicus hic est scopus, ut Gentilibus, Muhammedanis, nec non illis, qui Christum ore sunt professi, præbeatur lac illud rationale, quo nutriantur ad vitam æternam comparandam, ideoque splendidissimo hoc auditorio non indignum, atque vestris auribus non injucundum suscipio; quo tanta quanta potest fieri brevitate perfungar, atque maxima ejus diversitate vos delectare conabor.

Quod ut fiat, te Deum ter optimum maximum supplex rogo, ut mihi, de variis quibus divinum tuum nomen celebrandum est linguis dicenti propitius sis, & vos A. H. ut mihi faveatis, ac benignas aures & attentos animos præbeatis.

Sermonis copiam, loquendique facultatem, ei, qui docendi partes suscipiat, adesse oportere, nemo cui sanum sinciput unquam dubitavit. Fides enim, sine qua salvus esse nemo potest, ex auditu est, auditus autem per verbum Dei; docente Gentium Apostolo Paulo, Rom. 10: Sita igitur est gentium salus in salutari Dei verbo, quod sane ad homines pervenire non potest, nisi hominum deferatur vocibus, quas qui non percipit, verbi Dei vim sentiet nunquam. Hanc ob causam cunctarum Gentium Dominus, ac omnium Populorum Rex, post exantlatum salutis negotium, & sublatam mortis potestatem, triumphum canens discipulos suos Apostolos quidem constituit, iisque mandavit, ut in mundum proficiscantur universum, ac prædicent Evangelium omni creaturæ, discipulos facientes & docentes omnes gentes, non autem dimisit, antequam in proximo Pentecostis festo Spiritum Sanctum, ac tantam variarum linguarum cognitionem in eos effudisset, ut Ju-  
dei;

dæi, viri religiosi ex omni natione eorum, qui sub cœlo sunt, audiverint unusquisque sua propria lingua ipsos loquentes. Hoc Spiritu repleti, & linguarum dono miraculoso instructi non in arctis Palæstinæ cancellis substituerunt Apostoli, sed Divinum secuti mandatum per totum orbem dispersi Ecclesias condiderunt, Gentesque ad Christum, verbo, scriptis, & miraculis converterunt.

Ast jam dudum miraculosum illud linguarum donum cessavit, nec alia superest via fideli Christi servo, qui gentium amat salutem, calcanda, nisi ut improbo labore atque indefesso studio duram hanc superet molestiam, ac gentium addiscat linguas, quibus divina illis explicanda oracula.

Igitur si quis salutis animarum studio inflammatus est, serio is sibi persuadeat, nihil præclarum aut insigne sperari posse, nisi sermonis primum indefessa sit cura. Si enim is, qui idiotæ supplet locum, ad tuam benedictionem, quam non intelligit, amen dicere nequit; quamvis tu bene gratias agas, ille tamen non ædificatur: Quonam modo concionanti tibi, quamvis mirabiliter, quamvis divine de Christo, ignotæ linguæ populus, & profundi sermonis gens respondebit in corde suo amen, hoc est, animi præbebit assensum? Quo modo, quamvis tu recte imo optime loquaris, ædificabitur ad fidem & charitatem frater, cum voces non intellectæ tantum sparguntur in ventum, ac Babylonicæ confusionis more, qui sermonibus dissident, nequaquam sensu animisque conspirant? Quare nihil commodius aut certius est, quam ut qui Apostolatam inter gentes appetit, sermonis curam suscipiat, familiarissimam consuetudinem habeat, copiamque ad discendum sibi paret, tum arte tum exercitatione diuturna. Neque enim alia via reliquis terrarum orbis ad Christi pervenit gratiam, quam divinorum oraculorum forti instantique præ-



prædicatione ; sicut in Apostolorum actis sæpe legimus, & Ecclesiasticæ omnes historiæ tradunt.

Præter documenta divina plurima, eademque gravissima, attestatur nobis id ipsum copiosissime rei experientia. Si enim quem gentes nactæ fuerint linguæ suæ peritum concionatorem, summo cum honore eum excipiunt, attentissime eum audiunt, magnopere delectantur facundia, ipso dicentis impetu rapiuntur, atque ore hiantes, oculis immotis hærent suspensi, sibi que invicem dicunt ; nunquam se Christi legem talem cogitasse aut audivisse : dum alii concionis vi cor ipsum scindi affirmant. Si qui populi aliquid vel intelligentiæ vel probitatis præ se ferunt, præ cæteris inveniuntur, sine ulla exceptione, ii esse maxime, qui verbi divini Ministros, Ecclesiæ Pastores aut habuerunt aut habent veteranos, sermonis sui peritos. Omnium vero perditissimi, qui novos & imperitos ab Europa recentes sortiti sunt, quorum infantiam egregie rident, elinguesque contemnunt.

Itaque elaborandum est verbi divini Ministris, atque studio & tolerantia sermonis paranda facultas. Quamvis duri ac molesti, difficiles ac negotiosi sint labores, qui dicendæ alienæ impenduntur linguæ, non tamen fieri nequit, ut gloriosam quis reportet victoriam, & inde dulcissimos fluentes fructus, charitatisque divinæ illustre testimonium.

Ne autem vestra A. H. abutar patientia, hisce generalioribus non diutius immorabor, sed ad specialiora transibo, ad ipsas illas linguas, quarum cognitionem Theologo, Indorum conversionem promoturo, necessariam esse duco : eæque sunt linguæ Orientales, quæ plerumque Theologis commendantur, & in Academiis docentur, nec non linguæ Indicæ, populo cum quo conversandum vernaculæ.

Linguæ Orientales, quæ plerumque Theologis  
com-

commendantur, & in scholis docentur, sunt Hebraica, Chaldaica, sub quibus Rabbinicam complector, Syriaca, Samaritana, Arabica, Æthiopica, & Persica, de quibus omnibus & singulis paucissima levi penicillo delineabo: ac initium faciam de Orientis regina, & priscae antiquitatis domina, lingua nimirum Hebraica, qua sacra Veteris Testamenti volumina perferri curavit summum Numen, ejusque notitiam Θεολογούμενων παισι, ac cuivis ἐπιγνώσιν ἀληθείας καὶ εὐσεβείαν accuratius seſtanti, & ardentius desideranti necessariam esse plenis pronuncio faucibus, ac facili labore me evicturum spero.

Episcopi munus & officium consistit partim in docendo, partim in pugnando, præeunte Divo Paulo Tit. 1:9. ut possit & exhortari doctrina sana, & contradicentes convincere.

Qui non intelligit linguam scripturæ sacrae Veteris Testamenti originalem, ille sacram scripturam fundamentaliter intelligere, & alios de ejus sensu certiores reddere nequit. Quicunque enim versionibus tantummodo fidit, ille cogitur admittere interpretes sententiæ alienæ, non propriæ, ac errori obnoxios. Quamvis autem ex versione Spiritus Sancti sensum idiota in locis clarioribus pro se utcunque assequi possit, non tamen ideo Doctor loca obscura, ubi interpretes dissident, intelligere, nedum aliis explicare potest. Præterea nulla Biblicarum versionum, quibus mundus est obrutus, erudito Sacrae Scripturæ lectori unquam sic satisfaciet, quam auctoris primi nativus sermo.

Concludo ergo linguæ Hebrææ imperitum non magis esse idoneum ad explicandam sacram scripturam, quam Arabicæ ignarum ad docendum Coranum.

Quid aget Theologus, si hæretica pravitas est refutanda fallorum quorundam Christianorum, aut infide-

fideliū Judæorum, cum nulla versio sit vel esse possit authentica? nonne fateri cogitur cum eruditis adversariis, non ex versione vernacula, sed ex ipsis fontibus esse disputandum? Quid fiet, si cum Judæo tibi agendum foret? hic nullo modo ex versionibus & interpretationibus convinci potest; ad solum igitur fontem Hebræum est recurrendum.

Ne autem mihi aliquis objiciat, me agere de Theologo, qui convertendis Indis navabit operam, ibique cum rudi & indocta plebe tantum agendum, ubi nulla linguæ Hebrææ notitia, aut adversarii docti, qui eam calleant linguam: audacter ac constanter assero, inter Europæos, qui in Indiam navigant multos linguæ Hebrææ peritos reperiri, nec non in Ora Malabarica ipsissimos Judæos, qui hujus linguæ notitiam quoque conservarunt, quamvis alio sermone utantur vernaculo, qui, quod in transitu noto, ex relatione *Jacobi Canterii Vischeri*, ab Hierosolymæ destructione epocham numerant suam, & biennio ab æra differunt vulgata. Præterea quid ageres, si totus tibi traderetur sacer codex in aliam transferendus linguam, eritne hoc tibi possibile absque Hebrææ linguæ peritia? Ne autem porro quis excipiat, se non fore Bibliorum interpretem, memet ipsum exempli loco sisto: quis mortalium unquam mihi prædixit aut præfagivit, me Bibliorum interpretationi operam navaturum, aut ad Indos profecturum, antequam eo vocatus essem? Et quamvis hoc opus ad umbilicum jam perductum, dantur tamen præter Malaicam adhuc plurimæ in India linguæ, quibus læta Evangelii vox nondum est audita, in quas Dei verbum, antequam plenitudo gentium intrare potest, est transferendum. Præterea ipsissima illa nostra versio, quam cum collegis dilectissimis non sine magno labore perfeci, aliis relinquitur examinanda, cum stylo Hebræo conferenda, ac ubi erraverimus, homines enim sumus,

mus, & nihil humani a nobis alienum putamus, corrigenda, atque emendanda.

Linguae Hebraeae proxima est Chaldaea, quo idiomate etiam quaedam Veteris Testamenti monumenta concepta ac conscripta sunt a viris Θεοφρονομένοις, atque iis intelligendis ea æque necessaria ac Hebraea Hebraeis.

Præterea quam plurimæ in Hebraismo voces ex Chaldaismo illustrari possunt, ac magno & inæstimabili Christianæ Theologiæ bono hodie inserviunt, non tantum Chaldaicæ Paraphrases seu Targumim, sed & ipsum Talmud, tum Hierosolymitanum, tum Babylonicum, nec non commentaria & scripta Rabinorum, tam veterum quam hodiernorum. Ex illis enim indubia Christianæ religionis veritas adversus Judæos aliosque demonstrari, priscae Ecclesiæ Judaicæ cum Christiana consensus ostendi, variæ controversiæ illustrari, plurimaque Veteris & Novi Testamenti loca dubia, voces, phrasæ, ritus, proverbialia, ac historiæ explicari possunt.

Chaldaicam sequitur Syriaca, qua quidem nullus facer exaratus est codex, attamen in Novo Fœdere multæ occurrunt voces phrasæque Syriacæ, quas hujus linguae imperitus inter se distinguere, ac nativum sincerumque ejus sensum assequi nequit. Deinde Syriaca Hebraeae inservit linguae in eruenda desuetarum in Hebraismo radicum significatione, nec non in Syriacarum utriusque Testamenti versionum collatione, quibus feliciter etiam viri docti sunt usi. Ut taceam egregium hujus linguae usum in Historia Ecclesiastica & addiscenda lingua Arabica; nam Hebraea, Chaldaea, Syra, Arabica & Æthiopica linguae tanta invicem convenientia ac similitudine conjunctæ copulatæque sunt, ut qui unam calleat aliam, quoque haud parva ex parte intelligere possit. Sicco tamen

men pede non est transeundum, quod hæc lingua in India Christianis a Divo Thoma dictis (a.) usurpatur in sacris, versioque Novi Testamenti in maximo habeatur honore, cujus exemplar ipse Maha Thomas eleganter descriptum mihi ad *Carolus Schaaß*, omnibus Syriacæ linguæ cultoribus sat notum, quod nunc ab ejus filio *Johanne Henrico Schaaß*, in linguis Orientalibus multo versatissimo, & Medico longe expertissimo possidetur. Hos Maronitas, aliquo modo a veritatis tramite devios factos, & Nestorianorum sectæ addictos, nemo nisi linguæ Syriacæ pergnarus ad veritatem unquam reducere poterit: adeoque Theologo, cum his in aciem processuro, hujus linguæ notitia summopere est necessaria.

De lingua Samaritana non opus est ut multum sim sollicitus, quia parum a Chaldaica differt, excepta orthographia, seu literarum figura: Sed tamen & hujus idiomatis usus aliquis datur in restitutione deperditarum radicum Hebræarum, & collatione versionis Samaritanæ, quæ suis non caret dotibus. Populos autem, qui hac utantur lingua, in India dari mihi inauditum & invisum est.

Ad linguam accedo Arabicam, quæ omnium, quotquot exstant, est longe copiosissima, & immensa verborum abundat copia; hæc illa lætissima Hebrææ matris propago, divinis scripturis perpulchre ancillans. Hæc est linguæ Hebrææ fax, eique plus lucis affert quam omnes linguæ Orientales. Hæc tan-

Tom. IV.

S s

dem

(a.) De Christianis a Divo Thoma dictis vide *Baldæum* in descriptione Malabaricæ & Coromandelicæ p. 131. & seqq. *Franciscum Valentinum* de veteri modernaque India, in descriptione Coromandelicæ p. 112. & seqq. *Fridericum Spanhemium* in Geographia sacra atque Ecclesiastica. p. m. 190. & *Maturinum Veyssiere Lacrosium*, in Historia Christianismi Indici, p. 37. & seqq.

dem est linguæ Hebrææ clavis, qua occlusa hujus aper-  
riuntur, obscura illustrantur, difficiliaque enodantur.  
Exemplorum centuriis hoc probatum darem, nisi ve-  
rerer vestris auribus ingratus esse, ac potius in testi-  
monium adduco Arabizantium principes *Bochartum*,  
*Hottingerum*, *Golium*, *Pocockium*, *Kelandum*, & *Schulten-*  
*sium*, præclarum adhuc in Academia Leideniensi sidus,  
quorum nomina, ast quanta nomina! indicasse sa-  
tis erit. Ne autem nomina tantum citem, unius Po-  
cockii addam verba, in *Notis miscellaneis* p. 11. Me-  
rito interim vobis commendatum reddat linguæ Ara-  
bicæ studium vel unus hic ejus usus, quo Hebraicæ  
tam feliciter ancillatur. Quam late pateat per totam  
humanioris literaturæ *ἐγκυκλοπαιδείαν* ejus usus fa-  
tebuntur multi, qui, quid ulla ex parte Theologiæ  
studio conferat, plane dubitant. Ego vero, si quid  
sentiam, Theologo adeo utilem existimo, ut, si tex-  
tum Hebraicum aliquando penitus excutere necessa-  
rium ducat, ea sine manifesto veritatis præjudicio,  
ne dicam dispendio, carere non possit. Arabicæ huic  
linguæ magnus ille *Schultensius* imaginem adaptavit  
Palmæ masculæ, quippe cujus flore vegeto ac polline  
fœcundo adflata atque adpersa Hebræa mater, in  
spathisque suis gravidata veluti, multo prægnantio-  
res uberioresque sensus e sacratissimo verbo reddet,  
fructusque maturiores mellea dulcedine eodem  
commulcebit.

Utriusque porro sacri codicis versiones Arabicæ  
nonnunquam loca obscura felicius expediunt, quam  
vasta aliorum commentaria, aut commentariorum  
plaustra; quod in Bibliorum versione sæpius exper-  
tus sum. Hujus linguæ ope Historia tum Ecclesiasti-  
ca, tum profana floret, ex ea plurima Christianorum  
aliorumque Orientalium dogmata, mores, & ritus  
in apricum produci & illustrari queunt. Ne de Jure,  
Philosophia, Ethica, Medicina, Astronomia, atque  
Poëti-

Poëtica, quibus gens Arabica egregie gaudet, nunc dicam, adeoque ea omnibus omnino Philologis tam commendata esse debet, quam commendatione dignissimum est, nosse voces Arabicas, quæ nescio quid monstri aliter viderentur. Hæc lingua exhibet dogmata, quæ post natum Muhammedem in Ecclesiam, præter & contra sacræ Scripturæ auctoritatem, magno infidelium scandalo, & orthodoxorum detrimento, irrepserunt, quæque ab ipsis Muhammedis æcclesiis, multis ante Reformationem temporibus sunt observata & exhibita.

Ante omnes vero spectandus est hujus linguæ usus in percipienda Pseudotheologia Muhammedica, & refutandis impiis Muhammedis dogmatibus. Musulmannorum Theologiæ cognitio non est haurienda ex Græcorum Latinorumve scriptis; illi enim quam plurima affinxerunt Muhammedanis, quæ ipsi corde & ore detestantur, quorum maxima pars a Cl. *Relando* est detecta: Sed ex ipsorum Muhammedanorum confessionibus librisque dogmaticis, nec non ex ipso fonte Corano & Sunna. Si porro refutanda est fides Muhammedica, qua maxima orbis habitabilis pars est fascinata, necesse est ut fiat Arabica lingua; illa enim, ubi religio Muhammedana recepta est, longe lateque dominatur, ac extremos fere orientis & occidentis terminos conjungit. Quamvis alia lingua vernacula cum Muhammedanis agi queat, nullus tamen felix sperari potest successus, nisi Corani falsitas & nullitas ex ipso demonstretur Corano, quod absque Arabicæ linguæ ope impossibile duco, nam semper ad hunc recurrendum erit, etsi omnem ejus, sicuti quibusdam fuit visum, non spernentur interpretationem; dantur enim ejus versiones seu potius paraphrases Persica, Malaica, Javana, ac forsitan etiam plures, quas mihi videre nondum licuit.

Per Arabum quoque peregrinationes, bella, & victorias, præsertim autem Muhammedismi introductione, Arabum lingua in Indiæ insulas est propagata, ex eaque quamplurimi termini artis, tum Theologici, tum Philosophici, tum Grammaticales in alias sunt introducti linguas, ut nemo facile in intimum earum sensum inquirere possit, nisi & Arabicam calleat linguam: quod ille, qui Æthiopicam vult discere linguam, clarius experietur, tanta enim est inter has cognatio, ut quot Arabicas didiceris voces, tot fere Æthiopicas dicas.

Denique Minister Arabico utens idiomate sibi facilius auditorum conciliabit gratiam, quod ipse sæpe literali tantum Corani lectione apud ipsos reges Muhammedanos sum expertus.

Æthiopica nunc sequitur lingua, (quam *Marianus Victorius Reatinus* male Chaldæam vocat, melius autem omnium celeberrimam, atque earum quæ ab ipsa Chaldæa oriuntur emendatissimam, ut quæ ab omni bellorum externorum incursione expers, immunis, incorruptaque semper permanerit: ) etsi Æthiopes Hebraicam posteriorem, & a sua progenitam potius velint. Certius autem *Jobus Ludolfus*, summus hujus linguæ Apollo, eam Arabicæ traducem judicat. Hujus linguæ usus non contemnendus est in restitutione quarundam radicum Hebræarum, quæ ex aliis linguis non, aut saltem non tam commode repeti possunt, & ad alias quoque linguas Orientales illustrandas multum conducit. In explicatione porro Æthiopicæ versionis, quam Habessinî circa Apostolorum tempora factam contendunt: Et, quod caput rei est, ad literarium & amicitiae commercium cum Christiana hac gente instituendum, in utilitatem, non tantum reipublicæ literariæ, sed & Ecclesiasticæ & civilis, quandoque redundaturum necessario



rio requiritur. Aſt ei, qui apud hanc gentem negotia gerere vel Miſſionarium agere velit, quoque neceſſaria foret lingua Amharica, quæ, mutata regni ſede, Æthiopibus nunc vernacula, manente tamen Æthiopicæ dignitate ac puritate in Sacra Scriptura & cultu ſacro, nec non in Regum diplomatibus.

Perſicæ tandem linguæ utilitas quædam eſt in explicatione vocum Perſicarum, in ſacro codice occurrentium, & evolutione antiquitatum Perſicarum, quarum cognitio quibusdam Sacræ Scripturæ libris lucem affert, nec non in Sacri contextus Perſicis translationibus, ac in hiſtoria Eccleſiaſtica; in qua varia de Chriſtiana orthodoxia monumenta reperiuntur: ne plura de hiſtoria profana, Philoſophia ac Philologia gentili nunc addam, illa uſui eſt in detegendis Muhammedicis Sunnitas inter & Alii aſſectas controverſiis, atque ad illuſtrandam Chriſti gloriam & promovendam hominum ſalutem, qui præcipuus Theologorum ſcopus eſſe debet; quamquam etiam in addiſcendis quibusdam linguis Indicis uſui eſſe poſſit, quibus voces, phraſes, atque ſententiæ Perſicæ nonnunquam ſunt interſparſæ.

Hiſce dictis linguis forſan non male addi poteſt Turcica, quæ quidem in Sacræ Scripturæ expoſitione uſum vix memorandum habet, alius tamen præſto eſt in expoſitione vocum, quæ & noſtratibus in ore, atque in Oriente etiam audiuntur, ubi in linguis Indicis etiam aliquando voces Turcicæ reperiuntur. In communione porro cum Porta Ottomanica, ac exploratione religionis & rituum Turcicorum, præſertim autem in Turcis ad ſacra Chriſtiana convertendis: nec opera hæc fruſtra ſuſcepta aut reprehendenda erit, ſi infidelium ſalus ea promoveatur.

Linguæ Ægyptiacæ procul dubio etiam aliquid in hac palæſtra eſt deferendum, in explicatione qua-

rundam vocum Ægyptiacarum in Sacris occurrentium, quas rerum in Ægypto gestarum historia requisivit. Sic quoque Regum & rituum Ægyptiacorum historia aliquando faculam Sacræ Scripturæ locis præfert, cui usui inservire quoque potest totius Sacri canonis versio Coptica, & hodiernum in diem in Ægypto supersunt quoque Christiani Coptiæ (b.) dicti; adeoque hoc idioma usum præbebit non spernendum in Historia Ecclesiastica & profana, nec non in universa Philologia, in quo tot sapientiæ monumenta sub hieroglyphicis lateant.

Tandem & Lingua Armenica in censum venit, eamque *Johannis Joachimi Schroderi* verbis (c.) describam. Armenica lingua cum sit post Hebraicam una ex antiquissimis, & adhuc in libris Armenorum superstes, licet non sit ex illarum numero, quæ magnam cum sacris Hebraica atque Græca vocum convenientiam habent, habebit tamen vocabula aliqua, tum codici sacro, tum scriptoribus secularibus illustrationem & usum minime contemnendum latura. Haicana natio cum juxta alias primis post Christum natum seculis Christianam religionem amplexa sit, eandemque per tot secula sub ærumnis & afflictionibus gravissimis constanter retinuerit, antiquam Bibliorum sacrorum versionem nobis exhibebit, Theologiæ ac sedulis verbi Divini scrutatoribus omnibus commendatissimam. Historiam tradet non tantum  
sacram

(b.) Copti aut Cophti, juxta *Johannem Lichtfootum* in manipulo spicilegiorum ex libro Exodi ad cap. 12 : 37. Ægyptus domi fuit dicta *Cophti* : sed exteri dixere *Ecophti*, unde natum Ægyptus. Si mihi quoque divinare liceat in re obscura, ex *Copti* cum præfixo *Al* & *El* Arabico fiet *Alcopti*, & inde forsan *Ἀρκοπτός*.

(c.) In dissertatione de antiquitate, fatis, indole atque usu linguæ Armenicæ. cap. IV. §. 2.

sacram Ecclesiæ Christianæ præprimis Orientalis, conciliorum, canonum, hæresium, & hæreticorum, sed & priscorum Regum suorum atque principum, eorumque belli ac pacis, regiminis atque politiæ, scientias item rerum naturalium seu Philosophicarum, in specie Geographiæ, Astronomiæ, & quicquid continet regio, herba, flores, fructus, metalla, pisces &c. quam liberalissime docebit.

His addo Armenicæ linguæ usum in didacticis & elencticis in India celebrem: Armenii enim industrii & impigri sunt mercatores, totumque terrarum peragant orbem lucri faciendi gratia, quam ob causam ii quoque in Indicas navigant insulas, ubi in eorum familiaritate versari licet, quod plus semel expertus sum, quamvis lingua neutri vernacula nobis confabulandum esset. Attamen aliquando nonnunquam eos quædam ex lingua Arabica, nec non ex Theologia docui, quæ ipsis non ingrata fuerunt, & procul dubio gratiora fuissent, si idiomate eorum materno uti potuissem, & mihi amplior patuisset campus docendæ veritatis Christianæ, ad illustrandam Dei ter optimi maximi & Domini nostri Jesu Christi gloriam.

Hæc A. H. sufficienti scopo mihi proposito, & materiæ huic electæ, de linguarum Orientalium, quæ in Europæ Academiis unquam fuerunt doctæ, cognitionis atque peritiæ necessitate Theologo Indorum conversionem promoturo. Nondum tamen in portum pervenit carina, nam præter has plures dantur linguæ in Oriente, præsertim in India, quarum si nomina saltem vobis enarrarem, inaudita & barbara vestris sonarent auribus, in quibus tamen verbi Divini præconium est audiendum, si unquam infidelium salus procuranda erit, qui scopus tamen omnibus Christianis debet esse propositus, ut fratres quoque lucrentur Domino.

Multæ

Multæ variæque sunt Indicæ linguæ & dialecti, quarum præcipuas tantum levi brachio tangam, initiumque sumam a celeberrimo totius Indiæ emporio, Batavorumque sede BATAVIA, ubi maxima linguarum auditur varietas. Præcipuæ autem sunt inter Euopæas Belgica & Lusitanica, inter Indicas vero, quibus cum Belgica supremi Senatus Indici diplomata & edicta scribuntur & affiguntur, sunt Malaica, Javana, & Sinica.

Malaica lingua duobus in Malæorum scriptis celebratur nominibus, vocaturque Javica atque Malaiica; prius illud a Persico DJâ deductum significat *linguam locatam*, Malaicæque recte convenit, utpote quæ non tantum in patrio solo, sed & extra illud longe lateque locata est. Dici quoque potest Javica ab Insula Java, seu potius Sumatra, quæ olim quoque Java dicta fuit, sicut alia occasione pluribus docui. (d.)

Alterum hujus linguæ celebre nomen, quo & Europæis innotuit, est lingua Malaica, ita dicta a Malæorum populo, qui ad fluvium Malajuvv in Regno Palimbang, in Insula nobis Sumatra, incolis vero Indalus dicta, quondam commoratus est. (e.)

Alio tamen quoque nomine insignitur hæc lingua, vocaturque lingua infra ventum, hypoanemonica seu infraventalis, si ita loqui liceat, cujus originem paucis delibabo. India proprie Persis Hindustân vel Hindistân dicta, a Geographis aliisque dividitur in Indiam intra vel extra Gangem. Prior vocatur Persis Bâlâbâd, seu regio *supra ventum sita*, posterior

(d.) In præfatione Grammaticæ Malaicæ, §. 4. ubi etiam Taprobanam hanc Insulam vocatam pluribus conjecturis docui.

(e.) De hujus denominationis origine plura annotavi, in modo dicta præfatione Grammaticæ Malaicæ §. 5.

rior autem Zîrbâd, seu regio *infra ventum sita*, horumque centrum est fluvius Gangeticus. Quando ergo Malaica vocatur lingua *infra ventum*, nobilissimo sane insignitur nomine, eoque significatur, quod hæc sit lingua totius Orientis a sinu Gangetico orientem versus, quod revera Malaicæ competit linguæ; quamvis *Taverniero* in itineratio assensum præbere nequeam, narranti Malaicam linguam in Regia Ispahani urbe audiri, atque esse eruditorum linguam ab Indo fluvio usque ad Sinam & Japoniam, ac in majori Orientalium insularum parte, quemadmodum lingua Latina in hac nostra Europa.

Hæcce lingua originem suam debet, non promissæ Piscatorum colluvioni, qui ex regionibus suis undequaque eo, communis artis suæ exercendæ gratia confluxerunt, & Malaccæ urbis fundamenta posuerunt; quemadmodum *Gulielmus Nicholsonius*, Carliolensis Episcopus, scripsit (f.) ex relatione *Johannis Hugonis Linschotani*. (g.) Nam antequam Malæi patriis relictis sedibus in continentem Zîrbâd emigrarunt, urbemque Sînga pûra condiderunt, quod plus quam 90 annis ante conditam Malaccam factum est, Malaica hæc lingua apud eos floruit, docentibus id illorum historicis, & cum Malæis in continentem transmigrantibus ibi quoque sedem fixit, ac ab ea totam pertransiit Orientalem Indiæ partem, quamvis ubi-

S s s

cun-

(f.) In doctissima dissertatione de totius orbis linguis ad *Johannem Chamberlaynium* Armigerum, quæ adnexa est Orationi Dominicæ in diversas omnium fere gentium linguas versæ, atque propriis cujuscunque linguæ characteribus expressæ, & a *Chamberlaynio* editæ.

(g.) Locus hic exstat in ejus *Navigationis in Orientem* cap. XVIII, editionis Belgicæ, quod respondet capiti XX. partis I. Versionis Latinæ, quæ Anno MDXCIX. *Francfordii* edita,

cunque fere locorum permanferit quoque natus il-  
lorum fermo : ut non male de Malæis fcripto exara-  
rit *Johannes Hugo Linfchotanus*. (b.) Sunt ingeniofi ad-  
modum , ftudiofi poëticarum inventionum , comœ-  
diarum , cantilenarum Vencrearum , meditantés poë-  
mata elegantiffima , e quibus fibi famam nominisque  
celebrationem magnifice promittunt. Si quis in In-  
dia linguæ Malaicæ ignarus fuerit, is rudis habetur ac  
ftupidus , non fecus ac linguam Gallicam apud no-  
ftates ignorans.

Quamvis in variis ac diffitis locis in ufu fit lin-  
gua Malaica , femper tamen fuit ac manfit unica tan-  
tum, nec in varias divifa eft linguas , quemadmodum  
quidam nimio aufu , ac forfan ad tegenda vitia con-  
tra linguæ genium , funt commenti : omnesque libri  
ab Europæis hac lingua exarati ad hanc normam funt  
reducendi , ficut magnus illè Evangelii in India pro-  
motor *Justus Heurnius* fæpiſſime agnovit. Verum  
enimvero ficuti in aliis linguis ita & in hac quoque  
variat ftylus , eftque fecundum Malæos quintuplex :  
Librorum , Aulæ , Magnatum , Monticolarum , &  
infimæ plebis , qui & mixtus ac fori appellatur , atque  
multa vocabula ex aliis huic mifcet linguis , fufficit-  
que hic mercatoribus aliisque in India degentibus , ut  
cordis fui cogitata aliis communicare poſſint , etfi  
contra Grammaticam & linguæ genium fæpiſſime &  
fordide peccent.

Malæi videntur antiquitus propriis gavifi litera-  
rum figuris , quæ nunc plane in defuetudinem abie-  
runt , earumque locum occuparunt Arabicæ litera-  
rum figuræ , quibus Malæi quinque ex ſuperioribus  
formatas addiderunt , iisque reliquarum ſuarum lite-  
rarum ſonum dederunt , quem in Arabicis literis re-  
perire non poterant ; literas quoque Arabibus pro-  
prias , cum vocibus Arabicis iis pronuntiandis , in  
ſuum

(b.) Loco ſupra citato.

suum converterunt usum. Inde tamen non est vocanda hæc lingua Arabicæ filia, sicuti quondam literis exaravit *Jacobus Canter Visscherus*, quæ Bibliothecæ Bremensi (i.) sunt insertæ. Postea vero melius edoctus hunc errorem correxit in literis ad Missionarios Danicos Trankebariam missis, quæ eorum relationibus sunt insertæ. (k.)

Lingua hæc est intellectu facillima, atque levi labore semestri spatio addisci potest, quod non tantum meo, sed & aliorum probò exemplo, ad publice in ea habendam concionem. Facilior quoque nostra opera facta est hujus linguæ cognitio, siquidem plura nunc ad manus sunt adminicula, quæ mihi antecessoribusque meis defuerunt. Adest enim Bibliorum versio Theologo summe necessaria, ex qua, quamvis Latinis literarum figuris descripta (l.) linguæ genius, loquendi formulæ, ac stylus Biblicus disci possunt, quæ nobis ex ipsis Malæorum manuscriptis haurienda fuerunt. Prostat quoque Grammatica summo labore a me edita; nec non in promptu est Lexicon Belgico-Malaicum, a me exaratum & ad prelum paratum, quod opportunitatem imprimendi & edendi occasionem expectat. Denique suppetit *Melchioris Leidekkeri*, qui nobis nucem fregit, Lexicon Malaico-Belgicum, in quo vocum Malaicarum significatio, ubertim adductis exemplis ex probatissimis

(i.) In Classis V. Fasciculo IV.

(k.) Contin. XXXVII. p. 59.

(l.) *Christianus Ravius Berlinas* in priori præfatione in primam tredecim partium Alcorani Arabico-Latini. Quod apertissimum est in Persica, & clarum fiet suo tempore in Malaica & Mogolica, & aliorum nominum idiomaticis, quamprimum illa ipsa idiomatica non Latinis posthac, quod deplorandum est, in tantis divitiis hominum & mercatorum, sed propria literatura exprimere cœperimus.

mis Malæorum scriptoribus, explicatur. Ad hoc plurima annotavit admodum reverendus *Petrus vanden Vorm*, quondam collega mihi conjunctissimus, patris loco honorandus, vir in literatura Orientali versatissimus; quorum quædam ipsi furto nunquam mihi poenitendo abstuli; plura tamen adhuc inter schedas latent, quibus forsan cum tincis & blattis luctandum erit. Hujus Lexici exemplar propria descripsi manu, simulque illud aliquo modo in ordinem redegi, & notas Vormianas addidi, cique meliorando & augmentando operam do, atque si Deus vires vitamque largiatur, illud ad prelum parabo.

Hæc lingua tantum hucusque in Orientali Indiæ parte ab Europæis propagata est lætissima illa Evangelii vox inter gentes Indicas, quæ forsan meliorem sortita fuisset eventum, si unaquæque gens sermone patrio audire potuisset verbi divini præconium, quod hucusque impossibile fuit: nam ab una parte tanta est linguarum Indicarum multitudo, ut ab unico viro omnes addisci nequeant, & ab altera parte tanta est in India verbi divini præconum paucitas, ut omnibus linguis discendis impares sint: quibus addenda instabilis illa verbi divini ministrorum in India statio, a qua quotidie vocari & transportari possunt, ubi prioris lingua vernacula intelligi nequit. His impedimentis ut occurratur ubicunque locorum lingua Malaica obtinuit usum in peragendis sacris inter Indos. Non autem omnes & singuli auditores tanta pollent linguæ Malaicæ peritia, ut totam concionem a capite ad calcem intelligere possint, quia hæc illis non est vernacula, magis ac magis tamen ei assuescunt auditores, præsertim illi, qui in concione frequentes sunt, atque si concionator orationis stylum auditorum captui accommodet, & aliquando cum infantibus balbutiat.

Ex



Ex dictis, A. H. nunc clarum puto, ante omnium omnino linguarum Indicarum Malaicæ peritiam Theologo, qui Indorum conversionis negotium istis in locis, sive ore tenus, sive per scripta, promoveret, summopere esse necessariam, ac nullo modo negligendam.

Vela mihi contrahenda video, A. H. citatoque cursu ad secundam pergo linguam Indicam, quæ Javana vocatur, incolisque Javæ est vernacula, unde illud nomen est sortita. Ipsa autem insula a Persico Djavv *Milium*, quod Malæi & Javani Djâvva pronuntiant denominata est, a Ptolomæo *ταξάδια* dicta, quod per *ταξίης νήσος* explicatur, quasi dicas *milii insulam*, ibique adhuc hodie magna milii & orizæ deprehenditur copia. Ab Europæis hæc Insula vocata est Java major, adeoque necesse est cogitemus de minori, quodque reperisse mihi videor in Insula Sumbavvâ, quæ in antiquis mappis Geographicis Java minor fuit vocata. Etenim plurimas reperio insulas quæ Sindæ sunt dictæ a Persico Sind, quod *hominem nequam ac prodicrem* significat, & ab Hofmanno in Lexico Universali dicuntur esse insulæ Eoi maris, quæ & insulæ Anthopophagorum, Sinarum oræ adjacentes. Hæ, teste Mercatore, sunt hodie Celebes, Gilolo & Amboina; Sansoni sunt Javæ, Sumatræ & Bornei Insulæ. Ex quibus judico veteribus omnes insulanos usque ad Moluccicas insulas indicari nomine Sind, quod nunc insulæ Javæ proprium remansit, a quo fretum illud Javam inter & Sumatram Sundæ fretum est appellatum, ejusque vestigia adhuc supersunt in lingua Malaicâ in Gavvlokh *sunda*, armorum genere, quod Javanis tantum in usu est: ex quibus concludo Javam quondam quoque Sundam vocatam fuisse, & quidem major, quia alia datur minor, quæ quoque Sunda dicta est, illaque erit Sumbavva, quasi dicatur Sind bâvvah, hoc est, *inferior Sunda*.

Sed

Sed ut redeam a quo digressus sum, lingua Javana est sororia Malaicæ, cum hac eosdem fontes habuisse videtur, quia easdem plerumque habet radices, quæ vario tantum flectuntur modo, adeoque a Malaicæ perito facili addisci potest negotio. Et quamvis hæc propriis utatur literarum figuris, viginti tantum numero, tamen & Arabicæ quoque iis in usu sunt, quibus præsertim Theologicos conscribunt libros, propter voces Arabicas, quæ Javano characteri non commode exprimi possunt. Adjumenta discendæ huic linguæ ab Europæis scripta & edita nondum vidi, certus tamen sum interpretibus Javanis adminicula ad manus esse: libros ab inquilinis manuscriptos plurimos vidi ac manu trivi, quosdam etiam ipse possideo, ex quibus hujus linguæ notitia hauriri potest. Necessitas autem cognoscendæ hujus linguæ per se patet, si cum fructu Evangelii semen inter Javanos erit spargendum, ut id fiat lingua ipsis vernacula.

Tertia nunc sequitur lingua, Sinica, ita dicta a vastissimo Sinarum imperio, quod Arabibus TSîn & Malæis TJîna audit, quod Hispani Lusitanique per CH scripserunt, juxta suam pronuntiationem, quæ cum Malaico TJâ fere convenit, nobis sufficiet si per S scribatur atque pronuntietur. Non ego nunc in huius linguæ literaturæve naturam, discrepantiam, & varietatem multis inquiram, quæ in Sinâ est vernacula, & a Sinensibus in Indicis insulis servatur, sicut a Belgis Belgica. Miri sane sunt Sinarum characteres, non literarum sonos, sed ipsos rerum conceptus exprimentes, non aliter ac zifræ, notæ Mathematicæ, Astrologicæ, Medicæ & Chemicæ, quorum beneficio non tantum Sinenses, sed & populi vicini se intelligunt, ut ut ratione idiomatis sibi sint barbari. Illorum numerus a variis censetur varius, sunt qui centum & viginti characterum millia numerant: quos  
utinam

utinam expedita analysi φιλογλώτῃς resolvere docuisset *Andreas Mullerus*, facilior ad hanc linguam aditus fuisset datus, qui ipsis etiam Sinensibus multum negotii facessunt, quemadmodum Bataviæ sæpius vidi juvenes a sexta matutina ad sextam vespertinam in scholis discendis his characteribus, una cum Sinica lingua, operam dantes. Scribendi seu potius pingendi, penicillo enim utuntur non calamo, modus a nostro nimium quantum variat, incipit enim a dextra deorsum ad inferiorem paginæ partem, & sic porro. Quamvis nulla orientalium plus habeat difficultatis, in Theologia tamen maximus ejus foret usus, in refellendis falsis eorum dogmatibus, & docenda Evangelica veritate, ad quam se aspirare quidam mihi confessi sunt, nec non se solo rationis lumine videre atque perspicere, summum illud Nūmen esse venerandum arque colendum, ast verum cultus modum sibi incognitum doluerunt, quem tamen aliquando sibi demonstrandum fore sperabant, quemadmodum etiam quidam ex illis Malaicæ linguæ beneficio Christianam amplexi sunt veritatem, ut & alii multo plures Muhammedicam impietatem, quæ tamen Theologia Sinica aliquo modo magis rationalis videtur.

Paucissima discendæ huic linguæ idonea subsidia dantur, lauream tamen meretur *Theophili Sigefridi Bayeri* Museum Sinicum, ante septennium Petropoli editum.

Inter Belgas verbi divini Ministros, proh dolor! nullus mihi repertus est huic linguæ operam dedisse. Ante seculum Bataviæ a magistris Sinensibus quatuor adolescentes didicerunt Sinicam linguam, magnusque inde expectabatur fructus, quis autem qualisve hic fuerit fructus in actis Ecclesiasticis non refertur. Imo postea Ecclesiastici judicabant parum utilitatis esse in convertendis Sinensibus, populo tam obdu-

obdurato, & gente tam maledicta, cujus similem sub cœlo vivere non credebant. Anno tamen sequuto a supremo Indiæ Governatore admoniti Ecclesiastici de promovenda Sinensium ad Christianismum conversione, illi quædam promovendæ hujus conversionis media proposuerunt, quorum tertium est; ut scholæ ad docendam Sinensium juventutem ædificentur: quartum; ut petantur libri ad discendam illam linguam necessarij, aut personæ ad docendam hanc linguam: Sextum; ut certæ quædam designentur personæ, quæ hanc linguam discere jubeantur. Ne longior sim, A. H. ex his luce meridiana clarius patet Bataviæ portam ad Sinenses convertendos esse apertam, si modo Sinicam quis calleat linguam, qua familiariter cum illis confabulari, eosque divinam veritatem quæ est secundum pietatem docere possit: & si semel illis Evangelii fax allucescat, in ipsum mox Sinensium regnum illud scintillabit, habebuntque omnes vicini, qui iisdem utuntur characteribus, Japonenses, Kōsinenses, Coreitæ, & Tunkinenses ipem, per eosdem characteres aliquam saltem faculam aut scintillam veritatis atque salutis ad se deferendam fore, etsi eorum non addiscantur linguæ, quæ tamen cum cæteris æque sunt necessaria, si unquam mundi salvator Jesus Christus iis est annuntiandus.

Dubium aut impossibile, de Japonia saltem, hoc forsan videbitur, quia Japonensibus regno exire, aut cum aliis de fide & religione Christiana differere non licet, nisi cum maximo suæ & aliorum vitæ discrimine: quam ob causam omnes nostratum libri in Japonia dolio includuntur, nullus Ecclesiasticis datur accessus, aliquandoque nostrates coacti sunt in Pontificiorum, qui hic olim sat frequentes fuerunt, simulacra & imagines conspuere. Hæc sane, fateor, maxima est difficultas, tamen hac non obstante Romæ

nae sedis Missionarii eam addiscunt linguam; & Japoniam petunt, spretis omnibus difficultatibus, quin & ipsa morte. Certe non semper praemeditandae sunt omnes difficultates, sed potius spernendae, & divino auxilio superandae, dabitque Deus, supra id quod petitur aut speratur, prosperiora tempora. Et, quamvis Japonenses Christianum nomen publice omnibus execrentur diris, tamen inter illos latent, qui non longe absunt a regno coelorum, (quorum Epistolas legi, & quibus respondendis operam navavi;) & querebundi gement, quousque oblivisceris nostri, o Domine.

A Japonia ut redeam mihi praeternaviganda datur insula Formosa, ab Hispanis ob formositatem ita dicta, incolis *Pac an* vel *Pac ande*, Sinensibus *Ya-Li-kyeu* sonat, juxta *Valentini* descriptionem, at juxta *Georgium Psalmanazarium*, qui se Formosa oriundum jactitat, incolis dicitur *Gad avia*, Sinensibus *Pac ando*, Lusitanis *Lequejo*, aliis *Talliochu*.

Lingua Formosana juxta eundem *Psalmanazarium* eadem est cum Japonica, habetque viginti Alphabeti literas, quarum figuras non inelegantes addit, simulque refert; Japonenses has literarum figuras a Formosanis didicisse, atque rejectis Sinicis characteribus in usus suos convertisse. Fides autem sit penes auctorem, mihi saltem haec veritati consona non videntur: nam nuperrima possideo manuscripta & impressa Japonica, in quibus vetus ille pingendi character tantum est observatus, nec novarum harum figurarum vola aut vestigium in his reperitur. Praeterea ille exhibet Dominicam Orationem, Apostolorum Symbolum, & Decalogi praecepta lingua Formosana, quae nulla ex parte similis est illi, quae in nostratium occurrit libris. Etsi enim variae in insula Formosa sint linguae, variaeque exinde natae sint difficultates, sicuti quondam questus est *Gravius*,

præfatione Matthæi & Johannis Evangelio a se edito præmissa, maxima tamen inter eas datur similitudo & affinitas, quæ in hac *Psalmanazarii* universali Formosæ & Japoniæ lingua non reperitur, quare hæc mihi sublestat fidei videntur.

In formosissima hac Formosa quam plurimi a Belgis ad Christum conversi fuerunt incolæ, qui postea ejectis Belgis, Coxinia imperium tenente, aut dira occubuerunt morte, aut vera salutis doctrina destituti ad Gentilismum sunt reversi, aut inter Gentiles clam latitant. Illos autem absque eorum linguæ vernaculæ peritia ad veram Dei cognitionem reduci posse nullus unquam aliqua cum ratione sustinebit.

A Formosa meridiem versus interjacent Insulæ Philippinæ, quæ Hispanorum subsunt potestati, quare eas missas facio, & ad Moluccas trajicio, quæ quinque numerantur: Ternate, Tidor, Motir, Makjan & Barjan, cum circumjacente Gilolo (*m.*), quarum præcipua, licet una ex minimis, est Ternate, Regis & Belgarum Gubernatoris sedes, in quibus Malaica lingua ad peragenda sacra hucusque in usu fuit, atque a fratre Germano, *Johanne Thoma Werndly*, primo meo hujus literaturæ discipulo, ast cheu ! nimis matura morte Ecclesiæ adempto, non absque fructu usurpata. Præter Malaicam tamen ibi lingua datur vernacula, quæ ab hac Insula Ternatana vocatur, qua a nostratibus verbi divini præconium nondum est institutum, quod si fiat major ac major in dies foret seu erit successus. In Orientali Insulæ Celebes littore, quod Ternatensi Regi, aut Nobilissimæ Indiæ Societati subest, aliquando aliquid tentatum est lingua Sangiræ ab industrio *Cornelio de Leeuw*, qui summo studio ac labore sibi aliqualem ejus linguæ notiti-

(*m.*) Hæc insula quoque 'Almahejram, id est *dimidia luna* appellatur.

notitiam comparaverat, & oracula divina hac lingua explicare incipiebat, ast res caruit successu, non tantum propter hujus linguae peritiae penuriam, verum magis propter odium Gubernatoris atque collegae, qui huic laudem debitam atque ipsam linguae cognitionem invidebant. Latus itaque Theologo & Philologo ibi adhuc patet campus, in quo discendis linguis operam dare potest, ut Christum mundi salvatorem, de quo forsitan aliquando audiverunt, magis magisque iis notum faciat.

Ab his insulis in meridem vergo, in Amboinam & circumjacentes, quae Batavorum subsunt imperio, ubi certe si ullibi in India Christianismus floret, qui Malaica docetur lingua, non autem vernaculis, quae ibi dantur quamplurimae. Ante seculum *Justus Heurnius*, vir divino plenus zelo, tentavit quasdam Sacrae Scripturae partes, aliaque ad aedificationem necessaria, in Uliassicam transferre linguam, ut ipsissimus sensus lingua materna melius, quam aliena, intelligatur. Haec autem post ejus secessum nullius fuerunt usus, quia nostratium nullus hanc linguam discere voluit, nec ea mihi videre licuit; nam procul dubio temporis injuria ablata sunt. Postea quoque *Petrus van der Vorm* quaedam in linguam transtulit Amboinicam, quae aut quorum saltem partem manuscripta possideo: atque, ne nimis longus sim, hic tantum addam *Petri van der Vorm* consilium, quod fere ante semiseculum de docendis & instruendis Amboinensium Ecclesiis dedit, ac ego nunc meo calculo probabo. Nullus optatus praeronii fructus unquam expectari in Amboina potest, nisi unaquaeque natio vernaculo suo idiomate erudiatur. Attamen necessaria manet lingua Malaica, qua doceantur & instruantur futuri inter Amboinenses pastores & doctores, quemadmodum Studiosi lingua Latina in Europae Academicis, qui absoluto studiorum suorum curriculo ad

suos revertantur, eosque sermone patrio doceant, quod ob defectum & imperitiam verbi divini ministrorum hucusque fieri non potuit.

Non procul ab his distat insula Banda, quæ olim quoque habuit linguam vernaculam, quæ omnium cum Bandanensium internecione & exilio finem sortita est, cujus vicem nunc supplet Malaica, ast, quamdiu ego in India præsens fui, nullus verbi divini præco Malaicam ibi didicit linguam, ut ea gregem sibi creditum pasceret. Subjectæ insulæ ab oriente & occidentè unaquæque varia gaudet lingua vernacula, quæ omnes necessariæ erunt, si hæ gentes revera ad verum Dei cultum, qui quibusdam nomine jam notus, sunt adducendæ.

Secundo nunc vento præternavigo insulas Solor, Timor, Buton, quarum sermo quidem varius, Europæis autem non sat perspectus est, ac in Insulam Celebes (n.) appello ratem, ubi ego in regno Mangkasariensi, in promontorio Udjong pandang incolis dicto, in quo arx Roterodamum a Nobilissimo Spelmanno Rotterodamensi ita vocata, per triennium degi, ac lingua Belgica & Malaica gregem mihi creditum pavi, nec non aliquando quosdam ex Gentilismo & Muhammedanismo ad Christianismum adduxi, atque haud dubie plures adduxissem, si linguam eorum vernaculam calluissem, quæ ibi quoque multiplex & varia, duæ tamen sunt præcipuæ, quæ Buginensibus & Mangkasariensibus sunt usitatæ, vinculo sororio sibi invicem junctæ, ac ejusdem originis, posterior autem priori aliquanto nitidior atque elegantior est, eadem quoque illis sunt literarum figuræ viginti quatuor, quibus lectu & scriptu faciliores

(n.) Hæc insula Celebes dicta videtur a Persico *Sjil*, *tridens* seu *furca*, & *Besi* vel *Pesi pastica pars*, quia pōstica ejus pars est instar furcæ.



res in oriente non vidi. Gens ipsa est bellicosissima atque gravissima, facilis tamen ad eam datur accessus, & si linguæ commercium adsit, nullus dubito quin cum fructu atque facili negotio Evangelicæ Veritatis semen inter eam spargendum foret.

Reliquas insulas Salaier, Sumbavvā (o.), Lombok, Bali, & ipsam Borneo (p.) maximam totius Asiæ insulam, præternavigo, unica hac nota, tot varias in his insulis dari linguas, ut hominum fere superet fidem, quibus tamen etiam suo tempore divinum Numen est celebrandum.

Sic totam peragravi Indiam infra ventum sitam. Sit nunc A. H. mihi venia paucis perlustrandæ Indiæ supra ventum sitæ, in cujus vastissimo mari primo apparent Insulæ Cocos dictæ, verum rarissime a Belgis visitantur, adeoque optima earum notitia ad nos nondum pervenit, nec lingua quæ qualisve sit satis perspecta; nam pauca illa, quæ Cl. *Relandus* ex nostratum itinerariis edidit, φιλογλωττω satisfacere nequeunt, quare has missas facio, atque ad occidentem pergo, ubi mihi obvia Madagascar, quæ plerumque a Geographis Africæ annumeratur, & hæc quoque propria gaudet vernacula, cujus breve Lexicon seculo præterito ineunte edidit *Fridericus de Houtman*, qui illud lexico sub Belgico - Malaico inseruit, ut proprie vocandum sit Lexicon Belgico - Malaico - Madagascaricum. In Malaica Orthographia toto aliquando cœlo aberrat *Houtmannus*, ut sæpe mihi grave sit di-

T t 3

vinare

(o.) Rationem denominationis vide supra in Java.

(p.) Apud Persas Ber continentem & terram, aut contractum a Bâr fructum, aut Ber raptorem significat, cui si addatur Nevv, id est, novus, erit Bernevv, significabitque terram novam, aut fructum novum, aut raptorem novum, quæ postrema deriyatio cum Sindis optime conveniret.

vinare quænam vox ab ipso adhibeatur, ast in verborum significatione & constructione ut plurimum ipsos sequitur Malæos. Atque secundum charitatem idem mihi iudicium de lingua Madagascarica est ferendum, quod suo tempore clarius patebit, cum hac quoque lingua audietur Evangelizantium vox.

A Madagascar in septentrionem & orientem recurro, atque mihi obviæ sunt innumerabiles illæ insulæ Maldivæ, ante peninsulam Malabariam & Scilanam insulam, ab ipsa natura in certas quasdam classes distinctæ, quæ nomen suum sortitæ sunt a præcipua earum urbe Male vocata, cui Persicum *Divv*, id est, *insula* additum sonat *Mâledivv*, seu *insula Male*, quod ita quoque observatum est a Missionariis Danicis. (q.) De earum vero lingua quæ qualisve sit nihil perspectum habeo.

Tandem appello in insulam Ceilon vulgo dictam, quæ tamen rectius *Sejlân* & *Sejrân* vocatur, quod Persis *Theatrum aut recreationis locum* significat, quare & aliquando *Sejrângâh*, id est, *locus recreationis*, appellatur, nec non Selandive apud Teixeram, quod idem est cum *Sejrândivv*, hoc est, *insula recreationis*. Ab incolis vocatur *Lankaun*, & Malabaribus dicitur *Ilângâ-buri* & *Ilængejkarei*, id est *Regio Langkah*, quo nomine etiam in Malæorum scriptis occurrit, scilicet, *Pûlavv Langkah*, h. e. *Insula transgressus*. Tres hæ denominationes unius ac ejusdem originis mihi videntur, & natæ ex Historia antiqua & forsân fabulosa, de magno quodam rege, qui tantæ fuit proceritatis, ut unum pedem fixerit in Insula Scilan, alterum vero in Siamica regione, & sic totum interjacentem oceanum transgressus sit, cujus vestigia, alterum in Scilan in Monte Pico de Adam dicto, alterum vero in Siam in quodam templo

osten-

(q.) Vide Contin. XXXI. p. 65.

ostenduntur, & a peregrinantibus honorantur, quamvis plurimi ignorent cujus originis sint hæ fabulæ, quibus significari puto: olim quendam Regem imperium tenuisse ab hac & altera Indiæ parte, quemadmodum Magnus ille Alexander Macedonum Rex atque Monarcha simili celebratur nomine, quando vocatur 'Iskander dzuvv lkharnajn, i. e. *Alexander duorum cornuum dominus*, hoc est, orientis & occidentis. In alia nomina, quibus hæc insula a veteribus insignita fuit, nunc non inquiram.

Lingua in hac insula tantum vernacula vocatur Singalæa. Magnus ille *Bochartus* (r.) hujus insulæ incolæ *Chingalos* vel *Chingaros* per contemptum dictos putat, Arabice enim *CHindjar* significat *virum timidum & ignavum*. (s.) Verum pace tanti viri illum deceptum puto Lusitanorum & Hispanorum scriptione per CH, quæ fere per S. pronuncianda nobis est, cum qua Arabica vox *CHindjar* nullo quadrat modo. Nec & alia *Teixera*, qui linguæ Arabicæ plane fuit ignarus, derivatio, quam *Bochartus* addit, *Chingalas* dici a Sinis & Portu Gale, admitti potest, & ab ipso refutatur *Bocharto*, quod portum e sua Lusitania in Scilan insulam transtulerit. Verior autem videtur nominis ratio, quæ datur a Missionariis Danicis: (t.) Singaler est unum ex quinquaginta & sex tribuum nominibus, quæ rarissime alicujus sunt significationis. Verum si & mihi aliqua conjectandi datur libertas, eas ita dictos crederem a Singa, quod iis nec non Malæis ex veteri Brachmanorum lingua *Leonem* denotat, cum terminatione Malabarica vel Singalæa *ler*, significabitque *populum instar leonis*, quo nomine sæpius Singalæi delectatos fuisse clarum est in

T t 4

Scilani

(r.) In Geographiæ Sacræ parte posteriore Canaan dicta, Lib. I. cap. XLVI. §. 16.

(s.) Vide Castelli Lexicon. (t.) Contin. XXXI. p. 773.

Seilani rege, qui Râdja Sînga, id est, *Rex leonum*, aut *Rex Leo* vocari voluit.

Hujus linguæ scriptura ab aliis orientis est diversa, ac morem Europæorum & Malabariorum, qui ipsis proximi, imitatur, lincis a sinistra dextrorsum ductis, earumque figuræ eleganti & artificioso ductu formantur. Hujus natale solum est insula Seilan, ubi adhuc stat vigetque, nec suos terminos unquam transgressa videtur: maximam tamen habet affinitatem cum Malabarica ipsi vicina, ac multa ei inesse vocabula ex veteri Brachmanorum lingua nullus dubito, quod suo tempore cum ipsa illa Brachmanorum lingua clarius patebit.

Unicum tantum adminiculum typis expressum oculis fuit oblatum meis, nempe *Johannis Ruëllii* Grammatica Singalæa, Belgico idiomate scripta, in cujus præfatione usum & peritiæ necessitatem optime describit. Non minimum est, inquit, officium verbi divini præconum, qui inter alienas habitant deguntque gentes, illarum discere linguam, ad demonstrandam vanam illarum conversationem. Et paulo post: Non itaque intermisi, secundum debitum officiumque meum, studere linguæ Singalææ, quæ hic vernacula, & patris est sermo: nec successu caruit studium meum. Utinam omnes omnino Verbi divini Ministri, qui in hac degunt Insula, huic incubuissent, certissime, divino favente Numine, optatior fuisset visus successus in propagando inter hos Ethnicos Evangelio, quam hucusque unquam visus fuit. Quibus mihi nihil addendum.

Præter hanc datur & altera in Insula Seilan vernacula, a nostratibus Malabarica, a Regione Malabar, ubi illa etiam viget, dicta, quamvis hoc nomen ipsis Malabaribus incognitum, ab Arabibus & Persis iis tributum sit Mâlâvvar, significetque *Piratam*, dum illa

illa regio incolis Maleialam vocatur. Lingua hæc a *Bartholomao Seigenbalgio* vocata est Damulica, ast ejus sequaces Missionarii cum *Kirchero* eam nominarunt Tamulicam, cujus nominis origo & significatio mihi nondum est cognita. Vernacula hæc lingua est in majori parte supradictæ insulæ Seilan, & in tota illa peninsula Indum inter & Gangem in litore Malabarico & Coromandelino, quamvis hic vel illic aliquando variet dialectus, qua quidem scrupulus aliquis discenti objicitur, qui tamen facile submovetur ab eo, qui unam callet. Aliæ quoque linguæ Indicæ, quas inter ipsa Malaica, ab hac quædam mutuatur vocabula, quæ non facile nisi ab utriusque linguæ perito discernuntur. Cum Singalæa convenit hæc lingua ac maximam habet affinitatem, imo in ipsis literarum figuris, quæ Singalæis magis rotundæ, huic vero magis quadratæ; nec non in literarum nominibus, quæ simili gaudent terminatione. Sat magna tamen reperitur differentia, cum in vocibus, tum in declinationibus, atque conjugationibus.

Primus e Belgis, qui aliquo huic linguæ incubuit modo, fuit *Philippus Baldaeus*, ediditque introductionem in Grammaticam Malabaricam Anno MDCLXXI. (u.) Hoc seculo autem ex Danicis Missionariis primus modo dictus *Bartholomæus Ziegenbalgius* pleniorẽ planiorẽque hujus linguæ Grammaticam edidit, ne alios hoc idiomate ab industriis piisque his Missionariis editos libros, quorum magnam partem eorum liberalitate possideo, nunc memorem. Lexicon autem Malabaricum, dudum ab iis promissum, nunc Trangenbariæ excuditur.

Lingua hæc facile addisci potest, quod ipsius

T t 5

Ziegen-

(u.) Vide hanc introductionem in Grammaticam Malabaricam in ejus descriptione Malabariæ, Coromandelæ, & Seilani.

*Zeigenbalgii*, qui primus id tentavit ac nucem aliis fregit, exemplo patet. Ille enim octo mensium spatio eam linguæ Tamulicæ facultatem obtinuit, eamque fiduciam, ut non solum Barbaros loquentes, eorumque scripta intelligeret, farique inciperet Indico labio, sed eodem etiam publice concionaretur, Indis ad sermones ejus eo avidius & frequentius confluentibus, quo magis ipsis erat insolitum novumque albæ faciei hominem, seu Europæum vernacula audire sua. (x.) Qualia quoque de posteris Missionariis narrantur in eorum relationibus, quæ Halæ Saxonum edi solent.

Suis hæc lingua se proprietatibus commendat, estque, testibus hujus linguæ peritis, elegans, vocabulis & phrasibus abundans, gravis, oratoria, atque auditu suavissima, præsertim quando pedetentim, clare ac distincte pronuntiatur. Ast obscurum quibusdam videri posset, nullas Malabaribus esse distinctiones per commata, & puncta, aut spatia voces inter & voces, sed omnia ita cohærere, ut primo intuitu unicum videatur vocabulum; quod imperitis aliquam quidem molestiam faceffit, sed periti nullo negotio legunt ac intelligunt.

Hujus peritiæ necessitas & utilitas ex dictis patet, nec lubet hic addere ea, quæ noster *Baldeus* in introductione ad Grammaticam Malabaricam hac de re scripto exaravit, quæque lectu sunt dignissima: *Zeigenbalgium* tamen præterire nequeo in Dedicatione Grammaticæ Tamulicæ sic referentem: Habebam auditores auribus animisque adstantes, & mirum in modum suspensos singulari ipsisque stupenda rei novitate, quam partim in Christianæ doctrinæ capitibus, partim in Malabarici oris instrumentoprehendebant. Hæc erant literarii operis initia, statim aliquo

(x.) Vide *Zeigenbalgii* Præfationem ad Grammaticam Tamulicam.

aliquo ipsius rei Christianæ initio, immo incremento, fecunda & conspicua.

Huic linguæ affinis est Warugica, Wartuga, seu Warduga, quæ quoque Telungica & Tellinga dicitur, & quidem ex relatione *Benjaminis Schultze* qui eam didicit, ut Danica Germanicæ, sed literarum figuris variat, quarum typos Missionarii Danici in usum Missionis, quæ est in Madraspatnam, chalibi insculpi curarunt, quorum *ἐκφυον* dono horum possideo, speroque aliquando libros editos ad me perferendos esse.

Denique in ora Coromandelina viget celeberrima illa Brachmanorum lingua, quæ Kirendum vel Girendum vocatur. (y.) Vernacula hæc est Brachmanorum, & Gentilium sacerdotum lingua, quemadmodum Latina apud Europæos, eaque conscriptus narratur legum Gentilium codex Vedam seu Wedam dictus.

Literas Brachmanorum lingua habet quinquaginta & unam, Juxta *Walerium Nicolai*, seu quinquaginta tantum juxta Missionarios Danicos, & *Bayeri* Alphabetum. Literarum characteres suos Brachmani vocant sacros atque a Deo dictatos, quorum usus est in omnium populorum linguis, qui Indica superstitione sunt infecti. Nullibi de linguæ hujus natura aliquid vidi, præter ea quæ edidit *Kircherus* in Sina illustrata, & nuperrime præclarum illud Academiæ Petropolitaneæ sidus; *Theodorus Sigefridus Bayerus*, in commentariis Academiæ scientiarum Imperialis Petropolitaneæ: lubet tamen addere notam ex *Johannis Antonii Sar-*

(y.) Lingua hæc *Lacrozio* Hamscrit, *Bernierio* Hanscritica, *Kirchero* Hanscretica, *Alb. Rogerio* Sanscortana, *Thoma Hyde*, *Samscroot*, *Walerio Nicolai* Sanscrutana, *Valentinio* Sanscritica, & *Petro van der Vorm* Sanscritana audit, quæ varia lectio aut pronuntiatio ex ipsis Brachmanorum scriptis corrigenda superest.

*Sartorii* literis, (z.) qua eas concludit. In Kirendum & Nagaram vel Devva . nagaram, id est, Deorum lingua, quæ Brachmanorum sunt linguæ, item Balabanda clarior est literarum similitudo cum Hebraicis, nec non ipsissimæ reperiuntur Hebraicæ literarum figuræ. Quæ cuncta ulteriorem requirunt indaginem, saltem in editis Kircherianis & Bayerianis, qui literarum Devva nagâram numero 54, & Balabandæ numero 57, & Akar Nagari numero 56. figuras addidit, tanta cum Hebraicis similitudo mihi nondum apparet, quamvis aliqualis quidem similitudo concipi queat. Ex Malæorum tamen ore sæpius hausi, hanc omnium fere Indicarum linguarum fontem esse : optandumque ergo ut hæc lingua nobis magis magisque innotescat : atque concludo verbis doctissimi *Maturini Veyssiere Lacrozii*, Regiæ Bibliothecæ Berolinensis præfecti, multisque in rempublicam literariam meritis clarissimi, in Epistola seu dissertatione ad *Johannem Chamberlainium*. Quid præter conjecturas & suspensiones dare possum in iis, quæ ad cæteras Orientalis Indiæ literas spectant, quas liceat censcam omnes ab ea propagatas quam Hamscrit appellant, inopia tamen temporis pressus, & variis, quæ frustra requiro, subsidiis destitutus, ulterius illustrare non pergam. Et paulo post. Optaverim itaque ut aliquis eorum, qui sacris nostris sub Batavorum potestate in his regionibus operantur, eorum Alphabetorum varietatem, literis accurate inter se collatis descriptam, typis in Europa edendam transmitteret, &c. Qualis a Missionariis Danicis ad celeberrimum *Bayerum* transmissa, atque in commentariis Academicæ scientiarum Imperialis Petropolitanae nunc edita sunt.

Super-

(12.) Literæ hæ scriptæ sunt Madrafi XIV. Februarii MDCCXXXII. & editæ in Contin, XXXIII, p. 999-1002.



Superfunt denique linguæ plures circa Gangem fluvium, de quibus nihil certi affirmare queo, ideoque illas missas facio, unica hac nota, utiles necessariasque eas fore promovendo Evangelio inter fluvii Gangerici accolæ, quibus eæ sunt vernaculæ.

Sic tandem in portum pervenit carina, atque his facile finem imponere possem, nisi unica restaret quæstio examinanda, ubinam scilicet terrarum hæ linguæ sint discendæ? ad quam salvo aliorum iudicio paucis respondebo; Linguas Orientales, quæ cum Hebræa matre colunt affinitatem, in Europæ scholis doceri, ac proin disci posse; cui studio si porro viva vox accedat, mirum quantum quis facturus progressus sermone qui vivit vigetque. Linguæ autem Indicæ necessario sunt distinguendæ in eas, quarum uberior, vel quarum parciore, aut nulla ad Europæos pervenit notitia. Posteriores procul omni dubio in India ab inquilinis, quibus vernaculæ, aut ex illorum scriptis sunt addiscendæ, quoniam Europæi hucusque eorum peritia sunt privati. Priores vero & in India & in Europa addisci queunt. In India id necessarium ante V lustra quoque judicarunt Missionarii Danici in literis ad virum quendam Celebrerrimum exaratis. (a.) Maximo, inquiunt, nos tenemur desiderio, ut hic in India hunc in finem erigatur Seminarium Studiosorum, in quo futuri operarii discendis linguis Indicis, juxta nostram experientiam a nobis præparentur, ac postea quocunque locorum inter Gentiles, quorum didicerunt linguam, mittantur.

Toto nos optamus corde, ut hoc in negotio nobis adsint cooperarii ejusdem nobiscum animi, sic in latissi-

(a.) Literæ hæ datæ sunt Trankebatæ in ora Coromandelina XVI. Septembris MDCCXII, & inferræ eorum relationibus, Contin. VIII. p. 606-614.

latissima Gentili India, mediante benedicto Dei verbo, in procuranda Gentilium conversione res optime gereretur. Angli varia possident prædia & in hac & in Orientali Bengalæ ora, ubi aliquando copiosus ad Ethnicos introitus est sperandus, si id negotium a viris ingenuis incipiatur, necessariisque sumtibus promoveatur. Major autem in nostra hac India Belgis datur occasio deferendi ad Ethnicos Evangelii thesauri, iisque impertiendorum spiritualium bonorum, siquidem Belgæ illorum corporalia bona gazasque navibus uberrime auferunt. Porro quoniam Belgæ plurima sua prædia acceperunt a Lusitanis, qui Christianismum Pontificio more in iis condiderant, ita quoque Ecclesias magno sat numero ibi conditas retinuerunt, ac reformationem in iis decreverunt, atque ab illo tempore in hunc usque diem variis in locis templa & scholas ædificarunt. Quid vero hi constituerint, quove studio cæteros Ethnicos ad Christi cognitionem adducere eurent, quos qualesve ut propositum assequantur mittant Ministros, ac quam diligenter hi Gentilium addiscant linguam nondum experiri potuimus. Nam ad nostras hac de re quæstiones per literas Bataviam, & in Seilan missas nullum tulimus responsum. Speramus autem causam aliunde nobis referendam: nam ea, quæ Lusitani advenæ sæpissime de his narrant, forsân fundamento carerent. Hac in ora convertendis Gentilibus Belgæ nullam navant operam: ibique plurima possident loca, aut nullus nunc præsto est Minister Europæis, multo minus Ethnicis. In Bengala itidem in celeberrima urbe Hugli nullus adest verbi divini præco. Si quidem autem hæc natio cætera studia in comune fovet bonum, & a Deo corporalibus ubertim beata est divitiis, & nos speramus illam nostris hisce temporibus adhuc multum Indorum Gentilium conversioni contributuram, nec unquam in posterum aliquid

quid omiffuram, quo Jefu Chrifti regnum inter omnes gentes, nationes & linguas promoveri queat. Utinam hic & in Hollandia darentur viri, qui hujus negotii neceffitatem & poffibilitatem recte in medium afferre noffent.

Priores autem quoque in Europa non tantum difci poffunt, fed & ut doceantur & difcantur dudum confultum duxit doctiffimus *Antonius Walaus*, Collegii Indici, quod Lugduni Batavorum quondam fuit, Regens celeberrimus. (b.) Ubi vero, inquit vir ille eximius, collegium hoc fuam formam acceperit, confultum infuper erit, ut uno aut altero ante difceffum anno, in lingua illis regionibus ufitatiffima nonnihil inftuantur. In quem finem defpiciendus erit vir aliquis probus, linguæ illius peritus, qui ex illis partibus ad nos rediit. Alioquin enim tempus reditus eorum ad nos fæpe appropinquat, priusquam linguæ apud Indos ufitatæ peritiâ habeant, unde inter eorum regionum indigenas minori cum fructu verfari poffunt. Et rem ita verè fe habere experientia mihi testis eft non contemnendus.

Idem quoque cenfuit *Francifcus Valentinus*, graviffimus rerum Indicarum fcriptor, in notis ad acta Ecclefiæ Bataviæ ad annum MDCXXI. (c.) Tunc temporis multas ob rationes Synedrium Ecclefiafticum Bataviense neceffarium duxit, ut verbi divini præconium inftituatur linguis Lufitanicâ, Sinicâ, Malaicâ, & Javanâ. Lufitanice atque Malaice id non absque fructu tentatum eft. Verum omnem omnino fuperat conceptum, nullum unquam Verbi divini Miniftrum operam dediffe convertendis Sinenfibus

(b.) In Confiliis, de neceffitate ac forma erigendi Collegii, feu Seminarii Indici. §. 18.

(c.) Vide ejus Veteris atque Modernæ Indiæ descriptionem. Part. IV, Tom. II. p. 7.

bus & Javanis. &c. Ego multam sumsi operam in discenda lingua Javanâ, ac Lexicon - Javanum conscripsi, nunquam autem mihi data fuit occasio erogandi mei talenti. Præterea Bataviæ præsens (quod sciam) in Synedrio Ecclesiastico nullum vel minimum audi verbum excitatorium ad Verbi divini Ministros de discenda lingua Sinicâ & Javanicâ; nec unquam comperi has agitari, siquidem tamen, me iudice, certissimum hoc foret medium plurimi inter ambas has gentes carpendi fructus. Atque si a primis istis Christianismi in India temporibus, cum Classis Walcherana de Collegio, non tantum Theologico, sed etiam Malaico, Lugduni Batavorum erigendo, monebat, salutarum illud medium, de studiosis in Indiam mittendis illam & alias orientis linguas docendis, effectum fuisset sortitum, revera Malaica Batavienſis Ecclesia multo florentior & frequentior quam nunc est fuisset. Denique sic adhuc hodie idem exerceatur medium, ac in quadam Academiâ hujus linguæ Professor creetur, certissime multos optatosque id proferret fructus, occasioque daretur Verbi divini Ministris, ut, simulac in Indiam appulerint, duabus statim Ecclesiis operam navare possint.

Hunc in finem, A. H. ut futuri Verbi divini Ministri, qui Indorum conversioni operam navabunt suam, linguarum necessariorum notitia imbuantur, quibus Jesum Christum, unicum illud salutis acquirendæ fundamentum, Gentibus prædicent, Augustissimus atque Potentissimus Borussiae Rex FRIDERICUS WILHELMUS, Dominus noster longe Clementissimus, divino ad promovendam Evangelicam veritatem per totum terrarum orbem zelo plenus, Linguarum Orientalium & Indicarum hoc in Athenæo docendarum provinciam mihi quam benignissime ac clementissime concessit.

Ore plenior profecto laudandum Serenissimi ac  
Maje-

Majestate abundantis Principis nostri institutum, quo in ipsissima REGIS sede Berolino vigeat floreatque Societas Regia, quæ nationum linguarumque, quæ a Sinis usque ad Prussiam vastissimis regionibus porrectæ sunt, naturam atque indolem, literasque Orientales cunctas graviter investiget.

Laudibus in cœlum ferenda insignis illa REGIS nostri generositas atque magnificentia, ut sub clementissimo ejus imperio instruantur & doceantur Theologiæ Studiosi, futuri Verbi divini inter Ethnicos præcones, & a potentissimo Dania & Norwegia Rege in Indiam Orientalem mittendi, quod Halæ Saxonum fit.

Ast laude nostra, immo laude cuncta superius, & Augustissimo REGI nostro dignissimum decretum atque statutum, quo præter alias Orientis linguas hoc in nostro Athenæo Indicis, quæ nunquam publice in Academiâ fuerunt doctæ, locum tribuere voluerit, ut earum scientia imbuti futuri Verbi divini in India Ministri, simulac navibus in Indiam advecti, mox indigenis vernacula sua lingua Evangelium atque salutem æternam prædicare possint.

Quid nunc Potentissimo ac Clementissimo REGI ac Domino nostro referendum erit, pro tanto in Gymnasium Lingense & in Ecclesias Indicas beneficio? Nihil mihi præsto est, præter hocce meum grati animi testimonium, atque humilimas ad Deum Ter-Opt. Max. preces; Faxit igitur Summum Numen, ut REGIÆ MAJESTATIS, Serenissimæque Regiæ Familiæ splendor omnia perennet sæcula, & imperii ejus fulgor cunctis illucescat gentibus, ut ejus decore irradiatæ ipsæ splendidam illam Evangelii lucem, quæ sub clementissimo ejus Imperio iis accenditur, adspiciant, & ad ejus nitorem exsultent!

Dicendi nunc finem facerem, nisi vestra præsentia, Nobilissimi & Amplissimi Scholarum Constituendarum Triumviri, qua me dicentem honorare voluistis, me moneret, ut ad vos sese mea converteret oratio. Grates itaque vobis persolvo pro summa vestra pietate, & propenso in bonarum artium & literarum studium animo, quod, sub auspiciis *Augustissimi* BORUSSORUM REGIS ac Domini nostri longe clementissimi, vobis placuerit in hoc Athenæum, præter alias Orientis, Indicas quoque introducere linguas. Hoc facto præstatis vos Ecclesiarum quoque Indicarum nutrices, quo titulo vos appello atque saluto, Deumque ter Opt. Max. precor, ut pro summo vestro erga domum suam beneficio vobis præmium debitamque retribuat mercedem. Hunc in finem vos me in tenebris latitantem in luce collocastis, & ab Ecclesiis avulstis Indicis, corpore quidem, non tamen animo; nam tuto sub vestro præsidio atque patrocinio mihi conceditur facultas, ut iis quoque opem ferre possim: proptereaque maxima muneris Ecclesiastici emolumenta, quibus majora rarissime ullibi reperiuntur, etiam cum sat magno rei meæ familiaris dispendio, sprevi, ut alios pluresque in Domino generem filios, qui Ecclesias pascant Indicas. Læto igitur gratoque animo hanc a Vobis mihi oblatam aggredior Spartam, humillimeque vos rogo, ut civem quondam vestrum, quem in patrium reduxistis solum, nunc recipiatis, vestroque favore & gratia, ut cœpistis, prosequamini.

Nec vestrum, *Athenai hujus Rector Magnifice & reliqui Professores celeberrimi doctissimique*, oblivisci fas erit, quia vestro adjungor collegio, quod maximo mihi honori puto: nam vestro labore floret Gymnasium, superbit Civitas & Comitatus Lingensis. Ad vos, Clarissima hujus Athenæi Lumina, tarde ac incom-

pte

pte mea progreditur Oratio, atque vos enixe rogo, pecto, flagito, ut aliquem inter vos mihi detis locum atque nomen saltem postremum, & cum amore in vestrum me recipiatis consortium. Vestrum laborem imitandum mihi propono, atque a vobis discam quod sum docturus: regite igitur me consilio, præite me virtute, animum addite, & latus fulcite, atque amplexu vestro me beate. Hac interim dextera omnia officia, ad quæ devinctum me profiteor, lubentissime spondeo, nec amicitia, integritate, animi humilitate, & bene merendi conatu ulli vestrum unquam defuturus sum.

Tandem vos apello, Deo dicata iuventus, & sacrata pectora ad promovendam aliorum salutem. Cum nihil solidi in Theologia absque linguarum Orientalium notitia peragi queat, nec Gentium salus absque earum sermonis peritia promoveri possit, adeste mihi vobis præcunti, & ex alia orbis habitabilis parte in patriam reversum varias Gentium linguas docentem audire ne dedignemini. Doctorem enim, Optimi Juvenes, vobis datum videtis, qui se totum quantum vobis studiisque vestris consecrat, non tantum publice, verum etiam privatim, in docendis dictis linguis, cum Orientalibus, tum Indicis. Onus certe gravissimum, cui ferendo humeri mei impares sunt, atque defectuum meorum mihi optime conscius sum, nec in omnibus & singulis plene vobis prodesse potero, aliqualem tamen & non contemnendum vobis propinabo gustum, & ad perfectionem vobiscum contendam: calcarque vos mihi addite, ut docendo quotidie magis magisque discam. Estote ergo me duce diligentes in discendis Orientalibus linguis, ut sincerus divini Sermonis sensus vobis pateat, nec non Indicis, ut vestra ope Evangelium & Mundi Salvator Jesus Christus, unicum illud salutis medium, ad omnes deferatur populos, nomen

Domini magnificetur ab Oriente in Occidentem,  
omnes in universo urbes Canaanis discant linguam,  
atque unitis Deo Ter. Opt. Max. serviant humeris.

## III.

JOH. GEORGII ALTMANNI

Prof. P. &amp; h. t. Rectoris.

## O R A T I O

DE

ILLUSTRI INSCRIPTIONE  
CRUCIS CHRISTI, EJUS-  
QUE MYSTERIO. \*

**Q**Uam eleganti & laudabili instituto moratiores  
gentes, quas nobis veterum scriptorum mo-  
numenta definiunt, Viris illustribus, de patria  
bene meritis, salutis publicæ assertoribus, magnifica  
in victoriarum campis Tropæa crexerint, apud om-  
nes humaniorum literarum cultores cognitum est at-  
que

\* Idem hoc thema in Dissertatione Philologico-Theologica  
exposuit *Gottfried Michael Fetter*, quæ prodiit Lipsiæ  
1725. In qua autem potissimum id agit, ut varias diffi-  
cultates de ordine inscriptionum aliaque expendat, atque  
pessimis Pontificiorum consequentiis quas inde deducunt,  
occurrat: Post hunc Fetterum Vir Cl. *Johannes Wesselius*  
titulum Crucis Domini pro argumento Orationis suæ se-  
legit inauguralis, cum ordinariam Theologiæ professionem  
aggrederetur anno 1712. quo anno typi edita est Lugduni  
Batavorum; quæ cognita, sed mihi nondum visa erat eo  
temporis, quo hanc meam componerem. De affinitate  
utriusque Judex constituendus æquus lector. J. G. A.



que apertum. Solebant itaque gravissimæ molis lapides in sublime exstruere, aut ingentes arbores decisis undique ramis, hostium spoliis, adjectis Victoris victarumque gentium titulis, exornare: Factum hoc ex communi antiquitatis fide, ut nomen & merita heroum vitam sanguinemque pro patria fundentium, ad sequentes hominum ætates transferrent, utque hoc modo beneficiorum memoriam grata recoleret posteritas. In titulo adscriptum erat communiter, quantum agri in monumenti culturam cederet, cautum etiam in ejusmodi inscriptionibus, ne defuncti ossa violarentur, adjecta nomini defuncti lege, de sacris statò tempore redeunte faciendis, floribus rosisque ad monumentum deferendis.

Liceat nobis hac hora A. P. quod præsentis temporis, quod officii nostri ratio & suadet & præcipit, vos ad splendidissimum totius terrarum Orbis monumentum deducere; Accedite mecum ad magnificentissimum illud tropæum, quod Patre cœlesti Filio suo unico benigne providentiæ, non amica manus, non defuncti mœsti hæredes atque propinqui, sed ipsa ad ferale supplicium rapientis judicis conscientia dictavit, quo Salvator in cruce pendens, Victor orbis, Imperator gentis ipsum ad ignominiosam mortem flagitantis, publice declaratur. Attolite mecum oculos vestros ad legendam & considerandam Inscriptionem illam, quæ brevibus & dilucidis verbis concepta, manu licet hominis gentilis exsculpta, ingentis operis gratiæ, redintegratæ salutis, immensæque victoriæ in monte Calvariæ compendium facit, cum Pilatus titulum trilinguem cruci affigit, JESUS NAZARENUS REX JUDÆORUM. Adiectum quondam titulo, quantum agri in monumenti culturam cederet. Adeste Auditores, nam & hoc ex consueta prisca formula factum patebit, tota quippe Syria, doctrina quondam, miraculis &

sanctitate Filii Dei locupletissimus testi: sed ingratulus, sed ad meliorem frugem, ad pietatem vel fidem, ad præsentiam tanti Numinis stupidus & flecti nescius, vobis declarabit, eversa quippe tantæ gentis impiæ fortissima quondam moenia, dispersi Penates, excisa gens tota, & ejecta ex avitis sedibus, quæ ad tantam copiam, ut cum arena litroris maris juxta poneretur, excreverat. Ingens ergo regio fertilis, omni penu atque annona abundans, dum deserta Judæis jacet, tanti monumenti culturam facit. Cautum erat olim sæpiusculæ, ne defuncti ossa violarentur, & hæc sacra in medio turbæ inimicæ videbitis, cum diffractis atque contritis latronum ossibus atque tibiis, intactum mansit sanctissimum corpus, scelestorum manibus dehinc non amplius contrectandum. Sed in more quondam etiam positum erat, ut ad monumentum tanti victoris annuo tempore redeunte Sacra fierent, recentibusque rosis atque variegatis floribus sacer locus conspergeretur. Redit nunc A. H. Cœlesti Victori, nobisque sacratum tempus, quo convenit nos illa loca devota mente invisere, cordeque ad cœlum sublato lustrare, in quibus sanguine Servatoris madentem terram, quo maledictionem omnem detergeret atque mundaret, conspiciamus. Cum ergo in hoc versamur, ut illustrissimam inscriptionem Crucis Servatoris nostri consideremus, non tam meum est hoc tempore, de re gravissimâ, de qua salus nostra & consolatio dependet, vestram exorare benevolentiam, vestrum cum sit, non defatigatas nobilissimo argumento aures commodare, in quo dum eruditionis copia ad familiarem mihi angustiam redigitur, mysterii pictatis amplitudo, latissimos fines & terminos pandit & exercet.

Tot tantaque occurrunt in ignominiosa atque execranda morte Servatoris nostri Divinitatis testimonia, ut qui non ad apertissima hæc documenta occlu-

occlusis velit cæcutire oculis, facile exinde concludere possit, non hominem communi lege naturæ natum, non virum per se mortalem, sed cœlestis originis, sed Deo propinquum & familiarem nefando scelere ad maledictum lignum raptatum fuisse. Testes, quantum nefas perpetrassent Judæi, erant non homines tantum, sed & elementa inanima, Sol, perpetuum & salutare mundi lumen, admissio tanto facinore suum splendorem condebat, tellus ingenti movebatur tremore, summorumque rupium fastigia ingenti fragore distumpuntur & dissiliunt, velum Templi magna arte & sumtu compactum, in duas partes perciditur. Testes adsunt patientis Regis Judæorum spectatores omnes Judæi & Gentiles, quos inter præcipue Centurio, tremefactus tanti spectaculi attonitusque præco, Christum Filium Dei professus, latro in acerbissimis doloribus ad sanctissimum in cruce proximum Sospitorem recurrens. Testis tandem ipse Pilatus, Crucis titulo Christum Regem Judæorum declarans, cujus innocentiam a rabida Procerum Judaicorum turba vindicare nequiverat. Adeste jam Audiros mecumque consistite atque affixam fastigio crucis inscriptionem expendite. Nolo tempora vestra, infauti stipitis, in quem cœli terræque moderator impio & nefando crimine sublatu fuit, formæ recensione morari, cum non longe remoti simus ab illorum mente, qui crucem talem sibi fingunt & proponunt, qualem sedis Romanæ assentatores in viarum crepidine ponunt. De hypopodio res mihi satis incerta videtur, nec Criticorum, disceptationibus quid hac in parte tenendum esset lis confecta, vel ad liquidam veritatem producta videtur. Res prisco jam tempore ad penicillum venit, ad cujus ductum non sculptores tantum sed & Passionis dominicæ Oratores crucem Domini efformabant, & qui in seculis monasticis, perpetua barbarie

& ignorantia horridis, usum imaginum moderabantur, antiquitatis rudes & imperiti, ad figmenta statuariorum recurrerant. De sedili medio, quo cruciariorum corpora sustinerentur, mihi dubium nulum, cum enim in hoc supplicio quæsitum esset maxime, ut execrabili hac morte necatorum cadavera quam diutissime in propatulo servarentur, opus erat sustentaculo, cui corporis pendentis moles incumberet, dissolutis enim membris & putredine laxatis, indeque dilatatis impacatione clavorum ulceribus manuum, corporisque pondere magis deorsum trahente, inanime & horridum corpus brevi tempore è cruce dilapsurum fuisset, nisi tale trunco crucis adjectum fuisset vehiculum. Nostrium non est A. ad has descendere controversias, cavendum enim ne de ligno Crucis solliciti, patientis Christi nos capiat oblivio. De inscriptione autem Christo crucifixo superposita commune habemus Evangelistarum suffragium, & quam Lucas Inscriptionem nuncupat, eam Matthæus ALTIAN, Johannes autem Titulum vocat. Factum hoc communi Romanorum vel lege vel consuetudine, qui ædificiis publicis splendidioribus, monumentis atque sepulchris inscriptiones vel titulos adponebant, hinc Poëtarum elegantissimus de proprio Cenotaphio.

*Sculptaque sunt titulo nostra sepulchra brevi.*

Indeque monitum Virgilianum, de inscriptione ligata oratione adponenda.

*Et tumulum facite, & tumulo superaddite carmen.*

Mos idem obtinebat in homines ad publica supplicia damnatos, quorum crimen mortisque causa supereminenti cornui crucis in tabella affigebatur, ut etiam eminus a viatoribus legi atque conspici posset. Damnato ad crucem adstabat præco, qui elata voce

pro-

promulgabat verba eadem, quæ tabellæ inscripta erant. Ritus hic vulgaris & promiscuus Judæis Romanisque erat, inde etiam eundem in crucifixione Christi observatum fuisse, ratio nulla est cur dubitemus, hincque memoriæ proditum, altissima voce proclamatum fuisse, cum Polycarpus constantissimus Servatoris nostri martyr ad necem insons deducetur, *Polycarpum Christianum esse, qui tertium confessionem eandem professus fuisset.* Perpendite jam mecum A. P. cœlestem Mediatorem nostrum, communi veterum ritu ad ferale supplicium deductum, impio livore & audacia Judæorum in numerum scelestissimorum latronum recensitum, ad extremam dolorum & ignominiae classem depressum & dejectum, Deo vero propiciente publica Præconis voce, publico titulo veritatem eandem, quam coram Pilato cordate denuntiaverat, ab omni crimine in conspectu hostium suorum liberatum. Aderant ex utroque latere homicidæ ad idem mortis genus, demeritas admissi sceleris poenas sustinentes, raptati, sed quam dispar præconis, quam diversum tituli effatum! Latrones illos esse, communes hominum societatis publicosque hostes, in confesso erat. Omnis autem AITIA, omne Jesu Christi crimen & accusatio in eo hærebat, quod se Regem, non mundanum equidem, non ad exemplum Principum, auro purpuraque sublimi in sede superbientem, sed cœlestis sortis & originis, verbo duntaxat spirituque animas hominum flectentem atque delinientem declaraverit, qui æterno amore motus atque pellectus, ad omnes illas ægritudines atque ærumnas ferendas, è Patris sinu in hanc terram, tristissimum per totum vitæ suæ tempus ergastulum descenderit. Titulum ideo vel inscriptionem non accusationem crux habebat, Rex declaratur, non maleficus accusatur. Causa superscripta est offensæ & livoris Judæorum, non proditiōis aut cū-

U u 5

pæ,

pæ, cujus ipsum Judæi proceres, mortalium sacerdotum infimulaverant.

Si jam inscriptionem ipsam spectamus, illam equidem animadvertimus apud tres priores Evangeliorum Scriptores eandem, quam in Johanne legimus, sed in compendium redactam, atque palmaria tantum verba exhibentem: Illam autem Johannes indivulsus Servatoris nostri comes, Divinitatis, passionis atque miraculorum Christi luculentissimus & perpetuus testis, his verbis absolvit *Jesus Nazarenus Rex Judeorum*. Habemus in his A. H. Christum Regem ore manumque Romani Judicis, a Judæis ad iniquam sententiam ferendam adacti, publice declaratum, & quis tam demens est atque nefarius, ut hæc sine numine facta fuisse arbitretur. Injustus fuerat Pilatus Virum innocentissimum ad patibulum rapiendo, inexcusabilis, qui minacibus Procerum Judaicorum verbis se eo abduci passus est, ut contra innocentissimum quem terra hætenus sustinuerat, sententiam capitalem decerneret, his tamen verbis in manus & vincula lictorum atque speculatorum traditum hominem ab omni perduellionis facinore, quo eum impia hostium turba oneraverat, immunem proclamatur atque edicit. Noverat Pilatus, Christum longissime ab omnibus impactis criminibus, quibus personatæ pietatis homines, Pontifices, sacrorum Judaicorum Antistites, eum reum facere frustra tentaverant, remotum, hoc itaque titulo confitetur, non vanum esse augurium & monitum, quod uxor somnians non sine angore concepisset, verumque esse, nec ullo furo in crustatam publicam confessionem Christi, se Regem equidem, non tamen nec Romanis nec Herodi insidias struentem, vel Judæorum ad seditionem ruentium animos, vel foventem vel suscipientem. Tali porro hæc inscriptio formula erat concepta, ut legentes omnes facile conciperent, Pilatum

latum necem Christi ad solos Judæos devolvere, quorum haud obscure livorem & atrocitatem inculcabat, utque hoc modo supplicii infamiam, sententiæque latæ rationem non in delicta & offensas Jesu Nazareni, sed in Magnatum Judæorum, Pilatum ad hanc sententiam oborto collo rapientium, minas, impetum, & inconditum clamorem retunderet, quod si autem hanc Procuratoris Romani inscriptionem accuratius pensitemus, plurima in illa deprehendimus, in quibus præsentissimum divini Numinis ductum & instinctum certissimis non indiciis tantum, sed & testimoniis & documentis percipimus & agnoscimus. In ea autem innocentia Christi convictus Judex Romanus, non tantum omnem immitis sententiæ turpitudinem in graves illos Senatus Judaici Patres devolvit, verum etiam ipse tacitus agnoscit, plurima adesse, quæ suadeant Christum hominem divinum, cujus tanta esset sanctitas, vitæ morumque integritas, ut accusationes & crimina a Judæis Christo objecta ad calumnias atque meram æruginem, nigrumque loliginis succum percenseret; In hoc autem non omne absolvitur hujus inscriptionis mysterium, ad cujus meditationem propius accedendum. Titulum Crucis habemus a Magnate pagano dictatum, sed cujus manum mentemque ita instruxit atque direxit Omnipotens ille, ut rerum omnium ita cordium meditationumque humanarum arbiter, ut omnino profundiora in hoc titulo lateant, quam ipse noverat, qui ejus auctor & dictator a cæca Judæorum gente habebatur, idem enim ille Spiritus, omnia nutu suo frenans atque gubernans, qui os Bileami atque Cajaphæ ad divina oracula edenda aptaverat, & Pontium ad magnificum hoc de divinitate & æterno Messia in Judæos imperio testimonium scribendum impulisse censendus est. Triumphat in ligno execrabili suspensus Salvator mundi, & in abjectissima for-

ma cum latronibus contemtim habitus plenissime probabat, se Regem esse, cujus solium & diadema Pater ita firmaturus esset, ut dehinc omnes vel Judæorum doli & impetus, vel regni inferorum tumultus irritò assultu contra eum lacertos & vires tentaturi forent. Tantum ergo aberat ut vel nuditas in Cruce gloriam ejus atque splendorem, fortiore clavo affixa membra potentiam, suscitati angores ex sensu iræ divinæ, cujus in se pro genere humano placationem susceperat, fortitudinem atque magnanimitatem labefactare, multo minus extinguere possent. Tantum ergo hæc a Pilato verba scripta valebant, quantum ex dictamine illius, qui ea non attendenti & veram significationem aut nescienti aut negligenti Pilato ingesserat, valere & significare possunt. Qui in trabe infami ut mortalium miserrimus pendebat, per se erat Jesus, non tantum hoc nomine per totam Palæstinam notus & compellatus, sed etiam excellentissimæ appellationis vim & majestatem exprimebat; Jussus fuerat Josephus atque Maria hoc nomine illustri compellare puerum divinum, nondum ex utero beatæ matris prognatum, quia is erat Servator generis humani, qui tot animarum milia ex orci faucibus crepturus, æternæque gloriæ & vitæ cœlestis hæredes renuntiaturus esset, nec alia a Patre in æterno pacis consilio via vel ratio detecta fuerat, quo perditas oves, miseras per se inferorum victimas, ad regnum spirituale revocaret, quam execranda mors in ferali robore sustinenda, nec antea Rex a Patre declaratur, quam prius Crucis ærumna & acerbitate Dux salutis, redimendorum stator & vindex, obediens, dolore & morte consummatus foret, merito ergo nomen cruci inscribitur, quod in cruce partum & comparatum fuerat. Animadvertite mecum cum stupore & admiratione A. ex calamo Romani hominis defluentem æternam veritatem;



tatem ; Perpendite ex naturali Pilati caligine & ignorantia fulgentem lucem , ad cujus radios totus collustratur orbis , atque hoc modo divinæ voluntatis & providentiæ vestigia comparent in adjecto Jesu epitheto , quo Pilatus illustrem Cruciarium compellat & distinguit , illum Nazarenum vocando ; talis erat Servator noster non sensu tantum literali , ex ignobili oppido Nazareth ita insignitus , sed etiam testā & abscondita Judæis atque Pilato significatione . Manifestatum fuerat jam prisco veteris œconomix ævo , similem futurum Messiam surculo ex radicibus Isai efflorescenti , quod varicinium equidem Regios ex gente Davidica natales clarissime exponebat , sed simul etiam servilem & abjectam conditionem Christi , quam diu mortalis apud ingratisimum populum Judaicum victurus esset , non obscure significabat . Vos ideo rogo atque testes provoco A. an inter innumera fere Christi nomina atque elogia , aliquod aptius & convenientius titulo Crucis a Pilato potuisset insculpi , quo simul Regia Christi dignitas & origo , simulque despicatus & abjectus Salvatoris patientis status describeretur ; Nec prius poterat ad ingentem arborem surgere & efflorescere hic Davidis surculus , antequam scelestorum manibus & dejectus & decius esset , quo facto ad tantam proceritatem excrevit depressa Cedrus , ut securum fieret perfugium & receptaculum *Nazarenorum exclamantium in monte Ephraim , surgite , & ascendamus in Zion ad Dominum Deum nostrum* . Rex etiam Christus cruci alligatus manebat , imo mortem & ignominiam in cruce ferendo , Regnum acquisivit , prius enim ex æterno Patris decreto semen ex tenebrarum & iræ filiis sibi partum & acquisitum habiturus non erat , quam obediens factus fuisset usque ad Crucis supplicium . Dispar autem hujus Regis cum Imperatoribus , Principibusque terræ conditio , illi splendorem cum diademate atque

que sceptro morientes exuunt atque seponunt, Christus autem Imperium a Patre promissum in Cruce fundat & stabilit, illudque æternum atque immutabile reddit. Christus in Cruce brachia extendit, quibus jam universum orbem complectitur. In altum tollitur, ut omnes gentes illustrissimum hunc victorem Tropæo suo insistentem, omnibusque populis dehinc imperaturum conspicerent. Rex autem Judæorum a Pilato scribitur, cum talis Salvator esset maxima auctoritate & potentia. Regem Filium Dei agnoscebant unanimi suffragio Prophetarum oracula, talem umbræ & typi Veteris Oeconomix declarabant. Rex Israël unctus fuerat ab æterno, talis propositus in promissione de Puero, cujus Principatus repositus esset super humeros ejus, cujus solium fundatum erat per justitiam. Regem se declaraverat Judæis, legem ferendo per ignem, cacuminumque fragorem in monte Sinai, ipse Imperii sui custodes & vindices posuit Principes Judaicos in sedem Moysis surrogatos, Reges ipse constituit Davidem & Salomonem, imperii & dominationis Messix vicarios, illustrissimos tanti Regis typos, Jesu Christi secundum carnem proavos, inde spes & promissio facta de extollendo Mediatore in solium Patris sui Davidis, ut regat æternum in domum Jacobi, sitque sine fine vel termino dominium & potentia ejus. Verum in his non subsistimus A. P. Latius patet, longiusque sese extendit Regnum Jesu Nazareni, sua enim obedientia atque perfectissimo Redemptionis pretio, longe latissimeque per universum terrarum Orbem dilatatum fuit hoc regnum, quod prius angustis Palæstinæ cancellis & arctioribus tantum continebatur limitibus, ad gentes enim deductum, per maria, montiumque aspera propagatur nostri Regis imperium, atque devolvitur ad omnes, qui Judæi vel Israëlitz, non ex circumcisionis ritu & Sacramento, sed secundum

dum Spiritum, quo regente subditi facti fuere universi, qui Christum Regem, Principem, suumque Legislatorem venerantur & agnoscunt, quos regit externe equidem verbo suo, lege divina, quæ talis est rectitudinis & justitiæ, ut omnes veterum Regum, Principumque sapientum Tabulas longe antecellat, interne vero Spiritu suo atque potestate, quæ tanta est, ut immorigeros omnes coercere, rebelles punire, errantes reducere, obediētes ad maximos honoris atque beatitudinis gradus evehere possit. Regiam tandem suam auctoritatem probat, Satanam perpetuum illum atque potentem tenebrarum principem subigendo atque æternis tenebrarum catenis ita domando & concludendo, ut dehinc iratus & iners fremere, suasque mordere catenas adigatur.

Titulum Crucis Christi hætenus atque ejusdem Mysteria expendimus, ad ea nunc ulterius prodeundum, quæ instituti nostri scopus & ratio suo jure ab Oratore in hanc rem dicente, postulare videntur, ad ea ergo accedimus, quæ ex antiquitate eruenda, & quæ si non palmarem, egregiam tamen inscriptionis partem conficiunt atque absolvunt; Dicendum ergo, priscis in more positum fuisse crimina atque delicta cruciandorum tabellæ albo colore inductæ vel inscribere, vel insculpere, ut titulus eminus stanti literis rubro colore pictis lectu facilis fieret atque conspicuus. Utebantur autem Veteres etiam in libris epistolisque scribendis colore purpureo potius, quam atramento, itaque mos inoleverat, ut literas majores omnes minio elegantissimo depingerent, indeque posteriori ævo Rubricæ nomen apud Auctores promiscue mansit atque obtinuit. Consuetudo obtinebat eadem apud priscos in omnibus monumentis publicis, hincque Legum Tabulas ita encausto pingebant & exornabant, ut intuentibus aspectus esset gratus & acceptus, quodque ideo a priscis factum memo-

memoratur, ut inde Cæsari vel Principi aliqua accederet auctoritas. Licet jam non ex illis sim, qui ex rebus levissimis aliquod volunt exsculpere mysterium, notari tamen nihilominus posse videtur, aliquem etiam esse tituli Christi ita depicti significatum & potestatem, cum enim veteres Regnorum atque Rerumpublicarum Moderatores & Antistites gloriam & existimationem in eo reputaverint, nomina sua atque titulos in locis publicis literis colore rubeo splendidissimo notare atque depingere, jure sine controversia eminentissimo, Regum maximus & consummatissimus, eo modo suam dignitatem & potentiam omnibus declarari voluit, quo Cæsares atque Principes majestatis suæ atque imperii testimonia subditis, omnibusque ditionem illorum incolentibus. Sanguine partum & acquisitum imperium aliter quam literis rubicundis in tabula nec scribi, nec promulgari potuisse videtur.

Aliqua hætenus Orationis parte, me defunctum fuisse existimabo, A. H. si in iis quæ diximus singulare Numen animadvertitis, si in Pilato Judice injusto, & Judæis contra innocentiam & sanctitatem Christi sævientibus, nullum capistrum pro sua, qua Romanorum nomine gaudebat potentia imponente, singularem Dei ductum & providentiam agnoscitis. Ad ea jam descendimus, quæ ulterius in Crucis titulo ita manifestum DEI moderamen & imperium nobis depingunt & repræsentant, ut non modicum inde ad firmandam divinitatem Christi simulque totam veritatem Evangelicam fulcrum accedat atque testimonium. Titulum Pontius Pilatus scripsit trilinguem cum Judici Romano, nomine Cæsaris apud Judæos agentis, Latinus, lingua Principis conceptus, sufficere potuisset: Sed aliter visum DEO gloriam & imperium Filii sui jam omnibus gentibus, linguisque omnibus declaranti atque manifestanti. Solius Impe-

Imperatoris Gordiani Cenotaphio inscriptionem lingua Latina, Græca & Persica incisam legimus. Tabulæ publicæ Romanorum maximi momenti & ponderis per totam Palæstinam non nisi Græca, Latinaque lingua affixæ atque æri incisæ legebantur. Quo major esset patientis Christi per totum terrarum ambitum gloria, sanctissimique Nominis promulgatio, incognito sibi stimulo & ductu permotus Procurator Romanus, Salvatorem nostrum Judæis lingua Hebræa aut Syriaca, Judæis Hellenistis Græcisque omnibus Græca, Romanisque terrarum Dominis, a cognitione salutiferæ veritatis remotis, verum proximo jam tempore ad Evangelium invitandis, Latina, Regem annuntiat & proponit. Nostrum jam non est A. O. ad illam deicendere controversiam, Græca ne an Hebræa inscriptionis verba primum in titulo Crucis locum obtinuerint. Lucas Græca, Johannes Hebræa ante ponit. Sufficit nobis cognovisse, Jesum Regem declaratum fuisse a Pilato in omnibus illis linguis, quibus moratiores Gentes familiariter utebantur. Sonticam fuisse rationem Lucæ, quare Græcum titulum primum posuerit, gravem & validam Johanni, cur Hebræum, nos Scriptorum Sacrorum divinitas & sanctitas dubitare neutiquam permittunt. Johannem Judæis præsertim scripsisse, Lucam Græcis, opinantur Viri in Ecclesia magnæ famæ & auctoritatis, atque etiam exinde rationem arcessunt, quare hic in ordine Græcam inscriptionem, Johannes Hebræam primam exaraverit. Nec hoc leve atque vere exigui ponderis dissidium tanti habendum, ut cum quibusdam affirmemus, tres fuisse titulos in tribus depictos tabulis, qui in recta serie a dextra incipiente ita Cruci affixi fuerint, ut Græcus primus, Hebræus vero ultimus fuerit, qui tamen pro primo haberi etiam possit, cum Judæi lectionem a læva incipiant. Nolo ergo A. P. tempora vestra longiori in-

dagatione vel scrutinio litis levissimæ, ad salutem vel cognitionem nostram de Christo nil plane conferentis morari. Unicam fuisse tabulam longiorem, ternariam inscriptionem continentem, ita mihi certum, ut nulla videatur vel ratio vel argumentum, quare ambigamus. Volente & prospiciente Deo, in loco urbi propinquo Cruci affixus fuerat Servator noster, & teste Evangelii & divinitatis Christi præcone Johanne, Judæi plurimi, qui tum temporis ad Festum Paschatis in urbem sanctam ex omnibus oris, quasi agmine factò confluxerant, titulum legebant; Hæc itaque ratione immensum illud atque divinum redemptionis opus in publico Judæorum Gentiumque conspectu gestum fuit atque absolutum. In hanc etiam sententiam jam concesserant præcæ Ecclesiæ Patres, qui eundem inscriptionis ordinem ex mente Johannis recensent, hinc Prudentius.

*Fronte Crucis titulus fit triplex, triplice Lingua  
Agnoscat Judæa legens, & Græcia norit,  
Et venerata Deum, percenseat aurea Roma.*

Terna vice Christus Rex promulgatur, quia ex Judæis, Græcis atque Romanis ingentem numerum testium suæ divinitatis, confessores Crucis, Martyresque habiturus esset. Linguis tribus Filius Dei Princeps populi annuntiatur, quia secundum verissima Prophetarum de eo effata omnis lingua confessura esset, Jesum Christum factum fuisse consummatum Ducem Salutis in gloriam Patris. Judæis ante Græcos proponitur, cum primi essent ad illustrissima bona foederis gratiæ, cujus stator & vindex Christus erat, invitandi. Israelitis succedunt Græci, qui jam dilatatis Ecclesiæ pomœriis ad communionem cum Deo, ad civitatem cœlestem, ad splendidum illud Messiæ convivium essent provocandi. A Græcis ad Romanos cum propaganda esset cœlestis illa doctri-

na atque sapientia , Latina etiam Lingua Gentiles omnes sub iugo Romanorum conclusi certi reddebantur , & apud illos beatum Christi Regnum brevissimo temporis spatio tanto cum successu prædicandum esse , ut non minus beneficiorum Messiae futuri essent participes , ac autem Israelitæ , qui se solos & genuinos Dei filios , salutaris doctrinæ depositarios & custodes hætenus putaverant. A Japhete oriundi alliciendi erant ad tentoria Sethi , cum Japheti posteris , Græcis nimirum , non tantum amicitiae gratæque consuetudinis , sed & consanguinitatis vinculum intercedere , Judæi ipsi fatebantur.

Alligatum Cruci Mediatoris generis humani titulum splendidissimum , Regnum spirituale per totum qua patet orbem proferentem , & ostendentem vidimus. Dum jam in eo sunt plurimi Judæi , ut exinde discant suspensum hunc Jesum Nazarenum Messiam esse , qui patiendo Chirographum cottidiana sacrificiorum immolatione in Templo scriptum deleret ; Dum in eo sunt Græci Romanique plurimi , ut ex candida atque aperta Pilati sententia Jesum Regem & celebrent & agnoscant , ad novam iterum iram suscitantur , & excandescunt Judæi , scriptum a Pilato criminantur titulum , atque vehementius rogant , ne scriberet Jesum esse Regem Judæorum , sed hoc tantum , quod ipse dixerit , se esse Regem Judæorum. Quam perspicue in his videmus A. P. infernale illud odium , quod Pontifices Judæorum , quod personatæ pietatis Proceres Pharisei plurimi , quod Legis divinæ explanatores & Magistri , vera serpentis antiqui progenies , in Christum inter eos docentem semel conceperant , nefandæ Crucis morte & ignominia non extinguere , non leniri , non sedari potuisse. Eo delabatur hæc non Abrahami , sed Cacodæmonis prosapia , ut ex cruce suffurari & impia tangere manu allaboraret , quod provida Dei cura , quod æquitas , quod

veritas, quod Judicis apud Judæos supremi auctoritas dictaverat. Quam aperte & perspicue ex his animadvertimus A. quam egregie isti homines, totius infernalis imperii motus & vires contra Christum suscitantes odio suo & malitia non magis profecerint, quam ut gloria, divinitas, Majestas & Imperium Regni Christi declaretur, magisque etiam per infensissimorum hostium molimina muniatur & confirmetur. Internecinum odium in Christum virgis lacertum, spinea corona misere vulneratum, clavis pedibus manibusque stipiti affixum adhuc excercant mortalium injustissimi & deterrimi, tantopere hos homines pungit innocentiae testificatio, tantopere illos stimulat, quæ iniquum eorum pectus occupaverat invidia, ut gloriæ & veritatis certum testimonium, clavis jam affixum e Cruce avelli & abiici tentarent. Animadvertite quam cito Christus crucifixus Judæis fuerit offendiculo. Pudet impiam gentem habere Regem crucifixum, ad quem tamen supplici rogatione per serpentem æneum clarissime præfiguratum jam accesserat. Verentur ne ingens Judæorum, è Galilæa præsertim, numerus ex verbis Pilati impietatem & injustitiam Pontificum, quos hætenus, coeli Candidatos, pietatis & justitiæ satellites, intemeratos Legis Divinæ custodes & vindices habuerat, cognosceret, & exinde omnem pro Senatu Judæorum existimationem abiceret. Recte omnino astutum & dolosum hoc hominum genus animadvertit, futuros aliquando homines, qui obijcere & inter crimina gentis Judaicæ recensere possent, quod proprium suum Regem in Crucem adegissent, itaque mutatum, deletum & excisum volunt titulum a Pilato scriptum. Ita impietati hoc proprium & peculiare est, ut quæ malè & impie gesta sunt, splendido justitiæ & probitatis velamine tegi velit & obscurari. Sed frustra lacertos movent Judæi, irritò conatu incitantur & excan-



excandescunt contra titulum Crucis fortioribus clavis affixum, jam in corde tot hominum firmatum, in orbe prædicandum, a Patre decretum, atque per ineffabilem seriem seculorum succedentium laudandum & decantandum. Repulit ideo homines protervos Pilatus, cumque ad primum ingensque jam crimen, ut virum sanctissimum ad mortem damneret, ipsum adegissent, a secundo saltem immunis esse & liber recte decrevit. Cur titulum de Cruce avellere aut mutare noluerit, ratio haud dubie non ea est, ac si per leges ipsi non licuisset, ut quidam sanctissimæ hystoriæ mortis Christi Commentatores nullo satis valido ex antiquitate Romana præsidio contendunt. Melior haud dubie ratio exinde petitur, quia Pilatus non tantum, ut ex antiquitate testes habemus Historicos luculentos, ingenio satis esset iracundo, duro & pervicaci, ut quod semel concepisset, haut leviter mutaret, sed & ex eo, quia sæpissime interpellationibus intempestivis & nefariis fatigatus & obrutus, tandem futilem & impiam hanc Pontificum & Sacerdotum plebem a tribunali abigere consultius putabat, quam clementi animo probrosis hominibus in hac causa iterum patientem aurem præbere, nec mihi vana est fides & suspicio, injustam illam contra Christum latam sententiam post ejus executionem ita Pilati insedisse animo, ut senserit quam turpiter a Judæis, quam atroci in æquitatem & justitiam, cujus ipse Primipilus & custos esse debuisset, edicto in Jesum Nazarenum, se corrumpi & deduci passus fuerit. Tanta enim est veritatis & innocentiae vis, ut etiam tum, cum ad supplicium rapitur, profundos in animo & corde hominis impii aculeos figere, incussosque servare possit, hinc cordate respondit, quod scripsi, scripsi. Quæ responsio tantum valebat Judæis, ac si vultu ad minas & iracundiam composito dixisset, non muto sententiam,

ad me judicem immobilis & inflexum frustra defer-  
tis vel petitionem vel obtestationem. Ego autem  
mihi videor spectabiles illos gentis Judaicæ Magna-  
tes, Amplissimi Synedrii Hierosolymitani Patres, co-  
ram Pilati tribunali consistere, illumque pollicita-  
tione, minis, precibus, rogare, hortari, obtestari,  
ut hanc ab illis ignominiam averteret, cum non  
causam mortis titulus exprimeret, sed qui hoc tan-  
tum doceret, qui esset hic Cruciarus. Frustra er-  
go Judæis contra innocentiam bellum est, atque in-  
aniter mutare tentant, quæ Deus in veritatis præsidii-  
um Cruci insculpi decreverat. Rex est Jesus Naza-  
renus, qui nec Regnum nec Regis titulum vel vivus,  
vel mortuus, vel perdere aut deponere unquam pos-  
sit. Licitum fuerat Pilato & Judæis Regem Israël  
in Crucem tollere, sed titulum corrumpere vel surri-  
pere; quem in ipsa Cruce acquisiverat, omnibus li-  
cet contra Sanctum Jehovah concurrentibus hostium  
globis, licitum non erat, immo Romanæ Cohortes  
cum adstante Centurione cavent, ne quis audax &  
temerarius scelestas manus vel Christo vel Cruci in-  
ferat. Videte A. quam accurate & benigne cœlestis  
Pater honorem Filii sui vindicet, quam splendide &  
nomen & sceptrum Regium custodiat eo tempore,  
quo necatus, ignominia & dedecore onustus, atque  
e numero hominum excisus videbatur.

Quam vellem tempus mihi superesse O. A. quo,  
quæ dicta sunt ita ad vitæ nostræ institutionem, &  
ad animæ nostræ consolationem valido argumen-  
torum & probationum pondere vobis depingere, men-  
tique ita alte insingere possem, ut inde ad sanctissimi  
festi celebrationem rite adornaremur. Quam vel-  
lem gravibus dehinc verbis, si angustiores temporis  
cancelli id permetterent, gloriosissimi patientis Regis  
nostri dignitatem & excellentiam extollere & describe-  
re, ut mente ad veram pietatem deflecta, corde ad hu-  
mili.

militatem & fidem contrito, memores essemus, Christum Nazarenum Regnum sibi in Cruce acquisivisse cujus non tantum simus subditi, sed concives, sed gloriæ, sed potentiæ, sed amplitudinis in Cruce partæ hæredes. Sit ergo titulus Regis nostri inscriptus non in ligneis tabellis vel arborum truncis, sed in cordibus nostris. Vestrum præsertim est, Studiosi Præstantissimi, ad quos propius hæc mea spectat Oratio, animum atque studia vestra eo intendere, ut vos dignos reddatis tanti Regis præcones atque ministros. Hujus nostri Regis honores, potentia & dignitas dehinc non in albicante titulo depinguntur, sed vestro ore, vestra lingua, quantus Jesus noster Nazarenus sit mortalium Princeps, quanta sint Imperii ejus emolumenta, quanta subditorum ejus dignitas, describenda & exponenda erunt. Animum ergo vestrum, labores & meditationes in id ponite, ut emissi aliquando mysterii de Jesu Christo crucifixo Oratores, Regnum illius dilatare, salutarem veritatem propagare & defendere, homines naturali vitiositate ad omne nefas proruentes ex præsentissimis perditionis æternæ catenis eripere, Christoque Regi nostro & unico Salvatori sanctos & inculpatos adducere possitis. Mature ergo parate animas vestras ad tantum Regem in præcordia vestra suscipiendum & adorandum, antequam ad publicam de eo Concionem accedatis. Hunc Jesum Cruci equidem alligatum hoc tempore nobis proponendum, brachiaque sua in execrando ligno extendentem, aliquando & vos aliis Regem adorandum promulgabitis, operam ergo navate sedulam, ne inutiles fiatis aut indocti tanti Regis, tanti Doctoris Oratores, qui æterna equidem gloria illos beare statuit, qui assidui, qui fervidi, qui fide amoreque in ipsum incensi ejus benignitatem, merita atque in genus humanum amorem celebrant & extollunt, æternis autem cruciatibus &

ignominia illos plectere & torquere, qui segniter, qui remisse, aut levis lucra gratia, ad tantum munus expediendum accedunt. Beatos autem vos, nosque omnes, qui sentiunt & persuasi sunt, Christum esse Regem & vindicem nostrum, qui nos immunes reddidit & liberos ab omni conscientiae accusatione, ab omni corruptae carnis crimine, & omni tenebrarum & infesti nobis serpentis coram tremendo tribunali tanti Judicis delatione. Exulemus ideo hoc tempore, meditantes Christum peccata nostra secum sustulisse in Crucem, ibique ita eliminasse scelerum nostrorum contra nos scripta volumina, ut erecta dehinc cervice, integraque conscientia possimus exclamare, Jesus Nazarenus Rex noster, qui regnat & gubernat in coelo & in terra! cui soli in æternum sit laus & gloria. DIXI.

\*\*\*\*\*

JAC. CHRISTOPHORI BECKII

P. P. Basil.

*Animadversio ad Aëtor. Lips. Suppl.*

*T. III. S. 4. p. 170.*

§. I.

**F**Aëtor, me non mediocriter animo commotum fuisse, cum nuper in pervolvendis *Supplementis ad Nova Acta Eruditorum*, quæ Lipsiæ prodeunt, *Tomo III. Sect. 4. p. 170.* atrocem in Helvetiam nostram & Helvetiæ Litteratos investivam legerem. Neque tam me adfecit injuria Patriæ meæ patriisque Musis illata, quam illius, qui *Articuli*, quem designavi, Auctor est; invidia cum ignorantia non mediocri conjuncta.

juncta. Non is sum, qui nesciam, quam eruditi sint, quamque boni plerique eorum, qui in *Actis* illis *Supplementisque* concinnandis elaborant. Si quis istorum hunc, de quo agimus, *Articulum* composuisset, certissimus sum, neque invidiam talem, neque ignorantiam in eo se prodituram fuisse. Itaque non cum illorum quoquam, sed cum hoc mihi res est, qui invidia flagrans, ignorantiaque obcæcatus, *PATRIAM MEAM, MUSASQUE HELVETIAS* tam contumeliose tractavit, ut contumeliosius tractare non posset.

§. II.

En Tibi, Lector, omnem rem. Tuo enim judicio subijciam. Tuum esto arbitrium: *Autor Articuli Lipsiensis* si qua in re sibi injuriam factam putabit, publice ostendat. Aut deprecabor ego, aut non factam docebo. Annus agebatur Seculi istius XXXV. cum Vir Celeberrimus, *JOH. GEORGIUS ALTMANNUS*, Ethices & Ling. Græc. in Lyceo Bernensi *Prof.* ejusdemque nunc *Rector* fasciculum primum eruditæ Dissertationum variarum Collectionis, cum inscriptione: *TEMPE HELVETICA*: ederet. Institutum laudabile & magno cum fructu junctum esse nemo non fatebatur. Itaque emere omnes, lætitare; Diatribas rariores, aut in scriniis latentes mittere, novas etiam, prout res ferebat, elaborare. Quapropter & micum non accidit; quod designati *Articuli* Auctor eam rem tantopere laudibus extulerit. Nihil enim dicit, quod non superet *VIRI AMICISSIMI* Labor & Studium.

§. III.

Verum hoc quis non indignissime ferat, quod, ex hac re occasione utcumque capta, Helvetiam Helvetiæque Musas gravissima contumelia adficiat? Ita enim incipit: *Quæ olim nonnisi horridis montibus & vastissimis Sylvis nota fuit exteris Helvetia, ea nunc elegantes nobis*

offert *Observationum selectissimarum fasciculos. Gratulamur Litteratæ Civitati &c.* Hem ! quid est ? Sed audi porro. Finitur *Articulus* : *Hæ ergo, sunt Musarum Helvetiarum primitiæ, quæ spem faciunt fore, ut patrima Virgo has quoque oras à barbarie liberet, & semibarbaros olim homines in cultorum humanitatis censum adscribat. Nos vero & Helvetiis de hac felicitate, & Civitati Litteratæ de tanto incremento impense gratulamur. O desides Musas Helvetias : O barbaras oras ! O Homines semibarbaros ! Itane nunc demum futurum, ut patrima Virgo vobis succurrat, à barbarie ad humanitatis cultum traducat, & Litteratæ demum Civitati adscribat ?*

Scilicet

*Verecun in Patria crassoque sub aëre nati,  
qui poteratis citius à barbarie liberari ?*

#### §. IV.

Sed illud singulare est, nec sine animadversione prætermittendum, quod nulla re alia exteris innouit *HELVETIA* ante annum *M DCC XXXV.* quam horridis montibus & vastissimis Sylvis. Quid enim quæso, sibi vult istud *OLIM* ? Si illud tempus significat, quod compluribus seculis nostrum istud antecessit, eleganter sane dictum est : *Quæ OLIM nonnisi horridis montibus & vastissimis Sylvis nota fuit exteris Helvetia, ea nunc &c.* Nam ab eo tempore, quod *OLIM* fuit, ad annum 1735. nullum fuit tempus. Semibarbari *OLIM*, i. e. ante complura Sæcula, homines, nunc demum post annum 1735. in *Cultorum humanitatis Censum* referuntur. Imo ne nunc quidem : Sed spes est, fore, ut *patrima Virgo* Musarum nostrarum, oblati semel *primitiis*, misereatur.

*Spektatum admissi risum teneatis amici !*

#### §. V.

Quid si vero illud *OLIM* in oratione hominis nostri

stri omne tempus designet, quod ante *Cal. Januarias* anni 1735. est elapsum, nonne lepidum est, unum diem tantam rerum attulisse commutationem, ut cum *ANTE EUM DIEM* non nisi horridis montibus & vastissimis Sylvis nota fuerit exteris *Helvetia*, *NUNC* omni barbarie sublata, semibarbari homines in cultorum humanitatis censum adscribantur? Sed quid miraris? In media harum orarum barbarie non barbari tamen homines, sed semibarbari olim fuere, quos in cultorum humanitatis Censum adscribere eo facilius fuit, quod quantum ab humanitate, tantum à Barbarie, in barbaris licet *Oris* viventes, abfuerunt. Recte sane. Hoc enim est sapere.

§. VI.

Videlicet, *Helvetia* olim nonnisi horridis Montibus & vastissimis Sylvis nota fuit exteris.

Ibant obscuri sola sub nocte per umbram, (a.)

Perque Domos Ditis vacuas, & inania regna.

Quale per incertam Lunam sub luce maligna

Est iter in Sylvis: ubi Coelum condidit umbra

Juppiter; & rebus nox abstulit atra colorem,

Fuisse itaque oportet *Helvetiæ* aliam *OLIM* sortem, quam *Saxonie*, *Thuringiæ*, *Franconia*. Illa horridis montibus & vastissimis Sylvis obsita: hæ elegantissime excultæ. Illa *OLIM* efferata barbarie: hæ jam tum *Musarum* Domicilium, omnisque humanitatis sede. Illa semibarbaros habens incolas; hæ Civitatem Litteratam, Neque verum est, quod *Cæsar*, *Tacitus* aliique de omni *Germania Veteri* scripserunt, (b.) informem terris, asperam Cælo, tristem cultu aspectuque fuisse. Nulli in *Germania* montes, nullæ Sylvæ. Non erat ibi *Hercynia*, (c.) cujus latitudo *IX. dierum* iter expedito pate-

ret,

(a.) Virg. L. VI. Aen. (b.) Tacit. Germ. C. 2.

(c.) Cæs. B. G. L. VI. 24.

ret, & *cujus neque initium, cum LX. dierum iter proceſſeris, neque finem invenires.* Non erat *Bacenis*, (d.) infinitæ magnitudinis, non *Cæſia*, non *Gabreta*, non *Marciana Sylva*. Quod ſi Montes & Sylvas in opprobrium Genti veritas, apparet *Germaniam* eidem opprobrio obnoxiam eſſe.

### §. VII.

Quid enim de *Germania OLIM* dictum eſt laudabile, quod non eodem tempore de *Helvetia* dictum ſit, dicere potuerit? Quid viciffim Suevi, Chatti, Chauci, Bruſteri, Chamavi, Tubantes? Quid Uſippii, Tenchteri, Sicambri? Quid Cheruſci, Cimbri, Teutones? Quid Marcomanni, Harudes, Quadi, ſexcentæque Nationes ejusmodi? Fuerunt ne *Helvetii* magis *Barbari* quam omnes illi? Non puto: neque quiquam adfirmabit. Sed proſecto illud quoque apertum eſt, citius *Helvetios* ad humanitatis cultum tractos, quam *Germanos*, & eos potiſſimum *Germanos*, qui circa *Albim* ſedes habent. Quis neſcit, maturius Romanos in Gallias, (quarum olim pars *Helvetia*) penetraſſe? à quibus omnis morum ingeniique cultura propemodum ſolis in hæc Occidentis Septentrionisque Climata tranſiit. Veteris aut Medii *Ævi* Hiſtoriæ proſum ignarus ſit oportet, cui heic aliquid dubitationis hæreat.

### §. VIII.

Si vero propiora nobis tempora reſpicit illud *OLIM* noſtrum, & de Artibus Studiisque Litterarum agendum eſt, quemadmodum ſane iſtis potiſſimum heic locus eſt; ecquis eſt, qui neſciat, *Helvetiam* non nunc demum *Muſarum ſuarum primitias* offerre? Notum eſt poſt Romanorum illud aureum Seculam, irumpentibus ex *Germania* reliquoque Septentrione Barbaris, miſerabilem plane Italiæ Galliæque fuiſſe Con-

(d.) Id. ib. Cap. 10.



Conditionem, non tamen miserabiliorem, quam ipsius Germaniæ Septentrionisque. Cum primum vero meliora adfulgere tempora cœpere, & Litteræ, ut ajunt, renasci, *HELVETIAM* quoque scimus luminis istius radiis continuo fuisse illustratam. Ecclesiæ Scholæque ubique sunt constitutæ. Nobiliores Urbes singulæ sua sibi constituerunt Lycea, ubi juvenus bonis litteris & artibus erudiretur. Quid Academias, *Genevensem* atque *Lausannensem*, quid nostram istam *Basileensem* commemorem, quæ intra viginti annos, Volente Deo tertium complebit Seculum? Estne ullum Disciplinæ genus, in quo non totidem *HELVETIA* Viros claros producere possit, quot alia quæcunque ejusdem amplitudinis provincia?

§. IX.

Non est otium, Disciplinas nunc percurrere, & quot quantique in illis per *HELVETIAM* floruerint, demonstrare. Historiæ Litterariæ Auctores inspicere jubeo eum, qui ad *Eruditorum Acta* Symbolam conferre satagit. Sin vero mavult ille, quisquis sit, contumeliosi in *HELVETIAM* Articuli Auctor, à me enumerari Patriæ nostræ Lumina, non recusabo laborem pium justumque. Dabo tum ei Theologos, Dabo Jurisconsultos; Dabo Medicos, Philosophos; & in his quidem Mathematicos, quales vix alibi invenerit. Non deerunt Historici, neque Critici, neque Polyhistori notissimi. Verbo dicam: non erit quod Patriam ille suam Helvetiæ nostræ præferat.

*Si ad vitulam spectet, nihil est quod pocula laudet.*

§. X.

Neque enim ex Scriptoris istius ingenio de reliquis exterorum judicamus; neque credimus, quod antehac nonnisi horridis Montibus & vastissimis Sylvis nota fuerit *EXTERIS* Helvetia, quia ipse aut reliqua omnia  
*Helvetia*

*Helvetiæ bona ignoravit, aut invidia, quæ virtutis & gloriæ comes est, præpeditus, nescire se simulavit. Quapropter desinat sperare, ut à barbarie liberentur Helvetii & semibarbari olim homines in cultorum humanitatis censum adscribantur. Non speramus, quæ dudum sunt facta. Desinat gratulari Helvetiis de hac felicitate, & Civitati Literatæ de tanto incremento. Licet enim (e.) sera gratulatio reprehendi non soleat, præsertim si nulla negligentia est prætermissa: Non est tamen prudentis hominis, de ea re gratulari, quæ ante plura Secula contigit. Alioquin responderi posset id, quod Tiberius Cæsar (f.) Iliensium Legatis paullo serius consolantibus: Se quoque, respondit, vicem eorum dolere, quod egregium Civem Hectorem amisissent.*

## T A N T U M.

(e.) Cic. Fam. L. II. Ep. 7. (f.) Suet. Tib. c. 52.



GRA-

\*\*\*

IV.

\* GRATULATIO PANEGYRICA

*Eminentissimo S. R. Ecclesie Cardinali*

DOMINICO ex COMITIBUS PASSIONEI,

Archi-Episc. Ephesino & D. N. Clementis  
P.P. XII.

*Brevium Apostolicorum Secretario,*

Ob acceptam pro meritis purpuram, gratitudinis & venerationis ergo oblata, Anno  
MDCCXXXVIII. mense Octobri.

**I**Nterea, dum tanta teris subsellia laudum  
ANTISTES, nunquamque manus lassatur  
agendo

Pro Superum causa; gelidas transcurrit in Alpes  
Fama

\* Lusus istos poeticos, quibus convicia in Gentem Helveticam incautius jacta strenue diluuntur, ob argumenti adfinitatem adjicere visum est. Gratulatio isthæc Panegyrica, cujus eam particulam, quæ Eminentiss. Cardinalis PASSIONEI res in Helvetica Legatione præclare gestas poetica licentia exponit, summa fide excerptam sistimus, prodiit in lucem Viennæ Austriæ splendidissimis typis excusa apud Leopoldum Joannem Kalivoda. Quis hujus Panegyrici autor sit, equidem pro certo adfirmare non ausim: Sunt, qui sibi eum suo indicio deprehendisse videntur; siquidem circa finem Panegyrici ipse de se:

Fama recens, montesque ferit rumore secundo,  
 Helveticis ubi *dura* rigent *præcordia* saxis.  
 Urbs jacet *hirsutis* circumdata *montibus*, alto

Inter-

- - - - - Quod *nuper* in auras  
*Emisi*, *Protektor*, *opus* defendis, & inter  
 Heroum, Regumque domos, aulamque ter almi  
 Pontificis laudare studes. - - - - -

opus autem istud diversum non esse ab illo, quod nuper  
 in dias luminis auras prodiit Viennæ sub titulo : *Genea-*  
*logia diplomatica Augustissimæ Domus Habsburgicæ*, au-  
 tore R. P. *Marquardo Herrgoett*, Ordinis S. Bened. Ca-  
 pitul. conjiciunt ex versibus, quibus operis illius argu-  
 mentum plenius persequitur idem anonymus autor :

- - - - - Sic sanguis avitus,  
*Habsburgicum* genus, Proavis illustribus ortus,  
 Turba per augustas commendatissima ceras  
 Notior evadet, lucemque videbit apricam  
 Te duce, Te sternente vias. - - - - -

Cum vero doctissimus operis Genealogico - Diplomatici  
 autor usque perneget, sibi carminis leges unquam fuisse  
 cognitatas, alii P. *Franc. Carol. Pankelium*, Vienna oriun-  
 dum, Præconem Castrens, hujus Panegyrici autorem ef-  
 se censent; cujus in condendo opere Genealogico- Diplo-  
 matico non infimas fuisse partes ipse R. P. *Marquard*  
*Herrgoett* testis est omni exceptione major : Qui autem  
 in eundem conveniant, quæ in principio Panegyrici ha-  
 bentur, non intelligo, dum ita affatur purpuratum Præ-  
 sulem :

Inter honorificas studia non desine curas  
*Dum præcul a Patria* regales incolo sedes  
 Archiducum. - - - - -

Forte sociata opera Panegyricum hunc conditum aliquis  
 non sine veri specie conjecerit ; ita enim quod uni non  
 conveniret, ad alterum apprimè referri posset. P. B.

Interfusa lacu ; gens huic antiqua Lucernæ  
Cognomen tribuit ; Lampas quia fulserat olim  
Hanc prope , navigiisque viam patefecit in undis ,  
Ceu Pharon Aegyptus similem construxit in usum.

*Mitteris huc , gentesque rudes legata Potestas  
Emendat , rigidos & adhuc de semine Pyrrhæ  
Mollit , & ingenua lenit dulcedine sensus.*

*Quæ non seditio , quis non in plebe tumultus  
Te pu nas inhibente cadat ? quæ moribus excors  
Barbaries , quam non faciei gratia frangat ?*

Aut quis non sitiens verborum mella tuorum  
Deserat Aonidum colles , Rhodopenque canoram  
Orphæa ludente lyra ? Succurrite vati  
Pegasis facunda cohors , aut laudibus æquis  
Vos ipsæ celebrate VIRUM , quem suspicit orbis  
Romanæ columen fidei , pignusque salutis.

Non ego , si toto madeam Permessidis amne ,  
Plectraque Phæbeæ faveant mihi conscia vocis ,  
Percensere queam , quantis sudoribus acto  
Vindice tam forti felix Ecclesia lætum

Erexit caput , & reprobos grave fulmen in hostes  
*Misit , Avernaliq. tulit de nocte triumphum.*

Nec mora , nec requies : seu Sol remeabat Eous ,  
Hesperis seu rursus aquis se merfit , adauges

• Numinis obsequium , stabilitaque jura sacrorum  
Afferis , & valido propugnans strenuus oestro.

Cælicolum jam recta placet procul avia longo  
Visere circuitu : jam casu sortis in arcto

Solaris miseros : morbis divina ministras  
Pharmaca jam mystes , dispensatorque fidelis  
Dulciter auxilium præstas , & sacra THEANDRI.

Jam partes Doctoris agis , cathedrasque sonoras  
Concutis , & plebis suspensas imbuis aures  
Eloquio spirante Deum , præcoque disertus  
Tharsensem clangore Tubam penetrante propinas  
Alter Evangelii zelator , Apostolus alter.

Vivit, & æternis implebit secula lucris.

Copia tot locuples operum, seriesque librorum  
Cadmæis excula typis, quos Numine fœtus  
Scripsisti, PATER, & sceros ditare nepotes  
Visus es, & doctas orbi dispergere gazas.

Confidet ad Chartas Sapia, confidet alma  
Religio, spoliūque vetant has esse maligni  
Temporis, aut scabræ corrodi dente senectæ.

Et vero quis livor iners, obscuraque nubes.

Obruat ingenium tanta spectabile luce,

Tot radiis insigne caput? gens noctis opacæ,

Turpis Aristarchus, tumefacti felle Theones,

Et quisquis critico chartas eviscerat ungue,

Caligant ad grande jubar, longeque recedunt,

Obruerer cumulo, si singula prodere versu

Aggredior, calamusque stupet. Quodcunque vo-  
lumen

Notitiæ majoris eget; qui delitet ævo

Autographi scribentis apex, hodiernaque lassat

Pectora; de terris effossa metalla, vetustæ

Helladis Ausonidumque labor; tot gesta priorum

Historico memoranda stylo, tam mente recenset

Eximia, propriisque tenes tam moribus annos,

India quam gemmas novit, quam thura Sabæus,

Balsama fuscus Arabs. Fidei salvantis Atlantes,

Dalmata purpureus, Lybiæ jubar Augustinus,

Et reliqui, quorum vestigia basiat orbis.

Divino quicquid repleti Pneumate dudum

Ore loquebantur sacro, tua cura laborat

Noscere, multifidisque volumina maxima formis

Elatebras ratione potens, sudore perenni,

Non uno sermone loquens; dum voce Pelasga,

Et Lingua, quam priscus Heber cognomine signat,

Verba refert, aliosque sonos ex fonte reducis.

Artibus imbutus solidis excurre in omnes

Palladio rumore Scholas, & conscia famæ

Pulpita

Pulpita perpetuæ. Quisquis caput evehit astris  
Ingenii splendore boni, magnasque per urbes  
Monstrari digito meruit, tua nomina, PRAESUL,  
Adnotat insigni consumatissima laude,  
Et titulos tibi promit ovans; nec rarius audis  
Mecænas operum, protectoremque fideli  
Officio petiere libri, gaudentque sub auras  
Auspiciis prodire tuis: clamor ubique  
Plausus it in cathedras: sancta delubra Minervæ  
A motu saliant, & marmora surda videntur  
Gratantem dare velle sonum. . . . .

\* \* \* \* \*

# ANIMADVERSIO HEROICA

IN POETAM

Laudes Eminentiss. Cardinalis PASSIONEI  
per convicia Nationis Helveticæ adu-  
lenter concinnantem.

**N**on bene Castalidum totum te fonte repletum  
Scriptorem exclamem! facilis cui vena vagatur  
Præfulis in varias virtutum carmine Laudes:  
In varias dixi, certeque graves; quibus impar  
Effet, ut includat, tractet justeque volumen,  
Has tu tam grato, quam præclaro ordine promis  
Omnes, ut quicumque videt tua carmina, mirans  
Et nares ringens, humeros, ac ora retorquens  
Ecce ait: insolitum! sacro liquore Poetam  
Perfusum, nimioque mero, qui vix sibi compos.  
Et titubabat similis sensu vel mente carenti,  
Allegit hoc, confundit idem, nunc applicat istud.  
Haud secus, ac Hernicæ animal probofide longa

X y a

Rumi

Ruminat in filva, vertit susque omnia deque.  
 Ecquid enim? (maneat tua laus tibi Præsul amussi)  
 Ecquid enim licuit probrose scindere Gentis  
 Illius famam, foret ut famosior iste?  
 Illius Gentis, quæ longum extendit in ævum  
 Nativas laudes; Animosi Mascula Telli,  
 Non Pyrrhæ soboles; valide sua Tela revibrans  
 Quoslibet in Satyros, qui Scommata montibus æqua  
 Evomitant, Patriæque suum populantur honorem.  
 Verum quam magnas superaddis Præsulis ostro  
 Laudes? dum dextram, quæ Pontificale ferebat  
 Digna pedum, ferula pueros moderante decoras,  
 Hosque rudes, rigidos: quanta hæc Legata Potestas?  
 Quorum Sacratius Præsul didasculus audit  
 Emendans mores? sed & hoc jactare cavillo  
 Te poteris nunquam: retinet Gens Helveta mores  
 Mordicus antiquos, Sancta, & pro lege tuetur.  
 Ipsemet hoc debet testari Præsul & Ipse  
 Expertus dicet, quod quem Romana Lucernam  
 Curia Legatum mittit, noscatur ab illa  
 Haud aliter, quam, qui sublimem Cæsaris adstat  
 Ante Thronum; tanquam clarum colit illa Mini-  
 strum.

Isque Magistratus nescit tolerare Magistrum.  
 Ecloga sed quorsum sylvestrem tibia mentem  
 Abripit ecce tuam? meritis dum ferre minerval  
 Præsulis, *hirsutos* statuis pro munere *montes*  
 Gens ubi *dura* riget: poteris sperare profecto  
 Ut quoque, quod temet gratioso lumine Præsul  
 Aspiciet, reddens memori de pectore grates,  
 Nictu detque tuo, quoque pectorale cucullo.  
 Non bene te toto Permissidis amne Poëtam  
 Perfusum dixi, fecit quem musa procacem  
 Musa novem supra, vulgo quæ Passio dicta,  
 Passio dictavit, complevit passio carmen,  
 Et nostram rostro perstrinxit passio gentem.

Non



Non ita scripsisses, ni mens tibi læva fuisset.  
 Sed & hoc monuisse juvabit,  
 Arctius Historici partes lexplere necesse est,  
 Purgatoque magis stomacho Policeia vereri  
 Jura, nec absurde veris innectere falsa.  
 Si cupis augusto (quod te nunc mente moliri  
 Affirmant) operi fidem famamque teneri:  
 Addere plura piget; tibi nunc Responsa licebit  
 Helvetiam exosis formare Theonibus, & sic  
 Hiponactheas aliorum inflectere sannas.

## Brevis Observatio

### *Aliquarum Quantitatum in animad- versione Heroica.*

**O**B male scandentem Lector ne scandala sumas,  
 Saxosam ob patriam claudicat ille pede.  
 Helveticos nasu Satyrus traxisse putabat,  
 Scilicet hinc illis *Longa Proboscis* erit.  
*Gratia* longa quidem, *gratiosum* dicere culpat,  
 Verum *Blandiloquo* competet ista brevis.  
 Consistit pedibus quoque *Pectorale* poetis  
*Pectoribus* momi sistere posse, negant.  
 Magna quidem *Moles* Veterum monumenta referre,  
 Sed jam testificant *Edita* prima brevem:  
 Conturbare quidem potuit grave *fulmen* ab alto,  
 Helveticis longa est nil minus inde *Fides*.

\* \* \* \*  
 \* \* \*  
 \* \*

\* \* \* \* \*

EPISTOLA  
FRANCISCI CAROLI  
PANKELII,

ad

Verificatorem Helvet. Lucernens.

Qui (impudenter, dicam, an ignoranter) in

Gratulatione Panegyrica

*Eminentiss. S. Rom. Eccl. Cardinali*

DOMINICO PASSIO-  
NEI,

metricè elaborata,

✻ A. MDCCXXXVIII. Vienn. Austr. typis excusa.

Gentem suam per convitia traduci credidit, & ver-  
siculis aliquot infelici Minerva in lucem protrusis  
in Panegyristen Calumniator invehitur.

**L**itera, quæ peregrum sine me decurris ad axem,  
Protege Scriptoris fida ministra caput.

Et simul adversum victrix pugnabis in hostem,

Qui jacet insana metrica tela manu.

Scilicet est aliquis, qui se putat esse Poëtam

Et laudem populi posse juvare sui.

Ille tamen (Phœbum testor, Pindumque, Deasque)

Castalio guttam vix bene fonte bibit.

Insu-

Insuper haut voluit, quo charta sit edita proelo  
 Scribere, quippe typi nomine charta caret.  
 Quisquis es, aut ubicunque, tamen tibi fabor ad aures  
 Quosque cano, numeris inveniere meis.  
 Dic mihi, quis Livor, quæ te furiavit Erynnis,  
 Ut ructes stolidi probra nefanda crisi?  
 Ut primum vidi mendis gravioribus auctos  
 Versiculos, ferulam, qui meruere pati;  
 Mirabar, quantas gravis Ignorantia vires  
 Præsumat. Quid non ebria Musa vomit?  
 Tunc Lucernensem defendes, quæso, Senatam  
 Voce rudis, vacuus Palladis, artis inops?  
 Ille Magistratus Musa meliore meretur  
 Publica virtutes ferre per ora suas.  
 Primus hic ex Pagis (quæ gloria summa) tuetur  
 Romanam stabili Religione fidem.  
 Germana gravitate Viros, gentemque potentem  
 Helvetios semper Gloria digna vehat.  
 His Ego, quo clarent, non sum populatus honorem  
 Musaque Laudatrix, (sed sine dente) fuit.  
 Ansonia de Gente Pater, cui Roma dat ostrum  
 Fulciit heroæ carmina nostra pede.  
 Ut tamen agnoscas, quam mens tibi desipit amens;  
 Explico, quos Versus ungue nocente premis.  
 Helveticis ubi DURA RIGENT PRÆCORDIA  
 Saxis. (a.)

Offendunt Stomachum talia dicta tuum.

Y y 4

Gra.

(a.) DURUS i. e. laboriosus. Laudem sonat, non vituperium. Ita Auth. Class. Virgilius ubi Apollinem ad Aeneæ Socios ita loquentem inducit:

Dardanidæ *duri*, quæ vos a stirpe Parentum

Prima tulit tellus. &c. Æneid. L. III.

Idem Æneid. L. IX. Romulus gentem suam bellis assuetam ita extollit:

*Durum*

Grammaticaster iners, verborum percipe sensum;  
Nec prius in furias vindice voce ruas.

Errarunt veteres ( si Dis placet ) ergo Poetæ ,

Qui simili laudes explicuere phrasi.

Urbs jacet HIRSUTIS circumdata MONTIBUS

( b. ) Heu me !

Hic iterum gelida fulmen ab Alpe tonat.

Aspexi multas includi montibus urbēs ,

Senserunt clausæ nil tamen inde mali.

Defendunt Scopuli ( ceu munimenta ) propinquo

Ut magis hinc populus liber ab hoste foret ,

Finge sed HIRSUTOS poni pro crimine MONTES ;

Naturæ fierent crimina , non hominum.

Mitteris huc, GENTESQUE RUDES Legata Potestas

EMENDAT. ( c. ) Rursum verba probrosa vocas.

Id quoque displicuit : Rigidos de Semine Pyrrhæ. ( d. )

Væ mihi , quot jaculis obruor ? unde salus ?

Sed

*Durum* a stirpe genus, natos ad flumina primum

Deferimus, sævoque gelu duramus, & undis.

Ovid. Trist. L. I. Eleg. IV. Ulysses ita commendabat.

Illi corpus erat *durum*, patiensque laborum.

& alii authores passim, quos forsan nec de nomine novit  
obtrectator.

( b. ) *Urbs jacet* &c. Mirum est, auctorem animadversionis  
ad descriptionem loci & regionis advertisse, cum hæc ni-  
hil ad incolas. Interim notet illud Ovid. de Ponto L. IV.

- - - - - Tomitæ

Quos ego cum loca sim vestra perosus, amo.

& paulo infra.

In loca, non homines, verissima crimina dixi

Culpatis vestrum vos quoque sæpe solum.

( e. ) ( d. ) *Mitteris huc* &c. & *rigidos* &c. Vide Ovid. Me-  
tam. L. I. Fabula mihi XI. ubi reparatio generis humani  
per Deucal. & Pyrrh.

Sed depono metum, nec me piget ista locutum.

Pro clypeo veterum prendere scripta lubet.

Naso dat hunc nobis mortalibus omnibus ortum,

Dum Pyrrha canit, & Deucalione fatos.

Dumque sumus Pyrrhae soboles, ceu saxea moles,

Ecquis nos rigidos, quis neget esse rudes?

Quæ non Seditio, quis non in plebe tumultus,

Quæ non barbaries, te prohibente, cadat? (e.)

Hæc iterum pungunt; sic ignorantia censet.

At vox Helveticos attinet ista nihil.

Qui bonus Orator dici meret, ille profecto

Per populos motum conciliare potest.

PRAESULIS eloquium laudavimus; ergo tumultus

Illius ad Suada, Seditioque cadet.

Vindice quo felix Ecclesia fulmen in hostes

Emisit reprobos, perdomuitque stygem. (f.)

Hostes, quos pugnans Ecclesia fulmine sternit,

Crimina sunt, pestes ex Acheronte satæ.

Quid prohibet, cur non hominum delicta feriret

Legatus Romæ; Cardineusque Pater?

Qui plectit scelus, & suadet meliora, Magistrum (g.)

Jure vocas; cur vox displicet illa tamen?

Heu rudis Interpres, & Censor inique vetustis

Quem patet ex chartis noscere poene nihil?

Ore Theon blateras, miscesque quadrata rotundis,

Et stipas denso scommata crassa globo.

An non grande nefas, illum mordere canino

Dente VIRUM, purus, qui sine labe sapit?

Y y 5

Si

(e.) *Quæ non Seditio.* &c. sunt generatim dicta per modum Amplificationis poeticæ, qua locutione imitor iisdem ferme verbis Claudianum de Conf. Theod. Mall. quem modum carmen exornandi omnes adhibent poetæ.

(f.) *Vindice quo* &c. Iterum amplificatio Poetis usitata.

(g.) *Magistrum.* Improbatur hunc titulum Poetaster; sed si contextus in Poemate inspiciatur, vix commodiorem appellationem in ea materia potuit nuncupari.

Si nescis, Ego sum, qui Vatem PRAESULIS egi.  
 Quem tu credideras, panxerat ille nihil:  
 Si potes, accusa mea carmina, meque Poetam  
 Argue, vulgavi qui metra cusa typis.  
 Historicum, cujus famam laniare laboras,  
 Tam rigido posthac lædere parce stylo.  
 Illius Augustum, quod in omnem laudibus orbem  
 Pervolat, in centum Secula vivet opus.  
 Passio non illi carmen dictavit, ut inquis,  
 Nec mihi, sed Latii gloria Sacra PATRIS.  
 J nunc, & posthac infontia rodere perge  
 Nomina; sed punctis confodiare novis.  
 Provoco, si quid habes, quod præbet versibus ansam,  
 Sat mihi Pegaseas vena ministrat aquas.  
 Cedis, an obduris? age, quod libet, attamen ex hoc  
 Infantes discas lædere nolle, Sape.

\*\*\*\*\*  
**POLYMETRA POETAE**  
**NATI, HELVETII,**

ad

Epistolam Pankelii Poëtæ Laureati sua epigra-  
 phe ( ne plus dicam ) immoderata notam

**RESPONSIO.**

o

c

Lenis est hic spiritus, asper alter. *Saphicum.*

**C**ARnea turris, monstrum ingens, immane, Goliath  
 Exprobrat agminibus vivi verique Tonantis,  
 Inque Diis Jurando suis, mordacia toti  
 Convitia impingit populo. Puer illa, virili,  
 Jessus

Jessæus non ferre valens, ardore palæstram  
Ingreditur, formidandumque redarguit hostem.  
Terribiles mox ille minas, fannasque procaces  
Vertit in ultorem patris furibundus honoris.

Pankelius (Phœbi pariter, Martisque Sacerdos, )  
Hei mihi ! quam simili præfert ratione Goliath !  
Ærea ceu cassis, cingit sua tempora Laurus :  
Confusus virtute sua, prægnantibus æque  
Ac Luci expositis, prælo obstetricante, libellis,  
(Erravi, librisque, voluminibusque volebam  
Dicere, quos ipse vel quæ jactatque probatque)  
Et Mecænatis velut omnipotente favore,  
His, ajo, confusus, ut in Diis atque Deabus,  
Fossæbronnano Laudes dum pangeret ostro  
Helvetium nigro nomen carbone laceffit.

Nempe bisseuos celebras labores  
Herculis ; nec sat celebrasse credis,  
Helvetos quin nos aliquem laborum  
Mome vocares.

Quem dedit mundo Calaroga, & astris,  
Prædicatorum Patriarcham adumbrans,  
Helvete Deus (inquis) Canis, huc adesto :  
Siste, facem fer.

Immeritum quod ego patriæ dum vindico probrum,  
Tota in me rabies Pankeliana ruit.

Non sic in lapidem furunt Molossi,  
Quem, cum durius esset allatratus,  
Impegit fugientibus Viator.

En mordent lapidem, moventque caudas,  
Ac si post adulentur allatrato.

Quam male blandiris, male dum malescripta retractas,  
Et contradicis Pankeliane tibi !

Dardanidas vel Apollo ipse cognomine duos  
Insignivit, ais : Vox ea laudis erat.

Duos nempe, quibus solemne famemque sitimque  
Solcsque ardentes, imbrem, hyememque pati,

Si

Si tales sumus ; ecurr nos Legata potestas  
*Emendavit, ain, molliit, erudiit ?*  
 Ni revocando simul nos emendasse negaris  
 Excusas ipsum te puerile nimis.  
 Cantando se prodit avis : nihil Oedipe prodes,  
 Nec filis opus hic est, Ariadna, tuis.  
 Pankeliana satis contextu mens patet ipso ;  
 Hanc tibi detectam, ni fateare, dabo.  
 Mittitur, inquis, ad Helvetios duros meus Heros ;  
 Ecce *tumultus* ibi, *seditioque* furit :  
 Hanc partim *suada* compescit, *fulmine* partim :  
 Hinc Mecænati est gloria adaucta meo.  
 Atque utinam per non sat *amica silentia* primo  
 Non crevisset, quod vis memorare, malum !  
 Denique nec quicquam *suadam* vel *fulmina* narras,  
 Nam neque *suada* fuga est, & neque *fulmen* erat.  
 Ex aliis meritis nisi *purpura* tincta fuisset,  
 Mansisset pro nunc candida Charta tibi.  
 Sed neque propterea, quod te protexit, & auxit,  
 Factum *purpureum*, credo, fuisse Patrem.  
 Talia cui radiant virtutum insignia, nunquam  
 Materies ostri garrulus anser erit.  
 Huc tua, parce, levis me justificatio traxit,  
 Nempe mihi Pirrhæ semine Cuna riget.  
 Incusas non excusas te maxime vatum,  
 Eludis nostras, non fugis, arte notas.  
 Si genus humanum riget omne à semine Pirrhæ,  
 Sequana, Trajectum, Roma, Melisa riget.  
 Sic tuus ad plures etiamnum à semine Pirrhæ  
 Heros Romana missus ab arce fuit.  
 Nil canis ergo novi, nullum erigis inde trophæum :  
 Mordens & lingens par tibi semper eris.  
 At mihi non parcis, quamvis revocare videris  
 In totum Helveticum spicula missa genus.  
*Versificatorem* me vis altissimus esse,  
 Meque *Poëtastrum*, summe Poëta, facis.

Unde



Unde probas ? quod forte tuæ distillo phrenæfi  
Helleborum, quin & sacchara pulchra darem ?  
Non bene conditis tua sunt labra digna labruscis :

Sit, quæ te cædat, compta Minerva minus.  
Possem & ego *Paradyfiacis* turgescere verbis,  
Et personatis incedere substantivis.  
Possem, si vellem, veluti Pandione natus,  
Floricomas garrere phrasas, garrere figuras,  
Castalias numerare Deas, numerare Poëtis,  
Lectura tritos multa juvenilibus annis,  
Quotquot tunc noti queiscunque fuere Poëtis,  
Cum Nasone Canes Actæoniæ atque Dianæ  
Undivagumque gregem, aut ranas, muresque cum  
Homero

Nomine quemque suo proprio vocitare, vel alis  
Pegaseis altum volitare, vel Hipocrene  
Ebrius, ut tuus *Æmulus*, insanire ; sed audin :

Nec meas laudes crepitantē bucca  
Nec libros notos libet explicare ;  
Nundinæ non sunt : nec es aptus emptor ;  
Complico merces.

Tu tuas merces, uti Circulator,  
Pangis, & pandis strepitu sonoro,  
Lauream usurpans, vel eadem abutens  
In tua damna.

Erro : ter felix, ter es & beatus,  
Quod tuos Laurus redimit capillos,  
Nam sine hac, fastu, cerebrum, tumescens,  
Tempora rumpet.

Calumniator impudens à te vocor,  
Cui nil sit artis, vox rudis, musa ebria ;  
Vacuum Minerva pectus ; ignorantia  
Enormis. An quid simile tenuis mea meret  
Avena ? num non æstui justo modum,  
Legesque fixi, temperavi injuriis ?  
Tu vero felle plus Theonino calens,

Con-

Contemptor hominis, plusquam homo videri volens,  
Scommata, Viro te indigna, quisquis es, vomis,  
Quæ fastus ac ambitio dictavit tibi.

Ne crede, solum te bibisse Castalim :  
Solam Viennam, ne puta, aut Sylvam nigram  
Cingi sereno Climate, & Cithærides  
Et Apollo nostris montibus dudum favent :  
Hic amne, vel torrente, prout hostis jubet,  
Vel amicus, Unda sana Libethræ fluit,  
Non musa, quod calumniaris, ebria.  
Sobrius ego sum ; sobrius num sis quoque,  
Tu siste vadem. Pro probum arrogantæ !  
Scientia inflat ! melior indoctus fores.  
Soli tibi sapis : desipere proin omnibus  
Mereris : inter artis & mentis bona  
Immensa, licet Historicus Augustus tibi  
Videaris, utque talis in mundi plagas  
Hominum per ora mente jam voles tua.

Historico Germana fides tibi deficit : uno  
Hoc super articulo te monuisse velim.  
Unde Lucernensem me credulus esse sciebas ?  
Aptus pro certis certa det Historicus.  
Amplificare fides & nota licentia Vatum  
Te docet ; Historicos non decet ista fides.  
Historicam non sola fidem sibi prosa reposcit  
In factis Veri Jus quoque metra ligat.  
Mittere responsum optassem meliore Camæna ;  
Sed, prout intensæ sunt, sonuere fides.  
Vena mihi fluit, ut dixi, torrente, vel amne,  
Naso, Maroque tibi, vel Juvenalis ero.  
Hostis habes hostem, gaudebis amicus amico ;  
Ni dedigneris, seligè, tendo manum.

APPEN-

# APPENDIX

De Meritis Eminentiss. Præfulis  
in Rem Literariam,

Quoad Legationē apud Helvetios est functus.

**P**ROdiit ante bina ferme lustra Commentarius, qui Acta Legationis Ecclesiastica complectitur, de quo, cum rarius inter nos obuius sit, brevem hic exhibere notitiam, non erit neque ab hoc loco alienum, nec fortassis ingratum. Titulus Libri ita habet: *ACTA APOSTOLICAE LEGATIONIS HELVETICAE ab Anno MDCCXXIII. ad Annum MDCCXXIX.* Tugii, ex officina Fr. Leontii Schell, in 4. Continentur hoc Libro 1.) Sermo de Abbatis Coadjutoris electione rite instituenda, ad Monachos Campidonenses in Suevia habitus IV. Non. Sept. An. 1723. 2.) Sermo de Abbatis electione, ad Monachos Monasterii Murensis in Helvetia. V. Kal. Octobris ejusd. anni. 3.) Sermo de Sacerdotum dignitate, (a.) habitus in Ecclesia S. Leodegarii Lucernæ IX. Kal. April An. 1724. Apostolica Sede vacante. 4.) Sermo de Abbatis electione, ad Monachos Monasterii Dissertinensis in Rhoeria, habitus in Capitulo ante Scrutinium IV. Kal. Jun. An. 1724. 5.) Sermo, de eodem argumento ad Monachos Fabarienses prope Sarunetas, habitus IV. Idib. Jul. 1725. (b.) 6.) Sermo in Benedictione Antistitæ Parthenonis Seedorfen-

- (a.) Agitur quotannis Decreto Senatus solemnisi memoria de Urbe ab igne liberata tempore Julii II. P. M. & sermo habetur de more, tam Latine, quam Germanice, de *Dignitate Sacerdotali*.  
(b.) Abbates, ad quos Sermones præcedentes habiti sunt, S. R. I. Principum dignitate decorantur.

dorfenfis Ordinis S. Benedicti in Rep. Vranienfi, habitus X. Kal. Jul. 1727. & Germanice (c.) a Diacono redditus. 7.) Sermo in Consecratione Episcopi Abderitani, Coadjutoris Basileensis. (d.) 8.) Epistola Encyclica ad Episcopos Constantiensem, Basileensem, Lausanensem, Curientem & Sedunensem de opusculo, cui titulus: *MONITA AD CONTINENDOS SACERDOTUM MORES*. 9.) Epistola ad eodem de Cardinalis Vincentii Mariæ Ursini electione in summum Pontificem. 10.) Epistola ad eodem, de Instructionibus S. Caroli Borromæi ad Confessarios. 11.) Epistola ad Visitatores Congregationis Helveto-Benedictinæ de nova Editione Psalterii (e.) Venerab. Viri Josephi Mariæ Cardinalis Thomasi. 12.) Decretum, ne Sacerdotes pulvere (ut vocant) cyprio aspersi accedant ad altare. 13.) Decretum, de nova Regulæ S. P. Augustini, & antiquarum Constitutionum Hospitalis Monasterii S. Nicolai & S. Bernardi in monte Jovis, Editione curanda. 14.) *J. GEORGII ab ECKHART*, V. C. Epistola de sua Conversione ad Catholicam Fidem, cum Auctoris Responso, & cum Præfatione V. Doctissimi *Justi Fontanini* nunc Archiepisc. Ancyran. 15.) *ROB. BELLARMINI*, Admonitio ad Episcopum Theanensem Nepotem suum, de iis, quæ necessaria sunt Episcopo. Præfigitur Monitum, quo no-  
vz

(c.) Hic enim mos aliquando fuit *Joannis Bonhomii*, Cel. Vercellensis Episc. quum tempore S. Car. Borr. hac Apostolica Legatione fungeretur.

(d.) Non habitus iste Sermo; sed propter argumenti magnitudinem utilitatemque minime prætermitti debuit; agit enim de Dignitatis Episc. fundamento & partibus.

(e.) Prodiit hoc Psalterium Typis Monasterii Einsidlenfis prævia hac eadem Epistola. Accedit in fine: Indiculus Institutionum Theologicarum veterum Patrum confectus ab eodem Vener. Thomasio.

væ hujus Editionis occasio declaratur. 16.) Admonitio atque Hortatio Legatorum Sedis Apostolicæ ad Patres in Concilio Tridentino, lecta in prima Sessione.

Toto hoc tempore, quo Legatione apud Helveticos functus est, quanto studio in augendo Thesauro suo Librario fuerit occupatus, quem locupletissimum mirifica accessione ex Monasteriorum seriniis auxit, & cui intulit, quicquid Helvetiæ Bibliothecæ pretiosum habuerunt; quo amore in Literas, etiam Orientis flagraverit; qua benevolentia omnes, qui optimarum artium studiis operam navant, fuerit complexus, dici vix potest. Ipsi tamen muneris publici officii, quibus se totum tradebat, præpedito splendendum opus, quod ad illustrandas Antiquitates Romanas paraverat, ad umbilicum perducere non licuit: Et cum spes vix ulla superfit, purpuratum nunc præfulem ad hanc curam resumendam descendere unquam aut posse aut velle, non ingratum erit ex Ipsi ad V. Cl. J. JAC. BREITINGERUM datis Literis operis hujus rationem & amplitudinem *et* *τινα* cognoscere.

à Lucerne de 24. Octobre 1725.

*Monsieur.*

J'ay reçu avec bien du plaisir la Lettre, que Vous avez pris la peine de m'écrire, & la Dissertation, qui y étoit jointe, sur vos Antiquités. Rien ne prouve mieux vôtre gout & votre erudition, que toutes les remarques savantes, avec lesquelles vous avez éclaircis, ce qu'il y avoit de plus obscur. Mais pour vous parler franchement, j'aurdis souhaité, que Vous vous fussiés plus étendu sur l'article de vôtre *Via militaris*; car quand on écrit sur ces matières, il faut avoir moins en vûe ceux qui sont présens, que ceux qui sont éloignés: D'ailleurs quoique nous alons l'

ouvrage de *Bergerius* sur les anciens chemins, il n'est pas, autant qu'il me semble, complet, comme il le devoit être. A l'occasion que j'avois entrepris, il y a bien des années, une Dissertation sur un de plus grands ouvrages fait par Vespasien à son retour de la guerre de Judée, in *Via Flaminia* auprès *Forum Sempromii*, ma Patrie au Duché d'Urbain, j'avois traité cette matiere fort au long, & j'avois fait la dessus de nouvelles decouvertes. J'en ay-même encore avec moy les planches qui sont en grand nombre & bien dessinées. D. Bernard de Montfaucon vouloit insérer cette Dissertation dans ses *Antiquités*; mais dans le tems que j'y allois mettre la dernière main, on me chargea de ce Ministère; & vous jugés bien qu'un fardeau de cette nature ne laisse gueres de tems aux études.

J'auray soin à la première occasion d'envoyer Vos feüilles à Mr. le Président Bouhier, il est certainement un des sçavans hommes, que l'on ait aujourd'hui en France; & l'année dernière, j'allay expres à Dijon, pour le connoître: Il sera ravi de voir les nouvelles Productions de votre esprit.

Je Vous offre sincerement, Monsieur, tout ce qui peut dependre de moy pour votre service: n'y ayant rien que j'embrasse avec plus d'empressement que de faire connoître aux personnes de votre mérite, l'estime, que j'en fais. Je suis, Monsieur, tres parfaitement à Vous

D. Archeveque d'Ephese,

II.

DOMINICUS, ARCHIEPI-  
SCOPUS EPHESINUS,

*Clarissimo Viro,*

J. JAC. BREITINGERO,

S. P. D.

**V**oletudo incommoda, qua diu adfectus sum, & negotia, quibus quotidie distineor, serius quam par est me tuis amantissimis Literis pridie Kal. Octobris ad me datis respondere coegerunt: Non ideo tamen, quas ad Amplissimum Praesidem BOUHERIUM, modo Parisiis reducem scripsisti tuta occasione curare intermisi. Valde mihi probatae fuerunt eruditissimae observationes tuae, quibus Persii vitam explanare adgressus es, quod si eodem labore insudare velles in reliquos Suetonii Grammaticos & Rhetores insigni beneficio literariam Remp. tibi profecto devincires. Ceterum optandum esset, ut recte ais, mihi tantum otii suppetere, quantum opus esset ad absolvendum commentarium meum de admirando opere Vespasiani Augusti in Via Flaminia ad quintum a Foro Sempronii lapidem Romam versus; sed hujusmodi studia secessum poscunt, quem publica intercipiunt munera, & quae nihil reliqui temporis mihi faciunt; ne interim dicam, quod opus tam immensi laboris absque Bibliothecae meae praesidio & exquisitissima librorum copia perfici minime possit. \* \* \* In amicitiae tesseram Specimen primi Capitis operis ante plures annos à me exaratum hic habebis, quo facilius magnitudinem argumenti dignoscas. Quod laudas humanitatem & do-

Arinam meam, id totum singulari tuo amori, non veritati tribuo; hoc tamen tibi certo statuas velim, me tibi, omnibusque, qui optimarum artium studiis & bonis literis dant operam, officia mea deferre undequaque paratissimum esse, nihilque antiquius erit, (cum nec quidquam ex omnibus rebus humanis præstantius aut præclarius esse possit) quam de doctis Viris semper bene mereri. Vale & me ama. Dabam Altorfii Uriorum pridie nonas Decembris. MDCCXVII.

## III.

De admirando Opere

## VESPASIANI AUGUSTI

In Via Flaminia ad quintum à Foro Sempronii  
Lapidem Romam versus.

## DISSERTATIO.

*Caput Primum.*

**N**eminem ignorare arbitramur, quin ceteris magnificentissimis Romanorum operibus, sive quæ Literis consignata sunt, sive quæ hodie spectantur, longe maxime excellant Viarum Munitiones, quarum opportunitate sicuti Legum Sanctionibus mores emendando Justitiæ consulebatur, ita quoque exercituum comodo, omniumque gentium Societati, & commercio provisum est: ne quid enim publicæ felicitati deesset, harum omnium rerum curam Populus Romanus amplissimis cogitationibus complectebatur. Veterum testimonia de viis publicis & militaribus utramque paginam implent, & vel puerorum ore Dionysii Halicarnassæi, Strabonis & Plinii dicta



dicta celebrantur : Ex omnibus recentioribus palma danda est Nicolao Bergerio, qui notitia penitioris antiquitatis, & doctissimis lūcubrationibus eas illustravit : Verum enim vero harum munitionum, & substructionum egregias aliquas, quæ nunc restant, publicas auctoritates ipsum non edidisse (quod fortasse pro facultate non licuit) dolendum est, quippe scriptorum Loca, Historiarum fides, operum denique Magnitudo in maiorem nos raperet admirationem, & plenius docerent, si quæ mente concipiuntur, oculis usurparentur. Hoc planum fecit Christianus Henninius, qui Tomo X. Antiquitatum Romanarum Bergerium Latio donavit, & cum non haberet, unde viarum exempla peteret, verosimilem formam, ut ipse contendit, militaris viæ descripsit. Quantum vero lucis & utilitatis nobis oriatur ex certa monumentorum descriptione, omnibus satis superque constare puto, & quantumvis pretii esse dignoscuntur, quas summis laboribus ære incisas, & ad mensuram exactas Labaccus, Serlius, Scamottius, Joannes Buteo, & Fabrettus, veterum operum imagines nobis exhibuere, quarum ope, ne quid dicamus de Artibus pristino nitori restitutis a summis divini ingenii viris Bramante, & Rafaello Sanctio Popularibus nostris, Romanis antiquitatibus lux ingens affulsit : qua de causa recte monitum a Vitruvio Augustum existimamus, qui in præfatione libri tertii huic sententiæ adistipulatur his verbis : *Disciplinarum scientiæ sub oculorum consideratione subjectæ non incertis iudiciis probantur, sed doctis, & scientibus auctoritas egregia, & stabilis additur.* His ego rationibus adductus, etsi multa in adversariis scripserim, quæ ob demandata publica munera itinerum peragendorum occasio obtulit, ex his tamen proferre aliqua libet, quæ de Antiquitatibus Forosempronienfibus incredibilis in Patriam amor, ut commentaremur, effecit, & civibus;

- posterisque meis gratum, acceptumque fore existimavi, si de his rebus ea ipsis ederem, quæ ad quintum Lapidem Romam versus molitus est Vespasianus Augustus. Cum enim Viam Flaminiam (licuit enim aliquando per otium) sæpe perlustrarem, hoc plane stupendum, & solum Romana virtute dignum opus, immane quantum contigit admirari, & subit cogitatio rationem ipsius animo conceptam metari, atque describere, ut pro amplitudine rei gestæ memoriæ traderetur & quoquo gentium exciperetur. Descriptionis onere a Fratre meo solertia, qua pollet libentissime suscepto, Architectonices norma disposita a Francisco Bernardo necessitudine mihi conjuncto, et si quis alius in hoc disciplinæ genere exercitatissimo, has tabulas exhibemus, quibus tota operis ratio constat, & ut ad amussim omnia explorarentur, miliari mensura, qua Raphael Fabrettus usus est in aquæductuum dimensionibus omnium optima, & ad certam regulam ab ipso revocata usi sumus, unde ne quid diligentiae prætermisisse videremur non satis visum est Latera excisi montis, muros, viam, pontes, & inscriptiones mensuræ subiicere, sed vel ipsa specus fundamenta operarum multitudine effodi iussimus, ut inde altitudinem certo assequeremur, tractu enim temporis factum est, ut aquarum irruentium impetu exaggeratis impendentium scopulorum ruinis speluncæ hiatus late, ut antea non pateret, & deformis nunc etiam appareat: Antequam vero ad operis argumentum accedamus, sermo nobis erit de Via Flaminia, quam Romani hos inter Apenninorum anfractus exciso monte aperuerunt, & pontibus continuarunt, cujus regionis descriptionem, quæ inter callem, & Forum-sempronii extenditur accurate in chartam topographicam coniecimus, ut quibus non datum est oculis intueri, saltem loci naturam, quam diligentissime explicatam haberent, & ne quis credat nos operam ludere

Iudere, dum in harum antiquitatum studium incumbimus, id quod de earum pretio a veteribus, & recentioribus miro quodam consensu traditum est, plane evincet, quamplurima, eaque præclarissima in his regionibus contineri, summa observatione dignissima. Iter Honorii Imperatoris, Bellisarii & Narsæti Bella Gotthica, cædes Totilæ, clades Asdrubalis, quem *per Metauri tortuosi amnis sinus, flexusque cum errore obeuntem Livius Lib. XXVII.* nobis ita sistit, ut in harum rerum notitiam vel nolentes cogat, ipso amne Lyrici Vatis carminibus celebrato: Quid debeas o Roma Neronibus Testis Metaurum Flumen & Asdrubal Devictus.

Forum denique Sempronii insculptis Lapidibus, nummorum copia, ceteris ornamentis decoratur, in quo quotidie, ut monet Ludovicus Gotofredus in Archontologia Cosmica pag. 493. ( ne nostris verbis adfit invidia ) *magis magisque plura veneranda antiquitatis se offerunt vestigia, & monumenta quæ aliquando nobis spectantibus eruta sunt.* Quæ cum omnia suis locis disposuerimus in opere quod meditamur de antiquitatibus Forosempronienlibus, tunc demum eas per otium persequemur, quum præfationis loco præposuerimus, quæ ad Monumentum Vespasiani pro dignitate Imperii extractum maxime pertinent.

In Literis Altorfii Urriorum prid- Id. Februarii MDCCXXVIII. ad eundem Cl. BREITINGE-  
RUM datis de consilio, quod animo conceperat, hæc adjicit. Non minimam profecto apud Eruditos omnes gratiam me initurum sperabam, si per negotia licuisset ultimam manum imponere Dissertationi de opere Vespasiani Augusti, neque enim mens erat tantum immorari in sola antiquitatum explanatione, sed occasione Censuræ, quam Vespasianus gerebat, tum cum immane illud opus moliretur, illorum

temporum rationem a multis vexatam ad acerrimam veritatis normam restituere, quæ res non parum lucis Judaico bello attulisset: Interim dum otium nanciscar, commentaria cubabunt in spongia.

\*\*\*\*\*

## *Nova Literaria.*

1. Prodiit Tiguri apud C. Orell & Soc. Johann Jacob Breitingers Critische Dichtkunst, worinnen die poetische Mahleren in Absicht auf die Erfindung im Grunde untersucht, und mit Beyspielen aus den berühmtesten Alten und Neuern erläutert wird. Mit einer Vorrede eingeführet von Joh. Jacob Bodemer, Zürich 1740. 8. plag. 36. Commentarius iste in XIII. Capita aut Sectiones dividitur: Argumenta singulorum sunt: 1. Vergleichung der Mahlerkunst und der Dichtkunst. 2. Erklärung der poetischen Mahleren. 3. Von der Nachahmung der Natur. 4. Von der Wahl der Materie. 5. Von dem Neuen. 6. Von dem Wunderbaren und dem Wahrscheinlichen. 7. Von der Esopischen Fabel. 8. Von der Verwandlung des Wirklichen ins Mögliche. 9. Von der Kunst gemeinen Dingen das Ansehen der Neuheit beizulegen. 10. Ob die Schrift: August im Lager, ein Gedicht sey? 11. Von etlichen absonderlichen Mitteln die schlechte Materie aufzustützen. 12. Von der Wahl der Umstände und ihrer Verbindung. 13. Von den Characteren, Reden und Gemüthes: Gedanken oder Sprüchen. Nun tiant Editores, prælum jam exercere alteram Partem hujus *Poeseos critica*, qua cultus Poeseos externus, & quæcunque ad hujus artis mechanismum pertinent, dilucide explicentur.
2. Apud eodẽm prostat: Johann Jacob Bodmers Critische Abhandlung von dem Wunderbaren in der Poesie, und dessen Verbindung mit dem Wahrscheinlichen, in einer Vertheidigung des Gedichtes Johann Miltons von dem

verlohrnen Paradiese : der beygefüget ist Joseph Addisons Abhandlung von den Schönheiten in demselben Gedichte. Zürich 1740. 8. plag. 30. Opusculum hoc apologeticum oppositum est Criticis præcipue Gallicis *Voltaire*, *Magny*, & qui eos sequuntur, atque diluit omnes cavillationes, quibus divinum Miltonis carmen licentius castigatum est. Distribuitur in VII. Sectiones, quarum argumenta sunt : 1. Von der Wahl der Materie aus der unsichtbaren Welt. 2. Von der Vorstellung der Engel in sichtbarer Gestalt. 3. Von der Wahrscheinlichkeit des Characters und der Handlungen der Engel. 4. Von dem Zusammenhang in Miltons Vorstellungen der Enael. 5. Von dem Character und den Handlungen des Todes, der Sünde, der Geister in dem Chaos. 6. Von der Wahrscheinlichkeit des Characters und der Handlungen der ersten Menschen. 7. Von Miltons Anbringung der Mythologischen Geschichte und Theologie in seinen Gedichten. De Nobilibs. Angli *Addisson* introductione apologetica ad Miltoni carmen nil adinet dicere, cum ex Gallica versione jam satis nota sit.

3. Observationes philologico - criticæ in Libros N. T. quibus vocibus & phrasibus difficilioribus lux affunditur, atque earundem sensus ex antiquitate S. & profana declaratur : auctore J. GEORGIO ALTMANNO, V. D. M. Ling. Græc. & Ethices in Academia Bernensi Professore, Tomus II. Capitis XII. Evang. Matthæi & sequentium usque ad XXII. explicationem continens. Bernæ. apud Wagner & Müller, Illustr. Reip. Typogr. a. 1740. pl. 30. in 8. Præclarum est hoc Viri Clarissimi institutum, quo auditoribus suis, omnibusque Philologiæ studiosis ad brevem, planam & perspicuam N. Fæderis intelligentiam præire, ipsisque facem præferre jam triennio abhinc orsus est : Id nunc masculè persequitur ; & in altero hoc Tomo accuratiorem se cum in seligendis, tum in illustrandis

locis sacris præstitisse, posthabitis tamen omnibus ad ostentationem magis, quam ad usum comparatis digressionibus, adfirmare non dubitaverim. Fidem etiam facit, se omni conatu id agere, ut III. Tomus Historiam Passionis D. N. complexus, brevi compareat spatio, utque II. hujus Tomi longior sub proclo mora aliquantum compensetur.

4. Cum anni hujus auspiciis hebdomadatim ex officina Heideggeri & Soc. prodit Scriptum, quod ad formandos & castigandos corruptos Seculi mores pertinet. Auctores, qui ingenio & acumine morum istis censoribus, quos Germania superioribus annis magno numero protulit, inferiores non sunt, sub personato *Brachmannorum* aut *Gymnosophistarum* nomine pulcre latent.
5. Apud eundem Heideggerum & Soc. prostat: *Probe von Theologisch-Philologischen Anmerkungen über verschiedene Stellen der Heil. Schrift und andere wichtige Materien, ausgefertigt von Johann Rudolff Fischer, V. D. M. gewesenen Schweizer Colonie-Prediger in Brandenburg, zu Lunau, Braunsberg und Egar. Zürich. 1739. 8. VI. Stücke. plag. 37. Contenta singularum partium hæc sunt. I. a.) Explanatio Jesaj. III: 8. b.) Jesaj. LIII: 8. c.) De Origine *תע תע* in circumcissione. e.) Vera ratio, ob quam octava dies circumcissioni dedicata fuerit. II. De Origine circumcissionis adversus *Spencerum*. b.) Expositio Jesaj. XXIV: 5. c.) Jesaj. LXV: 20. d.) Evang. Joh. VIII: 56. III. Meditatio, qua ratione Ministri Ecclesiarum ingentiam confessionem ab animis sensu peccatorum tactis & sub onere laborantibus elicere, sibi que fidem conciliare possint. b.) Ratio sufficiens, ob quam dulcissimus Soter e Synagogis Judæorum publica Lege nunquam fuerit exclusus. c.) Idea de vero Scopo Epistolæ S. Pauli ad Galatas. d.) Fontes operis operati inter Protestantes. e.) Ap-*

- c.) Appendix de causa frequentiorum tempestatum anni 1731. præcipue in Helvetia. IV. Vindiciæ Paulinæ assertionis de futura universali conversione Judæorum Rom. XI. adversus V. Cl. *Christ. Wolfium*, Hamburg. V. Ad locum Ezech XXXVI. disquisition, an hoc vaselinum jam sit impletum? b.) Ad Ezech. XXXVI. 26. an in h. l. ὑπεροχὴ sit admittenda? c.) Ad illius Capitis vers. 22-37. De emphasi primæ personæ. d.) Notio Evangelica vocum משפט, חקים, תורה Ezech. XXXVI: 27. e.) Conversio S. Pauli Typus futuræ conversionis Judæorum universalis, ad 1. Tim. I: 16. VI. Explicatio loci Deut. XXIX: 18. al. 19. b.) De emphasi copulæ 1 Jesaj. XI: 1. c.) Ad Thren. I: 12. d.) R. Isaac Abarbanelis Idea de Sacrificio propitiatorio V. T. d.) Prælectio literaria ad Inscriptionem Wetingensem: DEAE ISIDI &c. e.) De conditione S. Ministerii Candidatorum apud Tigurinos & Bernenses. f.) V. Cl. *Nicol. Brunneri*, V. D. M. nova assertio Paulinæ conversionis typicæ.
6. Prodiit nuper insulsus, & tantum non famosus Libellus, sub titulo: *Schweytzerland durch die Sächel gezogen: Vorge stellt in einer Rühmôdi, 1c. von einem Mönch von Weingarten, P. Eugenius Speß.* Habet Autor ille tribus Anticyris caput insanabile, quem non puduit levissima scurrilitate personæ Ecclesiasticæ dignitatem contaminare: Famam sibi quærens Juvenalis consilium secutus est:

Aude aliquid brevibus Gyaris, & carcere dignum,

Sis vis esse aliquid!

Prudenter de inepto hoc scripto monuit Vir quidam Romanæ Ecclesiæ addictus in Epistola ad amicum: Ungeachtet VIII. der ansehnlichsten Benedictiner Gottshäuser des Hohen Schutzes & Ständen der Eydgroß

gnosßschaft in vollem Flor genießen, so muß man dennoch von Zeit zu Zeit verschiedene unverdiente Anfeindungen und Probstücke des gegen die Schweizer hegenden Grollens erfahren, ja so gar Auswiegungs-sfähige Schriften zu Handen bringen, dergleichen von geschwornen öffentlichen Widersäheren man kaum, will geschweigen von Geistlichen Benedictinischen Ordens-Verwandten befahret hätte: Wie dann in unvergessenem Angedenken eine solche Schrift unter dem Titul: Schweyzerland durch die Sächel gezogen; hervor gekommen, und mit ausgeschämter Eitern ein solcher sich als Autorn öffentlich anzupreisen nicht gescheuet hat, da doch in selbiger weder dem Ansehen der Hoheit des Aller-Christlichsten Königs, noch der Schweizerischen Nation im geringsten nicht geschonet wird: Und diese Schmach-schrift mit solchen ausgefönnenen Spitzbüßischen Ausdrückungen austritt, und Vorstellungen dick angefüllet ist, als wenn dergleichen Hrn. Geistliche, der Welt abgestorbene, und alleine nach dem Himmel strebende Einsiedlers in ihrer müßigen Einsamkeit nichts zu thun hätten, als solchen vermeint-sgeistreichen, in der That aber muthwilligen, Verbitterungs-vollen und ihnen selbst nachtheiligen Concepten nachzusinnen, die solchen Religiosen kümmerlich beyfallen würden, wenn sie in einer ihrem Beruf und Stand angemässenen Zucht gehalten, und ihnen nicht so viel Gueter aufgeschüttet wurde. Daß inmittelst ein so Hochberühmter Orden sothane unanständige Ausgelassenheiten seinen Gliedern zuläßt, wodurch selbiger nichts anders als Hohn und Verachtung auf sich ziehet, dieses ist, was man nicht begreifen kan.

7. Heideggerus & Soc. parant editionem Commentarii Historici & Analytici de Vita, rebus gestis & scriptis S. Apostoli Pauli, auctore V. Clariss. atque Doctissimo BEATO WERTHMYLLERO, sub titulo: Paulinische Gottesgelahrtheit/ in genauer Zergliederung und grundlicher Erklärung der Reden und Schriften



ten des Apostels Pauli ; vornemlich der Episteln an die Gemeine zu Etheßalonich , und die Gemeinen in Galatia : begleitet mit einer in Chronologischer Ordnung verfaßten vollständigen Beschreibung des Lebens und der Verrichtungen desselbigen durch Beat Werthmyller , Diacon bey St. Peter , Zürich. 4to. Subscriptionis leges , quibus Typographi eximium hoc opus publicæ luci dare instituunt , sunt sequentes : I. Fidem facit Typographus , opus istud CX. ad minimum foliis constans in charta solida literisque recentibus excusum 2. 6. ad nundinas Paschales anni MDCCXLI. proditum. II. Huic operi statuit pretium æquissimum 2. flor. & 30. Cruc. Ita qui nomina dant , solvent 1. flor. 15. Cr. alterum tantum cum opus integrum accipient. III. Subscribendi potestatem Typographus prorogat usque ad exitum Maji mensis. Animus quidem erat Doctiss. Autoris consilium pluribus explicare , sed iniquis spatiis exclusus in alium locum & tempus id rejicere cogor : Illos interim , qui rationem operis penitus cognoscere student , ad Programma germanice editum & Specimen luculentum , quod illi subjungitur , ablego.



\*\*\*\*\*

# ELENCHUS DISSERTATIONUM

Tomi IV.

## Sectio I.

- I. *J. G. ALTMANNI* Dissertatio de Buccinatore, vel Cornicine stationario Hierosolymis a Petro in ædibus Pontificis audito.
- II. *H. RELANDI* Oratio de Galli cantu Jerosolymis audito. p. 35.
- III. *S. KOENIGII* Disquisitio Philologica, An & ubinam de Cruce Christi in V. T. fiat mentio? p. 57.
- IV. *J. WOLFII* Dissertatio de Essentia animæ humanæ, ejusque Libertate. p. 70.
- V. *GHR. M. PFAFFII* Dissertatio Historico-Polemica de titulo Patriarchæ œcumenici, pome ridos inter Græcam & Latinam Ecclesias. p. 99.
- VI. *J. EYTICHI* de *CLAROMONTE* Oratio Carolina de Persecutione Locarnensium. An. 1550 - 1555. p. 131.
- VII. *EJUSD.* Appendix Epistolarum &c. rem Locarnensem concernentium. p. 180.

## Sectio II.

- I. *H. RINGIERII* Dissertatio Theol. de fontibus Errorum, eorumque πύρις ψύδεις, p. 207.
- II. *G. FR. NECKER* Responso ad Quæst. JC. Quis sit verus sensus Axiomatis: *Salus populi suprema Lex.* Numve liceat ejus causa aliquid agere, quod Legibus naturalibus aut civilibus repugnat? p. 226.

III. S.

- III. S. KOENIGII Dissert. Theologico - Critica de Hæresibus in genere, deque Trihæresi Judæorum in specie. p. 232.
- IV. E. M. MYLLERI Illustratio loci *Juda* v. 9. de lite Michaelis cum diabolo, ex apparitione Moïsis cum Elia coram Christo Matth. XVII: 1-9. p. 251.
- V. J. C. HOTTINGERI Dissertatio Philol. de ritu dimittendi reum in festo Paschatis Judæorum. p. 264
- VI. PHILALETHI ALMANGAVI de voluntario Ludovici IV. Bav. & Friderici Pulchri Austr. Imperii consortio, aut imaginario, aut invalido modesta Epicrisis, V. Cl. Jo. Fr. Baumanni & R. Duelli argumentis opposita. p. 305.
- VII. J. CHR. ISELII æternitas mundi argumentis historicis ex novitate Artium &c. confutata. p. 319.
- VIII. J. H. LEDERLINI meletema Philologicum de Templis argenteis Dianæ Ephesæ ad Act. XIX: 24. p. 346.
- IX. Conspectus *ACADEMIAE BASILEENSIS*. p. 358.
- X. G. HEIDEGGERI Fata Ecclesiæ. p. 383.
- XI. Nova Literaria Helvetica. p. 385.

*Sectio III.*

- I. J. H. LEDERLINI Dissert. Philolog. de ΝΗ. ΣΤΕΙΑ ad Act. XXVII: 9. p. 399.
- II. J. G. ALTMANNI Decas positionum Philolog. ad illustrationem quorundam locorum Epistolæ ad Romanos. p. 412.
- III. J. J. LAUFFERI Dissertatio Historico - Theol. de hostium spoliis Deo sacratis & sacrandis. p. 429.
- IV. J. BRUCKERI Dissert. Epistolica de V. C. DAV. HOESCHELII meritis in Rem literariam, præcipue Græcam. p. 469.

V. EJUSD.

- V. *EJUSD.* Dissert. Epist. exhibens magni Polyhistoris HIERON. WOLFII Synopsin vitæ ab ipso confectæ. p. 503.
- VI. Adparitio Apollinis Judicis Matæologo factæ, cum Prologo & Epilogo Polypistonis : e veteri MSC. edidit *Syntheus Eubius Heutelius.* p. 536.
- VII. Nova Literaria Helvetica. p. 575.

#### Sectio IV.

- I. *J. C. FUESLINI* Dissertatio Apologetica pro Davide Rege adversus *P. Baylii* criminationes. p. 581.
- II. *J. H. WERNDLY*, Prof. L. L. O. O. Oratio inauguralis de Linguarum Orientalium & Indicarum cognitione necessaria Theologo ad Indos profecturo. p. 617.
- III. *J. G. ALTMANNI*, Oratio de Inscriptione Cruci D. N. JESU CHRISTI adfixa. p. 662.
- IV. *J. CHR. BECKII*, P. P. Basil. Animadversio ad *Astorum Lipsiens. Supplem. Tom. III. §. 4.* p. 682.
- V. Gratulatio Panegyrica Eminentiss. S. R. Cardin. DOMINICO ex COMITIBUS PASSIONEI ob acceptam purpuram oblata. p. 689.
- VI. Helvetii cum hujus Panegyrici Autore poetica Expostulatio, qua convicia Genti Helvetiorum objecta diluuntur. p. 693.
- VII. Nova Literaria Helvetica. p. 714.
- VIII. Indices in Tomos III. & IV. accuratissimi.

\* \* \* \*

\* \* \*





*Indices Tomi tertii & quarti Temp. Helvet.* dum exeunt, Consilium meum non aliud fuisse scias velim L. B. quam ut Typographus opera levaretur, tibi autem non nisi res Consignatione dignæ traderentur; quod institutum si tibi probetur, utere mecum Syllabo hocce; sin minus, non multum operæ periit: Ipse tibi pro lubitu & commodo tuo materias collige atque dispone! Plura addere superse-  
deo, quandoquidem ipse Typographi Character, quid, quantumve in evolvendis rebus consigna-  
tis tibi polliceri possis, docet.

INDEX

1.Reg.	I: 1.2.	-	611	Mich.	V: 1.	-	322
	11: 7.	III.	177	Zach.	12: 10.	322. IV.	63
2.Reg.	10: 11.	-	584		13: 1.	IV.	63
	17: 6.	-	298	Malach.	3: 8.	III.	649
	- 24.	-	299		- 14. 15.	IV.	244
1.Chronic.	12: 32.	-	188	Tempus Script. Libri Judith. &			
2.Chronic.	27: 1.	-	609	illius Auctorem vid. III. 300.			
Pfalm.	8: 3.	-	195	Matth.	I: 23.	-	311
	22: 17. 18. 19. IV.	64			II: 6.	-	322
	38: 21.	-	58		XII: 20.	-	325
	81: 4.	III.	605		- 40.	-	581
	88: 19.	-	684	XVII:	1-5.	IV.	251
	119: 120.	-	59		20: 3. 5. 6.	III.	590
Prov.	7: 20.	-	605	XXIV:	20.	-	77
	VIII: 22-31.	-	632		- 22.	-	520
	9: 12. 13.	-	641	XXVI:	74.	IV. 1. &	35
	- 18.	-	ibid.	XXVII:	15.	-	264
	10: 3.	-	ibid.	Marc.	14: 30.	III.	688
	- 8. 9.	-	642		XV: 6.	IV.	264
	- 31.	-	643		XVI: 68. 71.	1. &	35
	11: 2.	-	ibid.	Lucz.	14: 23.	III.	135
	- 31.	-	644		XXI: 5.	-	81
	12: 14.	-	ibid.		XXII: 60.	IV. 1. &	35
	- 25.	-	645		XXIII: 17.	-	264
	13: 18.	-	ibid.	Joh.	3: 14.	-	61
	17: 27.	-	ibid.		5: 43.	III.	318
	30: 19. 20. IV.	155			14: 16.	-	196
Cantic.	4: 4.	IV.	242	XVIII:	27.	IV. 1. &	35
Jesaj.	VII: 14.	III.	311		- 39.	-	264
	9: 5. 6.	-	318	XXI:	15. 16. 17.	III.	365
	23: 18.	IV.	451	Actor.	XIX: 24.	IV.	346
	38: 7. 8.	III.	585		24: 15.	-	240
	- 12. 13. 21.	-	479	XXVII:	9.	-	399
	49: 16.	-	519		28: 28.	III.	318
	50: 1.	-	661	Rom.	I: 14.	IV.	412
	53: 5.	IV.	63		2: 4.	III.	535
	54: 9.	III.	517		III: 1. 2.	IV.	413
LXII:	3. 4.	-	331		V: 13.	III.	61
Ezech.	1: 28.	-	531		VI: 23.	IV.	415
	8: 14.	-	176		VII: 24.	-	416
Dan.	12: 2.	-	558		7: 18.	III.	313
Hof.	6: 7.	-	547				Rom.

Rom.	<u>VIII: 19-23.</u>	-	651	השתחווה	-	-	III.	178
	<u>IX: 3.</u>	IV.	416	חרם	-	-	IV.	418
	- 16.	-	419	ידע	-	-	III.	642
	<u>XII: 1.</u>	-	420	כארי	-	-	IV.	65
	<u>12: 11.</u>	III.	205	כסא כסה	-	-	III.	605
	<u>XIII: 13.</u>	IV.	422	פחלל	-	-	IV.	63
	<u>XIV: 2.</u>	-	423	מצרים	-	-	III.	181
	<u>XV: 6.</u>	III.	84	משפט	-	-	-	352
	<u>XVI: 1.2.</u>	IV.	426	נוב	-	-	-	643
Ephes.	<u>IV: 14.</u>	III.	412	נער	-	-	-	317
1. Thes.	<u>V: 19.</u>	-	193	קמר	-	-	IV.	59
1. Timoth.	<u>II: 7.</u>	-	89	עולם	-	-	III.	507
2. Timoth.	<u>I: 6.</u>	-	204	עלמה	-	-	507. 313.	315
	<u>II: 23-25.</u>	-	232	קבע	-	-	-	649
Jacob.	<u>I: 4.</u>	-	92	קיביא	-	-	-	427
1. Petri.	<u>3: 21.</u>	-	449	קל ענות	-	-	-	189
2. Petri.	<u>3: 9.</u>	-	535	קנה	-	-	317.	634
Judæ.	<u>vers. IX.</u>	IV.	352	רצן	-	-	-	338
Apoc.	<u>2: 5.</u>	III.	338	שבת	-	-	-	597
	<u>4: 3.</u>	-	533	שוף	-	-	IV.	62
	<u>22: 2.</u>	-	563	שלל	-	-	-	434

### Consignatio

Vocum Hebræarum & Græcarum quarum ufus & Emphasis duobus his Tomis indicantur.

אות	quale fignum	III.	313.	507
אלהים	-	-	-	550
אמן	-	-	-	636
אשרים	-	-	-	178
בגר	-	554.	555.	556
בכורים	תרומות	-	-	678
במות	-	-	-	178
בעל פעור	-	-	-	182
ברית	-	-	-	510
ברקאי	-	IV.	43.	44
גבר	-	-	-	44
דקח	-	-	-	64

### Voces Græcæ.

ἀγαπᾶν & φιλεῖν	III.	369
αἵρεσις	IV.	212
ἄλεκτωρ & ἄλεκτρον	IV. 12.	16. 20
ἀναζωπυρεῖν	III.	204
ἀναθῆμα & ἀναθήμα	IV.	417. 418
ἀναθήματα	Templi Hierof.	III. 82
ἀπαρχαὶ πνεύματος	-	678
ἀποστοσεως causa	-	180. 454
ἀποκαταδοκίαι	-	664
ἄχρη	-	66
δελαια τῆς φθορᾶς	-	671. 672
ἐν	-	429

ἐντελεχεια	Aristotelis	IV.	74	Abarbanel notatur	<u>311.</u> <u>313</u>
ἐορτη	- - -	-	<u>274</u>	Abelis cædis causa	<u>37</u>
ἐπερωτημα	- - -	III.	<u>450</u>	Adami Liberorum matrimonia	<u>36</u>
ἐφικτος	- - -	-	<u>180</u>	Adepti in Parnasso	IV. <u>561</u>
ἐραρχια	- - -	IV.	<u>546</u>	Adversarii cum distinctione sunt	
ἐρεργειν	- - -	III.	<u>87</u>	tractandi a Theologo	III. <u>239</u>
ἰδιωτισμος	- - -	-	<u>373</u>		<u>240</u>
ἴνα	- - -	-	72	Adulterium Davidis.	IV. <u>595</u>
καλα	- - -	IV.	<u>271</u>	Aechler Albertus.	III. <u>500</u>
κηρυκες	- - -	III.	<u>89</u>	Aegypti nomen unde ?	IV. <u>632</u>
κρισις	- - -	-	<u>352</u>	Aegyptus unde <i>χημισ</i> vocata ?	
κλισις	- - -	-	<u>667</u>		III. <u>180</u>
κυβειαι ἀνδρωτων	- - -	-	<u>412</u>	Aegyptiaca Lingua.	IV. <u>631</u>
κωμος	- - -	IV.	<u>422</u>	Aequalitatem jus naturæ præci-	
λαφυροι & σκυλα	- - -	-	<u>435</u>	pit.	III. <u>40</u>
λειπρος	- - -	III.	<u>85</u>	Aethiopica lingua utilis.	IV. <u>630</u>
μαλαιοτης	- - -	-	<u>669</u>	Alcatorum veterum fraudes.	
μεχρι	- - -	-	<u>66</u>		III. <u>424</u>
και κυριε	- - -	-	<u>387</u>	Alexandri effigies a Macrianis ge-	
ηγεσια	- - -	-	<u>399</u>	stata.	IV. <u>354</u>
οικαμενητες & οικαμενη	IV. 100	12 I		Alphabethi origo.	<u>316</u>
ὀλοκληρος	- - -	III.	<u>94</u>	<i>Altmanni Joh. Georgii. πεν-</i>	
ὀρθρος	- - -	IV.	<u>47</u>	<i>τας Observat. Græcarum.</i>	
ὀψωνιον	- - -	-	<u>415</u>		III. <u>76</u>
προσφίρομαι	- - -	III.	<u>442</u>	<i>Ejusd. Observat. ad ter-</i>	
προσφορα	- - -	-	<u>88</u>	<i>nam Christi ad Petrum In-</i>	
πρωτον	- - -	IV.	<u>414</u>	<i>terrogationem.</i>	III. <u>365</u>
de πρωτοις ψευδει Errorum.	207			<i>Item. Prælectio literaria</i>	
συγενεζω	- - -	III. <u>673.</u>	<u>674</u>	<i>pro Comoedia &amp; ludis</i>	
τυλαιπωρος	- - -	IV.	<u>416</u>	<i>theatralibus.</i>	<u>394</u>
τελειος	- - -	III.	<u>93</u>	<i>Item. Themata prælect.</i>	
φιλειν & ἀγαπαι	- - -	-	<u>367</u>	<i>in Academ Lausan.</i>	<u>481</u>
φυγη	- - -	-	<u>77</u>	<i>Item Dissertat. de Buc-</i>	
- - ab ὀφθαλμω differt	- - -	-	<u>78</u>	<i>cinatore, vel Cornicine</i>	
φωνη	- - -	IV.	<u>21</u>	<i>stationario Hieros. a Petro</i>	
χ. græcorum cujusmodi Litera	IV. <u>66.</u> <u>68</u>			<i>in ædibus Pontif. Max. au-</i>	
χημιον	- - -	III.	<u>79</u>	<i>dito.</i>	IV. <u>1</u>

## Confignatio

### Rerum & Auctorum.

#### A.

Aaronis cingulum III. 682

*Item. Observ. Phil. Crit.*  
in N. T. 715

*Item.*



*Item.* Positionum Decas

ad Rom. 412

*Item.* de Crucis Christi

Inscript. 662

Ambitio Causa hæresium. 219

Amor studiorum. 511. 512

Anglicanæ Controversiæ. III. 53

de Anima Veterum Sententiæ. IV. 12

Animæ Essentia & Libertas. 70

Animi bona an hostibus detrahi

& in nostrum usum converti

possint? 452

de Anno. III. 616

Anni Principia & ordo. IV. 274

Antiquarii in Parnasso. 556

Apis & Mnevis. III. 187

Apollinis Iubar. IV. 560

Apostasia sanctorum negatur. III. 207

Apostolorum donum Linguarum. 194

Arabicæ Linguæ utilitas. IV. 627

Arbor Vitæ. III. 559

Architectura, Mundi æternitatem

confutat. IV. 340

Aretius laudatur. III. 92

Argumentorum ordo in Theol. 237

Armenica Lingua. IV. 632

Arminii πρῶτον δόγμα. III. 136

Assyriorum Reges Phut Tiglath

Pillefer Salmanassar Sennache-

rib post Sardanapalum demum

vixerunt. III. 297

Astrorum cultus. 174

Avaritia causa hæresium IV. 221

Aves Palamedicæ. 334

Augurium. 51

Apollinis adparitio. 536

de iis qui sunt Auctores & non. 565

B.

Baalim atque Heroum cultus. III. 119

Barbeyrac laudatur. 11

Battier Sam. IV. 374

- - Rod. 379

Bayerus Theod. Sigefrid. 653

Baylius Supralaps. III. 119. 120

Baylius in Hist. Regis Da-

vidis refutatus. 581

- ejus Diction. cujusmodi. 582

Beccaria Joh. 165. 148

ejusd. lit. ad Conr. Pellicanum. 181

Beckius Christ. 381

Beckii Jac. Christoph.

Specimen. Observ. Hist. 296

Ejusd. Epist. Historiam

vitæ operum & obitus

continens. 42

Vindiciæ Litterat. Helv. IV. 682

Belli status an hom. sit natur. 40

Benedictus Locarnus. IV. 142

Bernoulli Nicol. 362

- - Daniel. 365

- - Johannes. 367

- - Johannes Joh. filius. III. 490

Bestiarum Cultus. 184

Beza<sup>1</sup> Supralaps. 126

Biblia Malaica. 618. 619

Bodmer Joh. Jacob vom Wunder-

haben in der Poesie. IV. 714

Boves coluere Ægyptus. III. 186

Boysen M. Petr. Ad. Diff.

de κυβερνήτῃ Ἀνδραγαθῶν. 412

Brachmannorum lingua. IV. 653

[A a a 3

Brau-

- Braunius conciliat supra & infra laps. III. [127](#)
- Breitinger Joh. Jacob von den Gleichnissen. IV. [575](#)
- - - critische Dichtkunst. [714](#)
- Bruckeri Jac. Epistol. de Stoicis subdolis Christianorum imitatoribus. III. [260](#)
- Ejusdem Dissert. de Meritis in Remp. literar. præcip. Græc. Cel. David Hoeschelii. IV. [469](#)
- Ejusd. Epist. de Vita Hier. Wolphii. IV. [503](#)
- Brunneri Joh. Casp. Vita III. [225](#)
- Ejusd. Orat. de Spiritu non extinguendo. [193](#)
- Bullinger. Test. de Sp. non extingu. [206](#)
- Burgeti Lud. Dissert. de vero atque genuino Juris naturalis studii usu. [9](#)
- Burkhard Balthasar. IV. [379](#)
- Burmannus Supralapsar. III. [127](#)
- C.**
- Calvinus Supralaps. III. [125](#)
- Cananæorum Excidium. IV. [445](#)
- Canonistæ. [552](#)
- Capellus Lud. Judæor. Superstition. Rat. Sabbathi excusat. III. [81](#)
- Capnio. Josua. IV. [155](#)
- Carne abstinerunt Pythagor. [424](#)
- Caroli Magni Elogium. [133](#)
- Causæ Helveticæ Libertatis. III. [458](#)
- Causidici in Parnasso. IV. [564](#)
- Ceilon Insula. [648](#)
- Celebes Insula. [646](#)
- Cicero vindicatus a Sceleribus. [585](#)
- Ciceronis de Anima sententia. 74. [75](#)
- Circumcissus Adam. III. [568](#)
- Chaldæorum de Anima Sententia. IV. [72](#)
- Chaldaicæ Linguae Usus. [626](#)
- Chirurgi in Parnasso. [548](#)
- Chouet Joh. Robertus. III. [243](#)
- Christiani in India a Thoma dicti IV. [627](#)
- Chymici in Parnasso. [561](#)
- Clericus noratur & ad Eph. IV. refutatur. III. [99](#), [123](#), [420](#)
- Cocheti Lud. Responsio ad Simpl. Verini Animadvers. Criticas. III. præf. & pag. [96](#)
- Coloniarum deductio in Historia Utilis. [306](#)
- Comœdiarum satis quotidiè videmus. [411](#)
- de Comœdia & Ludis Theatralibus. [394](#)
- Consuetudo quid valeat? IV. [298](#)
- Controversiæ non ante sunt tractandæ quam veritas stabilita. [209](#)
- Corpori an Deus facultatem Cogitandi tribuere potuerit? [81](#)
- Cram. Rod. Theol. Tig. Vita. III. [152](#)
- - - Joh. Jac. Rod. Filius. [155](#)
- de Grea-

*de Creatura gemente.* 651  
Critici in Parnasso IV. 555

*ad Crophium* Jac. Gratulatio Onomastica. 469

*Crucis Christi* an & ubinam in Vet. Testam. fiat mentio. III. 57

*de Crucis Christi* Inscripti-  
one. IV. 662

*Crucis Christi* Typi & figura. 66, 67, 665

Ctesia Error in enumerandis Af-  
fyr. Regibus. III. 301. 302

Curcellæ Error. 132

Curfores Romanorum. IV. 419

Cynici in Parnasso. 561

Cypriani ad Spirit. S. Preces.  
III. 197

## D.

*Apologia* Davidica adver-  
sus Baylium. IV. 581

*Dei Filii* Vera æternitas  
secundum Fidem Nicæ-  
nam. III. 632

Deum Spiritum gentiles agnov.  
199

Diaconissæ. IV. 427

Dierum Nomina & Ordo. III.  
577. 594

Dii germani & Septentrionales.  
456

Dii hostium evocati. IV. 447

Dinocrates. III. 437

Disputandi methodus injusta.  
IV. 148

Disputaces. 545

Divortium Jure Naturæ prohib.  
III. 38

*Doctores* Evangelii Re-  
quisita. III. 232

Dolores partus Ecclesiæ V. T.  
675

Donis se apud Numen placatum  
reddere stultum. IV. 438

Dona quomodo Deus accipiat.  
439

Donaria Templi Hieros. III. 82

Donariorum Usus. ibid.

*Duni Thaddai* Epist. ad  
Bullingerum. IV. 190

## E.

Eclecticorum de Secta Scripto-  
res. III. 265

*Ecclesiæ* Fata. IV. 383

Enthusiastæ refelluntur. III. 208

Ephod cujusmodi? IV. 607

Epictetus, Antoninus & Sene-  
ca subdoli sunt Christianorum  
imitatores. III. 268

Epicuræorum de Religione opi-  
nio. 266

*de Errorum* Fontibus.  
IV. 207

Essæi. 245

Eubulus ad Matæologum. 573

Evvaldus refut. 33

Excoecationis poena. III. 471

Exules Patriam juvant. 472

## F.

*Firmiliani* Locus in E-  
pist. ad Cyprianum ex-  
plic. III. 430

Fischer's Anmerkungen über ver-  
schiedene Stellen Heil. Schrift, u.  
IV. 216

*Flavii*

*Flavii Josephi Locus Libr.*  
**V. Cap. V. §. 7. emen-**  
**datur.** 452

*Fædus Operum ex mente*  
*doctorum Hebræorum.* 544

*Fœminæ litteratæ.* IV. 548

*Fontana Balthasar.* 140

*Formosa Insula & formosana lin-*  
*gua.* 643

*Francorum Nomen & Origo.*  
 III. 303

*Frey Ludov.* IV. 359

*Fueslini Conradi. Com-*  
*mentatio ad Rom. V. 13.*  
 III. 61.

*Ejusd. Dialog. Apologet.*  
*pro S. Davide adversus*  
*Baylium.* IV. 581

### G.

*Galli cantus.* III. 687

*Gallus inter oscines.* IV. 32

*Galli Sacerdotes.* 14

*Galli Cantus Hierosoly-*  
*mis auditus.* I. & 35

*Gomarus defenditur.* III. 119

*Græcorum vox quid sibi velit si a*

*Barbaris disting.* IV. 412

*Græcarum litterarum mature pe-*  
*ritus.* III. 44

*Grotius laudatur.* 11

- - - notatur. 36

*Grynæus Johannes.* IV. 360

*Guarinus notatur.* III. 74

### H.

*de Hæresi in genere præ-*  
*cipue de Judæorum trihæ-*  
*resi.* IV. 232

*Hæretici qui sint?* 213. 214

- - - an sint rebaptiz. III. 430

*Hagenbuchii Casp. Exercitatio*

*Geographico critica. IV. 577*

*Harfcherus Nic.* 375

*Hebdomadæ.* III. 592

*Hebraicæ linguæ necessitas. IV.*  
 624

*Heideggeri Gotthardi Pe-*  
*trus lapsus.* III. 681

*Ejusd. Biographia* 692

*Ejusd. Ecclesiæ Fata. IV.*  
 383

*Helv. Litterat. Vindic.*  
*adversus locum in Actis*  
*Lips.* IV. 682

*Helvetii quibus nominibus su-*  
*specti.* III. 402

*Helvetiorum Libertas.* 568

*Hœnischius.* IV. 476

*Henofus male in Idololatriæ po-*  
*nitur.* III. 175

*Herodiani.* IV. 250

*Heurnius Justus.* 636. 645

*Hierocles gradus officiorum ho-*  
*minis Mathematicæ depingit.*  
 III. 23

*Hierosolymorum sanctitas &*  
*eminentia.* IV. 39

*Hirzelius Joh. Georg.* III. 155

*Historici in Parnasso.* IV. 559

*Hæschelii Merita in Remp.*  
*Lit. præcipue Græcam.* 469

*Moratus Originem Scenicæ Fa-*  
*bulæ tradit.* III. 398

*Horæ Diei.* III. 582. IV. 24

- - Canonice. III. 590

*Hottinger. Conradus de*  
*Ritu dimittendi Reum.*  
 IV. 264

Hout-

Houtmann Frider.

647

Julianus Annus.

III. 621

## I.

Japonensium Conversio. IV. 642

Javana lingua. 639

Idea Numen gentil. 14

Ideæ innatæ an dentur. III. 13

- - eas statuit Plato. 14

*de Idololatria gentili.* 169

*de Jejunio.* IV. 399

Ignatii Testim. de hæresium sca-  
turigine. 223

Ignorantia Superstitionis Mater.

419

Imaginatio. 86

Imago Dei qua in re sit. III. 110

*Imperii Consortium* Lud.

IV. & Frider. Pulchri, aut

imaginarium aut invali-

dum. IV. 305

Incestus Jure nat. prohibet. III. 35

- - - Lothi. 37

Indiæ Nomen & divisio. IV. 634

Intellectus. 87

Intrusi in ordinem Doctorum.

545

Josephus an ab Ægyptiis sub

specie bovis fuerit cultus?

III. 187

Josephus Flav. Judæos Sabbathi

observantiss. tradit. 80

*de Iride.* III. 522

*Iselii Jac. Christ. æterni-*

tas Mundi ex novitate Ar-

tium refutata. IV. 319

*Ejusd. Vita.* III. 42. &c.

de Ifide & Ofiride. 181

R. Judæ Mors. IV. 40

Judas Galilæus. 248

Judices iniqui. 569

*de Jure Naturæ illiusque*  
usu. 9. &c

Juramenta Judæorum. 388

Jurisconsulti in Parnasso. IV.

551

## K.

Kocher Jac. III. 495

*Kocheri Jac. Observ. Crit.*

*de terna Christi Interro-*

*gatione ad Petrum.* III.

365

Koenig Emmanuel. IV. 365

- - - Samuel Sam. fil. III.

488

*Koenigii Sam. Diss. an &*

*ubi de Cruce Christi Men-*

*tio fiat in V. T.* IV. 57

*Ejusd. Diss. de Hæresi*

*in genere & trihæresi Jud.*

*in specie.* 232

*Ejusd. Meditat. ad Pro-*

*phet. Jes. & Mich. Matth.*

*II. citatas.* III. 310

*Ejusd. Defensio Fidei Ni-*

*cænæ de vera Filii Dei æ-*

*ternitate.* 632

*In einer Knehmödie durch die Höl-*

*zel gezogenes Schweizerland.*

IV. 717

## L.

*Laufferi Jac. Dissert. de*

*Spolijs hostium Deo sacra-*

*tis & sacrandis.* 429

Launojus Jo. III. 381

Lectisternia. IV. 282. 284

*Leder-*

*Lederlini Joh. Henr. Me-*

letema de Templis argen-  
teis Dianæ Ephesinæ. 346

*Item de vñseia seu Jeju-*  
nio ad Act. XXVII. 9. 399

Legistæ in Parnasso. 551

Leibnizius defenditur. 95

- - - supralapsarius. III. 120

- - - Cum Puffendorff. concili-

atur quoad juris naturalis ori-  
ginem. 16

Lex Naturæ. 70

- - Leviratus. 38

Limborchii interpret. ad Rom.

V. 13. notatur. 69

*Linguarum Orientalium &*  
*Indicarum cognitio Theo-*  
*logo ad Indos profecturo*  
*necessaria. IV. 617*

*Linguarum Studium necess.*

III. 371

Litterarum Alphabeticarum Au-

ctores & Origines. IV. 326

Litteras Itali cui debeant. 339

Litterarum humaniorum necessi-  
tas. III. 413

Litteratorum diversa genera.

IV. 545

*Locarnensis Persecutio. 131*

Lothi incestus. III. 37

Longanimitas Christi erga Eccle-  
siam Judaicam. 325

Lucernæ Nomen. IV. 691

Lucorum Usus. III. 178

Lunæ Cultus. 177

Luxu Spiritus S. extinguitur.

210

Lyferus Polygamiz Propugnator

refutatur. 29. 30

*M.*

Madagascar. IV. 647

Mainardi Epistola ad Bullinge-  
rum. 195

Malaica Lingua. 633

Manipulus Hordeaceus. 269

Materialistæ refutantur. 79. 83

Mathematici in Parnasso. 562

Mechanici in Parnasso. 589

Medici. 547

Medicinales Vetulæ. ibid.

de Menfe. III. 601

Methodus Theologica. 235

Monumenta Veterum. IV. 262

*Morloti Marci Dissert. de*

*Idololatria gentili. 169*

pro Mortuis Sacrificia. 444

Motus primo primi. 113

du Moulin Joseph. Franc. de Mon-

tagni. 486

*Mulleri Emmanuelis Diff.*

*de Lite Michaelis cum Dia-*

*bolo. IV. 251*

*Mundi aternitas ex Novi-*

*tate artium refutata. 319*

Mundi finis. III. 521

Muhamedi de Polygamia Le-

ges. 28

- - - Errores unde cogno-

scendi. IV. 629

*de Muralto Oratio de Per-*

*secutione Locarnensi. 131*

a Muralt Martin. 143

- - - Barbara. 166

Masfarum Compellatio. 543

Musici in Parnasso. 562

Myfici in Parnasso. 561

*N.*

Natura corrupta. III. 74

*Necker*

*Necker Carol. Friderici*  
 sensus ad Axioma. Salus  
 Populi suprema Lex.

IV. 226

Neomeniz. III. 608

Neomeniarum causam Spencerus  
 hariolatur. 177

Nicolaus Martyr Locarnensis.

IV. 168

*Noachiticum Fœdus ejus-*  
 que Sacramentum Iris.

III. 502

Noachus. 511

Noachi septem Præcepta. 551

Numæ Pompilii piæ fraudes.

IV. 431

Numorum Veterum Nomina.

348

## O.

Obtestatio. III. 384

*Oecumenici Patriarchæ Ti-*  
 tulus. IV. 99

Officia hominis. III. 23

Oratoris sacri requisita. 229

Olygographia. IV. 565

## P.

Papæ Primatus ex Loco Joh.  
 XXI. 15. 16. 17. probari non  
 potest. III. 380

Papa quis. 691

Papæ Sec. XV. & XVI. notantur.

IV. 137

Paschalis Festi Ritus. 266

*Dominico ex Comitibus Pas-*  
*sionei* Gratulatio ob acce-  
 ptam pro Meritis Purpu-  
 ram oblata ejusque Vita  
 & Opera. 689

Pastorale Munus III. 228

Pavillard Daniel. 497

Pauli Div. Apost. Epitheta. 417

Paupertas virtutis & Industrie

Parens. IV. 514

Perey Joh. Petrus. III. 484

Perpetuæ Martyrium. 437. 445

Persecutionibus sublato- rum nu-

merus. IV. 136

Perseverantia fidelium. III. 685

Perficæ Linguae Usus. IV. 631

*Petrus Lapsus.* III. 681

*Pfaffi Christoph. Matthæi*

Diff. de voluntario Lud.

IV. Bavari & Friderici Pul-

chri Austriaci Imperii Con-

sortio. IV. 305

Philo de donariis. III. 85

Philonis Opuscula. IV. 488

Philosophia Mechanica. 549

Phœnices. III. 173

Platonis de Anima Sententia.

IV. 73

Plato statuit Ideas innatas.

III. 14

Poetz. IV. 553

Poiret notatur. 222

Pollux de λαιταργου. III. 85

Polygamiz ortus. 30

Polygamia Patriarcharum. 31. 34

Polygraphia. IV. 565

Polygamia an licita. 597

Polygamia Divortium & Ince-

stus contra Jus Naturæ pu-

gnant. III. 25

Pontificii ignorantiz Patroni.

IV. 466

Potterus Φυγη explicat. III. 78

- - - λαιταργον describit. 85

- - - de donariis citatur. 82

Præconis Sacri Descriptio.

IV. 691

Præsti-

Præstigiis vexatus Wolphius. IV. 518  
 Ex eodem Principio an Contra-  
 ria probari possint. III. 109  
 Primitiva & Primitiæ. 678  
 Puffendorffii Laus. II  
 Puffendorffius & Leibnizius con-  
 ciliantur in Sententiis de Ori-  
 gine Juris Naturæ. 16  
 Pulvinaria. IV. 288  
 Pythagoræ Sententia de Home-  
 ro & Hesiodo. 170

## R.

Rambach. 8  
 Reformati qui dici mereantur.  
 III. 104  
*Relandi Hadr. Dissertat.*  
*de Galli Cantu Hieros.*  
*audito.* IV. 35  
 Relandus de Sabbatho. III. 80  
 Religio vera. IV. 546  
 Religio non est Inventum politi-  
 cum. III. 308  
 Remus quare occisus. 477  
 Remi & Romuli fabulæ. 478  
 Resurrectio Mortuorum a Judæis  
 credita. 567  
 Rhea Vestæ consecrata. 466, 467  
 Rhetorica sacra. IV. 454  
 Rhodiginus de Præconibus Ver.  
 citatur. III. 90  
 Rihnerus Petrus. IV. 378  
*Ringier Henr. Dissert. de*  
*Fontibus Errorum.* 207  
*Ritus dimittendi Reum.*  
264  
 Riverda. 164  
*Rodolphi Job. Rud. Diss.*

*de Tempore, Die, Septi-*  
*mana, & Anno.* III. 572  
*Ejusd. Iridis Theoria Sa-*  
*cra.* 502  
 Rodolphi Sententia de supra &  
 infra lapsariis. 127  
 Romæ Judæi semper fuere. 658  
659  
 Romæ Foundationem proxime an-  
 tecedentes Causæ. 454  
 Ruelii Grammatica Singalæa.  
 IV. 650

## S.

Sabbathum excidii judæici. III.  
79  
 Sabbathi Judæi fuere observan-  
 tissimi. 80  
 Sacerdotum Spiritualium cum il-  
 lis in V. T. Comparatio. 95  
 Sacramenta a verbo non sepa-  
 randa sunt. 536  
 Sadducæi. IV. 242  
*Salchli Job. Rod. Dissert.*  
*de Fœdere Operum.* III.  
544  
 Saltatio Davidis. IV. 604  
 Salus Populi Suprema Lex. 226  
 Samaritanæ Linguae Usus. 627  
 Satisfactionis apud Romanos Te-  
 gitima Ratio. III. 376  
 Saturnus quis Veteribus. 177  
 Sceptici Stoici. IV. 564  
 Scheuchzeri Jch. Tetraſtichon.  
 III. 356  
 Schmidii Erasmi explicatio ad  
 Act. XXVII. 9. IV. 404, 408  
 Schvvarzius de voce *κηρυξ*  
 III. 90  
 Scientia nostra est imperfecta.  
 IV. 37  
*Scientiæ*



*Scientia Exotica* utiles earumque inimici refutantur. IV. 434. 454. 458  
 Scribaces in Parnasso. 545  
 Scripta Veterum periere malitia ignorantium. 465  
 S. Script. investiganda, etiam in his partibus quæ minutissimæ videntur. 54  
 S. Scriptura investiganda. III. 212  
 S. Scripturæ Interpretatio quomodo fieri debeat. 64  
 Scytharum Origo. 468  
 Secta. 141  
 Seldenus divortii Causas apud Jud. aperit. 39  
 Septenarius numerus. 198  
 Serapis. 188  
 Sinica lingua ejus Characteres eorumque numerus & modus pingendi. IV. 640. 641  
 Sinensium Conversio. 641. 642  
 Socinianorum Fundamenta. III. 137  
 Sociniani quales habendi. 142  
 Solis obscuratio tempore Ezechiz. 478  
 Spanhemii Testim. de supra & infra lapsariis. 126  
 Spiritus definitio. 198  
 " " est Deus. 199  
 Spiritus S. comparatio. 200. 201  
 ad Spiritum S. Preces. 197  
*de Spiritu non extinguendo*. III. 193  
*de Spoliis Hostium Deo sacratis & sacrandis*. IV. 429

Spolia opima Jovi Feretrio sacra. IV. 435  
 Spolia a Manubiis differunt. 434  
*Stapferi Joh. Friderici de Christi erga Ecclesiam Jud. incredulam Longanimitate*. III. 325  
 Stæhelinus Benedictus. IV. 377  
 Stipulatio. III. 382  
*de Stoicis subdolis Christianorum Imitatoribus*. 260  
 Stoicorum Principia. 285  
 Stoicis eadem Mens quæ Spinozæ. 288. 289  
 ad Studia Exhortatio. 220  
 Stylus Theologi. 237  
*Sulzeri Wolfgang. Jacobi Laudes*. IV. 503  
 Supplicationes Gentilium. 284  
 Superstitio. 546  
 Supralapsariorum Sententia. III. 125  
 Supralapsariorum Doctrina defenditur & adversariæ objectiones refutantur. 118. 123  
 Syriacæ Linguz Usus. IV. 66  
 Systematum Confectores in Parnasso. 550

T.

Templi Hierosolymit. *Ἀναθήματα* & ornamenta. III. 82  
*de Tempore, Die, Septimana & Anno*. 572  
 Ternate & Ternatana Lingua. IV. 644

B b b

Terra

- Terræ conditio ante Diluvium. III. 525  
 van Til supralapsarius. 127  
 Toniola Joh. IV. 361  
 Traitorrens Francisc, Frid. III. 482  
 Transubstantiatio. IV. 553  
*Tronchini Ludov. Orat. de Requisitis Doctoris Evangelii.* III. 232  
*Eschudis und anderer Witteren Spruch wegen derer zu Luggarus widerlegt.* IV. 197  
 Tubæ veterum. 16  
 Turcica Lingua. 631  
*Turretini Joh. Alphonsi Vita & Laus.* III. 242  
 Turrentini Francisci Sententiæ de supra & Infralaps. 127  
 Turretinus Samuel. 246  
 Tyrones in Parnasso. IV. 547  
 Typographeum ad insigne Pinus. 482  
 V.  
 Valentinus Franciscus. 657  
 Varnerius Castillioneus. 142  
 De admirando Opere *Vespasiani Augusti* in via Flamin. ad quintum a Foro Sempronii Lapidem. 710  
 Vilalpandus. 59  
 Vita æterna a Judæis credita. III. 567. 570  
 Vitis aurea. 83  
 Vituli cultus Israelit. 188  
 - - Jeroboami. 190  
 Ulpianus notatur. 16  
 Voces novæ in Ecclesia sunt causa Hæresium. IV. 217  
 Voluptas causa Hæresium. 218  
 Urstifi Chronicon. III. 58  
 Vota bellica. IV. 444  
 W.  
 Waldkirch Rod. 361  
 Wallæus Antonius. 657  
 Weissius Andreas. 380  
 Werenfels. Sam. 358. 386  
 Werenfelsii Testimonium de Logomachia laudatur. III. 239  
*Werndly Georg. Henricus.* IV. 617  
*Werndly Georg. Henrici Oratio inaugural. de cognitione Linguarum Orientalium & Indicarum Theologo ad Indos profecturo necessaria.* 617  
 Werthmoller Beat Paulinische Gottgelahrtheit. IV. 718  
 Wittenbach. Daniel. III. 498  
*Wolff Hieronymi Vita.* IV. 473. 503  
*Wolleb. Emmanuel Disquisitio Historica de Causis Romæ foundationem proxime antecedentibus.* III. 454  
 Wolphius de Sabbatho. 79  
 Wolphius Jac. 491  
*Wolphius Jac. de Animæ Essentia & libertate.* IV. 70  
 VAN

van de Worm Petrus. <u>638.</u> <u>645</u>	richtigen Maaß des Jahrs. 696
Wyffius Felix laudatur. III. <u>225</u>	Zelus verus. 241
Wyffius Joh. Jac. <u>158</u>	Ziegenbalg. Bartholom. IV. 651
	Zimmermannus laudatur. III. 158. <u>262</u>
Z.	
Zabzi. 172	Zvvingerus Rod. <u>364</u>
Zanchius Supralaps. <u>126</u>	Zvvinglius Supralaps. <u>125</u>
Zebenders Historische und Chronologische Nachricht von dem	- - - de Spiritu non extinguendo. 105

### Corrigenda.

- pag. 580. lin. 17. lege odisse pro odi.  
 pag. 586. lin. 5. lege quodque pro quique.  
 pag. 616. lin. 2. lege quæsitam pro quæsi tam.



144G 2020124



